

中華律藏

中華律藏

第十七卷

歷代大藏經律部文獻・中國撰述（人）

國家圖書館出版社





四分戒本約義序

昔庚辰歲予在杭之真寂欲效擊圭峯毗尼之要以示晚學卒以病阻迨今春自鼓山來寶善謝絕參請俱弘唱毗尼而已諸人以戒本請註作新戒方便予曰此宿志也故諾之發筆於仲秋初旬輟筆於孟冬末旬凡三閱月三脫稿而後成其中若事若義悉採之四分律藏所有開遮亦悉本佛制非敢妄以意裁也嗚呼是書之成乃在今日也耶今當此乾坤鼎革之際草昧未寧之秋白刃凌空橫尸遍野居民逃奔山谷且夕莫必其命而予乃力疾作此何哉蓋以人知世運之變其苦爲甚而不知法運之變其苦爲尤甚世運之變苦在一時法運之變苦在萬劫一時之苦禍止殺身萬劫之苦福極三途以此較彼豈百千萬億能及其一哉但人見已然不能見未然故於此則驚惶失措於彼則怡然苟安也予慨自天啓以來舊德凋喪晚進日趨日下如狂瀾之莫遏且又妄逞空見弁髦戒律不有防之後將安極予所以孳孳亟亟勉成此書未敢以世難阻也但思行此書於今

之世正如鼓瑟於齊王之門不鄙而嗤之則幸矣況敢望其依而習之手雖然此亦告朔之羊也或存或去是在仁者

昔歲次丙戌冬一陽月朔旦嗣曹洞正宗沙門元賢題於劍津之寶善菴

四分戒本約義目錄

卷一

戒經序

四波羅夷法

十三僧伽婆尸沙法

二不定法

卷二

三十尼薩耆波逸提法

九十波逸提法

卷三

九十波逸提之餘

四波羅提舍尼法

卷四

衆學法

七滅諍法

七佛偈

迴向頌

目錄終

四分戒本約義卷一

福州鼓山嗣祖沙門 元賢 述

四分者一比丘戒二比丘尼戒并受戒說戒三安居自恣等四房舍并雜毘尼等故名四分。毘尼此云法聚即分義也。戒本乃是初分比丘戒中佛制戒之語。半月衆所共誦者也。其源出疊無德部。疊無德此云法密部主之號也。先是佛成道後三十八年赴王舍城國王齋畢。羅睺洗鉢失手墮地碎爲五片。佛云此表我滅度後諸惡比丘將我律分爲五部也。後佛滅度百年後有優婆塞多尊者弟子五人各執已見果分律爲五部一疊無德部二薩婆多部三迦葉遺部四彌沙塞部五婆蹉富羅部。其古律則摩訶僧祇也。此本傳至唐凡有四本。宣律師所遵行乃姚秦陀施耶舍譯本。此本與律少有不同。故後有唐西太原寺僧懷素仍於律中撮出俗稱新律。新舊二律莫敢低昂。請旨欽定。二律并行。即今藏中二本是也。愚詳考之。義實無差。文有少異。今則并用二本。參定。非敢妄有增損。

損

稽首禮諸佛

及法比丘僧

今演毗尼法

令正法久住

將說戒經先說此偈。是爲說戒之序。律中全文尙多疑是部主疊無德所說。今省繁就簡。要不知何人所刪也。首二句歸敬三寶。以求冥加。次二句明說戒之本意。演宣說也。毗尼此云律。又云善治。是以律治罪也。令正法久住者。以戒爲定慧之基。解脫之要道。若不得戒。雖有禪定智慧。悉成魔外。故說戒則正法久住。不說則正法不久住也。

戒如海無涯

如寶求無厭

欲護聖法財

衆集聽我說

此歎戒德以勸其聽也。戒法廣大猶如大海。無有邊涯。其可貴重猶如珍寶。當勤求之。勿生厭倦。聖法財即成寶也。欲守護此戒。不至喪失。則當常聽此戒。庶常得策勵而戒可護也。

欲除四棄法

及滅僧殘法

障三十捨墮

衆集聽我說



此言戒能減罪以勸其聽也。戒若有毀犯。當常聽說戒。發露懺悔。則罪可得滅。障謂防障言。可防障而不至於墮也。戒有五篇。今止言三者。舉重以該輕耳。

毗婆尸式棄

毗舍拘留孫

拘那含牟尼

迦葉釋迦文

諸世尊大德

爲我說是事

我今欲善說

諸賢咸共聽

此言戒乃七佛同制。非後人妄立。故當共聽也。

譬如人毀足

不堪有所涉

毀戒亦如是

不得生天人

欲得生天上

若生人中者

常當護戒足

勿令有毀損

如御入險道

失輻折軸憂

毀戒亦如是

死時懷恐懼

此設喻以示毀戒之害。如人毀足。則不可行。毀戒則不能生天人。欲生天人。必須護戒。況入聖道乎。

又如御入險道。失輻折軸。則險不可出。毀戒則惡道不可出。臨死時惡相現。前必墮三途。有深懷恐懼而已。是知戒決不可毀也。輻車軸頭鐵也。

如人自矚鏡

好醜生欣戚

說戒亦如是

全毀生憂喜

如兩陣共戰

勇怯有進退

說戒亦如是

淨穢生安畏

此設喻以示說戒之益。如人矚鏡。則自見其好醜。好則欣而醜則戚。說戒則自見其全毀全則喜而毀則憂。又如兩陣共戰。勇則進而怯則退。說戒則淨者安而穢者畏。喜與安有增進之意。憂與畏有改悔之機。是說戒之益有如是也。

世間王爲最

衆流海爲最

衆星月爲最

衆聖佛爲最

一切衆律中

戒經爲上最

如來立禁戒

半月半月說

前重重誡勸已竟。此乃較量其勝功以結上文也。

小乘律中以比丘戒爲最。故云然。由此戒爲最。故如來立此禁戒。使半月半月必說之。所以警策昏怠而除滅愆尤也。

和合僧集會。答言。未受具戒者。出有即遣出。答言。未受具戒者。已出無答言。無不來。諸比丘說欲及清淨。答言。無說欲及清淨者。誰遣比丘尼來。請教誡。有欲請具答。無答。具僧淨者。誰遣比丘尼來。請教誡。此處無尼來。請教誡。今和合何所作爲。答言。說戒羯磨。

大德僧聽今白月十五日衆僧說戒若僧時到僧忍聽和合說戒白如是

此羯磨軌則也和合者律中云應來者來應與欲者與欲來現前人得呵不呵是名和合反此名不和合集會者律云當敷坐打撻椎三通盡大衆俱集一處未受下律中白在沙彌俱不許聽大僧說戒聽者得無量罪故遣之不來下律云比丘若有佛法僧事及有病看病人宜聽與欲與欲者聽其與人說欲也惟除結界及鄙事不與欲與者得罪其傳欲人在衆中整儀白云大德一心念今有某甲比丘自說清淨無諸障法爲病因緣如法僧事與欲清淨一說便止誰遣下佛以尼衆略味又闕于參訪許半月往僧中請教誡師其受囑人當于衆中整儀白云大德僧聽某處和合比丘尼差比丘尼某甲半月頂禮和合僧足求請教誡三說已僧中應爲擇教誡師作白差往如無堪者上座應作略教誡法告囑人云明日尼來請可不時報言昨夜爲尼逼請無堪者然上座有勸語諸尼衆精

勤行道謹慎莫放逸受囑者如法告于來尼尼回集衆宣上座勅已應合掌聽受答言頂戴奉行禮拜而退若尼半月不向僧乞教誡師者犯墮羯磨此云作法辦事乃白衆而作法也大德下正羯磨之語白月黑月者上半月爲白月下半月爲黑月僧時到謂當作法之時也忍聽謂忍許聽作羯磨也

諸大德我今欲說波羅提木叉諸大德諦聽善思念之若自知有犯者即應自懺悔不犯者默然默然者知諸大德清淨若有他問者即應如實答如是諸比丘在大衆中乃至三問憶念有罪不懺悔者得故妄語罪故妄語者佛說是障道法若比丘憶念有罪欲求清淨者當懺悔懺悔得安樂不懺悔罪益深

此令其憶念有罪而懺悔也波羅提木叉此云保解脫謂持此戒保任得解脫也又云別解脫謂三業七支因戒防非別得解脫也若有問者謂此三問之外別有事當衆審問者亦當如實而答也不懺悔得故妄語罪者以其自知有罪而故覆藏



雖未有語亦同有罪說無罪虛妄不實是障道法也。結突吉羅。

諸大德我已說戒經序今問諸大德是中清淨不三諸大德是中清淨默然故是事如是持。

此上通名戒經序下乃廣說戒相。

諸大德是四波羅夷法半月半月說戒經中來。

波羅夷此云棄謂犯此罪者永棄佛海邊外。

若比丘共比丘同戒不捨戒戒羸不自悔犯不淨行乃至共畜生是比丘波羅夷不共住。

須提那尊者因歲饑餓衆往故里乞食其母屢勸尊者捨道還俗尊者再三不允母云汝既不還可爲種子使汝種不斷于時佛未制戒尊者不知其過遂諾母命乃與妻三成其事後佛知故制共比丘同戒者謂共諸比丘同稟具戒也不捨戒者佛言比丘不樂淨行聽捨戒還家捨時對三寶前如法三唱而捨若狂亂心或對狂亂人前乃至天龍鬼神及不解如是語者前俱不成捨語而不了了者亦不成捨戒羸者戒多毀犯也戒多毀犯便當

勇猛懺悔戒體復完今又不能懺悔則惡且日長必至于犯不淨行矣不淨行即淫法也乃至共畜生者後因一比丘林中獨居與一雌獼猴交他比丘伺見白佛故兼制之凡比丘若犯一切男女人非人是道非道有隔無隔初入如毛頭許俱得波羅夷罪方便不入者偷蘭遮若有怨家強捉比丘行不淨行不受樂者不犯受樂者犯若比丘教彼比丘行不淨行彼比丘若作教者偷蘭遮不作教者突吉羅比丘尼犯者波羅夷式又摩那沙彌沙彌尼俱突吉羅滅擯若睡眠無所覺知及不受樂一切無有姪欲意者不犯波羅夷不共住者謂犯者不得與清衆共一說戒共一羯磨也盡犯此者卽當滅擯若有犯不覆藏者當退位在比丘後沙彌前不同一切比丘事不應授他人戒不得畜沙彌不得受他依止不得教誡比丘尼當自屈意調伏心行盡形壽不得離若證阿羅漢果方超入大僧位也。

若比丘在聚落中若閑靜處不與物盜心取隨不與

取法若爲王王大臣所捉若殺若縛若驅出國汝是賊汝癡汝無所知是比丘波羅夷不共住

檀尼迦尊者爲已造屋私取平沙王材木事發被攝國法盜五錢當論死王以比丘故但呵而遣之佛知故制凡物必人與方可取人不與而以盜心取則實盜也隨不與取法者謂依國王不與取之法而論罪也凡盜取一切財物值五錢離本處五尺犯棄五錢此土值銀一錢也若減五錢偷蘭遮若欲取而未取者偷蘭遮若方便破壞他物若倚親厚強力而取若以言辭誑詐而取若以呪術等力而取得五錢俱犯棄若減五錢若未得俱偷蘭遮若爲他人偷渡關稅作諸方便皆偷蘭遮若方便求得五錢犯棄不得偷蘭遮方便求得減五錢偷蘭遮不得突吉羅若教他人求五錢得五錢二俱犯棄不得二俱偷蘭遮若教他人求減五錢得減五錢二俱偷蘭遮不得二俱突吉羅若教人求五錢受教者得減五錢二俱偷蘭遮若方便教人求減五錢受教者得五錢受教者犯棄教者偷蘭

遮若方便教人求五錢受教者乃取異物五錢取者犯棄教者偷蘭遮若方便教人求五錢受教者謂是使取物無盜心取五錢教者犯棄受教者無犯若教人取物受教人謂教盜取得五錢受教者犯棄教者無犯若有主物有主疑無主物有主疑無主物無主疑取五錢俱偷蘭遮若有主物有主疑無主物有主疑無主物無主疑取減五錢俱突吉羅比丘尼犯者波羅夷式叉摩那沙彌沙彌尼俱突吉羅滅擯若與想取若已物想取若棄掃想取若暫取想取若親厚意取無犯

若比丘自手斷人命持刀與人嘆譽死快勸死咄男子用此惡活爲寧死不生作如是思惟種種方便嘆譽死快勸死是比丘波羅夷不共住

婆婁園諸比丘習不淨觀深厭色身遂欲自殺時有勿力迦難提比丘是外道種持刀入園比丘倩斷其命以衣鉢酬之由是死者相繼居士見之譏嫌佛知故制斷人命者簡非人也刀與人者知他欲自殺便以刀與之或以刀與彼令彼行殺也嘆



譽死者讚譽其死之善。快勸死者勸其速死也。咄男子下正快勸之辭。持刀與人下皆非自手殺而心實殺也。凡比丘若自殺教他殺。使禽獸殺毒藥殺。或方便坑陷以至用水火木石等斷其命者。皆犯棄方便不死者。偷蘭遮若殺天龍鬼畜生能變形者。犯偷蘭遮方便不死。突吉羅殺畜生波逸提。方便不死者。突吉羅若人疑非人。若人作非人想。若非人。人想若非人。疑人殺之。俱偷蘭遮。比丘尼犯者。波羅夷。式叉摩那沙彌沙彌尼俱突吉羅滅。擯若擯刀杖瓦石等誤殺者。一切無害心而死者俱無犯。

若比丘實無所知而言我得上人法。我已入聖智勝法。我知是我見。是彼於異時若問若不問。欲自清淨故作如是說。我實不知不見。言知言見。虛誑妄語。除增上慢是比丘波羅夷不共住。

因歲饑乞食難得。佛命隨處安居。時婆蹉園比丘竊作方便希易得。故乃向居士家說我得上人法等上人法。猶云過人法。聖智勝法。謂聲聞四果四

智之法也。我知是我見。是即指聖智勝法而言。彼於異時下對人發露之辭。縱能發露猶結棄罪。除增上慢者。因一比丘耻未得道妄言已得。後以精進故證阿羅漢果。疑前妄語犯棄因白佛。佛為開之。為是增上慢心故作是說。非虛誑以希利養者。此也。凡比丘向人說得上人法等語。前人知者。波羅夷。前人不知者。偷蘭遮。若以手印若書信若遣使若作相。彼知者波羅夷。不知者偷蘭遮。若實得道向不同意人說。突吉羅。比丘尼犯者波羅夷。式叉摩那沙彌沙彌尼俱突吉羅滅。擯若實得向同意人說。若向人說諸法而不言我得。不犯。

諸大德我已說四波羅夷法。若比丘犯一一波羅夷法。不得與諸比丘共住。如前後亦如是。比丘得波羅夷法不應共住。

如前謂如半月前犯者。皆波羅夷不共住。後亦如是。是者謂此半月後有犯。皆同此結罪也。

今問諸大德是中清淨不三

諸大德是中清淨默然。故是事如是持。

諸大德是十三僧伽婆尸沙法半月半月說戒經中來

僧伽此云衆婆尸沙此云殘犯此罪者已幾于棄如人爲他所斫而未斷咽喉僅存殘生理宜速救也

若比丘故弄陰出精除夢中僧伽婆尸沙

迦留陀夷欲心熾盛乃弄陰失精佛知故制後有一比丘夢中失精疑犯此戒白佛佛爲除之凡弄陰未失精者偷蘭遮若比丘教他失精教者偷蘭遮若不失突吉羅若教餘人失不失俱突吉羅比丘尼犯者波逸提式叉摩那沙彌沙彌尼俱突吉羅若不弄而自失者不犯

若比丘姪欲意與女人身相觸若捉手若捉髮若觸一身分者僧伽婆尸沙

迦留陀夷於房門外伺諸女人至引入看房遂與身相摩觸佛知故制若捉手下皆身相觸也與一切女人身相觸一觸一僧殘若以衣服等觸其身分偷蘭遮若以衣服觸衣服者突吉羅若與天女

阿修羅女鬼神女龍女畜生女能變形者相觸皆偷蘭遮畜生女不能變形者突吉羅若與男子相觸突吉羅若與二形相觸偷蘭遮若人女非人女想非人女人女想非人女疑人女俱偷蘭遮比丘尼犯者波逸提式叉摩那沙彌沙彌尼俱突吉羅若誤相觸無淫欲意不犯

若比丘姪欲意與女人應惡姪欲語隨惡姪欲語僧伽婆尸沙

迦留陀夷因佛制不得相觸乃引女人入房向彼說粗惡姪欲語佛知故制隨其語之多少了了者一語一僧殘不了了者偷蘭遮若其語在二道之外不甚粗惡者偷蘭遮若天女修羅女鬼神女龍女畜生女能變形者及二形黃門向說惡語彼知者偷蘭遮不知者突吉羅若作手印若書信若遣使若現相彼知者偷蘭遮不知者突吉羅向畜生不能變形者說粗惡語突吉羅向男子說粗惡語突吉羅人女疑非人女人女作非人女想非人女作人女想非人女疑是人女俱偷蘭遮比丘尼



犯者偷蘭遮式又摩那沙彌沙彌尼俱突吉羅若  
向女人說言女身不淨等不犯

若比丘姪欲意於女人前自嘆身言大妹我修梵行  
持戒精進修善法可持姪欲法供養我如是供養第  
一最如是語者僧伽婆尸沙

迦留陀夷因佛制不得向女人說惡姪欲語乃  
向諸女人自嘆譽其身之德索欲供養佛知故制  
若向女人嘆身索欲語了了者一語一僧殘不了  
了偷蘭遮若嘆身索供養而不索欲者若除二道  
外令別作供養者偷蘭遮若作手印若書信若遣  
使若現相彼知者僧殘不知者偷蘭遮若天女修  
羅女乃至畜生女能變形者向說而了了者偷蘭  
遮不了了者突吉羅若手印等彼知者偷蘭遮不  
知者突吉羅向畜生不能變形者嘆身突吉羅向  
男子歎身突吉羅若人女疑非人女若人女作非  
人女想非人女作人女想非人女疑人女俱偷蘭  
遮比丘尼犯者偷蘭遮式又摩那沙彌沙彌尼俱  
突吉羅

若比丘往來彼此媒嫁持男意語女持女意語男若  
爲成婦事若爲私通乃至須臾頃僧伽婆尸沙

羅閱城有比丘迦羅善知俗法嘗爲人作媒嫁城  
中居士便言釋子善爲媒嫁比丘白佛佛爲制戒  
若比丘自受語自往彼語還報者僧殘往彼語而  
不還報者偷蘭遮若聞語往彼說還報者僧殘不  
還報偷蘭遮若作書遣使指印現相往來皆同罪  
若與語而不受便往彼說還報偷蘭遮若受語不  
往彼語不還報突吉羅若不受語往說不還報突  
吉羅其還報語若言已嫁與他若言至餘處若言  
死若言賊將去若言無一切偷蘭遮若言癩病若  
言癰病若言白癩乾消癩狂若言痔道有瘡及膿  
出不斷一切僧殘若比丘一反媒嫁人女僧殘隨  
媒嫁多少說而了了者一一僧殘若不了了偷蘭  
遮媒嫁畜生突吉羅媒嫁男突吉羅若比丘持他  
書往不看者突吉羅若爲白衣作餘使命突吉羅  
比丘尼罪同式又摩那沙彌沙彌尼突吉羅不犯  
者若夫婦離別爲還合若爲父母疾患者若在獄

看書持往若爲信心居士病若繫在獄看書持往  
若爲佛法僧塔若爲病比丘看書持往無犯

若比丘自乞作屋無主自爲已當應量作是中量者  
長佛十二磔手內廣七磔手應將餘比丘往看處所  
彼比丘當指示處所無難處無妨處若比丘有難處  
妨處自乞作屋無主自爲已不將餘比丘往看處所  
若過量作者僧伽婆尸沙

佛在耆闍崛山聽諸比丘自作屋有一比丘大作  
屋繁索信施施主避避又一比丘爲自作屋手砍  
大樹彼樹神念樹被砍子孫無依欲打比丘又恐  
得罪來白佛佛嘆言善哉若打持戒比丘獲罪無  
量今恒河邊有一大樹名娑羅其神始命終汝可  
速往居止佛因制戒盡無主則必乞之於人自爲  
已則非爲廣衆豈可廣索財物而過量作屋哉磔  
者張手一跨也佛一磔手准今尺一尺六寸將餘  
比丘者將餘知法比丘也彼比丘即知法者也難  
處謂獅子虎狼盜賊惡國界惡國王下至虫蟻多  
處是也妨處謂有妨礙之處如田園屋宅道路丘

墓等及尼庵酒肆王臣外道往來遊戲等處是也  
若比丘下結罪不將餘比丘指示造屋是一僧殘  
過量作是一僧殘有難有妨處二突吉羅作而未  
成者二偷蘭遮二突吉羅若教人作成者二僧殘  
二突吉羅教人作而未成者二偷蘭遮二突吉羅  
爲他人作成者二偷蘭遮二突吉羅作而未竟者  
四突吉羅比丘尼犯者偷蘭遮式叉摩那等俱突  
吉羅若作佛殿講堂及爲廣衆作過量者不犯  
若比丘欲作大房有主爲已作應將餘比丘往看處  
所彼比丘應指示處所無難處無妨處若比丘有難  
處妨處作大房有主爲已作不將餘比丘往看處所  
者僧伽婆尸沙

因闍陀尊者與優填王友善王欲爲作大房近拘  
睢彌城有尼拘律神樹行人車馬往來皆止息其  
下尊者往伐作屋人皆譏嫌佛知故制作大房出  
施主意過量作無犯但當請僧指授處所無難與  
妨可也此中無僧指授是一僧殘有難有妨是二  
突吉羅作而未成一偷蘭遮二突吉羅若教人作

成者一僧殘二突吉羅未成者一偷蘭遮二突吉羅爲他作者一偷蘭遮二突吉羅作而未成者三突吉羅比丘尼犯者偷蘭遮式又摩那沙彌沙彌尼俱突吉羅若王自作者不犯

若比丘以瞋恚所覆故非波羅夷比丘以無根波羅夷法謗欲壞彼清淨行彼於異時若問若不問知此事無根說我瞋恚故作是語若比丘作是語者僧伽婆尸沙

查婆摩子尊者爲衆知臥具房舍器物及次第差僧受食有慈地比丘來居最下座所得惡房惡臥具次日差受食又得惡食便生瞋恚謂尊者有愛憎心託妹慈比丘尼以無根波羅夷謗佛差僧詰實因制戒無根者無見根無聞根無疑根也三者俱無而妄以波羅夷謗說而了了者僧殘不了了者偷蘭遮若手印書信遣使作相等彼知者僧殘不知者偷蘭遮除四重外以非法謗者結罪亦同若謗比丘尼僧殘謗式又摩那沙彌沙彌尼俱突吉羅比丘尼犯者僧殘式又摩那沙彌沙彌尼俱

突吉羅

若比丘以瞋恚故於異分中取片非波羅夷比丘以無根波羅夷法謗欲壞彼清淨行彼於異時若問若不問知是異分中取片是比丘自言我瞋恚故作是語作是語者僧伽婆尸沙

卽前慈地比丘事僧以無根治罪後在耆闍崛山下見二羊相交自言羝羊是查婆摩子母羊是慈比丘尼遂復謗言親見其事非無根也佛審實因制戒異分猶云他分言非彼親分也凡同姓同名同貌而實非者皆名異分取片者於他分中取少分以生謗也結罪同上

若比丘欲壞和合僧方便受壞和合僧法堅持不捨彼比丘應諫是比丘言大德莫壞和合僧莫方便壞和合僧莫受壞和合僧法堅持不捨大德應與僧和合歡喜無諍同一師學如水乳合於佛法中有增益安樂住是比丘如是諫時堅持不捨彼比丘應三諫乃至三諫捨者善不捨者僧伽婆尸沙

提婆達多欲殺佛而未能力作壞僧法以誘衆從



已佛因制戒初句欲壞和合僧出其本意也方便受壞和合僧法言受方便壞僧之法也方便壞和合僧法提婆凡有五事一盡形乞食二盡形著糞掃衣三盡形露坐四盡形不食酥鹽五盡形不食魚肉此五法似善而心在壞和合僧則矯詐也又凡法說非法說法說律說非律非律說律乃至別設因緣破散僧衆者皆壞和合僧法也三諫不捨者僧殘以欲壞未壞故若果壞則罪同七逆非止此也然亦須白四羯磨作白竟捨者一偷蘭遮一羯磨捨者二偷蘭遮二羯磨捨者三偷蘭遮三羯磨竟僧殘若初白未竟捨者突吉羅一切未白時方便欲壞和合僧等皆突吉羅若僧爲作羯磨時有比丘教莫捨者偷蘭遮未羯磨時教莫捨者突吉羅餘四衆人教者盡突吉羅比丘尼犯者僧殘式又摩那沙彌沙彌尼俱突吉羅若破非法非律一切惡友不犯

若比丘有餘伴黨若一若二若三乃至無數彼比丘語是比丘言大德莫諫此比丘此比丘是法語律語

此比丘所說我等喜樂我等忍可彼比丘應諫是比丘言大德莫作是說言此比丘是法語律語此比丘所說我等喜樂我等忍可何以故此比丘非法語非律語大德莫欲壞和合僧汝等當樂欲和合僧大德與僧和合歡喜不諍同一師學如水乳合於佛法中有增益安樂住是比丘如是諫時堅持不捨彼比丘應三諫乃至三諫捨者善不捨者僧伽婆尸沙

提婆餘黨有四一名三文陀達多二名耆茶達婆三名拘婆離四名迦留羅提舍此其黨之上首也從亦應多前提婆欲壞和合僧而清衆屢諫此邪黨助其所壞反諫清衆言莫呵提婆達多佛聞故制彼比丘下乃邪黨諫清衆之辭此比丘指提婆也彼比丘應諫下乃清衆轉諫邪黨之辭莫欲壞和合僧出其意也汝等下勸其和合也是比丘下結罪白四羯磨捨不捨結罪同上餘結罪亦同上若比丘依聚落若城邑住行惡行汗他家亦見亦聞諸比丘當語是比丘言大德行惡行汗他家亦見亦聞今可遠此聚落去不須住此是比丘語彼比丘言

大德今諸比丘有愛有恚有癡有如是同罪比丘有驅者有不驅者諸比丘諫言大德莫作是語言諸比丘有愛有恚有癡有如是同罪比丘有驅者有不驅者而諸比丘不愛不恚不癡不癡大德行惡行汗他家亦見亦聞是比丘如是諫時堅持不捨彼比丘應三諫乃至三諫捨者善不捨者僧伽婆尸沙

起自阿濕婆富那婆婆二比丘在騎連村舍住行惡行汗他家自種花木灌溉滴華作響持送與人教人亦爾又與女人同坐同飲食乃至戲笑歌舞行動之際全無威儀俗皆喜樂有清淨比丘具威儀者至彼乞食反不得食回白佛佛乃差目健連舍利弗領眾往與作擯羯磨二比丘言僧有愛恚二尊者回白佛佛更遙呵制戒行惡行即上種花木等汗他家有四一依家汚家謂比丘向人家得物與一家不與一家與者喜不與者嘆二依利養汚家謂比丘如法所得利養與一家不與一家與者喜不與者嘆三依親友汚家謂比丘與王臣友

善護一家不護一家護者喜不護者嘆四依僧寺汗家謂比丘取僧物與一家不與一家與者喜不與者嘆諸比丘當語下諫而驅之也是比丘下乃犯戒者自遮之辭有愛故不驅有恚故強驅有怖故不敢驅有癡故不知當驅不當驅所以犯罪同而驅不驅有異也諸比丘諫言下證入其罪也是比丘下結罪白四羯磨捨與不捨結罪同上餘結罪亦同上若為三變常住種花木作供養等不犯若比丘惡性不受諫語於戒法中諸比丘如法諫已自身不受諫語言諸大德莫向我說若好若惡我亦不向諸大德說若好若惡諸大德且止莫諫我彼此諫是比丘言莫自身不受諫語大德自身當受諫語大德如法諫諸比丘諸比丘亦如法諫大德如是佛弟子眾等增益展轉相諫展轉相教展轉懺悔是比丘如是諫時堅持不捨彼比丘應三諫乃至三諫捨者善不捨者僧伽婆尸沙

起自闍陀尊者惡性不受戒若有諫者便言大德莫諫我我應教汝且云我是聖主得正覺故佛知

故制言諸大德下正不受諫之辭。彼比丘諫下。乃諸比丘正諫之辭。是比丘下結罪。白四羯磨。捨捨結罪。同上餘結罪。亦同上。若彼言非法。非律。則不受諫者。不犯。

諸大德。我已說十三僧伽婆尸沙法。九戒初犯。餘至三諫。若比丘犯一一法。知而覆藏。應與波利婆沙行。波利婆沙竟。增上與六夜摩那捶。行摩那捶。竟。應與出罪。當二十僧中。出是比丘罪。若少一人。不滿二十衆。是比丘罪。不得除。諸比丘亦可呵。此是時。

此總結前罪也。前九戒初犯。即得僧殘。後四戒必三諫。不捨。方得僧殘。波利婆沙。此云別住。謂諸比丘不與同僧事。同起止也。犯罪者若覆藏。當隨其覆藏之日。多少強罰。行別住法。行別住。竟。與六夜摩那捶。摩那捶。此云意喜。謂別住。竟。罪將出。歡喜行此。行也。又云極苦。卑劣。行謂當於晨朝。洒掃。佛塔。僧院。洗僧大小便處。又不得與欲。不得受。他人欲。不得比丘前後。行不得受。一切人禮拜。不得與人說法。論義等。應持破舊衣鉢。應當禮拜。大僧云。

大德某甲犯某僧伽婆尸沙。望大德與某甲出罪。行六夜。竟。應與二十僧中出罪。若少一人。罪不得出。僧亦得呵也。若犯而不覆藏者。直與六夜摩那捶。

今問諸大德是中清淨不三

諸大德是中清淨默然。故是事如是持。

諸大德是二不定法。半月半月說戒。經中來。

不定者。於三法中。不定治當審實其罪也。

若比丘共女人獨在靜處。覆處可作姪處。坐說非法。語有住信優婆夷。於三法中。一一法說。若波羅夷。若僧伽婆尸沙。若波逸提。是坐比丘自言。我犯是罪。於三法中。應一一法治。若波羅夷。若僧伽婆尸沙。若波逸提。如住信優婆夷。所說。應如法治。是比丘是名不定法。

迦留陀夷未出家時。與親友婦。齋優婆夷。通既出家。猶與往來。一日往其家。於屏處同坐。說非法。爾有住信優婆夷。窺見。白佛。故制靜處。謂無人處。覆處。謂弗現露處。無人且弗現露。是可作姪處也。住。

信者謂住於信實不妄語也。若者不定之辭。於三法中。隨住信者。實舉其犯罪之相。俟知律者定罪也。于中行姪者。犯棄說非法語者。犯僧殘。但同坐而無前二者犯墮。是坐比丘下。乃犯者領罪之語。若比丘一一自言。當如自言治。若比丘不一自言。當用覓罪相毗尼治。若比丘先在屏處坐。女人來問訊禮拜者。不犯。但當速遣出。若同坐者。亦犯墮。

若比丘共女人在現露處。不可作姪處坐。說惡語。有住信優婆夷。於二法中。一一法說。若僧伽婆尸沙。若波逸提。是坐比丘自言。我犯是罪。於二法中。一一法治。若僧伽婆尸沙。若波逸提。如住信優婆夷所說。應如法治。是比丘是名不定法。

此條犯者。舉者皆同前人。但在不可作姪之處。故無波羅夷止。隨二法治也。

諸大德。我已說二不定法。今問諸大德。是中清淨不

諸大德。是中清淨默然。故是事如是持。

四分戒本約義卷二

福州鼓山嗣祖沙門 元賢 述

諸大德。是三十尼薩耆波逸提法。半月半月說戒經中來。

梵語尼薩耆。此云捨波逸提。此云墮。此三十事。皆在衣物上犯罪。當墮。覆障燒爇地獄。今制令罰其衣物。向僧中捨。則免墮也。界內僧或多人。或一人。俱可捨。但不得別衆捨。別衆者。謂四人已上。私出界外。別爲一衆也。若向別衆捨。犯突吉羅。既捨衣。已當于衆中乞懺悔。乞已。當請一人爲懺悔主。其人須是清淨比丘。方可。亦不得遽受懺。必先白衆。白已。然後受懺。受懺已。衆中當還此比丘衣。還衣之法。有二種。一是即座展轉付還。一是直付還其所犯之事。或是畜長衣。經十日。畜非時衣。過一月。畜急施衣。過十日。畜長鉢。過十日。畜藥。過七日。此五事。當即座展轉付。又或他人有事欲還。行不能延至明日者。僧中可問言。此衣捨與誰。答言。捨與某甲比丘。僧即以此衣與之。然後爲作白二羯磨。



還此比丘衣若非前五事者應用直付法僧中作白二羯磨直以此衣還之若是前五事其人無遠行因緣可延至明日者亦作直付還惟野鷲綿作臥具不可還應斬碎塗墜及捶餘皆當還若捨衣不還者突吉羅若有言莫還者突吉羅若轉與人者若作別衣用者或為損壞者盡突吉羅

若比丘衣已竟迦絺那衣已出畜長衣經十日不淨施得畜若過十日尼薩耆波逸提

佛制比丘持三衣不得長長衣者長如來八指廣四指即為長也時佛墮下有六群比丘一名難陀二名跋難陀三名迦留陀夷四名闍陀五名馬宿六名滿宿此六群皆畜長衣早晚更換以為莊嚴佛知故制衣已竟者三衣已足也迦絺那衣此云慶賀衣一名功德衣以九旬安居功德勝故檀越持新衣慶賀之此衣五條十隔七月十六日解制後受受此衣者許離衣宿畜長衣受別謂等至臘月十五日隨分捨與沙彌等故云已出捨過此衣復受三衣不許離衣宿不許畜長衣當作淨施若

不淨施轉賣與人者捨墮加突吉羅經十日得畜者因阿難得賣價衣欲奉迦葉適迦葉未還阿難欲畜恐犯此過乃往白佛佛問迦葉幾時回答云十日佛即聽許十日得畜若一日得衣二日乃至十日亦得衣畜至十一日明相出時俱犯捨墮比丘尼犯者罪同式叉摩那等俱突吉羅

若比丘衣已竟迦絺那衣已出於三衣中若離一衣異處宿除僧羯磨尼薩耆波逸提

六群比丘出遊人間以三衣寄親友比丘彼此丘為搬晒他比丘見之白佛故制離一一衣異處宿者於三衣中隨離一衣即犯捨墮除僧羯磨者因一病比丘有事欲往人間糞掃衣重不能持乃白佛佛為作白二羯磨結不失衣法故不犯也若三衣外離餘衣突吉羅比丘尼犯者罪同式叉摩那等俱突吉羅若明相未出手捉衣或為事難所拘或衣在櫛石所及處無犯

若比丘衣已竟迦絺那衣已出得非時衣欲須便受受已疾疾成衣若足者善不足者畜經一月為滿足

故若過畜者尼薩著波逸提

佛制畜長衣不過十日有一比丘大衣壞十日不能辦故衣不能即捨乃白佛聽畜一月爲滿足造衣故非時衣者謂非施衣之時也施衣時者自恣後無迦絺那衣一月有迦絺那衣五月也比丘尼犯者罪同式叉摩那等俱突吉羅

若比丘從非親里尼取衣除貿易尼薩著波逸提

蓮華色比丘尼見一比丘著弊衣起慈愍心脫已所著實價衣易彼衣自著之來親佛佛問何著弊衣耶尼以實答佛言汝衣滿足有餘聽施何以故婦人著上衣猶有所嫌況弊衣耶故爲制戒後諸比丘俱不敢取親里尼衣故佛更加非親里之言除貿易者因祇林中二部得施衣共分其衣有不宜身者尼持來與比丘換比丘不敢換因白佛佛爲開除比丘尼及式叉摩那等犯者俱突吉羅若比丘使非親里尼浣故衣若染若打尼薩著波逸提

因迦留陀夷與偷蘭難陀比丘尼彼此相看出不

淨汚五衣尼爲浣洗事甚猥穢諸尼嫌之白佛故制後諸比丘不敢使親里尼浣染佛更加非親里之言此中使浣染打者三捨墮使而尼未浣染打者三突吉羅若減一減二做此推之可見若使非親里尼浣染打新衣者三突吉羅若使非親里式叉摩那沙彌尼浣染故衣亦突吉羅比丘尼及式叉摩那等犯者俱突吉羅若病無親里尼使非親里尼浣染打若借他衣浣染打者不犯

若比丘從非親里居士若居士婦乞衣除餘時尼薩著波逸提餘時者若比丘奪衣失衣燒衣漂衣是謂餘時

舍衛城有一長者與跋難陀友善一日至祇園謁之尊者爲說法大歡喜欲有所施尊者却之彼固請云欲何所須尊者云惟當施汝所著衣彼云待明日來我家當相與今入城不可無外師故尊者言且止我不復須彼不獲已脫衣別去入城時門卒問何無外衣訛言祇園門外被賊劫去聞者譏嫌佛聞故制後諸比丘不敢從親里居士索衣故

更加非親里之言除餘時者有比丘夏安居竟來見佛晝熱夜行被賊劫衣裸形入城與比丘借衣見佛故佛開奪衣失去燒衣漂衣等時也比丘尼犯者罪同式又摩那等俱突吉羅此方從居士索衣不強取無犯居士自與者亦無犯

若比丘奪衣失去燒衣漂衣若非親里居士居士婦自恣請多與衣是比丘當知足受若過受者尼薩耆波逸提

時有多比丘被盜劫去衣赤身至祇園諸居士聞知多持衣來施有他比丘胃取轉與六群比丘佛聞故制自恣請者自發心盡意請問也多與衣者願多施與衣不限取一取二也若失一衣不應取若失二衣餘一衣若是三重三重四重應擲作若三衣俱失應知足受隨居士所與衣受之若衣細薄不牢者可取作二重三重四重當肩上当安緣或貼障垢膩或安鈎鈕過受者捨墮比丘尼犯者罪同式又摩那等俱突吉羅

若比丘居士居士婦為比丘辦衣價買如是衣與某

甲比丘是比丘先不受自恣請便到居士家作如是說善哉居士為我辦如是衣價與我為好故若得衣者尼薩耆波逸提

跋難陀聞一居士夫婦私議為辦衣價跋難陀以貪好故即至其家囑辦實價衣居士嫌云我方私議未來恣請何遽至作是說耶佛聞故制得衣犯捨墮不得衣突吉羅比丘尼犯者罪同式又摩那等俱突吉羅

若比丘二居士居士婦與比丘辦衣價買如是衣與某甲比丘是比丘先不受自恣請到二居士家作如是說善哉居士辦如是衣價與我共作一衣為好故若得衣者尼薩耆波逸提

跋難陀聞二居士家各與辦衣價以貪好故即至二家囑令合作一衣彼意謂二家合作一衣則二家不須增價而我得好衣又可免前罪也二居士交嫌之佛聞并制得衣捨墮不得衣突吉羅比丘尼犯者罪同式又摩那等俱突吉羅

若比丘若王若王大臣若婆羅門若居士居士婦違

使爲比丘送衣價。使至比丘所。語言大德。今爲汝故。送是衣價。可受取。是比丘應語。彼使言。我不應受。此衣價。我若須衣。合時清淨。當受。彼使語。比丘言。大德。有執事人。不須衣。比丘應言。有若守僧伽藍。民若優婆塞。此是比丘執事人。彼使詣執事人。所與衣價。已還到比丘所。言大德。所示某甲執事人。我已與衣價。竟大德。知時。往彼當得衣。須衣。比丘當往執事人所。若二反三反。爲作憶念。應語言。我須衣。得衣者。善。若不得衣。應四反五反六反。在前默然住。令彼憶念。得衣者。善。若不得衣。過是求得衣者。尼薩耆波逸提。若不得衣。從所得衣價處。若自住。若遣使往。語言。汝先遣使送衣價與某甲。比丘是比丘。竟不得衣。汝還取。莫使失。此是時。

跋難陀尊者與一大臣友善。大臣遣使送衣價與尊者。尊者卽遣使送一長者收掌之。異時大臣問使言。前所送衣價。曾造衣。不使答言。未造。大臣重遣使問。故尊者聞。知疾往。長者家取價造衣。長者適有事出門。聞取衣價。乃曰。少待。回時。今有約。若

去。還罰金錢五百。尊者固不允。長者不得已。取衣價與之。然後去。以還故。罰金錢五百。衆皆譏。嫌佛知故。制我不應受者。以佛制。比丘不許手受金銀錢等也。合時清淨。當受者。如下文。得衣者。善。是也。過求而得。捨墮不得。突吉羅。比丘尼犯者。罪同式。又摩那等。俱突吉羅。

若比丘糴野。蠶綿作臥具。尼薩耆波逸提。

六群作臥具。用野蠶綿。至養蠶家。買蠶家。云。蠶未熟。少待。彼比丘日待其。傍蠶家。以急。故日。曝。蠶。蠶。煩。熱。作。露。居士見之。譏。嫌。佛。聞。故。制。成者。捨。墮。未成。突吉羅。教他作者。亦爾。爲他人作。成不成。俱突吉羅。若僧中。捨時。應以斧。砍。碎。和泥。塗。壁。及。捶。比丘尼犯者。罪同式。又摩那等。俱突吉羅。若得已成者。不犯。

若比丘以新純黑羶羊毛。作臥具者。尼薩耆波逸提。毗舍離城諸年少邪姪。多欲以純黑羶羊毛。作。毼。被。體。夜行。使人。不見。六群效之。亦以純黑羶羊毛。作臥具。諸年少見而嫌之。云。我等好姪。故作此比。



丘亦好淨耶。佛聞故制。雞羊胡羊也。成不成等。結罪同上。比丘尼及式叉摩那等犯者。俱突吉羅。若得已成者。不犯。

若比丘作新臥具。應用二分純黑羊毛。三分白四分。撓若比丘不用二分黑三分白四分。撓作新臥具者。尼薩耆波逸提。

六群比丘以純白羊毛作新臥具。居士見之。譏嫌。謂如王如大臣等。佛聞故制。撓音忙黑。白雜色。牛也。俗本作虺。非是。今依藏本。正之。成不成結罪同上。比丘尼及式叉摩那等犯者。俱突吉羅。若得已成者。不犯。

若比丘作新臥具。應六年持。若減六年不捨。故更作新者。除僧羯磨。尼薩耆波逸提。

六群比丘多畜臥具。不捨故。常營新者。佛知故。制除僧羯磨者。時有一病比丘。欲有所往。以舊具重難持。白佛。佛爲作白二羯磨。許重作成。不成結罪同上。比丘尼及式叉摩那等犯者。俱突吉羅。若得已成者。若捨故更作者。不犯。

若比丘作新坐具。當取故者。縱廣一磔。手搥新者。上用壞色。故若比丘作新坐具。不取故者。縱廣一磔。手搥新者。上用壞色者。尼薩耆波逸提。

佛一日不受請。盡諸比丘受請。佛常規比丘受請。後徧探諸房。見故坐具。處處狼藉。乃制。用壞色故者。以舊具色。壞取搥新者之上。則可壞新者之色。而舊者亦得所用也。成不成結罪同上。比丘尼及式叉摩那等犯者。俱突吉羅。或他人已成者。無犯。無舊具者。亦無犯。

若比丘行道中。得羊毛須者。應取。若無人持。得自持行。三由旬。若無人持。自持過三由旬。尼薩耆波逸提。跋難陀行路中。多得羊毛。貫杖頭。行俗見譏嫌。謂如販羊毛客。佛知故。制一由旬四十里也。無人持。自持若過三由旬。捨墮。若有人持。比丘於此中間。不得助持。助持者。突吉羅。若令比丘尼式叉摩那沙彌沙彌尼持過三由旬。突吉羅。除羊毛持他物過三由旬。亦突吉羅。比丘尼及式叉摩那等犯者。俱突吉羅。若擔衣帽草屣等。無犯。

若比丘使非親里尼浣染壁羊毛者。尼薩耆波逸提。六群比丘使僞曇彌比丘尼浣染壁羊毛。因覲佛。佛見其手黑。問故。尼以實對。因制使非親里尼浣。染前已有制。今重制壁羊毛。壁者分折揀理之也。浣染壁俱犯三捨。墮犯二則二捨。墮犯一則一捨。墮使而未浣染壁者。三突吉羅。餘可知。若使非親里式。又摩那沙彌尼者。俱突吉羅。比丘尼及式。又摩那等犯者。俱突吉羅。若為病人為衆僧不犯。若比丘自手取金銀若錢。若教人取。若置地。受若口可受者。尼薩耆波逸提。

跋難陀到居士家居。士以錢買食。與難陀。難陀不願食。祇手索取錢。持寄市肆。為俗議嫌。佛知故。制置地受者。因手不受。乃令置地受也。口可受者。雖手未受。而口言受也。凡施金銀錢等。不應手受。應送至守闍人或優婆塞。謂之作淨。彼人取已。還送比丘。當受勅淨人掌之。若彼人不還。應令餘比丘語言。佛教為淨。故與汝。應還彼比丘物。或餘比丘不語者。當自往語言。佛教為淨。故與汝。應還我物。

今可與僧與塔與和尚與阿闍黎等。或不聽者。可告本主。取回。莫失彼信。施若如是。作法者無犯。若比丘不語。彼人知是看是者。突吉羅。比丘尼犯者。罪同。式又摩那等。俱突吉羅。若為作屋求林木。或道路中為糧。故持金銀等。或令淨人持。俱無犯。若比丘種種賣買金銀寶物者。尼薩耆波逸提。

跋難陀往市肆上。以錢易錢。諸居士見之。譏曰。釋子以錢易錢。善能賣買。佛知故。制易成者。捨墮。不成者。突吉羅。比丘尼犯者。罪同。式又摩那等。俱突吉羅。若以錢易物。為佛法僧者。不犯。

若比丘種種販賣者。尼薩耆波逸提。

跋難陀路行。不乞食。以生薑易食。既去。舍利弗來。乞食。食家索飯。價舍利弗云。我比丘不易食。彼云。向者跋難陀尊者。來以生薑易食。大德何言。不易食耶。又一外道得貴價衣。自念何用此貴衣。為當與人買之。遂往祇園。適跋難陀打桑。故衣如新。便與易之。後知是故衣。因返歸跋難陀。索其原衣。跋難陀不肯相與。爭直。佛聞故。制前條。但制金銀寶。

物此條兼制一切雜物凡出物與俗人相貿易並得此罪。易成者捨墮。易未成者突吉羅。若與出家五衆人貿易者。若使淨人貿易者。俱不犯。若有悔者。應還不還者。亦捨墮。比丘尼犯者。罪同。式叉摩那等。俱突吉羅。

若比丘畜長鉢。不淨施得。齊十日。若過者。尼薩耆波逸提。

跋難陀多畜鉢。居士見之。譏嫌。佛聞。故制。後阿難得賣價鉢。欲奉大迦葉。迦葉因出行未回。畜恐有犯。往白佛。佛問幾時。回答云。十日。佛遂開。十日若一日得鉢。二日三日又得鉢。乃至十日得鉢。畜至十一日。明相出盡。捨墮。蓋抵計前一日至十日也。若此長鉢。不捨將貿易。餘鉢者。一捨墮。一突吉羅。比丘尼犯者。罪同。式叉摩那等。俱突吉羅。若受寄鉢。不犯。

若比丘。畜鉢減五。綴不漏。更求新鉢。爲好。故若得者。尼薩耆波逸提。彼比丘。應往僧中。捨展轉取。最下鉢。與之。令持。乃至破。應持。

跋難陀鉢。破入城。至居士家。乞鉢。居士買與之。復多。歷居士。乞亦得鉢。後一日。諸居士。集在一處。偶言及此。各說買鉢。與跋難陀居士。俱嫌之。佛聞。故制綴者。補也。凡五綴而不漏。亦可受持。漏者。應別求鉢。若不滿五綴。又不漏。而更求新者。犯捨墮。滿五綴。不漏。更求新者。突吉羅。綴者。鐵鉢。用錯鐵末。以油和之。在鐵碗內。以鐵錘。熟研。方用塞孔。卽以微火燒之。使硬。若粗澁。以油塗如法。熏之。若瓦鉢。用石末。亦如前法。又方鐵瓦。二鉢有漏者。用沙糖和泥塞孔。以火乾炙。令堅固。卽不漏也。比丘尼犯者。罪同。式叉摩那等。俱突吉羅。若他人施者。若自價買者。不犯。

若比丘。自乞縷線。使非親里。織師。織作衣者。尼薩耆波逸提。

跋難陀。欲縫僧伽梨。入城。乞線。仍處處乞。以線多。故令織三衣。自手牽。維督織。居士見之。譏嫌。佛聞。故制。織師。是親里。與線者。亦親里。無犯。若織師。非親里。與線者。親里。犯。若織師。親里。與線者。非親里。

亦犯若比丘自看織若自織若自作羅者皆突吉羅。比丘尼犯者罪同。式叉摩那沙彌沙彌尼俱突吉羅。

若比丘居士居士婦使織師爲比丘織作衣。彼比丘先不受自恣。請便往織師所。語言此衣爲我作。與我極好。織令廣大堅緻。我當多少與汝。價是比丘與價乃至一食直。若得衣。尼薩耆波逸提。

一居士持線與織師織衣。與跋難陀付線。訖即他往。難陀卽至織師所。令好織。織師云。線少。難陀遂往居士家。更索線。又云。價少。復云。當益汝。價。居士回問前事。居士婦白如上。居士因嫌之。佛聞。故制得衣捨墮。不得衣突吉羅。比丘尼犯者罪同。式叉摩那等俱突吉羅。

若比丘先與比丘衣。後嗔恚。若自奪。若使人奪。取還我衣。不與汝。是比丘應還取衣者。尼薩耆波逸提。跋難陀有一弟子。善能勸化。難陀喜之。約與同遊。因與衣。有他比丘私與弟子。說難陀非法。非律。勿可從遊。弟子因却之。難陀憤奪。取所與衣。弟子高

聲言。莫爾莫爾。佛聞。故制奪衣。離本處捨墮。未離本處。突吉羅。比丘尼犯者罪同。式叉摩那等俱突吉羅。若借他衣。不還奪取。無犯。若彼人破戒。破見作諸不法事。應擯者。奪取無犯。

若比丘畜酥油。生酥。蜜。石蜜。齋七日得服。若過者。尼薩耆波逸提。

比丘秋月患風疾及瘡疥。佛聽許畜五種藥。先制不許非時服。因病不愈。乃許非時服。又佛與衆遊摩竭國時。畢陵伽婆蹉在此城久住。知識多大得供養。若酥油等。積滿大甕。臭穢狼藉。居士見之。嫌佛聞。故制。凡一日得藥。二日又得藥。乃至七日。又得藥。俱當淨施。若至八日。明相出時。俱犯捨墮。若以藥轉賣他藥者。捨墮加一突吉羅。比丘尼犯者罪同。式叉摩那等俱突吉羅。若至七日。捨與他比丘食之。若未滿七日。當還彼比丘。用塗脚。塗戶。響燃燈。若過七日。酥油塗戶。響及脚。蜜石蜜與守園人。

若比丘春殘一月。在當求雨浴衣。半月應用浴。若比



丘過一月前求雨浴衣過半月前用浴者尼薩耆波  
逸提

毗舍佉母設齋供佛及僧因遣婢求唱時到時天  
正大雨佛聽比丘冒雨浴皆裸形雨中婢見之歸  
白母言祇園無比丘俱是裸形外道母知其故令  
再請佛即赴請齋畢毗舍佉母請施雨浴衣佛即  
聽許後六群比丘春夏常求雨浴衣轉作餘用  
仍裸形而浴佛知故制春殘一月在者當此土三  
月十六日也半月應用浴者當此土四月一日也  
若先時而求先時而用者皆捨墮應用而不用者  
突吉羅比丘尼及式叉摩那等犯者俱突吉羅若  
捨雨浴衣後更作餘用者不犯若無雨浴衣不着  
而浴者不犯

若比丘十日未滿夏三月若有急施衣應受受已乃  
至衣時應畜若過畜者尼薩耆波逸提

時舍衛有民叛違王遣大臣征之大臣欲設供施  
衣而後往時尚有十日安居未滿諸比丘不敢受  
衣乃白佛故制急施衣者有事急施不能待至安

居竟日也乃至衣時應畜者謂得畜至受衣之日  
以佛制安居竟日方受衣也過畜即是長衣故犯  
捨墮比丘尼犯者罪同式叉摩那等俱突吉羅若  
有賊難及失衣等緣過前受者不犯或受寄衣過  
後畜者不犯

若比丘夏三月安居竟至八月十五日滿已阿蘭若  
在過遠有疑恐怖畏難處比丘在如是處住於三衣  
中若留一衣置村舍內及有因緣離衣宿乃至六  
夜若過者尼薩耆波逸提

比丘安居後各往阿蘭若處住被賊劫去衣物且  
被打傷皆來祇園中住故佛制許留一衣於村  
舍中離衣而宿後六群比丘遂以三衣寄親友家  
久遊不歸佛聞更制六夜過六夜至明相出捨墮  
夏三月安居竟者夏安居以四月十六日始至七  
月十五日竟也八月十五日滿者西域一年分三  
時每時四月故至八月十五日夏滿也比丘尼及  
式叉摩那等犯者俱突吉羅若有事緣拘阻者雖  
過六夜不犯

若比丘知是僧物自迴入已者。尼薩耆波逸提。

一居士欲設齋供佛與僧。兼施衣。跋難陀聞知。即往其家。語言。衆僧俱富。不必施衣。但施食可也。衣可施。我居士信之。至明日。衆僧應供。威儀具足。居士見之大聲曰。悔不與衆僧衣。衆問言。是難陀之故。佛知。故制。凡僧物不問輕重大小。迴入已者。捨墮。若物許僧轉與。塔許塔轉與。僧許現在轉與十方。許十方轉與現在。許僧轉與尼。許尼轉與僧。皆突吉羅。若已許疑未許。若未許作許。想若未許疑已許犯者。俱突吉羅。比丘尼犯者。罪同。式叉摩那等。俱突吉羅。若知其許少。勸與多。許少人勸與多人。許惡人勸與善人者。無犯。不知其許者。無犯。諸大德。我已說三十尼薩耆波逸提法。今問諸大德。是中清淨不。說三

諸大德。是中清淨。默然。故是事如是持。

諸大德。是九十波逸提法。半月半月說戒經中來。波逸提。此云墮。前三十皆在衣鉢上犯罪。故令捨所犯之物。以求機名。捨墮今九十。但在言行上犯。

罪無物可捨。故直言墮也。

若比丘知而妄語者。波逸提。

因象力比丘與諸梵志論議。設不如時。便自違反前語。於衆僧中問。亦復違反前語。爲衆所呵。佛知。故制。知而妄語者。謂不見言見。見言不見。不聞言聞。聞言不聞。不觸言觸。觸言不觸。不知言知。知言不知。乃至不疑言疑。疑言不疑。等於衆中言。而了了者。波逸提。不了了者。突吉羅。說戒時。乃至三問。憶念有罪。而不說者。突吉羅。比丘尼犯者。罪同。式叉摩那等。俱突吉羅。或有方便。爲作利益而言者。不犯。

若比丘種類毀譽比丘者。波逸提。

因六群斷事。以種類罵諸比丘。使諸比丘慚愧。忘前失後。不得語佛。聞故制。種類毀譽者。或言其種姓之卑劣。或言其伎術之鄙陋。或言其多犯罪惡等語。而了了者。波逸提。不了了者。突吉羅。比丘尼犯者。罪同。式叉摩那等。俱突吉羅。或失口說者。或爲親厚故說者。或爲教授故說者。或爲法爲律故。

說者俱不犯

若比丘兩舌語者波逸提

因六群傳此屏處語向彼說復傳彼屏處語向此說由是衆中未有聞靜而生聞靜已有聞靜不得除滅佛聞故制比丘兩舌圖亂在家出家一切衆中說而了了者波逸提不了了者突吉羅比丘尼犯者罪同式又摩那等俱突吉羅若破惡知識破惡伴黨破方便壞僧者破非法非律羯磨者俱不犯

若比丘與女人同室宿者波逸提

阿那律尊者因遠行至無僧住處入村覓宿惟一姪女家常宿客尊者往求宿姪女令住門下屋繼而一長者亦來求宿彼長者僕從多逼近尊者姪女乃令進已房宿尊者入房敷臥具踟躕而坐初夜女姪心起來尊者尋求成婦事尊者默然不答至後夜亦如是女便脫衣近之尊者涌身空中女慚愧懺謝尊者還本座爲其說法女求授歸戒明日回白佛故制女人同室宿者隨脇著地波逸提

隨轉側波逸提晝日婦人立比丘臥者突吉羅比丘尼犯者罪同式又摩那等俱突吉羅若婦女與比丘前後至總不知者不犯或病臥不能起或爲事難所拘者不犯

若比丘與未受大戒人共宿過二夜至三夜曉者波逸提

六群中一人與諸長者在講堂共宿放意熟睡轉側露形隣比丘以衣覆之少時復露隣比丘復以衣覆之尋復轉側而形起諸長者大咲調弄時諸比丘皆慚愧佛聞故制時羅睺羅未受大戒爲衆遣出無所容乃往廁中宿佛知往廁中引歸已房共宿一夜乃更制共二宿若至三宿明相未出當避去不避去者波逸提比丘尼犯者罪同式又摩那等俱突吉羅若未受大戒人與比丘先後至總不知者不犯若行若立若坐若病臥或爲事難所拘者不犯

若比丘與未受大戒人共誦者波逸提

六群與諸長者共在講堂誦佛經語聲高大如婆

羅門讀書聲亂諸坐禪者。因白佛。故制共誦者。謂兩人共誦一句。不前不後者。犯波逸提。比丘尼犯者。罪同式叉摩那等。俱突吉羅。凡誦者必一人說。竟一人方說。師若不教言我。說汝方說者。師得突吉羅。若二人同業同誦者。不犯。

若比丘知他比丘有麤惡罪。向未受大戒人說。除僧羯磨波逸提。

時有比丘行波利婆沙摩那。墮在下行坐六群比丘語白衣言。汝等知如許人在下行坐者。不白衣報言不知。六群語言此等犯如是事。如是事故。眾僧勸使下行坐。諸比丘聞之。慚愧白佛。故制麤惡罪者。波羅夷僧伽婆尸沙也。說不了了者。波逸提不了了者。突吉羅。除麤惡罪。若以餘罪向未受大戒人說者。突吉羅。自犯粗惡罪。向未受大戒人說者。突吉羅。除僧羯磨者。爾時舍利弗為眾作羯磨。差往王眾中。臣民眾中。說謫達過惡。聞佛制戒。疑犯此罪。故佛為除之。比丘尼犯者。罪同式叉摩那等。俱突吉羅。若白衣先已顯聞此麤惡罪者。不犯。

若比丘向未受大戒人說過人法言。我知是我見。是知見實者。波逸提。

婆薹園比丘向人說得過人法。佛言。真實得者。猶不得向人說。況不實耶。乃制戒。過人法者。謂過出五陰六入十八界之法。即禪定智慧解脫等法也。知見實者。謂實知實見。非虛誑也。說而不了了者。波逸提。不了了者。突吉羅。若作手印。若書信。若作相。令彼知者。波逸提。不知者。突吉羅。若向受大戒人非同意者。說突吉羅。比丘尼犯者。罪同式叉摩那等。俱突吉羅。若增上慢。若實得向同意比丘說。或但說過人法。而不言我得。俱無犯。

若比丘與女人說法。過五六語。除有知男子波逸提。迦留陀夷詣一長者家。在姑前與婦耳語。姑怪問。婦云。與我說法。姑云。若說法當高聲說。令我等聞。云何乃耳中獨語。耶。佛聞。故制說法過五六語。五語謂五蘊。然我六語謂六根。無常。若有智男子在傍。則雖過不犯。過而不了了者。波逸提。不了了者。突吉羅。比丘尼犯者。罪同式叉摩那等。俱突吉羅。若



設五戒八關齋八聖道十善道十不善道及問疑義雖無知男子得爲說若不解得爲廣說俱不犯若比丘自手掘地教人掘地者波逸提

六群爲佛修治講堂自手掘地又教人掘地言掘是置是長者見而譏嫌佛知故制掘地但動土卽波逸提若打掘入地若地上燃火俱波逸提若使淨人掘地應言知是看是不教者突吉羅比丘尼犯者罪同式又摩那等俱突吉羅若曳竹木動土若取牛糞取崩岸土鼠壤土若除經行處土若除屋內土若杖築地若不故掘一切不犯

若比丘懷鬼神村者波逸提

曠野比丘修治屋舍自手砍樹佛問故制鬼神村者一切草木是以草木爲鬼神之所棲故名村若砍伐則壞其村而無所棲也凡一切草木若生作生想自伐教人伐或樹上打槓乃至火燒盡波逸提若斷多分生草木波逸提若生作非生想若非生作生想或疑生或疑非生皆突吉羅半生半枯者突吉羅若使淨人伐不教知是看是者突吉羅

比丘尼犯者罪同式又摩那等俱突吉羅若斷枯草木若于草木上曳竹木等無犯若比丘妄作異語惱他者波逸提

闍陀比丘有罪諸比丘問之卽以餘語答言汝向誰說爲說何事爲論何理爲我說爲餘人說誰人犯罪罪由何生我不見罪佛知令作單白羯磨名異語後闍陀因佛制不得作異語便觸惱衆僧喚來不來不喚來便來應起不起不應起便起應語不語不應語便語佛知更爲作單白羯磨名觸惱若未白前犯者突吉羅已白後犯者波逸提比丘尼犯者罪同式又摩那等俱突吉羅若重聽不解前語者或小語疾語不解者或作非法事者乃至種種事難喚不來等不犯

若比丘嫌罵者波逸提

耆婆摩羅子爲僧知臥具及差僧受食時慈地比丘於屏處譏其有愛憎心衆諫之卽報言我不面說但屏處譏嫌耳佛知爲制嫌賁後猶嫌之不已衆又諫之卽報言我不嫌但罵耳故佛更制嫌罵

說而了了波逸提不了突吉羅若受教罵者突吉羅比丘尼犯者罪同式又摩那等俱突吉羅若比丘實有如是惡如法發露令他悔者不犯若比丘取僧繩床木床臥具坐褥露地敷若教人敷捨去不自舉不教人舉波逸提

十七群比丘取僧坐具在露地敷坐至食時到不收坐具便往赴齋坐具爲風塵土盆蟲鳥汗穢佛知故制言取僧者凡物已捨入僧謂之僧物乃大眾常住之物也若取僧繩床等露地敷去時當舉向知事人及餘比丘或舉着不破壞處若竟去不舉者波逸提若去一足在門內一足在門外未去者突吉羅若二人共坐一繩床下座當收而下座擬上座收上座亦擬下座收卒二俱不收俱波逸提下座以非威儀加突吉羅比丘尼犯者罪同式又摩那等俱突吉羅若有事難不能收者不犯十七群者羅閱城有諸童子自十二至十七歲同來出家自爲一群也

若比丘於僧房中敷臥具若自敷若教人敷若坐若

臥去時不自舉不教人舉波逸提

有客比丘來在邊房中敷臥具宿後去不收亦不語舊住比丘致具爛壞佛聞故制凡客去當語知事人或無人可舉置不壞處若竟去不收者出界外波逸提若一脚界內一脚界外未去者突吉羅若有事急出不即還二宿在界外至第三宿明相未出時當自往還房中舉或遣人來語知事人令掌護若不爾者波逸提比丘尼犯者罪同式又摩那等俱突吉羅若爲事難所拘者不犯

若比丘知先比丘住處後來強於中間敷臥具止宿念言彼若嫌進者自當避我去作如是因緣非餘非威儀波逸提

六群與十七群同道行至無僧住處十七群語六群言汝等上座應先求住處六群答言汝自去我何預汝事十七群即先往求住處敷臥具六群後來倚上座牖而爭次第十七群不肯六群遂於中間敷臥具十七群高聲言諸尊莫爾諸尊莫爾佛聞故制比丘尼犯者罪同式又摩那等俱突吉羅

若先不知者。若寬廣不相礙者。若病倒地。若爲事難所拘。不犯。

若比丘。噉他比丘。不喜僧房舍內。若自牽出。若教人牽出。波逸提。

六群與十七群同道行。至小住處。十七群亦如前語。六群六群亦不理。十七群先往洒掃房舍。敷好臥具。六群知已抵暮而入。爭其次第。令彼移去。十七群不肯移。遂噴強牽出房。佛聞故制。隨所牽人多少。隨出戶多少。波逸提。若牽多人出。多戶多人出一戶。一人出多戶。俱多波逸提。若牽一人出一戶。一波逸提。若持他物出著戶外。突吉羅。若閉他著戶外。突吉羅。比丘尼犯者。罪同。式叉摩那等。俱突吉羅。若未受大戒人共宿。至三夜明相未出時。牽出者。若破戒破見破威儀。爲他所舉。爲他所擯者。牽出。俱無犯。知是黃門二根人。牽出。亦無犯。若比丘。若房若重閣上。脫脚繃床。木床。若坐。若臥。波逸提。

比丘在重閣上住。坐脫脚床。缺於安詳。床脚脫打。

闍下比丘。至令身血出。佛聞故制。脫脚床者。床脚可脫下者。也。比丘尼犯者。罪同。式叉摩那等。俱突吉羅。若坐。非脫脚者。不犯。

若比丘。知水有虫。若自澆泥。若草。若教人澆者。波逸提。

闍陀比丘。起大房屋。以虫水澆泥。諸長者。以無慈損生嫌之。佛聞故制。若蟲水有虫。想波逸提。虫水疑無虫。突吉羅。無虫水有虫。想突吉羅。無虫水疑有虫。突吉羅。若酪漿。若酒。若醋。若漬麥漿。若有虫者。用澆泥草。若教人俱波逸提。比丘尼犯者。罪同。式叉摩那等。俱突吉羅。若虫水。當用細壺。作囊澆過。取用無犯。若澆囊三重。而更有虫者。此處僧不應住。以傷生重故。

若比丘。作大房舍。戶扇窓。牆及餘莊飾具。指授覆苫。齊二三節。若過波逸提。

闍陀比丘。作大房舍。覆有餘草。復更重覆屋上。重故。遂至摧折。諸居士見之。譏嫌。佛聞制戒。凡覆屋至第三節未竟時。便當去。到不見不聞處。若不去。

者波逸提。若捨見處至聞處。捨聞處至見處。俱突吉羅。比丘尼犯者。罪同式叉摩那等。俱突吉羅。若有事難所拘。不能至不見不聞處者。不犯。

若比丘僧不差教授比丘尼者。波逸提。

六群比丘教授比丘尼。不說正法。但說世諦雜事。大愛道比丘尼來白。佛言。今當僧中擇堪教授比丘。作白。二羯磨。差往教授比丘尼。六群不得差。便出界外。更互相差教授比丘尼。大愛道重來白。佛佛乃制。戒僧差者。應作白。云。大德僧聽。若僧時到。僧忍聽。差某甲比丘教授比丘尼。白如是。大德僧聽。此某甲比丘教授比丘尼。誰諸長老忍。僧差某甲比丘教授比丘尼者。默然。誰不忍者。說僧已忍。差某甲比丘教授比丘尼。竟。僧默然。故是事如是持。

若比丘爲僧差教授比丘尼。乃至日暮者。波逸提。難陀尊者爲衆所差教授比丘尼。尊者說法好音聲。尼衆樂聞。遂至日暮時。尼衆出祇園往舍衛城。城閉已閉。不得入。卽依門外城邊中宿。晨旦開門。

入城諸長者見之。皆言。尼在祇園中宿。佛聞。故制。凡教授尼。應日未暮便止。至日暮者。波逸提。若爲餘婦女誦經受經。若問餘事。至日暮者。突吉羅。若日暮作不日暮想者。突吉羅。若在他處爲衆說法。尼來聽者。不犯。

若比丘語比丘如是言。比丘爲飲食故。教授比丘尼者。波逸提。

六群比丘不得差教授比丘尼。便生嫉妬。誘諸教授者。無有真實。但爲飲食。佛聞。故制。說而了者。波逸提。說而不了者。突吉羅。比丘尼及式叉摩那等犯者。俱突吉羅。若其實爾者。無犯。

若比丘與非親里比丘尼。衣除貿易。波逸提。

有一比丘乞食。或儀具足。尼見起敬。數數請彼。彼不受。請一日。祇園分衣。比丘得衣出。門適尼。至比丘以衣與之意。在隣。彼前敬料。尼必不受。尼竟受之。比丘數數告人。責此尼不當受我衣。佛聞。故制。後比丘不敢與親里尼衣。故佛加非親里之言。又祇園得衣。二部共分。或尼得僧衣。持來貿易。僧不



敢易故更加除貿易也。比丘尼及式叉摩那等俱突吉羅。

若比丘與非親里比丘尼作衣者波逸提。

迦留陀夷爲比丘尼作衣。乃爲作男女行淫像及尼來取。卽褻衣與之語言。此衣不得妄解披著。亦莫示人。若受請白時。到當着此衣。在尼後行。尼一如所教。諸居士見皆譏笑。佛聞故制。若爲尼作衣。隨裁多少。一針一線。皆波逸提。若爲熨治續線等。突吉羅。後諸比丘不敢爲親里尼作衣。白佛。故加非親里之言。比丘尼及式叉摩那等犯者俱突吉羅。

若比丘與比丘尼在屏處坐者波逸提。

迦留陀夷一日往至偷蘭難陀比丘尼所共在門外屏處同坐。居士見之譏嫌。佛知制戒屏處者有所隱蔽之處。可以容私。故犯波逸提。若盲而不覺。若瞽而不盲。突吉羅。若立住者突吉羅。比丘尼及式叉摩那等犯者俱突吉羅。

若比丘與比丘尼共期同道行。乃至村間。除餘時波

逸提。餘時者伴行有疑恐怖處是謂餘時。

六群比丘與六群比丘尼同遊人間。諸居士見之譏嫌。佛知制戒。若期同道行至村間。分齊處隨界多少。皆波逸提。若無村空處。行至十里波逸提。若減十里突吉羅。若多村同一界行。突吉羅。若期往而未往者。突吉羅。比丘尼及式叉摩那等犯者俱突吉羅。後有比丘不敢與尼同行。尼在後行。被賊劫。佛乃開餘時。餘時者謂有大伴行處。或疑有賊盜處。或實有賊盜恐怖處。皆許同道行。不犯。又不期而同行者亦不犯。

若比丘與比丘尼同乘一船上。下水除直渡者波逸提。

六群比丘與六群比丘尼同乘一船上。下水居士見之譏嫌。佛知制戒。若入船俱波逸提。若一脚上船一脚在地欲入而未入者。突吉羅。若共往而未往者。突吉羅。比丘尼及式叉摩那等犯者俱突吉羅。除直渡者。後因比丘與尼俱欲渡。恒河北丘不肯與尼同渡。尼不得渡。在岸邊被劫。故佛開

除直渡若不期而同船者不犯。或有事難者不犯。若比丘知比丘尼讚嘆教化因緣得食。除施主先有意波逸提。

有一居士請舍利弗目犍連齋適。聞難陀比丘尼來彼家。問請誰報言。請舍利弗目犍連。尼言。此盡是下賤人。若先語我當為請。龍中之龍。士問龍中龍是誰。尼乃舉六群比丘。頃舍利弗等至。尼便言。龍中龍已至。居士遂呵責言。何前言下賤人。後言龍中龍。今後不許復來我家。蓋此尼實為六群勸化取供養者也。舍利弗等歸。白佛。故制後有長者先有意供養。黎師達及黎師達到有尼。報知長者乃設齋。黎師達聞知是尼。報不敢食。白佛。佛為開除。凡知是尼教化者。波逸提。疑是尼教化者。突吉羅。不教化。教化想突吉羅。不教化。疑教化。突吉羅。教化得觀體衣燈油等。突吉羅。比丘尼及式叉摩那等犯者。俱突吉羅。若不知若比丘尼自作供養。若施主令尼經營。俱不犯。

若比丘與婦女共期同道行。乃至村間波逸提。

毗舍離國女嫁與舍衛國人。一日與姑共諍。逃回本國。道過阿那律求同行。阿那律許之。遂同行。後其夫追至。語言何故將我婦逃走。遂打阿那律。幾死。佛聞制戒共期同行。隨眾多界分齊。一波逸提。若無村空處行十里波逸提。若減十里。突吉羅。共村里一界共行者。突吉羅。比丘尼及式叉摩那等犯者。俱突吉羅。若先不共期。若事須往彼得安隱。若為勢力所持。俱無犯。

若比丘施一食處。無病比丘應受一食。若過者波逸提。

有村中無僧住處。諸居士為比丘作住處。往來者常聽一食六群比丘到彼得食。遂數數受食。不去。居士讚歎佛聞制戒。後舍利弗有病。一食強行。病遂增劇。乃開病比丘。若無病而過受食。咽咽波逸提。食已更受觀衣燈油等。加突吉羅。比丘尼犯者。罪同。式叉摩那等俱突吉羅。若施主留食。或明日受彼人食。或道路上有阻。或為勢力所持者。無犯。

若比丘展轉食除餘時波逸提餘時者病時施衣時是謂餘時

佛同千二百五十人遊行阿那頻頭國有沙菟婆羅門以車載飲食隨佛後行俟無供日設供隨日既久無有缺供之日乃見阿難道其本意言今供不及設離家日久欲將車載飲食布在道中乞佛及僧腳踏而過卽爲供養阿難止之爲白佛佛聽清且作粥供衆使食後受請時婆羅門復以酥油餅供衆佛俱聽受後諸居士聞知各送粥及餅有一大臣設食請僧諸人先食美粥已飽到大臣家不能多食大臣嫌之佛爲制不許食稠粥然後赴請又一樂師請食時正節會日諸人持飯麩乾餅等至祇園供僧僧已飽往樂師家受請不能多食樂師亦嫌之佛乃制戒若僧次請或別請其日偶有二處請當捨一與他比丘自受一處若不捨而展轉食者波逸提若不捨前請而受後請者波逸提若不捨後請而受前請者突吉羅後有病比丘不能一食飽再食恐犯展轉食又有一居士欲

設供施衣其日已有先請二俱白佛佛爲闍之施衣時者僧自恣竟無迦絺那衣一月有迦絺那衣五月也比丘尼犯者罪同式叉摩那等俱突吉羅

四分戒本約義卷二

四分戒本約義卷三

福州鼓山嗣祖沙門 元賢 述

九十波逸提之餘

若比丘別衆食除餘時波逸提餘時者病時施衣時作衣時道行時船行時大衆集時沙門施食時是謂餘時

提婆達多教人害佛復教阿闍世王殺父惡名流布利養斷絕乃與其黨三閼陀羅達多等毆達婆拘波離迦留羅提舍五人家乞食佛聞故制別衆食者四人已上卽犯比丘尼犯者波逸提式叉摩那等俱突吉羅後有病比丘有請食處不得食有一比丘自恣竟作衣時諸居士設食不敢食又

有一居士設食兼施衣比丘不敢食有諸居士同諸比丘同道行居士與食不敢食乃入村乞食爲賊所劫又船行亦爾有大衆比丘遊行到一小村居士作食比丘不敢食有瓶沙王姊欲爲外道沙門王令入祇園設食衆不敢受已上因緣俱白佛佛俱爲開除沙門者指外道沙門也若有上餘時因緣應起白衆隨次受食不白而入食者突吉羅若四人五人應分作二次入食無犯

若比丘至白衣家與餅麩飯比丘須者應兩三鉢受持至寺內分與餘比丘食若比丘無病過兩三鉢受持至寺內不分與餘比丘食者波逸提

一婦人歸父母家因作食施乞食比丘正作食時夫家遣人來接婦云待作食竟同去乞食者相繼來婦不得去夫嘆卽別娶又一商人在途中造食乞食比丘至分已食與之復有乞食比丘至盡分與乃重作食同伴以遲故先去彼商後行被賊劫佛聞故制若無病而過三鉢受出彼門波逸提若一足出門便止突吉羅凡遇食須問是歸婦食商

買道路食不若是者或受一鉢或二三鉢持歸分餘比丘食須告餘比丘某處有歸婦食商買食我已持一鉢歸汝等去可持二鉢歸或云我已持二鉢歸汝等去可持一鉢歸或云我已持三鉢歸汝等去當就彼食不可持歸若不問歸婦食商買食者突吉羅若不問與餘比丘者突吉羅比丘尼犯者波逸提式叉摩那等俱突吉羅若病比丘過受者若自送至寺者不犯

若比丘足食竟或時受請不作餘食法而食者波逸提

佛在祇園說一食法讚譽一食法諸比丘信樂便受一食法或食粥或食飯麩餅等或飲漿服藥便當一食多不得飽形體枯瘦佛乃令一坐飽食飽食已或遇飯麩餅等不敢更食形亦枯瘦佛又聽一食後更食諸病比丘不能一坐飽食佛又聽數數食其餘與病病人亦數數食又有諸比丘乞食歸持來食分與諸比丘諸比丘足食已不敢更食棄之佛知乃教作餘食法餘食法者手持



食對比丘言大德我足食已知是看是彼比丘應取少許食已語比丘言我食止汝取食之作如是餘食法者不犯又有一食養比丘遇食便食不知足食不足食不知餘食不餘食佛乃制戒不作餘食法咽咽波逸提若爲他作若知他足食已作若自手捉食或使淨人持食或對淨人前作或以不好食覆好食上作盡突吉羅或比丘受他餘食法盡持去突吉羅比丘尼及式叉摩那等犯者俱突吉羅若病人不作餘食法病人殘食食不作餘食法無犯

若比丘知他比丘足食已若受請不作餘食法慙慙請與食長老取是食以是因緣非餘欲使他犯者波逸提

一比丘食食無厭他比丘諫之懷恨在心異時遇食知前諫者已足食不作餘食法勸令食前諫者食之遂反譏前諫者食食彼問汝知我足食食耶曰知又問汝知而故作耶曰知衆皆訶之佛聞故制若知彼足食勸請彼彼食者二俱波逸提若與

彼不食或轉與他人或彼自作餘食法而食與者突吉羅若不知彼足食作不足食想而與者無犯比丘尼及式叉摩那等犯者俱突吉羅

若比丘非時受食食者波逸提

雖陀跋難陀二比丘入城看節會伎樂衆白衣與之飲食抵暮方回又迦留陀夷向晚乞食一孕婦開門值天正雷電暫見其面驚謂是鬼遂墮胎佛聞故制非時者日中後至明相未出也若非時非時想波逸提若非時疑是時突吉羅非時時想突吉羅時非時想突吉羅時疑非時突吉羅若非時食過非時食七日藥過七日食波逸提盡形壽藥無病因緣服者突吉羅比丘尼犯者波逸提式叉摩那等俱突吉羅若病者服吐下藥須粥日已過中應養麥令皮不破漉汁服之無犯

若比丘食殘宿食者波逸提

迦羅尊者乞食時作念云何用日日乞食入城疲苦今當留所食之餘存於明日明日之餘存於後日語比丘於小食大食時不見迦羅查問知此佛

聞故制宿作宿想波逸提宿疑非宿突吉羅非宿宿想突吉羅非宿疑宿突吉羅宿非宿想突吉羅比丘尼犯者波逸提式叉摩那等俱突吉羅若食有餘與父母與作塔人與作房舍人後乞食比丘從彼邊乞得食無犯

若比丘不受食若藥著口中除水及楊枝波逸提

一比丘自願常行乞食至城中見諸居士祭亡所遺飲食不從人受自取食之衆見譏嫌佛聞故制凡食須從人受若自取即是盜故制若藥者酥油生酥蜜石蜜等比丘尼犯者波逸提式叉摩那等俱突吉羅若取水及楊枝不從人受不犯若比丘得好美食無病自爲已索者波逸提

跋難陀向一商人索美食商人問言尊者有何病報言無病但意欲得商人言我等營生勞苦尙不易得此況出家人乎時有乞食比丘聞之嫌責佛知故制索得犯墮不得突吉羅比丘尼及式叉摩那等犯者俱突吉羅若爲病乞若爲病人乞若不乞而得無犯

若比丘外道男女自手與食者波逸提

佛與諸比丘遊行途中諸人設供大得餅佛命阿難分與衆僧有餘復命分與乞人中有一裸形外道女有姿色偶二餅相粘不覺分與彼衆知此女獨得二餅遂譏阿難于女有情又一梵志在此得食路逢一相士問何處來報言禿頭居士處來士言你從彼得食何以相譏梵志道其由佛聞故制以手與而食者波逸提與而不受者突吉羅欲與而不與者突吉羅比丘尼及式叉摩那等犯者俱突吉羅若置地與若使人與若勢力強奪者無犯若比丘先受請已若前食後食行詣傢家不囑餘比丘除餘時波逸提餘時者病時作衣時施衣時是謂餘時

一長者爲跋難陀設齋兼請衆僧俱赴時已到而不設食問云必待跋難陀來陀自前食後往餘家主垂過中方來衆雖得食而不飽又一大臣遣使送新菓與跋難陀分衆難陀自後食已往餘家歸時日已過中衆不得食佛知因制受請已前

食後食不許詣餘家。後衆大有請處。俱不敢往。佛乃聽。囑比丘而後往。後有病比丘。先囑城中人。爲作羹飯等。不敢往。佛聽不囑。而往。比丘作衣所須器物。欲入城取。而不敢往。施衣時。比丘無衣。欲入城乞。亦不敢往。佛俱聽不囑。而往前食者。自明相初出至食時。後食者自食時。至日中。囑餘比丘者。囑以所往之處。令衆知。不須待而食也。若囑後中道還。又欲去者。當更囑。若囑往某處。後更詣他處。應更囑。而往若不囑。而往。除餘時。波逸提。欲去未出門而反者。突吉羅。比丘尼犯者。波逸提。式叉摩那等。俱突吉羅。

若比丘在食家中有寶。強安坐者。波逸提。

迦留陀夷與舊識白衣婦。齋優婆塞。各相緊念。一日往其家坐。夫問汝須何等。答言我須食。夫即遣婦與食。食之復不去。夫連遣亦不去。夫怒言我出去任汝。在後欲何所作。乞食比丘聞之。嫌賁歸白佛。故制食者。男以女爲食。女以男爲食。男女交合。各得受用爲食也。寶指女色。亦兼指璫。藥碼。璫金。

銀等。強坐不去者。波逸提。若盲而不瞽。瞽而不盲者。突吉羅。立而不坐者。突吉羅。比丘尼犯者。波逸提。式叉摩那等。俱突吉羅。若有寶。但於舒手及戶處得坐。若有伴。同在一處得坐。或爲勢力所持。或病發倒地。俱不犯。

若比丘食家中有寶。在屏處坐者。波逸提。

迦留陀夷因佛制。許在舒手及戶處坐。遂與舊優婆塞。在戶扇後坐。共語乞食。比丘見之。嫌賁白佛。故制在屏處坐。波逸提。若盲而不瞽。等同上。比丘尼犯者。波逸提。式叉摩那等。俱突吉羅。若舒手得及戶。不在屏處坐。若有伴。同在一處坐。或爲勢力所持。或病發倒地。不犯。

若比丘獨與女人露地坐者。波逸提。

此亦迦留陀夷因前佛制。屏處坐。遂獨與舊優婆塞。在露地坐。共語乞食。比丘見之。嫌賁白佛。故制獨與女人露地坐。波逸提。若盲而不瞽。等同上。比丘尼犯者。波逸提。式叉摩那等。俱突吉羅。若有伴。不犯。或勢力所持。或病發倒地。不犯。

若比丘語餘比丘言大德共至聚落當與汝食彼比丘竟不教與是比丘食語言我與汝一處若坐若語不樂我獨坐獨語樂以是因緣非餘方便遣者波逸提

跋難陀初與一比丘鬪結恨在心異時誘彼比丘言汝隨我至城中當與汝食比丘信之遂同到城中至無食處遍行一週約日將過語彼比丘言你是大惡人今由汝故并我亦不得食汝可速去我共汝若坐若語不樂我獨坐獨語樂彼比丘去遂自到有食家食彼比丘還祇園日已過中不得食佛聞故制遣去至捨見聞處波逸提若遣聞處至見處遣見處至聞處突吉羅比丘尼犯者波逸提式叉摩那等俱突吉羅若與食遣去不犯若病遣去持食至寺中與食不犯若破戒破見破威儀爲衆所舉若被擯若應擯前未許食者方便遣去不犯若前已許食者突吉羅

若比丘四月請與藥無病比丘應受若過受除常請更請分請盡形請波逸提

摩訶男釋種請施衆僧藥彼恭敬上座以好者施與餘求者亦與不求者亦與六群往其家索藥男言有者相與不有者買與六群遂譏其有愛心且妄語男退心遂斷施藥佛聞故制四月者夏四月也過四月而受是爲過受後有病比丘不敢過受藥故加無病之言後有居士不限月數常請供藥者摩訶男斷後更請施者有持藥至寺中分者有請施盡形壽藥者俱以過四月不敢受俱白佛佛一一開除比丘尼犯者波逸提式叉摩那等俱突吉羅

若比丘往觀軍陣除餘時因緣波逸提

波斯匿王因民叛逆自出軍征伐六群比丘往觀王見不悅遂以石蜜一罍寄奉世尊囑令持我名禮拜問訊世尊世尊知乃制戒見者波逸提方便欲往而未往者突吉羅往而未見者突吉羅若道中遇行軍應避不避者突吉羅後有二將欲見比丘遣人來請佛聽往故云除時因緣比丘尼犯者波逸提式叉摩那等俱突吉羅



若比丘有因緣聽至軍中二宿三宿過者波逸提

六群比丘有因緣至軍中宿居士見之譏嫌佛因制不許過三宿三宿明相出犯波逸提若離見處至聞處離聞處至見處突吉羅比丘尼犯者波逸提式又摩那等俱突吉羅若爲事難所拘者不犯若比丘軍中住二宿三宿或時觀軍陣鬪戰或觀遊軍象馬力勢者波逸提

六群比丘有因緣往軍中三宿在中觀鬪戰一人被箭傷衣褻與歸諸居士見之譏嫌佛聞故制往見者波逸提往而未見者突吉羅方便欲往而未往者突吉羅比丘尼犯者波逸提式又摩那等俱突吉羅或爲勢力所持者無犯

若比丘飲酒者波逸提

娑伽陀尊者常往梵志家借宿降其室中淫亂時拘睢彌王見之大生敬重異日爲尊者設食尊者受食多飲黑酒歸途倒地而吐佛聞知呵言如今不能降小龍況大龍耶乃爲制戒凡飲酒而能醉人者俱波逸提若飲不能醉人者突吉羅比丘尼

犯者波逸提式又摩那等俱突吉羅若以酒治病者不犯

若比丘水中嬉戲者波逸提

十七群比丘在阿耨跋提河浴於中嬉戲順流逆流或出或沒或互相澆灌等時波斯匿王與茉莉夫人在樓上見之王言看汝所事者夫人言此是年少出家佛法未久故爾乃疾遣人到祇園問訊世尊奉上石蜜一罍具白前事佛聞故制凡在水中放意自恣一切嬉戲者俱波逸提若以酪漿若以苦酒若麥汁等弄戲者俱突吉羅比丘尼犯者波逸提式又摩那等俱突吉羅若有因緣入水而非嬉戲者不犯

若比丘以指相擊擛者波逸提

六群比丘中一人擊擛十七群比丘一人至死佛聞故制或以手指或以脚指相擊擛者俱波逸提若以杖拂柄等相擊擛者俱突吉羅比丘尼犯者波逸提式又摩那等俱突吉羅若眠觸令覺者若悞觸者不犯

◆事不二  
原本不明更

若比丘不受諫者波逸提

闍陀比丘欲有所犯比丘諫之不從佛聞故制若自知我所作非不從諫者波逸提若自不知我所作非不從諫者突吉羅比丘尼犯者波逸提式叉摩那等俱突吉羅若無智人來諫所諫非是者應報言汝可問汝和尚學知諫法然後可來相諫若戲笑語者不犯

若比丘恐怖他比丘者波逸提

迦那波羅尊者侍佛左右佛一夜出房經行初夜已過諸佛歸房佛默然至後夜將過諸佛歸房佛亦默然那波自念言我當恐怖佛令歸房乃反披惡衣作非人恐怖聲言沙門我是鬼佛報言當知此愚人心亦是惡乃爲制戒凡以色聲香味觸法六種恐怖人前人若知若見若聞俱波逸提前人若不知不見不聞俱突吉羅比丘尼犯者波逸提式叉摩那等俱突吉羅若有其事不舉似者若無恐怖他意者俱不犯

若比丘半月洗浴無病比丘應受若過受除餘時波

逸提餘時者熱時病時作時風雨時遠行時是謂餘時

瓶沙王有池水恒聽比丘浴六群比丘於後夜入池浴爾時王同諸婦女俱詣池聞內有聲問是誰左右言是比丘王令莫驚使去六群久浴至明相出王未得浴而去佛聞制戒比丘半月受浴若過一遍波逸提若水澆半身亦波逸提若方便欲去而未去者突吉羅熱時者春四十五日夏初一月是當此土三月初一日至五月十五日也有病可知作者作種種勞力者是道行者下至半由旬是此等比丘畏不敢浴白佛佛爲開除比丘尼犯者波逸提式叉摩那等俱突吉羅

若比丘無病爲炙身故露地然火若自然若教人然除餘時因緣波逸提

六群比丘欲然火炙身自相謂言我等在上座前不得隨意言語即出外在露地中拾野薪然火炙身傍朽樹中有毒蛇因火煙熏逼而出衆見俱走將火株擲散延燒講堂佛知故制凡露地然草木

牛糞一切火炙身者俱波逸提。若被燒半焦者。若  
擲着火中者。俱突吉羅。比丘尼犯者。波逸提。式叉  
人知是看是者。突吉羅。比丘尼犯者。波逸提。式叉  
摩那等。俱突吉羅。除時因緣者。若病。自然火炙身  
及教人。然不犯。或有因緣。必須然火者。不犯。  
若比丘藏他比丘衣鉢坐具針筒。若自藏。若教人藏。  
下至戲笑者。波逸提。

十七群比丘將衣鉢坐具針筒。安着一面。經行俟  
食時。到六群比丘調弄。背取衣鉢等藏之。及時到  
十七羣比丘取衣鉢等。不得餘比丘察之。白佛故。  
制藏者。波逸提。方便欲藏而未藏者。突吉羅。教人  
者。罪同。比丘尼犯者。波逸提。式叉摩那等。俱突吉  
羅。若實知是彼人物。為護惜而取舉者。若比丘性  
慢藏。故取藏為戒。勅彼者。若借彼衣著。而彼不收。  
恐失便取舉者。或以此衣鉢等物。故有難取藏之  
者。俱無犯。

若比丘淨施比丘比丘尼。式叉摩那。沙彌沙彌尼。衣  
後。不問主。輒取著者。波逸提。

六群比丘施親厚比丘衣後。不語主。還取著。佛聞  
故。制淨施有二。一真實淨。施二展轉淨。施真實淨  
施者。言此是我長衣。未作淨。今為淨。故與長老作  
真實淨。展轉淨施者。言此是我長衣。未作淨。今為  
淨。故與長老。彼應作如是語。長老聽長老有如是  
長衣。未淨。今與我為淨。故我便受。已當問。言欲  
與誰耶。應報言與某甲。彼應作如是語。長老有是  
長衣。未作淨。今與我為淨。故我便受。已與某甲  
比丘。此衣是某甲比丘所有。汝為某甲故。守護持  
隨意。用此展轉淨施者。語不語。隨意取著。無犯。若  
真實淨。施不語主。而取著。波逸提。比丘尼犯者。波  
逸提。式叉摩那等。俱突吉羅。

若比丘得新衣。當作三種染壞色。若青若黑若木蘭  
若得新衣。不作三種染壞色。持者。波逸提。

六群比丘著白衣。居士見之。譏嫌。謂如王大臣  
等。佛聞。故制新衣。不獨初造衣。凡初從人得者。俱  
名新衣。隨所得衣。不問何色。皆以三種染壞。青者  
銅青。黑者雜泥。木蘭者樹皮。也不染壞。而著者。波

逸提不染壞而畜者突吉羅衣未染寄白衣家亦突吉羅比丘尼犯者波逸提式又摩那等俱突吉羅若衣鉢囊革屣囊線囊手巾等小衣不染畜者無犯

若比丘故斷畜生命者波逸提

迦留陀夷不喜見鳥作竹弓射之死者甚衆居士見之譏嫌佛聞故制凡自殺教人殺或以刀箭或以瓦石或以坑陷或以毒藥俱波逸提提若方便欲殺而未殺者突吉羅比丘尼犯者波逸提式又摩那等俱突吉羅若無殺心誤傷者不犯

若比丘知水有蟲飲用者波逸提

六群比丘取雜蟲水飲用見者譏嫌佛因制戒有蟲水有蟲想波逸提有蟲水疑無蟲突吉羅若苦酒清酪漿麥汁等知有蟲飲用者波逸提比丘尼犯者波逸提式又摩那等俱突吉羅若不知有蟲者若漚過用者不犯有大蟲當以手觸令去若比丘故惱他比丘乃至少時不樂者波逸提

十七群往六群處問言長老云何入初禪乃至阿

羅漢耶六群報言汝等自稱得上人法犯波羅夷十七群大作疑惱往問上座上座云不犯佛聞故制若故惱他說而了了者波逸提說而不了了者突吉羅比丘尼犯者波逸提式又摩那等俱突吉羅若不故作者若其事實爾者不犯

若比丘知他比丘犯蘊罪覆藏者波逸提

跋難陀與一比丘親厚數犯蘊罪令彼莫語人後與彼比丘鬪比丘向餘人說難陀犯如是如是罪令我莫語人佛聞故制蘊罪者波羅夷僧伽婆尸沙也若比丘知他比丘犯蘊罪小食知食後說中夜知後夜說俱突吉羅若欲說不說至明相出波逸提若覆餘罪突吉羅自覆藏蘊罪加突吉羅除比丘比丘尼覆藏式又摩那等蘊罪突吉羅比丘尼犯者波逸提式又摩那等俱突吉羅若先不知蘊罪作不蘊罪想若欲向人說而無人可說若說或有命難梵行難不敢說無犯

若比丘年滿二十當與受大戒若比丘知年未滿二十與受大戒此人不得戒諸比丘可呵癡故波逸提

羅閱城中有十七群童子先爲親友最大者年十七最小者年十二互相勉勵共求出家諸比丘度令出家受大戒諸童幼小不堪一食夜半患饑啼哭索食佛聞謂不應受年未滿二十者大戒以年未滿二十者不堪忍寒熱饑渴暴風蚊蛇毒虫惡言及身種種痛苦又復不堪持戒當知年滿二十始堪忍此乃爲制戒和尚知年未滿二十與受戒三羯磨竟和尚波逸提二羯磨竟和尚三突吉羅一羯磨竟和尚二突吉羅白竟和尚一突吉羅白未竟和尚突吉羅若未白爲作方便若欲集衆等俱突吉羅和尚不知無犯衆僧知者突吉羅不知無犯比丘尼犯者波逸提若先不知但信受戒人語若傍人證若信父母說無犯若受戒已疑者佛言當聽數胎中年月及閏月若滿者無犯

若比丘知諍事如法滅已後更發起者波逸提六群比丘與諸比丘鬪諍如法滅已更發起如是言汝不善觀不成觀不善解不成解不善滅不成滅佛聞故制諍事既滅復舉起說而了了者波逸

提不了了者突吉羅除此諍已更作餘諍罵詈者一切突吉羅除此比丘比丘尼外其餘人犯諍後更發起者突吉羅比丘尼犯者波逸提式叉摩那等俱突吉羅若先不知已觀作不觀想者若事實爾者無犯

若比丘知是賊伴期同道行乃至村間波逸提有諸比丘往毗舍離城時有賈客欲漏關稅要僧共伴行及度關爲守關人所獲將至波斯匿王處王問賈客不輸稅此沙門有何事報言與賈客爲伴王言法應死俱以沙門釋子乃呵而遣之佛知故制若期至城至村行一道波逸提行一道或半道突吉羅若行空曠無村處至十里波逸提滅十里突吉羅若去而卒不去者突吉羅比丘尼犯者波逸提式叉摩那等俱突吉羅若先不知是賊者不期同行者或勢力所持者不犯

若比丘作如是語我知佛所說法行姪欲非障道法彼此丘應諫此比丘言大德莫作是語莫謗世尊謗世尊者不善世尊不作是語世尊無數方便說行姪



欲是障道法。彼此丘諫是比丘時堅持不捨。彼此丘應三諫。乃至三諫捨者。善不捨者。波逸提。

阿黎吒比丘自生惡見。言我知世尊說法行姪欲。非障道法。時諸比丘諫之。不肯捨。白佛。佛爲作白四羯磨。呵諫令捨。作如是。白。大德。僧聽。此阿黎吒比丘作如是語。我知佛所說行姪欲。非障道法。若僧時到。僧忍聽。僧今與阿黎吒比丘作呵諫。捨此事。故阿黎吒汝莫作是語。莫謗世尊。謗世尊者。不善。世尊不作是語。世尊無數方便說淫欲是障道法。若犯姪欲。即是障道。白如是大德。僧聽。此阿黎吒比丘作如是語。我知佛所說法行姪欲。非障道法。僧今與作呵諫。捨此事。故阿黎吒莫作是語。莫謗世尊。謗世尊者。不善。世尊不作是語。世尊無數方便說姪欲是障道法。若犯姪欲。即是障道。誰諸長老。忍僧與阿黎吒比丘作呵諫。捨此事。故者。默然。誰不忍者。說此是初羯磨。第二第三亦如是。說僧已忍爲阿黎吒作呵諫。竟僧忍默然。故是事如是持。作如是羯磨。已佛更制戒。凡有犯三諫不捨

者。亦應如是。作白四羯磨。初白。已當語言。我已白。竟餘有羯磨在。汝可捨。是莫爲衆所呵責。更犯罪。若捨者。善不捨者。作初羯磨。磨作初羯磨。已當語言。我已作初羯磨。竟餘有二羯磨在。汝當捨。是莫爲衆所呵責。更犯罪。捨者。善不捨者。當爲作第二羯磨。第二羯磨。竟當語言。我已作第二羯磨。竟餘有一羯磨在。汝可捨。是莫爲衆所呵責。更犯罪。捨者。善不捨者。作三羯磨。竟波逸提。作白。已捨者。一突吉羅。初羯磨捨者。二突吉羅。二羯磨捨者。三突吉羅。若作白。未竟及未作白。捨者。俱一突吉羅。若他比丘諫是比丘時。餘比丘比丘尼遮言。莫諫者。一切突吉羅。比丘比丘尼犯者。波逸提。式叉摩那等俱突吉羅。若初諫時捨者。不犯。

若比丘知如是語人未作法。如是惡見不捨。若供給所需。共同羯磨止宿語言者。波逸提。

阿黎吒不捨惡見。諸比丘又與作不捨惡見。羯磨六群比丘。乃供給所需。共同羯磨止宿語言。佛知故制如是。語者作前惡見之語也。未作法者。僧爲

舉而未解。未與懺悔出罪也。此等人既知之不當親近。若供給所需等。亦是惡見之類也。犯波逸提。供給所需有二種。若法若財。同止宿者。不問先入屋後入屋。但知者俱犯比丘尼犯者。波逸提式叉摩那等。俱突吉羅。若不知者。不犯。若勢力所持者。不犯。

若比丘知沙彌作如是語。我知佛所說法。行姪欲非障道法。彼比丘應諫此沙彌。汝莫作是語。莫謗世尊。謗世尊者。不善世尊。不作是語。世尊無數方便說行姪欲是障道法。彼如是諫此沙彌時。堅持不捨。彼比丘應三諫。乃至三諫。捨者善。不捨者。彼比丘應語此沙彌。汝自今已後。非佛弟子。不得言佛是我世尊。不得隨餘比丘。如餘沙彌得與比丘二三宿。汝今無此事。汝出去。滅去。不須住。此若比丘知是被擯沙彌而誘畜養共一止宿者。波逸提。

跋難陀有二沙彌。一名羯那。一名摩睺迦。共行不淨。自相謂言。我知佛所說法。行姪欲非障道法。諸比丘聞之。呵責不捨。白佛。佛爲作呵諫羯磨如上。

沙彌故不捨佛爲作滅擯羯磨。將二沙彌立。在見處。不聞處。作如是白。大德僧聽。此二沙彌衆僧呵責。故不捨惡見。若僧時到。僧忍聽。僧今爲二沙彌作不捨惡見滅擯羯磨。自今已去。此二沙彌不應言佛是我世尊。不得隨逐餘比丘。如諸沙彌得與比丘二三宿。汝等不得汝出去。滅去。不應住。此白如是大德僧聽。此二沙彌衆僧呵責。故不捨惡見。衆僧今與作惡見不捨滅擯羯磨。自今已去。此二沙彌不得言佛是我世尊。不應隨逐餘比丘。如諸沙彌得與比丘二三宿。汝今不得汝出去。滅去。不應住。此誰諸長老。忍僧爲二沙彌作惡見不捨滅擯者。默然。誰不忍者。說凡三說。僧已忍。與二沙彌作惡見不捨滅擯。竟僧忍默然。故是事如是持。時六群比丘知僧已滅擯。此二沙彌便誘將畜養共止宿。諸比丘白佛。佛更爲制戒。若自畜養與人。若自誘若教人等。俱波逸提。比丘尼犯者。波逸提。式叉摩那等。俱突吉羅。若先不知者。不犯。若勢力所持者。不犯。

若比丘餘比丘如法誦時作如是語我今不學此戒當難問餘智慧持律比丘者波逸提若爲知爲學故應難問

闍陀比丘所作非法諸比丘如法誦時乃言我今不學此戒當難問餘智慧持律比丘佛聞故制說而了了者波逸提說而了了者突吉羅比丘尼犯者波逸提式叉摩那等俱突吉羅若比丘癡不解故彼比丘應教問和尚阿闍黎可更學問誦經若諫者實不如法不犯

若比丘說戒時作如是語大德何用說是雜碎戒爲說是戒時令人慙愧懷疑輕呵戒故波逸提諸比丘集在一處誦毗尼六群自相謂言彼諸比丘誦律通利必當數數舉我等罪當往止他勿誦乃往語言長老何用誦此雜碎戒爲若欲誦者當誦四事十三事餘不應誦何以故若誦令人懷疑憂惱佛聞故制說而了了者波逸提不了了者突吉羅若毀訾阿毗曇及餘經梵吉羅比丘尼犯者波逸提式叉摩那等俱突吉羅

若比丘說戒時作如是語大德我今始知此法是戒經所載半月半月說戒經中來餘比丘知是比丘若二若三說戒中坐何況多彼比丘無知無解若犯罪應如法治更增無知罪語言大德汝無利不善得汝說戒時不一心思念攝耳聽法彼無知放波逸提六群比丘中有一人當說戒時自知犯罪恐清淨比丘舉發便先往告言我今始知此法戒經所載半月半月說戒經中來諸比丘察知其意白佛佛故制彼言今始知者意言前此未知故有犯欲避罰也清衆知其二次三次在說戒中坐況又多耶何言今始知是無知也故於所犯罪如法治外更加無知罪汝無利不善得者言其無利益不善得利益也善得利益者於說戒時當一心思念攝耳聽法今既不能故雖聽戒而無所知以無知放如波逸提若不與者突吉羅比丘尼犯者波逸提式叉摩那等俱突吉羅若未聞說戒今始聞者無犯若比丘共同羯磨已後如是言諸比丘隨親厚以僧物與者波逸提

沓摩羅子以知僧事塔事外有人設會布施不得赴衣服破壞異時有人施衆僧賃衣衆僧共議此沓摩羅子以知僧事塔事故外有人設會布施不得赴衣服破壞宜以此衣與之時衆僧白二羯磨與竟六群亦同羯磨後更作是言諸比丘隨親厚以衆僧衣與彼佛聞故制說而了了者波逸提說而不了了者突吉羅比丘尼犯者波逸提式又摩那等俱突吉羅若其事實爾當日未在羯磨衆中說者無犯

若比丘僧斷事未竟不與欲而起去者波逸提

一日衆僧集共議僧事六群自相謂言欲爲我等作羯磨即起去佛知故制僧斷事未竟而去出戶外者波逸提一足出戶欲去而未去者突吉羅比丘尼犯者波逸提式又摩那等俱突吉羅若有事與欲去者無犯若非法羯磨不與欲去無犯

若比丘與欲已後更呵者波逸提

六群中有犯事者恐衆中舉便六人相隨不離互相黨護使衆羯磨不得異時六群作衣衆喚羯磨

彼云作衣不得往喚者言可令一二人持欲去六群即令一人受欲來衆僧即與此比丘作羯磨六群悔言彼作羯磨非爲羯磨羯磨不成我以彼事與欲非爲此事佛知故制說而了了者波逸提不了了者突吉羅比丘尼犯者波逸提式又摩那等俱突吉羅若其事實不成羯磨者無犯

若比丘知他比丘鬪諍聽此語向彼說者波逸提

六群聽諸比丘鬪諍語向彼人說令僧未有諍而起諍已有諍而不滅佛知故制若比丘往聽他語聞者波逸提不聞突吉羅若方便欲去而未去者突吉羅若二人共在隱處語暗地語當彈指或警咳警之不爾突吉羅若二人在前共語亦當警之不爾突吉羅比丘尼犯者波逸提式又摩那等俱突吉羅

若比丘瞋故不喜打比丘者波逸提

六群中一人瞋打十七群比丘被打者高聲喚言止止莫打我佛聞故制若手若石若杖打者波逸提若以輕物打突吉羅若毆挨打及打式又摩那

等俱突吉羅比丘尼犯者波逸提式又摩那等俱突吉羅

若比丘嗔故不喜以手搏比丘者波逸提

六群中一人嗔恚故以手搏十七群比丘佛聞故制搏者或遮撥或挫觸也若以手者波逸提用拂柄輕物突吉羅比丘尼犯者波逸提式又摩那等俱突吉羅

若比丘嗔故不喜以無根僧伽婆尸沙誘者波逸提六群中十七群以無根僧伽婆尸沙誘聞者嫌賁佛知故制無根者十三事中無見聞疑罪也說而了了者波逸提不了了者突吉羅比丘尼犯者波逸提式又摩那等俱突吉羅

若比丘利利水澆頭王種王末出未藏寶若入宮過門闔者波逸提

迦留陀夷往入彼斯匿王宮王與萊利夫人盡日共眠夫人見迦留陀夷主即起披衣敷坐令坐時夫人失衣墮地踣地不能起迦留陀夷即出歸來語諸比丘言波斯匿王第一之寶我今悉見佛聞

不問  
字原本

故制利利是云利帝利此云王種水澆頭者以金瓶取四大海水取白牛右角取拾一切種子盛滿中置金盤上便諸小王與王與第一夫人共坐盤上大婆羅門以水灌王頂上作如是已立爲王並名利利水澆頭王種王末出者王末出後處也未藏寶者采女未還本處亦兼指金銀等寶未藏也若入宮過門闔一切波逸提若一足入內一足在外者突吉羅若入大臣長者等內室者突吉羅比丘尼及式又摩那等犯者俱突吉羅若王召入若有奏白亦須藏寶而後入無犯

若比丘若寶及寶莊飾具若自捉若教人捉除僧伽藍中及寄宿處波逸提若在僧伽藍中及寄宿處若寶及寶莊飾具若自捉若教人捉當作是意若有主識者當取如是因緣非餘

有外道從拘薩羅國來途中止息遺却金囊衆多比丘後行拾得共云待來尋者付還彼外道去久方回比丘即付還彼反詐言金少遂聞於王王審實外道理斷將金入官佛聞故制不許捉寶及寶



莊飾後因節會日毗舍佉母往會道過祇園因入  
禮佛自思。禮佛不必嚴飾。乃卸置樹下。始入去時。  
忘取比丘見之。不敢舉白。佛爲開僧伽藍中。又  
一比丘寄宿巧匠家。巧匠出外。室中有金比丘爲  
守護。竟夜不得眠。白佛。佛復并開寄宿處。凡比丘  
見僧伽藍內有遺失者。當收取。識其所遺器物片  
段。分兩分明。及其所包裹。蓋相若有來索者。當問  
明若相應。卽付還。若不相應。可語言我不見。是物  
若比丘拾所遺物。不看定不審問者。突吉羅。若是  
供養塔寺等物。爲堅牢故。捉收者不犯。若在他家  
止宿有驚恐。失應爲收舉。若在寺外見失物。可以  
草葉覆之。俟有主來索。若無索者。收歸寺內。私掌  
七八日。更無索者。應貯僧庫。經五六月。又無索者。  
應供衆僧及買堅牢器。若後主來索。應勸令捨。不  
捨者。應酬本物。不與利。或有賁不能酬者。切不得  
輕用。比丘尼犯者。波逸提。式叉摩那等俱突吉羅。  
若比丘非時入聚落。不囑餘比丘者。波逸提。  
跋難陀非時入村。與居士擣菹。比丘勝故居士慳

嫉。便言比丘非時入村爲何事。耶佛聞故。制後有  
諸比丘爲僧事。或塔寺事。及瞋病人。非時不敢入  
村。白佛。佛命囑餘比丘。而後入時者。從明相出至  
日中。非時者。從中後至明相未出。囑餘比丘者。囑  
同房或比房。同住客亦得。若不囑而入者。初入村  
門。波逸提。欲去未去。欲入未入。俱突吉羅。比丘尼  
犯者。波逸提。式叉摩那等俱突吉羅。  
若比丘作繩床。木床足。應高如來八指。除入陛孔上  
截。竟若過者。波逸提。  
迦留陀夷作高床。座見佛來。白言世尊看我床座。  
佛乃制戒。高如來八指者。佛橫一指二寸。應高一  
尺六寸也。毘即拘頭若過八指者。自作教人俱波  
逸提。不成者。突吉羅。爲他作成。不成俱突吉羅。比  
丘尼犯者。波逸提。式叉摩那等俱突吉羅。若減作  
者不犯。  
若比丘持兜羅綿。貯作繩床。木床。臥具坐褥者。波逸  
提。  
六群以兜羅綿作臥具坐褥。諸居士見之。譏其如

國王大臣佛聞故制。兜羅綿此翻水綿。從色得名也。西域有妬羅樹。綿從樹生。香而潔白。故號兜羅。乃實價物。若用之爲臥具。坐褥。修甚矣。自作教他成者。俱波逸提。不成者。突吉羅。若爲他作成。不成。俱突吉羅。比丘尼犯者。波逸提。式叉摩那等。俱突吉羅。

若比丘用骨牙角作針筒。刺刮成者。波逸提。

有信樂工師爲諸比丘作骨牙角針筒。家業竭盡。衣食缺乏。居士謂供養沙門無福得福。佛知故制。若自成。若教他成。俱波逸提。未成者。突吉羅。若爲他作成。不成。俱突吉羅。比丘尼及式叉摩那等。犯者。俱突吉羅。

若比丘作尼師壇。當應量作。是中量者。長佛二磔手。廣一磔手半。更增廣長各半。磔手若過成者。波逸提。一日世尊不赴請。遍巡諸房。見僧臥具露地。數多。爲不淨所汙。佛乃聽作尼師壇。若臥時敷在臥見上。以爲障臥具之用。亦爲障身隨衣之用。六群遂作廣長尼師壇。佛知故制。初只許長佛二磔手。廣

一磔手半。後因迦留陀夷身量。大見佛來。故以手挽尼師壇。佛問何故。報言欲令廣長。故挽耳。佛因更增廣長各半。磔手若自作。若教他過量者。波逸提。未成者。突吉羅。爲他作者。不成。俱突吉羅。比丘尼及式叉摩那等。犯者。俱突吉羅。減量作者。不犯。若得他已成者。亦當裁應量。若貼作兩重。不犯。若比丘作覆瘡衣。當應量作。是中量者。長佛四磔手。廣二磔手。若過成者。波逸提。

時諸比丘患種種瘡。膿血流出。汗身汙衣。汗臥具。佛乃聽作覆瘡衣。時諸比丘覆瘡衣。纏著瘡上。舉衣患痛。佛乃許作細衣。時六群便作廣長覆瘡衣。佛知故制。若長應量。廣不應量。若廣應量。長不應量。若長廣俱不應量。自作教人成者。波逸提。未成者。突吉羅。若爲他作成。不成。俱突吉羅。比丘尼及式叉摩那等。犯者。俱突吉羅。若減量作者。不犯。若比丘作雨浴衣。當應量作。是中量者。長佛六磔手。廣二磔手半。若過成者。波逸提。毗舍佉母作雨浴衣。施僧六群。輒自作。作廣大。雨

浴衣佛聞故制長廣若應量不應量不成等俱同上比丘尼式又摩那等犯者俱突吉羅若減量作者無犯

若比丘與如來等量作衣或過量作者波逸提是中量者長佛十磔手廣六磔手是名如來衣量

阿難陀短佛四指一日衆近見來皆謂是佛即起承迎至乃是難陀衆與難陀俱慚愧佛令着黑衣以別之六群不與如來等量作衣乃過量作佛聞故制此中長廣應量不應量不成並同上比丘尼式又摩那等犯者俱突吉羅按佛身量一丈六尺則一磔手當是一尺六寸以此推之衣長一丈六尺廣九尺六寸乃是佛衣量今人短小難可遵用又四分律云大衣離足踝四寸七衣離足踝八寸五衣離足踝一尺二寸薩婆多云衣長五肘廣三肘南山云大衣七衣俱長五肘廣三肘五衣長四肘廣二肘合此三說詳之則但用今人手長十磔手廣六磔手作大衣中衣減四寸五衣減八寸俱不犯也

諸大德我已說九十波逸提法今問諸大德是中清淨不三

諸大德是中清淨默然故是事如是持

諸大德是四波羅提提舍尼法半月半月說戒經中來

波羅提提舍尼此云向彼悔謂犯此者應向彼懺悔罪便得滅也

若比丘入村中無病從非親里尼邊自手受食食是比丘應向餘比丘悔過言大德我犯可呵法所不應爲今向大德悔過是名悔過法

時世儉費貴人民乏食死者無限比丘乞食難得蓮花色比丘尼入城乞食初日所得食持與比丘二日三日亦如是後更乞食道遇長者車來尼避道墮深泥中而掩地而臥長者見之急令扶起問故乃言乞三日食俱持與比丘今饑乏故倒地耳長者譏嫌佛聞故制不許從尼受食後諸比丘不敢受親里尼食白佛加非親里之言又病比丘不敢受非親里尼食白佛加無病之言自手受食者

不問親里非親里有病無病俱不可也比丘尼及式叉摩那等犯者俱突吉羅若有病受非親里尼食若無病受親里尼食若尼持食置地與或使人與或在僧寺尼寺中與俱不犯

若比丘在白衣家食是有比丘尼指示與某甲藥與某甲飯諸比丘應語彼比丘尼言大姊且止須諸比丘食竟若無一比丘語比丘尼如是言者比丘應向餘比丘悔過言大德我犯可呵法所不應爲我今向大德悔過是名悔過法

衆僧與六群同在白衣家受供六群尼爲六群比丘索羹飯遂至越次而與中有不得羹飯者佛聞故制不止比丘尼者波羅提提舍尼比丘尼及式叉摩那等犯者俱突吉羅若尼自爲檀越若居士設食令尼處分者不犯

有諸學家僧作學家羯磨若比丘知是學家先不受請無病自手受食食是比丘應向餘比丘悔過言大德我犯可呵法所不應爲我今向大德悔過是名悔過法

有居士家夫婦信樂爲佛弟子諸比丘至其家常與飯食無所愛惜後貧窮衣食不足諸人譏言供養沙門反得貧窮之報佛聞爲作學家白二羯磨白言大德僧聽此羅閱城中某居士夫婦得信爲佛弟子財物竭盡若僧時到僧忍聽僧今作學家羯磨諸比丘不得在其家受食食白如是大德僧聽此羅閱城中某居士家夫婦得信爲佛弟子財物竭盡僧今與作學家羯磨諸比丘不得在其家受食食誰諸長老忍僧與某居士作學家羯磨者默然誰不忍者說僧已忍與某居士作學家羯磨竟僧忍默然故是事如是持佛更制戒受學家食者提舍尼後有先受請者不敢赴食又有病者不敢受食佛皆聽許此中不受請一不當食無病二不當食況又自手受食雖受請及病亦不可食也學家者俗中學道之家比丘尼及式叉摩那等犯者俱突吉羅若學家還富來請解羯磨比丘復受食不犯

若比丘在阿蘭若迫遠有疑恐怖處住先不語檀越

僧伽藍外不受食。在僧伽藍內無病。自手受食。食是比丘應向餘比丘悔過。言大德我犯可呵。法所不應爲我今向大德悔過。是名悔過法。

羅閱城中有女人持食到僧伽藍。以過遠故爲賊所觸。撓佛乃囑諸比丘語。諸檀越莫手僧伽藍道。路中有賊故更爲制戒。不許在僧伽藍內受外來食。後有諸人雖知有賊而故持來者。比丘以佛制不許受外來食。不敢食有病者。又以未語檀越不敢食。佛俱聽受。此中不先語檀越。一不當食無病。二不當食自手受食。三不當食犯提舍尼。比丘尼及式叉摩那等犯者俱突吉羅。

諸大德我已說四波羅提提舍尼法。今問諸大德是中清淨不<sub>三</sub>。

諸大德是中清淨默然。故是事如是持。

四分戒本約義卷三

四分戒本約義卷四

福州鼓山嗣祖沙門 元賢 述

諸大德是衆學法。半月半月說戒經中來。

衆學者梵語式叉迦羅尼。此云應當學。此戒輕微難持。易犯爲比丘者所當學也。又名突吉羅。此云惡作。謂失威儀皆惡也。又此戒分二。身上犯者名惡作。口上犯者名惡說。

當齊整著涅槃僧應當學。

六群比丘著涅槃僧或高褻齊膝或下繫脅下或垂前一角如象鼻或垂前二葉如多羅樹葉或纏腰襪如國王大臣等居士讎嫌佛聞故制。若故作者犯應懺突吉羅。以是非威儀突吉羅不故作作者犯資心懺突吉羅。比丘尼及式叉摩那等犯者俱突吉羅。或有如是病或有作務時或在僧伽藍內或在村外道行時不犯。

當齊整著三衣應當學。

六群比丘著三衣或高或下等佛聞故制。犯不犯俱同上。



不得反抄衣入白衣舍應當學

六群反抄衣行入白衣舍居士譏嫌佛聞故制反抄衣者或左或右反抄衣着肩上也犯者同上

不得反抄衣入白衣舍坐應當學

因上并制

不得衣纏頸入白衣舍應當學

六群以衣纏頸入白衣舍居士譏嫌佛聞故制纏頸者總捉衣兩角着左肩上也犯者同上

不得衣纏頸入白衣舍坐應當學

因上并制

不得覆頭入白衣舍應當學

六群以衣覆頭入白衣舍居士譏其如賊盜佛聞故制覆者或以衣及樹葉等覆犯皆同上若頭有病覆者不犯或有難覆頭而走不犯

不得覆頭入白衣舍坐應當學

因上并制

不得跳行入白衣舍應當學

六群跳行入白衣舍居士譏其如鳥雀佛聞故制

犯者同上若爲人所打若有賊惡獸等難跳行而

走若有棘刺或渡渠渡坑渡水泥等跳過不犯

不得跳行入白衣舍坐應當學

因上并制

不得蹲坐白衣舍內應當學

六群赴食到白衣家蹲坐比丘以手觸之即倒地

露形居士譏其如裸形外道佛聞故制蹲者或在床或在地尻不至地也犯者同上若尻邊病不能坐者不犯

不得手扞腰行入白衣舍應當學

六群手扞腰行入白衣舍居士譏其如新娶得意之狀佛聞故制犯者同上

不得手扞腰行入白衣舍坐應當學

因上并制

不後搖身行入白衣舍應當學

六群搖身行入白衣舍居士見之譏其如國王大臣等佛聞故制犯者同上

不得搖身行入白衣舍坐應當學

因上并制

不得掉臂行入白衣舍應當學

六群掉臂行入白衣舍居士譏其如國王大臣等。佛聞故制掉臂者垂臂而行成前或却也。犯者同上。不犯者或有事難逃走等。或渡河水跳坑壍等。不犯。

不得掉臂行入白衣舍坐應當學

因上并制

好覆身入白衣舍應當學

六群不好覆身處處現露居士譏嫌謂如婆羅門等。佛聞故制犯者同上。若被風吹離體及被人所縛無犯。

好覆身入白衣舍坐應當學

因上并制

不得左右顧視行入白衣舍應當學

六群左右顧視行入白衣舍居士譏其如賊竊人。佛聞故制犯者同上。或有難欲求方便逃走。或有所尋覓不犯。

不得左右顧視行入白衣舍坐應當學

因上并制

靜默入白衣舍應當學

六群高聲大喚入白衣舍居士譏其如婆羅門。佛聞故制犯者同上。若聲不聞聲者或遠有所呼喚者。或有難高聲而走者。不犯。

靜默入白衣舍坐應當學

因上并制

不得戲笑入白衣舍應當學

六群戲笑入白衣舍居士譏其如獼猴。佛聞故制犯者同上。或念法歡喜而笑者。不犯。

不得戲笑入白衣舍坐應當學

因上并制

用意受食應當學

六群在白衣家受食居士自行斟酌。六群不用意受食損棄羹飯居士譏其貪心受食如穀實饑餓。佛聞故制犯者同上。或鉢小故有遺落。不犯。平鉢受食應當學。

六群赴供。溢鉢受食。遺棄羹飯。居士譏其如饑餓人。佛聞故制。平鉢者受食不可過滿也。犯者同上。或鉢小故滿者不犯。

平鉢受羹應當學

六群赴齋鉢中受飯多故。不能受羹。居士見亦譏。嫌佛聞故制。犯者同上。

羹飯俱食應當學

六群赴齋飯至羹未至。飯已盡。羹至飯未至。羹已盡。居士見亦譏。嫌佛聞故制。俱食者俟羹飯俱到。方食也。犯者同上。或時欲過。或有事難。或時需羹不需飯。或時需飯不需羹。不犯。

以次食應當學

六群赴齋。不從鉢中次第食。乃處處取食。居士譏其如狗猪等。佛聞故制。犯者同上。或患熱挑取冷處食。不犯。

不得挑鉢中央食應當學

六群受食挑鉢中央。令空居士譏。嫌佛聞故制。犯者同上。或患熱開中僧令冷。不犯。

無病不得爲已索羹飯應當學

六群在白衣家爲已索羹飯。居士譏。嫌佛聞故制。犯者同上。或病爲已索。或爲病人索。不犯。

不得以飯覆羹更望得應當學

六群在居士家受食。居士已與羹。彼即以飯覆羹。望更得。居士問言。羹在何處。彼默然。居士嫌責言。如饑餓人。佛聞故制。犯者同上。若請食羹。汗衣等。宜覆以飯。不犯。

不得視比坐鉢中起嫌心應當學

六群在居士家受食。見自鉢中分少。見比坐鉢中分多。便言。居士有愛憎。不平。等衆皆呵責。佛聞故制。犯者同上。若比坐病。或眼昏。爲看得食。不得食。淨不淨者。不犯。

當繫鉢想食應當學

六群受羹而左右顧視。比坐取其羹藏之。不覺乃問比坐。我羹在何處。衆皆譏。嫌佛聞故制。犯者同上。若比坐病。或眼昏。看得食。不得食。等。不犯。不得大搏飯食。應當學。

六群受供大搏飯食居士譏嫌佛聞故制犯者同。  
上若日將過中或有事難欲疾食者不犯。  
不得大張口待飯食應當學。

六群搏飯未至先大張口待食居士譏嫌佛聞故制犯者同上。

不得含食語應當學。

六群受食含飯而語居士譏嫌佛聞故制犯者同上。或有急事不犯。

不得搏飯遙擲口中應當學。

六群受食乃搏飯遙擲口中居士譏其如幻師佛聞故制犯者同上。或被執縛手不至口遙擲而食不犯。

不得遺落飯食應當學。

六群受食不如法以手搏飯遺落者多居士譏其如鳥雀等佛聞故制犯者同上。或手有病不犯。不得頰飯食應當學。

六群大口受食兩頰鼓起如獼猴狀居士譏嫌佛聞故制犯者同上。若日將過中或有事難欲疾食

者不犯。

不得嚼飯作聲應當學。

六群受食嚼飯作聲居士譏嫌佛聞故制犯者同上。若嚼乾餅焦飯瓜果等不犯。

不得大噏飯食應當學。

六群受供乃大噏飯食居士譏嫌佛聞故制大噏飯者張口遙呼噏也犯者同上。若口痛或食羹等無犯。

不得舌舐食應當學。

六群受供乃吐舌取食居士譏嫌佛聞故制犯者同上。

不得振手食應當學。

六群赴供振手而食居士譏嫌佛聞故制振手者手搖動也犯者同上。或有如是病不犯。

不得手把散飯食應當學。

六群在居士家以手掣散飯而食居士譏其如鷄鳥等佛聞故制犯者同上。若食有虫及有他點汗散去。不犯。

不得汚手捉食器應當學

六群以不淨膩手捉器而飲居士譏嫌佛聞故制犯者同上或草上受棄上受不犯

不得洗鉢水棄白衣舍內應當學

六群在居士家食已洗鉢棄洗鉢水于地餘食狼藉居士嫌責佛聞故制犯者同上若以器承持棄于外或問主人有可棄之處不犯

不得生草菜上大小便涕唾除病應當學

六群于生草菜上大小便涕唾居士譏嫌佛聞故制病者開許犯者同上若于無草菜上便流入草菜上不犯

不得淨水中大小便涕唾除病應當學

六群于淨水中大小便涕唾居士見之譏嫌佛聞故制以不淨之物汙其淨於理不可也病者不能遠行故開犯者同上若在不淨水中不犯

不得立大小便除病應當學

六群立大小便爲居士所嫌佛聞故制病者不能蹲故開犯者同上此方小便皆立不犯

不得爲反抄衣不敬人說法除病應當學

六群與反抄衣不恭敬人說法衆比丘譏嫌佛聞故制病者開許犯者同上若王大臣等可與略說但不宜廣說智者當自知時

不得爲衣纏頸人說法除病應當學

不得爲覆頭人說法除病應當學

不得爲裹頭人說法除病應當學

不得爲手挽腰人說法除病應當學

不得爲着草屣人說法除病應當學

不得爲着木屐人說法除病應當學

不得爲騎乘人說法除病應當學

右七條皆因上并制犯不犯俱同上

不得在佛塔內止宿除爲守護故應當學

六群在佛塔內止宿衆比丘嫌責佛聞故制後比丘不敢守護佛塔故開許犯者同上或爲勢力所持不犯今佛殿經閣等卽同塔論

不得佛塔內藏財物除爲堅牢故應當學

六群藏財物於佛塔中比丘嫌責佛聞故制後僧



中有財物藏宜堅牢者不敢藏白佛聽許犯者同上或爲勢力所持不犯

不得着革屣入佛塔中應當學

六群着革屣入佛塔衆見嫌責佛聞故制犯者同上又佛一日從定起露地經行時諸比丘著革屣隨佛經行佛顧視言外道弟子敬重師故不著革屣隨師經行何況多陀阿伽陀從今佛前和尚前阿闍黎前俱不應着着得突吉羅罪

不得手捉革屣入佛塔中應當學

不得着革屣繞佛塔行應當學

不得着富羅入佛塔中應當學

不得捉富羅入佛塔中應當學

右四條俱因上并制富羅梵語正言腹羅比丘短勒靴也犯不犯俱同上

不得塔下坐食留草及食汙地應當學

六群塔下坐食食已留草及食汙地不掃而去比丘嫌責佛聞故制犯者同上若有殘食及草佛聽着脚邊出時持棄之不犯

不得瘞死屍從塔下過應當學

六群瘞死屍從塔下過熏穢觸塔護塔神嘆比丘嫌責佛知故制犯者同上若路所必由或爲勢力所強不犯

不得塔下埋死屍應當學

不得塔下燒死屍應當學

不得向塔前燒死屍應當學

不得繞塔四邊燒死屍使臭氣來入應當學

右四條俱因上并制燒屍若在遠處臭氣不入者不犯

不得持死人衣及床從塔下過除浣染香熏應當學

六群持死人衣及床從塔下過臭氣觸佛塔護塔神嘆佛知故制犯者同上若浣染香熏過者不犯

不得佛塔下大小便應當學

不得向佛塔大小便應當學

不得遶佛塔四邊大小便使臭氣來入應當學

不得持佛像至大小便處應當學

右四條俱因上并制以大小便臭穢所觸即同死

人衣等也。佛像不可持至大小便處。或路必由中者。或強力所持者。不犯。

不得向佛塔下嚼楊枝。應當學。

不得向佛塔嚼楊枝。應當學。

不得向佛塔四邊嚼楊枝。應當學。

右三條皆以口氣臭穢熏觸所尊。亦所不應也。故并制之。犯者同上。又律中云。有二染汚不得禮佛。及和尚阿闍梨一者大便不洗淨。二者食後不漱。

不得向佛塔下涕唾。應當學。

不得向佛塔涕唾。應當學。

不得向佛塔四邊涕唾。應當學。

右三條皆以涕唾不淨而汙淨地。況近所尊而涕唾不敬。孰甚焉。故佛因六群而一一制之。犯者同上。或中間有隔。不見者。不犯。

不得向佛塔舒腳坐。應當學。

六群向佛塔舒腳坐。諸比丘嫌實佛為制。戒犯者同上。若中間有隔者。不犯。跏趺坐者。不犯。

不得安佛塔在下房。已在上房住。應當學。

六群安佛塔在下房。已在上房住。諸比丘嫌實佛因制。戒犯者同上。或上房有汚穢等緣。移置下房。不犯。

人坐已立。不得為說法。除病。應當學。

六群所犯辱法之過。佛知。故制。若為病人說法。則聽犯者同上。若為王大臣捉去。不犯。

人臥已坐。不得為說法。除病。應當學。

人在座已。在非座。不得為說法。除病。應當學。

人在高坐已。在下座。不得為說法。除病。應當學。

人在前行已。在後行。不得為說法。除病。應當學。

人在高經行處。已在下經行處。不得為說法。除病。應當學。

當學。

人在道已。在非道。不應為說法。除病。應當學。

右六條為重法。故一一并制之。犯。不犯。俱同上。

不得携手在道行。應當學。

六群比丘携手道上行。遮他男女居士見之。嫌嫌佛知。故制。犯者同上。若眼暗或有疾。須扶行者。俱

不犯

不得上樹過人頭除時因緣應當學

有一比丘在大樹上受夏安居大小便下樹神嘆  
欲斷其命佛知故制後有比丘路逢惡獸上樹避  
之不敢過上爲惡獸所傷佛乃聽許除時因緣犯  
者同上佛又制不得繞樹大小便犯者亦突吉羅  
不得絡盛鉢貫杖頭置肩上行應當學

跋難陀以絡盛鉢貫杖頭置肩上行居士望  
見不知何人避于下道屏處後見是跋難陀遂共  
譏嫌佛聞故制犯者同上

人持杖不應爲說法除病應當學

佛爲衆說法波斯匿王來聽其從衆有持杖者六  
群乃別爲說法佛知故制犯者同上若爲王大臣  
等無犯

人持劍不應爲說法除病應當學

人持鉞不應爲說法除病應當學  
人持刀不應爲說法除病應當學  
人持蓋不應爲說法除病應當學

右四條皆匿王從衆有持劍鉞刀蓋等故佛一一  
并制之犯不犯同上

諸大德我已說衆學法今問諸大德是中清淨不三  
諸大德是中清淨默然故是事如是持  
諸大德是七滅諍法半月半月說戒經中來  
若比丘有諍事起即應除滅

諍事有四一言諍二竟諍三犯諍四事諍言諍者  
謂評論不合如是法非法是律非律是羣罪非羣  
罪乃至是佛說非佛說是佛制非佛制等因此相  
忿相議是也竟諍者如比丘問他比丘言汝憶犯  
某罪不彼比丘不喜不受是也犯諍者如比丘犯  
波羅夷乃至惡說衆議紛然是也事諍者如僧中  
一切鬪磨一切憎事有所不合者是也若有諍起  
即當除滅除滅之法凡有七種具在下文  
應與現前毗尼當與現前毗尼

上句是量度其所宜之法下句乃以法治諍也後  
皆倣此毗尼此云善治亦云滅惡即戒律也現前  
毗尼通滅諸諍現前有五一法現前二毗尼現前

三人現前四僧現前五界現前云何名法現前現持滅諍之法是云何名毗尼現前現持滅諍之毗尼是云何名人現前共諍之人現在是云何名僧現前僧集和合是云何名界現前在界內作制限羯磨者是以此五現前爲治其諍如法懺悔而諍事滅矣若更發起者犯波逸提

應與憶念毗尼當與憶念毗尼

此毗尼正滅竟諍也如比丘被他比丘以無根罪謗實知其不犯而衆中猶說之不已應從僧中乞憶念毗尼又如一比丘犯罪已發露如法懺悔而僧中猶說之不已應從僧中乞憶念毗尼又如一比丘未犯是罪將必當犯僧中說是犯罪問之不已應從僧中乞憶念毗尼凡有乞者僧中應察其戒行果清淨者與之則如法若戒行有缺而妄與則非法也憶念者因其自不憶有罪故令其憶念若有罪則受罰無罪則加勉也與憶念毗尼法彼比丘應到僧中偏袒右肩脫草履禮僧足胡跪白言我某甲比丘被某甲比丘再三來我所問我汝

憶犯某罪不我再三答言不憶今從僧中乞憶念毗尼願僧與我憶念毗尼使彼不復數數問我若慙故如是三乞已僧應籌量可與者白四羯磨與之一比丘唱言大德僧聽此某甲比丘於僧中乞言彼某甲比丘云云同上至不復數數問我下更云僧今與憶念毗尼使彼比丘不復數數問其罪若僧時到僧忍聽白如是又唱言大德僧聽云云同上至不復問其罪下更云誰諸長老忍若默然誰不忍者說如是三說已即云僧忍與某甲比丘憶念毗尼竟僧默然故是事如是持如是滅已若更發起者犯波逸提

應與不癡毗尼當與不癡毗尼

此毗尼亦滅竟諍也如比丘癡狂失心犯種種罪後不癡語比丘問汝憶犯某罪不答言不憶乃至三問不已是人應從僧中乞不癡毗尼乞法與法俱同憶念毗尼但改憶念爲不癡耳

應與自言治當與自言治

此法正滅犯諍也自言者有比丘犯波羅夷乃至

惡說自來首云我犯某罪或僧爲舉問言汝憶犯某罪不彼自言我犯某罪僧中更當審其相果犯某罪則依其自言治之或有犯而言不犯者或有犯重而言犯輕者或有犯而言犯者或有犯輕而言犯重者皆不應與以非法故若犯罪比丘不自言犯而遽與罪者亦非法以五篇之罪皆依自言治也

應與覓罪相當與覓罪相

此法一名本言治滅諍犯諍也此因犯罪之人語言不一不可依自言治當尋覓其犯罪之相而治之如一比丘被僧舉問言汝憶犯某罪不答言不犯再問答言犯尋復言我實不犯向戲言耳如是比丘當實覓其犯罪之相依其本言治之作罪處所羯磨

應與多覓罪相當與多覓罪相

此法正滅言諍亦滅事諍犯諍此因事體是非難定輕重難判前諸法不能滅故多覓罪相以滅之多覓有四一多智慧二多人知法三多求因緣四

多處求斷多智慧者謂博學多聞律部通利善達開遮心無偏愛也多人知法者謂到多人知法之處行籌決斷也多求因緣者謂廣尋三藏多引因緣以爲證據也多處求斷者謂徧到諸力求斷其事也

應與如草覆地當與如草覆地

此法正滅犯諍兼滅言諍覓諍事諍以兩黨相傾四諍并起不可窮詰不可除滅佛乃教作如草覆地懺悔如草覆地者兩黨人各心願息諍宜盡到僧中偏袒右肩脫革屣胡跪白言大德僧聽我等共相諍鬪多犯衆罪不得除滅今從僧乞如草覆地懺悔如是三說已皆舒手脚伏地向羯磨師前一心聽受羯磨羯磨師唱言大德僧聽此諸比丘共相諍鬪多犯衆罪不得除滅今從僧乞如草覆地懺悔僧今與如草覆地懺悔若僧時到僧忍聽白如是復唱言大德僧聽今此諸比丘共相諍鬪多犯衆罪不可除滅今從僧乞如草覆地懺悔僧今與諸比丘如草覆地懺悔誰諸長老忍若默然



誰不忍者說僧與諸比丘如草覆地懺悔竟僧忍默然故是事如是持是謂如草覆地懺悔法草覆地者表服罪之相此懺悔不說罪原不說罪名僧亦不更問其罪相而受懺也

諸大德我已說七滅諍法今問諸大德是中清淨不說三

諸大德是中清淨默然故是事如是持

諸大德我已說戒經序已說四波羅夷法已說十三僧伽婆尸沙法已說二不定法已說三十尼薩耆波逸提法已說九十波逸提法已說四波羅提舍尼法已說衆學法已說七滅諍法此是佛所說戒經半月半月說戒經中來若更有餘佛法是中皆共和合應當學

此總結上文也更有餘佛法者謂戒僅二百五十而事實無窮其非佛所遮亦非佛所開許者甚衆但能于是戒中參詳其意則無不和合皆所當學也昔佛告比丘或時有事我從先來非遮非許者然于此事若違不清淨順清淨者應可行之若違

清淨順不清淨者即不應行今觀佛此囑正所謂是中皆共和合應當學也

忍辱第一道 佛說無爲最 出家憫他人 不名爲沙門

前已廣說五篇戒相此後乃七佛所說略教善體此意而行之雖不中不遠矣故一一陳之欲希聖道者必以忍辱爲第一何以忍辱爲第一以佛道無爲必由忍辱而入能忍辱則漸至于忘辱人我之相可空庶幾無爲之域根本頌云忍是動中王能得涅槃處是也若辱不能忍必至惱他豈沙門之法哉沙門此云勤息謂勤修戒定慧息滅貪瞋癡故號爲沙門今至于惱他則人我山高闊諍日起勤息之謂何

此是毗婆尸如來無所著等正覺說是戒經毗婆尸一云維衛此翻勝觀梵語多陀阿伽陀此云如來謂如實道而來示生人間化導衆生也梵語阿羅訶此翻無所著亦翻應供謂于世間出世間之法毫無所著堪受九界聖凡之供養也梵語



三藐三佛陀此翻等正覺亦翻正徧知謂知無不正亦無不徧悉如法界故此舉佛十號之三也此佛出現于世最初說此戒蓋為衆生我相未除必起鬪諍障道之法莫甚于此故首防之

譬如明眼人 能避險惡道 世有聰明人能遠離諸惡

此以喻明學道實有智也無智之人則貪近利信邪法必入三途縱得人天終歸墮落如行路人有足無明必陷于險也有智之人則能辨邪正不為小利所惑故得涅槃安隱之樂如行路人有足有眼必離于險也

此是尸棄如來無所著等正覺說是戒經

尸棄一云式棄大論翻火依此佛出現于世最初說此戒蓋以人無遠識多受外道之法貪人天之樂而不知其患也故說此以儆其迷

不謗亦不嫉 當奉行于戒 飲食知足 常樂在空閑 心定樂精進 是名諸佛教 不謗遮口業不嫉遮意業當奉行于戒則三業俱

遮矣然心貪飲食則不能奉戒心戀塵囂則不能奉戒心樂懈怠則不能奉戒故一一言之若能如此則戒可淨而定可得慧可發諸佛之教又有出此者乎

此是毗棄羅如來無所著等正覺說是戒經

●于本經本不列

毗棄羅一云毗舍浮此翻徧一切自在此佛出現于世最初說此戒蓋因諸弟子好說他過而自懈于進修無由得沙門果故示此對治之法

譬如蜂採花 不壞色與香 但取其味去

比丘入聚落 不違戾他事 不觀作不作

但自觀身行 若正若不正

初一頌前三句是喻後一句法合蜂之採花但輕取其味而色與香俱無所損比丘入聚落亦當如蜂焉雖乞種種物但取充虛而止不可過索而退彼敬信之心也次一頌前二句誠觀他後二句觀自觀謂他人之事不可與他違戾而生營毀非獨不可違戾亦不可觀其事之能行與不且當自觀已身之所行正與不正正則加勉不正則力改可

也

此是拘留孫如來無所著等正覺說是戒經

拘留孫一云拘留秦。此翻所應斷又翻作用。此佛出現于世最初說此戒。蓋因諸弟子多希利養。不知止足。好談他惡。懈于白修。故說之。

心莫作放逸

聖法當勤學

如是無憂愁

心定入涅槃

凡修聖法。最忌放逸。放逸則百無所成。故誠之而勸其勤學也。既能勤學。則煩惱可斷。故曰無憂愁。無煩惱則心可定。心定則無生聖果可入也。

此是拘留含牟尼如來無所著等正覺說是戒經

拘那含牟尼一云迦那迦牟尼。一云羯諾迦牟尼。

此翻金寂。又翻金仙。此佛出現于世最初說此戒。

蓋為聲聞之眾。耽味小定。自生放逸。不能進修。故說此以策進之。

說此以策進之

一切惡莫作

當奉行諸善

自淨其志意

是則諸佛教

一切惡莫作者。謂性業遮業。乃至無量不善法。悉

禁使斷絕也。當奉行諸善者。謂六度萬行。乃至無

量清淨法門。悉策令修進也。自淨其志意者。謂惡

雖止而意或乍起。善雖行而念或難純。則此浮情

妄想。不可不淨。況雖止惡而止惡之念未忘。雖行

善而行善之心未化。清淨心中無如是事故。亦不

可不淨也。具此三者。則諸佛教法俱不越。此故曰

是則諸佛教

此是迦葉如來無所著等正覺說是戒經

迦葉一云迦攝波。此翻飲光。此佛出現于世最初

說此戒。此乃諸戒之大綱。通行之正軌。非特為一

時一機而說也

善護于口言

自淨其志意

身莫作諸惡

此三業道淨

能得如是行

是大仙人道

世間之業。不出口意身三口業。謂妄誑綺語惡口

兩舌及一切非禮之言是也。意業謂貪瞋疑及一

切妄念是也。身業謂殺盜淫及一切目之所覩耳

之所聽鼻之所嗅舌之所嘗身之所觸起種種過

是也。若能護此三者。不至於犯。則戒臘不淨。是謂

大覺金仙之道也。夫修戒止可生天。非聖道也。然無戒則諸聖道皆不能成。故欲求大涅槃者。必得此以爲之基。謂非聖道而何哉。

此是釋迦如來無所著等正覺於十二年中爲無事僧。說是戒經。從是已後。廣分別說。諸比丘自爲樂法樂沙門者。有慚有愧。樂學戒者。當於中學。

釋迦牟尼此翻能仁寂默。寂默者內冥諦理。是自利之智也。能仁者外揚仁化。是利他之悲也。悲智雙運立此嘉稱。於十二年中。謂彼時僧衆清淨無戒可持。無相可制。故云無事。僧所以不立名相。略指大意示之。是謂略戒經。至十二年後。漸有毀犯。故世尊隨事立禁。廣說戒相。令其識相護持。防諸有漏也。諸比丘下。結勸修學。謂比丘果爾好樂正法。樂作沙門。慚愧非法。樂學淨戒者。當於此伽陀中學也。又僧祇律中名此爲偈布薩。佛住王舍城時。有九十六種出家人。皆作布薩。惟佛不作。世人嫌之。皆言何釋子獨不布薩耶。諸比丘以是白佛。佛言正應爲世人所嫌。從今後應作布薩。故說此。

偈

明人能護戒

能得三種樂

名譽及利養

死得生天上

當觀如是處

有智勤護戒

戒淨有智慧

便得第一道

此明護戒之利益。前四句明世間利益。謂有智之人。識邪正知利害。故能嚴護此戒。必能得三種樂。三種樂者。一得名譽。謂守戒之人。衆共讚揚。故二得利養。謂守戒之人。衆樂供養。故三得生天。謂守戒之人。十善具足。死得享天福。故後四句明出世利益。當觀護戒之得樂。如是有智之人。益當勤護淨戒。戒淨則能生定。因定則能發慧。既能發慧。便可得無上菩提第一之道。豈但得世間三種樂而已哉。

如過去諸佛 及以未來者 現在諸世尊  
能勝一切憂 皆共尊敬戒 此是諸佛法  
若有自爲身 欲求於佛道 當尊重正法  
此是諸佛教  
前六句言三世諸佛皆尊教此戒也。勝一切憂者。

六凡有分段之憂。三乘有變易之憂。惟佛則五住  
究竟盡。二死永亡。故能勝也。三世諸佛已成無上果  
而猶共尊此戒者。何以此戒即是諸佛之正法故。  
若有下言衆生欲求佛道。則尤當尊此戒。以是佛  
垂教於後。令人依此而修。故也。

七佛爲世尊

滅除諸結使

說是七戒經

諸縛得解脫

已入于涅槃

諸戲永滅盡

遵行大仙說

聖賢稱譽戒

弟子之所行

入寂滅涅槃

七佛下重引諸佛修證顯持戒之勝功也。七佛爲  
滅除諸結使。乃說是七戒經。此戒即是七佛自修  
之法。諸縛由此而得解脫。入于涅槃。而一切世間  
戲論之法永滅。而無有餘矣。結者九結。謂愛。恚。慢  
無明。見。取。疑。嫉。慳。使。著。見。惑。有。八十八使。乃至  
見諦思惟九十八使也。縛者有四。謂貪。瞋。戒。取。見  
取也。遵行下勸持也。言弟子遵行先聖所說之戒。  
乃聖賢之所共稱。亦即是弟子所行以入于涅槃  
之道。佛既由此而證。弟子可不依而行哉。

世尊涅槃時

興起大悲心

集諸比丘衆

與如是教誡

莫謂我涅槃

淨行無人護

我今說戒經

亦善說毗尼

我雖般涅槃

當視如世尊

此經久住世

佛法得熾盛

以是熾盛故

得入于涅槃

此引佛最後垂訓。令人尊戒也。佛于雙林中將入  
涅槃時。以大悲心。廣集法衆。謂汝等莫謂我今入  
滅。無人護汝。我今說此戒經。即與我住世無異。汝  
等當視如世尊。尊重而奉行之。若尊重則此經得  
久住。世佛法得以熾盛。以佛法熾盛。人皆奉行。則  
皆得入于涅槃也。

若不持此戒 如所應布薩 喻如日沒時  
世界常暗冥 當護持是戒 如犛牛愛尾  
和合一處坐 如佛之所說

若不下因上文而反顯不持之過。謂若不持此戒。  
于半月半月不能如法布薩。既無戒日舒光。法性  
界中悉皆冥暗。衆生盡沉沒于嶮惡道中也。布薩  
梵語具云鉢羅帝提舍耶羅。此翻我對設。謂相向



說罪也。當護下言當護戒。如犛牛愛尾者。言其護之切也。犛牛南夷之獸。其形如牛。而尾有五色。行必顧之。雖爲人所追。猶顧不捨。因顧其尾爲人所獲。喻護戒者。雖有失命。因緣而能不失也。和合一處等。謂當半月半月共集說戒。布薩如佛所說也。我已說戒經。衆僧布薩竟。我今所說經。所說諸功德。施一切衆生。皆共成佛道。此頌凡五十六句。乃曇無讖律師所立大意。皆顯揚戒德。普勸修持。至此前二句。乃總結上文。後四句。乃發願迴向。凡一切功德。不迴向衆生。則局于自利。不迴向佛道。則止于半途。今言施衆生而共成佛道。是爲第一廣大迴向也。

四分戒本約義卷四終

刪定比丘尼戒本序

按南山祖師撰集錄僧尼並有刪定戒本僧戒見行于世尼本未流此方今所誦者乃是後人準律抄出且備時用然以翻傳尙質受誦尤艱致有下墮舉身不誦或雖誦習鮮克有終故使受若牛毛持如鱗角內懷法體外被佛衣反乃混俗營生恣情造惡招他譏毀辱我教門徒染法流虛食信施乖出家本志貪生有深恩一墜三輪動經萬劫且夫禪定智慧以戒爲基菩提涅槃以戒爲本愛道虔請深憫沈淪大覺知機嚴加制約良以無始業種量若塵沙任境彰名何止八萬四千之數隨犯立法且提三百四十八條爲演說之常儀作持犯之蹊徑五夏不誦盡壽依師半月不聞違教獲罪由是敢依僧戒重定尼文彼此俱同則一無改作彼無此有則須至看詳庶令諸意從容誦持便易四明尼衆樂戒者多協力傾財鑄板模印且欲廣流資海大振律風使中外以同遵令佛法而久住忞爾來者試聽吾言無上法王萬德慈父不遺汝等末惡凡流委曲指陳微細過患可謂沒身

◆ 續編

苦海垂手迷塗奈何不省身心反生輕笑或懷羞而棟略或掩耳而懼聞寧知聖制刑科全是自心妄業故善見論云此戒法諸諸聞說者慎勿驚怪生慚愧心念佛恩德已離愛染得清淨處爲我結戒說此惡言若佛不說云何得知請詳此文深自莊實若誦若聽宜敬宜遵

元符己卯祖忌日餘杭沙門元照序

四分刪定比丘尼戒本

出無德部

稽首禮諸佛	及法比丘僧	今演毗尼法	如寶求無厭	欲除八棄法	衆集聽我說	障三十捨墮	毗舍拘留孫	諸世尊大德	諸賢咸共聽	毀戒亦如是	若生人中者	如御入險道	死時懷恐懼	說戒亦如是	勇怯有進退	世間王爲最	衆聖佛爲最	如來立禁戒
令正法久住	戒如海無涯	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	
及滅僧殘法	障三十捨墮	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	
毗婆尸式棄	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	
迦葉釋迦女	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	
我今欲善說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	
不堪有所涉	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	
欲得生天上	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	
勿令有毀損	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	
毀戒亦如是	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	
好醜生欣戚	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	
如兩陣共戰	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	
淨穢生安畏	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	
衆星月爲最	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	
戒經爲上最	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	衆集聽我說	

僧集否答云僧已集和合否答云和合未受具戒者出若  
 即遣出答云未受具戒者已出 不來諸比丘尼說欲  
 若無即云此無未受具戒者 及清淨若無即云此無說欲及清淨者 僧今和合  
 何所作爲答云說大姉僧聽今白月十五日或十四日  
 日隨時 衆僧說戒若僧時到僧忍聽和合說戒白如  
 是問云作法成否答云成  
 諸大姉我今欲說波羅提木叉諸比丘尼共集在一  
 處當應諦聽善思念之若有犯者應懺悔無犯者默  
 然默然故知諸大姉清淨若有他問者即應如實答  
 如是諸比丘尼在於衆中乃至三問憶念有罪不發  
 露者得故妄語罪佛說故妄語是障道法彼比丘尼  
 自憶知有罪欲求清淨者當懺悔懺悔則安樂  
 諸大姉我已說戒經序  
 今問諸大姉是中清淨否答云天諸大姉是中清淨默然  
 故是事如是持  
 諸大姉是八波羅夷法半月半月說戒經中來  
 若比丘尼共戒同戒不捨戒應不自悔犯不淨行乃  
 至共畜生是比丘尼波羅夷不共住

若比丘尼在村落中若閑靜處不與物盜心取隨不與取法若爲王及大臣所捉若縛若驅出國若殺汝是賊汝殺汝無所知是比丘尼波羅夷不共住

若比丘尼故斷人命持刀與人歎譽死快勸死咄人用此惡活爲事死不生作如是思惟種種方便歎譽死快勸死是比丘尼波羅夷不共住

若比丘尼實無所知自稱言我得上人法我已入聖知勝法我知是我見是後於異時若問若不問欲自清淨故作是說我實不知不見言知言見虛誑妄語除增上慢是比丘尼波羅夷不共住

若比丘尼染心共染心男子從腋已下膝已上身相摩觸是比丘尼波羅夷不共住

若比丘尼染心知男子染心受捉手捉衣入屏處共立共語共行身相倚共期是比丘尼波羅夷不共住

若比丘尼如比丘尼犯波羅夷不自發露不語衆人不白大衆後於異時彼比丘尼或命過或衆中舉或休道或入外道衆乃作是言我先知有如是罪是比丘尼波羅夷不共住

若比丘尼知比丘僧爲作舉如法如律如佛所教不順從不懺悔僧未與作共住而便順從諸比丘尼語言大姊此比丘爲僧所舉如法如律如佛所教不順從不懺悔僧未與作共住汝莫順從是比丘尼如是諫時堅持不捨彼比丘尼應三諫捨此事故乃至三諫捨者善不捨者是比丘尼波羅夷不共住

諸大姊我已說八波羅夷法若比丘尼犯一一法不得與諸比丘尼共住如前後犯亦爾是比丘尼得波羅夷罪不應共住

今問諸大姊是中清淨否三諸大姊是中清淨默然故是事如是持

諸大姊是十七僧伽婆尸沙法半月半月說戒經中來

若比丘尼往來彼此媒嫁持男意語女持女意語男若爲成婦事及爲私通事乃至須臾頃僧伽婆尸沙若比丘尼瞋恚所覆故非波羅夷比丘尼以無根波羅夷法謗欲壞彼清淨行後於異時若問若不問知此事無根說我瞋恚故作是語者僧伽婆尸沙

若比丘尼以瞋恚故於異分事中取片非波羅夷比丘尼以無浪波羅夷法誘欲壞彼清淨行後於異時若問若不問知是異分事中取片便言我瞋恚故作是語者僧伽婆尸沙

若比丘尼瞋官言居士若居士子若奴若傭作人若晝若夜乃至須臾頃僧伽婆尸沙

若比丘尼先知是賊女罪應至死人所共知不問王大臣不問種姓便度出家受戒僧伽婆尸沙

若比丘尼知他比丘尼爲僧所舉如法如律如佛所教不順從未懺悔僧未與作共住羯磨爲愛故不問僧僧不約勅出界外作羯磨與解罪僧伽婆尸沙

若比丘尼獨渡水獨入村獨宿獨在後行僧伽婆尸沙

若比丘尼染心知染心男子從彼受可食者及食并餘物僧伽婆尸沙

若比丘尼教比丘尼作如是語大姊彼有染心無染心能奈汝何汝自無染心於彼若得食者以時清淨受取僧伽婆尸沙

若比丘尼欲壞和合僧方便受壞和合僧法堅持不捨彼比丘尼應諫是比丘尼言大姊莫壞和合僧莫方便壞和合僧莫受壞僧法堅持不捨大姊應與僧和合歡喜不諍同一師學如水乳合於佛法中有增益安樂住是比丘尼如是諫時堅持不捨彼比丘尼應三諫捨此事故乃至三諫捨者善不捨者僧伽婆尸沙

若比丘尼有餘伴黨若一二三乃至無數是比丘尼語彼比丘尼言大姊莫諫此比丘尼此比丘尼是法語律語比丘尼此比丘尼所說我等喜樂我等忍可彼比丘尼應諫是比丘尼言大姊莫作是說言此比丘尼是法語律語比丘尼此比丘尼所說我等喜樂我等忍可然此比丘尼非法語律語比丘尼大姊莫欲壞和合僧汝等當樂欲和合僧大姊與僧和合歡喜不諍同一師學如水乳合於佛法中有增益安樂住是比丘尼如是諫時堅持不捨彼比丘尼應三諫捨此事故乃至三諫捨者善不捨者僧伽婆尸沙

若比丘尼依聚落若城邑住汗他家行惡行俱有見



聞諸比丘尼當語是比丘尼言大姉汗他家行惡行俱有見聞今可遠此聚落去不須住此是比丘尼語彼比丘尼言大姉今僧有愛有患有怖有疑有如是同罪比丘尼有斷者有不斷者諸比丘尼諫言大姉莫作是語言僧有愛有患有怖有疑有如是同罪比丘尼有斷者有不斷者而僧不愛不怖不疑大姉汗他家行惡行俱有見聞是比丘尼如是諫時堅持不捨彼比丘尼應三諫捨此事故乃至三諫捨者善不捨者僧伽婆尸沙

若比丘尼惡性不受人語於戒法中諸比丘尼如法諫已不受諫語言諸大姉莫向我說若好若惡我亦不向諸大姉說若好若惡大姉且止莫數諫我彼比丘尼諫是比丘尼言大姉莫不受諫諸大姉當受諫語大姉如法諫諸比丘尼諸比丘尼亦如法諫大姉如是佛弟子衆得增益展轉相諫相教懺悔是比丘尼如是諫時堅持不捨彼比丘尼應三諫捨此事故乃至三諫捨者善不捨者僧伽婆尸沙

若比丘尼相親近住共作惡行惡聲流布共相覆罪

彼比丘尼諫是比丘尼言大姉汝等與相親近共作惡行惡聲流布共相覆罪若不相親近於佛法中得增益安樂住是比丘尼如是諫時堅持不捨彼比丘尼應三諫捨此事故乃至三諫捨者善不捨者僧伽婆尸沙

若比丘尼比丘尼僧爲作詞諫時餘比丘尼教言汝等莫別住當共住我亦見餘比丘尼不別住共作惡行惡聲流布共相覆罪僧以悲故教汝別住彼比丘尼應諫是比丘尼言大姉莫教此比丘尼言汝等莫別住我亦見餘比丘尼共住共作惡行惡聲流布共相覆罪僧以悲故教汝別住今正有此二比丘尼共住共作惡行惡聲流布共相覆罪更無有餘若比丘尼別住於佛法中有增益安樂住是比丘尼如是諫時堅持不捨彼比丘尼應三諫捨此事故乃至三諫捨者善不捨者僧伽婆尸沙

若比丘尼起以小事瞋恚不喜便作是語我捨佛法僧不獨有此沙門釋子亦更有餘沙門婆羅門修梵行者我等亦可於彼修梵行彼比丘尼諫是比丘尼

二二

言大姊汝莫趣以小事嘆悲不喜便作是語我捨佛法僧不獨有此沙門釋子亦更有餘沙門婆羅門修梵行者我等亦可於彼修梵行是比丘尼如是諫時堅持不捨彼比丘尼應三諫捨此事故乃至三諫捨者善不捨者僧伽婆尸沙

若比丘尼喜鬪諍不善憶持諍事後嘆悲故便作是語令僧有愛有恚有怖有癡彼比丘尼應諫是比丘尼言大姊汝莫喜鬪諍不善憶持諍事後嘆悲故便作是語言僧有愛有恚有怖有癡而僧不愛不恚不怖不癡是比丘尼如是諫時堅持不捨彼比丘尼應三諫捨此事故乃至三諫捨者善不捨者僧伽婆尸沙

諸大姊我已說十七僧伽婆尸沙法九戒初犯餘至三諫若比丘尼犯一一法應半月與二部僧中行摩那墮行摩那墮已應與出罪當二部僧中出是比丘尼罪若少一人不滿四十衆是比丘尼罪不得除諸比丘尼亦可訶此是時  
今問諸大姊是中清淨不三諸大姊是中清淨默然

故是事如是持

諸大姊是三十尼薩耆波逸提法半月半月說戒經中來

若比丘尼衣已竟迦絺那衣已出得長衣經十日不淨施得者若過者尼薩耆波逸提

若比丘尼衣已竟迦絺那衣已出於五衣中若離一衣異處宿除僧羯磨尼薩耆波逸提

若比丘尼衣已竟迦絺那衣已出得非時衣欲須便受受已疾成衣若足者善若不足者得蓄經一月爲滿足故若過者尼薩耆波逸提

若比丘尼從非親里居士若居士婦乞衣除餘時尼薩耆波逸提餘時者奪衣失衣燒衣漂衣此是時

若比丘尼奪衣失衣燒衣漂衣是非親里居士若居士婦自恣請多與衣是比丘尼當知足受若過者尼薩耆波逸提

若比丘尼居士居士婦爲比丘尼具衣價是比丘尼先不受自恣請到居士家作如是說善哉居士辦如是衣與我爲好故若得衣者尼薩耆波逸提

是衣與我爲好故若得衣者尼薩耆波逸提

若比丘尼二居士婦與比丘尼辦衣價是比丘尼先不受自恣請到二居士家作如是說善哉居士辨如是衣與我共作一衣爲好故若得衣者尼薩耆波逸提

若比丘尼若王若大臣若婆羅門居士居士婦遣使爲比丘尼送衣價彼使至比丘尼所言大師今送衣價可受取之是比丘尼言我所不應須衣合時清淨當受彼使報言大師有執事人否比丘尼言有若僧伽藍民若優婆塞此是比丘尼執事人彼使詣執事人所與衣價已還到比丘尼所言大師所示某甲執事人我已與衣價大師知時往彼當得衣須衣比丘尼當往執事人所若一二三反爲作憶念得衣者善若不得衣應四五六反在前默然住令彼憶念得衣者善若不得衣過是求得衣者尼薩耆波逸提若不得衣從所來處若自往若遣使往語言汝先遣使送衣價與某甲比丘尼是比丘尼竟不得衣汝還取莫使失此是時

若比丘尼自手受金銀若錢若教人取若口可受者

尼薩耆波逸提

若比丘尼種種買賣寶物者尼薩耆波逸提

若比丘尼種種販賣者尼薩耆波逸提

若比丘尼畜鉢減五綴不漏更求新鉢爲好故尼薩耆波逸提彼比丘尼是鉢應往僧中捨展轉取最下鉢與之令持乃至破應持此是時

若比丘尼自乞糲線使非親里織師織作衣者尼薩耆波逸提

若比丘尼居士居士婦使織師爲比丘尼織作衣是比丘尼先不受自恣請往織師所言此衣爲我作汝當極好織令廣長堅緻齊整好我當與汝價是比丘尼與衣價乃至一食直得衣者尼薩耆波逸提

若比丘尼先與比丘尼衣後瞋恚故若自奪若使人奪是比丘尼應還衣若取者尼薩耆波逸提

若比丘尼有病畜酥油生酥蜜石蜜齊七日得服若過者尼薩耆波逸提

若比丘尼十日未滿夏三月若有急施衣應受乃至衣時應畜若過者尼薩耆波逸提

● 遺闕立

若比丘尼知他欲與僧物自迴入已者尼薩著波逸提

若比丘尼欲索是更索彼者尼薩著波逸提

若比丘尼知檀越所為僧施物異迴作餘用者尼薩著波逸提

若比丘尼知檀越所為僧施物異迴作餘用者尼薩著波逸提

若比丘尼知檀越所為僧施物異迴作餘用者尼薩著波逸提

若比丘尼知檀越所為僧施物異迴作餘用者尼薩著波逸提

若比丘尼檀越所施物異迴作餘用者尼薩著波逸提

若比丘尼檀越所施物異迴作餘用者尼薩著波逸提

若比丘尼檀越所施物異迴作餘用者尼薩著波逸提

若比丘尼檀越所施物異迴作餘用者尼薩著波逸提

若比丘尼多蓄好色器者尼薩著波逸提

若比丘尼先許比丘尼病衣後不與者尼薩著波逸提

若比丘尼以非時衣受作時衣者尼薩著波逸提

若比丘尼先與比丘尼貨易衣後瞋恚若自奪若使人奪是比丘尼應還衣若取者尼薩著波逸提

若比丘尼乞重衣齊價直四端毘若過者尼薩著波逸提

若比丘尼乞重衣齊價直四端毘若過者尼薩著波逸提

波逸提

若比丘尼乞輕衣齊價直兩端半毘若過者尼薩著波逸提

波逸提

諸大姉我已說三十尼薩著波逸提法

今問諸大姉是中清淨否三諸大姉是中清淨默然

故是事如是持

諸大姉是一百七十八波逸提法半月半月說戒經中來

中來

若比丘尼故妄語波逸提

若比丘尼毀譽語者波逸提

若比丘尼兩舌語者波逸提

若比丘尼與男子同室宿者波逸提

若比丘尼與未受大戒女人同室宿若過三宿者波逸提

若比丘尼與未受大戒人同誦者波逸提

若比丘尼知他比丘尼有惡惡罪向未受大戒人說除僧屠羯波逸提

除僧屠羯波逸提

若比丘尼向未受大戒人說過人法言我知是我見

是見知實者波逸提

若比丘尼與男子說法過五六語除有智女人波逸提

若比丘尼自手掘地若教人掘者波逸提

若比丘尼壞鬼神村者波逸提

若比丘尼妄作異語憍僧者波逸提

若比丘尼嫌罵僧知事者波逸提

若比丘尼取僧繩床木床臥具坐褥露地自敷若教人敷捨去不自舉不教人舉者波逸提

若比丘尼僧房舍內敷僧臥具坐褥若自敷若教人敷若坐若臥從彼捨去不自舉不教人舉者波逸提

若比丘尼先知比丘尼住處後來於其中間強敷臥具止宿念言彼若嫌連者自當避我去作如是因緣非餘非威儀者波逸提

若比丘尼瞋他比丘尼不喜僧房舍內若自牽出若教人牽出者波逸提

若比丘尼在房重閣上脫脚繩床木床若坐若臥者波逸提

若比丘尼知水有蟲自用澆泥澆草若教人澆者波逸提

若比丘尼作大房舍戶扉牕牖及諸莊飾具指授覆

苫齊二三節若過者波逸提

若比丘尼施一食處無病比丘尼應受若過者波逸提

提

若比丘尼別衆食除餘時波逸提除時者病時施衣

時作衣時道行時船行時沙門施食時此是時

若比丘尼至檀越家殷勤請與餅羹飯比丘尼須者

應兩三鉢受持至寺內應分與餘比丘尼食若比丘

尼無病過兩三鉢受者波逸提

若比丘尼非時食者波逸提

若比丘尼食殘宿食者波逸提

若比丘尼不受食若藥著口中除水及楊枝波逸提

若比丘尼先受請已若前食後食行詣餘家不齧餘

比丘尼除餘時波逸提餘時者病時作衣時施衣時

此是時

若比丘尼食家中有寶強安坐者波逸提



若比丘尼食家中有寶在屏處坐者波逸提

若比丘尼獨與男子露地坐者波逸提

若比丘尼語諸比丘尼如是語大師共至棄落當與

汝食彼比丘尼竟不教與是比丘尼食語言汝去我

與汝共坐共語不樂我獨坐獨語樂以是因緣非餘

方便遣者波逸提

若比丘尼謂四月與藥無病比丘尼應受若過受除

常請更請分請盡形請者波逸提

若比丘尼往觀軍陣除時因緣波逸提

若比丘尼有因緣至軍中若過二夜至三夜者波逸

提

若比丘尼軍陣住若二宿三宿或觀軍陣開戰或觀

遊軍象馬勢力者波逸提

若比丘尼飲酒者波逸提

若比丘尼水中戲者波逸提

若比丘尼嚼搗他者波逸提

若比丘尼不受諫者波逸提

若比丘尼恐怖他比丘尼者波逸提

若比丘尼半月洗浴無病比丘尼應受若過者除餘

時波逸提除時者熱時病時作時風時雨時進行來

時此是時

若比丘尼無病為炙身故露地然火若自然若教人

然除時因緣波逸提

若比丘尼藏他比丘尼衣鉢坐具針筒若自藏若教

人藏下至戲笑者波逸提

若比丘尼淨施比丘比丘尼式叉摩那沙彌沙彌尼

衣不問主轉著者波逸提

若比丘尼得新衣當作三種染壞色青黑木蘭若比

丘尼得新衣不作三種染壞色青黑木蘭新衣持者

波逸提

若比丘尼故斷畜生命者波逸提

若比丘尼知水有虫飲用者波逸提

若比丘尼故憐他比丘尼乃至少時不樂者波逸提

若比丘尼知比丘尼有惡惡罪覆藏者波逸提

若比丘尼知四諍事如法滅已後更發舉者波逸提

若比丘尼知是賊伴期同道行乃至棄落者波逸提

若比丘尼作如是語我知佛所說法行姪欲非障道  
法彼比丘尼應諫是比丘尼言大姉莫作是語莫勝  
世尊勝世尊者不善世尊不作是語世尊無數方便  
說行姪欲是障道法是比丘尼如是諫時堅持不捨  
彼比丘尼應三諫捨此事故乃至三諫捨者善不捨  
者波逸提  
若比丘尼知如是語人未作法如是惡邪不捨供給  
所須共同羈磨止宿言語者波逸提  
若比丘尼知沙彌尼作如是語我知佛所說法行姪  
欲非障道法彼比丘尼應語此沙彌尼言汝莫作是  
語莫勝世尊勝世尊者不善世尊不作是語沙彌尼  
世尊無數方便說行姪欲是障道法是沙彌尼如是  
諫時堅持不捨彼比丘尼應三諫捨此事故乃至三  
諫捨者善不捨者彼比丘尼應語是沙彌尼言汝自  
今已後非佛弟子不得隨餘比丘尼如餘沙彌尼得  
與大比丘尼二三宿汝今無此事汝出去滅去不須  
住此若比丘尼知是被擯沙彌尼若音同一止宿者  
波逸提

若比丘尼餘比丘尼如法諫時作如是語我今不學  
此戒乃至有智慧持戒律者我當離間波逸提欲求  
解者應當離間  
若比丘尼說戒時作如是語大姉何用說此雜碎戒  
爲說是戒時令人懷愧懷疑輕訶戒故波逸提  
若比丘尼說戒時作如是語大姉我今始知是法是  
戒經半月半月說戒經中來若餘比丘尼知是比丘  
尼若二若三說戒中坐何況多彼比丘尼無知無解  
若犯罪者應如法治更重增無知罪大姉汝無利得  
不善汝說戒時不一心思念攝耳聽法彼無知故波  
逸提  
若比丘尼共同羈磨已後如是語諸比丘尼隨親友  
以僧物與者波逸提  
若比丘尼僧斷事不與欲而起去者波逸提  
若比丘尼與欲已後更訶者波逸提  
若比丘尼知他比丘尼圖諍聽此語已向彼說者波  
逸提  
若比丘尼瞋故不喜打比丘尼者波逸提

若比丘尼噴故不喜以手搏比丘尼者波逸提

若比丘尼噴故不喜以無根僧伽藍戶沙法謗者波逸提

若比丘尼利水澆頭王王未出未藏寶若入官門過闕者波逸提

若比丘尼若寶及寶莊飾具若自捉若教人捉除僧伽藍中及寄宿處波逸提若在僧伽藍中及寄宿處若寶及寶莊飾具若自捉若教人捉識者當取即是因緣非餘

若比丘尼非時入聚落不囑餘比丘尼者波逸提

若比丘尼作繩床木床足應高如來八指除入陁孔上截竟過者波逸提

若比丘尼持兜羅綿貯作繩床木床臥具坐褥者波逸提

若比丘尼嗽蘇者波逸提

若比丘尼身三處以刀刺者波逸提

若比丘尼以水作淨齊兩指各一節若過者波逸提  
若比丘尼以胡膠作男形者波逸提

若比丘尼共相拍者波逸提

若比丘尼比丘無病食時輒供給水及以扇者波逸提  
若比丘尼乞生穀者波逸提

若比丘尼在生草上大小便者波逸提

若比丘尼夜大小便器蓋不著牆外棄者波逸提

若比丘尼故往觀聽伎樂者波逸提

若比丘尼入村中與男子在屏處共立語者波逸提

若比丘尼與男子共入屏覆障處者波逸提

若比丘尼入村內巷陌中遣伴遠去在屏處與男子共立耳語者波逸提

若比丘尼入白衣家坐不語主人捨去者波逸提

若比丘尼入白衣家不語主輒坐床者波逸提

若比丘尼入白衣家不語主輒自敷座止宿者波逸提

若比丘尼與男子共入暗室中者波逸提

若比丘尼不離受師語便向人說者波逸提

若比丘尼有小因緣便詬言若我有如是事墮三惡道不生佛法中若汝有如是事亦墮三惡道不生

若比丘尼與男子共入暗室中者波逸提

若比丘尼不離受師語便向人說者波逸提

若比丘尼有小因緣便詬言若我有如是事墮三惡道不生佛法中若汝有如是事亦墮三惡道不生

佛法中者波逸提

若比丘尼共關諍不善憶持諍事推背啼泣者波逸提

若比丘尼無病二人共床臥者波逸提

若比丘尼同一褥一被共臥除餘時波逸提

若比丘尼知先住後至知後至先住爲憍尼故在前誦經問義教授者波逸提

若比丘尼同活比丘尼病不瞻視者波逸提

若比丘尼夏安居初聽餘比丘尼在房中安床後嘆患驅出者波逸提

若比丘尼春夏冬一切時人間遊行除因緣波逸提

若比丘尼夏安居竟不去者波逸提

若比丘尼邊界有疑恐怖處人間遊行若波逸提

若比丘尼於王界內有疑恐怖處在人間遊行若波逸提

若比丘尼親近居士居士共住作不隨順行餘比丘尼諫是比丘尼言大姉莫親近居士居士共住

作不隨順行大姉可別住若別住者於佛法中有增益安樂住是比丘尼如是諫時堅持不捨彼比丘尼

應三諫捨此事故乃至三諫捨者善不捨者波逸提

若比丘尼往觀王宮文飾畫堂園林浴池者波逸提

若比丘尼露身在河水泉水流水中浴者波逸提

若比丘尼作浴衣當應量作是中量者長佛六磔手廣二磔手半若過成者波逸提

若比丘尼縫僧伽梨過五日除求僧伽梨出迦絺那衣六難事起者波逸提

若比丘尼過五日不著僧伽梨者波逸提

若比丘尼檀越與衆僧衣故作留難者波逸提

若比丘尼不問主顧著他衣者波逸提

若比丘尼持沙門衣施與外道白衣者波逸提

若比丘尼作如是意衆僧如法分衣遮令不分恐弟子不得者波逸提

若比丘尼作如是意令衆僧今不得出迦絺那衣後當出欲令五事文得放捨者波逸提

若比丘尼作如是意遮比丘尼僧不出迦絺那衣欲

令五事文得放捨者波逸提

若比丘尼餘比丘尼語言爲我減此靜事而不與作方便令減者波逸提

若比丘尼自手持食與白衣外道食者波逸提

若比丘尼爲白衣作使者波逸提

若比丘尼自手紡績者波逸提

若比丘尼入白衣舍內在小床大床上若坐若臥者波逸提

若比丘尼至白衣舍語主人敷臥具止宿明日不辭去者波逸提

若比丘尼誦習世俗呪術者波逸提

若比丘尼教人誦習世俗呪術者波逸提

若比丘尼知女人妊身與受大戒者波逸提

若比丘尼知婦女乳兒與受大戒者波逸提

若比丘尼知年未滿二十與受大戒者波逸提

若比丘尼十八童女不與二歲學戒年滿二十便與受大戒者波逸提

若比丘尼十八童女與二歲學戒不與六法年滿二

十便與受大戒者波逸提

若比丘尼十八童女與二歲學戒及六法已年滿二十衆僧不聽便與受大戒者波逸提

若比丘尼度小年曾嫁婦女年十歲與二歲學戒年

滿十二聽與受大戒若減十二與受大戒者波逸提

若比丘尼度小年曾嫁婦女與二歲學戒年滿十二

不白衆僧便與受大戒者波逸提

若比丘尼知是姪女與受大戒者波逸提

若比丘尼多度弟子不教二歲學戒不以二法攝取

者波逸提

若比丘尼不二歲隨和尚尼者波逸提

若比丘尼僧不聽而授人大戒者波逸提

若比丘尼未滿十二歲授人大戒者波逸提

若比丘尼滿十二歲衆僧不聽便授人大戒者波逸

提

若比丘尼僧不聽授人大戒便言衆僧有愛有慈有

怖有疑欲者便聽不欲者便不聽波逸提

若比丘尼父母夫主不聽與授大戒者波逸提



若比丘尼知女人與男子相敬愛慈愛瞋恚度令出家受大戒者波逸提

若比丘尼語式又摩那言捨是學是當與汝受大戒

若不方便與受者波逸提

若比丘尼語式又摩那言持衣來我當與汝受大戒而方便與受者波逸提

若比丘尼不滿一歲授人大戒者波逸提

若比丘尼與人受本法已經宿方往比丘僧中與受大戒者波逸提

若比丘尼授日無病不往受教授者波逸提

若比丘尼半月應往比丘僧中求教授若不求者波逸提

若比丘尼夏安居竟應往比丘僧中說三事自恣見

聞疑若不往者波逸提

若比丘尼在無比丘處夏安居者波逸提

若比丘尼知有比丘僧伽藍不白入者波逸提

若比丘尼屬比丘者波逸提

若比丘尼喜聞諍不善憶持諍事後瞋恚不喜罵比

丘尼者波逸提

若比丘尼身生癰瘡不白及餘人輒使男子若破

若裹者波逸提

若比丘尼先受請若足食已後更食者波逸提

若比丘尼於檀越家生嫉妬心者波逸提

若比丘尼以香塗摩身波逸提

若比丘尼以胡麻滓塗摩身者波逸提

若比丘尼以比丘尼塗摩身者波逸提

若比丘尼使式又摩那塗摩身者波逸提

若比丘尼使沙彌尼塗摩身者波逸提

若比丘尼使白衣婦女塗摩身者波逸提

若比丘尼著用跣衣者波逸提

若比丘尼著婦女嚴身具除時因緣波逸提

若比丘尼著草屣持簪行除時因緣波逸提

若比丘尼無病乘行除時因緣波逸提

若比丘尼不著僧祇支入村者波逸提

若比丘尼向暮至白衣家先不被喚者波逸提

若比丘尼向暮開僧伽藍門不關餘比丘尼而出者

波逸提

若比丘尼日沒開僧伽藍門不囑而出者波逸提

若比丘尼不前安居不後安居者波逸提

若比丘尼知女人常漏大小便涕唾常出與受大戒者波逸提

者波逸提

若比丘尼知二形人與受大戒者波逸提

若比丘尼知女人二道合與受大戒者波逸提

若比丘尼知負債難人及病難人與受大戒者波逸提

提

若比丘尼學世俗伎術以自活命者波逸提

若比丘尼以世俗伎術教白衣者波逸提

若比丘尼被擯不去者波逸提

若比丘尼欲問比丘義先不求而問者波逸提

若比丘尼知先住後至知後至先住欲惱彼故在前

經行若立若坐若臥者波逸提

若比丘尼知有比丘僧伽藍中起塔者波逸提

若比丘尼見新受戒比丘應起迎逆恭敬禮拜問訊

請坐若否者除時因緣波逸提

若比丘尼爲好故搖身起行者波逸提

若比丘尼作婦女莊嚴香塗摩身者波逸提

若比丘尼使外道女香塗摩身者波逸提

諸大姉我口說一百七十八波逸提法

今問諸大姉是中清淨否三諸大姉是中清淨默然

故是事如是持

諸大姉是八波羅提提舍尼法半月半月說戒經中

來

若比丘尼無病乞酥食是比丘尼應向餘比丘尼悔

過言大姉我犯可訶法所不應爲今向大姉悔過是

名悔過法

若比丘尼無病乞油食是比丘尼應向餘比丘尼悔

過言大姉我犯可訶法所不應爲今向大姉悔過是

名悔過法

若比丘尼無病乞蜜食是比丘尼應向餘比丘尼悔

過言大姉我犯可訶法所不應爲今向大姉悔過是

名悔過法

若比丘尼無病乞黑石蜜食是比丘尼應向餘比丘

尼悔過言大姉我犯可訶法所不應爲今向大姉悔過是名悔過法

若比丘尼無病乞乳食是比丘尼應向餘比丘尼悔過言大姉我犯可訶法所不應爲今向大姉悔過是名悔過法

若比丘尼無病乞酪食是比丘尼應向餘比丘尼悔過言大姉我犯可訶法所不應爲今向大姉悔過是名悔過法

若比丘尼無病乞魚食是比丘尼應向餘比丘尼悔過言大姉我犯可訶法所不應爲今向大姉悔過是名悔過法

若比丘尼無病乞肉食是比丘尼應向餘比丘尼悔過言大姉我犯可訶法所不應爲今向大姉悔過是名悔過法

諸大姉我已說八波羅提提舍尼法

今問諸大姉是中清淨否諸大姉是中清淨默然故是事如是持

諸大姉是衆學法半月半月說戒經中來

齊整著內衣應當學

齊整著五衣應當學

不得反抄衣入白衣舍應當學

不得反抄衣入白衣舍坐應當學

不得衣纏頸入白衣舍應當學

不得衣纏頸入白衣舍坐應當學

不得覆頭入白衣舍應當學

不得覆頭入白衣舍坐應當學

不得跣行入白衣舍應當學

不得跣行入白衣舍坐應當學

不得踞坐白衣舍內應當學

不得叉腰入白衣舍應當學

不得叉腰入白衣舍坐應當學

不得搖身入白衣舍應當學

不得搖身入白衣舍坐應當學

不得掉臂入白衣舍應當學

不得掉臂入白衣舍坐應當學

好覆身入白衣舍應當學

好覆身白衣舍坐應當學

不得左右顧視入白衣舍應當學

不得左右顧視白衣舍坐應當學

靜默入白衣舍應當學

靜默白衣舍坐應當學

不得戲笑入白衣舍應當學

不得戲笑白衣舍坐應當學

正意受食應當學

平鉢受飯應當學

平鉢受羹應當學

羹飯俱食應當學

以次食應當學

不得挑鉢中央食應當學

無病不得爲已索羹飯應當學

不得以飯羹羹更望得應當學

不得視比座鉢中起嫌心應當學

當緊鉢想食應當學

不得大搏飯食應當學

不得張口待飯食應當學

不得含食語應當學

不得搏飯擲口中應當學

不得遺落飯食應當學

不得頻飯食應當學

不得嚼飯作聲應當學

不得噉飯食應當學

不得舌舐食應當學

不得振手食應當學

不得手把飯食應當學

不得汗手捉食器應當學

不得洗鉢水棄白衣舍內應當學

不得生草上大小便涕唾除病應當學

不得淨水中大小便涕唾除病應當學

不得立大小便除病應當學

不得爲反抄衣人說法除病應當學

不得爲衣纏頭人說法除病應當學

不得爲覆頭人說法除病應當學

不得爲衰頹人說法除病應當學  
不得爲又腰人說法除病應當學  
不得爲著革屣人說法除病應當學  
不得爲著木屐人說法除病應當學  
不得爲騎乘人說法除病應當學  
不得佛塔內宿除爲守護故應當學  
不得佛塔內藏財物除爲堅牢故應當學  
不得著革屣入佛塔中應當學  
不得捉革屣入佛塔中應當學  
不得著革屣遮佛塔應當學  
不得著富羅入佛塔中應當學  
不得捉富羅入佛塔中應當學  
不得塔下食留草及食汗地應當學  
不得瘞死屍從塔下過應當學  
不得塔下埋死屍應當學  
不得塔下燒死屍應當學  
不得塔前燒死屍應當學  
不得遠塔四邊燒死屍使臭氣來入應當學

不得持死人衣及床從塔下過除浣染香熏應當學  
不得塔下大小便應當學  
不得向塔大小便應當學  
不得遠塔四邊大小便使臭氣來入應當學  
不得持佛像至大小便處應當學  
不得塔下嚼楊枝應當學  
不得向塔嚼楊枝應當學  
不得遠塔四邊嚼楊枝應當學  
不得塔下涕唾應當學  
不得向塔涕唾應當學  
不得遠塔四邊涕唾應當學  
不得向塔舒腳坐應當學  
不得安佛在下房已在上房住應當學  
人坐已立不得爲說法除病應當學  
人臥已坐不得爲說法除病應當學  
人在座已在非座不得爲說法除病應當學  
人在高座已在下座不得爲說法除病應當學  
人在前行已在後行不得爲說法除病應當學



人在高經行處已在下經行處不得爲說法除病應當學

人在道已非道不得爲說法除病應當學

不得携手在道行應當學

不得上樹過人頭除時因緣應當學

不得絡囊盛鉢杖頭置肩上行應當學

人持杖不應爲說法除病應當學

人持劍不應爲說法除病應當學

人持矛不應爲說法除病應當學

人持刀不應爲說法除病應當學

人持蓋不應爲說法除病應當學

諸大姉我已說衆學法

今問諸大姉是中清淨否三諸大姉是中清淨默然

故是事如是持

諸大姉是七滅淨法半月半月說戒經中來

若比丘尼有諍事起卽應除滅

應與現前毗尼當與現前毗尼

應與憶念毗尼當與憶念毗尼

應與不癡毗尼當與不癡毗尼

應與自言治當與自言治

應與多覓罪相當與多覓罪相

應與覓罪相當與覓罪相

應與如草覆地當與如草覆地

諸大姉我已說七滅淨法

今問諸大姉是中清淨否三諸大姉是中清淨默然

故是事如是持

諸大姉我已說戒經序已說八波羅夷法已說十七

僧伽婆尸沙法已說三十尼薩耆波逸提法已說一

百七十八波逸提法已說入波羅提提舍尼法已說

衆學法已說七滅淨法

此是佛所說戒經半月半月說戒經中來

若更有餘佛法是中皆共和合應當學

忍辱第一道 佛說無爲最 出家憐他人

不名爲沙門

此是毗婆尸如來無所著等正覺說是戒經

譬如明眼人 能避險惡道 世有聰明人

能遠離諸惡

此是尸棄如來無所著等正覺說是戒經

不謗亦不嫉 當奉行於戒 飲食知足足

常樂在空閑 心定樂精進 是名諸佛教

此是毗婆舍羅如來無所著等正覺說是戒經

譬如蜂採花 不壞色與香 俱取其味去

比丘入棄然 不違反他事 不觀作不作

但自觀身行 若正若不正

此是拘留孫如來無所著等正覺說是戒經

心莫作放逸 聖法當勤學 如是無憂愁

心定入涅槃

此是拘那含牟尼如來無所著等正覺說是戒經

一切惡莫作 當奉行諸善 自淨其志意

是則諸佛教

此是迦葉如來無所著等正覺說是戒經

善護於口言 自淨其志意 身莫作諸惡

此三棄道淨 能得如是行 是大仙人道

此是釋迦牟尼如來無所著等正覺於十二年中為

無事僧說是戒經從是已後廣分別說諸比丘尼自

為樂法樂沙門者有慚有愧樂學戒者當於中學

明人能護戒 能得三種樂 名譽及利養

死得生天上 當觀如是處 有智勤護戒

戒淨有智慧 便得第一道 如過去諸佛

及以未來者 現在諸世尊 能勝一切憂

皆共尊敬戒 此是諸佛法 若有自為身

欲求於佛道 當尊重正法 此是諸佛教

七佛為世尊 滅除諸結使 說是七戒經

諸縛得解脫 已入於涅槃 諸戲永滅盡

尊行大仙說 聖賢稱譽戒 弟子之所行

入寂滅涅槃 世尊涅槃時 興起於大悲

集諸比丘眾 與如是教誡 莫謂我涅槃

淨行者無護 我今說戒經 亦善說毗尼

我雖般涅槃 當視如世尊 此經久住世

佛法得熾盛 以是熾盛故 得入於涅槃

若不持此戒 如所應布薩 喻如日沒時

世界皆暗冥 當護持是戒 如犍牛愛尾

和合一處坐 如佛之所說 我已說戒經  
衆僧布薩竟 我今說戒經 所說諸功德  
施一切衆生 皆共成佛道

四分比丘尼戒本

釋迦遺法弟子 受持

四分律云五夏不誦戒羯磨齋形不得離依止十誦律云不誦戒通利齋形依止

毗尼母論云不誦戒人若故不誦先誦後忘根鈍誦不得此三人不得離依止

五百問論云若經十夏不誦戒者飯水食飯坐臥牀席日日犯盜

又四分律中五種持律第一誦戒至三十第二誦至九十第三誦比丘戒本第四誦二部戒本第五

廣誦二部律

智度論云破戒之人人所不敬其處如蟻失諸功德譬如枯樹惡心可畏譬如羅刹人所不近如大

病人難可共住譬如毒蛇雖復剝頭染衣次第捉得實非比丘尼若著法衣鉢盂則是熱鐵棄洋銅器凡所食噉吞熱鐵丸飲洋銅汁則是地獄之人又常懷怖懼我爲佛賊常畏死至如是種種破戒之相不可稱說行者應當一心持戒目連問罪報經云若比丘比丘尼無慚愧心輕慢佛語犯突吉羅衆學戒罪如四天王壽五百歲墮泥犁中於人間數九百千歲 第二波羅提提舍尼如三十三天壽千歲墮泥犁中於人間數三億六千歲 第三波羅提提者如餘摩天壽二千歲墮泥犁中於人間數二十一億四千歲 第四倫闍邏如兜率天壽四千歲墮泥犁中於人間數五十億六千歲 第五僧伽婆尸沙罪如不憍樂天壽八千歲墮泥犁中於人間數二百三十億四十千歲 第六犯波羅夷罪如他化自在天壽十六千歲墮泥犁中於人間數九百二十一億六千歲

音義

前序 鮮去聲混平憫悲蹊奚胡胡摸亡  
 戒序 涯通音音轄戶怯去今問諸大姉通下三  
 八夷 麻力譽預腋亦膝悉  
 僧殘 欲壞胡奈奴過又莫數胡  
 捨墮 絺丑音丑販方綴力綴直齊去賀哉  
 單提 營邪壞鬼上進避賊苦失勉尺箸口上要  
 略教 抄楚交初纏直頸居跳條存掉徒挑吐調  
 衆學 比座上頰古喻計祗把下履奇牙謀  
 提舍 酥乘酪格  
 涕唾 上他計臥  
 妊汝媼又癰容淫肚跨舌歷所乘乘上去  
 呼伯伎渠詛助推直礎移紡績上妃用去  
 各闕雨通泥陸傍兜侯呂蒜齊下去  
 略教 著直反郎後序擇交尊行呼平

佛法東流千有餘載


尸羅一教萬行樞機。教光納具有年。緬思修相。竊聞毗尼大藏。僧尼戒本。各存一焉。今則僧戒固已盛弘。尼戒頗希。受誦教光幸觀。

慈訓敢忘。檢揚普勸。同徒重行。鑲板庶資。於聞見俾永遠。以流通戒德。彌方法身。常在此板。捨入洛東。東林常住。永遠印行。皆

永仁五丁酉十一月一日


東林尼寺住持比丘尼教光禱首敬題

釋四分律比丘尼鈔科文





初 闍 章	二 列 釋二	初 通 列 七 聚七	二 別 闍 名 義二	初 問 答 名 異 體 同 四 日	二 別 釋 能 所 名 義二	初 從 能 治 行 立 名二	二 就 所 證 行 立 名二	初 結 前 生 後 上 明	二 正 明 受 隨二	三 結 界 篇二	初 牒 篇 名	二 依 篇 釋二	初 分 門	二 別 解三	初 定 量 第一	二 大 界二	三 戒 場二	初 牒 名 分 章 第三	二 隨 章 別 釋二
四 二 提 第四	五 合 第五	六 吉 羅 第六	七 惡 說 第七	初 合 明 官 毗	二 雙 結 此 上	初 釋 因 果 二 名 三	二 示 受 隨 兩 義二	初 明 受 官 受	二 辨 隨二	初 牒 名 開 章 第二	二 隨 章 正 辨 六	初 隨 緣 第一	二 立 相二	三 唱 形 第三	四 集 僧 第四	五 辨 欲 第五	六 作 法 第六	初 叙 意 示 圓 第二	二 覆 顯 三 相 今 依
二 合 解 戶	三 雙 結二	初 對 論 顯 顯 顯	二 互 攝 理 通 客 欲	初 總 釋 名 義 二 體	二 分 示 二 體 三	初 歷 顯 顯 有	二 歷 明二	三 雙 結 放二	初 示 持 所 官	二 明 犯 官 上	初 引 文二	初 示 相 第二	二 辨 界 形 見 論	二 義 判二	初 立 相 隨 時 義 云	二 唱 結 離 通 然 氣	初 示 法 第四	二 加 隔 磨 上 座	初 示 相 次 結





初 總 經 釋 中	二 別 陳 同 答 二	初 陳 幸 公 由 三	三 至 釋 二	二 隨 章 正 釋 十	初 陳 章 分 文 二	二 本 法 二	初 由 藉 二	二 列 釋 二	初 開 章	○ 具 戒 篇 二	二 別 解 二	初 分 門 二	二 依 篇 二	初 陳 篇 名 二	○ 九 畜 衆 篇 二	二 仲 問 答 二	初 年 十 八 二	二 列 釋 五	初 開 章
六 白 喚 六	五 出 問 二	四 白 差 四	三 安 置 三	二 開 較 心 懷 知 所	初 先 陳 緣 提 二	二 戒 緣 二	二 別 示 請 法 三	初 通 叙 請 意 一	初 諸 師 二	二 陳 篇 解 二	初 陳 篇 名 二	二 制 乞 二	初 畜 意 二	二 問 年 減 開 成 三	初 問 投 法 儀 軌 開 受	二 十 八 法 借 歌	初 明 三 法 五	五 行 法 二	四 六 法 四
二 正 問 遮 難 二	初 問 前 方 便 今 正	二 威 儀 出 問 三	初 差 問 所 因 五	二 詰 彼 白 讀 問 難	初 難 德 無 人 能 敵	三 箇 德 衆 宣 二	二 問 師 名 義 同 例	二 問 闍 梨 注 夾	初 和 向 免 明	初 明 諸 二 師 二	二 問 和 加 法 儀 作	初 明 乞 示 儀 二	二 別 明 伏 止 誓 受	初 通 辨 皮 人 一	三 教 解 儀 云	二 問 答 問 例	初 正 明 經 法	二 辨 年 十 二 三	初 正 斥 妄 引 滅 者





初	二	初	二	初	〇	五	四	三	二	初	二	初	二	初	〇	二	初	二	初
時	別	分	依	膝	十五	失	存	說	諸	施	列	開	隨	膝	十四	別	分	依	膝
節第一	解六	門	釋二	篇名	戒篇二	法第五	亡義四	淨二	法二	主二	釋五	章	解二	篇名	篇二	解七	門	釋二	篇名
二	初	二	初	二	初	二	初	二	初	二	初	七	六	五	四	三	二	初	二
立	作	依	膝	心	對	對	對	別	通	正	護	失	受	量	色	發	制	列	
授	差	列	敝	念	首	俗	道	轉	略	明	法	法	捨	如	如	如	意	釋	
人四分	往第四	釋九	意第三	念五分	首二	俗次後	道第二	轉二	略第一	明第六	法第七	法二	捨第五	如第四	如第三	如第二	意第一	釋七	
六	五	四	三	二	初	二	初	二	初	十七	十六	十五	十四	十三	十二	十一	十	九	八
請	唱	水	入	因	鋪	俗	對	束	膝	坐	敬	補	得	捨	受	作	重	隨	條
差	白	湯	座	辨	設	對	尼	位	名	具	護	洗	失	法	法	法	敝	數	數
區	行	豐	說	行	召	對	尼	對	分	七	六	五	四	三	二	一	第十	第九	第八
區	行	豐	說	行	召	對	尼	對	分	具	護	洗	失	法	法	法	敝	數	數
區	行	豐	說	行	召	對	尼	對	分	具	護	洗	失	法	法	法	敝	數	數

初 受 緣二	二 別 解六	初 分 門	二 依 篇 釋二	初 膝 篇 名	〇 十七 受 日 篇三	二 列 釋八	初 開 章	二 隨 篇 解二	初 膝 篇 名	〇 十六 安 居 篇二	二 衆 主 告 示 者 求	初 離 緣 開 略第六	二 別 人 法 去 明	初 明 僧 法二	六 略 說二	五 客 壽二	四 差 使二	三 儀 式二	二 緣 集第二																				
<table border="1"> <tr> <td>三 問 答 除 妨二</td> <td>二 移 處 結 成 者 重</td> <td>初 總 明 二 難 第八</td> <td>八 移 夏三</td> <td>七 及 界 第七</td> <td>六 忘 成二</td> <td>五 心 念 第五</td> <td>四 對 首二</td> <td>三 夏 問 第三</td> <td>二 示 過 伏 人二</td> <td>初 定 時 結 罪 第二</td> <td>二 結 時二</td> <td>初 制 意 第一</td> <td>二 別 備二</td> <td>二 同 有 緣 開 起 問 說</td> <td>初 問 客 來 說 儀 第五</td> <td>初 問 客 來 說 儀 第五</td> <td>二 辨 尼 衆 說 法二</td> <td>初 明 差 使 往 來三</td> <td>受 敬 辭 告 尼 明</td> </tr> </table>																				三 問 答 除 妨二	二 移 處 結 成 者 重	初 總 明 二 難 第八	八 移 夏三	七 及 界 第七	六 忘 成二	五 心 念 第五	四 對 首二	三 夏 問 第三	二 示 過 伏 人二	初 定 時 結 罪 第二	二 結 時二	初 制 意 第一	二 別 備二	二 同 有 緣 開 起 問 說	初 問 客 來 說 儀 第五	初 問 客 來 說 儀 第五	二 辨 尼 衆 說 法二	初 明 差 使 往 來三	受 敬 辭 告 尼 明
三 問 答 除 妨二	二 移 處 結 成 者 重	初 總 明 二 難 第八	八 移 夏三	七 及 界 第七	六 忘 成二	五 心 念 第五	四 對 首二	三 夏 問 第三	二 示 過 伏 人二	初 定 時 結 罪 第二	二 結 時二	初 制 意 第一	二 別 備二	二 同 有 緣 開 起 問 說	初 問 客 來 說 儀 第五	初 問 客 來 說 儀 第五	二 辨 尼 衆 說 法二	初 明 差 使 往 來三	受 敬 辭 告 尼 明																				
二 問 遇 難 不 違 同 過	初 問 忘 不 受 日 別 過	二 義 斷 義 云	初 引 律 第六	二 問 答 問 所	初 合 明 第四	二 後 安 居 法 後 安	初 前 安 居 法二	三 例 歎 云	二 引 證 教 五	初 正 明 教 云	二 告 俗 請 僧三	初 擇 處 離 過 明 了	二 辯 疑 疏 者 云	初 說 法 漸 經 者 云	二 說 終 告 散 者 云	初 和 白 離 非 次 云	九 審 問 逐 心 戒 解	八 米 受 退 告 養 養	七 散 滿 供 養 香 水																				

五	四	三	二	初	二	初	二	初	〇十九	二	初	二	初	〇十八	六	五	四	三	二
通	合	免	儀	師	別	分	次	牒	師	列	開	隨	牒	自	五	通	得	受	互
行	儀	儀	止	徒	解	門	篇	篇	徒	釋	章	篇	篇	志	利	難	重	法	用
法二	止	止	意	名	解	門	釋	名	篇	釋	章	解	名	篇	三	第五	第四	二	第二
初	二	初	十	九	八	七	六	二	初	五	四	三	二	初	三	二	初	二	初
白	他	本	雜	略	自	五	乘	顯	示	簡	差	集	時	制	示	彰	叙	私	三
師	部	宗	律	法	法	德	法	二	二	人	使	僧	節	意	通	利	名	緣	寶
法	師	通	二	二	八	二	三	以	五	二	二	三	二	一	一	五	六	通	請
六	二	行	七	法	法	二	三	五	德	五	二	三	二	一	一	一	一	塞	召
初	四	三	二	初	二	初	三	二	初	二	初	初	初	初	初	初	初	初	初
別	獨	四	五	略	行	五	正	集	先	辨	傳	差	明	原	開	周	彰	受	正
開	住	人	人	法	坐	德	宣	秋	定	略	教	使	廣	聖	羅	周	彰	受	正
說	心	封	雙	如	草	白	羯	問	儀	法	歸	告	法	意	歷	周	彰	受	正
第十	念	首	差	非	法	和	磨	宗	執	著	榮	僧	二	非	開	答	示	辭	明
	著	著	上	九	大	第	大	間	第	大	尼	第	一	義	受	二	對	第三	二

七	二	初	六	五	四	三	二	初	二	初	○	十三	十二	十一	十	九	八	七	六
八	釋	顯	致	定	敬	敬	敬	敬	列	開	二十	河	攝	諸	諸	無	報	諸	白
敬二	義二	名第六	拜二	尊二	僧二	法二	佛三	寺四	釋十	章	篇二	法三	法二	法二	法二	法二	法二	法二	法二
初	二	初	二	初	二	初	四	三	二	初	二	初	二	初	二	初	二	初	二
求	受	證	明	示	經	人	翻	慢	引	內	隨	料	相	別	通	師	師	師	師
度	離	敬	上	尊	律	法	譯	毀	示	途	篇	簡	攝	備	示	過	過	經	事
元	通	合	下	卑	彰	變	衆	招	名	外	解	去	就	二	因	須	須	修	法
由	義	宜	坐	呼	報	訖	號	殃	虛	失	名	住	債	師	衆	離	敬	法	見
三	二	二	二	二	二	二	二	二	二	二	二	二	二	二	二	二	二	二	二
初	二	初	二	二	初	初	二	初	二	初	三	初	三	二	初	二	初	二	二
疊	說	三	引	引	多	多	抄	學	雙	兩	王	規	敬	折	河	失	執	正	明
彌	如	法	二	二	文	文	寫	習	非	如	匠	模	造	攝	善	證	勞	明	離
致	非	品	修	修	示	示	亂	忘	失	獲	如	應	乖	通	如	貽	申	離	相
爾	五分	式	敬	敬	非	非	其	本	結	福	非	法	方	時	非	焚	率	相	善
第七		度	二	二	大	大	有		居	緣	二	又	第二	北	三	著	第八		

八 經 恩第八	九 醫 藥四	十 預 終二	初 明 遠 預第十	二 示 所 呼 聲	〇 二十一 隨 戒 篇二	初 陳 篇 名	二 依 篇 釋二	初 別 明七	二 結 示〇	初 八 棄二	二 僧 殘〇	三 捨 墮〇	四 單 提〇	五 提 舍〇	六 衆 學〇	七 滅 淨〇	初 通 標二	初 標 簡 所 釋	二 通 示 戒 鼓尼經
二 中 敬 方 法三	初 開 所 藥第九	二 明 醫 治 見九	三 辨 餘 需 五分	四 示 聚 偶 釋二	初 陳 名 列 緣 釋二	二 隨 難 別 解二	初 標 名 列 緣 釋二	二 隨 難 釋二	初 明 犯 犯二	二 不 犯 犯二	初 標 列 此中	二 隨 明 明二	初 示 傍 物第一	二 明 法 物二	三 顯 留 物第三	四 三 寶 互二	五 當 體 互三	六 集 實 互第六	七 物 自 互第七
二 慶 喜 遭 隨 論	三 推 不 閑 意 見 論	初 義 列 義 法	二 別 陳 中 舍	三 同 答 何	初 明 犯 犯二	二 不 犯 犯二	初 明 自 業 此 非	二 辨 教 他 若 比	初 引 文 第二	二 義 決 義 云	初 總 示 第四	二 別 明 明二	初 二 資 道 蓋 五百	二 僧 物 道 蓋 五百	初 他 部 第五	二 義 判 義 云	三 本 宗 此 釋	初 待 道 俗 法第九	二 給 病 候 法十論



初 誅 名 顯 總 四 別	四 四 須 戒 二	三 度 賊 女 二	二 言 人 戒 二	初 誅 名 顯 總 四 別	二 別 指 隨 明 七	初 通 器 簡 示	○ 二 僧 殘 二	二 隨 文 別 解 二	初 誅 名 列 緣 通 顯	五 覆 藏 戒 二	四 八 事 戒 二	二 隨 難 別 解 二	初 誅 名 列 緣 通 顯	三 康 觸 戒 二	二 殺 妄 通 略	初 殺 戒 委 明 三	二 盜 殺 妄 二	初 大 姪 戒 二	二 別 釋 五
初 獨 渡 河 二	初 歷 明 犯 相 二	二 別 示 第 一 十 誦	初 標 名 列 緣 度 越	二 隨 難 別 解 二	初 誅 名 列 緣 通 顯	二 隨 難 別 釋 此 律	初 標 名 列 緣 通 顯	二 不 明 犯 二	初 誅 名 列 緣 通 顯	二 隨 難 別 釋 二	初 標 名 列 緣 通 顯	二 不 明 犯 二	初 誅 名 列 緣 通 顯	初 明 犯 若 尼	十二 明 盜 業 第 十	十一 非 人 物 第 十	十 示 人 物 六	九 明 資 客 二	八 辨 出 貨 第 八
二 列 相 具 釋 二	初 誅 名 顯 緣 通 入	二 列 相 具 解 四 文 加	初 標 名 舉 緣 免 明	二 通 明 犯 此 律	初 引 文 辨 復 藏 十 誦	二 對 異 衆 不 成 十 誦	初 引 文 義 辨 相 二	二 不 明 犯 此 律	初 明 義 設 夢 云	二 引 義 文 十 誦	初 明 義 文 十 誦	六 狂 施 不 得 佛 說	五 白 他 輪 說 佛 說	四 未 抄 持 出 佛 說	三 屬 賊 成 否 有 人	二 寄 借 破 損 十 誦	初 掌 護 損 失 第 十		

五 還 僧 僧二	二 隨 難 別 示二	初 標 名 列 緣 實	四 販 賣 戒二	二 引 文 示 相 此 律	初 課 名 列 緣 實	三 賣 賣 戒二	二 賣 賣 戒二	初 離 衣 戒二	二 別 離 隨 明九	初 通 標 簡 示	〇 三 拾 鹽二	七 汗 家 戒二	二 列 相 略 解 一 是	初 勝 名 標 緣 受	六 勸 受 樂二	二 引 文 定 犯 重 罪	初 標 名 列 緣 受	五 受 樂 心二	二 分 四 別 示二
二 還 使 如 非 十 論	初 語 易 成 淨 十 論	二 彰 彰 損 五 百	初 釋 釋 實二	二 開 諸 得 否 八	初 列 相 通 制 實 是	二 隨 難 別 釋二	初 標 名 列 緣 實	二 別 釋 界 戒二	初 合 明 三 離 人 衣	二 具 辨 第 三 二	初 勝 名 列 緣 受	二 不 明 犯 犯二	初 引 文 委 釋二	二 引 文 委 釋二	初 標 名 列 緣 受	二 別 示 不 犯 三	四 獨 後 行 國 在	三 獨 宿 戒 重 罪	二 獨 入 村二
七 林	六 錢	五 群	四 奴	三 鹽	二 開	初 田	二 辨 勢	初 簡 強	二 簡 通	初 據 他 節	二 約 當 宗	初 引 引	二 引 引	三 開 獨	二 開 村	初 開 渡	二 合 顯 後	初 單 示 前	
釋 第七	實 第六	論 第五	論 第四	論 第三	論 第二	宅 次 明	分 此 律	爾 前 中	辨 二	列 四 者	明 四 文	論 義 論	律 此 律	行 國 行	宿 入 村	河 次	三 二 者	一 是	




二十九	二十八	二十七	二十六	二十五	二十四	二十三	二十二	二十一	二十	十九	十八	十七	十六	十五	十四	十三	十二
藏衣鉢二	露然火二	減半浴二	初標列緣目	不愛際二	攀擢他二	水中戲二	飲酒戒二	觀軍陣二	共露坐二	共屏坐二	不受食二	殘宿食二	非時食二	別衆食二	用蟲水二	強數戒二	屏處數二
二	初	二	初	二	四	三	二	初	二	初	二	初	三	二	初	二	初
列緣	列緣	隱相別解	標名列緣	示開緣二	彰取受僧祇	顯伏藏香油	明拾遺僧祇	示收攝此律	隨相別解	標名列緣	通辨諸相四	標名列示緣不	別明三失此律	錯誤不成此律	所愛通攝此律	初能授是非見論	引文隨釋
二	初	二	初	二	四	三	二	初	二	初	二	初	三	二	初	二	初
隨相別辨	標名列緣	多度人二	標名列緣	示開緣二	彰取受僧祇	顯伏藏香油	明拾遺僧祇	示收攝此律	隨相別解	標名列緣	通辨諸相四	標名列示緣不	別明三失此律	錯誤不成此律	所愛通攝此律	初能授是非見論	引文隨釋
八十四	八十三	八十二	八十一	八十	七十九	七十八	七十七	七十六	七十五	七十四	七十三	七十二	七十一	七十	六十九	六十八	六十七
二	初	二	初	二	初	二	初	二	初	二	初	二	初	二	初	二	初
隨相別辨	標名列緣	多度人二	標名列緣	示開緣二	彰取受僧祇	顯伏藏香油	明拾遺僧祇	示收攝此律	隨相別解	標名列緣	通辨諸相四	標名列示緣不	別明三失此律	錯誤不成此律	所愛通攝此律	初能授是非見論	引文隨釋

三十	著白衣二	初	牒名列緣	三十一	斷盜命二	二	隨相別解	三十二	飲蟲水二	初	舉號拒勒	三十三	賊期行二	二	示緣具五	三十四	拒勸學二	初	牒名列緣	三十五	聚毆尼二	二	隨相別解	三十六	不攝耳二	初	標名略緣	三十七	賞後悔二	二	隨相別釋	三十八	屏聽謬二	初	標牒犯緣	三十九	毆打尼二	二	引文隨解	四十	手持尼二	初	標名列緣提意	四十一	捉遺寶二	二	正逾犯否二	四十二	非入聚二	初	牒名列緣非時	四十三	過量牀二	二	隨釋犯否二	初標名列緣	二別示犯否	初	明犯二	四十四	食緣戒二	初	引文示白法十難	二因解聚村名實論	二隨相別解二	初推釋重輕所以	二彰開離過愆	四十五	剃毛戒二	二	彰開離過愆
八十五	不勝教二	初	舉號不中	八十六	示緣具三	二	不詣恣二	初牒名列緣	二隨相別辨	八十七	不依安二	初	標目不依	八十八	不白入二	二	列緣具三	八十九	罵比丘二	初牒名列緣	二隨相別辨	九十	罵尼衆二	初	標目罵尼	二	列緣具四	九十一	健男治二	初標名略緣制意不白	二引律示相指前五勞	九十二	背請戒二	二	背請戒二																																				



六十五	六十四	六十三	六十二	六十一	六十	五十九	五十八	五十七	五十六	五十五	五十四	五十三	五十二	五十一	五十	四十九	四十八	四十七	四十六
輒	障	不	露	不	無	幸	同	僑	同	權	惡	入	輒	坐	屏	觀	乞	供	淨
著	施	看	洗	知	事	他	活	客	同	有	心	暗	坐	不	共	伎	五	水	過
衣二	僧二	衣二	身二	請二	行二	出二	病二	舊二	牀二	哭二	詛二	室二	牀二	辭二	語二	渠二	敷二	扇二	分二
二	初	二	初	二	初	二	初	二	初	二	初	二	初	二	初	二	初	二	初
示	墨	引	牒	引	標	列	標	隨	牒	文	標	示	墨	隨	牒	雜	簡	引	標
緣	號	釋	緣	釋	示	緣	目	解	緣	聽	屏	緣	號	釋	緣	明	示	顯	緣
				五分	同語	具可	故債			五分	共男					別至	母論	二	三
一百	二	初	九十九	二	初	九十八	九十七	二	初	九十六	二	初	九十五	九十四	二	初	九十三	二	初
輒	引	標	呪	示	墨	不	不	示	標	乘	原	標	若	香	律	標	家	正	標
同	文	名	活	號	號	安	著	相	名	乘	佛	名	婦	塗	定	名	生	辨	名
義二	定	列	命二			居二	衣二	開	略	行二	制	略	嚴二	身二	犯	錄	姑二	開	略
	十	錄					得	得	乘		意				十	於		者	錄
	篇	覽					五	五	樂						誦	家		受	覽

六十六 與外 衣二	六十七 遮分 衣二	初 標 目	〇五 提舍	〇七 滅野	〇二十二 區衆 篇二	初 陳 篇 名	二 隨 篇 解二	初 開 章	二 列 釋五	初 教 有 異 廢二	初 釋 與第一 願者注	二 辨 釋 與第一 願者注	二 簡 知 事 德三	初 總 叙 諸 德第二	二 別 明 知 事實衆	三 不 具 成 損者不	三 衆 教 通 塞二	四 僧 食 通 局二	五 入 衆 服 儀二
初 標 名列 犯 緣與俗	二 示 文 義 判 滅十篇	二 列 緣	〇六 衆 學	〇二 結 示上來	初 落 義 通 塞二	初 依 教 辨 通二	二 隨 情 辨 塞二	二 九 禮 治 法二	初 通 明 僧 佛二	初 正 約 僧 辨二	二 別 就 僧 辨二	初 遮 意 彰 通今時	二 引 教 別 明二	初 盤 給 如 非二	二 衆 受 離 通二	初 鴿 稚 各 衆若大	二 受 食 遮 偏僧祇	二 同 請 成 非時今	初 明 入 衆第五
初 標 名 免不	二 制 意 制意	百一 尼 不 教二	初 標 名 略 緣百夏	二 顯 禮 原 制若不	初 通 俗 治 第三	二 局 道 治 罪衆	初 治 罰 成 非滅飲	二 知 解 離 過有知	初 先 教 方 時 教 替自大	二 結 告 示 於 治 法 終將	初 叙 教 本 通第四	二 獻 儀 候 候二	初 正 明 初獻	二 別 引 四 經四	初 合 引 律 論五分	初 僧 隨 放儀	二 實 衆 實衆	三 本 行 本行	





初釋名第一	二隨位別明六	初標章分別	二僧殘二	二列釋三	初標章第一	初八重二	二別解六	初分門	二依篇釋二	初牒篇名	〇二十七懺悔篇二	二列釋二	初開章	二隨篇解二	初牒篇名	〇二十六屆寺篇二	十一還法第十	十隨經二	九食法第九
二白行三	初誠勸第三	三和僧與法羯磨	二折錄三乞懺尼	初先請二師第二	三顯行法三	二宗詳與法上座	初總露乞求第二	二明懺儀法二	初示懺儀二	二合總明二	初總示符二	二策勸三衆母論	初攝護四儀二	二儀式二	初入寺三	二兩食隨明二	初因疑開說第十	五食時離過此律	四存亡獲益中阿
三告	二已行若已	初白新示	三結簡與波	二別明一不	初標聖第三	二引大衆治罪	初引小衆阿毗	二引緣彰淨二	初懺已護持第一	二離非坐臥法云頭	初向奉行住法云頭	三制限安付法僧祇	二禮敬入房法客受	初迎客問主法第一	二大食此律	初小食此律	二立觀通別伽論	初受食量計第八	四戲笑非宜僧祇

二	初	二	初	初	二	初	四	二	初	二	初	二	初	三	六	五	四	三	二
捨	罰	依位	標分叙列	標拾	陳章標列	陳章標列	提	明	標	儀	罪輕	依位別論	牒名分位	偷	誠	出	雜	蔡	乞
財二	財二	陳七	列	列	列	列	列	列	式二	重二	重二	論二	位	蘭二	居第六	罪三	行二	事二	機三
五	四	三	二	初	二	初	二	初	二	初	二	初	二	初	三	二	初	二	初
斥	別	定	說	省	就	約	降	具	通	合	獨	方	正	標	與	乞	責	正	標
古	問	罪	相	已	販	長	辨	論	會	明	三	二	辨	分	法	法	謝	明	簡
雷	對	約	彰	應	賣	物	二	第	二	品	二	二	二	一	二	二	三	三	四
同	罪	人	輕	法	備	二	三	一	文	品	二	二	二	二	二	二	二	二	二
比	同	加	後	三	次	二	二	二	品	二	二	二	二	二	二	二	二	二	二
施	何	是			家	二	二	二	二	二	二	二	二	二	二	二	二	二	二
初	四	三	二	初	三	二	初	二	初	三	二	初	二	初	二	初	三	二	初
出	明	示	辨	諸	叙	一	小	別	標	下	中	上	輕	結	隨	課	互	開	執
種	告	懺	捨	懺	吉	人	衆	衆	衆	衆	衆	衆	衆	衆	衆	衆	衆	衆	衆
相	誠	阿	罪	主	罪	法	機	明	叙	品	品	品	途	後	明	叙	夜	行	安
三	主	支	次	著	此	三	二	七	一	二	二	二	三	上	二	一	品	大	帶



二	初	二	初	〇二十九	二	初	二	初	〇二十八	六	五	二	初	二	七	六	五	四	三
別	分	依	膝	二	列	開	跪	跪	跪	吉	提	約	膝	海	淫	捨	忘	還	治
解十	門	篇	篇	次	釋六	章	篇	篇	終	羅二	舍二	明三	列第二	提二	法二	寶第六	物二	次第四	罪六
二	初	六	五	四	三	二	初	二	初	二	初	三	二	初	二	初	二	初	六
依	膝	依	膝	依	膝	依	膝	依	膝	依	膝	依	膝	依	膝	依	膝	依	膝
章	章	章	章	章	章	章	章	章	章	章	章	章	章	章	章	章	章	章	章
別	別	別	別	別	別	別	別	別	別	別	別	別	別	別	別	別	別	別	別
釋三	釋三	釋三	釋三	釋三	釋三	釋三	釋三	釋三	釋三	釋三	釋三	釋三	釋三	釋三	釋三	釋三	釋三	釋三	釋三
六	五	四	三	二	初	二	初	二	初	二	初	二	初	二	初	二	初	二	初
依	膝	依	膝	依	膝	依	膝	依	膝	依	膝	依	膝	依	膝	依	膝	依	膝
章	章	章	章	章	章	章	章	章	章	章	章	章	章	章	章	章	章	章	章
別	別	別	別	別	別	別	別	別	別	別	別	別	別	別	別	別	別	別	別
釋三	釋三	釋三	釋三	釋三	釋三	釋三	釋三	釋三	釋三	釋三	釋三	釋三	釋三	釋三	釋三	釋三	釋三	釋三	釋三
六	五	四	三	二	初	二	初	二	初	二	初	二	初	二	初	二	初	二	初
依	膝	依	膝	依	膝	依	膝	依	膝	依	膝	依	膝	依	膝	依	膝	依	膝
章	章	章	章	章	章	章	章	章	章	章	章	章	章	章	章	章	章	章	章
別	別	別	別	別	別	別	別	別	別	別	別	別	別	別	別	別	別	別	別
釋三	釋三	釋三	釋三	釋三	釋三	釋三	釋三	釋三	釋三	釋三	釋三	釋三	釋三	釋三	釋三	釋三	釋三	釋三	釋三

初 絲 麻 毛 總三

釋四分律比丘尼鈔科終

初 五 人 法二	二 四 人 法母論	十 雜 法二	初 定 僧 俗 中 物 第十	二 特 俗 舍 中 物 第十	〇 三十 雜 篇二	初 隨 篇 解二	二 隨 篇 解二	初 分 章	二 列 釋八	〇 三 流 通三	初 申 教 三 寶 持 廿	二 叙 往 發 今 自 惟	三 紀 年 發 願 終
二 問 答 釋 疑二 文知	初 僧 物二	初 正 明 第一	二 引 證 五分	二 乞 食 等二	三 座 第三	四 設 法二	初 觀 機 辨 第四	二 答 緣 協 時 十 篇	五 辨 地 第五	六 遇 賊 第六	七 濟 生 第七	八 雜 事 十	
初 問 答 離 過 長 問	二 正 加 賞 法 知 是	三 義 斷 如 非 違 云	初 火 煙 然 滅 第八	二 捨 離 五 堅 成 實	三 四 思 四 望 同 舍	四 大 小 洗 漱 五 分	五 明 諸 過 益 及 不	六 對 彼 檀 越 持 論	七 履 用 嚴 浴 僧 祇	八 營 主 須 宜 此 律	九 五 亂 教 式 大 五	十 頭 陀 少 欲 見 論	

門人杭州大中祥符寺講律賜紫比丘尼  
門人蘇州開元寺長講律賜紫比丘尼  
門人往蘇州華嚴院傳南山遺教比丘尼  
已上不敢沉隱並依舊板重開嘉定改元正月元日畢工  
臨安府善提教院比丘尼  
正德三歲癸巳中秋日東落乾蘭若密嚴比丘尼  
訂考重開板

四分律比丘尼鈔卷上并序

終南山沙門釋道宣述

原夫別解脫戒始制鹿野之初毗尼法藏終被鶴林之後憲治七衆藻鏡四依慈風扇於五天德音播於三界緣是坦羣類之夷途拯含靈之弱喪爲四生之標幟作六趣之舟航者也時有愛道一人含夷五百宿樹芳因嘉聲遠著深明業果妙達苦空迴能厭惡生死訶毀家法憑仗尊親請佛求度蓋大聖玄鑒知有自行之功闕無弘傳之利故逆止於內心恐將生於外結嫡母情樂道門愛重福田之服自毀髮容燒懸祇桓之室殷勤三請佛遂許之正法理合千年度尼減其五百阿難憂泣請度出家佛令遵衆八敬虔奉三尊之道聞持正法弗墜泊如來晦跡慧日潛輝女人戒德漸將訛替逢緣起障解境生迷遂有明暗異途昇沈殊趣故知浮海業囊巨壑終爲難渡涉途毀足長路實不易行若非精嚴護持戒品理難牢固余忝預道門早承師訓自慨庸識闇短冥若夜遊獨愚不已稍染毫塵每一事可觀輒再詳心首施身口

之關鑰識持犯之龜鏡務存至簡遂事省功恐大本難通勢而寡效故制之以限分遵之以積漸猶天地二化始合於自然齊魯二變終臻於至道若文義俱辨復非鈔者所明今輒研覈諸篇撮其樞要立章三十勒成三卷今所撰者用四分爲宗斯文不具更將諸部補闕易簡爲義兼以人語會通餘之不盡文露可尋

篇目

卷上之上

勸學篇第一

結界篇第三

足數篇第五

十戒篇第七

畜衆篇第九

卷上之下

具戒篇第十

受衣篇第十二

淨施篇第十四

卷中之上

安居篇第十六

自恣篇第十八

致敬篇第二十

卷中之下

隨戒篇之餘自第二篇

卷下之上

釋衆篇第二

集衆篇第四

受欲篇第六

學戒篇第八

六念篇第十一

受鉢篇第十三

說戒篇第十五

受日篇第十七

師徒篇第十九

隨戒篇第二十一

匡衆篇第二十二

受藥篇第二十四

屈寺篇第二十六

卷下之下

懺悔篇之餘自第三懺悔篇

二衣篇第二十九

翻淨篇第二十三

訃請篇第二十五

懺悔篇第二十七

送終篇第二十八

雜要篇第三十

四分律比丘尼鈔卷上之上

終南山沙門釋道宣述

○勸學篇第一

此篇大門有三一願益二違損三業報

第一願益者涅槃云欲見佛性證大涅槃必須深心修持淨戒若持是經而毀淨戒是魔眷屬非我弟子我亦不聽受持是經月燈三昧云雖有色族及多聞若無戒智猶禽獸雖處卑下少聞見能持淨戒名勝士華嚴經云具足受持威儀教法行六和敬善御大眾心無憂悔順佛正法不違其教是故能令三寶不斷法得久住又云戒是無上菩提本應當具足持淨戒若能堅持於淨戒是則如來所讚歎持法經云持二百五十戒者現世可得阿羅漢辟支佛涅槃大智度論云若求大利當堅持戒如惜重寶如護身命以戒是一切善法住處持戒之人壽終之時風刀解身筋脈斷絕心不怖畏地持云三十二相無差別因皆由持戒所得若不持戒向不得下賤人身況復大人相報此律云持律之人得五種功德一戒品牢固二

善勝諸怨三衆中決斷無畏四所有疑悔善能開解五善能持毗尼令正法久住十誦云佛法幾時住世答隨清淨比丘說戒法不壞名法住世成實論云道品樓觀以戒爲柱禪定心城以戒爲郭要佩戒印得入善衆五百問事云若持戒者即見法身若護法者便爲護佛如半月說戒即見我也

第二違損者大品經云我若不持戒當墮三惡道中尚不得下賤人身況得成就衆生淨佛國土一切種智薩遮尼健經云若不持戒乃至不得疥癩野干身何況當得功德之身梵網經云若佛子信心出家受佛淨戒故起心毀犯其戒者不得受一切檀越供養亦不得國王地上行不得飲國王水五千大鬼常遮其前鬼言大賊人房舍城邑宅中鬼復掃其脚跡一切世人罵言佛法中賊一切衆生眼不欲見犯戒人畜生無異木頭無別涅槃經云樂好衣服縱逸嬉戲奴爲比丘婢爲比丘尼不樂不淨觀毀謗毗尼互用三寶物等是名法滅盡相佛三昧經云犯四重禁虛受信施過殺八萬四千父母等罪此律云有五種疾



滅正法一有比丘不誦律喜忘文句復教他人文既不具其義有闕二爲僧中勝人上座一國所宗而多不持戒但修不善後生傲慢捨戒行三有比丘持法持律持摩夷不教道俗便即命終令法斷絕四比丘難可教授不受善語餘善比丘捨置五共相罵詈互求長短疾滅正法又破戒之人有五過失一自害二爲智者所訶三惡名流布四命終生悔五死墮惡道又上座不學戒亦不讚歎戒有餘比丘樂學戒者不能以時勸讀我見如是上座過失故不讚歎除人習微長夜受苦十誦云有諸比丘廢學毗尼便讀修多羅阿毗曇世尊種種訶責五分律諸比丘不誦獨磨不得受具足戒善見云若不解律但解經論不得度沙彌作依止師

第三業報犯罪輕重者經云佛告目連若比丘比丘尼慚愧心輕慢佛語犯衆學戒如四天王天壽五百歲墮泥犁中於人間數九百千歲佛告目連若無慚愧心輕慢佛語犯波羅提提舍尼戒如三十三天壽千歲墮泥犁中於人間數三億六千十歲佛告目

連若無慚愧心輕慢佛語犯波羅提提如夜摩天壽二千歲墮泥犁中於人間數二十一億四千十歲佛告目連若無慚愧心輕慢佛語犯偷蘭遮如兜率天壽四千歲墮泥犁中於人間數五十億六千十歲佛告目連若無慚愧心輕慢佛語犯僧伽婆尸沙如不備樂天壽八千歲墮泥犁中於人間數二百三十億四十千歲佛告目連若無慚愧心輕慢佛語犯波羅夷如大自在天壽十六千歲墮泥犁中於人間數九百二十一億六千十歲總計僧尼於五篇七聚罪且篇別單一罪論之如人間日月歲數合有一千二百六十一億五十千歲墮泥犁中聖教不許特須敬順宜修方便檢察身口易志專崇高慕前聖不得自怠輕慢佛語故經曰正法住正法滅意在茲乎

### ○釋聚篇第二

此篇大門有七一波羅夷二僧伽婆尸沙三偷蘭遮四波逸提五波羅提提舍尼六突吉羅七惡說上列名下列五篇者除偷蘭遮惡說便是五篇也

第一波羅夷者十誦云謂墮不如意處發論釋云猶

與魔闘以犯此戒便墮負處阿毗跋律云夷者秦言  
劫功德也釋云波羅夷者譬如斷人頭不可復起也  
若犯此戒不復成比丘尼此但從行法非用爲名又  
無餘者此從衆法絕分爲名故傷云諸作惡行者猶  
如彼死屍衆所不容受以是當持戒

第二僧伽婆尸沙者婆論云僧伽者名僧婆尸沙  
者名殘若犯此罪垢纏行者非全淨用有殘之罪由  
僧除滅故名僧殘母論云如人爲他所斫殘有咽喉  
故名爲殘

第三偷蘭遮者見論云偷蘭名爲大遮言障善道體  
是鄙穢此從不善以立名

第四波逸提者十誦云墮在燒煮覆障地獄故名墮  
尼薩者出要律儀云尼薩者舊翻爲捨墮聲論  
云尼翻爲盡薩者爲捨此云盡捨捨財捨罪捨心具  
此三捨故云盡捨

第五波羅提提舍尼者義翻云向彼悔從對治境以  
立其名明了論云翻爲各對應說謂對人說所作罪  
也

●例釋

第六突吉羅者見論云突者惡也吉羅者作也此律  
云式又迦羅尼者謂爲應當學見論云式又者學迦  
羅尼應當作名爲學應當作也義云西域諸例故云  
學應當作若依此方應云應當學婆論問曰何故此  
篇獨名應當學答餘戒易持而罪重犯慢是難此戒  
難持罪輕而易犯當順心學不結罪名故云應當學  
又西僧云翻爲守戒此罪微細持之極難故隨順當  
守以立其名十誦云以天眼見犯戒比丘如駛雨下  
豈非精觀在心名爲守戒也

第七惡說者初以身名惡作口名惡說故突吉羅復  
加一惡說合有七也

問曰諸經律中或名尸羅或名戒或名毗尼或名律  
或名波羅提木叉或名解脫既有種種云何取別耶  
答曰若廢名談體體即是一總不出戒戒是防非止  
惡爲義所以諸名並欲防非齊兼止惡故攝別歸總  
莫過於戒故經云戒定慧也此據三學行法以立總  
也若廢體談名名則有別言毗尼者謂西梵正音此  
翻爲滅然滅非毗尼謂能滅諸過故名滅此從功行

以立其名言律者法也法有楷模能詮輕重疏染淨故名爲法就能詮之教以立其名此上二種竝從能治行以立名也此下尸羅及與木叉皆從所詮之行以立其名言尸羅者智論云秦言性善謂體是善非惡無記亦名爲戒戒有防非之功亦有善因之義此從善因以立名言波羅提木叉者此云處處解脫謂身口七支非一名爲處處果名爲解脫隨分得脫即是果義此從果善以立名雖因果竝論然防非中要生善義強故以戒攝別用爲宗極由有戒故久助資威便招世間出世間多種樂果故名戒也若欲互攝隨以何名皆有互攝之義如戒是防非止惡即是滅惡義戒有楷模能詮輕重即是法義法義既成便是性善性善既成便爲因義因義招生即攝果義餘名互起亦皆如此上明因果二名復有受隨兩義言受戒者謂創發要期納法在心名之爲受有懸防之能又名爲戒二隨戒者謂持心後起義順於前名之爲隨隨有防非之功亦名爲戒隨有兩種一是持持不犯二犯已能悔若對精持不犯便具止作二持若對

犯已能悔即辨止作二犯所言止持者如受戒已止不作惡即名爲持持由止生故名止持言作持者謂動身口戒意離非順本所受不犯前過號之爲持持由作生故名作持言止犯者謂止不修善違本所受名之爲犯犯由止成故名止犯此則止犯翻前作持也言作犯者謂動身口造作前非違本要期名之爲犯犯由作成故名作犯翻前止持也故二持翻兩犯二犯翻二持逆順不相妨善惡體相違

○結界篇第三

此篇大門有三一定量二大界三戒場

第一定量者婆論云尼大界者唯得一拘盧舍義舉五里

僅有離緣四分律僧界一日往還義有百里中間延促任情所結見論云戒場極小

下至容二十一人便得減則不聽中間大小任情可知

第二大界有六種一簡緣二立相三唱形四集僧五

辨欲六作法

第一簡緣者問曰界中有河得合結否答常有橋船

得問曰一標得作兩相否答一肘已上作相者得

第二立相者若依此律界相不定若東方有山稱山

有墮縛續汪水糞聚釘杙空地等並得作相然空相  
一種結竟即須題記令後來尼識知界相行法者無  
疑見論云界形有五一方二圓三鼓形四半月五三  
角義云若先無相隨前所列者立之亦得今時結者  
多是空地四方城邑隨相唱之然須識過後便得唱  
結謂前學未達後學未明若唱方相須容舛錯如從  
牆外唱云從東南角至西南角乃至一周訖寺南門  
外便成別衆以唱界從牆基直過門限外便成界內  
儻寺中閉戶作羯磨門限外有人不喚盡集豈非別  
衆若從牆內唱復有破夏離衣之過以界隨牆內起  
今既傍牆直唱門限內地便成界外寺中作法有人  
說欲至門限內須有所作又來入界豈非別衆若破  
夏離衣者有人在界安居明相未出至限邊未還之  
頃明相已出便是界外豈非破夏離衣既知不易不  
得籠通直唱儻有斯謬令他一生虛過  
第三唱形者五分律云不唱方相結不成此律云使  
舊住人唱義云未唱之前親自按行識知處所屏處  
暗誦勿令對衆致有蹇錯先須從東南角爲始故律

云東方有山稱山此亦何定隨穩便而唱未要指東  
爲式僧中差一人唱被差人起禮僧足已至僧中立  
唱云

大姉僧聽我舊住比丘尼今爲僧唱四方大界相從  
寺院大牆東南角內角傍牆西下至南門東頰北土  
楞從此屈曲至南門西頰北土楞從此傍牆西出至  
西南角內角從此傍牆北出至西北角內角從此傍  
牆東出至東北角內角從此傍牆南出還至東南角  
內角是爲大界相一周訖三說亦有誤人者法亦應成也  
若有俗家侵入寺腹或牆邊尖斜或寺多門並須一  
一屈曲隨地形唱若橫牆隔礙者當須唱穿牆直過  
便得

第四集僧者若標相狹自然寬者應盡自然界六十  
三步集若標相寬自然狹者亦盡標內集一則深防  
二僧祇有文若標內外有僧界者兩不相妨不須集  
僧若作作法界者但令寺尼莫出自然界餘自然界  
通結亦得

第五辨欲者問曰結界何爲不得受欲答曰具三義

故不得受欲一結界是衆同之本理宜急制二自然界弱不勝羈磨故僧祇云非羈磨地不得作僧事三令知界畔護夏護衣宿食別衆等過

### 第六作法者

上座問僧集和合否答曰僧集和合又問云未受具戒者出答云已出又問云僧今和合何所作爲答云結大界羈磨上來問答衆中知解者爲之

大姉僧聽此住處比丘尼唱四方大界相若僧時到僧忍聽僧今於此四方相內結大界同一住處同一說戒白如是

大姉僧聽此住處比丘尼唱四方大界相僧今於此四方相內結大界同一住處同一說戒離諸大姉忍僧今於此四方相內結大界同一住處同一說者默然雖不忍者說僧已忍於此四方相內同一住處同一說戒結大界竟僧忍默然故是事如是持

第三戒場者別有五節一豎標二立圖三擇非四唱結五解界

第一豎標者若安戒場結者應豎三標第一重者戒

場外一肘自然內畔安一標此是戒場相第二重標者戒場外次一肘自然外畔安一標此是大界內相第三重者大界外相周而安標此是大界外相也若安石釘標並得作相先唱內標爲首然後第二第三次第結之其大界牆基無比寺連者不問寬狹並得作相若有寺牆相連或內安戒場者其二界牆基必須尺八已上方得爲相故律云應留中間地恐兩界涉也義詳後應留一肘計有尺八得標二相更闕彌善

西

此大界外相  
南



北



今依此圖便有三相若唱大界外相必須在外唱之周而屈曲一如前說若在牆內唱者西南兩面自然牆邊即與大界內相合便不分彼此之異若無戒場者得從內唱大界內相東北二邊有小牆者應傍小牆東南角外唱穿小牆西入還傍大界南牆內至西南角還傍大界內西牆直北穿小牆過然後屈曲唱之戒場外自然地東北兩邊即用小牆爲自然空地西南兩邊即用小牆標外爲自然地若大界內先無相者應豎標杙以繩連之當於戒場東南角離大界南牆尺八傍小牆基下釘一大杙直至西牆離西大牆內尺八地又釘一杙直北至小牆基下復釘一杙亦令遠大牆一尺八寸仍以繩連此三標外爲自然地其戒場相者東北兩面即以小牆內畔爲戒場相西南兩邊即用繩標久固不壞者人在自然地內不妨戒場內得成法事以識知界相故若破壞無者後客尼來不知界畔客可來去不定恐破僧法事若大界牆基闊二尺已上者唱此一肘自然地牆入大界牆內爲穩審故以界是色法入實無妨計一肘

自然地尺淺有二寸便是界體足標兩相上來所列聊寄一物作此界相米必知圖至時稱事任補茲處於戒場門亦應屈曲唱出恐文繁不述  
第三擇非者若結二界應先結戒場後結大界五分亦然若先結大界當捨已更前結戒場後結大界母論云外處不結大界直結小界者亦不得受具  
第四唱結者若欲唱結各當界爲之不得彼此造作使自然界尼盡集戒場所令一舊住比丘尼起具修威儀立唱云坐唱亦得  
大姉僧聽我舊住比丘尼今爲僧唱戒場四方小界相從東南角內標傍繩西下至西南角內標從此傍繩北下至西北角內標從此傍小牆東下至東北角內標從此南下還至東南角內標此是戒場相一周說三  
上座問僧集和合否答云已集和合又問未受具戒者出答云未受具戒者已出又問僧今和合何所作爲答曰結戒場羯磨  
大姉僧聽此住處比丘尼唱四方小界相若僧時到



僧忍聽僧今於此四方小界相內結戒場白如是

大姉僧聽此住處比丘尼唱四方小界相僧今於此四方小界相內結戒場誰諸大姉忍僧今於此四方小界相內結戒場者默然誰不忍者說僧已忍僧今於此四方小界相內結戒場竟僧忍默然故是事如是持

次結大界者有三重一唱內相二唱外相三唱竟總結先唱內相云

大 僧聽我舊住比丘尼今爲僧唱四方大界內相從小牆東南角穿小牆西出傍大牆內至西南角內角從此傍大牆北下穿小牆直過至小牆西北角外角從此傍小牆東下至小牆東北角外角從此傍小牆南下還至小牆東南角外角此是大界內相一周

訖三說

次唱外相者應從寺院外牆東南角外角爲始

大姉僧聽我舊住比丘尼今爲僧唱四方大界相從寺院外牆東南角外角傍牆直至南門東頰外土榜隨屈曲西出至門西頰外土榜從此西下至西南角

外角從此北下至西北角外角從此東下至東北角外角從此南下還至東南角外角此是大界外相一周訖三說

第三唱已總結云此爲外相彼爲內相此是大界內外相各三周訖唱已應告僧云已唱大界內外相竟衆僧應作羯磨唱尼然後復座

上座問僧集和合否答云僧集和合又問未受具戒者出答云已出又問僧今和合何所作爲答云結大界羯磨

大姉僧聽此住處比丘尼唱四方大界相若僧時到僧忍聽僧今於此四方相內結大界同一住處同一說戒白如是

大姉僧聽此住處比丘尼唱四方大界相僧今於此四方相內結大界同一住處同一說戒誰諸大姉忍僧今於此四方相內結大界同一住處同一說戒者默然誰不忍者說僧已忍於此四方相內同一住處同一說戒結大界竟僧忍默然故是事如是持第五解界者先解無戒場大界法

上座問僧集和合否。答云：僧集和合。又問：未受具戒者，出答云：已出。又問：不來諸比丘尼，說欲否。答云：說欲訖。又問：僧今和合何所作。答：答解大界羯磨。自下磨問緣皆須此四不著重文準此可知出功後衣體度文

大姉僧聽此住處比丘尼同一住處同一說戒。若僧時到，僧忍聽今解界白如是。

大姉僧聽此住處比丘尼同一住處同一說戒。今解界離說大姉忍僧同一住處同一說戒。解界者默然。誰不忍者，說僧已忍。同一住處同一說戒。解界竟，僧忍默然。故是事如是持。

若有戒場先解大界後解戒場。上座問答隨事別稱不同。受戒一答得作衆多羯磨。次解戒場者，正解戒場時還須在戒場內，不得在大界遙解。律無解文，今準難事解界但翻結爲解理通文順。

問僧今和合何所作。答：答解戒場羯磨。

大姉僧聽僧集此處解戒場。若僧時到，僧忍聽今解戒場白如是。

大姉僧聽僧集此處解戒場。誰諸大姉忍僧集此處

解戒場者默然。誰不忍者，說僧已忍。集此處解戒場竟，僧忍默然。故是事如是持。

此律治故伽藍不失淨地。若疑應捨已更結見論云：依相結已後失界相界亦不失。小法滅盡經云：劫火起時，曾作伽藍所不爲火焚，乃至金剛界爲土臺也。假令惡心解界亦不失。

○集衆篇第四

此篇大門有三：一鳴釋二集僧三分齊。

第一鳴釋者五分初打三通後，因他請方有長打付法藏經云：長打意存濟苦增一阿含經云：若打鐘時一切惡道諸苦並停。又說二偈除五百億劫生死之重罪。降伏魔力，冤除結盡，無餘露地。擊健釋比丘聞當集諸欲聞法人度流生死海。聞此妙響音盡當雲集。此既知如此，維那將欲鳴釋先具威儀禮十方佛已至誠爲物召集十方賢聖之意。然後漸漸生健令從微至著，不得瞋心大打驚動衆心。西傳云：時至應臂吒健釋臂吒者，此云打健釋者，此云所打之木或檀栴檀木等，彼無鐘磬故多打木。衆人也五分布薩

不時集妨行道佛言唱時至若打鍵釋若打鼓吹螺  
使舊住沙彌淨人不得多打應打三通在處多不得  
徧聞高處唱之猶不知集應更相語知集若無沙彌  
淨人比丘亦得打尼<sup>阿</sup>十誦云居士請僧自於寺內  
鳴磬乃至白時至及送食女人亦自鳴磬此律若唱  
時到亦言沙彌白衣爲之<sup>今時諸寺僧尼立制不許</sup>  
矣<sup>沙彌白衣打鐘此逐教甚</sup>

第二集僧者此有二種第一若作法界攝僧盡須界  
內集除說欲不犯第二若自然界則有二節一可分  
別聚落謂城外村坊邊夷城邑人民稀靜可得分別  
隨義立名也即準十誦於無僧坊聚落中初作僧坊  
未結界相隨聚落界是僧坊界下文齊行來處此內  
不得別衆此應是可分別聚落也此律聚落界取其  
院相二不可分別聚落者謂中華之處人民繁多不  
可分別隨義立名也即準僧祇若城邑聚落界分不  
可知者用五肘弓七弓種一樹齊七樹相去使異衆  
相見不犯別衆各得成就此應是不可分別聚落也  
義準相通計七樹六間總有六十三步<sup>闕若道行水</sup>  
<sup>界此之三</sup>

希故  
不論

第三分齊者此總明僧有四種一四人僧者極少說  
戒捨墮者是二五人僧者謂極少邊地受具自恣者  
是若準<sup>準</sup>即<sup>準</sup>亦<sup>準</sup>然<sup>準</sup>三十人僧者謂極少中國  
受戒者是<sup>準</sup>尼<sup>二</sup>衆<sup>四</sup>二十僧者謂極少僧殘出  
罪者是<sup>尼</sup>出<sup>罪</sup>僧<sup>尼</sup>各<sup>義</sup>云前之四僧各據自行  
爲言<sup>並</sup>須清淨如已犯小罪不應羯磨故若據衆法  
則有二種若爲說戒懺罪必須清淨以有犯者不得  
說戒不得聞戒不得向犯者懺悔犯者不得受他懺  
悔若爲受戒生善門者未必取體但使三根相淨令  
前人起尊仰心使成受具故律云弟子雖知和尚犯  
重而不知向如是人邊受戒不得亦開成受當知但  
取相淨

○足數篇第五

此篇大門有二一擇衆二簡相

第一擇衆者十誦云有十一人不足僧數謂睡眠比  
丘若聞白已睡者得成未白已前不足數亂語人憤  
闍人入定人癡人聾人具二人狂人亂心人病懷心

人樹上比丘等竝不足數伽論云有三人不足數重病  
人邊地人癡鈍人等受戒自恣一切不成足數僧  
祇云有七人不足數謂和尚足十授戒不成若與欲  
人若隔障若半覆半露中間隔障若半覆半露伸手  
不相及露地不相及乃至行作羯磨坐則犯別住坐  
臥五乖亦爾義加醉尼亦不足數十誦白衣亦不足  
數婆論亦不足數右件諸部及戰加總有二此律有  
十三人並不足僧數也  
二十八人不足數謂爲比丘作羯磨比丘尼及式叉  
沙彌沙彌尼十三難三舉已擯應擯等此二十二人  
由非類故不足別住戒場上神足在空隱沒離見聞  
處此等五人雖是同類由與僧居相中是乖故不足  
數爲羯磨人由爲僧量故不足數和尚一人不足受  
戒羯磨爲他所量故訶責擯出依止遮不至白衣家  
等四人得應一切羯磨摩那埵本日治出罪等三人  
及十誦中行本日治竟行摩那埵竟合有五人不足  
前摩那埵等三種羯磨得應餘法事用義云十三難  
等若未自言已前同僧法事並得成就若雖自言當  
作法時無人知者亦成僧事由相不違辨得前事故

此律云不得以天眼觀他淨穢應以肉眼觀看也十誦  
云若犯重人賊詐作比丘本白衣時破戒人等若言  
過後羯磨不成若不言者一切法成乃至亦不聽天  
眼看他持犯義云自言者要告前人云我犯淫盜等  
令前人了解了知解方爲自言若雖不自言然衆並知  
是犯重十三難人等舉國知聞衆人共悉此等諸人  
不待自言亦不足數假令同界不喚無過若爾何故  
律云並要自言又不應以天眼觀他淨穢耶答律要  
自言者據不知者論今既知犯豈待自言又不許天  
眼觀應以肉眼觀看我還以肉眼觀看不用天眼觀何爲  
得足數故婆論云犯重比丘衆僧知犯不須自言及  
以現前直爾滅擯驅出義云若審知有此犯重人其  
人兇惡不可揀出秉法之人若在露地作法必令衆  
僧肩膝相拄周巾而坐不得間隔好人單行而坐伸  
手之外便成別衆若行此法宜可密爲不得向說前  
人若知反成礙法若在堂內覆障處作法者雖好惡  
相參法成無過今時末法犯者極多恐法難辨故別  
標記

第二箇相者夫論單法但取外淨不論內染但令相

順心違便成法事故律云見如法羯磨而心不同得

成如法準此取相不論心非若欲秉法問和待答人

坐竟然後爲之爲濟被治許立得成若乞受戒懺悔

等坐乞彌善雖無正文義準應得唯有二人立秉得

成一威儀師爲僧所使不得輒坐二半月說戒衆大

難聞開立說戒自餘一切並須坐乘也如律云爲衆

大開作轉輪高座說戒未必立說得成舊開立說戒

者良恐不成若依此說但開威儀師一人得立秉法

餘者不成五分云病人背羯磨佛言犯別衆今時僧尼不爾

戒律從衆既多有後生威儀不正習羯磨師非也

○受欲篇第六

此篇大門有二一欲緣二說法

第一欲緣者義云若有犯戒非法緣等以事非故不

合與欲故律云若爲佛法僧塔看病人等是正緣

開也今時尼衆輕慢說戒不敬羯磨聞道衆集作法

則生意惰心受戲論造作非法則身輕奮勇致令說

欲者多衆集者少又無病稱病不欲言欲不淨言淨

令他傳妄對衆而說隨僧多少一一尼邊皆獲三提

所傳之人知而妄告亦得三罪問無病既不合說欲

得成法事否答成前人自有妄語之罪

第二說法者此律正說欲文不牒其事今時著者乃

是古人所加不安無失

大姉一心念我某甲比丘尼如法僧事與欲清淨此

說法一說便得

次明轉欲兼他法謂受他欲已自有緣事不得往者

須轉與他佛云聞之問得幾度轉答依母論得七反

轉

大姉一心念我某甲比丘尼受某甲比丘尼欲清淨

彼及我身如法僧事與欲清淨說一

問欲與清淨同異云何答欲應羯磨清淨應說戒若

說戒之時三俱須牒此律若重病人不能廣說者聽

若言我說欲若言與我說欲若言爲我說欲若現身

相等並成欲反上問餘說可解若爲現相答五分云

病人不能口說聽現身相與清淨欲若舉手舉指搖

頭乃至舉眼得名清淨對衆法



大姉僧聽某甲比丘尼我受彼欲清淨彼如法僧事與欲清淨說一

若受他欲已不得住者對僧說云

大姉僧聽我某甲比丘尼彼某甲比丘尼我受彼欲清淨彼及我身如法僧事與欲清淨說一

若自有緣說付僧者

大姉僧聽我某甲比丘尼如法僧事與欲清淨說一

問對僧說欲音聲闍亂一時總說者得成以否答若

有難逼定應得成除此良恐非法不成故五分僧祇

令至僧中稱名字說者不如是一一不成問欲人多

坐人少得成法否答此律不了餘部恐不成故僧祇

云與欲人若多作布薩得越毗尼罪五分云聽多人

集持欲人來少問睡眠忘誤不說者得成否答此律

受欲人若睡眠入定忘誤不說者成若故不說法成

得罪問與欲已前事訖不來犯別衆否答不犯以我

情和至僧不關欲緣事也

○十戒篇第七

此篇大門有十一釋名二出家三受戒四受衣五說

淨六捨墮七說戒八安居九受日十自念

第一釋名者耶舍傳云沙彌者註云勞之小者以修

道勞也又翻爲息慈謂息世染之情以慈濟萬物也

又創入佛法俗情猶存故須息惡行慈也

第二出家者僧祇云一日一夜出家修梵行離六百

六千六十歲三途苦本緣經云一日一夜出家故二

十劫不墮三惡道五百問事云父母王法不聽盜度

犯重見論云求度不得欲燒寺者聽不白父母得度

出家此律不白父母私度巧師兒出家佛言自今已

去若度出家者應作單白和僧使知爲成問答無違

失立出家者眼見耳不聞處作形同單白和僧云

僧今和合何所作爲答作形同單白羯磨

大姉僧聽是某甲從比丘尼某甲求剃髮若僧時到

僧忍聽某甲從比丘尼某甲剃髮白如是若不和自房房顯知

得亦

次請和尚云

大姉一心念我某甲今請大姉爲和尚願大姉爲我

作和尚我依大姉故得剃髮出家慈愍故三



次請阿闍黎云

大師一心念我某甲今請大師爲阿闍黎願大師爲

我作阿闍黎我依大師故得剃髮出家慈愍故三

二師並答言好

婆論云若先請和尚受十戒時和尚不現前亦得十

戒若聞知死受戒不得若不聞死受戒得成闍黎應

同清淨士度人經云於落髮處香湯灑地周圍七尺

內四角懸旛安一小座擬出家者坐復施二勝座擬

二師坐欲出家者著本俗服拜辭父母尊親訖口說

偈云流轉三界中恩愛不能脫棄恩人無爲真實報

恩者說偈已脫去俗服也見論云應以香湯洗浴除白衣氣度

人經云仍著出家衣止得著泥洹僧及僧祇支未得

著安陀會入道場時應來至和尚前長跪和尚應生

兒想不得生惡賤心弟子於師應生父想和尚爲種

種說法誡其心已來向闍黎前坐善見云以香水灌

頂讚云善哉大丈夫能了世無常捨俗趣泥洹希有

難思議敬禮十方佛竟說偈云歸依大世尊能度三

有苦亦願諸衆生普入無爲樂然後闍黎度人經云

爲剃髮時傍人爲誦出家唄云毀形守志節割愛無

所親棄家弘揚道願度一切人與剃髮時當頂留三

五周羅髮來至和尚前長跪和尚問言今爲汝除去

頂髮許否答云好然後和尚爲著袈裟當正著袈裟

時善見論說偈云大哉解脫服無相福田衣披奉如

戒行廣度諸衆生度人經云禮佛訖行道三匝誦自

慶偈云遇哉值佛者何人誰不喜福願與時會我今

獲法利又禮大衆及二師已在下行坐受六親拜賀

出家離俗竟心懷歡喜父母諸親皆爲作禮悅其道

意應中前剃髮最好母論云髮剃著袈裟已然後受

三歸五戒等

第三受戒者先集僧已受戒人著見處離間已作法

同單白令僧知其得法問僧云

僧今和合何所作爲答作法同單白羯磨

大師僧聽是某甲從比丘尼某甲出家若僧時到僧

忍聽某甲從比丘尼某甲出家白如是

五分十誦先受五戒然後受十戒但受五戒直受

也小善見云當令禮僧足往阿闍黎所禮已長跪合

掌教云汝當隨我語授汝三歸答云爾義云文中不言在僧前受計理則處為受應得然欲生行者善心當對僧受最好亦須問其難難以有難者不得受戒問難之緣大同下具戒中說

我某甲歸依佛歸依法歸依僧我今隨佛出家某甲為和尚如來至真等正覺是我世尊

我某甲歸依佛竟歸依法竟歸依僧竟我今隨佛出家某甲為和尚如來至真等正覺是我世尊

既受戒已應為說戒相

盡形壽不殺生是沙彌尼戒能持否

盡形壽不偷盜是沙彌尼戒能持否

盡形壽不淫是沙彌尼戒能持否

盡形壽不妄語是沙彌尼戒能持否

盡形壽不飲酒是沙彌尼戒能持否

盡形壽不著華鬘香油塗身是沙彌尼戒能持否

盡形壽不歌舞倡伎故往觀聽是沙彌尼戒能持否

盡形壽不高廣大牀上坐是沙彌尼戒能持否

盡形壽不捉生像金銀寶物是沙彌尼戒能持否

盡形壽不非時食是沙彌尼戒能持否  
盡形壽不捉生像金銀寶物是沙彌尼戒能持否  
告云

是沙彌尼十戒盡形壽不得犯能持否

既知戒相已應為說出家功德高於須彌深於巨海

倘若無邊廣於虛空又為說六念等法大同僧尼由

制通沙彌尼至第三念時云

我今年若干歲某年某月某日某時受得沙彌尼十

戒

此律當以生年為次第若生年等者應以出家年為

次第第二俱須知餘所未知當問和尚聞梨

第四受衣鉢者由隨道要務並加持故法衣被身以

遮外也應器資食以充內也內外不持皆結其犯僧

祇五衆衣鉢恒常隨身違者出界結罪婆論云沙彌

尼受十戒已應具上下二衣一當響多羅僧二當安

陀會財色法手執上衣隨對一大尼式叉沙彌尼

前皆得說云

大師一心念我沙彌尼某甲此響響多羅僧應量作

今受持三說下  
衣準說

大姉一心念我沙彌尼某甲此縵髻多羅僧先受持

今捨一說下受盡云

大姉一心念我沙彌尼某甲此益多羅應量器今受

持三說捨文  
反前可解

第五說淨者若得長衣盡棄竝同下尼法唯敗罪名

爲別竝號吉羅

第六明捨墮通界內外得以無別衆過若犯五篇同

名吉羅初篇四重應當滅損自下四篇機淨依本

第七說戒者通別有二通如尼說別則不同沙彌尼

等半月亦合別集一處說戒爲末世行希故略而不

述若具說者反成重并徒益卷軸儻有不羣冀詳鈔也

愛道尼經云應爲沙彌尼等說五德十數名福田爲

良爲美依之得福盡可成佛云何爲五一者發心離

俗懷佩道故二者毀其形好應法服故三者委棄身

命導崇道故四者永割親愛無適莫故五者志求大

乘爲度人故爾時世尊爲說偈言毀形守志節割愛

無所親棄家弘聖道願度一切人五德超世務名曰

最福田供養獲永安其福第一尊此偈出僧祇十數

云一者一切衆生皆依食故爲尊自二者名色爲尊

外三者痛痒想爲尊外道天四者四諦爲尊外道因五

者五陰爲尊外道六者六入爲尊外道七者七覺意爲尊

外八者八正道爲尊外道九者九衆生居爲尊外道

十者十一切入爲尊外道式又尼對首說戒

大姉一心念十方衆僧說戒日式又摩那某甲清淨

三摩沙彌  
尼說

第八安居者十誦制五衆安居受日此律遊行戒中

三衆竝結有罪坐夏法則  
如下文說

第九受日者準尼七日法說不爾直白當衆大尼式

又尼沙彌等出界亦得

第十自恣者通行尼目恣已五德尼喚式又尼沙彌

尼來入僧中五德尼對前受自恣

大姉一心念今衆僧自恣日我式又摩那亦自恣若

有見聞疑罪大姉長老哀愍故語我我若見罪當如

法懺悔  
三說沙彌尼  
知

若別自恣則不須此對首自恣云

大姉一心念今是衆僧自念曰我式叉摩那尼某甲  
清淨三說

沙彌尼類說可知不清淨者發露懺已自念母論云  
沙彌等常逐二師讀誦經一切僧中所有作者皆不  
得違婆論云沙彌尼等不爲三寶利益緣掘地者犯  
罪此律大尼戒後結突吉羅五分云若罰沙彌尼先  
語其師師亦不應作非法助沙彌尼若治罰應作種  
種苦使掃地除糞掘石治階道等若不爲和尚阿闍  
梨及餘人作使應語如法供給和尚衆僧作使次第  
應作不應遮不與僧中利養此是施主物應與此律  
次第與房舍臥具若不愛護不應與若利養隨次與  
自除法用具如五部律三千威儀說但不得說罪體  
輕重師僧指事教持不犯師僧不教並結有罪不取  
師語亦結有犯

○學戒篇第八

此篇大門有五一翻名二乞戒三棄法四六法五行  
法

第一翻名者式叉義翻爲學摩那爲法故名爲學法

尼也

第二乞戒者此律云聽十八童女二歲學戒當如是  
與沙彌尼應詣僧中具修威儀作如是乞云

大姉僧聽我沙彌尼某甲今從衆僧乞二歲學戒和  
尚尼某甲願僧與我二歲學戒和尚尼某甲慈愍故

第三棄法者沙彌尼應離聞著見處已尼衆中當作  
羯磨和僧云

僧今和合何所作爲答云受二歲學戒羯磨

大姉僧聽彼沙彌尼某甲今從衆僧乞二歲學戒和

尚尼某甲若僧時到僧忍聽與沙彌尼某甲二歲學

戒和尚尼某甲口如是

大姉僧聽彼沙彌尼某甲今從衆僧乞二歲學戒和

尚尼某甲僧今與沙彌尼某甲二歲學戒和尚尼某

甲誰諸大姉忍僧與沙彌尼某甲二歲學戒和尚尼

某甲者默然誰不忍者說三

僧已忍與沙彌尼某甲二歲學戒竟和尚尼某甲僧

忍默然故是事如是持

第四六法者此律云次當喚來人衆爲說六法名字

某甲諦聽如來無所著等正覺說六法不得犯

一不得淫欲法若式叉摩那行淫欲法非式叉摩那

非釋種女若與染心男子身相觸缺戒應更與戒汝

是中盡形壽不得犯能持否能答

二不得偷盜乃至艸葉若式叉摩那取人五錢若過

五錢若自取教人取若自斫若教人斫若埋壞色非

式叉摩那非釋種女若取減五錢缺戒應更與戒汝

是中盡形壽不得犯能持否能答

三不得故斷人命乃至蟻子若式叉摩那故自手斷

人命求刀授與人教死讚死若非藥墮胎厭禱呪術

自作教人作非式叉摩那非釋種女若斷畜生不能

變化命者缺戒應更與戒汝是中盡形壽不得犯能

持否能答

四不得妄語乃至戲笑若式叉摩那不真實非已有

自稱言我得上人法得禪解脫得三昧正受得須陀

洹果乃至阿羅漢果言天來龍來鬼來供養我非式

叉摩那非釋種女若於衆中故作妄語缺戒應更與

戒汝是中盡形壽不得犯能持否能答

五不得非時食若式叉摩那非時食缺戒應更與戒

汝是中盡形壽不得犯能持否能答

六不得飲酒若式叉摩那飲酒缺戒應更與戒汝是

中盡形壽不得犯能持否能答

第五行法者式叉摩那具學三法一學根本謂前四

重是二學法謂染心男子相觸盜人四錢斷畜生命

小妄語非時食飲酒此是六法體三學行法謂一切

大尼戒行並須具學若於學法中犯者更與二年羯

磨犯根本減擯犯餘行但名缺行於教不制直令改

悔若滿二年已犯學法者更與二年此律式叉摩那

一切大尼戒法應學除自手取食無沙彌尼者不犯

得授食與他僧祇云式叉尼應學十八法一在大尼

下沙彌上坐二式叉尼不淨食大尼淨大尼不淨食

式叉尼亦不淨三大尼得與式叉尼二宿式叉尼得

與沙彌尼二宿四式叉尼得與大尼授食除火淨五

生種取金銀自從沙彌尼受食五大尼不得爲說七

聚罪名六得語云不淫殺妄語如是等憶持七式叉



尼布薩日八至自恣日入僧中長跪合掌云  
阿闍黎耶僧我某甲清淨僧憶持

三說已而去第九第十第十一第十二謂後四波羅  
夷犯者更從始學第十三十七僧殘已下若犯一

作吉羅悔餘如彼說此十七僧殘等作六句通十二爲十八句

問受法爲對面遙授耶答諸部不同今依四分令此  
沙彌尼入衆從僧三乞已應往離聞處著見處已此  
丘尼爲羯磨授準此四分遙者得若依十誦入衆對  
面爲授乃諸部不同弗可互用當部自行不得捨此  
就彼問學戒不滿二年得戒否答不得何意得知如  
持六法垂滿二年隨缺一戒更與二年故知不得又  
僧祇云若尼受學不滿與受具得提學戒要滿二歲  
十誦云六法者練心地試看大戒受緣二年者練身  
也試知有胎無胎故臨受對衆問云二歲學六法否  
五分等羯磨文中皆言二歲學戒滿義云今時多有  
無識之人公然許他不滿便與授具若不滿得戒何  
故僧祇十五律等皆結師罪又五分等皆羯磨文中  
言滿今時師衆俱知不滿輒違聖教妄言道滿便事

不應法法豈得成若勒年滿定知得戒若凡情妄授  
僞不得戒豈非誤他一生虛過罪資累劫既非難逼  
有何忽迫強違聖意抑令早受或有妄引文解言不  
受十戒尙自自成準此不滿二歲何容不許今解不  
同彼是開通律有誠文此是制法聖教便禁開制不  
同何得相準六法是制不得不行十戒開法逆順無  
違斯則開制矛盾陞沈有隔非直妄判之過偏顯無  
知亦乃冒授之失殃及自他耳此律云不知得戒相  
造非法與學制法若已曾嫁者年十歲已上與二歲  
學不須十八也問何意小年曾嫁便與六法耶答婆  
論云年十二者得受具戒爲夫家所使經忍衆苦加  
厭本事意成就僧祇亦然義云式又尼不得與大  
尼爲伴以戒未滿故自不得與沙彌爲伴以非同類  
故若一大尼兼一式又尼若二式又尼兼一沙彌尼  
得共爲伴除人不合沙彌尼雜戒文云不得共優婆  
夷相看形體大笑又不得僻處像形自弄身體亦不  
得照鏡摩面畫眉受經時當與長老尼共行去座六  
尺長跪問義時當識句逗師若訶責卽自悔過不得



覆藏不得自理不得惡眼視師等

○畜衆篇第九

此篇大門有二一畜意二制乞

第一畜意者此律云尼十二歲欲度人受具足戒者應白二羯磨請僧聽許已然後得度否者犯提若受他依止式叉尼等犯吉羅若和尚尼無德僧止其度人捨畜衆羯磨若得羯磨已一年中得一大尼一六法尼一沙彌尼一依止人更不得多隔一年已更欲度者還如前法與衣食及法更不須重與羯磨第二制乞者其度沙彌尼式叉尼大尼戒並須乞以年年度弟子犯罪故捨畜衆法等乞比丘尼度尼應具修威儀禮僧足長跪合掌乞云

大姉僧聽我比丘尼某甲今求衆僧乞度人受具足

戒願僧聽我度人受具足戒慈愍故

僧作法時問僧今和合何所作爲答云與畜衆羯磨

大姉僧聽此比丘尼某甲今從衆僧乞授人具足戒

若僧時到僧忍聽僧今與比丘尼某甲授人具足戒

白如是

大姉僧聽此比丘尼某甲今從衆僧乞授人具足戒

僧今與比丘尼某甲授人具足戒誰諸大姉忍僧與

比丘尼某甲授人具足戒者默然誰不忍者說僧已

忍與比丘尼某甲授人具足戒竟僧忍默然故是事

如是持若受依止阿闍黎等準理亦合乞畜衆羯磨同前第一

四分律比丘尼鈔卷上之上

四分律比丘尼鈔卷上之下

○具戒篇第十

此篇大門有五一由藉二本法三主僧四戒相五退

捨

第一由藉者義云若欲受具先受十戒六法然後受

具故律云若不受十戒得戒而衆僧得罪故十誦云

若未度出家便與受大戒得戒不佛答言得戒而衆

僧得罪未受十戒婆論云所以佛制受十戒者爲染

習佛法故六法制意如別

第二本法者此有十種一請師二戒緣三安置四白

樂五出問六白喚七乞戒八白和九問難十正受

第一請師者若欲受具三師七證要請方得故佛阿

毗曇中二阿闍黎並有請又七證義況先明請和尚

法所以須請者以和尚得戒根本若無此人關於教

授進道莫由理必須請見論云以不請故多造非法

師訶責之反云誰請大德爲我和尚佛因制之若不

請不得與受此律請師不云僧屏計此三師得戒根

本預前三兩月請何傷大理今時多在衆中請者此

依十誦僧祇也當具威儀至和尚前長跪住阿闍黎

教云所以須請者此師是發戒根本若不請者無由

得戒汝當段重心請計此請文出自汝口由汝不解

故我教汝當一心承我教答言爾

大姊一心念我某甲今請阿闍黎爲和尚願阿闍黎爲我

作和尚我依阿闍黎故得受具足戒慈愍故三

僧祇云次第衆中三請已和尚應語言發汝喜心此

律答云可爾或云教授汝或云汝莫放逸答云頂戴

持次請二問警律無正文佛毗 若欲請者至戒師前

持次請二問警律無正文佛毗

若欲請者至戒師前

今一作令

和尚教云羯磨阿闍黎者是受戒正緣若無此人乘

法則大地塵沙法無由得生故須起殷重心於戒師

所如是種種教化已然後請云

大姊一心念我某甲今請阿闍黎爲羯磨阿闍黎願阿

闍黎爲我作羯磨阿闍黎我依阿闍黎故得受具足戒慈

愍故三

次請威儀師阿闍黎云由此威儀師爲汝引導今至

僧中發汝具戒緣起由此師故須起殷重意請

大姊一心念我某甲今請阿闍黎爲威儀阿闍黎願阿

闍黎爲我作威儀阿闍黎我依阿闍黎故得受具足戒慈

愍故三

問何故律中喚和尚等爲阿闍黎答佛在世時大愛道

尼是佛姨母諸尼因是得戒遂學佛語皆喚阿闍尼

阿摩等善見云尼女也摩者母也義準重尼故稱之

然阿非梵語漢地所稱女通大小母者耆年如世人

喚其阿母義亦相類僧祇云和尚尼欲授人具戒應

先求比丘尼不得臨時選衆若不可者當求半許若

過半許而作法不犯重者乘法自義云若和尚犯重

餘可足數而已

羯磨師知不成受戒以所牒非比丘尼用十師互相  
知亦不成受了知非則不應羯磨下至知有四人  
清淨者得成僧用故伽論云邊地五人持律者授當知  
中國理若十人處五人受戒得比丘得可罰罪受戒  
則妄言人不知和尚是賊住依彼出家受具足得戒否答得  
戒僧犯吉難既云不知者問此律大僧和尚十夏尼  
和尚十二夏此據極小者大僧和尚開九夏而得小  
罪尼和諸十一二種闍黎大僧五夏已上尼六夏已  
上方得成授除師隨夏大小就得上五百問事云比丘  
五臘不滿度弟子知非而度犯提弟子不知是非得  
戒尼不滿六臘問緒方僧尼情識闕鈍不問戒律食  
求徒弟白讀羯磨爲人受戒得成已否答不成反結  
無知不學之罪故此律遣上座誦羯磨或報云誦或  
云先誦後忘遂稽留受戒事故須要誦方得五分諸  
比丘不誦羯磨不得受具戒義云末法時說多有斯  
謬故引文證願依時誦

第二發戒緣者義云所發之戒乃有無量隨境總論  
要而言之不過情與非情依正兩報有無二諦滅理

涅槃佛說聖教文字經卷形像塔廟地水火風虛空  
識等六塵萬境法界等緣不可具陳何以故由不受  
故則於一一衆生莫問凡聖起塵沙等惡今翻爲善  
則成塵沙等戒故善生經云衆生無邊戒亦無邊婆  
論云於非衆生上亦得無量戒善功德如十方世界  
所有大地下至水際空界已來若傷如微塵竄得其  
罪由受戒故成善且如壞一神藥始從萌芽一一華  
葉得爾罪今翻爾罪得若干戒故善生經云大地無  
量戒亦無量乃至虛空有盜損之義故善生經虛空  
無邊戒亦無邊婆論云新受戒人與佛齊功以此推  
之出家之士真是善法功德之聚位尊人天良由於  
此不論持者假令毀戒亦得無邊戒利何以知之故  
十輪云破戒比丘雖是死人是戒餘力能大利益人  
天道俗猶如牛黃麝香等佛即說偈云蘊華雖萎  
勝於一切華破戒諸比丘猶勝諸外道是故行者受  
戒毀禁尚得功德況當清淨於法奉持則難思議汝  
當緣念如上諸境知所緣境已次爲廣開心懷令彼  
受者增益道志應語云族姓女諦聽當發上品心得

上品戒若發中下心得中下戒假令道成四果是戒猶是中下何名上品若言爲正向泥洹故爲趣三解脱門故爲成三聚戒故爲令法久住故爲教眾生諸苦惱故爲求佛道度衆生故如是如是眞佛弟子得佛淨戒必須知若於受戒前一提授使心心相續了法明淨方得爲受

第三安置者此律云當安欲受戒人置眼見耳不聞處立若安見聞俱離處及界外者不名受戒故五分云以起過聽安戒場外眼見處

第四單白者此應差威儀師屏問遮難此律由界外脫衣石故令受者慚耻稽留受戒佛言不得露形看當差人屏問遮難伽論云受具戒時不問遮道法得戒僧得吉羅此律云戒師當問衆中誰爲某甲作教授師答云某甲能戒師問僧云僧今和合何所作爲答差教授師單白羯磨作此答止得作一法若答云受大戒羯磨者後不須和僧縱更受亦不須和以一答通多人故

大姉僧聽彼某甲從和尚尼某甲求受具足戒若僧

時到僧忍聽某甲爲教授師白如是

第五出衆問難者所以須問耶恐其親衆生怖有無差互言辭外錯答容不實屏處怖微令得審定然此十三難不問不得戒若有而不問亦不成受故律文自制後不問不得戒又問難之體必須分析文句令識相輕重不得直問言汝不犯邊罪否不知邊罪意是何罪等自非明律灼然何能達此若不委問恐是十三難沙彌尼式叉尼是白衣時曾受八戒隨破一重皆不發戒自非慙慙重懺得證何得輒授既有斯謬委具問之今正出衆問難威儀師當起禮僧足已至行者所坐語受者汝坐令大敷坐具爲舒張已在伸手內若依五分云應安慰云汝莫怖畏須臾持汝著高勝處應取衣鉢種種誘訓執五條已語云此是安陀會指身所著此是鬱多羅僧執大衣已此是僧伽黎汝身著者僧祇支汝所披者此是覆肩衣一切九十六種外道無此衣名今故示汝并執鉢已語云此是鉢多羅此衣鉢是汝有否答云是威儀師爲撰衣鉢已語善善女人諦聽今是至誠時實語時我今

問汝隨問答我若不實者當言不實若實當言實所以如此者由無始已來多有妄語欺誑凡聖致使沈溺生死今欲捨虛妄證真實故令汝實答我今問遮難答若不實徒自費功浪受無益一汝不犯邊罪否應語云計汝應不識何謂邊罪以曾受戒行淫盜五錢殺人自稱得聖犯此罪者必不得戒或曾受五戒八戒十戒犯四重已或受大戒犯八重已還俗訖今重來者名邊罪人等或白衣沙彌尼時造重業訖十三難攝汝不犯此否答言不二汝不白衣時汗他淨戒比丘否答言不二汝不白衣時及沙彌時盜聽他說戒羯磨衆僧法事否答言不四汝不破內外道否謂曾作外道來求受戒還作外道今復重來否答言不五汝不是黃門否答言不黃門者男女黃門者是六汝不殺父否答言不七汝不殺母否答言不八汝不殺阿羅漢否答言不九汝不破僧否答言不十汝不惡心出佛身血不答言不十一汝非非人否答言不非人謂天女諸鬼等變爲女形十二汝非畜生否答言不十二汝非畜生否答言不龍能化爲人而來受戒否十三汝非身挾男女二形否答言而變形來受戒否

不問已應語言女妹汝已道無今更問汝諸遮妨義而遮事非一文中略問十六自餘受法廣明皆言不應不論得否今以義準有得不得若不自稱字不稱和尚尼字年歲不滿衣蓋不具等定不得戒自外可知汝字何等答言某甲和尚尼字誰答言某甲年歲滿否答言滿衣蓋具否答言具汝父母聽天主聽否答言聽汝非負債否答言不汝非婢否答言不汝是女人否答言是女人有如是病癰癰疽白癰乾消癰狂二形二道小大常漏大小便涕唾常流汝有如是諸病否答言無伽論云聖人不聞羯磨不得戒聞者得何以故由無遮難故又當語言如我今問汝事僧中亦當如是問如汝向者答我衆僧中亦如是答更莫改變應教起立爲正著七條令威儀齊整著履操坐具安臂上襖衣置手中已語言我僧中爲汝通信若大衆許可我當舉手招汝汝可即來答言爾若依五分教著衣時密如法觀看無病不如是種種方便看之若不相識人不應雲霧暗中受五百問事云要須燈燭照之



第六單白喚入衆者彼教授師還攝威儀來至僧中如常威儀相去伸手及處立當作白云

大姉僧聽彼某甲從和尚尼某甲求受具足戒若僧時到僧忍聽我已問竟聽將來白如是

白已勿出僧中於堂門限內立待舉手喚言某甲來彼來已至僧中時當爲捉衣蓋教正衣服四面禮僧竟

第七正乞戒威儀師教至羯磨師前兩膝著地合掌衣盡付戒師已安慰其心懇惻至誠仰憑清衆求哀乞戒戒師語言此之戒法非人不得故六道之中唯人得受彼天主常作念言何時得受具戒由報障故不得受戒汝今生入道中無諸過難當發增上善心乞戒須臾之間便入三變聖人僧寶之位難可校量但乞戒由汝自心發言不從他出既是勝妙之法若不曉其方軌則階漸無由可證故佛教我爲汝引導汝當一一逐我言教

大姉僧聽我某甲從和尚尼某甲求受具足戒我某甲今從眾僧乞受具足戒和尚尼某甲願僧拔濟我

慈愍故說

威儀師教已依本坐

第八戒師單白和僧問難者戒師當白云

大姉僧聽此某甲從和尚尼某甲求受具足戒此某甲今從僧乞受具足戒和尚尼某甲若僧時到僧忍聽我問諸難事白如是

第九正明對衆問難者應取其衣盡一一提示言此安陀會多羅僧伽黎衣及盡此衣蓋若借來者不得戒實是汝物否答言是應語言善女人聽今是至誠時實語時我今問汝當隨實答所以言真實者故僧祇云汝若不實答欺誑諸天魔梵沙門婆羅門諸天世人亦欺誑如來及以衆僧自得大罪今問十三難還同上威儀師所問而衆僧忍屏處有蓋故對衆一一問汝汝還一一依威儀師所問一一答我答云

爾已下正問遮難一  
同前威儀師說

第十正受戒者若答無遮難堪爲正受將欲受戒先易心懷令生上品意戒師語言善女人汝遮難並無衆僧同共隨喜當與汝戒但戒善廣大巨周法界當



起上品心得上品戒何等上品故前緣起云爲趣泥  
洹果向三解脱門成就三聚淨戒令正法久住此是  
上品智度論云下持戒生人中持戒生六欲天上持  
戒生色無色天又下清淨持戒得阿羅漢道中清淨  
持戒得辟支佛道上清淨持戒得佛道當廣開汝懷  
所以爾者塵沙戒法注汝身中不以報得狹小而得  
受也當作虛空器量之身徧周法界一切凡聖依正  
兩報無間自他等境皆發塵沙等戒汝當願納此法  
又此戒法若是有色者入汝身時如天崩地陷之聲  
由是非色法故令汝不覺汝當起驚悚之意勿得懈  
慢今爲汝作羯磨發此塵沙戒善所以法界善戒而  
得用羯磨發者汝不聞外道仙人用呪術之力尙能  
移山鎮海迴天轉日豈況如來六道之師所說聖教  
法中之上而無此力今白三羯磨世尊口出我傳佛  
教發汝戒體汝須知之正作法前白云衆僧慈悲布  
施某甲戒作此語已應四向願望勿令入睡眠亂語  
非法別衆等坐若有卽須喚令正坐向羯磨師一心  
聽說十誦云證他受戒各各入定亂語戲笑不知羯

磨成否佛言不成若作羯磨者應分別之是第一羯  
磨第二第三亦如是莫餘覺餘思惟應起敬重憶念  
違者吉羅又文殊問經云四衆於何時不得作聲或  
身口木石及諸餘聲佛告文殊於六時中不得作聲  
一禮佛時二聽法時三衆和合時四乞食時五正食  
時六大小便時如是誠已然後白云  
大姉僧聽此某甲從和尚尼某甲求受具足戒此某  
甲今從僧乞受具足戒和尚尼某甲某甲自說清淨  
無諸難事年歲已滿五衣鉢具若僧時到僧忍聽僧  
今授某甲具足戒和尚尼某甲白如是  
白已問僧成就否乃至三番亦一一問之此僧祇文  
準此僧中知法者答云成就次作羯磨云  
大姉僧聽此某甲從和尚尼某甲求受具足戒此某  
甲今從僧乞受具足戒和尚尼某甲某甲自說清淨  
無諸難事年歲已滿五衣鉢具僧今授某甲具足戒  
和尚尼某甲誰諸大姉忍僧與某甲受具足戒和尚  
尼某甲者默然誰不忍者說如是僧已忍與某甲受  
具足戒竟和尚尼某甲僧忍默然故是事如是持作

摩已即須量影記其  
時節假授其大小

此律云若有八難餘緣天陰暗等當二三人一時作  
羯磨然不得加四以同別衆故無難者不得授

第三至僧受者此律作本法已即日應往僧中求受  
大戒違者犯罪就中略有十問答

一問僧至尼寺受戒成否答若依薩婆多師實傳說  
此不如法不成受戒如端正女人此是難故猶不許  
請僧來至尼寺受戒此既非難何容得開

二問寄尼寺外俗家結界成受戒否答律亦無文然  
容可通仍非法得小罪無妨戒成

三問本法尼名作何等答律名比丘尼也

四問尼在僧寺得作本法否答如明了論云僧界內  
爲尼立界作法理得無過

五問留髮白衣與受具足得戒否答有得不得問云  
何有得答得者謂志求出家厭世俗情王難不聽落  
髮出家具此意者得戒不疑故婆論問云不除髮得  
戒否答得但非威儀又伽論問云若白衣爲和尚與  
白衣受具足戒得戒否答得戒僧犯吉羅又十誦波

離間云若男子作女威儀女相女形制已如男子法  
受戒得戒否佛言得戒衆僧得罪女人作男子威儀  
得戒亦然五百問事云壇上師僧或著俗服或犯禁  
戒若受戒人知是非法不得不知者得若弟子著俗  
服當時不知者得若據此文如不知亦得戒也問云何不得戒答  
數見邊方尼妄行戒律見有誠文無問善惡遂即雷  
同總與授戒觸事無知專習非法紡績機織俗務是  
常長眉高髻綺染恒式師有貪利門徒之心弟子有  
偷形避役之意所以僧不揀弟子好惡得利便授弟  
子不擇師行是非苟求資蔭永惟斯理俗禮尙自不  
成況出世清虛何容得就若據所論定不得戒故此律宗要出  
家相具應剃髮著袈裟與出家人同若著俗服外道  
服衆莊嚴具裸形等並名出家受具足戒若受戒  
人不自稱名不稱和尚名說乞而不乞若眠醉狂瞋  
恚無心受戒或心不當境或境不當心或心境俱不  
相應並名非法不名受戒前後無違方名辨事今兩  
述宗取捨任從然諸經律並令落髮同僧出家異俗  
輒依論開良恐非然又論非宗要宜就律儀

六問有人尼中作本法竟將三兩尼受戒人往僧寺得否答依此律不得故律云比丘尼僧應將受戒者至大僧中既言是僧云何許別又受戒已由勸言二部僧具足滿僧祇亦云尼受大戒合二十眾又五分彼和尚闍黎須集十尼僧往比丘僧中乞戒故知僧尼各須十人

七問尼僧至僧寺受戒須結界否答此之羯磨二衆所秉非界無以攝人非界無以羯磨各集本部重結穩審又如尼懺僧殘二衆各須結界亦有諸師不立者良恐誤也若欲作法尼僧盡集自然界內令本法尼在自然界外正結作時不得對僧作法須離間處遙見無妨故律下文不應對尼作羯磨

八問尼至僧寺若爲安置答應在二部僧中長鋪兩席使中間空容二三尺許令伸手相及本法尼多者總在離間著見處一一喚來入衆乞戒受得戒已在尼下行坐

九問若爲請師答比丘尼僧令闍黎將引受者入禮僧已教在戒師前長跪請師言

大德憶念我某甲今請大德爲羯磨阿闍黎願大德爲我作羯磨阿闍黎我依大德故得受具足戒慈愍故三

十問若爲乞戒答威儀師教云

大德僧聽我某甲從和尚尼某甲求受具足戒我某甲今從衆僧乞受具足戒和尚尼某甲願僧教濟我慈愍故三

威儀師復本坐已大僧闍黎然後作法問遮難已又問汝學戒清淨否答學戒清淨更問餘尼等知此人學戒清淨否尼和尚答云學戒清淨然後僧作羯磨正作法時出在僧鈔非關尼事

第四戒相者若據理論當隨師具學何獨此八但爲初受未知輕重遇緣便犯因制八根本若毀不任僧用餘篇枝條便復淨族姓女聽如來無所著至真等正學設八波羅夷法比丘尼犯一一波羅夷非比丘尼非釋種女

一女人一切不得犯姪作不淨行若比丘尼犯不淨行行姪欲法乃至共畜生彼非比丘尼非釋種女爾

時世尊爲說譬喻。猶如有人截其頭。終不還活。比丘尼亦復如是。犯波羅夷已。還不成就。比丘尼行汝是中。盡形壽不得作能持否。能答

二一切不得作盜。下至艸葉。若比丘尼盜人五錢。若過五錢。若自取。若教人取。若自斷。若教人斷。若自斫。若教人斫。若燒。若埋。若壞。色者。彼非比丘尼。非釋種女。譬如斷多羅樹心。終不復更生。長比丘尼犯波羅夷已。如是終不還成。比丘尼行汝是中。盡形壽不得作能持否。能答

三一切不得故斷衆生命。下至蟻子。若比丘尼故自手斷人命。持刀授與人。教死。歎死。勸死。與人非藥。若墮人胎。厭禱呪詛。殺自作方便。若教人作。彼非比丘尼。非釋種女。譬如鍼鼻缺。不堪復用。比丘尼亦如是。犯波羅夷已。不復還成。比丘尼行汝是中。盡形壽不得作能持否。能答

四一切不得妄語。乃至戲笑。若比丘尼非真實。非已有自言。我得上人法。得禪。得解脫。得三昧。正受。得須陀洹。果。斯陀含。果。阿那含。果。阿羅漢。果。天來。龍來。鬼

神來。供養我。彼非比丘尼。非釋種女。譬如大石破爲二分。終不還合。比丘尼亦如是。犯波羅夷已。不可還成。比丘尼行汝是中。盡形壽不得作能持否。能答

五不得身相觸。乃至共畜生。若比丘尼有染心。與染心男子。身相觸。從腋已下。膝已上。若捉若摩。若牽若推。若逆摩。若順摩。若舉若下。若捉若捺。彼非比丘尼。非釋種女。汝是中。盡形壽不得作能持否。能答

六不得入事。乃至共畜生。若比丘尼受染汗心。男子捉手。捉衣。入屏處。共立。共語。共行。共期。身相近。犯此八事。彼非比丘尼。非釋種女。汝是中。盡形壽不得犯能持否。能答

七不得覆藏他重罪。乃至突吉羅。惡說。若比丘尼知他比丘尼犯波羅夷罪。若不自舉。不向僧說。若不語衆多人。後於異時。此比丘尼若罷道。滅擯。若遮不共事。若入外道。後便作是說。我先知。有如是事。彼非比丘尼。非釋種女。覆藏重罪。故汝是中。盡形壽不得犯能持否。能答

八不得隨順被舉。比丘語乃至守園人及沙彌。若比

丘尼知比丘爲僧所舉如法如毗尼如佛所制不隨順不憊悔僧未與作共住而隨順是比丘諸比丘諫是比丘尼言妹知否今僧舉此比丘如法如律如佛所制不隨順不憊悔僧未與作共住汝莫隨順是比丘諸比丘諫是比丘尼時堅持不捨是比丘尼當三諫捨此事故乃至三諫捨者善不捨者彼非比丘尼非釋種女由隨順故汝是中盡形壽不得犯能持否

總答

次當爲說四依法防外道故說此四應語云族姓女諦聽如來無所著至真等正覺說四依法比丘尼依此得出家受具戒成比丘尼法

一依糞掃衣比丘尼依是得出家受具足戒成比丘尼汝是中盡形壽能持否答若得長利檀越施衣觀衣等得受

二依乞食比丘尼依是得出家受具足戒成比丘尼汝是中盡形壽能持否答若得長利若僧差食若檀越送食月八日食十五日食月初日食若僧常食檀

越請食得受

三樹下坐比丘尼依是得出家受具足戒成比丘尼汝是中盡形壽能持否答若得長利若別房尖頭屋小房石室兩房一戶得受

四依腐爛藥比丘尼依此得出家受具足戒成比丘尼汝是中盡形壽能持否答若得長利酥油生酥蜜石蜜得受

汝已受戒竟白四羯磨如法成就得處所和尙如法阿闍梨如法一部僧具足滿汝當善受教法應當勸

生作福治塔供養佛法僧和尙阿闍梨若一切如法教授不得違逆應學問誦經勤求方便於佛法中得須陀洹果斯陀含果阿那含果阿羅漢果汝始發心

出家功不唐捐果報不絕餘所未知當問和尙阿闍梨受戒已若還寺者令義云先教誦六念受持衣蓋坐具等若作式叉尼時說淨長衣鉢者應更請施主

總持說淨若犯長財並捨作突吉羅懺然後說淨又二時中請和尙教誡說法具如下章說

第五遇緣退捨者此律云若不樂淨行者開聽捨戒去若欲留五戒者應言我作優婆塞若欲留十戒者



應言我作沙彌尼若欲全捨者應言我作在家白衣  
 願大師憶知我是白衣一說婆論云若無出家人可  
 對捨隨對一白衣外道等前但使情相傾解一捨便  
 成不須至三增一阿含經云開比丘七反捨戒過者  
 非法諸解許出家受具然尼開捨戒還家無父得  
 許重來出家受戒爲女人志弱不堪弘道初尙不許  
 何容輒開後度今時尼衆不學問者多昏於志趣妄  
 行禪法道言信施難消遂被惡人化令捨戒大僧容  
 可再歸尼論一捨不還無辜自墜失於大利故律云  
 若有捨戒者於佛法爲死實由不解致流昏俗也永  
 言此事深可痛心  
 ○六念篇第十一  
 第一念知日月大小法者若是白月應云今朝白月  
 大一日乃至十五日以白月一向大故不須云小若  
 是黑月便通大小黑月大者應云今朝黑月大一日  
 乃至十五日黑月小者今朝黑月小一日乃至十四  
 日此謂識去布薩日遠近又防俗問故解云若入聚  
 落先知日月數等

第二念知食處法者全不受請者應云我今不受請  
 自食已食或云食僧常食不受請或云乞食不受請  
 若受請無供養者應云我今自食無請處或云我今  
 食僧常食無請處或云乞食無請處若受請不肯者  
 應云今有請處念當自往若受請有肯緣者應云今  
 有某緣得肯請緣者謂遊提月施衣等緣若受多請者應對人捨  
 云今日有多請處自受一請餘者施與大師在某處  
 隨對五衆出家人邊捨得若無人對依十誦依親里住尼心念  
 捨云我某甲今朝檀越施我五正食週施比丘尼某  
 甲檀越於我不計我得自恣食三說  
 第三念知夏大小法者若初受戒者應云我於某年  
 歲次在某日月在一尺木若干影時受具足戒我今  
 無夏後若有夏隨夏多少稱之西國受戒竟以木影擬後辨大小也  
 第四念知衣鉢法者若衣鉢具受者應云我五衣鉢  
 具足受持不具者應多少稱之若長衣鉢等求說者應云念  
 當說淨犯長者應云今有長財念當說淨  
 第五念知別衆食法者若有別衆者云今有某緣得  
 別衆食或病迦提月等若無緣者應云念不別衆食



第六念知病之有無法者若有病念當療治無者應

云隨衆行道

○受衣篇第十二

此篇大門一十有七一制聽二功能三釋名四財如五體如六色如七量如八條數九隄數十重數十一作法十二受法十三捨法十四得失十五補洗十六敬護十七坐具

第一制聽者所以名制者謂五衣六物佛制令畜違便得罪所以言聽者謂一切長衣及百一供身具等隨報開聽違順無過

第二功能者婆論云欲現未曾有法故一切九十六種外道無此衣名為異外道故智論云佛聖弟子住於中道故制著三衣不同外道裸身無恥白衣多貪故重著也分別功德論云為三時故制有三衣冬則著重夏則著輕春則著中亦障諸蟲故此律寒故制著三衣又為三世如來說著如是衣義云為調三毒因緣故制三衣華嚴經云著袈裟者捨離三毒也大悲經云但使性是沙門汗沙門行形是沙門被袈裟

者於彌勒佛乃至樓至佛所得入涅槃無有遺餘悲華經云如來於寶藏佛所發願成佛時我袈裟有五功德一者入我法中或犯重邪見等四衆於一念中敬心尊重必於三乘受記二者天龍人鬼若能恭敬此人袈裟少分即得三乘不退三者有鬼神諸人得袈裟乃至四寸飲食充足四者若衆生共相違反念袈裟力尋生惡心五者若在兵陣持少分恭敬尊重常得勝他若我袈裟無此五力則欺十方佛僧祇云僧尼有戒德俗人索破袈裟段欲禳災者得與小者伽論僧尼等破壞三衣叠犯自性偷蘭遮但是衣叠不問受持不受皆不得壞滅亦不應破滅補衣賣之雜用皆犯前罪

第三釋衣名者此律云聽刀割壞成沙門衣不為怨賊所劫作安陀會觀身著鬱多羅僧伽梨入衆時著然此衣名諸部並無正翻今以義推略知指歸慧上經云五條者名中著衣七條者名上著衣大衣者名衆集衣義云大衣者名雜衣以條數多故若從用立名入王宮聚落衣七條者名中價衣從用為名入

衆衣五條者下著衣從用爲名道行作務衣

第四財如者謂非四邪及自手與生出舉販博得財  
竝不如法受亦不成故律云不以邪命激發得現相  
得犯捨墮衣等竝不得作三衣

第五體如者義云要須厚重者得若細薄生疎露體  
乃至綾羅綿繡文綺衣等竝不成受僧祇云一切生  
疎毛髮樹皮艸衣等不成受五百問云生絹不作三  
衣若不現身者得

第六色如者此律云上色染衣不得畜當壞作袈裟  
袈裟色者此云不正色也十誦云一切青黃赤白黑五種純大  
色衣不得著除其納衣婆論云五大色衣不成作三  
衣又紫艸桑皮地黃紅緋染色黃檀木等皆不如法  
色若五大色衣三點淨得作餘衣著謂紺黑青得早  
木蘭一切得受純青淺青碧等點淨得作衣裏用若  
赤白黃不純大色者亦得若不如法色染訖更以如  
法色覆成受持又殊問經云色衣不太赤不太黃不  
太黑不太白清淨如法色三法服及與餘衣皆如是  
色義云作淨法者用前紺黑青於四角頭隨意作一

點僧祇云極大如四指極小如豌豆見論如麻子大  
僧祇云不得竝作或一三五七九等不得如華形作  
若浣髮泥汗即名淨若新僧伽梨超一角頭作乃至  
一切衣新時亦爾若衆多破段衣一處合補者一處  
作淨青者謂銅青黑者謂雜泥等染木蘭者謂果汁  
等義云蜀地有木蘭樹皮其色赤黑然復鮮明可以  
爲染微有香氣關東并州亦有木蘭樹子堪爲數珠  
象得爲染其色稍黑京內諸山亦有求之者希

第七量如者此律云五條長四肘廣二肘大衣七條  
各長五肘廣三肘若極小者長四肘廣二肘半並名  
如法若過此分齊亦得受持以可截故若過量外者  
應說淨否者犯捨義云說時應在受持後以法衣外  
爲長故

第八條數者此律大衣從九條乃至十九條等若過  
是數亦應畜七條五條名自楷定婆論云僧伽梨三  
品九條十一十三是下品十五十七十九是中品二  
十一二十三二十五名上品

第九隄數者此律不了今依婆論云大衣下者兩長

一短上者四長一短並名如法若互增減者成受持  
著用得小罪

第十重數者此律云大衣新者兩重餘二衣一重故  
者隨意多少作

第十一作法者此律云大衣七條要須割截五條得  
繩葉作五分云若染縵衣作條又縫葉著衣或縵作  
衣葉或半向上半向下作葉一切突吉羅阿難奉教  
作衣左條左離右條右離中條葉兩向斷若得衣不  
足乃至一長一短作猶少者聽帖葉作乃至不足聽  
作縵安多會僧祇云作葉極廣四指極狹如繩麥不  
得橫葉相當縫衣後時宜脫應作馬齒縫衣上下破  
應安緣要須却刺十誦云佛教比丘施絃紐前去緣  
四指施絃後去緣八指施紐應作是法又却刺者是  
佛所許如法畜用直縫者不得是世人衣為異俗故  
又為防外道故此律但云縫僧伽黎不論却刺用十  
誦者好三千威儀云三衣令帖四角此律應安絃紐  
肩上帖障垢膩處

第十二受法者此律但云三衣應受持而無受文今

依十誦明其受法大衣者隨其條數多少稱之今且  
受十五條又餘者準說可知

大姉一心念我比丘尼某甲此僧伽黎十五條衣受  
三長一短割截衣持三受七條

大姉一心念我比丘尼某甲此僧多羅僧七條衣受  
兩長一短割截衣持三受五條

大姉一心念我比丘尼某甲此安陀會五條衣受一  
長一短割截衣持三受縵條衣云云

大姉一心念我比丘尼某甲此縵僧伽黎受持三說  
知可

此律五條開屈葉者應云屈葉衣持若帖葉作者應  
云帖葉衣持帖時開一邊刺一邊令似割截衣若兩  
邊俱刺者但同縵衣法

受僧祇支文

大姉一心念我比丘尼某甲是衣祇修羅受長四肘  
廣二肘半是祇修羅衣持三

僧祇支者長四磔手廣二磔手半互減互過者提腰  
肩衣義準亦然義云僧祇支者此云上狹下廣衣云

厥修羅者此西國方言不同故翻譯有二設互陳二文於理無乖或量已身大小作之受時但云僧祇支應量作合受持此亦尼本爲露胸膊行爲世人譏慢故佛制畜祇支覆肩二衣

受覆肩衣文

大姉一心念我比丘尼某甲此是覆肩衣如法作今

受持三

第十三捨衣法者本律無文今依僧祇捨云

大姉一心念我比丘尼某甲此僧伽黎是我五衣數

先受持今捨

說二  
疑誤可知

若一時受捨越毗尼

大姉一心念我比丘尼某甲是衣服修羅如法作先

受持今捨

說一

大姉一心念我比丘尼某甲是覆肩衣如法作先受

持今捨

又依五分云

我比丘尼某甲此僧伽黎若干條今捨

說一

下二衣類說可解僧祇云若至他家忘不持三衣去

到彼憶已應還捨之捨竟應權借俗人衣被作淨安鈎紐受持云知比丘有僧尼長衣借受彌善欲還應捨到本處已更受舊衣不犯捨墮十誦云借衣離宿但微提罪不復須捨

第十四得失者五分云諸比丘不捨先受持衣更受餘衣者成受先三衣說淨者亦成由不捨故但犯小罪此律若失想燒想賊奪想水漂想則失受持得者還須更受以忘失故無捨罪若道逢難緣不得會衣者不失受持婆論云三衣不受持有壞威儀缺衣二罪若本說淨今作三衣即失本淨法又捨此衣更受餘衣前衣即須說淨否者過十日犯長婆論云若三衣破不問孔大小但使緣不斷不失受持尼祇支覆肩衣義準此說

第十五補浣者十誦云以小段物補衣若却刺者不須說淨點淨若直縫者段段須說否者段段得二罪謂不說淨不點淨也見論云若衣欲破未穿壞者或一條二條應先以物補後割却故者不失受三衣背處欲破當轉著兩邊先相連著後以刀破開然後却

刺繡不失受持袈裟若大減却若小物裨亦不失受  
若浣增色亦不失受此律三衣壞隨孔大小方圓補  
治下二衣  
亦同

第十六敬護者十誦云護三衣如自皮鉢如已眼著  
大衣者不得撻木石土艸掃地敷具等又不得脚蹠  
敷坐臥上及觀身著若不持三衣入聚落俗人處犯  
吉羅遺教三昧經云比丘行時僧伽黎袈裟衣鉢錫  
杖等當與身俱不得去身六尺五百問事云不能著  
大衣入聚落但持著肩上行無犯僧祇云敬三衣如  
塔若入聚落必須帶紐行若無紐者用鐵綴無鐵者  
下至手捉若無紐隨入家家得越心悔有而不著亦  
越毗尼披時當通肩披齊兩角左手捉時不得手中  
出角頭如羊耳律中至佛前上座所竝令偏袒經中  
通肩披衣五百世中入鐵甲地獄五分云得四襲大  
衣枕之中阿含經多處有文開枕大衣臥七條中三  
千威儀經云不著泥洹僧不得著僧祇支如是重重  
乃至最上著僧伽黎故知三衣得上下重著也五分  
云若出村爲舛木鈎衣破裂屢入葉中聽爲護衣故

聚落外反著衣下數壞聽倒著衣上下安鈎紐及帶  
雨時不應倒著此律尼不著祇支入白衣舍提  
毗尼母及此律袈裟不得展牀及脚蹠三千威儀經  
云三衣在下地身不得高牀處坐決正二部毗尼論  
云若著大衣入村不得禮拜師僧上座等五百問事  
云無中衣時得著大衣上講禮拜小衣不近身淨潔  
無七條者五條亦得著入衆食及禮拜不著三衣食  
犯罪十誦亦然

第十七坐具法此律長佛二磔手廣一磔手半廣長  
更增各半磔手五分云佛一磔手長二尺義云四分  
坐具總長五尺廣四尺僧祇云互減過皆提五分云  
須帖四角不帖則已此律若減量作若疊作兩重竝  
得婆論云今用敷臥具上見論云令受持不合說淨  
不出受文今義出之

持三 捨文  
大姉一心念我比丘尼某甲此尼師壇應量作今受

說一  
大姉一心念我比丘尼某甲此尼師壇本受持今捨



十誦不應受單尼師壇得提離宿犯吉伽論云不須捨墮亦不須離宿母論云護尼師壇如護身賢愚經云舍利弗以尼師壇著左肩入衆降邪道鼻奈耶經云亦著肩入衆坐禪義云今時多安左臂上隨方所宜想亦無過

○受鉢篇第十三

此篇大門有七一制意二體如三色如四量如五受捨六失法七護法

第一制意者僧祇云鉢是出家人器非俗人所宜十誦云鉢是恒沙諸佛標誌不得惡用中含經云鉢名應器婆論云見一肆上好鉢圓正可愛律師云佛初出世衆僧無鉢勅帝釋令天工匠作十萬鉢在世間肆上鉢者天鉢非是人造

第二體如者此律大意有二一謂泥二謂鐵五分云用白銅鉢及外道木鉢等此是外道法若畜得偷蘭遮十誦云石亦不得作鉢義云今時僧尼亦有畜鉢鉢義判同石又畜夾紵鉢檀瓦油鉢並非法毀破無罪

第三色如者此律云應黑色僧祇作孔雀咽色鍋色者如法

第四量如者此律大鉢受三斗小者斗半中器可知母論云若不滿斗半及過三斗者不成受持義云此之升斗諸方用各不定未可準定將古類今上鉢受一斗下者五升中者可知然佛初出世人人形殊大所食亦多故限五升以爲楷定今經像季人形漸小若定行斯良恐非用故五分云隨方國土雖是我語不爲清淨者不行無過雖非我語於餘方清淨者不得不行又鉢名應器須應其身大小準食之故下律云量腹而食度身而衣趣足而已不得見有此判遂畜小小之者若不滿四升已上定不得受僧鉢不滿五升已上定不成持數見尼等受持四升已下故別標記

第五受捨此律無文依十誦受云

大姉一心念我比丘尼某甲此鉢多羅應量器今受持三捨云

大姉一心念我比丘尼某甲此鉢多羅應量器先受



持今捨一

第六失法者五百問事云若一日都不用盂食犯墮  
病重者開若出界經宿不失受持見論云若先受持  
盂穿如粟米即失受持若以鐵屑塞已更須受之若  
買他盂未還直不成受其主雖言但受持亦不成受  
若過日亦不犯長若買他盂度價竟盂主還已報比  
丘尼知不往取過日犯捨若餘人知應竟傳向比丘  
尼說聞語不往取過日無犯此律盂孔罅食入中  
但洗餘食不出無犯此罅破不問但畜一盂不加  
受法過日犯捨否答不犯由是制畜事同三衣但犯  
不受小罪若有二盂一須受持一須說淨不爾犯捨  
隨

第七護法此律所行之處衣盂俱行如飛鳥羽隨  
身母論云至乞食時各自作盂絡或盂自持之僧祇  
云不得用灰土洗令色脫當取樹葉汁洗三千威儀  
云洗盂當用澡豆早焚二種爲淨僧祇云不得臨危  
處洗盂先洗師盂後洗已盂不得持已盂中殘水瀉  
師盂中乃至澆染衣亦爾勿以師衣共已衣漬之母

論云不應盂內洗手敬之如目五分云護盂如眼晴  
洗盂聽去地一尺瓦盂離地五六寸許宜好處安置  
僧祇云惡心破盂偷蘭遮五百問事云不得覆壁上  
應巾裏懸壁上

○淨施篇第十四

此篇大門有五一施主二請法三說淨四存亡五失  
法

第一施主者有二一展轉二眞實眞實希故不論今  
且明展轉法於中簡別對施有五衣二藥三盂四  
寶五穀米前三施主依僧祇善見於五衆中隨得一  
人作展轉施主後二並以俗人爲淨主涅槃經云雖  
聽受畜錢寶等物要須淨施爲信檀越婆論云先求  
一知法白衣爲淨主五分云有四種人不爲展轉淨  
施主一不讚歎人二不與人好名稱三應淨施五衆  
四不得與白衣婆論云應相前人持戒多聞有德而  
作施主後得物時於一比丘尼邊稱施主名說淨僧  
祇十誦五分等說不得對施主而說亦不應令前人  
知直別處對一人說

第二請法者應具修威儀至一五衆大德名聞著前  
陳本淨意然後請云

大姊一心念我比丘尼某甲今請大姊爲衣藥盂展  
轉淨施主願大姊爲我作衣藥盂展轉淨施主慈愍  
故三

請下三衆不須云大德大姊等直語言

我今請式又摩那等爲展轉淨施主幸願作之

此文義立若欲五分  
等似不請亦得成

次錢寶施主者婆論云先求一知法白衣語言解知

若不解教令知解至白衣所語云比丘尼法不得畜

錢寶粟等今以檀越爲淨施主後得錢寶盡施檀越

前人報云好

第三說淨者見論云所說之物衆多散落者併束相

著然後說之此律應至比丘尼前手提衣云

大姊一心念此是某甲長衣未作淨爲淨故施與大

姊爲展轉淨故

長老一心念汝有此長衣未作淨爲淨故與我今

受之

受者汝施與誰答施與某甲謂提施  
當語云主名也

長老一心念汝有是長衣未作淨爲淨故施與我  
今受之汝與某甲是衣某甲已物汝爲某甲故善護  
持著用隨因緣

藥盡說淨學此可知然尼得長衣  
當日須淨不同長衣開諸十日

婆論云錢寶穀米等並同長衣十日說淨此律云當

持至優婆夷若守園人所告云

此是我物所不應汝當知之卽名說淨

五分云心念說淨直云如是捨故受新十日一易文

不明了今義準出之有難獨注尼具修威儀手提衣

云

我比丘尼某甲此是長衣淨施與某甲

於五衆中隨  
意與之從彼  
取用得至十

我比丘尼某甲此是長衣淨施與某甲隨彼取用

捨故受新  
十日一易

第四存亡者僧祇云施主齊三由旬內知其存亡五

分云施主知在道以否婆論云施主若至異國更求

淨施主

第五失法者婆論云若死更求施主除錢寶穀米等

自外一切長財盡五衆邊作淨義準錢寶等俗人淨

主存亡同前此律若忘不說淨或賊奪失想等難多  
 日不犯長若失五日後時憶得更經五日說淨亦得  
 若得衣十日至第十日冥忘不說後時憶得即須當  
 日說淨不爾犯捨墮十誦云忘後五日得所忘衣更  
 得十日說淨婆論云若說淨財寶及以衣財若人貸  
 之後時寶還寶錢還錢乃至衣財相當還者不須說  
 淨不相當者更須說之以本性同食若補衣物不滿  
心少故也  
 尺六狹八寸者亦犯長故婆論云若先不應量衣此  
 衣盡捨作突吉羅憐母論云惡比丘尼不說淨者入  
 手即犯不須至十日婆論云若得新靴應令白衣著  
 行五七步即是淨五分得新履令淨人著行七步

# ○說戒篇第十五

此篇大門有六一時節二緣集三儀式四差使五客  
 舊六略說

第一時節者有五十四五十六日二食後僧祇  
 云食前亦得布薩而不得晨起布薩得罪以後來比  
 丘尼不聞故伽論云何布薩謂捨諸惡不善法證得  
 白法究竟梵行又半月自觀犯與不犯清淨身口名

布薩也三若晝若夜亦得說戒四增減五非時下二  
 希故不述

第二緣集者五分云布薩不時集妨行道佛令作時  
 節使知事維那晨起白僧

大婢僧聽今白月某日黑月某日衆僧和合在某時  
 某處說戒白僧令知一說便得今時僧尼輕此戒法  
多在夜暗說戒致令後生感觸  
不善

第三儀式者今此一門此律不足兼取諸部補闕此  
 律云若至說戒日上座應勸諸尼沙彌尼等使掃灑  
 佛塔僧院高下處令泥治平正辨諸名華五三髮名  
 香陽一二銅盂今時多用食器盞等盛湯此非生善  
 之義冬月無華可得者諸繒綵華亦得說戒當偏布  
 其席及門限外亦鋪其席擬脫靴履若鳴鐘集僧不  
 簡沙彌尼等竝來入堂受籌以此律戒序開沙彌尼  
 得聽若依餘部不得者多十誦云行籌者爲檀越問  
 僧不知頭數佛今行籌不知沙彌數亦令行籌若人  
 施布薩物沙彌亦得取分雖不往布薩處由受  
 籌故亦得分此律爲受供行籌則通沙彌也尼下二  
衆準此

籌極短竝五指極長一肘極廣不過小指細不減筋  
初入堂時先偏袒右肩脫去靴履合掌作禮若恐人  
聞不及一一作禮但俛身側入依次坐近數見僧尼  
及至俗家齋上僧尼在牀上禮佛尋討一切經律及  
問西國諸德竝無此禮直是怠惰安身不存敬意反  
招自累何成覓福如臣拜君豈得居牀人王尙自不  
許法王寧容輒開故三千威儀經云比丘不得座上  
作禮初入堂時說偈云持戒清淨如滿月身口皎潔  
無瑕穢大眾和合無違諍爾乃可得同布薩說此偈  
已各依次坐年少尼起行香湯淨水衆大時令三五  
尼助行行時各須偏袒右肩脫去靴履具修威儀維  
那先取香湯洗手浴籌至打靜處維那自浴亦得今  
時多使上座自浴籌此非敬儀當浴籌時僧各說偈  
云羅漢聖僧集凡夫衆和合香湯浴淨籌布薩度衆  
生說此偈已令年少尼行香湯淨水先行淨水兼行  
淨巾拭手令乾正承水時復說偈云入功德水淨諸  
塵盥掌去垢心無染執持禁戒無缺犯一切衆生亦  
如是行香湯時復說偈云香水熏沐澡諸垢法身具

足五分充般若圓照解脫滿羣生同會法界融承香  
湯水時不得漱口吐地數見故別標記維那浴籌已  
右手執繩主打靜處立徐緩打一下已安手放繩勿  
令作聲然後唱云  
大姉僧聽衆中誰小小者收護三說  
大姉僧聽外有清淨大沙門入三說  
大姉僧聽衆中小者已收護外清淨大沙門已入內  
外寂靜無諸難事堪可行籌廣作布薩我比丘尼某  
甲爲僧行籌作布薩事僧當一心念作布薩願上中  
下座各次第如法受籌三說式更沙彌尼等不須  
唱出待聽說序已唱出也  
說竟維那來至上座前長跪授籌與上座即厲行長  
跪合掌一切僧亦隨上座儀式正取籌時當說偈云  
金剛無礙解脫籌難得難遇如今果我今歡喜頂戴  
受一切衆生亦如是欲還籌時復說偈云具足清淨  
受此籌具足清淨還此籌堅固喜捨無缺犯一切衆  
生亦如是說已即付與他還復本座如是展轉至大  
尼訖維那來至打靜處立收籌者付上座數維那自  
數亦得數已打靜唱云

大姉僧聽次行式又摩那尼沙彌尼壽

三說已往式又尼等所行訖收取付與上座數竟維  
那總取還至打靜處立唱云

大姉僧聽此一住處一說戒比丘尼若干人式又摩

那若干人沙彌尼若干人都合若干人各清淨出家  
和合說戒上順佛教中報四恩下爲含識各誦經中

清淨妙偈

說一

衆僧一時合掌說偈云

清淨如滿月清淨得布薩身口業清淨爾乃應布薩

此出  
體紙

彼維那舉籌已至上座前禮三拜已白上座云

衆僧和合請大姉爲衆誦律

若上座自說者語云此戒法正當某甲說某甲自誦

維那依上座已即須唱之若辭不堪者告云此說戒

任當某甲但爲自身老弱言辭濁惡恐延時惱僧更

爲請衆中能誦者說維那更禮一拜已當起至第二

上座前還依前問無異

上來問答可宜大語令衆聞  
知不得輕聲相生不善也

若第二上座不堪者直請能誦不勞展轉至下故僧

祇云若上座若次座應誦不能者差能誦者說若差  
得者打靜唱云

大姉僧聽僧差律師某甲爲僧誦戒梵音某甲律師

陞高座

說一

僧既差已律師應起具修威儀至僧中大鋪坐具四

向禮拜僧已長跪白云

我比丘尼某甲稽首和南敬白衆僧僧差誦律恐有

錯誤願同誦者弘垂指授

白已更設一拜然後陞座香水餘殘維那左右灑之

應留中間空處擬人來往香華亦爾令旋旋散散華

時各說偈云

散華莊嚴淨光明莊嚴寶華以爲帳散衆寶華徧十

方供養一切諸如來

此出華  
嚴經

說已維那打靜令小者供養好聲者梵唄作梵時應

誦經首禮諸佛兩行偈至行香說偈時僧一時合掌

說云

戒香定香解脫香光明香臺偏法界供養十方無量

佛見聞普熏證寂滅

此出  
華嚴



供養雖竟維那仍須立住彼戒師誦至未受具者出則戒師應且住誦令式叉尼沙彌尼出式叉尼等應具修威儀來至僧前禮三拜已長跪住取上座教勅上座當告諸式叉摩那沙彌尼等汝等年未充行未滿不堪進入羯磨僧數同聽說戒待至年充行滿受具戒竟然後得預說戒汝等各還本處靜念唱誦不得散亂然後方便更設一拜依次而出若式叉尼等別說戒堂則不須此戒師唱不來者說欲維那答云說欲已若無欲人者應答云此處無說欲人若欲差使者戒師且待僧差使然後和問如上

第四差使者見論云初爲女人鈍根故盡聽尼僧往僧寺受教授後爲人譏嫌故僧往尼寺教誡尼僧當於說戒日僧集時索欲問僧云

僧今和合何所作爲答云差求教授人羯磨

大姉僧聽若僧時到僧忍聽今差比丘尼某甲爲比丘尼僧故半月往比丘僧中求教授尼人白如是大姉僧聽僧今差比丘尼某甲爲比丘尼僧故半月往比丘僧中求教授尼人誰諸大姉忍僧差比丘尼

某甲爲比丘尼僧故半月往比丘僧中求教授尼人者默然誰不忍者說僧已忍差比丘尼某甲爲比丘尼僧故半月往比丘僧中求教授尼人竟僧忍默然故是事如是持

此律羯磨差一人已自外口差二人爲伴往僧中四分十誦云尼若囑時應囑主人僧無病有智慧明戒律者大僧於布薩日應預差一人擬受尼囑人房前設一獨坐牀尼若來時應佛殿前立餘僧見者示尼囑授人處此尼至房前比丘應詣牀坐已將一比丘爲伴使尼禮三拜已曲身合掌云

大德一心念某寺尼衆和合半月頂禮比丘僧足求

請教授尼人

說三

比丘受尼囑已語云今夜說戒時爲諸請衆僧未知有否然尼衆等爲欲別請爲依僧次請隨尼所答爲請又告明日早來問其可否使尼答云爾更設一拜便歸僧祇云尼入僧寺當在門屋下先白比丘比丘當量儀得所若尼賢善自入無事著衣服具者聽入反此不聽尼明日來時如前儀式告云昨夜僧集之



時具傳所請無有教誡尼人又無善說法者雖然上座有勅語諸尼衆當勤精進如法行道謹慎莫放逸使尼合掌云頂戴持便禮已而退至本寺時即須鳴鐘集僧不來者說欲尼皆來集堂內依次立住所差尼人至上座頭立打靜說白云

大姉僧聽僧差我比丘尼某甲往比丘僧中請教授尼人而僧無教授已人亦無善說法者雖然上座有勅語諸尼衆當勤精進如法行道謹慎莫放逸

諸尼衆等一時合掌云頂戴持出五十分誦僧祇今時多行此略法由廣法難故不出也此律若比丘僧盡病應遣信行禮拜問訊若別衆衆不滿亦遣使問訊若尼僧病衆不滿亦禮拜問訊云若僧尼各五人以上僧中二十夏者得行此廣略二法僧若不足但應禮拜問訊便罷次說戒師問僧云

僧今和合何所作爲維那答云說戒羯磨今時多有說戒者此答不誦羯磨其恐非法也

戒師待維那坐已然後作白以未坐時便有坐立不同豈非別衆等過若說戒竟維那鳴鐘三下使外人

知說戒竟時梵師誦律序下偈作唄云

神仙五通人造設於呪術爲彼慚愧者攝諸不慚愧如來立禁戒半月半月說已說戒利益藉首禮諸佛伽論云不得作半唄作半唄者吉難若不解前唄作如來梵也戒師下座已至僧中禮謝云

小比丘尼某甲稽首和南敬謝衆僧僧差誦律三葉不勤多有舛錯願衆慈悲布施歡喜

說已衆僧即應各說自慶偈云

諸佛出世第一快閑法奉行安隱快大衆和合寂滅快衆生離苦解脫快

俱舍論說偈云

諸佛出現樂說正法亦樂大衆和合樂聚集出家樂然後唱三歸禮散亦有諸大德說戒竟上座爲奇諸尼願莊情所宜然無正立

第五客舊者問界外客尼欲得聞戒得入以否答此律客舊中開聽若客尼入時至說戒處不得先到餘房恐破他說戒未誦序唱是中清淨否來客尼隨次入作禮已依行坐聽誦戒師若見客來即須止誦不止者客尼訶停待客尼坐已依次爲誦若已說序竟

乃至說戒已當入僧中四向禮僧已長跪住一人告清淨云

大姉僧聽比丘尼某甲等若干人並清淨

告已隨次坐戒師依說若不清淨者一一別告云

大姉僧聽比丘尼某甲犯某罪爲遍說戒未得懺悔後當如法懺

說已依前住文續次爲說若客尼來多及等者縱說

戒訖皆令主人從頭更誦不誦者如法治律云等多

更爲說問說戒至半不說欲得起出否答有緣要須

說欲得去若衆中無能誦得戒者至布薩日依前儀

式直差一人說法誦經諸教誡等便散母論云若鈍

根無知不得就餘寺說者下至說一偈云

諸惡莫作諸善奉行自淨其意是諸佛教和南聖衆

如是作已方得散去不合不說若於說戒座上憶得

罪者卽須心念發露云

我比丘尼某甲犯某罪待說戒竟當如法懺

作如是已便得聽戒若犯有疑者應念云

我比丘尼某甲於某事上疑待說戒後當決了懺

若於未說戒憶得罪者應說懺已方得聞戒法

第六略說者此律若有八難王賊水火病人非人惡

蟲難等或大衆集牀座少多病天雨關諍說戒夜久

如是等緣皆聽略說戒師當量難緣遠近觀時早晚

難若遠則爲說三篇已餘者略却若近及病寒熱等

緣當爲說序已餘者便略云何略耶說戒序已問清

淨竟應言

諸大姉是八波羅夷法僧常聞乃至諸大姉是七滅

淨法僧常聞

已下必須廣說若難卒至卽說序已云餘者僧常聞

若序不得說者應云某日布薩說戒時衆僧各正身

口意謹慎莫放逸說已便散若衆主善能御衆者每至盛

夏盛冬恐僧老弱思寒熱者當爲略說平旦僧集時

維那白說戒曰天時盛熱大寒恐僧疲弊大衆宜可

早集當爲略說勿假託因緣自生厭怠若作如是衆

衆亦名善御大衆心無憂悔五分欲作羯磨僧不可

和當於說戒前作以說戒是正制僧不敢散

大明別人法者若隨所住處一人已上至說戒日還

掃灑處所具布薩調度一如前式待客尼來若四人以上即須廣說三三人以下各相向說云

大姉一心念今僧十五日說戒我比丘尼某甲清淨

說三

二下卷大

若對二尼應云二姉一心念餘語同前若一人者應云今僧十五日說戒我比丘尼某甲清淨

四分律比丘尼鈔卷上之下

四分律比丘尼鈔卷中之上

終南山沙門釋道宣述

○安居篇第十六

此篇大門有八一制意二結時三夏閏四對首五心念六忘成七及界八移夏

第一制意者此律通制三時意存愍物又偏約夏月情在三過一無事遊行妨修道業二損傷物命違慈實深三所爲既非招世譏謗防茲三咎故制安居第二結時者此律雖云前中後三時若據結文正自

有二謂四月十六結者是前十七日已去迄至五月十六日來皆稱於後唯一日爲前二十九日爲後此律大僧不結前安居吉尼不結前同吉不結後提不依大僧安居亦提明了論云無五過處得安居一太演聚落求須難得二太近城市妨修道業三多有蟻蚊自他兩損四無可依人依人須具五德一求聞令聞二已聞令清淨三能決疑網四通道達俗無滯五除邪見得正見五無施主供給藥食有此五過不可安居僧祇云若親里請尼者先教請比丘不冒者不得受請見論云尼依比丘住處半由旬得安居過者不得前夏檀越爲尼請比丘來而尼已安居竟乃至後夏初比丘有緣事不來當更請餘比丘來若不得來應去路有難事者得安居若初安居竟比丘有緣事去尼後方知已結安居者不得移去得住無罪若夏竟不得無比丘處自恣應覺作法僧祇云雖在一比丘處安居至半月時亦應請問布薩無者三由旬內有僧通結取故五分云有比丘自不持律不依持律人安居夏中生疑又無問處乃至佛言依持律處

安居若房舍進者聽近持律師七日往還處於中途  
依安居有疑往問此律不依廣誦二部律師得提義  
云大僧丈夫尙令依律師處住有疑皆須往問譬如  
嬰兒無時暫離乳母恐生罪累自溺長津今時尼衆  
觸事無知動乖法式志性昏滯好染俗風孤遊自在  
不承戒律或伽藍偏僻獨處邊荒或憤鬧城隍無僧  
迴立所以舉動不仁行步失禮八敬罕自無聞三衆  
唯加蜂蠆敬倒爲閑整慢僧反爲師弟靜言此事  
良用愴然

第三夏閏者若閏五月六月定百二十日安居若閏  
四月者從四月十六日至閏月一日結者並四月住  
若閏月二日已後結者漸漸轉少以越閏月故若五  
月一日迄至十六日結者皆三月住若閏七月從四  
月十六日及五月一日結者盡三月住由未至閏故  
若五月二日已後結者皆四月住由九十日未滿公  
閏月故

第四對首具修威儀至一尼前云  
大姉一心念我比丘尼某甲依某僧伽藍前三月夏

安居房舍破修治故三

五分十誦前人報云汝莫放逸答云受持又義問云  
依誰持律答云某律師告云有疑當往問答云爾若  
依村落山間樹下安居者即須改前伽藍又除房舍  
破修治等語直云

大姉一心念我比丘尼某甲今依某村家前三月夏  
安居

或有人云依皇帝聚落安居或云依法界安居此皆  
不成反結無知不學之罪問所以寺中令修治房舍  
耶答僧房修治用通三世前人料理今人受用今人  
修補以擬當來若不修治三世不續後安居者云  
大姉一心念我比丘尼某甲依某僧伽藍後三月夏  
安居房舍破修治故三

第五心念者計尼不合心念今依十誦饑餓時開尼  
依親獨住所以偏出此文具修威儀至佛前云

若比丘尼某甲今依某聚落某家前三月夏安居  
第六忘成者此律忘不心念若爲安居故來便成安  
居義云既言爲來者舊住之人良恐不開若舊住人

要此期夏忽忘不說亦須量行若外來尼不爲益事者此便不成

第七及界者此律云一一脚入界二雙脚入界三一脚入園四雙脚入園東方明相若出亦開外來者不說得成

第八移夏者此律雖有二種謂命梵二難也一命難者謂鬼神賊等及惡獸毒蟲不得如意飲食醫藥及隨意使人若安居住此便則斷命故律云我在此住必爲我命作留難佛皆聽去二梵難者謂被男子誘調長犯重戒佛亦聽去若主彼結成者從初去日即須動覓安身處若住處未得已來雖曾經宿不破安居以非故必輕慢意也反前不成若得住處夏法隨食於彼無緣不得出界恐破夏也若本處無難亦不得來由已結成故此律俗家安居見有二難當白檀越求移去若聽不聽但應自去若依餘部不云得夏今準母論得夏故論云移夏不破安居也問遇緣出界經宿忘不受日得夏否答諸部並無文斷唯五百問事云夏中忘不受七日出界憶即悔者得一坐中

不得過三悔不成歲問遇緣出界忽值水陸道斷諸難不及本界失夏以否答諸部亦無文斷古昔大德按量三藏義開得夏若爲三寶益事友已大事不及界者開自餘悠悠無益之事破夏不疑

# ○受日篇第十七

此篇大門有六一受緣二互用三受法四得重五違難六五利

第一受緣者此律云凡受日之緣要爲三寶利益大事檀越請喚生善滅惡應得去十誦云爲誰受日爲七衆受並爲生善滅惡應去若遣使不遣使俱得受若中路聞死反戒入外道衆八難事絕皆不應去僧祇若爲私已求覓衣鉢藥草等悉成受日義云貧者應開富者宜禁若病重不堪受日直去不破夏故律云不得隨意及看病人等得去無犯若爲治生覓利假託賣勝乞數麥等或受雇檢校經像營造佛盆或悠悠請喚心不段重或爲一緣受日遂歷衆事或卽事不實虛構外緣如是無益之事並不合受日既不合受妄數爲夏無德自大冒受信施計滿犯重見論云



自長已夏受施犯重五百問事破戒治生得財造佛  
尚不免地獄何況得福

第二互用者問得互用否答十誦云受七日到聚落  
七日未盡所作事未竟還來至本處佛言有殘夜在  
應曰已去義云謂本事上得白已餘用非謂異事上  
得若總爲三寶事受日者得將互用如爲營佛事得  
法僧上用以俱有受日緣故若有大益私營經像或  
當僧次請及捨請等成受緣然捨請須問本主聽者  
得成

### 第三受法者

大姊一心念我比丘尼某甲今受七日法出界外爲  
某事故還來此中安居白大姊知

說三

此對首法律中唯有受名無其受文相傳義說唯得  
六夜在外至第七日必須還也若依界安居不得戒  
場上受日以非要心本處故又一界各別然不得互  
用若依戒場安居亦然互宿亦不得問尼得羯磨受  
日否答諸教並無文開故僧祇尼安居中無求聽羯  
磨法佛事僧事而遊行故知尼無也義云爲尼是女

弱不許孤遊若當延日在外恐難逼臨危可懼之甚  
所以聖意知時禁防不在出限今有諸德猶順人情  
義開羯磨敬惟斯理良恐非然假令事益雖多在外  
或爲王臣請喚非七日可了事可數受七日七日不  
辦同難直去無犯

第四得重者問得重受日否答觀其文意但爲生善  
利益事得重不疑明了論亦開重受七日十誦不許  
者爲部別不同大唐波頗三藏亦開重受西域大德  
來者皆不開單受之法

廣說防難  
具在律鈔

第五逢難者律受七日出界爲父母兄弟姊妹故二  
私通生善滅惡緣等至意留住過日得夏若難息即  
須急還不得停住免破夏疑僧祇云夏中和僧去在  
道不得過迴當直去至彼和了即還故知停住寧不  
破夏

第六五利者此律七月十六日夏罷已至八月十五  
日已來名迦提月此翻名功德月以夏坐有勞開受  
五利潤益比丘尼五利是何一得背請二得別衆食  
三得食前食後至別家不須囑授四得畜長衣不說



淨五得離三衣宿尼應開食後二通衣也見論云四月十

六日結者得五利十七日已去不得名實前罰後也

僧祇有五種人不得安居衣一被毆人二破夏人三

毆道人四死人五不囑授人破夏有十種過失一爲

諸佛所訶二爲諸天世人所訶三破夏四得罪五不

得受功德衣六不得五事利七不得攝施八不得安

居衣九惡名流布十後悔入地獄

○自恣篇第十八

此篇大門有十一制意二時節三集僧四差使五簡

人六乘法七五德八自恣九略法十雜法

第一制意者夫九旬修道精鍊身心人多迷已不自

見過理宜仰憑清衆垂慈誨示縱宣已罪恣僧治舉

內彰無私隱外現有純淨故曰自恣也

第二時節者此律七月十四日十五日並得自恣又

急施衣戒中十六日亦得自恣此則三時爲又又不

知何時自恣佛聽大食小食上上座應白

大姉僧聽今白月十五日衆僧集某處自恣維那作白亦得

第三集僧者義云要五人已上乃得白差自恣若破

夏不安居人雖不得夏以舉罪義同理必依恣僧

治舉此律若後安居人從前安居者自恣仍須待日

滿得還乃至沙彌尼等亦須盡集以治舉義同待僧

唱出方可得去

第四差使者此律比丘尼夏安居竟比丘僧夏安居

竟聽差一比丘尼爲僧故往大僧中說自恣十誦云

應差二勸了知法尼往僧中當作白和僧

僧今和合何所作爲答差比丘尼某甲往僧中說三

事自恣羯磨

大姉僧聽若僧時到僧忍聽僧差比丘尼某甲爲比

丘尼僧故往大僧中說三事自恣見聞疑白如是

大姉僧聽今差比丘尼某甲爲比丘尼僧故往大僧

中說三事自恣見聞疑誰諸大姉忍僧差比丘尼某

甲爲比丘尼僧故往大僧中說三事自恣見聞疑者

默然誰不忍者說僧已忍差比丘尼某甲爲比丘尼

僧故往大僧中說三事自恣見聞疑竟僧忍默然故

是事如是持

又應口差三三人尼爲伴往大僧中禮僧足已曲身

合掌云

大德僧聽比丘尼僧夏安居竟比丘僧夏安居竟比丘尼僧說三事自恣見聞疑大德僧慈愍故語我若見罪當如法懺悔

三

尼說已大僧良久默然上座應勸尼云大眾上下各並默然不云見罪良由尼衆內禁三業外無三事內外清淨並無缺犯各應如法精勤行道謹慎莫放逸如法自恣比丘尼當傳此教告衆令知使尼答云爾頂戴持更設三拜已便還當於明日尼僧自恣時鳴稚集尼僧已不來者說欲尼僧等各依行立被差尼在上座頭立宣大僧教云

大姊僧聽僧差我比丘尼某甲往大僧中說三事見聞疑大眾上下並皆默然不云見罪良由衆衆內禁三業外無三事內外清淨並無缺犯各應如法精勤行道謹慎莫放逸如法自恣

宣已諸尼一時合掌頂上各云頂戴持然後尼僧安庠自恣律云大僧十四日自恣已僧十五日自恣此二衆相依故局日時若大僧病別衆衆不和衆不滿

等尼應遣使問訊大僧若尼衆病乃至不滿亦須問訊大僧問尼衆不知所以須問訊大僧耶答若知不和便能爲其和解

第五箇人者此律要具二種五德方堪自恣初五德

一不愛二不悲三不怖四不癡五知自恣不自恣此

是自恣第二五德者一知時不以非時二真實不以

虛妄三利益不以損滅四柔軟不以麤穢五慈心不

以瞋恚此五德若不具此二五德舉不知時恐惱

衆僧反成自累五分云要差二人已上乃至多人爲

大更互三千威儀云要差二人爲僧自恣竟五德自

相向出罪不得求餘人自恣竟以餘人僧不差故僧

祇十誦云差有德者作今時多有年少者作相中不善

第六乘法者未差五德前須行香湯淨水行籌唱

數一依前說戒法問改說戒語加自恣詞然後差其

五德上座乘法乘法時不須喚五德尼立恐成別衆

問僧集和合否答曰僧集和合又問未受具戒者出

答云未受具戒者已出若有式及尼等出時法又問用應依前說戒中無異

不來比丘尼說欲若有說欲者應云

大姉僧聽比丘尼某甲。我受彼欲自恣。彼如法僧事。

與欲自恣便一說

今時多有依說戒法說欲。若受欲尼本房內。受他說欲者。對僧不得改正。還令問本房。取彼尼自恣。若持欲尼對僧錯說者。得臨座改正。成有邊方不學律者。自恣時有病緣等。不許他說欲。此迷惑甚矣。

又問僧。今和合何所作。爲答。自恣差人。羯磨。又問衆中誰能爲僧作五德。自恣人答云。某甲能。

大姉僧聽。若僧時到僧忍聽。僧差比丘尼某甲某甲。爲僧作受自恣人。白如是。

大姉僧聽。差比丘尼某甲某甲。爲僧作受自恣人。誰諸大姉忍。僧差比丘尼某甲某甲。爲僧作受自恣人者。默然。誰不忍者。說僧已忍。差比丘尼某甲某甲。爲僧作受自恣人。竟僧默然。故是事如是持。

第七五德法者。僧既差已。即從座起。至上座前。禮足跪住。若在露地。應在伸手相及內。自作白。和僧云。

大姉僧聽。今日衆僧自恣。若僧時到僧忍聽。和合自恣。白如是。

次明行草法者。五分云。好泥地布草座。而自恣。並須偏袒右肩。兩膝著地。合掌自恣。前覓輒淨草。隨僧多。

少人。別一剪。置上座前。五德取草行之。從上座至下座。人付一剪。訖五德亦須一剪。自一手執。往至本座。

處。然後敷地。若大衆多。令年少尼三五人。助行訖五德。至上座前。白云。一切僧就草坐。偏袒右肩。長跪合。

掌。如法自恣。白已。僧皆警策。依唱儀式。增一經。如來亦同。僧坐於草座。告諸比丘。汝等各就草座。我欲受。

歲等。廣如彼說。

第八自恣法者。其一五德來至上座前。大敷坐具。長跪。第二五德尼。至次座前。立衆僧行間。兩邊並須敷。

長。延大席。令不汗。五德尼足若上座見五德來。就即整衣服。長跪。偏袒右肩。合掌。一切僧亦爾。然後說云。

大姉一。心念。眾僧今日自恣。我比丘尼某甲亦自恣。若見聞疑罪。大姉長老。哀愍。故語我。我若見罪。當如。

法懺悔。三

上座說已。復本而坐。此初五德尼。翻至第三上座前。立。彼第二五德尼。受懺。同前如是。展轉乃至下座。律。

開病尼隨身所安自恣僧祇云二五德各至本座坐處自相向出罪不得待僧竟十誦云衆僧說已五德至上座前告云僧一心自恣竟然後禮敬而退第九略說者此律若有八難餘緣同前說戒中並許略自恣令五德作白云

大姉僧聽若僧時到僧忍聽今爲難故僧各各三語自恣白如是

作白已衆僧一時相向各三說已便散今時尼衆或有小語自恣或五德尼各一時受他自恣此並非法故律云不得竊語自恣聞亂自恣令一一次第從上座自恣大語分明使僧聽聞上明六人已上法若限五人其法稍別以男內總有五尼則不合說欲先問病總集一處白羯磨差一五德竟又差一人不得雙踰二人以所爲兩人不入僧數故假令六人已上作法無其難事亦不得雙踰二人一時作羯磨至自恣時一五德同僧坐一五德履轉取自恣若事總了二五德尼自相向說除法同前若界內唯有四尼已下止得對首自恣不合衆法對首云

諸大姉一心念今日衆僧自恣我比丘尼某甲清淨  
說三  
餘下三人互說如前若二人相對云大姉一心念不須云諸大姉等若依十誦饑餒從親里獨住尼心念云

今日衆僧自恣我比丘尼某甲清淨

說三

第十難法者問所以對僧云見罪對首云清淨者答對僧治舉義足故云見罪得懺別人攝治不盡故云清淨舉心應僧若僧及別人自恣已更有客來少則告清淨等多更爲說若二人作法已更有三人來應作僧法自恣若二尼來還同對首若四人已下犯提乃至吉羅並須懺已自恣若犯初二篇屏對一尼發露已自恣僧祇云不得此界安居餘處自恣此律前安居人自恣竟分夏衣後安居人得同受物仍待日滿得還安居竟不去犯罪

○師徒篇第十九

此篇大門一十有三一師徒名二依止意三免依止四合依止五通行法六白事法七請經法八報恩法

九無師法十簡師德十一請師法十二師攝法十三

訶讖法

第一師徒名者問何名爲師和尚闍梨者答見論云無罪見罪訶責是名我師共於善法中教授令知是我闍梨義云和尚此云知有罪知無罪是名和尚故此律云我犯不犯師不知也又義云和尚者爲力生闍梨者爲正行弟子者學在我後爲弟解從我生爲子

第二依止意者尸迦羅越六方禮經弟子事師當具五意一當敬難之二當念其恩三所有言教隨之四報恩不厭五從後稱譽師教弟子亦有五意一當令疾知二令勝他人弟子三令知不忘四有諸疑難悉爲開解五欲令弟子智慧勝師正法念經云若畏師持戒名下持戒僧祇師度弟子者不得爲供給自己故度人出家得罪當使彼人因我度故修諸善法得成道果佛藏經云五夏已前於人受學律藏五夏已後具知應學無人法見論云云何學律謂讀誦解義也此律云和尚畜弟子當如兒想弟子看和尚當

如父想義云如兒想看者須具四意一匠成訓誨二慈念三矜愛四攝受以衣食如父看者還具四心一親愛二敬順三畏難四尊重敬養如臣子之事君父也故律云如是展轉相敬相重瞻待令正法便得久住增益

第三得免依止總有八人此律有六餘部有二此律一樂靜二守護住處三病四看病五滿六夏已上六自有智行住處更無勝已七饑餒無食處十誦云若恐飢餓死者當在日日見和尚處住恐不爾者若十五日若一月若三由旬半若至自恣時來見和尚八行道觀意處五分云諸比丘各勤行道無人與作依止當於衆中上座大德心生依止敬如師住第四合依止總有十人此律云一和尚命終二知休道三和尚決意出界四和尚捨畜衆五弟子緣離他方六弟子不樂住處更求勝緣七未滿六夏八不諳教網故律云若愚癡無智慧盡形依止他十誦云雖受戒多歲不知五法者盡形依止他二不知犯二不知不犯三不知輕四不知重五不廣誦戒通利母論



云百臘不知法者應從十臘知法者依止僧祇有四不善知法不善知毗尼不能自立不能立他盡形依止九或愚或智愚謂性戾癡慢數犯眾罪智謂犯已即知依法懺洗志非貞正依止於他十不誦戒本母論云不誦戒人若故不誦若先誦後忘若鈍根誦不能得此三種人不得離依止十誦云不誦戒有四過一不得畜弟子二不得離依止三不得作和尚四不得作阿闍黎

第五通行法者此律師及弟子有七種通行法一衆僧與師作治罰弟子相料理令和尙順從於僧設作令如法不違逆求除罪令僧疾與解罪二若和尚犯僧殘弟子當如法勸化令其發露爲集僧作覆藏六夜出罪等尼行十五夜三和尙得病弟子當瞻視若摩那摩法令餘人看乃至差若命終四和尚不樂住處弟子當自移五和尚有疑弟子當以法以律教除六和尚若惡見弟子教令捨惡見住善見七弟子當以二事將護謂法及衣食和尚於弟子並通此法如上僧祇云和尚闍黎有非法事弟子不得聽語如教誡法應觀語諫師云應

作是不應作是若和尚不受語者弟子應捨遠去若是依止師者當持衣鉢出界一宿當還五分云若師犯僧殘求僧乞羯磨弟子應掃灑敷座集僧求羯磨師等

第六白事法者此律云凡有所作並須白師令知白時具修威儀長跪合掌云尊憶念弟子某爲某因緣故須到某處同伴某甲白尊令知師應量宜謂同伴如去處如營事如方始聽去若一事乖違便不合放而同伴之人必須明解律教持戒灼然老少相兼堪始聽去五分云欲行預前三日白師令知唯除大小便用楊枝不白十誦云一切所作事皆須白師唯除禮佛法僧大小便嚼楊枝三種不白僧祇云不白師得取與半條線半食等若約一條線而不白得罪若不能一一白師者當通白亦得見論弟子從師行不得違師七步沙彌威儀云弟子隨師行不得以足蹈師影復有五事一不過歷人家二不得止住道與人語三不得左右顧視四當低頭隨師後五到檀越家當住一面師教坐應坐

第七請經法者此律云彼清旦入和尚房中受經問義沙彌經云若入師房應三彈指見論云弟子參師應避六處一不得當前二不得當後三不得太遠四不得太逼五不得處高六不得上風立

第八報恩者此律云清旦入和尚房內除大小便器白時到等又曰三時朝中暮問訊和尚又執作二事勞苦不得辭託一修理房舍二為補浣衣服師如法教事盡常奉行若遣往餘方不得假託內緣而住僧祇云弟子應晨起先右脚入和尚房已頭面禮足問安眠否雖百歲比丘無智慧者應依止十臘比丘如弟子事師無異尼亦十誦云除禮足餘應依師教經云一日三時應參師和尚若參師不見時應持土塊草木以為記驗天時若熱日別三時以扇扇師若有比丘於彼師所或和尚邊不敬信心遂說長短於將來世別有一小獄名為捷撲當墮是中墮彼處已一身四頭俱焦於彼獄處復有諸蟲名曰銅嘴常噉舌根若從他聞一四句偈各於千劫取彼和尚阿闍黎等荷擔肩上或時背負頂戴亦未能報也地獄經

云為人弟子說師僧過者設師有實命終入地獄噉其舌根若得好食美果等不與父母師僧先自食噉生餓鬼中後生為人貧窮若人含毒向師長入鐵鉞地獄後生毒蛇中若惡心學父母師長語入融銅地獄後生為人嘗吃僧祇云有人問汝和尚阿闍黎字何等不得直道和尚阿闍黎字應告言義因緣故字某甲此律若弟子見和尚四種非法應懺謝而去白和尚云一我如法和尚不知二我不如法和尚亦不知三我犯戒和尚捨不教誨四犯而懺者亦不知第九無師住時節者此律開先洗足飲水已然後依止伽論云初至他處不相諮委二三日選擇師十誦云無好師者聽五六夜有好師者乃至一夜不依止者得罪

第十箇師德者此律阿闍黎有五種一出家阿闍黎謂依教受十戒者是二受戒阿闍黎謂為受具足秉羯磨者是三教授阿闍黎謂教授威儀者是四受經阿闍黎謂所從受經者是五依止阿闍黎謂受依止者是義云前四通名阿闍黎今此所明準論依止闍

黎以替和尚處故必須誦究經律闡解明白方始得  
爲僧祇云不得輒請依止須成就五法一受念二恭  
敬三慚四愧五樂住伽論云凡欲依止人者當好量  
宜能長善法者及問餘人云此比丘尼戒德何似能  
教誡否眷屬復何似無有諍訟否若都無者然後依  
止此律明二師德者有三一簡少取老十二夏已上  
爲和尚至六夏已上爲闍黎二夏數雖滿必須智慧  
三雖具上二德然要勤教誨弟子闍黎亦七種共行  
法如前和尚中說

第十一請師法者此律由和尚命終無人教授故多  
壞威儀佛令聽有依止闍黎相依教訓如和尚法展  
轉相依令佛法倍增益流布諸時具修威儀至彼師  
所云

大姊一心念我比丘尼某甲今求大姊爲依止阿闍  
黎願大姊爲我作依止阿闍黎我依大姊故得如法  
住三

彼師告云可爾與汝依止莫放逸隨道一五分云若  
師不答許可者不成依止法

第十二攝受法者僧祇云日別三時教三藏教法不  
得廣者下至略知戒經輕重陰界入義若受經時共  
誦時坐禪時卽名教授若不爾者下至云莫放逸義  
云若請師須具四意一作請彼攝我我當依彼慈念  
憐愍意二請取道法寶神令教授行成智立意三自  
申已意我能依止愛念恭敬如父母慈意四彰已能  
依止而行謂慚愧二心也具此四法方無過咎若不  
爾者徒自悠悠終無成辦五分受戒已師應六年自  
攝若教他攝違者犯提弟子亦應六年依承和尚此  
律受戒已不得離和尚見論云和尚多有弟子留一  
人供給餘者隨意令讀誦僧祇云弟子爲王難師必  
經理若賊抄掠等見錢教贖否者犯罪十誦云和尚  
有四種法弟子應量宜一與法不與食應住二與食  
不與法不應住三法食俱與應住四若法食俱不與  
者不須問師若晝若夜應捨去闍黎亦然僧祇云苦  
住樂住四句同前五白問事云其師無非法而誘將  
他沙彌去犯重

第十三訶憚法者凡弟子有過必須以理訶責訶責

之法事須出過令彼伏首依罪懺悔此律云師不出過輒爾訶責弟子云我何過訶責我僧祇若師訶責弟子不受者當語知事斷食若前兇惡者師自遠去一宿更還得住無過善戒經云師不驅弟子重於屠兒旃陀羅等屠兒不壞正法不定墮三惡道中若畜惡弟子必生惡道又爲名聞利養故畜徒衆是邪見人名魔弟子五百問事云有師不教弟子弟子破戒故便墮羅中後因相遇返來害師義云若訶責弟子先自量喜怒次量前過輕重外現威肅內懷悲愍苦言切勸令息後犯又經中無有杖打弟子之法數見僧尼每加杖捶痛徹前人於是遂引涅槃三子之喻此未達教意然彼直是住一子地悲心無差別得行此法罰今時杖撻衆生皆嗔怒猛放暢心懷加痛前人豈同大悲一子之念地持論云上過罰罰中犯折伏下犯訶責亦無杖打之法此律或盡形責弟子或夏初犯過罷夏臘猶不息或不現前訶責或設訶而受供給此直非法得罪此律云師訶弟子命餘比丘尼將順使向和尚阿闍黎所調伏令早懺悔應

觀折伏柔和知時受懺弟子應至二師所具修威儀合掌云大師我今懺悔更不復作若不聽者當日三時懺悔和尚猶不許者當下意隨順求解其所犯若求解其過和尚闍黎當受不受如法治

### ○致敬篇第二十

此篇大門有十一敬寺二敬佛三敬法四敬僧五定尊六致拜七八敬八報恩九醫藥十殯終

第一敬寺者每惟佛法陵遲出家僧尼道心疎略至於衆行闕事闕如故令堂殿朽壞舍屋崩摧門牆凋弊糞穢盈階路絕人蹤僧徒漂寄不修不拭日就衰墮造罪造惡無時暫捨是以葺辛酒肉競奉僧房香華幡蓋罕供佛宇六時致拜早自無心三業虛譴彌加蜂蠆或將人共宿飲醺同餐絲竹管絃公然聚會遂令惡人與毀始擬便摧墮火繩焚終將煙滅故使冥鬼効靈善神捨衛伽藍無故直爲尼戒有虧招世譏嫌亦由衆無綱紀古德寺誥乃有十篇略述三五不備具錄或云道場或云寺或云無生或云停毒或云息惡或云寂滅或云淨住隨義七名各有所表今

時居者豈稱名者也。小法滅盡經云：劫火起時，曾作  
 伽藍所不爲劫火燒，乃至金剛界爲土臺也。五百問  
 中昔在婆羅門相一比丘有天子相，時比丘入寺持  
 錫杖倚佛圖，禮佛已出，遂失寶相。等今時僧尼甚  
 難遇，豈類此僧祇云佛寺惡壞，更好作得尼乾經云  
 佛伽藍之罪  
 或嫌塔寺及諸形像妨礙除滅，遂置餘處者，如是惡  
 人攝在逆衆生數，分中上品治之。十輪經云：若破寺  
 殺害比丘，其人欲終支節，皆多日不語死。墮阿鼻  
 地獄，具受諸苦。地持論云：支提者名塔，雜心論云有  
 舍利名塔，無者名支提，或名塔婆，或名偷婆。此云塚  
 支提者此云廟，廟者耶舍傳云提婆，鼻阿羅者附  
 天，天謂國王遊謂僧處其處王立故名。天遊舊來以  
 寺代之，寺乃此土公院，謂是司也。嗣也。拓闢提者者  
 附云四方舊招提者，訛略也。昔人去闕除害，拓復誤  
 作以拓招兩字形，蓋相似致久來誤矣。增一經云：作  
 房施僧名招提，十誦云有檀越施比丘僧房，轉施比  
 丘尼僧者，是非法施，非法受，非法用。僧祇云：若有  
 檀越施比丘尼房舍等，應讓比丘僧，若不讓而受者，

佛言此違敬法

第二敬佛者，惟今道俗虔誠，寡薄慢怠，逾強輕，聖  
 容微物，自廣遂令故像豐多，盈堂滿室，跌光墮落，手  
 足縱橫，泥木雜汗，糞土狼藉，於是青蓮之座數傾白  
 毫之相，屢危寶塔，自摧嚴容，聲時設有與心造作，鑄  
 鑄不圓，相好尊儀，至多疎漏，或爭價高下，增減靈相，  
 逐賤省功，將爲稱意，致使形儀換改，不類西，隨情  
 造作，乃同糞土，遂使國君有破壞之心，臣民存不敬  
 之意，善惡無徵，羣邪競起，至聖不加反招，自辱靜思  
 已過，豈不然乎。阿含經云：無恭敬心於佛法中，當墮  
 龍蛇中，以過去從中來，今猶無敬，故多睡也。又佛昇  
 伽利天，優填王請目連爲我等將巧師，看世尊形，下  
 來造之。三上三審三下，始得真相，世尊下來此像迎  
 佛，佛爲摩頂，記當來利益於我。敬福經云：經像主莫  
 論道履經像之匠，莫云客作造佛布施二人，獲福不  
 可度量。欲說其福，窮劫不盡。受吾約制，是佛真子，如  
 是精誠，造少福多。問居士之中作經像師，合取直否  
 答不得取價直如賣父母取財者，逆過三千直是天



魔離吾佛法非我眷屬飲酒食肉五辛之徒不依聖教難造經像數如微塵其福甚少蓋不足言劫燒之時不入海龍王藏旁而少功不敬之罪死入地獄主匠無益諸天不祐不如不造直心禮拜得福無量如向所列造多福少像師作像不具足相五百世諸根不具第一盡心爲上妙果先昇

第三敬法者今時像季法逐人訛道俗相濫傳謬背眞所求邪道隨順邪師法受惡友不親善友不修內典專耽俗書或淫讀莊老就著孔經解奏鬼神呪詛吉凶或弄基歌戲將爲正業講經律論用爲非要或無錢請讀則舌卷愁開聞財雇誦則憂不聲暢或有抄寫聖文多豐升錯既不勘治又不護淨或將共同宿處在門簷風零雨滴蟲噉爛滅或增削經論加添俗語科題品目混濁聖文致使西河之亂孔子獻鼠之疑玉璞經無靈驗之功誦無救苦之効招世譏謗指佛無徵福不贖過罪益彌天故敬福經云善男子經生之法不得一字顛倒重誓點汗五百世中墮迷惑道中不聞正法此律云若比丘敬佛僧戒者正法

不滅若不敬者疾滅正法也大蓮華經云受佛禁戒不護將來各言我是於大乘法亦如冥夜各自說言我得佛法受鐵鑄地獄苦事難述從地獄出瘡痂膿血不見正法摩耶經云若年少比丘親於衆中毀毘毗尼當知法滅不久住

第四敬僧者惟末世僧尼諸究既微積罪尤大服玩乖於內典舉動同於外俗知解類若管窺升駁刺爲大匠更相扇動共作窳瑣互求長短諍情難息或有縱溺六情馳騁三毒明黨癡惡思厭清淨恃官形勢枉厭良善枷禁圍退令歸俗自作好人獨標衆首或有共一伽藍兩處結界大院禪院不同布薩法服名利苟自貪榮佛制聽戒便推認惡或有兩處鳴鐘各集徒衆諍爲多少致成忿諍遂使道俗有向背之心伽藍有不和之相佛藏有鳥鼠之喻大集有欄猴之況昔者學步邯鄲不謂匍匐而歸爲欲朝鳴何期反成鳥調哀哉哀哉痛傷難忍永惟期理深可愼歎故大寶積經云出家有二種縛一見縛二利養縛又二種癡瘡一求見他過二自覆已罪像法決疑經云

諸比丘自稱我是法師我是律師我是禪師此三種學人能滅我法更非他人迭相毀謗正法念經云爲求財利說法名爲下施爲名聞勝他說法名爲中施爲增長衆生智慧而爲說法名爲上施或有比丘不樂禪誦寶樂求財於他病者不相應治生於黑繩地獄五百問事云比丘志樂衣服晝夜染著因病致死後生蛇中還來纏衣衆僧葬亡比丘訖取衣鉢作法蛇延頸吐毒僧共看之有得道者勸蛇令去遂入草中毒盛火出燒身命終死入地獄大悲經云佛過去時見一切人故無不傾側下禮敬以是義故成佛已來山林人畜見佛行時無不傾側低頭禮拜此律云其敬長老者是人能護法現世有名譽將來生善道

第五定尊者母論云下座稱上座爲尊者上座稱下座爲慧命又無夏至九夏是下座十夏至十九夏名中座二十夏至四十九夏名上座五十夏已上者一切沙門國王之所尊敬是名耆舊長老五分云上無人者即名上座婆論云內道一切皆是上座外道一

切皆是年少僧祇云無歲比丘得共三歲坐乃至七歲得共十歲坐若臥牀得三人坐坐牀得二人坐伽論云地敷得其未受具人坐

第六致拜和南者此云出要律儀云和南者恭敬也

聲論云繫那寐者此翻爲禮智度論云禮有三法一口禮二屈膝三頭至地是爲上禮又有三禮下者掛

中者跪上者稽首菩薩禮佛有三品一者悔過品二

者隨喜品三者讚佛品地持論云當五輪至地作禮

阿含經云二肘兩膝及頂名五輪亦云五五分云若

人多但別禮師總禮餘人而去三千威儀經云繞塔

有五一低頭視地二不得踏蟲三不得左右視四不

睡地五不與人語又當念佛僧恩梵網經云出家

人法不向國王禮拜亦不應向父母禮拜五百問事

云弟子得禮師塚以報恩故準此屍雖未律沙小此彌

尼沙彌式又摩那比丘尼比丘如來及塔如是展轉

從下向上乃至大比丘得禮如來及塔五百問事云

繞塔不得女衆隨有優婆塞者不犯準此尼繞塔見

論云辭佛法繞佛三市四方作禮而去合十指爪掌

叉手於頂上却行絕不見如來更復作禮迴前而去  
增一云塔前不得禮餘人十誦云佛塔聲聞塔前自  
他不得禮五百問事云佛塔前禮比丘犯墮此律云  
大小便裸身剃髮說法嚼楊枝洗口飯食噉果等皆  
不應禮五百問事云淨潔靴鞋履亦得著禮拜僧祇  
不得如癡羊不語當相問訊少病少惱安樂否道路  
不疲苦否寶梁經云破戒比丘受他持戒者恭敬禮  
拜得八輕法一作愚癡二口瘡瘡三顏貌醜陋四其  
面側展見者嗤笑五轉受女身作貧窮婢使六形體  
羸瘦天損壽命七人所不敬常有惡名八不值佛世  
此破戒者乃至大地無涕唾處

第七八敬者五分云瞿曇彌白佛言願聽女人出家  
受戒佛言止止莫作是語所以者何往古諸佛皆不  
聽女人出家諸人皆自依於佛在家剃髮著袈裟勤  
行精進獲得果證未來諸佛亦復如是現今聽汝以  
此爲法如是三請佛亦不聽瞿曇彌便大啼哭自剃  
髮等乃至佛爲說八敬方聽出家母論云阿難爲女  
人求出家迦葉瞿阿難十事一者若女人不出家

者諸檀越等自下常應各各器盛食在道側互跪授  
與沙門二者常應與衣服臥具於道中求沙門受用  
三者常應乘象馬車乘在於道側以五體投地求沙  
門而蹈過四者常於路中以髮布地求沙門蹈上而  
過五者常應恭敬心請諸沙門到舍供養六者常應  
生恭敬心淨掃其地脫身衣服布地命沙門坐七者  
乃至脫體上衣掃比丘足上塵八者乃至常應舒髮  
拂比丘足上塵九者乃至沙門威德過於日月況諸  
外道豈能正視於沙門乎十者女人不出家者佛之  
正法應住千年今減五百一百年中得堅固解脫一  
百年中得堅固定一百年得堅固持戒一百年得堅  
固多聞一百年得堅固布施見論云所以不聽女人  
出家者爲敬法故若度女人出家正法五百歲不住  
由世尊制比丘尼行八敬故正法還得千年摩耶經  
云千一百歲已諸比丘等如世俗人嫁娶行媒於大  
衆中毀謗毗尼義云今時尼眾順教行媒受俗聽使  
街衢路首輕突大僧不避尊儀陵辱上下或獨行無  
侶孤遊聚落出入行來類同賤俗滅法之原特由於

此然法衆多不能具述今但逐要不過八敬今列入名幸願依行冀正法長存千齡弗墜耳此律云一者百歲比丘尼見初受戒比丘僧當迎逆禮拜問訊請令坐二者比丘尼不得罵謗比丘三者不得與比丘罪說比丘過失比丘得說尼過失四者式叉摩那已學於戒應從衆僧求受大戒五者尼犯僧殘應半月在二部僧中行摩那睡六者尼於半月從僧中求請教授人七者不應在無比丘處住八者夏安居訖當詣僧中求自恣人如是八法並應尊重恭敬讚歎盡形壽不應違之中含經云若比丘聽尼問經律毗曇然後得問不聽者犯第五尊師法僧祇云尼入大僧寺中應頭面一一禮一切比丘足若老病不堪隨力多少恐不徧者得就總禮應云我某甲頭面禮一切僧足若比丘入尼寺應須禮不得罵云是犯戒是醫師是摩訶羅無所知乃至實罪皆不得說比丘得說尼實罪尼若憍慢不恭敬迎逆禮足者犯越敬法大愛道尼經云若比丘舉比丘尼過尼應自省不得高聲大語又比丘尼敬比丘僧視之如佛此律云比

丘尼式叉摩那沙彌尼等觸犯諸比丘者佛言應喚來誦罰若不改悔應作捨教授羯磨僧祇云若比丘犯過親里尼得輒語語不得訶責十誦云尼見大僧不起提此律若一比丘喚一比丘尼乃至衆多比丘尼應往若不往如法治問何故制尼依僧耶答愛道尼經云女人但欲惑色益壽畜弟子亦不欲學問但知須臾之事故依僧也

第八報恩者五分畢陵伽父母貧窮以衣食供養佛言若人百年之中右肩擔父左肩荷母於上大小便利極世珍奇衣服供養猶不能報須臾之恩從今聽比丘盡心供養父母否者得罪僧祇云父母不信三寶者應少經理若有信者得自恣與無乏父母貧賤將至寺中自手與食一切皆得母論云父母若貧者先授三歸五戒十善然後施與若不貧者雖受戒不合與增一經云孝順供養父母功德果報與一生補處菩薩功德一等又云教二人作善不可得報恩謂父母也是故比丘當常孝順供養父母不失時節當如是學

第九醫藥者此律老病比丘不堪步涉聽作步挽車  
 若耆若乘除特牛草馬等尼應例前見論云作醫師  
 得突吉羅若爲出家五衆合藥者得若和尚父母在  
 寺疾病弟子亦得爲合藥又父母貧賤在寺內供養  
 淨人兄弟姊妹叔伯及姨舅等並得爲合藥無者自  
 有得借用不還者勿索如是乃至七世五百問事云  
 若道人慈心作醫治不得取物自入已前人強與應  
 取若病不病不得服氣腫腫同外道故五分云爲知  
 差次會等聽學書不得爲好廢業不聽卜相問他吉  
 凶此律不得賣卜誦呪處方治病等由事容不實謗  
 毀好人開學誦書及學世論爲伏外道故新學比丘  
 開學算術尼學呪術醫等得提思吐用髮燒作灰以  
 水和漉服患熱用旃檀塗沈水治患毒用腐爛藥田  
 中泥治亦須水和受服五分云青木香著衣中辟蟲  
 誦呪時不瞰鹽不眠牀佛聽神呪法耳偈祇云生癰  
 癰用小麥研塗之十誦云不淨脂鹽得服此律不淨  
 蘇用灌鼻

第十殯終者此律云白衣來寺中應方便噲遣若稱

譽佛法僧者隨能爲之若死爲淨伽藍故擔棄之當  
 祇云比丘不得喚爺孃兄弟等名字乃至姨姑等止  
 得稱優婆塞優婆夷增一經云佛告阿難自今已後  
 諸比丘稱卿僕射向大稱尊向小稱賢相視當如兄  
 弟自今已後不得稱父母所作字又小比丘向大比  
 丘稱長老向大比丘稱小比丘爲好學尼亦五分云不  
 得展轉作俗人相喚阿婆阿母阿兄阿弟喚師僧應  
 言和尚阿闍梨今時僧尼喚和尚闍梨爲阿師增一  
 喚同學云某公此無嫌之甚也  
 經云四姓入佛法中同名爲釋迦種子不得依俗姓  
 見論云喚婢爲大姊不得云婢

○隨戒篇第二十一

第一波羅夷簡要釋五大微唯  
 有初四 尼總有二百四十八  
 第一篇有八第二篇有十七第三篇有二百八第四  
 篇有八第五篇有一百及七滅諍合有三百四十八  
 戒世人妄傳五百戒者非也亦有經律尼戒五百此  
 但有總數而無實名也

淫戒具四緣犯一是正道大小便及口是二有染心  
 三興方便四與境合但使正道三處入如毛頭皆犯



此律有將小兒根內口中弄雖本無姪心但使入時受樂便犯十誦口中要過齒犯此律若為怨家賊等緣強持男根令入三處自無姪心但使始入入已出時無有一念受樂心者皆不犯若隨有一時受樂便犯若比丘及尼互教前人作者偷蘭前人作教者吉羅下三衆相教作及不作俱吉仍作滅擯不犯者若睡眠無所覺知開關怨不受樂開關怨一切無有姪意心不犯盜戒具六緣一有主物二有主想三有盜心四重物五與方便六離本處犯此中約境判盜開為十三重一佛二法三僧四三寶互用五當體互六像共寶互七卽物自互八出貸九賓客十人物十一非人物十二畜生物十三雜明盜業

第一盜佛物者十誦云盜佛圖物精舍中供養具若有守護主計直犯重毗奈耶律云盜佛物等望本主結重由斷彼福故以佛無我所十誦偷舍利婆論盜佛並為淨心供養自念云彼亦弟子我亦弟子如是者不犯伽論云盜佛舍利不滿五偷蘭遮滿五犯重

由轉賣法  
命故犯重

第二盜法物者此律云時有盜他經卷佛言佛語無價計紙墨犯重十誦云借他經拒逆不還令主生疑犯蘭由心未斷正法念經云盜他秘方犯重五百問事云地中伏藏物若為三寶齋堂設會得取無罪不得口吹經上座亦不得燒故經得重罪如燒父母不知有罪者不犯義云如前盜舍利不犯者為施主情通若局不通亦應得重造經通亦然

第三盜僧物者若有守護主望守護人犯重若主掌自盜準善見論盜僧物犯重謂常住僧物也僧祇云若將長食還房偷蘭遮婆論云不打鐘食者犯盜又空寺中見食盜噉隨多少犯罪準論善生經云盜亡比丘物若未羯磨從十方僧得罪輕罪人不得五若已羯磨望現前僧得重謂人限滿五得重若臨終時隨亡人囑物盜者隨約所與人結罪五分云盜心質僧好物直五錢犯重一錢已上蘭

第四三寶互用者僧祇云寺主摩摩帝互用佛法僧物謂之不犯佛言彼難夷義云今時僧尼掌三寶物

取僧糧食乘僧驢馬使僧家人爲佛法營使者並依律滿五犯重寶梁經云佛法二物不得互用由無人與佛法物作主復無可諸白不同僧物常住招提互有所須營事比丘和僧索欲行籌和合者得用僧物修治佛塔依法取僧和合者得用不和者勸俗修治若佛塔有物乃至一錢以施主重心故捨諸天及人於此物中應生佛想塔想乃至風吹雨爛不得買賣供養以如來塔物無人作價五百問事云本非佛堂設像在中比丘如法共宿作隔障不犯由佛在世亦與弟子同房宿故婆論四方僧地不和合者不得作佛塔爲佛種華果十誦云僧園中樹華聽取供養佛塔僧祇云院內樹薪應取多少溫室食厨別房用不得過取若無分限者隨意多少應取乾枯者十誦云樹皮葉等隨比丘用義云雖有此開亦復省已用之損僧物者其業甚重隨盜一毫則望十方凡聖結罪故方等經中華嚴聚菩薩云五逆四重我亦能救盜僧物者我所不救大集經云盜僧物者罪同五逆觀佛三昧經云用僧祇物者過殺八萬四千父母等罪

並違戒律故受斯殃是故行者宜急深訪第五當體互用謂本作釋迦改爲彌勒本作大品改充涅槃本作僧房改供僧食皆是違反施心並得互用罪五百問事云川佛彩色作鳥獸形得罪除在佛前爲供養故不犯見論云若施主奉施園果擬爲衣服湯藥盜心迴分食者計直得重若擬作僧房迴作僧食犯蘭若住處乏少糧食各欲散去無人守護者得和僧減用其園果等重物作食守之若賊亂世聽持去賊止還本處欲供養此像乃供養彼像得小罪十誦云僧房壞持僧臥具等物賣治房舍伽論云持此四方僧物盜心度與餘寺得小罪以還爲僧用故不得重義云若爲僧使路無乞食處聽和僧持食在道得食準前善見守寺之文在寺莊田碾磑爲知事者鳴鐘得食若知事人爲僧檢校將僧淨人畜生至餘寺莊田食僧糧草豆準前伽論得吉若私爲已知識相看縱是僧家淨人畜生計直犯重此律若國土荒廢住處無人得持此寺物將向餘寺若國土還靜本住處有人還持此物歸本寺否者如法治

第六像共寶互謂住持三寶與埋寶互用違得罪

第七佛物自互者五百問事云佛物買取供養具供養不得賣佛身上繒與佛作衣又佛堂柱壞換說故柱施僧僧不得用十誦云以佛塔物出貸佛言聽僧祇云供養佛物華多聽轉買賣香燈供養猶故多者轉賣著無盡財中五百問事云先上佛幡得取作餘佛事用若施主不聽不得用

第八出貸者僧祇云塔僧二物互貸分明券記某時貸某時還若知事交代當於衆中讀疏分明唱記付囑後人違者結罪十誦云別人貸塔僧物若死計直還見論云亦得貸借財物作私舍善生經云病人貸三寶物十倍還之餘不病者良恐不開

第九賓客等者此律云若知法律者凡所至處迎逆供給飲食十誦以此人替補我處故須供給僧祇云若惡賊愚夫工匠國王大臣有力能損益者應與飲食五分若白衣入寺不與食起嫌心佛言應與持惡器與又嫌佛言以好器與此謂見僧過者應與若高僧等以此言十誦云病人索僧買藥與兩錢半價

見論云若淨人分番上下者上者與衣食下者不得與長使者供給衣食十誦云客作人若雇得一日使卒遇風雨雖緣不得作者佛令量功與價

第十盜人物者見論云比丘爲他別人乃至三寶守護財物若謹慎掌護堅鎖藏戶而賊或從孔中屋中竊取逼迫取非守護主能禁限者但望本主結罪皆不合徵若主掌懈慢不勤掌錄爲賊所偷者守物比丘須償之以望守護主結罪十誦遠處受他寄物在道損破者好心投破者不應償惡心投破者須償借他物不問好心若破一切須償義云今多有好心爲他洗治鉢器好心損破準此不合償主索計錢犯重有人不現前盜得物雖本心不捨後見不得奪犯重故此律十誦律時有比丘奪劫者物佛言波羅夷若現前盜者賊心猶豫本主不捨護心義強得取故僧祇云逐賊和喻得恐嚇得無犯或因他逐恐怖故施得取以成物主故但使不從賊乞他自與者得取已染壞色著若有主識認者應還若賊比丘尼遊認得衣本主見者不得直奪應還本直以物屬僧祇云若此盜尼

人被官收錄未抄物名寄付比丘者得取若已抄錄者不得取若施佛塔僧者得取應露現持出不得覆藏若問是何物應答言佛法僧物不許者違婆論云持國禁物出界罪入死者得重又違王教吉羅王民合死盜持出得重自外不聽無盜心者不犯僧祇云官稅比丘物方便自免不犯重一我不共要二非理稅我故此律云比丘無輸稅法不同白衣官須稅物比丘爲他隱認者得重義云今時僧尼多爲俗人影認車牛人物免稅計直犯重伽論云若狂人自持物施不知父母眷屬者比丘得取若父母可知不自手與不得取

第十一盜非人物者五分云盜他覆塚幡蓋神廟中衣他所守護物計直犯重僧祇云盜外道塔物神祀物得重此亦望守十誦盜天神像衣及華鬘等物偷此望境婆論云取非人物五錢已上重蘭四錢已下輕蘭見論云取諸鬼神物繫樹物無守護者無罪此望非人不護

第十二盜畜生物十誦盜虎殘者吉由不斷望故取

師子殘者不犯由不斷望故婆論云一切鳥獸食殘取者吉

第十三雜明盜業者善見云貴賤處所等謂此土直減五彼土直過五或此土直過五彼土直減五並依本處斷若盜心唱地云定是我地地主生疑者犯闌決失心者重若來問僧僧答同者皆重若共諍園田違理判與乃至口斷多端偷夏唱大等得物滿五皆重舉一標時重乃至一髮一麥許皆重以地深無價故十誦云或椰蒲轉齒園蒸移子等皆重謂賸物者重不賸者輕不犯者律中與想取已有想取棄掃取暫取想親友意想取等皆不犯親友者要具七法一難作能作二難與能與三難忍能忍四密事相告五互相覆藏六遺害不捨七貧賤不輕如是七法能行者是善親友應附之殺妄略如大僧辨

摩觸戒六緣成犯一是人男二人男子想三彼此有染心四腋已下膝已上腕已後五身相觸六受樂便犯若尼以輕觸男子重境男以輕觸尼重境此二皆重不要二重境相觸此律云一有衣一無衣相

●文一併

觸蘭二共有衣吉尼隨觸男子多少一一波羅夷僧祇若共男子捉器捉繩捉杖木等皆非威儀欲心動物偷蘭遮城門道狹闊待稀得過若輕處有瘡癰者得使男子治先令兩女人急捉令覺女人不覺男子若重處瘡者使女師治見論云比丘觸尼尼身不動受樂隨處得罪十誦云不犯者若父母兒想或水火刀杖惡緣等觸一切無染心故不犯仍有吉罪義云今時齋會處數有尼自行水香等事終不善宜令男子行者最好若自行時宜可懸放勿令觸著男子手諸器物等亦然

八事成重戒具五緣成一是一男子二男子想三有染心四七事未懺悔五作八事便犯此律捉手者輕腕已後重捉衣者身上衣入屏處者謂離伴見聞處共立共語共行者亦離見聞處也身相倚者二身相及處共期者共行姪處若尼及男子二俱染心犯前七事者偷蘭若不懺悔犯第八事竟波羅夷若準此犯八捉手不成重以事是一文若一男犯八或一時犯八八年犯八八男成八俱犯重罪亦無次第僧祇亦

然不犯者此律云若有所與禮拜悔過受法屏處不作惡事不犯俱無染心故下文暗室者提以招機故覆藏他重罪戒具六緣成一是大比丘尼二犯重罪三知他犯重四作覆藏心五不發露六明相出便犯若獨住無十誦云若尼被舉狂亂心覆者不犯若狂止覆者使犯僧祇云知尼犯應向人說若犯罪人兇惡有勢力者恐有命梵等難應作念言彼業行罪報自當知喻如失火燒舍但自救身焉知他事得心相應便罷義云若欲發露故不成者為非清淨者若對先知不肯發露人二俱有過以各須發露故如向有犯者不成懺悔若欲發露稱犯重人名各各說罪名種方成發露若不得名罪名無覆藏過若前人受他發露竟不須更說若說則有無窮之過若彼犯人自發露竟餘人作覆藏心皆不成以根本已發露竟十誦云尼不得比丘前發露應過還向尼前懺悔若不識罪相至比丘所汎問取解還至尼邊懺悔此律若知尼犯重前食時知後食時說蘭乃至初中後夜時時並蘭明相出重不犯者若無人可向說意欲說



而未說明相出或命梵等難不說皆不犯

四分律比丘尼鈔卷中之上

四分律比丘尼鈔卷中之下

第二篇十七僧伽婆尸沙簡要釋七大僧

十三

媒嫁戒具六緣犯一人男女二人男想三爲媒嫁事  
四媒嫁想五言章了六受語往還報便犯此律若一  
念頃乃至須臾暫時和合媒嫁並犯僧殘受男家語  
時吉羅報女家時蘭若還報殘若作券書言非我婦  
猶未唱出和者蘭若婦禮已斷不復往還和合者殘  
僧祇云若主人畜多婦妾不均鬪諍一婦私成比丘  
卽爲和平或夫婦不和勸和合者蘭若婦人及女還  
家比丘到舍便勸早還者蘭不惡夫家五分云若爲  
男倩女爲女倩男長使者蘭此律云知事白僧媒嫁  
淨人供給婚具問僧和可者一切殘若非理用物犯  
重伽論云若指腹作媒嫁及自媒身者蘭僧祇云乃

至爲他求好屬種和合者蘭餘畜生吉毗奈耶得僧

殘  
言人戒具四緣一往俗官所言二言白衣居士三詞  
列其事四下手疏便犯此律相言謂諸官共諍曲直  
若斷官下手疏者僧殘說不道名目者偷蘭見論云  
至官言人令官罰物隨多少犯罪物應償之若被奪  
物得就官乞護身不得道名字官自訪得治罰無犯  
若人入寺斫伐樹木不得奪刀斧應還直五分云若  
爲人輕陵得語父母親里有力者援護十誦云尼在  
斷事人前瞋恨訶罵本所打人僧殘若向餘人訶罵  
本所打人蘭  
度賊女戒具五緣一是賊人罪應死者二知是賊女  
三不問王大臣四輒使受具五竊磨竟便犯十誦云  
賊有二種一偷財物犯王法王欲殺之二偷身犯夫  
欲殺之是中犯者和尙知殘蘭梨知蘭尼僧知吉都  
不知無犯五分若發心度賊女方便乃至集僧三羯  
磨未竟皆吉三羯磨竟和尙殘餘師皆蘭僧祇云與  
出家越與學戒蘭受具戒殘

四獨戒此戒有四合成一戒先明獨渡河具四緣一  
是河水此律水獨不能渡亦不論深廣今準道行戒  
但使褰衣渡水異於陸路皆殘大界中亦犯以難同  
故如界中有村獨入亦犯若有橋者如常開之二者  
獨自渡如前尼疾疾入水蘭雙脚上岸僧殘後尼獨  
入水蘭上岸時得前尼爲伴不犯若乘車舟等不犯  
此律云彼尼當求一尼共渡入水時隨入水深淺褰  
衣至彼岸時漸下衣已然後上岸若不待後伴犯闌  
三者無因緣除命梵等難及伴命終皆不犯四獨越  
至岸便犯謂伴中無相援義獨入村具四緣成一  
人村莫問大界內村獨人皆犯此律云尼獨行詣村  
隨所至村殘若空野無道處行一鼓聲聞亦僧殘村  
中獨行一界者吉準此若一坊內獨行及一家獨行俱得吉羅也僧祇云若  
共伴至城邑界當相去在伸手內共入界若在伸手  
外獨過界者蘭二者獨行三者無因緣四者越界便  
犯舊人云若欲入村隨有橋道便越過便犯而離部無文理應未犯故此律若無界  
獨行一鼓聲聞離伴見聞方犯若至門不待後伴雙  
足入門限僧殘村中先有尼者不犯以前尼爲伴故

若出村亦越門限方犯獨宿具三緣犯一離伸手外  
宿莫問寺中村內牀別席別竈犯應在伸手內更相  
檢按方能離過若不在伸手內後因睡重忽相離者  
不犯本作離意隨轉側多少便犯故律云共宿者若  
舒手不相及隨轉一一僧殘僧祇云當在伸手內一  
夜中二度以手相尋看不得一時頓三度看當初中  
後夜各一時相尋覺知其無五分若不相及處初  
中後夜偷闌明相出僧殘二者無因緣除命梵等難  
樂靜等不犯三者隨臥一一結罪獨在後行戒者根  
本中間故作離伴見聞處行犯又伴無難緣亦犯此  
律見聞俱離僧殘見聞互離偷闌次明渡水不犯者  
若共伴漸渡不失威儀乘船渡橋上渡躡梁渡或同  
伴死休道遠行及諸難等皆不犯五分云水狹淺無  
畏男子處不犯入村不犯者如前闕緣便是獨宿不  
犯者此律云共二尼宿舒手相及處若一尼出大小  
便或出受經誦經若樂靜獨處經行或爲病尼煮羹  
粥作飯乃至餘難緣等不犯僧祇云若病尼眠亂圍  
城獨宿不犯獨行不犯者在不離見聞處若一尼大

小便爲諸難等。或犯僧祇云不得出聚落界除道行便利。遲退失伴未及中間不犯病。亦是五分云若恐怖走時老病不及伴者無犯。

受染心男子衣食戒具。五緣犯一是男二男子想三染心施衣食四知他染心施衣食五受得入手便犯僧祇云若尼無染心男子授衣食湯藥殘若人與衣盡所須口雖不語現身相畫地作字知有欲心受者皆闍調勸受故十誦云因是尼與僧設食偏與所受尼兩受者闍。

勸受染心男子衣食戒具五緣犯一是人男子二染心施食三知他染心施食四發言激切勸令受之五言了使犯五分勸受語語殘。

汗家擄誘違諫戒具六緣犯一汗家惡行事二心未悔改三作白驅擄四違理誘僧五僧如法設諫六三諫竟便犯此律汗家但得吉羅後時擄誘違諫始得僧殘於中有四汗家一依家汗家以一家物爲給一者界心無名一依利養汗家如法得利非理授物利和俗誘誘一依利養汗家如法得利非理授物二依親友汗家依主大臣記俗勢力所爲不平令俗歡喜三依親友汗家依主大臣記俗勢力所爲不平令俗歡喜四依僧平等施。

伽藍汗家以僧果餉白衣令被俗心婆論云作種種惡業破彼信敬善心是名汗家作惡行者作此不清淨穢汗垢濁又得惡果故若以少物贈遺白衣縱使因此起七寶塔種種莊嚴建立精舍猶如祇桓四事供養滿閻浮提一切眾聖不如靜坐清淨持戒卽供養實法身不犯者此律云若與父母病人繫閉獄囚及寺中客作不犯

第三篇尼薩耆簡要釋九大僧同有三十二不問

離衣宿戒具六緣一是已五衣二受法三人衣異處四不捨會五無因緣六明相出犯人衣異有四種不同一者染礙謂同界有男子者名爲染礙故律云諸比丘脫衣服人家形露佛言除村村外界故知村不攝衣名爲染礙二者隔礙此律若水陸道斷等離衣不犯三者情礙此律若失奪想惡獸命梵難緣等失衣無犯婆論云王來入界住宿大小行在近處並非衣界以情隔故四者界礙此律自然衣界有十一種一伽藍二村界三樹界四場界五車界六船界七舍界八堂界九庫界十倉界十一蘭若界前中伽藍及

村二界各有四相成者不名多界爲僧村二界義強  
 攝前九界便成一界若此四相不圓者諸界並生便  
 有十一界起故律云若干界謂內有四相一周市垣  
 牆二籬欄不周三籬牆不周四四周有屋此律云十  
 一界各加勢分更有十三步故律云以中人擲石所  
 及處是見論云中人者取不健不羸人盡力擲至落  
 處不取轉處謂若若擲衣在十一種界內身在  
 界外宿若不捨會不至擲石所及處明相出一犯  
 捨時若界內有男子持衣須近身不爾明相出犯捨  
 以無勢分故又餘部衣界有四行道者十誦云與  
 師持衣道中行前後四十九謂內不失衣誦論云縱  
 橫四十九謂內不失衣誦論云水洲上  
 十四肘內不失衣若有人來往衣須近身不爾失衣  
 三水界者見論云比丘在阿蘭若處夜入池中浴未  
 竟明相出犯捨母論云一腳在岸一腳入水雖經明  
 相不失衣四井界者得祇云溝行露地井闌旁宿諸  
 衣在二十五肘內身在外宿者失衣或置衣井內身  
 在上宿不以繩連或不垂手脚經明相出皆犯例餘  
 犯

等皆明了云道行夜宿錯持衣去他衣不失已衣失  
 也  
 畜養戒具四緣犯一是錢寶二知是三爲已四受取  
 犯此戒以畜故犯文中捉者寶是八不淨財中一數  
 盛辨八不淨物名通經論一是田宅二種植園林三  
 畜積寶粟四畜奴婢五養群畜六貯金銀錢七爲金  
 銀鑲牀錦褥氍毹八銅鐵金銀除十六枚若畜此八  
 皆長貪壞道汙染梵行又得穢果故名不淨次明開  
 畜得否者第一田宅一向無開唯小房一口資身長  
 道別人開不犯五分云有人施僧田宅店肆佛言聽  
 受使淨人知第二園池者別人不許受見論云居士  
 以池施僧供給浣濯及衆生飲用得受第三畜積寶  
 粟者得祇云若比丘糴時作是念此後時恐貴今糴  
 此粟當依是得誦經坐禪行道者得亦不論多少  
 淨若無白衣時四衆邊作淨若不淨淨至地了時作  
 吉懺淨法第四畜奴婢者得祇云若人施僧供給女  
 淨人聽受若施別人一切不得若施淨人爲料理僧

故別人得受第五養畜畜者僧祇云一切衆生不應  
 受自餘野鳥獸等若不受者我當殺之語言汝自求  
 水草守護勿令傷害不得剪翅羽籠繫若能飛行自  
 活者放去莫拘繫之日藏分經云佛言大王於我法  
 中有諸比丘假令如法始從一人乃至四人我不聽  
 受田宅園林象馬奴婢等常住僧物若滿五人乃可  
 得受遺教法律云騎乘車馬一日除五百日齋福一  
 歲三百六十日乘除十八萬日齋福舍利弗問經何  
 故比丘乘騎除五百日齋福者佛言比丘知禁律人  
 他見生謗令他得罪除老弱暫乘得第六畜金銀錢  
 者僧祇云若居士施金銀爲衣直得受不得自手取  
 使淨人知無淨人者指腳邊地語言是中知善地已  
 自用草葉賴瓦等遮擲覆上將人令知持去若知佛  
 有金銀欲舉者若是生地應教淨人知已作坑內錢  
 置中若散落者得自提賴瓦擲錢使入得自填上僧  
 祇十誦善見云若病兒得金銀錢令淨人畜爲賀藥  
 故若多人與藥直得置甒甒底眼暗求時手觸無犯  
 第七金銀錢牀錦褥氈氍毹者母論云別人聽受刻鏤

大牀唯除金銀不犯此律毘羅廣三肘長五肘毛長  
 三指聽受應淨施畜第八銅鐵蓋簍者母論云瓦餅  
 銅盆銅盤種種等器佛聽別人得受是論云若施器  
 使僧應打壞不得賣若樂器不得捉得賣僧祇云若  
 四月八日大會供養時金銀塔及菩薩像幢供養具  
 等有金銀塗者使淨人捉若倒地者助捉無金銀處  
 若塗徧者以物裹手捉不得先提後放僧祇云受寶  
 物者若身分乃至手脚繫僧伽梨鉢中皆犯此律若  
 受金銀者決定非我沙門釋子法五分云當知是人  
 必定不信我之法律  
 寶寶戒具五緣犯一是錢寶二相易三決價四爲已  
 五領受便犯此律以財物易錢寶故犯不論衣食也  
 此戒貿易便犯不同販賣爲利故買以還賣故得與  
 白衣淨人不得與沙彌以同犯故  
 販賣戒具六緣犯一在俗家人二共相交貿三決價  
 四爲已五自貿易六領受便犯十誦云若可捨物食  
 噉口口吉作衣著著提若須是物審思言我以爾所  
 物買若彼不肯更應再語若復不肯應三語索不得



者覺淨人使買淨人不知市易當教以爾所物買是物應好量議教買得者無犯若買得物此賤彼賈有利不犯雖教淨人買無犯然不得對物主前取尼語上下屏處教者得僧祇云市肆上衣先有價定比丘持價來買置地時語言此直知是衣若不語默持去者越毗尼罪有國土買物常法先有價定驚直來著物邊物主搖頭當知與相比丘亦應語言此直知是物前人若解要須語已持去若默持去者越毗尼罪若買客物直五十而索百錢比丘以五十知者不犯十誦云若私賣買前人悔取本物七日內聽還若過不應婆論云若衆僧衣未三唱得益價若三唱已不應悔設悔不應還五分云使淨人易時應心念寧使彼得我利我不得彼利三千威儀云教人入市買物有五事一當教莫與人諍二當教買淨者三莫使侵人四不得走促人五當護人意五百問事云有求利者販賣作福此人尚不免地獄何況得福由不隨佛語故非供養請他食者受人犯墮窮厄無食處應使白衣作食治生尼白僧云是白衣物若爾可食二三人亦白得食不白犯墮使人

言非我物亦可食婆論云此販賣戒一切提中最重寧作屠兒不作販賣何以故屠兒止害一生販賣者一切俱害不問道俗賢愚持戒毀戒無往不欺常懷惡心設若屠殺須希天下荒儉霜雹災變若屠鹽及餘物欲使四遠反亂王路隔塞故重於屠兒此物作塔作像皆不得向體但作佛意亦應得設與僧作食若作僧房持戒比丘不應食用住中得罪中問若死得羯磨分僧祇云一切九十六種出家人邊不諍語買無罪此律雖許出家五衆互易仍不得如市道法許價上下

測僧物入已戒具四緣一是通與僧物二許想三週入已四入手便犯此律云僧物有三一已許僧物謂通明僧物未分僧別此週犯捨二未許僧物週入已無犯何意得知故律未許想尙得吉故知未許還作未許想何容得罪三已捨與僧此定屬僧物勸週入已犯重五分云週向餘人者犯提向餘僧衆多人者越此彼畜生物週者越心悔見論云欲供養此像週與彼像吉此律若許僧物週與塔許現前僧物週與

四方僧許僧物遇與尼並吉故文言許異處也若入塔不應還取即屬塔用以福同故乃至入尼亦爾十誦婆論云若檀越施此自恣僧物遇與彼自恣僧者物應此分其比丘作吉像若不還此僧計錢犯重乃至此彼一人物遇亦重準此定屬僧物次行道誦經計供等祇過私入與人共犯罪僧祇云尼衆乞供乃至偏心曲受者重爲衆乞物與餘衆眷屬者重此律遇僧物者還竟得互用罪乞蘇油戒具五緣犯一是非親里居士二當前索蘇三不用重還四更索異物五得異物入手便犯義云若乞蘇得無提舍尼罪由食生既不食還主可有罪耶蓋有患及四開緣長請更請盡形請聽乞醫藥無直乞之愆若有直乞罪時何須結彼互索之過遇現前僧食直作五衣戒具緣可解若居士虛心施作食或自乞得食直遇異用皆犯過

畜長鉢戒具五緣犯一先有受持鉢二更得器三不說淨四無賴狂等因緣五過明相便犯十六枚器者大釜蓋大盆大杓小釜蓋小盆及杓水餅餅蓋貯水大盆及杓洗餅餅蓋小盆及杓總有二釜四盆

二餅杓四四蓋合有十六過長不說淨並犯捨墮母論云十六枚中各畜長者即日施人及施尼犯墮買衣已後強奪戒具五緣犯一其相貿易二決價直三相當四瞋心強奪五得物便犯十誦云尼共大僧買衣竟還悔者尼薩著僧祇云尼棄故僧伽黎有人捨取補治還奪犯捨墮自餘小雜物捨與他人還奪者越

第四篇一百七十八波逸提者今簡要釋一百一大唯有九十戒復有二十一戒不同尼小妄語戒具六緣犯一是人二作人想三違想說四知違想五言了六聞解使犯婆論云妄語兩舌惡口相歷作四句一是妄語非兩舌惡口傳他此語向彼說以不實故名妄語以無分離心故非兩舌惡語說故非惡口餘句類上有無可知成實論云餘口三業或合或離綺語一種必不相離婆論云不妄語者若說法議論傳語一切是非莫自稱爲是常令推寄有本則無過也不爾是斧有口中此律若僧說戒時三問憶念有罪而不說吉若異說者前人不解若顛倒

說若發大聲不了若有所說前人不解並犯十誦云  
若語高姓云是下姓提若語兩眼人云汝是一眼人  
得妄語提又輕僞比丘故提語一眼人云汝是瞎眼  
人得僞他提

惡罵戒具六緣犯一是比丘尼十誦五分屬下三衆  
吉二自毀皆語伽論云傳他語罵吉三知是毀皆四  
作折辱彼意五言了六前人聞知便犯此律云種類  
毀皆語者卑姓家生行業亦卑技術工巧亦卑若言  
汝是犯過人依實亦犯僧祇云若以上惡法毀尼及  
父母言汝父母是者提汝和尚闍黎是爾汝同友是  
越毗尼成實論云雖是實語以非時故即得綺語  
兩舌戒具六緣犯一是尼二說謬惡事三知是惡事  
四傳於彼此五言了六聞知便犯此律兩舌者彼此  
謬亂令他破也僧祇云以惡法告言某甲說汝是無  
有上中下法欲令他離向已若彼離不離皆提婆論  
云說已更說提若不傳此語兩邊令離散者一切皆  
吉

共男子同室宿戒具五緣犯一是男子二室相成三

共同宿四知同室宿五隨轉側便犯此律室相有四  
一四周有障上亦有覆障同在二堂於中二前敵無  
壁障堂下三雖覆而不偏障則有通風四雖  
覆偏而有開處上有障孔也此之四室尼共男子同  
宿無問先後具至但隨轉側一一皆提若共畜生  
黃門二根人等宿吉比丘尼晝日臥男子立者吉男  
子若坐便犯屏坐提婆論云若都集堂同障內設使  
堂中有諸小房雖各各別以室同故猶是一房若多  
房共一戶亦犯覆者乃至以衣幔作屋壁者乃至高  
一肘半共宿皆犯若共十男子同宿十提隨一起  
更臥一一得十提隨一一轉側得十提若白衣舍有  
男子並房不開戶吉  
共未受具人同宿過三夜戒具五緣犯一是未受具  
人男女二室相成三共同宿四知同宿五過三夜犯  
伽論云已二夜共沙彌尼宿第二夜共男子宿得二  
提僧祇云三夜犯竟若未懺悔後共宿者轉增長罪  
更無二夜開悔過已當別房宿後更得二夜也此律  
若更無宿處至第三夜明相未出前遣沙彌白衣出

或自出護明相亦得至第四宿若自去若使彼去更無開法

與未受具人同誦戒具五緣犯一佛所說法二字句味三未受具人四齊聲誦五言說了便犯婆論云若同聲句齊者提聲齊句異者吉

向未受具說他人應罪戒具七緣犯一是比丘及尼二犯初二篇罪三知四無僧法開五向未受具人六言詞了七前人知解便犯五分云尼向白衣說比丘況爾小過提婆論云寧破塔壞像不說他人應罪若說則破法身不問前人有罪無罪說者皆提此律云若說名字若種姓若相貌若衣服若房舍及自說已罪皆提

與男子說法過五六語戒具六緣犯一是人男子二知是三不請四無有智俗女人五言章了六過五六語便犯此律請者聽齊五六語若他不請說隨義多少皆提五語者謂色受想行識無我也六語者謂眼耳鼻舌身意無常也更增一句使犯僧祇云說六句已語云使汝速聽若得提婆論云有智女人者要解

人情語可作證明無犯若為小男說者吉僧祇云若盲若聾亦名無人一盲一聾此二人當一人若眠亦名無人若為父兄弟說者亦犯五分云若自誦經男子來聽或問要義為解過者不犯

掘地戒具五緣犯一是生地二作生地想三自掘四使人掘時不作知淨語五傷如蚊脚便犯此律但使教人不作知淨不問現前不現前掘掘皆提若自方便掘一掘若中間止住一一提若使前人多掘一提若重語疾疾掘語語提僧祇云走來走去欲令地壞乃至擲物令傷如蚊脚者一切提釘房內壁損傷人功者得越毗尼罪先有孔者不犯地有沙石者不犯見論云若野火來近寺為護住處得割草掘地以斷火若把火燒手擲地不犯僧祇云覆處地不犯壞生種子戒具五緣犯一是五生種二作生種想三自壞四不作知淨語五傷物便犯此律生種有五一根二枝三節四覆種五種子種淨法亦有五一火二刀三瘡四鳥破五不中種僧祇云根莖種者以刀中破淨節種者以刀破或以摘去芽目淨心種者如藕

勤蓼等是應揉淨子種者如穀麥等是脫皮淨若  
總用火淨便灑上五種五果中裏核種者如棗杏等  
是應搗破淨得去核食火淨者得合核食膚果種者  
如華荳梨奈等是皆須火淨若一切熟果自然落下  
觸木石傷如蚊脚者成淨應去子食穀果種者椰子  
胡桃石榴等是皆須火淨種者如香菓蘇桂等  
是無子應揉淨淨子應火淨角木種子如大小豆  
是了木成應揉淨淨子成應火淨摩帝有穀食木  
淨畏年少尼不知法應使人火淨乃至後時恒言春  
去不犯自餘若以五生種灑著池中井水中小小便  
中糞掃中越毗尼罪死者提草木中行欲使死者越  
毗尼罪傷如蚊子脚提立坐臥石上生衣餅上生毛  
皆須淨人知不爾犯罪若日乾得剝却水中淨萍不  
得手燒有牛馬行處得取水用若無行處掘土塊若  
石仰擲言至梵天上去若下時打水開處即得用水  
中翻覆浮萍越毗尼罪若著岸上提若入水洗時水  
草著身者以水復澆令入水若斷朝蘭越毗尼罪見  
論云若須華果得自攀枝下使淨人取亦得抱淨人

取五分云凡草木若有所須語淨人言汝知是若  
不解以語言汝看是若不解復語言我須是此律不  
言者是吉壞地亦然草生覆道偏緊開路枝折葉落  
者無犯以不故爲也  
露處敷僧臥具戒具六緣犯一是四方僧牀二知三  
是露處四自敷使人敷五去不自舉不使人舉六出  
門便犯五分以不坐臥而不舉佛言亦提若白衣家  
借僧臥具食訖不舉亦提若知事人暴曬僧臥具在  
邊若坐禪若眠者謂大雨風僧祇云若僧牀上安  
像比丘禮拜手觸不舉者亦提若多人禮拜悉皆手  
觸屬最後者此律出門犯以作不  
屏處敷僧臥具戒具六緣犯一是僧物二知僧物三  
屏處四爲已用五不自舉不教人舉六或出界或過  
三夜便犯  
強敷僧臥具惱他戒具五緣犯一先借得住處安上  
已定二知他先住三作惱亂彼意四強於中閤敷五  
隨坐臥便犯十誦云若爲惱他故開戶開戶開響閉  
響然火然燈呪詛續經說法隨他不樂皆提



用蟲水戒具四緣犯一是蟲水二知有蟲三不作澆法四隨所用便犯僧祇云若蟲細者應作三重澆猶有蟲者更別造井諦視有蟲者應捨所住處去若用蟲水方便澆者一息一提隨息多少皆提若使人澆一語一提若使人疾疾澆語提蟲生無常或先有今無或先無今有是故曰日諦看無蟲便用別衆食戒具七緣犯一是有施主二僧次請及別請別乞三五正食在時中四食處成衆五知界內有比丘尼不集六無因緣七咽咽犯提此律無問道俗皆成施主見論云要別請四人俱受成衆即座上一人覆鉢不食待餘三人食竟一人後食不犯故知俱受成衆此律云若三三人隨意食四人已上應分作二部更互入食若門外僧與家內相去六十三步婆論外者不名別衆以別自然一界也云若大界內有二處僧祇一日中俱有檀越食布薩處無過不布薩處不謂布薩處一人不送一分食者此僧犯提此律病者不犯下至脚跟蹉故不犯見論云謂沙土入中不能行也非時食戒具四緣犯一是非時二非時想三時食四

咽咽便犯此律云時者明相出乃至日中按此時爲法四天下亦爾毗羅三昧經云佛爲法慧菩薩說食四種旦起天食時午時法食時暮時畜生食時夜鬼神食時後二種食多生病疾其出家人應作天食法食故曰時食過午已後非上二時故曰非時見論云吐食未出咽喉還咽無犯若出咽者提十誦云阿那律弟子病服吐下藥中後心悶佛言稻稗竹笋汁羹盛米粥絞汁與猶不差佛聽屏處食米粥雖有此開宜就急好食殘宿食戒具三緣犯一是殘宿食二知是三咽便犯此律今日受食自貯界內留至明日自煮食者咽咽得七罪謂三提四吉一不受二非時三殘宿此三提罪四內煮五內宿六自煮七惡觸此四吉罪不受食戒具緣可解見論云天人鬼神畜生飛鳥皆成受食婆論云爲作證明故非人畜生及無知小兒悉不成受此謂善見畜生成受此律除水及楊枝不須受僧祇云若風吹塵午駝振身塵來乃至衆鳥女人行衣曳地塵來如是一切塵鉢鉢下草不坐食者成若及食者一切更須受唯畜生振身作意受者

得自餘一切不作意受者應更從他受若行時抖擻麤器法落鉢中作意者得名爲受不作意者不名爲受餘食亦爾五分云眼暗比丘得按草受食令時爲尼按地受見論云額汗流入鉢更須受臂中汗流入手不須受得食無罪十誦云行食時淨人觸比丘手若特輕觸比丘手不應受婆論云手不淨受食犯吉僧祇云淨人行果菜時應語云懸空放果墮草上卽去不名爲受小停者得爲受行草本懸淨宜唯行三五枝見論云遙擲從地轉來落比丘上成受非淨淨意僧祇云大會時淨人難得比丘受取行之若鎗鏤不得受者當下以兩木橫置地比丘腳上言受受得成此律下文欲受油錯受蘇等不成受必令心境相當得成受學此今時諸寺且起解齋作粥醃菜不如此事雖難且起未行粥此律受食已有三失一任遲失謂受得已食時既過故云任遲失也二過緣失謂淨人觸失受也三自變生爲熟失也準此今時多僧尼得生薑等自煮饅子溫羹令熱此亦變月齋上多有生爲熟準前失受咽咽提罪兼有自煮吉經見論云受生薑後生芽不失受火淨已生芽處更淨非生芽

處得食鹽變成水得食

共俗男子屏坐戒具四緣犯一是俗男子二屏處坐三無第三人四伸手不及戶處坐使犯僧祇云若母姉妹淨人等睡眠癡狂心亂嬰兒非人畜生雖有是人亦名爲獨準此雖有友兄弟等亦名爲獨竟日坐一提中間更起一一提若淨人作務來往不斷門向道中有人行如食頃不斷若闔上闔下淨人遙見者並不犯此律若舒手及戶坐使乞食尼見若二尼爲伴若有識別人在邊及有難緣等並不犯

共男子露坐戒具四緣犯一是俗男子二露處坐三無第三人四伸手內共坐使犯十誦云與男子露地坐隨起還坐隨得齒數提相去半尋提相去一尋半吉二尋若過無犯

觀軍陣戒具四緣犯一是軍陣二故往三無因緣四往見使犯僧祇云若人聚落城邑道中逢軍陣不作為見無犯若作意舉頭下頭窺望欲使見者提十誦云若軍陣發行爲圖彼賊殺死因緣無常故不犯婆論云道由中過無犯若立住看犯左右反顧壞威儀

故吉羅

飲酒戒具三緣犯一是酒二無重病緣三飲便犯此律雖是酒而非酒色非酒香非酒味不應飲體非是酒然有酒色酒香酒味得飲若飲甜味酒若飲酸味酒若食酒糟若食麴等並吉羅者謂和酒麴乾者若餘麴食者不犯自今已去以我爲師者乃至不得以草木頭內酒中滴入口餘藥治不差以酒爲藥者不犯五百問事云若醫師言必差得和藥服不得空服強勸人不飲吉飲提婆論云此戒極重能作四逆唯除破僧又能破一切戒及餘衆惡故

水中嬉戲戒具三緣犯一是水二無因緣三入水便犯此律戲者放意自恣或以手盪水相澆乃至以鉢盛水弄一切皆提除水弄餘苦酒等吉僧祇云水陸互澆澆越俱水中者提五分持雪乃至草頭露弄者吉此律若道行渡水者不犯

擊擻他戒具四緣犯一是比丘尼二作憍意三手脚十指四觸著提犯僧祇云以指指比丘亦提五指指五提乃至差會指某甲去者亦提尼亦應同五分云若擊

經沙彌畜生等亦吉尼下衆亦同也此律若以餘物擊擻者

吉若不故作意或睡眠令覺不犯

不受諫戒具五緣犯一自作非法事二他如法諫三知已所作非前人諫者是四拒諫不受五隨所作犯根本違諫得提此諫作犯雖發言拒諫未是作犯要待作事違諫成故得提罪此戒最益制欲犯者恐有棄行之過不可一一集僧而諫故令一人處處行諫遠便得罪婆論云前諫人有六種不應從一心有愛憎二若鈍根無智三若少聞見四爲利養名聞五爲現法樂但欲自攝六若新出家愛戀妻子如是六人諫則有損

恐怖尼戒具五緣犯一是比丘尼二作恐怖意三以六塵等事示說四現相言了五見聞便犯不待前怖與不怖

減半月洗浴戒具五緣犯一曾前洗浴二未滿半月三無因緣四更洗浴五洗浴半身便犯僧祇云隨數滿十五日皆名半月此律六緣不犯一熱時者春後四十五日夏初一月亦得二病時者下至身體臭穢

●第二作要

三作時者下至掃屋前地四風時者下至一旋風五  
雨時者下至一滴雨著身六道行時者下至半由旬  
來往皆開不犯五分云共白衣浴室中浴者偷蘭遮  
露地然火戒具四緣犯一暴露地二無因緣三然草  
木有酸者四然便犯僧祇云旋火作輪或火中有草  
木比丘撥聚一切皆犯若然牛糞二提一壞生二然  
火五分云雲骸高四指此律若病須火便身得自然  
教人不犯應是死土  
石上不犯

藏他衣鉢戒具二緣犯一比丘尼衣鉢二驚動彼意  
三取藏便犯此律不犯者若在露地恐風雨漂漬舉  
之若物主爲性慢墮衣物狼藉爲誡勸藏不犯  
著白色衣戒具四緣犯一是五衣二是已物三不染  
壞四著便犯

故斷畜生命戒具五緣犯一是畜二知是三有殺心  
四起方便五命斷便犯

飲蟲水戒具五緣犯一是蟲水二作蟲想三不作灑  
法四飲用五隨咽得提若蟲命斷雖屬前戒  
爲防故分兩戒僧祇云  
比丘受具已要畜灑應法澡罐無者用袈裟角灑

同伴中都無者舉衆有罪十誦云不持灑袋行二十  
里犯罪僧祇云若灑水得已便能見掌中細文者看  
看時如大家載竹車週頃知無應用若施主請比丘  
食應問灑水未若自看灑或使可信人教灑否者自  
灑不得語莫殺傷蟲水著器中還送水來處處遠  
近有池七日不消者以蟲著中若知水有蟲者不得  
持器繩借人若池汪水有蟲不得唱云此水有蟲若  
問者答云長老自看若知友同師者語云此中有蟲  
當運用

與賊期同道行戒具六緣犯一是賊二知是三是與  
期四同一道行五不離見聞處六越界便犯與負債  
人同行越毗尼罪

拒勸學戒具五緣犯一作止不學意二前人如法勸  
學三知已作非前人諫者是四作不受勸意五言了  
便犯

毀毗尼戒具五緣犯一是毗尼二前比丘尼誦戒時  
三作滅法意不令久住四發言毀訾五言了便犯僧  
祇云僧未說戒時訶越說時訶提說已訶越心悔五

分云發心作念令人遠離毗尼不誦而毀皆提若作念木叉令不久住爾此律若毀阿毗曇契經等犯吉不攝耳聽戒具四緣犯一是廣誦戒時二在衆中坐三作不聽意四說過五篇犯一提僧祇云從序至篇吉隨中間戒一一吉一切不聽止一提此提不得向人悔當於衆中持戒威德敬難者前悔前人應訶治同羯磨實知事後悔誘僧戒此希故不述具緣婆論云凡僧和合若執苦人大德及貧賤人和合實已訶者提若外來訶者吉

屏聽四諍戒希故不述其緣僧祇云若聞他怨欲相殺害或聞賊來非法比丘尼惡計欲偷僧物知事人聞即白僧言當自警備我聞惡聲若師日暮竊來按行諸房聞弟子說法語不得對面讀毀後時得若來然後歎責此律二人在暗地語若在道行共語應先彈指警欬否者吉羅

瞋心打比丘尼戒具四緣犯一是比丘尼二生瞋心三作打意四打著便犯十誦云一把沙豆散衆多比丘隨著一一提尼亦伽論云瞋心欲心打女人殘打

亦然大集經云若道俗等打破戒比丘罪重出萬億佛身血何以故能示人出要道乃至涅槃故僧祇云若畜生入寺觸突塔舍形像壞華果樹等得以杖打木石鳴地等恐怖令去不得杖擬畜生搏比丘尼戒具緣可辨伽論云若舉手刀向衆多比丘一一提向尼亦爾

捉遺落寶戒具五緣犯一是重寶通及自他二并諸莊飾具三非住處及宿處四無心盜取據還本主五捉善便犯婆論云因拾遺寶爲緣起正犯但明捉寶便犯同舊此律供養塔寺莊嚴具堅固收舉不犯是無淨人收僧祇云若見遺物者當唱令之無主者應懸著高顯處令人見若人言是我物應問言汝物何處失答相應者與若無識者應停至三月已若塔園中得者即作塔用僧園中得者作四方僧用若貴價物者環珞金銀不得露現唱令得寶比丘應審數節看有何相貌然後舉之來認時相應者與對衆多人與不得屏處遺教授三誦語言佛不制戒者汝眼看不得若無人來認者停至三年如前處當界用之若



治故塔掘地得寶藏者淨人不可信者當白王知淨人可信者停至二年已應作塔用若王覺問比丘言汝此中有寶藏耶答言得已用作此塔王言已作者止此功德屬我在者還我若王言汝不知地中寶藏屬我耶問何以用盡還我來比丘應以塔物還若塔無物應爲塔乞還若王問言佛戒中云何比丘答言塔地得物即在塔用僧地亦然王言從佛僧用無罪僧祇云入聚落中有遺落物不得取有人取與比丘者得即是施主聚落中風吹衣不得作糞掃衣想取若曠路無人處得取若衣有寶以脚蹠斷露捉使人見至住處始見有寶者與淨人掌作衣藥價直五分云若比丘寄衣經十二年不還欲取者集僧評價作四方僧用若彼後還以僧物價不受者善

非時入聚落戒具五緣犯一非時分二無啓白喚緣三不驅授四向俗人舍五入門便犯十誦云若闍若處白比丘來入聚落還至闍若處即以先白入聚落者提若白入聚落從聚落出至本僧坊還入聚落即以先白入提同一界善比丘不白入提不白比丘隨

所經過大巷小巷得爾所吉隨隨入白衣家隨一一提若入闍若近聚落僧坊不白無罪尼準婆論云若總白入聚落後到隨意所至處無犯僧祇云若多人道行欲入聚落展轉相白然後當入已到宿處復欲出外取薪草木者若從本道出者無犯若更從餘道出者不白提智度論云一切白衣舍皆名聚落準此內淨人房院見論云有市名聚落無市名村界此律不白亦提若有啓白請喚路由聚落過無犯

過量造牀戒具五緣犯一是一牀二僧牀及口牀三過量四自作使人作五作成便犯僧祇云僧牀亦犯律不此律爲截者不犯僧祇云得過量牀欲截恐檀越不喜者應埋脚用乃至截脚木還越牀脚亦犯若終日一坐提起已還坐隨一一提他牀越若福德舍高牀無犯乃至不截者越此律足高如來八指者十誦云佛一指二寸謂高一尺六寸如法開袂

食蘇戒具三緣一是蘇餘辛犯輕二無重病緣三食用咽咽犯提所以蘇重餘輕者一美味尼多患食二臭故重餘辛也五分云食生蘇提熱者吉五辛報應

● 戒律部

經云比丘尼等飲酒食肉葷辛續經誦論等得提五  
 辛得重吉唯除僧伽藍外白衣家限四十九日香湯  
 澡浴竟讀誦無犯故噉穢物見不訶者亦犯僧祇十  
 誦五分等更無餘治者開病比丘服藥聽七日在一  
 邊小房內不得臥僧牀褥大小便處講堂皆不得至  
 又不得受請及僧中食不得就佛禮拜得在下風處  
 造禮七日滿已澡浴重衣方得入衆若用香塗病者  
 先供養佛已然後塗身還在屏處一同前法  
 剃三處毛戒具緣可解三處謂大小便及腋下爲三也母論云剃髮  
 者但除頭毛及鬚餘毛一切不聽却所以剃髮者爲  
 除憍慢自恃心不聽利木刀刮汗却毛若斷一一毛  
 一一吉雖除頭上毛不犯若斷餘毛一一偷蘭剃髮  
 有四種次第一上座二髮長三先洗頭四有緣欲行  
 五分云尼過半月不剃髮提提涅槃云髮爪長利破戒  
 之相此律不得爲白衣剃髮驅使提除欲出家者不  
 犯今時多有僧尼迫心求利受俗驅使故善增惡無過此等頭髮極長若兩月若  
 廣二指一剃爪極長如一麥即剪髮不得用剪刀剪  
 半月應剃髮一剪爪違者吉羅聽畜盛髮器十誦云

髮當埋坑中若髮長者開齋剃刀及稍若刀卷者手  
 上波石上磨其石內刀囊中  
 洗淨過分戒具緣可辨僧祇云大小行已不用水而  
 用僧坐具牀褥者越十誦不洗大小行處不得坐臥  
 僧臥具上若坐者吉伽論云不洗大小便處不得禮  
 拜受人禮除無水若爲非人相瞋水神所瞋或服藥  
 等皆不犯三千威儀經云不洗淨禮佛者設禮拜無  
 功德  
 供僧水扇戒具緣可辨僧與尼男女相別供給水扇  
 容生染習迹涉譏醜故犯僧祇水扇互給越水扇俱  
 給提衆多比丘互有兄弟供給水扇無犯十誦云比  
 丘食時尼立侍者提與食已還坐若別處無犯  
 乞生五穀戒具緣可辨出家之人理宜乞食資身無  
 事修道今乃明乞穀米事務煩雜廢修道業長已貪  
 結憍亂施主過實不輕故制提罪見論云乞豆瓜果  
 爲造僧房舍乞穀米等一切無犯  
 觀伎樂戒具緣可辨觀看伎樂令心蕩逸廢修道業  
 動越威儀汗辱僧衆損已不輕故制往看見便犯提

見論云下至猿猴孔雀共言好往看得提

共男子入屏障處共語戒具緣可解然男子有別體無參涉今入屏處容生染習遠成大過招世譏醜清白難分故所以制若離見聞屏又無染心而非共語但犯吉羅要假共語方犯於提若有染心落在八事戒坐不犯此共男子屏處前離見聞屏復語犯此是露障屏不假語犯不云立住吉者以不行故犯輕遣伴遠去與男子屏處立行耳語此是離見聞屏唯遣伴遠去耳語爲異

入白衣舍坐已不辭主人去戒具四緣犯一是白衣舍二主人請在好牀席坐已三不辭輒去四出一足便犯

輒坐他牀戒具四緣犯一白衣舍二是牀座三不語主人四輒坐便犯

共男子入暗室戒前是覆障屏有遮障光明無第三人犯今以其暗室故生患處重雖有多人猶犯以此爲異故別制也五分云共男子入暗室語語提若恐怖處若卒燈滅不犯義云不問親與非親須有燈明

惡心呪詛戒具三緣犯一有瞋心二作惡呪詛三言詞了了便犯此律云立誓者令稱南無佛提謂經云南者歸無者命佛者覺此云歸命覺也又南者禮無者大佛者辭此云離大壽也

因瞋心推臂哭戒具四緣犯一同於諍事不善懷持二內瞋恨三推臂哭已四隨便淚墮一一提僧祇云若尼自打不啼啼而不打亦打亦啼俱提

覆身同牀戒具四緣犯一同牀臥二覆身三無病緣四隨臥便犯同被褥臥同牀不同被褥同牀同被褥不同牀在地上臥亦犯

故惱客舊戒具四緣犯一知他比丘尼先住後至二作故惱心三在前誦經問義四言詞了便犯

同活病不看戒具四緣犯一是比丘尼病二是同活三無因緣四不看便犯五分云同學病不看提同學者謂同和尙阿闍梨及常共伴若止住不同無犯

安居中牽他出房戒具五緣犯一是僧房分得人已二先聽在彼房住三瞋心牽出四無因緣五出戶便犯僧祇云牽他出時彼若抱柱捉戶倚壁隨離一一

處皆提若口訛叱隨語離處亦提此律驅下二衆吉  
僧祇云若尼出行不付房舍牀褥與知事人閉戶而  
去者提十誦伽論云若野眠應起經行不能經行應  
起屏處不應憐他

三時無事遊行戒具三緣犯一春夏冬遊無因緣二  
除受日及春夏冬有利益因緣故不犯三隨所越界  
便犯此律春夏冬遊行隨村界俱提義云不同舊解  
破安居行提春夏冬犯吉聽爲羯磨塔事僧事遊行不  
言春夏冬受請

安居竟不知請戒具四緣犯一是檀越安居請二夏  
限已滿三無因緣四不去便犯母論云若安居竟應  
移除處若有緣不得去不犯若無緣者出界一日還  
來不犯五分云若不限請若更受請處無犯

泉渠水中露身洗浴戒具三緣犯一是河渠水二露  
身洗浴三洗身偏便犯僧祇云尼入俗人室浴有年  
少入身懷妊壞其淨行因制不聽尼入浴室病者在  
房然火油塗揩不如是者越毗尼十誦云男子洗處  
前浴皆提

・ 結語

過五日不看僧伽黎戒具三緣犯一是僧伽梨二舉  
處不堅密三過五日不看便犯十誦云故意不看五  
衣俱提

與僧衣作留難戒具四緣犯一是檀那許施衣二知  
許施衣三作方便勸彼不令施衣四施主息心施便  
犯

輒著他衣戒具三緣犯一是他衣二不問輒著三入  
村乞食便犯

與俗人外道衣戒具四緣犯一是非親里白衣外道  
二是袈裟一衣三持與彼四前人領受便犯十誦與  
外道與白衣皆提義云今數見尼僧往道士觀求治  
病交涉來往供給衣食因染俗情壞其梵行招世譏  
謗損辱佛僧非但師無綱紀亦因前無法度若有力  
罰令歸俗者此人爲護法因緣故當來之世必獲淨  
土之報僧祇云若尼有德聽女人爲兒乞小小破衣  
以贖災者不得與大者不得自手與應遣人與  
僧如法分衣遮不令分戒具四緣犯一是僧作法分  
二恐弟子不得三遮令不分四僧不分便犯

與白衣外道食戒具五緣犯一是在家出家外道俱犯二知是三是食四自手與非置地使人與五彼願受便犯五分云若外道來乞應以已分一團別著一處與不得以僧食與況男子自手與食提親里者不犯義云比丘見邊方僧尼寺內設會及僧施每喚道士同僧受施滅法之原無過此等自惟高邁人天重逾金玉忽然下墜邪流無辜自辱豈不痛心與白衣作使戒具四緣犯一是白衣二無病因緣三非時爲作使四隨便犯

自手紡績戒具三緣犯一是麻纒二自手紡績三隨手一一犯提十誦云若紡績若織若擲若抖擻若擲手隨動手一一犯提緣纒開不犯五分云尼自織作衣提若刺繡法張衣先刺吉羅衣差縮聽安相義云今時尼衆慕道者希專事機帶紡績是常作務精勤經教多忘食者食美不休富則轉生紛擾還復做習惡法愈與荏苒流行致乖常式敬尋捨俗入道冀免業因入道被纏反同累俗靜慮推事深可悲乎著俗服輒在白衣牀臥戒具三緣犯一是白衣舍二

是他夫婦常居止宿牀三隨臥便犯

經宿不辭主人去戒具四緣犯一語主人在他舍內宿二不辭主去三無因緣四出門便犯

度妊身女人戒具四緣犯一妊身二知三受具戒四三羯磨竟便犯十誦掘多尼生男兒作是念佛說比丘尼不得獨房乃至佛言告諸尼等與掘多尼作獨房宿獨磨是尼應與從僧三乞牒乞而作未離乳聽母觸餘尼觸吉離乳母觸吉餘尼觸提離母共宿吉辭去後提五分云聽白二羯磨差一尼伴之被差尼得羯磨故不犯自今已後欲受戒時先看乳相若無乳相不犯僧祇云不知在白衣時姪已度者未應與受戒待後身已若生女者出草磨已與受具戒若生男者離乳已後與受具若有親里將養即與受具度童女年不滿受具戒具四緣犯一是年未滿二十二年未滿三與受具四羯磨竟便犯婆論云六十已去不得受大戒設師僧強授亦不得戒以不堪任苦行道故心智鈍弱聽爲沙彌七歲已下亦不許度未滿二十不得受具者以其輕躁不堪忍受寒苦若





受大戒人多訶責若是沙彌人則不訶母論年不滿者聽數胎中年又不滿者聽數閏月復不滿者聽數十四日布薩復不滿者佛言實得羅漢果者此是上法受具雖不滿二十得戒無犯

若先不知受後有疑方開不得逆數受戒以違教故

不與二歲學戒羯磨戒具五緣犯一是十八已上童女二不與學戒羯磨三年滿二十四與受具戒五三羯磨竟犯

不說六法名字戒具六緣犯一是十八童女二與學羯磨三不說六法四年滿二十五受具戒六羯磨竟便犯

度受諸遮童女戒具四緣犯一是諸根不具二知不具三與受具戒四三羯磨竟便犯

不以二事攝弟子戒具四緣犯一是清淨弟子二恒隨和尚三師有法及衣食四不以此二事攝便犯

受戒已離和尚戒具五緣犯一是和尚二有夏堪攝

三師不聽去四未滿六夏尼五離去便犯

未滿十二夏度人戒具三緣犯一內無實夏二與受

具戒三羯磨竟便犯

僧不聽度人謗僧戒具四緣犯一內無實夏二僧不聽三非理謗僧四言詞了了便犯

父母夫主不聽輒度人戒具四緣犯一有父母夫主

二不聽三輒與受具戒四三羯磨竟便犯

不與學戒尼受具戒具四緣犯一是學戒清淨二滿

二年三無因緣四作心不與受具便犯

多度弟子戒具四緣犯一是曾前度人二未滿十二

月三更度人受具四三羯磨竟便犯僧祇云若年年

與弟子受具者提應停一年若尼有多弟子若一年

與受學法一年與受具戒雖年年不犯古德光師云

若寬解者一年間與一人受具一人依止一人六法

一人沙彌尼令得四人若急解者一年止得度一人

準此應然據前僧祇提母論云受一人具足一年教

授一切大道人所作法竟然後更一人若沙彌尼受

學戒已二年不得度沙彌尼式又尼受具已得度沙

彌尼

不半月滿教授師戒具三緣犯一僧尼衆各各五人

已上四人已下但犯吉羅二無因緣三不差人往請便犯

不詣大僧自恣戒具四緣犯一是夏安居竟二五人已上成衆三無因緣四不差人往自恣便犯五分云若尼聚落無比丘自恣無請處蘭若有比丘道路險難彼比丘爲尼人聚落自恣尼先自衆中自恣已後差人往比丘中教誡語同

不依大僧安居戒具三緣犯一在無比丘處二不作依止心三結安居竟便犯

不白入大僧寺戒具四緣犯一是有比丘寺二不白比丘三無因緣四入門便犯僧祇云尼不白大僧入伽藍者最初入者提後入者無犯五分云若立不見比丘不得不白而入須見比丘應往前白比丘等量可聽不可聽者若人不見及不聽而入提

訶罵比丘戒具三緣犯一是大比丘二以惡言罵彼三言詞了了便犯十誦云暗喑向比丘者提罵尼衆戒具四緣犯一是尼衆二因諍事瞋怨三以惡言罵辱四言詞了了便犯

不白衆使男子治難戒具緣可解然男女形別理無交對聽彼破難容生染習自壞心行所以制也五分云若令男子治難打鐘集僧來往病人前然後衣裹身唯留可治處治之餘法如摩

背請戒具緣可解若受非正食請及正食不足背之無犯十誦云從今聽尼數數食何以故女愚數數食故乃至若尼能受請都不食者提是中犯者乃至食一口隨受請不食一一提

於家生嫉妬戒具四緣犯一施主好心供養於師二見師得利內生嫉妬三發言嫉妬四言詞了了便犯十誦云護惜他家者人取覓代他言無提五分云嫉妬他人得利欲專我得犯提

用香塗身戒具緣可解凡出家修道理宜觀身不淨特生厭離反用香氣潤澤塗身令形香潔耽著已體情存放逸思累之深所以制也

著婦人嚴身具戒具緣可解既畜著俗人嚴身之具多生染習障道深故須聖制乘乘行戒具緣可解五分云乘乘行戒者車象馬

乃至著履皆名乘若老病若行路乃至脚指病無犯

僧祇云若病人不能行乘雖乘無罪

不著祇支入村戒具三緣犯一有祇支二不著三入

村門便犯

不安居戒具三緣犯一是後安居日二不結安居三

過後安居日便犯

誦呪爲活命戒具三緣犯一是世間呪術二爲活命

三言詞了了便犯十誦云以外書聲誦佛經者吉五

分云學迷人呪起死人呪蘭尼自使人卜提此律以

世俗呪術教授白衣亦提

先不請比丘輒問義戒制意者輒問即慢法輕人違

相窮詰令彼惱特非所宜故所以制之若二人習一

部不解轉問無犯

百夏尼不敬比丘戒具緣可解若不禮敬便有三過

一違八敬教二違本受戒奉行之心三慢法輕人情

過是重故所以制也

第四篇八提舍尼上四僧吉下四僧提

第五篇聚學戒大僧同尼

七減諍亦僧尼同有

上來所列諸戒者逐尼數犯者述之餘不盡者非無異相或文繁寡要或事希難犯或其相易明或其理幽隱若欲廣陳恐盈卷軸冀後博學依文取決

四分律比丘尼鈔卷中之下

四分律比丘尼鈔卷下之上

終南山沙門釋道宣述

○匡聚篇第二十二

此篇大門有五一教有與廢二簡知事德三秉教通案四僧食通局五入衆服儀

第一教有與廢者夫軌範一界統攝徒衆必須德行

內充威儀外肅律教一宗必先諸究不憚勞苦不存

聲譽令遠域異僧欣心有所界中行若策神進業此

之御衆何事不行故律云非制不制是制即行如是

漸漸令法久住若法出恒情言無規矩翻同鄙俗何

成匡衆宜自私退息用慈懷故律云非制而制是制

便斷如是漸漸令法速滅也

第二箇知事德者今此一門總述諸德若能綱紀最過而行償還斯法舉不知時諍事由生惡法難息故律云汝等數數舉他罪恐壞正法故必具此德想而不治正法亦滅律云能舉罪人當具五德一知時不以非時二真實不以虛妄三利益不以損減四柔軟不以麤獷五慈心不以瞋恚能斷事人亦具五德一持戒清淨二多聞三廣誦二部戒律四能問能答五如法教誨及作減損今五德善能滅斷諍事治斷非業亦具五德一觀前事是實否二觀合是時宜否三觀僧不令生塵垢否四觀有利益否五觀得善伴否處判他事亦具五德一善知不犯二善知犯三善知輕四善知重五善知決斷無疑毗尼母論云能諫之人無五法不須受一無慚愧二不廣學三常覓人過四惡斷諍五欲捨道寶梁經云二種人得爲知事一阿羅漢二須陀洹人所以爾者餘諸比丘戒不具足心不平等是人不合爲知事也復有二人得當知事一能淨持戒識知業報二畏後世罪有諸慚愧及以

悔心如是二人自無咎亦護他人若不具此德率以庸情輒處判他反成自累何匡益他也故律云我說此人惡疑故犯波羅夷謂不諳教綱冥犯大罪既知不易誠爲大誠宜詳聖意省己爲人也

第三乘教通塞者大集云若未來世有諸王四姓爲護法故能捨身命寧護一如法比丘不護無量諸惡比丘是王捨身生淨土中若隨惡者是王無量世中不復人身王等不治則斷三寶種奪衆生眼雖無量世修戒施惠則爲滅失又犯過比丘應須治者一月兩月苦使或不與語不與共坐共住或減損出一國乃至四國有佛法處治如是等惡比丘已諸善比丘安樂受法故使佛法久住不滅婆論云達王制故得吉羅涅槃經云若善比丘置不訶責當知是人佛法中冤若能驅遣治罰是我弟子貞聲聞也勝鬘經云世尊應折伏者而折伏之應攝受者而攝受之何以故以折伏攝受者令正法久住天人充滿惡道減少於如來所轉法輪而得隨轉十輪云若鈍根衆生欲發善根懈怠少智忘失正念貪著住處四事供養難

善知識如此衆生令勸化料理僧事及以佛法和尙  
開梨是爲安置營事福處遺教三昧經云若罪小者  
罰令治塔寺若中罪者罰掃除寺若上罪者僧便若  
十日二十日三十日竟無缺失當於衆僧中懺悔夫  
惟尼衆現居凡位孰能無犯遇緣成犯宜依篇聚順  
教治罰或飲酒相打令輸財物當時同和唱制已後  
便即自違又藏匿不還由犯財故因茲犯重易輕翻  
成自累雖知非法猶共立制同和故爾此豈不由非  
法立制能令正法不行致有斯繆或小小之過暫違  
治損求懺不受絲歷歲月益罪尤深退還歸俗將由  
此起或令尼等收刈穀麥斬伐草木種植根栽或行  
醫鍼灸順方治病求食俗利苟自潤身或射在店肆  
販賣治生構飲酒肉公然聚會或受俗使役往來媒  
嫁行非犯重和同共住或獨行無侶輕觸尊儀染俗  
成風不依內律如是非法衆宜詳可滅法之原無過  
此等有知解者並不合隨若非法人多不許違者好  
人當作自脫之法僧祇云若非法制應罰令止不肯  
者當說如法欲已起去若衆中有力者罰令止否者

聽去當語傍人言此非法制我不忍可止得三人作  
不得至四恐彼成僧破僧事起故律云不得僧舉僧  
也仍須向同意人邊說若不作應說見不欲與護心  
相應當作是言彼作非法自有業報何關我事譬如  
失火燒舍但自脫身焉知他事五分云若作非法羯  
磨時不能轉者默然不詞後言不可者無犯若作非  
法羯磨不與欲而起者無犯自大聖西隱正教東流  
時經像季日就衰羸持犯憲章俄爾將盡故略而不  
述指在天本若聞說者反被陵辱點污淨心兼恃勢  
力害清淨人其懷轉惡實難挫伏致使大教息用還  
風亂替故律云應制不制令戒毀壞速滅法矣然將  
欲治損今依律文便有九種餘八事希衆復難行故  
隱不述默攢一種持犯中要應略出之故智論云如  
梵天治之色界不語爲樂欲界不愛故違情立治制  
故不共語也  
第四僧食通局者夫身爲大患待形須濟畜服是同  
教無偏局十方同遵理無乖背無主無客是所常儀  
其中飲食凡聖共有鳴鐘集眾還遍同食今時諸寒



屢斷僧食苟自棄已不兼於客人情忌局用心不等  
傷一時衆情塞十方僧路傳謬後生斯害甚矣慳食  
獨濶惡業愈深報恩經云知事人與客僧惜食十九  
億劫生屎尿中其形似人無有手足付法藏經云有  
僧伽耶奢大海邊見堂閣嚴飾湖中僧衆經行禪思  
鳴雅集食將欲訖爾時鋪鋪變成膿血便以鉢器  
共相打擲頭面破損血流汚身而作是言何爲惜食  
今受此苦於迦葉佛時同止一處客此丘來咸共瞋  
恚藏惜飲食而不共分以此因緣今受斯苦僧護經  
云是諸比丘不打噉雅默然受用客比丘來不與飲  
食還空鉢出以是因緣受火脉苦筋肉銷盡骨如焦  
炷從迦葉佛來受苦不息又不打噉雅默飲僧甜漿  
恐外僧來以惜因緣故入地獄中飲融融初獻佛  
時上中下座必教白衣奉佛及僧獻佛竟行與僧食  
不犯若不爾者食佛物故千億歲墮阿鼻地獄檀越  
不受前教亦招前報若生人間九百萬歲墮下賤生  
何以故佛物無人能評價故義問今時七月十五日  
四輩道俗造盆獻供隨盆衣物未審屬誰答隨本主

意若將入佛法依施主本心若標別者衆主尼等明  
解律人依經律斷並入安居現前尼取一比丘尼分  
一分入佛所以然者此爲安居有勞修道有益故佛  
及現前尼各得一分故經云目連雖得六通非一人  
力之所奈何仰藉十方佛僧濟魂拔親翼生善道獻  
佛及僧意存救苦故須僧分不得餘人此律下文時  
諸比丘分夏安居食及衣佛言不應分食聽分夏衣  
此時通衆時僧現前施名爲賞善夏勞之物故定入  
佛及僧不得隨情曲判併入佛法及常住僧今時數  
見僧尼情識褻短諸究非長昏於聖教親附白衣巧  
詐多端諂心求利雖得獻物還將入己或有主人隱  
匿施物私背客僧屏處共分不均夏客如是自垢本  
心來生定墮惡道又結無知不學之罪故僧護經云  
檀越施食現前僧應分持客去方分入地獄中噉食  
糞尿此衣物重食寶梁經云佛告迦葉營事比丘  
數得僧物慳惜藏舉或非時與或有不與者營事比  
丘以此不善根當墮穢惡鬼中常食糞丸佛告迦葉  
營事比丘寧噉身肉終不得用三寶之物又云若有

比丘或作寺主維那與檀越食向白衣講說衆僧過惡順白衣情不肯教詔苟貪利養或以隨親逐近共相招致不依年夏所得之物計錢犯重又有比丘或爲寺主維那典掌物事以自在力故將衆僧飲食與白衣賢者自不依衆僧食輒取僧食自食以損僧物死墮下賤以力償之本行集經云一念之惡能開五不善門一惡能燒人善根二從惡更生惡三爲聖人所訶四退失道果五死入惡道佛藏經云當一心行道隨順法行勿念衣食有所須者如來白毫相中一分供諸末代一切出家弟子亦不能盡五分云十方衆僧自有食分依時而來不須召喚白衣及中能齋亦得與食謂能開盤開反此應然也十誦婆論云若外道來衆僧與食不犯止不得自手與以外道常伺比丘短故開與之若不打健雅名盜食僧祇若作相已不來無犯雖復打鐘而遮閉戶不通客者亦犯此作相令定不許雜觀若樂知然後得與若大界內有二三伽藍同一布薩食時各打鐘一切莫遮清淨無過大集云若一寺一村五法師住鳴維集僧次第賦給無有悞惜不認彼短

是名如法住大功德海若無量破戒僧但五人清淨如法護持佛法愍諸衆生功不可計此律客比丘初至先語僧制法式等無過見論若至空寺見樹有果應打健雅無着下至三拍手然後取食否者犯盜飲食亦爾若客比丘來舊比丘不肯打磬者客比丘應自打食者無犯僧祇云若行食時滿杓與上座上座應斟量得偏當取不得偏饒上座若沙彌淨人偏與師僧大德者知事人應語言平等與僧食無高下婆論云若衆僧行餅錯得一番不還僧者犯盜五百問云上座貪心偏食犯墮不病稱病索好食得犯重今時中僧次疏而簡客者此疏爲別請不名僧次又此住處不名僧寺以簡通說別同於俗俗又非施主普同意之

第五入衆服儀者此律云入衆當具五法一應以慈心二應自卑下似拭塵巾三應知坐起法若見上座不應安座若見下座不應起立四彼至僧中不爲雜說世俗事若自說法若請他說五若見僧中有不安忍應作默然住之智度論云佛聖弟子住和合故有二種法一者賢聖說法二者賢聖默然夫論衆法軌

用形儀若清淨可觀則物生善天龍歡喜威儀惡  
便辱佛法何所巨益故十誦云比丘衣服不淨非人  
所訶又涅槃云譬如破戒比丘身無威儀也華嚴云  
具足受持威儀衆法是故能令三寶不斷法得久住  
惟佛教東流年經六百至於自行猶成鄙俗又華夷  
方隔經律未學雖剃髮似尼無妨風俗仍在容畜非  
法之服爲佛法瑕疵在再流行致成常式或舊俗人  
袍襖褲袴斜褲或髮爪鋒長衣多聚膩或畫眉假飾  
雕唇注口或脂粉塗面志染俗情或歌舞醺會公然  
放逸或黑白同居縹素混雜或食座高聲不敬耆宿  
或衆僧未出預走爭門列席寒心觀徒啓齒以此推  
之豈成高尼之謂也見論云若多聞弟子知禁律者  
見餘所用不當如法卽須打破無損物主不得索償  
此佛勅比丘破檀尼迦非法瓦屋亦無有罪義云恐  
惡法流行染及清衆也

○翻淨篇第二十三

此篇大門有九一制意二淨處三加法四辨過五翻  
淨六對緣七互墮八儉開九淨生

第一制意者良由尼衆報有優劣上中下差三種區  
別居上達之徒志力精強制令分衛以乞自活情標  
方外不居畜積若中下之流抑同上土資力不逮容  
生退道是以大聖慈悲見飢喪命方開同界別結齋  
積食不生罪名之爲淨若違別就同長已食結業因  
不淨名之爲穢從改正名目之爲淨也

第二淨地處此門有四一籬牆不周淨此律云半有

籬障多無籬障都無籬障此三非室障穢穢故開  
不犯若三周有脫漏開一

面籬食義強壯結有罪垣牆欄柵亦如是類前障障  
厨舍孤立類亦同然也 周缺多少

二檀越淨一食具是他物故律云自今已去應作檀

越食食淨人掌舉不得自受若有所須隨意索取二

處所是他物故律云若爲僧作伽藍未施與僧雖食

在中不名有犯三食及處俱是他物不屬僧用此三  
物淨要其非假不得  
日託他白負來衆也

經營比丘爲僧作伽藍時處分如是言某處僧作淨

地是名處分淨四白二羯磨結淨地者義云謂伽藍

院相周匝比丘尼在中宿養過無問久近隨處結

之除去比丘尼然後結之母論云大界內無淨厨者



一切宿糞不得食乃至藥草亦爾此律云因此丘餓死故聽在伽藍內邊房靜處結作淨地必須在法界分在自五分云諸比丘欲羯磨一房一角半房半角或中庭通結坊內作淨地並聽結竟顯勝示令彼客尼藏知故律云客問何處淨地不淨地

第三加法者前三不作羯磨如前所明今第四作法此下具述也若欲作法一

切尼衆並集大界內遙指結之不得坐淨地中結所以然者以食望僧是攝是障以僧望僧非攝非障上座令一舊住比丘尼起立唱云

大姉僧聽舊住比丘尼爲僧唱淨地處於某處房內爲僧作淨地三唱已復座若溫室食堂一隅一角隨處唱結不同一處不取唱人入羯磨

律師問云僧今和合同所作爲答曰二羯磨爲僧作淨地

大姉僧聽若僧時到僧忍聽僧今於某處結淨地白如是

大姉僧聽今結某處作淨地誰諸大姉忍僧結某處作淨地者默然誰不忍者說僧已忍僧結某處作淨地竟僧忍默然故是事如是持

若後改轉須解劫者律無解文義準反結卽成問僧今和合同所作爲答解淨地羯磨

大姉僧聽若僧時到僧忍聽僧今解某處淨地白如是

大姉僧聽僧今解某處淨地誰諸大姉忍僧解某處淨地者默然誰不忍者說僧已忍解某處淨地竟僧忍默然故是事如是持

第四辨過者其檀越不周二淨無內外晝夜同宿內糞無過但不得觸若處分羯磨二淨通尼在內檢校唯護明相若共同宿便壞食具更須翻淨兼有內糞

第五翻淨者五分云有諸木器膩不淨以瓦石攪洗恐破者用沸湯淨洗僧祇云淨人行食淨器墮比丘鉢中尋卽却者名淨停須臾者不淨須臾夜極長有十二夜短翻前二發秋夜若是銅器洗淨用木器若

膩入中者削剝却之不可用當棄之十誦云若比丘尼有膩器二三度用澡豆洗故不淨者當以木刮却

然後澡豆二三偏洗是淨餘有未盡者如米麵油醬等於大僧寺及俗人家沙彌尼淨人處隨多少更互

等

博取難得本物已入手兩相捨意故不犯故見論多  
比丘共一沙彌行各自擔食至時自分已沙彌語比  
丘言今持我食與大德易得已復展轉乃至下座若  
不解者教之亦得義準翻淨共僧博等亦然若盆甕  
等器有食膩者釜上蒸之內外熱微膩出即淨一切  
銅器磨之即淨鐵器以火燒內即令膩盡木食櫃等  
削削泥拭土食甕等隨有更拭石器者或以水洗或  
以鐵治亦得無殘膩此律得捉僧角杓銅杓浴牀等  
則無觸淨應非常用者得問比丘不護淨何過耶答依護淨  
經云由此比丘觸淨食不淨故五百歲墮餓鬼中復  
五百歲墮狗中復五百歲墮蟻中復得人身衣不  
蠶形食不充口因說知事比丘觸僧器故墮餓鬼中  
五百餘年不見漿水正欲還則護神鬼打不得近  
智度論云沙門福田食以不淨手觸或先噉或以五  
不淨物著中入沸尿地獄中五百問事云精進知事  
人以指捏僧淨器入噉糞鬼中恒在廁上不能得食  
如是因緣至多不可具述行者慎之不得自誤  
第六對緣者初明惡觸者十誦云比丘食竟以不淨

鉢及食與沙彌白衣洗鉢竟還著僧器中是名淨一  
心過與則無惡觸僧祇云若噉穀時比丘在上行者  
當脚處使淨人扒却難事急雖踏無罪必天雨無淨  
人時得自遙擲物覆捉淨石鐵之忘覆食器亦爾  
比丘錯把淨物者非故名淨若還放餅中即為不淨  
餅皆繫緣沒難麥為器船在水中非器岸上為器車  
駕牛時非器無牛者為器若食時或甘蔗薑蔥東豆  
羹上令比丘坐不動身亦不得問若動問者一切不  
淨應坐時若船車上載諸穀覆者比丘得坐上下不  
得名字若小車有淨物若取衣鉢時動車者一切不  
淨當令淨人取不淨以牛在故為淨應令淨人先上比丘尼後  
上若下時比丘尼先下若在載物車中忽即車翻離  
牛者一切不淨若牛欄尾未離車者名淨十誦云比  
丘與沙彌擔食道中食時與沙彌沙彌還與比丘者  
先不共要得食反此不得飯粥羹器傾側聽佐淨人  
正已不得復觸若佐擲釜亦爾人驅車牛等負食傾  
側亦爾此律若蘇油餅不覆無淨人覆者自手提盡  
遙擲置上以離緣而若居士持食寄比丘掌舉後索



還與比丘者得洗手受之五分云若惡人以僧不淨米一把投淨米中可分者除之不可分者應去一把  
 二自煮者僧祇云薑湯不得自煮以變生故乞得冷食自溫者不犯若作食時淨人小者得提其手教淘打飯等 三內宿者五分云使淨人於不淨地洗菜未竟明相出者犯此律有比丘持食來覓淨地未得明相出不犯四內煮者若在界內爲他者不礙私已與他有餘洗手受食不犯此律式又尼得與大尼過食不得同宿或是不淨沙彌尼故開  
 第七互墮者此律云安食具在樹上並從根斷若根在不淨地枝覆淨地果墮淨地或爲風吹雨打鳥獸墮者但無人觸知遇緣而墮雖經明相不成內宿謂長足果也若不淨地未長足來運運重生則無內宿隨時而取得入淨廚若果菜已離本處者隨經明相比丘尼若知即不得食上來準義通說以律無文故  
 第八儉開者此律爲穀米勇資人民饑餓乞食難得爲賊持去佛憐愍故開界內共食宿內養自取食僧俗二食水陸兩界並不作餘食法舊解尼無餘食法

開若嫌敬僧戒中似尼犯足有餘食法今且論無者若儉時應開七罪謂內宿內養自煮惡觸不受足食殘宿等三提四吉尼無足食兼壞生種如水陸果子不受而食豈令淨耶此律若時世還賤故開食者佛言不得如法治之十誦云若饑餓時食竟得持殘去語施主知今時量足僧尼實不勝主知持齋計錢滿五犯重宜自慎之  
 第九淨生者僧祇云每食時上座應問果菜淨未無蟲否問答如法已得食維那亦爾此律淨法有十初五者一火淨二刀淨三瘡淨四鳥啄破淨五不中種淨此五刀瘡鳥三淨應去子食不中種淨及火淨皮子都食次五者一皮剝淨二剝皮淨三腐淨四破淨五瘡燥淨此五淨根種法故律云水洗連根菜即名淨火淨便通五種後五依五分僧祇多果同一器一果作淨餘者通淨若別器者一一別淨甘蔗葉莖葉作淨無葉者和東淨準此蓋草子葉散落無淨法比丘尼不合自作云云  
 明了論云加行所作疏如一聚果子若未作淨者但食皮肉一一吉羅若食核一一得提今以火燭止得一吉羅令一聚果子俱淨免於多罪豈非利益僧祇

云樹果野火所燒灰團穀聚恐非人偷亦名爲淨若食果核者火淨已聽食若皮淨不火淨食核得提明了疏云此淨法不但約一物以成如一聚桃李但火一觸餘皆成淨此作淨體本以爲法非使物不生故名沙門淨問種相云何別耶答種者謂根莖可種植或雖離地從緣種之生者亦名爲種相者如諸果菜及餘食餅上有青華白毛者名生相提相提吉

○受藥篇第二十四

此篇大門有六一藥體二受意三受法四說淨五通塞八重受

第一藥體者此有四一時藥者此律有十謂餅乾飯魚及肉枝葉華果細末磨食等魚及肉初開後禁諸經種種阿黃文不復二非時藥者僧祇云謂一切穀豆麥羹不破者取汁而飲諸生果汁等要以水作淨若器底殘水被雨澆等亦爲淨十誦云若蒲桃不以火淨汁中不以水淨及互不淨不應飲俱淨得飲見論云舍樓伽漿者謂藕根漿澄汁使清淨得飲母論種種果多食不盡聽破汁飲若不至初夜變成苦酒者不得飲以

酒勢欲成故義云若作藥法要須汁滓相分澆澄水消其狀如水方得飲之若有濁汁與時食和咽咽犯提三七日藥者此律蘇油生酥蜜等五種世人所識當食當藥如食飯乾飯不令顯現有病因緣得非時服伽論云沙糖漿亦得七日受僧祇云此藥清淨無時食氣一時受取得七日服人有四百四病風病百一用油脂治火大熱病用酥治之木病用蜜治之雜病用上三藥治之十誦云石蜜不得嘔嗽除五種人得食謂還行人病人食少人不得食人若施水處和水得嗽五分飢渴二時以水和飲四盡形藥者僧祇云胡椒薑芡薑呵梨勒等此藥無時食和者順受病比丘尼盡形服之此律云一切苦辛鹹甘等不任爲食者聽盡形服見論云一切樹木及草根莖枝葉不任爲食並得盡形受服義云今時多有僧尼非時分中食於時食何者是耶乾薑汁生薑汁乳酪清漿生藕根或諸生果搗破不以水和澄清稠濁飲之或食餲糖清飯漿等如是之類非時而食咽咽犯提第二受意者此門有二一手受二口受初手受意婆

論云有五義故制一爲斷盜竊因緣故二爲作證明故三爲止誹謗故四爲成少欲知足故五爲生他信敬心故次口受意爲防手受故若無口受過牛便失手受由有此法乃至限滿方始法謝又爲防非時不受殘宿惡觸內養自養等七罪手受但防不受惡觸二罪也

第三受法初受時食者未受已前要須識知食體象作普受之意方得成受故律云欲受油餅受蘇等並不成受皆須心境相當方得名受唯除眼暗及不喜見沙門得置地受二受非時漿口法者諸律雖制受服而無受法自下受法及說淨等並準文義出依行彌善手執湯漿至一比丘尼前云

大姊一心念我比丘尼某甲今爲渴病因緣故此是菓蜜湯爲欲夜分已來服故今於大姊邊受

若蒲桃梨奈諸果漿等隨其病緣類陳說之若頓受

不過須與飲盡者不勞加法三受七日藥者

大姊一心念我比丘尼某甲今爲熱病因緣故此是酥七日藥分爲欲七日共宿服故今於大姊邊受

如是風病服油冷病服蜜糖病服石蜜等類陳可知

#### 四受盡形藥者

大姊一心念我比丘尼某甲今爲氣病因緣故此是薯蓣丸盡形藥爲欲共宿長服故今於大姊邊受

#### 說三

如是薑桂及餘丸散等隨病因緣類陳可解若買藥令俗人斷價定已比丘尼自選今多於本分買竟然後還稱已受取不得置地即須對同伴尼加其口法如其不爾停過須與失受惡觸罪生不能如是之時令俗人受取持歸和搗竟然後口受最善

第四說淨者此七日藥一種作口法竟偏心屬已故須說淨以藥體是實資身力強過畜延時無變動義若不說淨超過七日便犯捨墮餘之三藥不具前意不須說淨說淨方法如長衣法唯云長藥爲異若初受藥忘不說淨者不成惡觸故律下文云受得生薑忘不說淨佛言應放地使淨人作淨已自應洗手更受故知忘受不成惡觸

第五通齋者手受爲防其盜一人受竟通餘尼共食

無罪論其口法亦通餘人由其口法加他二通之藥一者味通二者手通故捨與前人受法不失

第六重受者義云論其手受觸失本受即須更受雖重無過若論口法依婆論云五日已還淨人來觸更餘不受藥來雜更加七日法不作二日法正從法論不從藥勢六日已去不得重加以藥物入淨故便隨藥勢更不加法若藥衆多不知何者是本藥應手口二受然後服之若病重尼不得口受傍人直爾爲受與服亦得設看病尼爲手口二受稱病人名亦得成受盡形壽藥若淨人來觸直爾手受不須作法以口法不失若餘藥來雜更口法受之

○計請篇第二十五

此篇大門有十一一簡請二釋非三計會四至家五就座六淨食七香願八受食九食饑十噉觀十一還法

第一簡請此律請有二種一僧次二別請雖開別請然諸經律禁約者多故梵網仁王並廣訶不爲十誦善生雖別請五百羅漢猶故不得名請僧福田若能

僧中請一似像惡比丘猶得無量果報增一經成論云如飲海水即飲衆流僧次亦爾比丘應供經云若我弟子有受別請定失四果不名比丘道人不得受檀越供養人是人不得國王地上行不得飲國王水有五百大鬼常遮其前是比丘七劫不見佛不爲授手不得檀越之物五百大神常隨其後言佛法中大賊佛言莫如外道親近知識國王大臣前自唱言我得眞道欲受別請若我弟子受別請者非佛弟子非求道人是空作是計名爲畜生地獄中人不見千佛五分但爲解脫出家者得爲僧次請唯除犯惡戒人正法念經云心常念他請喚與食此是放逸因緣十誦云別請有二處一寺上二施主門外又別請人有四種一別請有德二別請耆年三別請親屬四別請主人又僧次對別請四句一初僧次後成別請謂寺上僧次差來是僧次至施主家語言今有德師來稱某甲請意即答言實爾便成別請二初別請後成僧次謂寺上別請至施主家毀譽別請讚歎僧次後無別請心故成僧次三前後俱別四俱不別初及第三

犯別衆提二四不犯別請對別衆亦有四句一別請  
非別衆謂寺上別請來是別請施主門外無人可別  
非別衆食二非別請是別衆謂施主門外有人可別  
是別衆食謂寺上僧次請來非別請三二俱別四二  
俱不別二三犯提初四不犯門外別者謂施主家內  
先有三人後別請門外一人門外更有人可別故是  
別請亦是別衆食若施主家先無比丘尼要門外別  
請四人更有人可請別衆食婆論云若聚落界內無  
衆僧有施主請四人已上聽打鍵稚若不打者設知  
此中乃至一比丘尼不來者得別衆食罪若疑有比  
丘尼者不集亦犯若打鍵稚不問有無一切無罪又  
僧祇云食應作四種相一打鍵稚二吹貝三打鼓四  
唱令若不作四相而食僧祇食名不清淨名盜食僧  
祇食不問界內有比丘尼無比丘尼不作四相皆犯  
盜僧祇也

第二釋非五百問云作佛得物請比丘尼不合食沽  
酒家內一切不得入更有門者得入若請比丘當  
持一日戒一日不沽酒屠兒家亦爾僧祇云若來請

比丘尼明日食不得定答云決去應語云若無緣事  
當計之若有請僧應問姓名客人舊住巷陌不得輒  
往應先令一人若月直國民沙彌在前訪問忍試弄  
比丘及有留難恐僧失食故十誦云爲知請故須立  
維那出要律儀翻爲寺護又云悅衆本音婆羅此云  
次第也五百問事云受別請已還人代去主人意無  
在者得若嫌者墮婆論云被請人與僧同去不白先  
入者墮經營知事人在僧後到者墮食未暇去者墮  
餘人私行直報同伴得僧祇云若念至精舍當食若  
過餘處食悔過若值彼僧受請隨去無犯十誦婆論  
云檀越請僧食僧次未到自云我應去故妄語提若  
得食計食犯重十誦云不請自來吉羅鼻奈耶云因  
饑餒請一二人故多人憐亂施主提爲病僧事作衣  
事故不犯僧祇云得爲俗家設會張幔及設供具唯  
不得與男子共舉物五分云白衣應借僧臥具  
若修福別  
事應禁之見論云沙彌雖未受具亦入比丘數涅槃  
經云乃至未受十戒亦得受請上來尼及式叉尼  
沙彌尼並得學前  
第三計會者此律云若欲受請應往衆僧常小食大



食處住若檀越白時到者上座應在前行如屬行而去諸比丘應偏露右肩在後行若有佛法僧病比丘事者當白上座在前去必於衆中有命梵等難若問不問聽去若上座道行大小便應待來然後如前去也

第四至請家者十誦云到食處應默然一心淨持威儀生他善心當除入坐義云若至請家未安佛座及聖僧座尼衆不得在先坐當令先安諸經像在高顯處極使清淨後鋪聖僧座其法乃有五卷即梁武帝對中國三藏出之文廣不錄今依請賓頭盧經云預宿請在高顯處敷設座物爲座我若來時坐處有相今時僧尼多慢此法輕辱聖儀特乖佛教既自無敬亦令俗士不虔三寶滅法之原由今上座從此已下更探經律補闕前文雖不次於理弗乖若數聖僧座時堪容一大坐處亦令施主依時宿請其座上必須淨潔勝於僧座仍不得刺華散華在上又不得彩畫雕飾相同於佛其座高卑不得超過尺六還如凡座無異亦不得用常住僧槃碗盛食置前此唯

得獻華而已若用鉢孟銅碗通及化報於理如法所以同凡者此賓頭盧雖是聖僧報身猶存佛制令三天下每日計供又持戒之時間凡僧無異豈得破戒處高象觸僧淨器聖僧錢遺入聖僧用若有餘長將入作聖僧鉢孟銅碗匙筯食巾廟屋燈燭等諸雜供養但不得將入常住僧及入私已用亦不得造聖僧形像置上座食堂頭像賓頭盧報身自來計供豈得推却索形而坐亦不得將聖僧物作餘聖僧阿難迦葉等形何以故以別屬物不得互用故律云許此處不得異用也

第五就座者此律云菩提王子請佛從於階下布衣令佛蹈上過世尊不受令却之爲未來比丘故又往食處不應雜亂叢聚而住應隨次坐上座入座已應看中座下座勿令不如法不善覆身若有者彈指令覺若遣人語知好如法坐中下座以去互看亦爾僧祇云不好覆身坐者謂著細生疎衣形體露現摩訶羅坐正坐不尼坐不正不待語恐其慚恥應作方便遣令取物若姪女故作者當自避去此律至請家被此

相問年歲大小訖坐若恐日時欲過聽上座八人尼  
次第坐餘者隨坐五百問事云若共師並坐更無別  
處者不得同樂食沙彌威儀經云若共師並坐飯  
當離師六尺此律云不應故在後往食上令諸比丘  
起見來亦不須起若未來者比坐開處尼應僧祇云  
若有可笑事上座應語言云何聖毗尼中出斷現齒  
呵呵而笑當忍之起無常苦空無我死想若不可止  
當以衣角遮口徐徐制止身不定者當動手足乃至  
折草漸漸自制義云若至死亡之家禁慎誼笑不得  
妄談世論致俗譏訶五分云若至諸處外有客比丘  
不得入諸主人聽入不許者語云與我食分自共等  
食又不許者應自語委知僧坊有食可往彼去然後  
乃食婆論云通集門外比丘一處喚一大者入更餘  
不集者亦喚入之雖打健稚終須不遮方得清淨尼亦  
同準今時齋處上座但憑自身飲食新長阿含經云  
利世慈門外客尼別衆等應聽衆得靜世尊計會常在衆中坐左面比丘右面清淨土也  
第六淨食者此律云上座應問云果菜淨未若言未  
淨令淨僧祇云上座當知誰看房看病等應語與食

若檀越惜者應語長壽法應與不得不與若日晚者  
應先發遣令去也

第七行香呪願增一云有設供者手執香爐而白時  
至佛言香爲佛使故須之也五百問事三千威儀經  
云不得立受香因此比丘受香女觸其手欲心發退道  
佛言若立受吉羅尼受男香事同但十誦云爲諸天  
聞唄喜故聞唄此律佛受買客變已然後呪願辯意  
長者子經云食前呪願僧祇云上座應知前人所施  
當爲應時呪願若不能者次座應說又不能者乃至  
下座都無者並得罪雜寶藏經云諸比丘若說法呪  
願當解時宜憂悲喜樂知得不得妄說今時導師食  
邊口要說者也  
第八受食者若欲受食先量已身德行優劣然後受  
食不得自大爲施所墮婆論云如農夫作者是功用  
果非威勢果食其子肉者是威勢果非功用果僧祇  
云告諸比丘計此一粒米百工乃成奪其妻兒之分  
求福故施云何棄之十誦云應觀是食難消難辦母  
論云每得食時應生厭心爲存身故又受人信施

不如法用入三塗中受大重苦若不受苦報者食他信施即破腹出衣即離身若前人無善而施者能施所施二俱爲施所墮智度論食爲行道不爲益身如養馬養猪無異伽論云若得食時口口作念得衣時著著作念入房時入入作念若鈍根者初得衣食房舍總作一念義云初欲食時先奉三寶六道衆生已後當食口口作念攝受作三歸之意初下一匙飯時願斷一切惡盡入第二匙時願修一切善法滿足入第三匙醬菜時所作功德迴施羣生普共成佛此則口口受得菩薩三聚淨戒豈非大益耶若不能口口作念前總作一念已然後食之亦得見論云若人施佛食誰合得食若有侍佛僧得食無僧白衣侍佛亦得食此律云供養佛塔治塔人得食增一云施中上者不過法施業中上者不過法業恩中上者不過法恩又施畜生獲福百倍施犯戒人獲福千倍涅槃經云因曠野鬼爲受不殺戒已告鬼言我今當勸聲聞弟子隨有佛法處悉施汝食若有住處不能施者即是天魔徒爲非我弟子五分云若與乞兒烏狗等應

量已分內減與不得取外施愛道尼經云出衆生食如指甲大智度論云鬼神得人一口食而千萬倍出也中阿含經云若死人布施祭祀者若生入處餓鬼中者得餘趣不得由各有活命食故若親族不生入處中者但施自得其福乃至施主生六趣中施福常隨以持戒但得人身必須餘福助報往生經云以亡人衣物作福死者七分獲一此律云未死已前所功德並屬此律云比丘得食便食爲俗譏實佛令唱現前人也等供已然後食僧祇待唱等供然後食若時欲過隨食無罪十誦云從今上座待唱徧聞等供聲一切僧共食五分云尼至請處未唱隨意食口口提下二衆吉增一經云諸王設供自手行食庶士同之此律若請二部僧先與比丘忍日過者一時與之僧祇云食時應護右手當以左手受飲食器注唇不得深含碗緣又不得觸著額鼻及飲盡留少許於口飯處滿棄之次與下座沙彌食上闍亂恐壞俗信以水澆灑者不犯弄水罪十誦云食著手不得振卻應拾取之僧祇云不得唧噥作聲食鼻奈耶律云不得藉鼻食

第九食法者僧祇云上座應徐食不得遽竟住看年少勿令狼狼食不飽滿應相望看之乃至待行水隨願呪願已然後乃止又云居士飯僧訖遺餘食料理與比丘婆論云出家僧尼白衣等齋訖不用澡豆末灰巨摩等漱口皆不成齋法如過去有比丘字蓮提六十歲持齋戒不闕唯一日用巨摩豆屑等成齋若不爾者皆不成齋若依此律但云知住時知坐時知臥時於四威儀中隨一時食五正食足便成齋不論澡豆

第十嗟嘆者雜阿含經云佛及比丘食已默去檀越生疑佛令上座爲說大觀乃至一偈云若爲利故施此利必當得若爲樂故施後必得快樂此律粥初出釜蓋不成字者無犯厚便是正食食足已後更食者僧提尼吉又施粥得五事善一除飢二除渴三消宿食四大小便調適五除風患僧祇云施粥得十利益持戒清淨人所奉恭敬隨時以粥施十利饒益於行者色力壽樂辭清辨宿食風除飢渴消是名良藥佛所說欲得人天長壽樂應當以粥施衆僧此律若上

座不能爲檀越說法呪願語能說者作若不語不受並結有罪若說大觀時上座四人相待餘者聽去三千威儀經云未飯不得爲人說法恐落邪命故今廣多指心齋前強婆論云要食後說法有四種益一索經讀亦是邪命爲消信施故二爲報恩故三令生歡喜心善根成就故四爲在家人應行財施出家人宜行法施故見論云聽說義時要撮諸文五分云諸比丘請破戒邪見諸根不具者歎咀說法因此惡人得勢又能辱僧佛言請法師三藏諸根具足者說伽論云若無能誦頌者當次第差若都無者各誦一偈能者不受偷闌此律令說諸惡莫作一偈增一經云諸惡莫作者謂戒具足清白之行諸善奉行者謂心意清淨自淨其意者謂除邪倒是諸佛教者謂愚惡想滅戒淨故意淨意淨故無倒無倒故惡想滅也

第十一還寺者五分云還寺去時上座八人相待餘人前去雜阿含經云諸比丘食竟皆入禪室坐禪隨從禪起而說法也今時末法僧尼食已廣營俗務市出家息惡之士細街巷廣營利是求何處

○屆寺篇第二十六

此篇大門有二第一入寺第二儀式

第一入寺者此律云舊比丘聞客來應出外迎爲受衣鉢安置溫室重閣及經行處供給水器等問舊比丘我若干歲有房分否答言有問有人住否若無人者應問有臥具利養器物房衣等否有者當取至房受已又問何處大小行淨地佛塔聲聞塔第一上座房乃至第四上座房等一一別問若不問者主人一示語乃至大客受房問主人已應禮佛塔次禮聲聞塔後禮第一上座乃至第四上座應偏袒右肩脫革屣右膝著地捉兩脚如是言大德我禮第四上座房內思惟應隨座次禮房主人一一示語十誦云若上座時見應禮難見遠者則止三千威儀經云若人他房具五法一於外彈指二當脫帽三作禮四正住教坐乃坐五不應經行五分住處不相識者聽同牀坐不得眠僧祇云舊比丘應語客僧一切僧家制限若伴已去者不得語令知云不及伴應語可小停息更應有伴必有急去者應給糧食囑累行伴五分

云白衣入寺應借臥具受用三千威儀經云新至此丘以十事與之一當避與房二當給所須三朝暮問訊四語以習俗五當教避諱六當語請到處七語僧教令入常某事可食九示縣官禁忌十語以賊盜處所也

第二儀式者五分若四威儀不如法者非爲於世而作大明僧祇云若行平視迴時合身迴中阿含經云若朝乞食守攝諸根乞食已收舉衣鉢澡洗手足以尼師壇著於肩上至無事處或經行坐禪淨心障已於中夜時入室臥四墊憂多羅敷牀上繫僧伽梨作枕右脇而當頭面向佛像處足足相累意想明相至後夜時速起如初夜法僧祇云頭向袈裟及和尚長老比丘初夜思惟自業至中夜右脇著下累兩脚合口舌柱上斷枕右手舒左手順身上不捨念慧思惟起想蓋云一切天人龍鬼是出家修道之緣於彼幽顯不得輕有犯觸雖居暗室常當自照十誦云燈明中不得眠母論云若過十臘有法事必能利益者雖師不聽自往無過僧祇云行時先下脚跟後下脚指



在道行欲宿還二年少比丘前覓宿處索前食後食  
 常白非時入聚落得已還報應展轉相白入尼年少  
有難不  
得先行待老少  
相看一時即到智論云出入來去安庠一心舉足下  
 足觀地而行避亂心為護衆生故是名不退菩薩相  
 僧祇云不得作駱駝坐應加趺坐若疲極者當互舒  
 一脚增一經云今聽比丘先以手憑座後坐此是我  
 教十誦云無病不得晝臥若患眠應起經行見論云  
 臨欲眠時先思於六念也三千威儀經云不得於上  
 座處坐亦不得與三師並坐十誦云聽法時上座來  
 不應起起者吉羅若和尚阿闍梨恭敬故自起不得  
 令他起吉羅乃至聽法不得與沙彌同牀坐沙彌得  
 與白衣同牀坐大比丘三夏亦同牀坐三千威儀經  
 云欲上牀時當具七法一當徐却踞二不得匍匐上  
 三不得使牀有聲四不得大拂牀有聲五不得大欠  
 大吒歎息思惟世事六不得羣狗臥七起以時節心  
 走不定當自責本起母論云比丘食著睡眠廢捨三  
 業不復行道金剛力士訶責佛言食人信施不應懈  
 息夜二時中應坐禪誦經經行一時以自消息是名

臥法僧祇臥法如師子王不得眠至日出應於後夜  
 當起正思惟已棄又仰臥者修羅覆者餓鬼臥左脇  
 貪欲人臥也

○懺悔篇第二十七

此篇大門有六一懺波羅夷法二懺僧伽婆尸沙法  
 三懺偷蘭遮法四懺波逸提法五懺波羅提舍尼  
 法六懺突吉羅法

第一懺波羅夷法者此有三種一懺儀二懺法三行  
 法第一懺儀者此律比丘比丘尼犯波羅夷已都無  
 覆藏心令如法懺蓋師云不許尼懺者  
此是有文不許也僧祇云若犯  
 罪已啼哭不欲脫去袈裟深樂佛法令與學悔羯磨  
 比丘不淨食彼亦不淨食得與比丘授食除火淨五  
 生種及捉餘金銀等應從沙彌尼受食亦準  
同也十誦云  
 若有犯此重戒者如法乞羯磨佛所結戒一切受行  
 在大比丘尼下坐不得與大比丘尼過三夜宿自不  
 得與白衣沙彌尼過三夜宿得為僧作布薩自恣二  
 種羯磨仍不得自足僧數餘一切羯磨皆不得作得  
 受夏也尼亦  
準同伽論云謂無能作者得作前二種法大

唐波頗三藏云。經自言犯重及有三根。自他相對。並成說淨受衣等。阿毗跋律云。有比丘名僧伽婆。數違犯。經便自覺。捨錫杖。法衣。誓小舍。勸出入。大唱云。我是十方三世佛。賊偏求自悔。至持律所知。其犯重。即化作一大火坑。僧伽婆。數便束身。走投火。火即變成涼池。律云。汝心如是。戒還得之。無破戒罪。即得羅漢。如僧伽婆。四事皆爾。母論云。與白四悔法。已名清淨。持戒。但此一身不得超生。離死。然障不入地獄。治禪病。經云。犯重比丘。將欲懺悔者。脫去僧伽梨。著安陀會。五體投地。如泰山崩。心生慚愧。供僧苦役。掃廁。掃糞。如是。經八百日。已後。香湯洗浴。著僧伽梨。入塔。觀像。見好。瑞應。有證。後為僧誦戒。滿八百遍。方得清淨。也。虛空藏經。佛名等經。若比丘。比丘尼。犯四重五逆。悉許得懺。然此諸經。並是大乘。若欲捨懺。特須自驗。根性。審看。經意。然後得悔。不得見有斯經。便慢律教。

第二懺法者。犯尼應具威儀。脫新衣。著故五條。至心懺悔。來至僧中。五體投地。舉聲大哭。如泰山崩。自發

露云。我是佛法中大賊。偷形出家。行非犯重。冒僧清衆。自非他懺。罪中之極惡。中之大省。已患過難。逾於我汚辱。凡聖壞滅佛法。恨不碎身如塵。歷劫重謝。苟貪性命。但延朝夕。蒙世尊慈訓。懺法。誘罪人。冀免來報。願大眾慈悲。布施悔法。作如是已。然後請云。

大姉僧聽。我比丘某甲。犯不淨行。不憶數。或互用三寶物。盜滿五錢。不憶數。或共男子互相摩觸。不憶數。或犯八事成重。不憶數。或知他犯重。故作覆心。不憶數。此等諸罪。犯已。都無覆藏心。今從衆僧乞波羅夷戒。若僧時到。僧忍聽。僧今與某甲比丘尼。波羅夷戒。白如是。

上座問云。

僧今和合。何所作。為答云。與波羅夷戒。羯磨。

大姉僧聽。此比丘某甲。犯不淨行。不憶數。或互用三寶物。盜滿五錢。不憶數。或共男子互相摩觸。不憶數。或犯八事成重。不憶數。或知他犯重。故作覆心。不憶數。此等諸罪。犯已。都無覆藏心。今從衆僧乞波羅夷戒。若僧時到。僧忍聽。僧今與某甲比丘尼。波羅夷戒。白如是。

大姉僧聽比丘尼某甲犯不淨行不憶數或互用三寶物盜滿五錢不憶數或共男子互相摩觸不憶數或犯八事成重不憶數或知他犯重故作覆心不憶數此等諸罪犯已都無覆藏心今從衆僧乞波羅夷戒僧今與某甲比丘尼波羅夷戒誰諸大姉忍僧與比丘尼某甲波羅夷戒者默然誰不忍者說三說僧已忍與比丘尼某甲波羅夷戒竟僧忍默然故是事如是持

第三行法者此律云犯波羅夷戒已當奪三十五事一不應授人大戒二不應受人依止三不應畜沙彌尼四不應受僧差教授比丘尼五若僧差不應往教授尼無此二應有半月六不應說戒七若僧中問答毗尼義不應答八若衆僧作羯磨不應作九僧中揀集智慧者評論衆事不得在列十若僧差作信命不應作十一不得早入聚落十二不得逼暮還十三不應親近比丘十四不應親近白衣外道十五應好順從諸比丘尼教不應作異語十六衆僧隨所犯爲作訶責羯磨已不應復更犯此罪餘亦不應犯謂爲初爲作阿

責下四事亦不應十七若相似若從此生者若相似犯故名餘亦不應犯若初學也若從此生者謂根本上方便生如十八若爲初學經戒作阿育而共男子解處坐是也復重於此謂犯初學不覆十九不應緣羯磨二十不應緣羯磨人二十一善比丘尼爲敷坐具供養不應受二十二不應受他洗足二十三不應受他安洗足物二十四不應受他拭革履二十五不應受他揩摩身二十六不應受他善比丘尼禮拜二十七不得受他合掌二十八不得受他問訊二十九不得受他迎逆三十不得受他持衣鉢三十一不應舉善比丘尼爲作憶念作自言三十二不應證他事三十三不應遮布薩三十四不應遮自恣三十五不應共善比丘尼諍又不得衆中誦律無能者聽與波羅夷戒已僧說戒及羯磨時來與不來俱不犯若重犯姪戒應當滅擯若犯餘篇依聚得懺

第二機僧伽婆尸沙法者此有六種一釋名二乞懺三奪事四雜行五出罪六誠易

第一釋名者婆論云僧伽者名僧婆尸沙者名殘若犯此罪垢穢行人非全淨用有殘之罪須僧除滅故

名僧殘摩那婁者見論云秦言意喜謂比丘犯僧殘行覆藏已前雖自意歡喜亦生慚愧亦使僧喜由前喜故與其少日故始得喜名衆僧歡言此人因茲改悔更不起犯戒得清淨故名意喜阿浮呵那此名出罪羯磨見論名為喚入衆亦名拔除罪法母論云謂清淨戒生得淨解脫善持起去故名阿浮呵那第二乞懺者若欲懺此罪無問有覆無覆制在二部僧中半月行之數各滿四人已上若作出罪僧尼兩衆數各二十不得減少然請僧之時須請耆年明解律者令尼生敬不起慢意下至四僧多則彌善安置尼寺別院不生讎嫌處僧尼二衆各須結界懺竟僧却解之懺尼來至二部僧中具修懺儀脫去七條已偏露右肩塗跣合掌曲身低頭自慨此罪垂入重處曲蒙慈悲特賜懺法自惟我身佛法中賊詐被法服冒濫清衆持已高行望他尊敬惡中之惡無過我等舉聲悲泣盡心自責如是誠已四向禮僧竟來至羯磨師前長跪合掌住傍人取其犯名教乞羯磨師教亦得

大德僧聽我比丘某甲故犯媒嫁男女得僧殘罪不憶數或犯言人得僧殘罪不憶數或犯獨渡水獨入村獨宿獨在後行得僧殘罪不憶數或受染心男子衣食得僧殘罪不憶數隨起多少解今從衆僧乞十五夜摩那婁願僧與我十五夜摩那婁慈愍故說三羯磨師問云

僧今和合何所作爲答作十五夜摩那婁羯磨大德僧聽比丘尼某甲故犯媒嫁男女得僧殘罪不憶數或犯言人得僧殘罪不憶數或犯獨渡水獨入村獨宿獨在後行得僧殘罪不憶數或受染心男子衣食得僧殘罪不憶數今從衆僧乞十五夜摩那婁若僧時到僧忍聽僧與比丘尼某甲十五夜摩那婁白如是

大德僧聽此比丘尼某甲故犯媒嫁男女得僧殘罪不憶數或犯言人得僧殘罪不憶數或犯獨渡水獨入村獨宿獨在後行得僧殘罪不憶數或受染心男子衣食得僧殘罪不憶數今從衆僧乞十五夜摩那婁僧今與比丘尼某甲十五夜摩那婁誰諸長老忍

僧與比丘尼某甲十五夜摩那捶者默然誰不忍者  
 說如是僧已忍與比丘尼某甲十五夜摩那捶竟僧  
 忍默然故是事如是持

第三奪事者羯磨師作法已當誡勸云善女人聽是  
 白四羯磨是聖教良藥遵之在心誓二十五事是折  
 伏法勿得有違執衆勞苦更奉淨尼是調伏法一一  
 順行白等八事是發露法宜加省愧深自慨責憶念  
 依行日日作白勿令違闕闕者失宿自慢慢他既示  
 誨已因僧集時即作白云

大德僧聽我比丘尼某甲故犯媒嫁男女得僧殘罪  
 不憶數或犯言人得僧殘罪不憶數或獨渡水獨入  
 村獨宿獨在後行得僧殘罪不憶數或受染心男子  
 衣食得僧殘罪不憶數已從僧乞十五夜摩那捶僧  
 已與我十五夜摩那捶我比丘尼某甲從今日行摩  
 那捶白二部僧令知我行摩那捶白

若已行一夜者餘詞同上乃至云

僧已與我十五夜摩那捶我比丘尼某甲已行一夜  
 竟餘十四夜在白二部僧令知我行摩那捶白

◆ 差疑蓋

事可知若謂尼各別處者當先至僧所白云大德餘句  
 同前後至尼所作白云大德僧聽等餘句同上恐作云  
 一處總白顯著

若外客僧尼來入界時皆應作白云大德一心念下

大令知我行摩那捶中問白同若外客多時應白云

諸大德一心念等餘亦同上若外客僧尼年耆宿老

者待至房內安置坐已然後作白亦得作白之時恒

生慚愧悲慨自責不生戲笑外客受白亦生慚愧不

得輕弄如是行法客主應教外生物善

第四難行者此律云得摩那捶時亦同行覆法唯僧

中宿日日白僧爲異應日三時見清淨僧一切如法

作不應違逆至布薩日應掃灑布薩處供給水器具

舍羅等在小房中住不應二人共宿尼行應得若衆

僧衣物得隨天取之在大比丘尼下式又尼上坐不

得與清淨比丘尼共經行同一牀一版應作隔斷已

然後坐應供給清淨二部僧見有客來代擔衣鉢乃

至洗除開脚勿令慢情不得在屏房內以客來不見

故應至小屋繩牀居在門首伺候外客勿令默入不

知若大衆難集若不欲行若彼人軟弱多有差愧應



至僧所白云

大德我今日捨勸不行說

若欲行時還至僧所白云

大德我今日隨所教勸當作說

見論云行別住人有人請喚或與人受戒得停行法  
事罷續行若寺中多有比丘尼來去難白晝日得捨  
行法明相未出還須自行十誦云乃至夜法白僧停  
得二十五夜此律云其懺尼得更互作使禮拜迎逆  
亦得受沙彌等禮拜有八事失夜法應當慎護一往  
餘寺不白二有客比丘尼來不白三有緣事自出界  
外不白四界內徐行者不白五病不遣信曰六大僧  
不得二人同室宿尼應七在無比丘尼處住八不半  
月半月說戒時白尼應作白此之八事不得違闕隨  
違一事卽失一宿

第五出罪者此懺尼次第具行十五夜法已應淨剃  
髮著受七條被覆肩衣著淨草屣具修威儀來至二  
部僧中四向禮僧足殷勤虔懇責悔先罪自惟罪覺  
生女人中汙染僧衆其過甚多今蒙大德等慈悲示

悔得免諸障不勝喜躍如是謝已後乞出罪云

大德僧聽我比丘尼某甲故犯媒嫁男女得僧殘罪

不憶數或犯言人得僧殘罪不憶數或犯獨渡水獨

入村獨宿獨在後行得僧殘罪不憶數或受染心男

子衣食得僧殘罪不憶數已從衆僧乞十五夜摩那

睡僧已與我十五夜摩那睡我比丘尼某甲行十五

夜摩那睡竟今從衆僧乞出罪羯磨願僧與我出罪

羯磨慈愍故說三

羯磨者問僧云

僧今和合何所作爲答作出罪羯磨

大德僧聽此比丘尼某甲故犯媒嫁男女得僧殘罪

不憶數或犯言人得僧殘罪不憶數或犯獨渡水獨

入村獨宿獨在後行得僧殘罪不憶數或受染心男

子衣食得僧殘罪不憶數已從衆僧乞十五夜摩那

睡僧已與比丘尼某甲十五夜摩那睡此比丘尼某

甲已行十五夜摩那睡竟今從衆僧乞出罪羯磨若

僧時到僧忍聽僧今爲比丘尼某甲作出罪羯磨白

如是

大德僧聽此比丘尼某甲故犯媒嫁男女得僧殘罪不憶數或犯言人得僧殘罪不憶數或犯獨渡水獨入村獨宿獨在後行得僧殘罪不憶數或受染心男子衣食得僧殘罪不憶數已從衆僧乞十五夜摩那婬僧已與比丘尼某甲十五夜摩那婬此比丘尼某甲已行十五夜摩那婬竟今從衆僧乞出罪羯磨誰諸長老忍僧與比丘尼某甲出罪羯磨者默然誰不忍者說如是僧已忍與比丘尼某甲出罪羯磨竟僧忍默然故是事如是持

第六誡勸者律師作羯磨已當誡勸云諸師等諦聽今時經像季法逐人訛犯者競與悔意轉姦難樂剃髮染衣俗情猶在是以能受能破厭戒厭持不欣懽犯好入地獄苟求資蔭不希出世今既犯戒願同斯願賴蒙改悔策勵前非懺於先罪誠爲大誠故論云若有二十清淨比丘出僧殘罪者我法不滅今善女人等已與隆正法令不斷絕則是眞佛子能觀三寶重恩復使凡聖欣慶道俗欽仰自今已後願更莫犯如護鵝珠草繫比丘無異假令與懺因緣難辨今末

法中強比丘尼多尙不欲聞其名況當聽汝懺悔如是誠約令息後犯諸懺尼等一時合掌答言頂戴奉持願盡未來際終不敢犯然後唱證而散若有犯捨提罪因此衆集總懺令得亦

四分律比丘尼鈔卷下之上

四分律比丘尼鈔卷下之下

第三懺偷蘭遮罪者別有兩種一出罪輕重二出懺儀式

第一出罪輕重復有二節一初篇下從生方便偷蘭遮二不從篇下生者名爲獨頭偷蘭遮第一從生方便復有三品一上二中三下故十誦云從初篇下生重此近方便蘭應一切僧中懺若初篇下生輕二篇下生重者應界外四比丘衆懺若二篇下生輕者應界內一比丘前懺尼僧準同上來雖分輕重然未識罪名自下具顯出之後時與懺令識易行

初篇生重者就厄八重中且逐數犯者述其三五如欲犯姪共男子身口交觸未得暢遂得初篇方便重偷蘭遮或欲盜五錢已捉物著因緣不遂得重偷蘭遮或受男子摩觸腕已前膝已下隣近重境得重偷蘭遮或欲犯八事已犯前七重犯第八遇緣不遂時重偷蘭遮或知他犯重欲作心覆未經明相臨曉悔露得重偷蘭遮如是等罪並依十誦一切僧中悔此名上若從初篇生輕者如欲犯姪犯盜等已隣近人物者因緣不遂得初篇方便輕偷蘭遮二篇生重者如欲媒嫁受男家語將報女家受女家語還男家臨報還悔得重偷蘭遮或言人口說至官欲道名字方便還悔得重偷蘭遮或獨入水待後伴欲雙腳上岸方便還悔得重偷蘭遮或獨行至村臨越村界方便還悔得重偷蘭遮或獨宿離伴伸手外意臨至明相方便還悔得重偷蘭遮或獨在後行欲俱離見聞垂離還悔得重偷蘭遮上來兩篇輕重二位依十誦界外四比丘前懺此名中品

第二篇生輕者如欲媒嫁受男家語將報女家未至

還悔得第二篇方便輕偷蘭遮或言人口說未道名字方便還悔得輕偷蘭遮或疾疾入水待後伴方便還悔得輕偷蘭遮或獨入至村未入村界方便還悔得輕偷蘭遮或獨宿離伴去明相猶遠方便還悔得輕偷蘭遮或欲受染汗心男子衣食未得入手方便還悔得輕偷蘭遮並依十誦界內對一比丘前懺此名下品第二獨頭偷蘭遮者準十誦有三品若受用石鉢傾心裂破五衣著外道衣灌下部露身行畜用人髮食生肉盜一二錢等並對一人前懺此名若破羯磨僧盜得三錢共男子摩觸一有衣一無衣等並對四人前懺此名若盜得四錢盜僧食共男子摩觸腕已前膝已下並界內對一切僧前懺此是此律別衆戒中大衆者若過四人若據此文縱犯中品罪亦名大衆懺小衆者下減淨健度中若二三人名為小衆若據此文十誦對二人懺者亦名小衆也此律教二人行姪成者偷蘭遮不成者突吉羅亦是自性偷蘭遮應對小衆懺

第二出懺儀式者別有三節一大衆法二小衆法三

一人法

第一大衆法若欲懺悔要五人已上得受他懺懺主作單白和僧羯磨不落僧數又依婆論無問輕重悉從僧三乞已然後請懺主對首三說如懺波逸提法犯尼具修威儀來至僧中問訊長跪云

大姉僧聽比丘尼某甲故犯不淨行已共男子身口

交觸未得暢遂犯初篇方便重偷蘭遮罪不憶數或

犯盜用四錢得獨頭偷蘭遮罪不憶數說三今

從衆僧乞懺悔願僧聽我懺悔慈愍故

次至懺悔主邊禮已請云

大姉一心念我比丘尼某甲今請大姉爲偷蘭遮懺

悔主願大姉爲我作偷蘭遮懺悔主慈愍故

次懺主尼先作單白和僧云

僧今和合何所作爲答單白懺重偷蘭遮罪

大姉僧聽比丘尼某甲故犯不淨行已共男子身口

交觸未得暢遂犯初篇方便重偷蘭遮罪不憶數或

犯盜用四錢得獨頭重偷蘭遮罪不憶數今從衆僧

乞懺悔若僧時到僧忍聽我受比丘尼某甲懺悔白如是

白已廣爲說罪相語云大姉今依婆論云犯戒有三一犯業道罪二犯惡行罪三犯戒罪又懺法有四一更相易脫懺是凡愚懺二永斷相續懺是凡智懺三焦業懺是賢人懺四滅業懺是聖人懺汝既出家爲尼雖非賢聖亦應作上品凡智永斷相續懺既居凡位孰能無犯犯已能悔是第二健人佛制禁戒寧死不犯如護鵝珠草繫比丘此是第一健人汝已破佛淨戒今生懺悔即是第二健人若不懺者便是地獄之人唐受信施如熱鐵纏身冒受他食如咽熱鐵丸出入行來猶如獵師內懷腐爛外現完淨詐誑清衆望人師敬心無慚耻畜生無異如是方便誨責令永斷前罪兼息後犯懺尼聞法已發大慚愧起殷重心然後捨罪云

大姉一心念我比丘尼某甲故犯不淨行已共男子身口交觸未得暢遂犯初篇方便重偷蘭遮罪不憶數或犯盜用四錢獨頭重偷蘭遮罪不憶數今向大

姊發露懺悔不敢覆藏懺悔則安樂不懺不安樂憶念犯發露知而不覆藏願大姊憶我清淨戒身具足清淨布薩三說

次懺主訶責問云汝識是罪否答言識又懺主語云毀犯甚易懺悔極難自責汝心當生厭離乃至形枯命終更莫毀犯答言頂戴持不敢更犯

第二小衆懺者十誦云若四人受他懺則無單白和僧之儀止得同問邊人諸王同前受懺尼問邊人云諸大姊等聽我受此比丘尼某甲懺悔否諸尼答云姊好

懺主尼為說罪相與同

大姊一心念我比丘尼某甲故犯姪盜滿五錢已鄰近人物因緣不遂犯初篇方便輕偷蘭遮罪不憶數或犯媒嫁受男家語將報女家受女家語欲報男家臨報還悔犯第二篇方便重偷蘭遮罪不憶數或盜用三錢得獨頭中品偷蘭遮罪不憶數不敢覆藏懺悔則安樂不懺不安樂憶念犯發露知而不敢覆願大姊憶我清淨戒身具足清淨布薩三說已下同答要期並同前法

第三一人法者諸懺主說罪相此二同前

大姊一心念我比丘尼某甲故犯媒嫁受男家語將報女家受女家語欲報男家未至還悔犯第二篇方便輕偷蘭遮罪不憶數今向大姊發露懺悔不敢覆藏懺悔則安樂不懺不安樂憶念犯發露知而不覆藏願大姊憶我清淨戒身具足清淨布薩三說同答要期並同

述前

此方便獨頭偷蘭遮並還有方便獨頭吉羅如欲犯初二篇罪欲動身口過緣還止得方便吉羅如欲盜四錢媒嫁等關緣不果得獨頭吉羅此之兩品各有經夜隨夜展轉覆

第四懺波逸提法者此有兩重一懺三十捨墮二悔波逸提罪就初又二一衆法難行略而不述二明對首易懺別有七重一簡財二捨財三捨罪四還衣五忘物六捨寶七雜法

一簡財者若犯長中除八不淨財餘一切須說淨者無問輕重皆須說淨如尼十六枚器有長不說淨並制有罪豈非重八不淨財十六枚器等如上隨戒中說若是長財未被說淨者唯除負債未入手或他寄來或買得他物斷



價已定先未入手皆不須捨已曾入手令寄他邊此須索捨若已入手中除共物未分捨與三寶決屬乞他或香案巾氍毹戶簾幕牀帷席等並不合捨十誦云牀褥席氍毹衣帳等悉屬房物不須說淨經巾鉢囊臥具非身著用者皆不犯長若著用中鞋襪履襪非衣所攝者不須集捨自外供身之具無問莊嚴皆須集捨五衣之中隨多少離宿犯捨者至時文中一一別稱次販賣捨中謂自手於俗人邊買衣食具一切鉢器瓶碗鞋襪等無問輕重多少雖非犯長無非自口斷決爭價上下乃至增減一錢即成賣買皆犯捨墮自外田宅奴婢車乘机案等同人不淨財不須集捨但作吉羅懺以體是重物不能隨身修道用故若生活至多散在餘處財當別捨其罪同懺懺竟諸處次第還衣亦得

第二捨財者應將合捨之物來向自然界中或至白衣家或作法界內無僧唯有二尼已下並得對首捨衣總束此物至懺主尼前放地已具修威儀四向禮佛竟次禮懺主尼三拜竟然後近衣物邊長跪手執

## 衣物捨云

大姉一心念我比丘尼某甲故畜多長財過十日不說淨犯捨墮離五衣宿犯捨墮販賣得財犯捨墮迴僧物犯捨墮互乞蘇油犯捨墮週現前僧食直作衣犯捨墮過畜長鉢經宿不說淨犯捨墮過畜十六枚器經宿不說淨犯捨墮共賣衣已後強奪得犯捨墮如是衆多衣物犯捨墮不憶數乃至三十戒中應其今持此衣物捨與大姉若違有四尼者應云捨與諸大姉若有二尼者應云捨與二大姉一說便得

第三捨罪者先請一清淨比丘尼爲懺主謂不犯八重十三難若犯下四篇已經懺悔者三根清淨得爲懺主不爾反成自累何成益物故律云有犯者不得受他懺悔不得向有犯者解罪既知此已省已行之

大姉一心念我比丘尼某甲今請大姉爲波逸提懺悔主願大姉爲我作波逸提懺悔主慈愍故三  
次懺悔主先問傍尼云大姉等聽我受此比丘尼懺悔否傍尼答云好傍若無尼則不須此問也次受懺爲尼答云受

爲字一有

汝懺悔然後廣說罪惡果報云大師既是佛弟子依  
佛出家行佛淨戒今故毀破何名尼也佛制禁戒寧  
死不犯令衣鉢隨身長衣說淨今違聖教名破戒人  
心無慚耻受他信施若受他食卽是洋銅灌口著他  
施衣便是熱鐵纏身若死入地獄飢吞熱鐵丸渴飲  
沸銅汁無量歲中受諸苦惱後生爲蟲常在廁中以  
食不淨故或生寒鴉無毛身中或生裸國中常無衣  
服以離五衣宿故受苦如是師姊今可發大慚愧自  
向佛僧求哀懺悔如是懺悔已先懺吉羅後悔提罪  
如犯長衣曾經著用兼聽說戒隱覆不懺便生八罪  
謂覆提有二善妄有二覆隨著妄有四此之八品並  
號吉羅若計犯數乃有無量皆入懺中應云不憶數  
或無覆者則不須此乃至七聚亦有覆隨吉羅準說  
可知懺此八應對一人悔問何以得知此八得對一  
人悔答準論云故作者對一人悔誤作者自實心懺  
明了婆論並云輕者責心重者對人此則文顯理通  
於義不乖比來諸師多引律文又有小罪不從人懺  
依此一教遂卽雷同總判責心良恐非法然律不從

人懺者謂誤作也論對人者謂故作也此則律論各  
談一見曾通皆得今犯此八並隱而不說豈得誤輕  
耶若欲懺者應請一清淨比丘尼爲懺悔主具修威  
儀至懺悔主前云

大師一心念我比丘尼某甲今請大師爲突吉羅懺  
悔主願大師爲我作突吉羅懺悔主慈愍故三  
次捨罪云

大師一心念我比丘尼某甲故畜長衣經十日不說  
淨犯捨墮不憶數一課作法餘犯類議知是罪故作  
心經夜覆藏得突吉羅罪不憶數第二夜已去乃至  
多夜隨展轉覆藏得突吉羅罪不憶數經僧說戒時  
尼八處三問犯默妄語得突吉羅罪不憶數識知此  
罪故經夜覆藏得突吉羅罪不憶數因此更有故犯  
突吉羅罪次下篇今向大師發露懺悔不敢覆藏懺  
悔則安樂不懺不安樂憶念犯發露知而不覆藏願  
大師憶我清淨戒身具足清淨布薩一說  
次懺提罪云  
大師一心念我比丘尼某甲故畜衆多長衣過十日

不說淨犯捨墮故離五衣宿犯捨墮販賣得財犯捨

墮各不憶數憶數云憶五次一向憶數且是數犯一

一作法自外隨三十中犯之多少入

罪不憶數又犯捨衣財已用壞盡是中亦犯根本波

逸提罪不憶數衣財現在則不須此犯今向大師發

露懺罪不敢覆藏懺悔則安樂不懺不安樂憶念犯

發露知而不敢覆願大姉憶我清淨戒身具足清淨

布薩三說

懺主語云汝識是罪否答云識又語云自責汝心生

厭離意乃至形枯命終更不得犯如護鵝珠草繫比

丘無異答頂戴持不敢更犯

第四還衣者若捨長衣長藥十六枚器等並由貪心

過畜不說故必須經宿還為斷相續故若捨離衣宿

販賣得諸物並須常座還之若犯長衣等有遠行因

緣不得經宿者懺主尼即座展轉付彼知識尼得衣

已屏處與之亦得

第五忘捨衣財者謂捨衣已或還衣竟而未說淨忽

見本捨之財即生已想還成相染一切不成更將總

捨若衣已說淨後見本忘物前捨並成淨法不失後

忘元物或別捨若衣已捨未還主者見本忘物即須

別捨共本捨衣總還其主令同說淨既知捨財不易

未捨物前應總作念云現集之財今並將捨已外忘

財不集者決定捨與三寶同學知識之意如是念已

後見本忘物無問早脫前捨並成若捨已還未得說

淨見本忘物方生捨念者不成由染意前生捨心後

起故此謂長財捨還見長財等故有相染若見本

忘物是販賣財者無相染義若捨墮還竟見本長財

過十日者此入相染之例便作長犯捨之以販賣財

罪已捨懺竟同是長財也

第六捨寶者當取所畜錢寶金銀等捨與知法白衣

淨人云此是我所不應畜汝當知之成捨法捨已其

罪對尼懺懺主未捨罪前應問所畜錢寶並捨與白

衣淨人未答已捨若未捨者教如法捨已然後罪同

前懺自餘穀米等並同前說淨篇述

第七雜法者此別對首法若能所滿四人已下但使

無僧不問作法自然界中並成對首若能所滿五人

●下  
一有

已上作法界內及戒場上不合對首應作衆法捨之  
縱自然界及白衣舍亦不合對首捨以正懺悔時尼  
唯是所懺不落僧攝餘尼展轉懺竟還墮僧數又餘  
懺尼雖未捨懺以體是大尼豈非僧攝既成僧故何  
得對首捨懺若知不易衆法復難欲得受多尼捨懺  
之時令諸懺悔尼總向大界內坐懺主尼一一喚來  
入自然界內如是展轉作法乃受無量皆成如法不  
爾之時徒自費功財還不淨慮爲獨善數見僧尼共  
行此法別疏記之

第二單懺百七十八單提法此中分二一若有覆藏  
突吉羅亦有輕重兩位謂輕者責心重者對人此二  
法下懺突吉羅中具說二若犯提吉不覆藏者則不  
須此今且懺根本捨罪法具修威儀請清淨比丘尼  
懺悔已傍尼答云好邊若無尼受尼語懺悔尼云某  
甲身器豈得清淨非行者良緣大姊既犯佛戒還須  
向佛懺悔譬如因地而倒還須託地而起如是生殷  
重心請十方諸佛同時加被爲我證明兼說利養難  
消出家難得種種方便隨時諷責大同捨墮中說廣

誠勸已告言罪相如是何得隱藏若欲懺悔具須陳  
說除疑不識後當決了見論云若生時惡罵彼人彼  
已入涅槃能罵者求懺悔當於涅槃處作懺悔懺悔  
已天道門不閉如是語已次教捨罪云自下單提犯  
罪數犯者違之者不論僅有誤犯任情在處計理應  
一一作法餘犯類類可知然尼衆等持律者希犯過  
者多恐臨時懺悔不識名  
種今數犯者具述如左

大姊一心念我比丘尼某甲犯故妄語毀訾語兩舌  
語共男子同室宿共未受具戒人同室宿過三夜與  
未受具人同誦向未受具戒人說他尼惡罪自手掘  
地壞生種露處敷僧臥具不舉屏處敷僧臥具強敷  
僧臥具懺他比丘尼用蟲水別衆食非時食食殘宿  
食不受食共男子屏坐共男子露坐觀軍陣飲酒水  
中戲擊擲他不受諫恐怖他減半月洗浴露地然火  
藏他衣鉢著白色三衣故斷畜生命飲蟲水不攝耳  
聽戒心打比丘尼手搏比丘尼捉遺落寶非時入  
棄落過量造牀食蒜薤三處毛洗淨過分乞生五穀  
觀伎樂共男子入屏障處立語共男子入屏處輒坐  
白衣牀共男子入暗室瞋心呪詛一握臂露身共尼



同牀口惱他同活尼病不看三時無事遊行泉渠水中露身洗浴。輒著他衣與白衣作使自手紡績度諸遮童女不以二事輒授弟子受戒已離和尚出去多度弟子不半月謂教誡不謂僧自恣不依僧安居。不白僧入寺訶罵比丘衆。不白衆使男子治難背誦於家生嫉妬用香塗身。乘行不著祇支入村不安居。輒問大僧義。百夏尼不禮小比丘如是等並犯波逸提罪。不憶數。憶數云憶今向大姊發露懺悔不敢覆藏懺悔則安樂。不懺不安樂。憶念犯發露知而不覆藏。願大姊憶我清淨戒身具足清淨布薩。說三

懺已語云汝識是罪否答識又語云

自責汝心生厭離意自今已去更莫重犯如護鷄珠草繫比丘無異答云頂戴持不敢重犯

第五懺波羅提提舍尼者此門先請懺悔主云

大姊一心念我比丘尼某甲今請大姊爲波羅提提舍尼懺悔主願大姊爲我作波羅提提舍尼懺悔主

慈愍故。三說若有覆藏雖有輕重兩位吉羅應先發後吉後發根本如上說之兼說利養難消若

惡果報如前說之

大姊一心念我比丘尼某甲無病經居士家自乞蘇油等不憶數。憶數云憶數犯多少稱之

大姊我犯可訶法所不應爲今向大姊發露懺悔過不敢覆藏懺悔則安樂。不懺不安樂。憶念犯發露知而不覆藏。願大姊憶我清淨戒身具足清淨布薩。說一誠責要期並如前說

第六懺突吉羅者此律有二一則故作犯根本突吉羅又重犯非威儀突吉羅二不故作直犯非威儀突吉羅此中亦有從生獨頭二罪如從諸篇下生者無問輕重以發心不善欲動身口並入故作攝如疑戒發心動身口而未起方便色等乃至突吉羅中發心欲令身不齊整著五衣等不簡輕重並須對人一說悔若獨頭吉羅如衆學百戒等不從諸篇後生者亦有故誤兩罪故作作者對人誤作者責心今先對故作重者有二先懺覆吉後悔根本不得以名同故共根本合懺故下律云若犯僧殘作僧殘意覆藏應教作突吉羅懺已與覆藏羯磨犯波逸提乃至突吉羅惡說亦如是問如初篇方便重吉乃至第五篇輕重既



大姉一心念我比丘尼某甲。今請大姉爲突吉羅懺悔。主願大姉爲我作突吉羅懺悔。主慈愍故。三

次捨罪云

大姉一心念我比丘尼某甲故犯姪戒未動身口前方便得突吉羅罪不憶數識知是罪故經夜覆藏得突吉羅罪不憶數第二夜已去乃至多夜隨展轉覆藏得突吉羅罪不憶數又犯著用衣不齊整得獨頭突吉羅罪不憶數識知是罪故經夜覆藏得突吉羅罪不憶數第二夜已去乃至多夜隨展轉覆藏得突吉羅罪不憶數犯此根本方便獨頭得突吉羅罪不憶數今向大姉懺悔不敢覆藏懺悔則安樂不懺不敢覆藏發露知而不敢覆顯大姉憶我清淨戒

一得說

我比丘尼某甲敬白十方諸佛。證知弟子某甲不悞。

威儀坐起不如法著衣不齊整或犯戲笑妄語等識  
知是罪經夜覆藏得突吉羅罪不憶數第二夜已去  
乃至多夜隨展轉覆藏得突吉羅罪不憶數又犯根  
本壞非威儀得突吉羅罪不憶數今向十方諸佛發  
露懺悔不敢覆藏懺悔則安樂不懷不安樂憶念犯  
發露知而不敢覆願十方諸佛憶我清淨戒身具足  
清淨布薩

若犯罪未經明相出或識犯或疑犯遍說戒日未卽懺者應至一清淨尼所發露先憶得罪云

大姉一心念我比丘尼某甲犯某罪未得懺悔今同  
大姉發露後當如法懺悔一說

次發露罪云

大姊一心念我比丘尼某甲於某事上生疑未得決了今向大姊發露後無疑時當如法懺悔一說便得後覆還成又如前發露之

○送終篇第二十八

此篇大門有六一制看二箇人三供侍四安置五誠法六殯終

第一制看者夫人之形多諸嬰累四大互反六腑難調若不互看命無所寄是故律云汝曹不相看視誰當應爲乃至世尊爲病人說法洗除大小便已便立制云自今已去應看病比丘應作瞻病人若供養我者應供養病人世尊是極果之人猶親自看病況同法義重如何相棄

第二箇人者此律云若病者聽和尚阿闍黎乃至同和尚同闍黎若弟子等從親至疎看若都無者衆僧應與瞻病人而不肯看應次第差又不肯者如法治準若無者乃至七衆優婆塞等應看不應闍比丘同前準僧祇云當隨病人多少差往若不看者一切

僧得罪若道逢比丘乃至病應覓車乘載令歸如法供養乃至死時應闍維殯埋不得捨棄下二衆亦然

第三供侍者僧祇云若病人衣鉢外有醫藥直者取之供給無者衆僧應與若僧無者彼有貴價衣鉢當賈賤者受持餘者供給若病人惜者應白僧云此病人不知無常慳惜衣鉢不肯貸易白僧已稟語說使得開解然後爲貸易若復無者應外求覓與之若僧中取好食與看病人不得愛惜自業而不瞻視五分云無淨人處聽比丘自洗燒器看水令淨人淘米著中比丘然火使熟更從淨人受取持與病人不犯五分云每僧行粥時應問別有病人粥否若無應先與病人然後行與僧十誦云當隨病所須問病因緣覓師求藥日別到僧厨問有病人食否若無取僧所供給庫中物無者當爲外求應從善好名聞福德比丘案又病人得藥差者但是僧中不淨殘宿惡捉不受內宿並得服之善生云瞻病人不應生厭若自無物出外求之不得者貸三寶物差已依法十倍償之五

百問事云看病人將病人物爲病人所須供給不問  
病者或問起嫌並不得用若已取應償不還者犯重  
比丘病困不得闕衣鉢而作功德若不卽有故弊衣  
鉢受持者犯墮此律當問病人持何等衣彼病人又  
受不好衣鉢及送與他恐看病人得佛言不應爾  
第四安置者僧祇若大德應在露處上好房中擬道  
俗問訊生善瞻病人每須燒香然燈香水塗地供待  
人客見論看病人謂病者言長老持戒具足莫戀著  
住處及衣物知識朋友但存念三寶及念身不淨於  
三界中慎莫懈怠隨命長短而作若知病人失於正  
念應移至靜處如西國祇桓圖云寺西北角日光沒處  
房之中靜也爲無常院若有病者安置在中堂號無常多生厭背  
去者極多還唯一二其堂內安一立形像金色塗之  
面向西方其像右手舉左手巾繫一五色綵幡令病  
人手執幡脚作往牛淨土之意雖有便利世尊不以  
爲惡原其此土本是雜惡之處猶降靈俯接下類羣  
生令度苦海況今信心將命投佛而棄捨之隨病者  
所緣何境或作彌勒阿閼等形如前安置燒香散華

種種莊嚴生病者善心

第五誡法者十誡云看病人應隨病者先所習學阿  
練若誦經持律法師阿毗曇佐事隨其行解而讚歎  
之不得毀謗退彼善心故律云爲病人說法令其歡  
喜母論云病人不用看病人語看病人違病者意並  
得吉羅

第六殯終者五百問事云師亡不得舉聲大啼應小  
泣淚耳此律尼提臂啼哭泣淚一一墮義云以愛染  
不亡俗情弗捨若高節清居不著世情爲生物善哭  
亦何咎故雙林終後比丘等宛轉在地猶如圓木墮  
臂大叫淚下如雨雖未離欲然不招世譏若外來弔  
人小於亡人至於屍所如常設禮先執孝子手默慰  
弔云云後至大德所具展哀情弔問拜之五百問事  
四分律等若見亡人塚塔大於已者並令禮敬五百  
問云應先白僧以亡人泥洹僧祇支覆屍而送不  
得理過五錢犯重師弟子同學當求財殯送若無物  
可送衆僧別人斂少財供養舍利若全無者應貸亡  
人物權將殯之還來倍償彌磨竟從現前僧乞取亦

得五分云亡屍以衣覆根見論云不得送喪除爲觀

無常不犯若手執母屍殯斂無罪尼執父屍增一經

云如來共阿難羅云自舉母牀不令人代爲報恩故

義云和尚闍梨長養我法身父母兄弟長養我生身

恩德既重躬自擔送想亦無過但不得變服比見邊

野僧尼孝服袈裟纒布絕白相同於俗滅法之原無

過於此故摩耶經云佛去世後一千三百季諸比丘

衣服變白不受染色當知法滅不久西國葬法有四

一水二火三土四林五分云屍應埋之若火燒在石

上不得草上安此律如來輪王二人火葬五百問事

云得爲亡師立形像僧祇云持律法師營事比丘德

望比丘應起塔相輪懸施幡蓋在屏處安置不得在

經行處多人行處若違結罪若衆僧不許者教令和

合作之爲有德尼立塔應同此也

○二衣篇第二十九

此篇大門有十一制意二箇物三共財四驅授五輕

重六負債七賞勞八時節九分法十雜法

第一制意者問所以五衆身亡物皆入僧又依三寶

出家何爲不兼入佛法耶答以生存之日因僧受施

身行所爲僧寶所攝縱施佛法僧亦無分是以身亡

之後追物入僧佛法無分親俗亦不合得故十誦云

難陀死後諸親白衣競來淨物佛判不與欲使三寶

位別無招互用之咎道俗形殊又無債案之諍

第二箇物者此門有四一糞掃想取五分云界中水

漂死人挂樹枝上隨前見者得衣四分無人得取若

二人已上便須作法分二入二部僧想取五分獨住

死婆論云二界中間死此律無住處白衣家死隨五

衆先來見者得取三入俗人親想取婆論云滅擯死

將衣鉢付生緣以生時不同僧法故四入同和尚僧

想取十誦云沙彌死所有內外衣白二羯磨與看病

人輕物入僧重物不應分五分亦同此律無文依彼

部斷

第三共財者義云若師本意唯與弟子衣食自外餘

財不共同者已給者得未與者師亡以師物悉皆屬

僧實非同生假冒同生取僧物者犯重若師本言所

有財物決心同共看如兒想終無分別者若當別活

還俗及死者悉共分半白著衣服現用器物各屬其身未用之財衣或取半是名共活不同活妄言而取能與之僧所受之人皆犯二罪謂重物入常住準僧祇犯重輕物入現前準善生犯闍

第四囑授者此門有三節一囑通善惡二囑通前後三囑通成否初節有四一囑授善者謂自知昔來非法儲積唯是不善今好心既發捨物爲福破已慳貪此囑名善也二囑名不善者恐此儲財死後屬僧慳心便妄囑俗人此囑名不善也三不囑善者謂病篤之時惟此僞財能生不善佛有誠判何預我先自理心正念三寶心心相續念念不絕忽爾命終此不囑名善也四不囑名不善者謂前心欲捨後心慳惜恐慮還活資身無備慍情愈固不開惠施便則命終此不囑名不善二囑通前後者僧祇云囑與衆多人最後人得授與衆多人在前者得準此文犯重如判決與他出自我口後遇緣差慳惜不與或轉付別人便乖本意如盜得來轉以施人是得偷罪三囑通成否明了論云決心捨已不犯長明知前捨已

成俱不悔者或病人臨終遣造經像供養衆僧使我眼見忽即命終者成若云死後與我抄經畫像立墳棺者不成故律云若臨終時囑與佛法僧若我死後與者佛言一切屬僧故知心不決絕不成囑授

第五輕重者準此亡人衣物諸部緩急不同此城諸師各懷異見或有意親常住方便入重或與現前曲引從輕倒說乖理事不合教爭事由伴實難消息既知不易當問何宗受戒若渺漠不原又問此寺何律行事使始終楷定大教區分不得互易自矜心懷又且邊夷荒鄙風俗漸殊資具服章形名不等亦須輕重區分種類非雜疏條依教用防紕繆今立四分爲本此文不足餘部補闕此有三節一佛制畜物如五衣六物等以資身道要故佛判入輕二佛不聽畜物田宅奴婢園池雜畜以招譏妨道判入重收三佛許畜物如長衣鉢錢寶金銀以物雖妨道長食而道服寶具佛令說淨畜用無過而義含輕重別有三支一性重者謂一切金銀錢寶木石盆鉢釜鐺車舉十六枚器等以體是重物不堪隨道故判入重二性輕者



謂一切百一之具可得隨身如布絹絲綿等莫問多少佛判入輕三從用輕重者或事重從用輕者如剃刀及石磑鉢函五衣箱鉢筥盤盥匙筋莫問鐵瓦木作者皆判入輕或事輕從用重者如大小帳步障枕扇麈尾牀帷等並判入重此攝不盡更七支收束後定輕重依此而判

第一絲麻毛綿所成者此律坐臥褥入重麈尾長五肘廣三肘毛長三指佛判入輕義準此文被單亦判入輕過前者入重八尺已下輕薄應依麈尾例入輕過重者入重以不堪著用故小麈尾錦綺色分明者入重自餘綾羅等有鳥獸文者入重非鳥獸文者入輕自餘交梭生絲布等無問大小義準入輕故律開受大價陳衣種種好衣也僧祇云澆水囊二種腰帶臥具等入輕五分劫貝單敷覆身衣銀線囊囊革屣囊佛判入輕錦綺毛氍毹及蚊厨等入重準此律輕小者入輕輕大者入重銀線袋綵色成者入重續縷絲綿等無問多少以親成衣故入輕縷緝縷麻等以非親入重盛三衣袋依五分入輕自外雜用袋

等入重白衣雜線襪等及男女衣服綺色成者入重非綵色者入輕爲受持入衣財故此律下文自今已去一切俗人衣服不應著義準今時有尼故作俗人袍襖下領通肩長袖衣等正判入重若俗人衣已摘壞者無問是色非色入輕錦綺羅縠以色綺故入重已染壞者入輕

第二銅鐵瓦木者此律云銅餅盆器繩牀水餅澡罐錫杖扇斧鑿燈臺机案車疊及鐵皮竹木陶作器等此下五種作器並是能造判重剃刀入輕錢寶等入重十誦云一切染色若煮未煮不應分準諸作具類從入重僧祇錢七寶珠木槃木盆竹筴等入重見論云銀線入輕楞伽經云爲割截袈裟故畜四寸刀頭如月刃義判入輕過量白鐵瓦鉢等入重若生時造諸擬造終調度等並判入重若生存之日爲師僧父母所造隨入輕亡人所爲鏡及屏風障子鎖等以妨長故義判重收此律俱夜羅器者相傳云銅盤是入輕十誦云鍵銘者謂小盤也出要律儀云鍵銘者爲助食器案言淺鐵鉢也義準供養具經架佛牀机

案拂等及觀香爐衣香爐經櫃等若無心作時唯  
擬入佛法供養者隨亡人意入佛法用不得追奪以  
別屬故若生時是已物造作或他人布施無別的標  
者香爐經架準十誦入輕母論隨能供養者與若有  
寶物莊嚴不可脫者入輕寶物入重其餘雜香案隨  
香爐斷自外佛牀曲几夾膝如意杖案拂經櫃等亡  
人生存不定屬佛法者死後入重若定入佛法者隨  
亡者意睡重入重木櫺木蘭竹節數珠澡豆麝香  
以隨身長道要故入輕義判鐘錢殘物等施主定屬  
鐘者還入鍾用若施主通者殘物入常住僧  
第三田宅園林者入重十誦諸土入重義判離黃白  
增入重  
第四皮物者十誦云皮物者謂盛油盛受半斗已下  
及繫草履韋等入輕僧祇云聽分草履此平轉屬  
輕入輕斜等入重以相同俗故此律云一切皮衣  
不得著入重母論云經律先有付囑處即依付彼若  
無付囑隨能受持者與義判一切俗書素畫絹等入  
重如聲師五論陵公高僧傳等兼有內語者入輕別

入人

人能讀亦得

第五畜生者依母論入重

第六奴婢若此律入重所有私物莫問輕重並入彼  
人若常住僧奴婢死者衣物與親里若無親者供常  
住僧用若私奴婢死同衣食者所有資財入已分處  
若不同財直令輸課或分番上下得功力者所有資  
財入親無親者事同無主物

第七四藥時與非時七日等盡判入重上來所列且  
據大宗其中未盡準例可知然四分漢唐銅杖鐵錐  
刀子等雖判入重依十誦五分入輕不爽大理由隨  
身要用故不同餘妨道等物

六負債者若佛法別人負亡人亡人負佛法別人輕  
重物若有則相當還無則交絡還所以須索者以  
重物入常住僧輕物入現前僧先負亡人輕物者今  
索得重物還須博輕物分若先負亡人重物今索得  
重物者入重以本是重物者入重以本是輕物令僧  
分常住僧負亡人重物者不須索取以還入常住故  
若負輕物索取現前僧分若別人負輕重二物俱須

索取以重物入常住輕物入現前十誦云生時貧三寶物應歸若三寶貧亡人物索取入現前故須並索依本而斷乃至四方現前客舊互貢之物亦同上說十誦云生時除取他酒未還價便死佛言取衣鉢還若無物歸應取僧物還恐出諸比丘惡聲故難準若負餘物不生讓過者不還無罪以亡人無物故有物者應還十誦云先與他衣價死時還索取取他衣未與價若死還本衣無者賣衣鉢還母論云若有息物在外遺淨人推求取入此寺常住僧義準此文若負物在白衣家同四分無住處死五衆先見者得其重物隨前見者處分五百問事云比丘借人物前人死要須白僧得取本物不白得罪若不與強取或僧知而不還自他二俱得罪僧祇云若索債者當看前人持戒可信者與不可信者不應與若可信人證明者應與反此不得

第七寶勞者此律有二五德初五德者病人難看表瞻病者德滿一病人所不應食而欲食不肯服藥二看病人有至心而不如實語三應住不住等四身有

苦痛而不能忍五身堪能而不作抑他作又不能靜坐止息內心第二五德者明看病人自行德滿一知病人可食不可食可食應與二不惡賤病人大小便利唾吐三有慈悲心不爲衣食故看四能經理湯藥乃至差若命終五能爲病人說法令病人歡喜已身於善法增長有二五德者應與看病人衣物若小瞻病無好至心佛判不與僧祇云有四種看病不合實物一暫作看不懷久意二僧次差看三自樂福德不憐愍四邪命而看止爲利養並不合得若欲饒病者欲令速差之意下至然一燈見命終者應得此律莫問德之優劣應與受持衣若不知何者是受持衣應量瞻病人有上中下若極上看病與上三衣中下看者與中下三衣十誦先問看病人受持何衣鉢一則問或不知或不信者應與中六物此律寶勞六物者三衣爲三鉢孟爲四坐具爲五鉢筒爲六尼迦次僧祇支又文加十盛衣貯器者盛衣者猶是盛衣鉢及五衣貯器者猶是鉢袋及函等此並通入寶勞也義準一德物並具二德具物不具此二合寶三

物具德不具四德物俱不具此二不合贊而看病辛苦而欲優饒者東入現前作羯磨訖後量德優劣三唱口和僧隨多少贊之五分十誦比丘病時七衆應看二衆合得衣謂比丘及沙彌尼病三衆合得衣謂比丘尼式及尼沙彌尼雖父母兄弟看而不應與勞不滿德故伽論云白衣看應與少許義準若多尼式又沙彌尼看病者應與究竟者若齊究竟者應與一人已屏處分等十誦云若看病者出行爲病人乞衣藥合得三衣者應留待身還與亦可攝入現前唱和付亦得若餘處比丘來看病亦與實尼應準同

第八時節者僧祇云若病人死不應即開其戶彼有弟子持戒可信者與戶鈎若不可信持戶鈎付僧知事人已先供養舍利料理竟弟子持戒可信者使出衣物若不可信應使知事人出衣物然後僧分十誦就屍邊分衣屍起護衣佛言待屍去後或在異處應分今時僧尼初亡始竟閉門在中分衣是外客尼得非直分衣不成亦外住不著也

第九分法者此門有三節一羯磨二對首三心念第一羯磨中五人得作贊勞分衣羯磨若四人者止

得分衣不成贊勞以僧不滿故事可羯磨後將衣物口和贊勞母論云由四人中賺一人入羯磨餘三不成僧故今立法者令贍病人將亡人輕重二物並集僧中重物不可勝舉多者知數已直付僧庫亦得壹日作法彌善不得閉門限約客尼以通十方理無私背故婆論云白日閉門已不打鐘打鼓食者名盜僧食罪又此分衣不成而此物者人人各有分而有心限約客者各犯微塵數偷蘭遮故善生經云盜亡比丘衣物者若未羯磨望十方僧得罪若羯磨已望同羯磨僧滿五得夷不滿偷蘭法故疏記之也看病人應近物邊長跪執物捨之若無看病尼維那捨之亦得

大師僧聽某甲比丘尼於某住處命過所有若衣若非衣此住處現前僧應分我比丘尼某甲今捨與僧

案中明律者即決判云先問僧中誰知亡人負三寶別人物又誰知三寶別人負亡人物一一檢問有無竟然後決定輕重重物一處著輕者一處著并問看

病人將亡人輕重物送死否若有索取輕物入羯磨分重者入僧若本盜心將送終者不合案分已成盜故若輕借用或無犯心者應案分不成盜故具問前已後數德實勞若五德不具則不合賞今行事者直對僧問德具已否若答不具者極成鄙惡具者合與然有勞合得既知如此必看病有功合賞者律師語云大姊看病實有功勞佛令優賞若也不與便違聖教大姊宜可順教取之其看病尼又陳無德僧復抑受如是相讓彼此生善非直自行可觀亦則衆儀生善知此事已然後問

僧今和合何所作爲答作賞勞羯磨

大姊僧聽某甲比丘尼命過所有衣鉢坐具鐵箒盛衣貯器此住處現前僧應分若僧時到僧忍聽僧今與看病比丘尼某甲白如是

大姊僧聽某甲比丘尼命過所有衣鉢坐具鐵箒盛衣貯器現前僧應分今與看病比丘尼某甲離諸大姊忍僧與看病比丘尼某甲衣鉢坐具鐵箒盛衣貯器者默然誰不忍者說僧已忍與看病比丘尼某甲

衣鉢坐具鐵箒盛衣貯器竟僧忍默然故是事如是持

善云應隨物多少稱不得依文總謂忍無事不稱羯磨名爲非法羯磨雖成仍獲小罪如二沙彌一時受戒一有難一無難無難者自成無妨小罪乃得婆論云三衣餘處索來此賞若此德不具即隨彼分若依十誦沙彌死時羯磨應云

某甲沙彌尼命過所有内外衣及非衣應分

餘語同前僧也次明分輕衣羯磨法羯磨師問云

僧今和合何所作爲答分亡比丘尼輕衣物羯磨

大姊僧聽某甲比丘尼命過所有若衣若非衣現前僧應分若僧時到僧忍聽僧今持此衣物與比丘尼某甲比丘尼某甲當還與僧白如是

大姊僧聽某甲比丘尼命過所有若衣若非衣現前僧應分僧今持此衣物與比丘尼某甲比丘尼某甲當還與僧誰諸大姊忍某甲比丘尼命過所有衣物現前僧應分僧今持此衣物與比丘尼某甲比丘尼某甲當還與僧者默然誰不忍者說僧已忍持此衣



物與比丘尼某甲比丘尼某甲當還與僧竟僧忍默然故是事如是持

五分云若衣少不備者和僧與一無衣比丘尼亦若

有一衣上好者依見論云從上次第行之須者直付

不須至下此律義分行亦得問作羯磨已和僧爲亡人乞修

齊福得否答出家之士以智德居懷不憂修福爲業

依判入僧最爲殊勝若外生物善內捨貪心隨將少

多爲亡人爲福此則二行俱益存亡並利也僧祇云

或爲病人求覓衣藥或爲僧勞事雖當時不在前應

與分善者得問式叉尼沙彌尼家人淨人等合與分

否答此律云若僧和合應與沙彌等分若不和合乃

至四分中與一分淨人五分中與一分若不得者不

應分若分得罪母論云若五人共住一人死者其衣

鉢等三人口和賞一看病人餘之四人但得作直分

羯磨不須展轉分之賞勞云

諸大姉憶念今持此亡某甲比丘尼衣鉢坐具等賞

某甲看病比丘尼三說隨物多少解之不得總顯若二人直云大姉自外同前

直分羯磨云

大姉僧聽某甲比丘尼命過所有若衣若非衣現前僧應分若僧時到僧忍聽僧今分此衣物白如是

大姉僧聽某甲比丘尼命過所有若衣若非衣現前僧應分誰諸大姉忍僧今分此衣物者默然誰不忍者說僧已忍僧今分此衣物竟僧忍默然故是事如是持

第二對首者母論云四人共住一人死三人應展轉相語云

二大姉憶念此物應屬我餘二人互如是說即成分次也

三人共住一人死者彼此相對互說云

大姉憶念此物應屬我後尼亦然

若有看病合賞勞者二人和付衣鉢與亦得

第三心念者母論云一相應法者二人共住一人死者心念口言

此亡比丘尼物應屬我對首心念並三說已互執次後來客尼不合與分也

此律云若一人受施應心念口言

此是我分亦得亡物應同

第十雜法者若尼在莊園及私伽藍死者應如寺法

分之云何名私伽藍如在村坊聚落俗人共造一院唯三寶受用白衣不通居止兼有周匝牆牆等即名伽藍不要結界方號伽藍者若有看病人重物入尼本寺輕物入現在寺若有四人已上見亡人物者則須編磨分若先無界結已作法分三人已下對首分以不同白衣家死故十誦比丘衣鉢寄在尼寺者還比丘索取分尼寄比丘衣鉢僧寺亦爾若無人守掌者事同白衣家法故此律云若比丘尼無住處白衣家死有信心檀越應掌錄此物若有五衆出家人先來者應與若無來者應送與近僧伽藍義云雖知白衣家有亡物要須手捉目觀作屬已之意方得此物反此不成後來尼應共分若俗人已攝屬已者盜財義成不得反奪若白衣畏罪還尼者得取若僧尼一時共見亡物者若是尼亡屬尼僧亡屬僧不得共據以各是知法人故不須作法直爾攝屬已意則得無比莊寺以彼閑預要須作法若僧尼前後來見者屬先見者得互攝取也

○雜要篇第三十

此篇大門有八一僧物二乞食三陞坐四說法五淨地六過賊七濟生八雜事

第一僧物者此門有五一方僧物謂一切重物上至羅漢下至沙彌盡皆有分無有和合買賣供給私用此約方爲名也二常住僧物謂常在此處不可移動四方僧來即此處受用此從用爲名也三柁闕提奢物云云謂俗人地別爲現前僧各造私房四方僧來起立房舍供給所須此以處爲名也五僧變物謂園中華果貨得物來此從變爲名也五分云僧有五種物不可賣不可分一地二房舍三須用物四果樹五華果僧祇云若僧地種果者有功若一樹一園聽與一熟不能併取者年取一枝枝偏即止若種瓜菜聽與一剪有比丘僧地作屋上座來不與持草木餘處去

第二乞食者見論云分衛者乞食也三乘聖人並皆乞食此律若比丘入村乞食者清旦洗手著七條已繫大衣著肩上手執打露杖在道行時常思惟善法若見人先問訊言善來若近聚落便著大衣至於村

門應看巷陌第一門第七門相右手捉杖左手持鉢  
道側而行次第乞食若俗人送食不得迎取除喚往  
取不得強乞知得立待若得食已乃出村安鉢著地  
探大衣如前進否而去僧祇若乞食時不得語云與  
我食得大富當在現處默然而立十誦云乞食時入  
三重門至中庭三彈指不得便去僧祇云迦葉發願  
乞食初得施與僧尼後得自食寶梁經云凡乞得食  
分爲四分一分與同梵行一分與窮不乞食之者第  
三分與諸鬼神第四分自供身命但念修造於其食  
中不生貪染心若乞食時繫念威儀終不輕躁諦視  
目前不過一尋次第乞之

第三座座者三千威儀經云上座讀經先禮佛次禮  
經法及上座後在座正坐向上座雖離絕先讚偈  
唄如法而說此律不得二人同一高座說法以相諍  
互求長短故五百問事云若僧中說法高座上無病  
不得凭机捉麈尾犯墮非毛者得此律得麈尾拂開  
畜不云得捉十誦云犍牛尾拂用拂佛塔故得受僧  
祇云自今已去聽捉線拂裂麈尾樹皮等作之除犍牛

尾馬尾金銀柄等一切不聽捉若白色應染壞用不  
得如姪女捉作妾作相是名非法若爲律師法師敷  
師子座散華著上不拂却不得坐婆論云不得以華  
香環珞莊嚴具著佛身上得散地供養衆僧亦爾不  
得華香著漿飲食上供養衆僧

第四說法者此律爲檀越說法聽說契經及分別義  
得不具說文句母論云若大衆集文多恐生疲厭者  
聽諸比丘引經中要言妙詞直顯其義不犯又佛法  
中不貴浮華之言語雖質朴不失其義令人易解者  
是立意也五分云若衆樂淺不樂深不益前人名惡  
說反此名善說又應除貪心不自輕心不輕大衆心  
應慈心喜心利益心不動心立此等心乃至一四句  
令前人如實解者長夜安樂又諸比丘請破戒根不  
具者說法因此惡人得勢又辱衆僧佛言聽請法師  
三藏者說涅槃經云若比丘爲利養故說法所有徒  
衆亦如是師是人便自壞衆五百問事云若希望心  
爲讀經說法得物犯捨墮無貪心不犯無衣得取難  
阿含經云一比丘得受六十新學比丘教誡說法涅槃

槃經云若有受持讀誦書寫宣說莫非時非國不請而說輕心輕他自歎隨處而說及滅佛法乃至令無量人死墮地獄則是衆生惡知識也十誦云有五種人問不應爲說毗尼謂試問無疑問不爲悔所犯故問不受語問詰故問並不得答寶梁經云不教施主佛性毗尼此比丘賊行賊住著衣噉食坐臥等皆是賊也

第五淨地者成實論云若掃僧房一閤浮不如掃佛塔一手掌撰集百緣經云掃地得五功德一自除心垢二去憍慢三調伏心四增長功德五得生善處沙彌威儀經云掃地有五法一不得背人二不得逆掃三即當令淨四不得有跡五當即棄却無垢清淨女問經云掃佛地得五福一自心清淨他人見亦生淨心二爲他愛三天心歡喜四集端正業五命終生善道天中

第六遇賊者此律比丘被剽不得露身行得罪當以糝草樹葉覆形應取長衣著知友僧中覓衣著乞衣得已應還本處否者犯罪母論云令虛發已經使賊

應下段不

去僧祇云若賊言僧物何處不得示實處又不得妄語應示房舍牀等佛物指塔邊供具等若道中行有露令年少在前若有賊獸難老僧在中央欲令賊起慈心者老僧前行

第七濟畜生者律中慈心解他被繫狗子被溺豚子解蘭若處賊繫牛等不犯僧祇云有神力奪賊劫人放諸禽獸皆慈心作者不犯十誦云若悲壞羅網及獄但犯吉羅五百問事云行路寄鬼神屋宿不得有屬懷意違者犯墮

第八雜事者僧祇云然火有七事無利一覆眼二覆色三身羸四衣垢五臥具壞六生犯戒緣七增世俗語五百問事云續佛光明盡不得滅佛無明暗以本無言念齊限放滅有罪大唐波頗三藏法師云佛前燈以物傍取不損光者得僧祇云不得卒持燈入堂唱言諸大德燈欲入乃至滅亦爾以手遮睛之不聽用口吹滅應以手扇衣角扇當敲折頭焦成實論云出家之人應捨五慳一財物慳二法慳三家慳四住處慳五稱歎慳染著眷屬愛樂住處故墮迦陵伽等

餓鬼中生阿含經云四恩者謂父母師僧國王檀越四輩者謂天龍人鬼此律云非行來處若有小便及洗手足時聽著屐又不得裸身上廁三千威儀經云不洗大小便處不得坐僧坐具上上座禮拜三寶若禮無福應脫袈裟僧祇支大小便不洗大小便不得臥僧臥具若坐臥者吉羅此律云不嚼楊枝有五過一口氣臭二不別味三熱陰不消四不別食五眼不明五分云嚼已應洗棄以蟲食死故又不忍辱人有五過失一兇惡不忍二後生悔恨三多人不愛四惡聲流布五死墮惡道此律云經行有五益一堪遠行二能思惟三少病四消飲食五得定久住母論云詣寺乞人無糧食者嬰兒獄囚懷妊等類施之無過僧祇云作樂供養佛有欲心者即須捨去增一云阿闍世王信心後無令事佛之家賁輸迎送五百問事云若施軍器不須受母論云若為在家人作師教化作福有五事一不應檀越舍止住二不繫念貪利三為別別說法布施持戒入齋等四不與共娛樂五繫心貪利常欲相見又五事為檀越尊重恭敬一非親舊

處不往反二不求形勢料理檀越家業三不共竊語令家中生疑四不教良時吉日祠祀鬼神五不過度所求此律喜往白衣家有五過失一數見男子二既相見便附近三轉親友四便生欲意五為欲意故或至死苦若次死苦地持云若見衆生當即慰問舒顯先語平視和色正念在前此律若白衣嚧者呪願長壽僧祇云聽音賴瓦擬措脚母論云寒處聽著俗人轉五分云作轉轉太深聽齊蹀上母論云何以脫革屣過佛行者以生俗人訶言起嫌慢心故此律令僧畜斗斛升合及秤若住房內鼻者以香泥乃至以四角懸香僧祇云浴時不病人揩者越母論云洗浴不為令嚴身淨潔故但令除身中風冷得安隱行道當為厭患身法調伏心法應生慈心為得少欲知足故此律若營事人作房成就莊嚴香熏所須具足者與房住九十日一移更不得受餘房若人能治房者白二與之五分云若月直監食人欲知生熟酸鹹者得貯掌中紙管之齋法經云不許嘗謂貪心嘗也大五濁經云佛涅槃後當有五亂一者當來比丘徒白衣



● 卷下

學法世之一亂二者白衣坐上比丘處下世之二亂  
三者比丘說法不行承受白衣說法以爲無上世之  
三亂四者魔家比丘自生現在於世間以爲其道諦  
自不明詐爲信世之四亂五者當來比丘畜養妻子  
奴僕治生販賣諍訟不承佛教世之五亂不得塔院  
內染穢衣著華靡淨睡見論云頭陀者抖擻智論云  
以無生法忍爲頭陀菩薩住於煩惱觀無上法忍是  
上頭陀或有經云頭者少欲陀者知足西云阿蘭若  
東云空閑處難心論云知足於現在處起難少欲於  
未來轉生易涅槃經云於未得之財不生貪名少欲  
於已得之財不生貪名知足知足是現在少欲是未  
來又少欲猶有欲知足更無欲

四分律比丘尼鈔卷下之下終

禮首十方種智佛 十二部經眞法輪  
三乘聖果諸尊師 我今迴向總披陳  
自惟生死沒苦海 隨逐癡愛溺長津

意欲出離不能離 蒙聖遙恩救沉淪  
暫息四流諸苦難 得預出家事三尊  
復曰國王父母力 許我隨學諸法門  
不知將何酬斯德 故我讀述報佛恩  
撰鈔聖言多說贊 頂禮懺謝願希憐  
貞觀一十九季出 自擬讀誦詎象人  
儻有同闕一句者 普共隨喜至眞源

此鈔印板雖在宋朝未彫日本書寫勞多爰比丘  
尼親緣爲廣其傳普勸四衆敬開六卷即施入東  
林律肆以擬學者捐寫願以此功德普及於一切  
殊大矣先師國公宗師早遂上上託生速究位位  
增進

弘安辛巳林鍾晦日謹誌


跋比丘尼鈔後


蓋夫佛教興行則僧尼之異途不可不知故我大師  
示僧撰事鈔等三大部示尼撰此書三卷也於是律



燈稍燭後世揭其炤者巍巍於宇內所以祖訓之存也雖然不觀有此書而尼衆之信油欲漏戒光隨滅余自蚤游眼律部纔觀此書之在歡喜頂戴攤是机上卒多蠹損首尾不全頃日禮誦之間考大部之文茲補茲正且傍加和訓爲便新學也讀者乞子細覃研僧尼別行顯然易通今錢梓于書林某氏以廣其傳惟願開卷舉目直入薩婆若海續佛慧命無窮斯余志願滿矣或謂此四分律比丘尼鈔者唐道世律師述也不然彼知其題目之同不知卷數之異也貞享改元甲子覺皇降誕日終南山末葉小比丘抄辨永雅操觚于京北密嚴律菴




























△四十九觀伎樂  
△五十屏共語  
△五十一輒坐不辭  
△五十二輒入暗室  
△五十三惡心詛  
△五十四惡心詛  
△五十五椎胸哭  
△五十六覆同牀  
△五十七惱客舊  
△五十八不看病  
△五十九牽他出  
△六十無事行  
△六十一不知請  
△六十二露洗身  
△六十三不看衣  
△六十四障施僧衣  
△六十五輒著衣  
△六十六與外衣  
△六十七與外食  
△六十八爲俗使  
△六十九爲俗使  
△七十爲俗使  
△七十一爲俗使  
△七十二爲俗使  
△七十三爲俗使  
△七十四爲俗使  
△七十五爲俗使  
△七十六爲俗使  
△七十七爲俗使  
△七十八爲俗使  
△七十九爲俗使  
△八十爲俗使  
△八十一爲俗使  
△八十二爲俗使  
△八十三爲俗使  
△八十四爲俗使  
△八十五爲俗使  
△八十六爲俗使  
△八十七爲俗使  
△八十八爲俗使  
△八十九爲俗使  
△九十爲俗使  
△九十一爲俗使  
△九十二爲俗使  
△九十三爲俗使  
△九十四爲俗使  
△九十五爲俗使  
△九十六爲俗使  
△九十七爲俗使  
△九十八爲俗使  
△九十九爲俗使  
△一百爲俗使

△七十自紡績  
△七十一俗牀臥  
△七十二宿牀臥  
△七十三度姪女  
△七十四度童女  
△七十五度童女  
△七十六度童女  
△七十七度童女  
△七十八度童女  
△七十九度童女  
△八十度童女  
△八十一度童女  
△八十二度童女  
△八十三度童女  
△八十四度童女  
△八十五度童女  
△八十六度童女  
△八十七度童女  
△八十八度童女  
△八十九度童女  
△九十度童女  
△九十一度童女  
△九十二度童女  
△九十三度童女  
△九十四度童女  
△九十五度童女  
△九十六度童女  
△九十七度童女  
△九十八度童女  
△九十九度童女  
△一百度童女

○二結示  
●七滅諍  
●六衆學  
●五提舍尼  
△百一不敬  
△百不請輒問  
△九十九咒活命  
△九十八不著衣  
△九十七不著衣  
△九十六乘行  
△九十五著俗具  
△九十四香塗身  
△九十三香塗身  
△九十二香塗身  
△九十一香塗身  
△九十香塗身  
△八十九香塗身  
△八十八香塗身  
△八十七香塗身  
△八十六香塗身  
△八十五香塗身  
△八十四香塗身  
△八十三香塗身  
△八十二香塗身  
△八十一香塗身  
△八十香塗身  
△七十九香塗身  
△七十八香塗身  
△七十七香塗身  
△七十六香塗身  
△七十五香塗身  
△七十四香塗身  
△七十三香塗身  
△七十二香塗身  
△七十一香塗身  
△七十香塗身









○八雜事

初火燈然滅  
二捨離五優  
三小恩四聲  
四明諸過益  
五對彼檀漱  
六服用嚴浴  
七營主須宜  
八營主須宜  
九營主須宜  
十頭陀少欲

◎三後偈

稽首十方積智佛  
三乘聖果諸尊師  
自惟生死沒苦海  
意欲出離不能離  
暫息四流諸苦難  
復曰國王父母力  
不知將何酬斯德  
撰鈔聖言多說贊  
貞觀一十九年出  
儼有同闕一句者  
案此偈亦宜祖所撰附於鈔後古本有之  
今刊本應補入。

弘一

錄者謹案比丘尼鈔科爲天台九塔律師所撰。晚晴老人臨往生前三月。參考行事鈔重加修治。老人原寫冠科於尼鈔本上。天津版三冊。存今爲便利抄寫研讀起見。用特別錄科文一冊。排列未善之處。乞詳正之。

甲申三月八日寫錄裝訂訖  
時居晉水菴林寺

圓拙

大藏經會謹案。上列尼鈔科文。係據圓拙法師別錄本。參校弘一大師冠科尼鈔本。略加修正。徵有出入。茲分述如下。  
一、別錄本與大藏經本版式不同。特參照本會所編大師他種科文之例。重加排列。  
二、別錄本所用接後記號。爲◎○○●●△。今以尼鈔科文層次既繁。排列方式亦異。因改定爲◎○○●●△▽▲▼。  
三、隨戒篇中僧殘及單提諸戒。間有未標冠科者。茲依允堪律師科文補入戒名。並加。以示區別。  
四、重治增入之科。亦偶有缺科者。例如十四淨施篇。五失法下六子科中。缺去第四子科。此爲塔科所無。未敢擅補。

五、天津刊本略去鈔末迴向偈。茲依冠科原本補錄全文。附於科文之後。此偈續藏中亦有之。

六、中卷六篇二隨篇釋下。別錄本爲初安居篇。二受日篇。弘一大師冠科本爲初安居篇。十七受日篇。今悉依篇次改爲十六安居篇。十七受日篇。並於隨篇釋下加註六篇起訖。下卷準此。

式叉摩那尼戒本序

惟夫世教禮儀爲先。出世洪規戒律居首。非禮儀無以成賢智。乘戒律所以趣菩提。故大經云。戒是一切道果梯航。亦是一切善果根本。若不護持禁戒。云何當見佛性。一切衆生雖有佛性。要因持戒然後乃見。因見佛性。得成無上菩提。是故大小兩乘同重尸羅。出家五衆共遵戒法。第以時當末法人多喜受。撥持虛假戒品。反作苦海中散。或以狂慧妄談般若。輕毀毗尼。致使愚蒙隨習。後進無門。事知如來備盡物機。教開三乘。戒立五衆。而女性闕。鈍煩惑偏厚。乃制以六法。令其二年預學大尼。一切諸戒威儀戒體漸成。方聽受具。然其所依必以知律大尼爲師。但大尼不得向說五篇七聚之名。惟聽語令不姦不盜等諸戒威儀。嗟夫末代大尼罕。選知律者全稀。既不蒙於親授。復不許閱篇聚之文。無由得知止持。作犯縱有向上之志。而無措足之方。爰是稽諸律本。編集所應學法。俾有慚有愧。樂學戒者。時而習之。 旨

順治庚寅孟夏大菩提心沙門弘贊識

目錄新序

式叉摩那尼戒本目次

初學四根本

二學六法

三學二百九十二行法

式叉摩那尼戒本目次終

式叉摩那尼戒本 出處無餘部

廣州南海寶家林沙門 弘贊在修 輯

梵語式叉摩那尼此云學法女謂於二年中具學三法一學根本謂四重也二學六法謂羯磨所得者三學行法謂大比丘尼一切諸戒威儀也今依律本詳列三法以便受戒者習學

○初學根本 共有四事

一不得作不淨行行姪欲法若式叉摩那行姪欲法乃至共畜牛非式叉摩那非釋種女是犯重罪故

二不得偷盜乃至草葉若式叉摩那偷人五錢若過五錢若自取教人取若自斷教人斷若自破教人破

若燒若墮若壞色若非式叉摩那非釋種女是犯重罪故

斷謂所作所斷破謂毀壞燒墮皆是使錢色相變壞也五錢者是五大錢一大錢直十六小錢若取五錢直五錢物悉犯重罪

三不得故斷衆生命乃至螻子若式叉摩那故自手

斷人命若持刀授與人教死讀死若與人非藥若墮

人胎禪禱呪術自作教人作者非式叉摩那非釋種

女是犯重罪故

讀謂讀咒令死非藥謂毒藥或彼人病與不相宜藥令死讀謂誦咒斷人

鬼神也咒謂用惡咒術也

四不得妄語乃至戲笑若式叉摩那不真實非已有

自稱言得上人法得禪得解脫三昧正受得須陀洹

果乃至阿羅漢果天來龍來鬼神來供養我即非式

叉摩那非釋種女是犯重罪故

解脫謂八解脫三昧此云正定正受亦定之異名須陀洹此云入流謂入聖人之流阿羅漢此云無著亦云無生謂解脫三界生死故也

此四重戒隨犯其一即應滅擯後不得受比丘尼

戒亦不得還爲式叉摩那沙彌尼優婆夷也若更

從師強受亦不得戒仍獲重罪受他信施悉名犯

盜

○二學六法 正有六事

若式叉摩那與染汚心男子共身相摩觸犯戒應更

受戒染汚心者經欲意也

若式叉摩那盜心取減五錢犯戒應更受戒

減五錢錢二錢三錢四錢

若式叉摩那斷畜生不能變化者命犯戒應更受戒

不能變化者謂畜生不能變作人天龍鬼神等形畜生者乃至微細昆蟲蟲名畜生

若式叉摩那於衆中故作妄語犯戒應更受戒

此中妄語

爾小妄

若式又摩那非時食犯戒應更受戒日中後至明且天未明即名為

時非

若式又摩那飲酒犯戒應更受戒

此之六法若犯其一即名缺戒應更與二歲羯磨

復從始學若學不滿二歲不得受大戒

○三學行法

共二百九十二法佛言式及摩那一

準僧祇律制白

不得以染汚心受染汚心男子捉手捉衣入屏處共

立共語共行身相倚若共期屏處者謂人所不見聞處

不得覆藏他罪若知他有罪不自舉不白僧不語衆

人後於異時彼人或命終或滅壞或罷追等乃作是

言我先知彼有如是如是如是是覆藏他重罪故

若知比丘乃至守園人及沙彌爲僧所舉如法如律

如佛所教不隨順不懺悔僧未與作法共住而隨從

之他比丘尼式又摩那諫時應捨不得不捨隨順者

其言或授經及與衣食

不得作媒嫁持男意語女持女意語男或爲成婦事

或爲私通事乃至須臾間

不得瞋恚不喜以無根重罪謗他欲壞彼清淨行者

無根者謂不見不聞不疑彼犯而故作謗語

不得瞋恚不喜於異分事中取片以無根法謗他欲

壞彼人梵行異分者是重罪也取片者謂於重罪中取小罪以謗他犯重也

不得詣官語居士或居士兒或奴或客作人乃至須

臾頃詣官者謂以事而告知官也若爲人輕毀應語其父母或其親族或比丘比丘尼近事男近事

女而調諫之客作人者謂受雇使作之人

若先知是賊女罪應死人所知不問王若大臣若種

性不得便度出家法然應預學之

不得獨渡水獨入村獨宿獨在後行獨宿者謂於村中俗家獨宿也

若知男子有染汚心不得從彼受食及餘物十

不得教他從染汚心男子受食及物

不得破和合僧諫而不捨

不得作破僧伴黨諫而不捨

若依城邑村落住汚他家行惡行衆僧驅擯不得不

服汚他家者謂以物贈遺白衣行惡行者謂覆花果流瀝採實乃至與人或與童子共牀坐同器食

歌舞鼓吹受

摩訶等

若惡性不受人語。他諫時應捨。

不得彼此相親近。住共作惡行。惡聲流布。展轉共相

覆藏。過失諫而不捨。親近者數共處。笑數共相調。

若衆僧爲他作別住。訶諫時不得教彼言汝等莫別

住。當共住。我亦見餘有不別住。共作惡行。惡聲流布

共相覆罪。而僧以恚故教汝別住。是謗僧。故諫時應

捨。

不得輒以一小事。瞋恚不喜。便作是言。我捨佛捨法。

捨僧。不獨有此沙門釋子。亦更有餘沙門婆羅門。修

梵行者。我等亦可於彼修梵行。若僧諫時應捨。

不得喜鬬諍。不善憶持諍事。僧共評斷。便言僧有愛

恚怖。癡諫而不捨。

不得畜長衣。過十日不淨施。淨施有二。一真實淨施。二轉施。施謂對他作法。已而自畜持。○二十。

不得離衣異處宿。乃至經一夜。

不得從非親里居士居士婦乞衣。若奪衣失衣。燒衣。

漂衣時聽乞。

若奪衣失衣。燒衣。漂衣。而居士居士婦自恣請多施。

與衣當知足。受不得過。

若居士居士婦爲辦衣。價欲買衣。施先未受。自恣請

不得爲好。故便到其家。讚譽索衣。

若二居士居士婦爲辦衣。價欲買衣。施與先未受。自

恣請不得爲好。故便到二居士家。稱譽勸令共作一

衣。未受自恣請者。謂衣未任其往來也。

若檀越遣使送衣。價與式叉摩那。而式叉摩那由不

得捉持。是價故不受。彼使便以衣價付執事人。而去

若式叉摩那須衣時。應二三反往執事人所語言。我

須衣。若不得衣者。四五反在彼執事人前默然住。

得衣者。善不得過是。更往求衣。當語檀越。知取還衣。

價莫使失。自不得受。

不得自手取金銀錢。若教人取。若口可受。口可者。謂口應隨而受也。

不得作種種販賣。

若畜鉢減五綴。不漏不得爲好。故更求新鉢。

不得自求。纒使非親里織師織作衣。○三十。

若檀越使織師爲式叉摩那織作衣。先未受。請不得。





爲好故便往織師所語令廣長堅緻齊整更增與  
價乃至一食直

若施與他衣已後不得瞋恚故自奪取教人奪取

若爲病故畜酥油生酥蜜石蜜得齊七日內殘宿而

食不得過七日服

酥謂牛羊等乳變成者油即薑青  
芝麻等油蜜謂蜂蜜石蜜即燕糖

煎煉成者此等諸藥從他人受得時即爲初日齊七

日內應自取服若有餘當施與人不得留至第八日

若十日未滿夏三月有人爲急因緣故以衣施與應

受受已乃至衣時應畜不得過

衆僧七日十六日受  
功德衣至十二月十

五日捨此五月中名衣時若不受功德衣一月名時謂

七月十六日至八月十五日也式及摩羅雖無功德衣

以其坐夏有功故準理亦應隨僧得雨時利益漸長衣

而不犯戒若過雨時不作淨施即犯凡一切衣物要至

安居竟得蓋以此是急施衣故乃開前十日也緣因緣

者或他爲遠行征伐故施或爲病人故施或爲產難等

施故

若知物施僧不得迴以入已

不得欲索是更索彼者謂往施家求此物  
已更求餘物也

若知檀越所爲僧施異不得迴作餘用

謂檀越與財  
物作堂而迴

用作衣服或與作衣服而迴作堂或與此處乃迴與彼

處用若問主即隨主語用若主與物時言隨意用得用

若所爲施物異自求爲僧不得迴作餘用

所爲施異  
者若爲食

施而用作衣爲衣施而用作食若爲餘

處乃更爲餘處用自求者處處求乞也

若檀越所施物異不得迴作餘用

若他施物與作會  
而以此物與作會

不起如前所爲僧作堂此

爲一二人作舍或爲自也

若檀越所爲施物異自求爲僧不得迴作餘用

衆僧  
作房

舍故處處求得財物而以

財物買作衣共分四十

不得畜長鉢

即日得鉢即日應受持一鉢  
有餘者當淨施若遺與人

不得多畜好色器

若即日得器應即日受可須用者  
十六枚餘者當淨施若遺與人十

六枚者謂大鉢蓋大甕及杓小鉢蓋小

甕及杓水瓶瓶蓋甕及杓洗瓶瓶蓋甕及杓

若許他病衣後時應與

病衣者月水出時體內身上  
及著裙也若許他餘所須物

亦應

不得以非時衣受作時衣

時者不受功德衣一月受  
功德衣五月名時非時者

除此二時中於餘時得長衣是名非時衣

也時衣安居僧應分非時衣現前僧應分

若與他貿易衣已後時不得瞋恚還奪取或使人奪

取貿易衣者或以衣買衣或以

餘物買衣或以衣買餘物

若乞重衣當齊價值四張紙不得過

重衣者寒  
時衣也

若乞輕衣極至價值兩張半紙不得過

輕衣者  
熱時衣

不得故妄語

六法中謂於衆中故作妄語  
此中乃至向一人說者便犯

不得毀訾語

謂毀辱於他  
令彼羞耻也

不得兩舌語

謂傳他彼之言令  
生鬭亂也○五十

不得與男子同室宿

不得共未受戒女人同一室宿過三夜僧祇律云大

摩那三宿式及摩那

不得與未受戒人共誦法律本律不聽與未受大戒

未具人說大戒法今此式又戒人共誦經法餘律不聽向

若知他有惡惡罪不得向未受大戒人說若僧作犯

不得向未受大戒人說過人法謂實自盡得禪定解

果不得向未受大戒人說也

不得與男子說法過五六語五謂五陰六謂六根六

若若有智識女人在傍過說不犯

不得自手掘地若教人掘

不得壞鬼神村一切草木是鬼神所依住若人村

不得妄作異語惱他謂他如法問時情生不悅即

不得嫌罵他或面罵或背罵○六十

若取僧繩牀木臥具坐褥露地自敷若教人敷去

時當自舉若教人舉

若於僧房中取僧臥具自敷教人敷去時當自舉若教人舉

若知他先住處後來不得於中間敷臥具止宿欲令彼嫌窄自避去

不得瞋他不喜於僧房中自牽出教人牽出

不得在重閣上坐臥脫腳繩牀木牀脫脚謂掃脚尖

下傷人

若知水有蟲不得自用澆泥若草或教人澆餘一切

爲用

若作大房戶扉牕及餘裝飾具指授覆苦應齊二

三節不得過二三節者謂二三度也

若施一食處無病應受一食不得過其施主爲難故

能多施或限施一食或施一宿

不得別衆食若病時作次時施次時行路時乘

若無病至檀越家請與食不得過二三鉢受持還寺

中不分與餘尼食七

不得殘宿食謂今日受已

不得不受食及棄著口中除水及藥杖不受無犯若

取食及授食與尼。按僧祇律亦應與大尼授食。除火淨生。取金銀錢。自從沙彌尼受食。

若先受請已。不得於前食後。食行詣餘家而不囑餘。

尼除病時。作衣時施衣時。不離無犯。

若食家中有寶。不得強安坐。食家者謂其家夫婦有就意。欲為不淨事。不得強坐妨。

若食家中有寶。不得在屏處坐。

不得獨與男子露地一處共坐。

若先許他共至聚落與食。而竟不教與食。便言我與。

汝一處共坐。共語不樂。而方便遣他去者。得罪。

若檀越請與四月藥。無病亦應受。不得過受。除常時請盡壽。清不犯。若一月二月三月。隨請隨受。不得過期限。復往取。

不得往觀軍陣。除有請喚。因緣不犯。

若有因緣。至軍中二宿三宿。不得過。若為三寶緣事。宿得了。即應還。乃至三宿。不得過。八十。

若軍中二宿三宿時。不得觀軍鬪戰。或觀遊軍象馬。

勢力。

不得水中戲。

不得以指擊擻他。謂以指。打其肉。令酸。癢。忍而取笑也。

不得不受諫語。

不得恐怖他。

若半月洗浴。無病應受。不得過。除熱時。病時。作時。大風時。雨時。遠行來時。

若無病。不得露地然火炙。或教人然。除為病者煮食。熏鉢。染衣。然燈。

犯不。

燒香等。

不得藏他衣鉢。坐具。針筒。或教人藏下。至說笑。餘一切物。

俱不得藏。除畏失。壞故。暫舉。即須還。

若淨施與他。衣後不問主。不得取著。淨施者。謂其實施。與他。也。若作展轉淨施。法即除。意著。不須問主。

若得新衣。當作三種染。壞色。若青。若黑。若木蘭。若不

作者。不得著用。三種色中。隨意用一。若得如法。色新衣。亦應點淨。而著。乃至糞帶。裙。襪。巾等。皆須點淨。九十。

若知水有蟲。不得飲。須細細觀。無蟲方用。

不得故惱他。乃至少時不樂。

若知他有罪。不得覆藏。前成謂覆藏重罪。此戒謂覆藏輕罪。

若知諍事。如法懺悔。已後不得更發舉。

若知是賊伴。不得共一路行。乃至聚落。

若生惡見作是言我知佛所法行姪欲非是障道法  
他諫時即應捨

若知是不捨惡邪見語人俗未與作解法不得畜同  
止宿

若知是惡見被擯沙彌尼不得畜養共同止宿

若他如法諫時不得便言我今不學是戒乃至有智  
慧持律者當難問之

若聞說戒時不得輕訶戒言何用說是雜碎戒爲令  
人憊懷懷疑一百

若說戒法時當一心攝耳諦聽

若共衆同與他物已後不得言彼隨親厚以僧物與  
他

若衆斷事時不得不與欲而起去

若與欲已後不得更悔

不得共鬪諍後聽此語而向彼說

不得瞋恚故不喜而打他

不得瞋恚故不喜以手搏他擗頭張

不得瞋恚故不喜以無根誑謗他前成以重罪謗  
此成以輕罪謗

若王未出未藏寶不得入過宮門闕

若寶及寶裝飾具不得自捉教人捉除在寺內及寄  
宿處喪失故當

取藏之仍須記數  
以還主○一百一十

不得非時入聚落而不囉授當羅大尼無尼應同  
梵行者乃至沙彌尼

若作繩牀木牀足應高如來八指不得過如來一指  
二寸

不得以兜羅綿貯作繩牀木牀臥具坐具兜羅綿者  
是白樹樹

花楊柳花蒲蓋  
花之總名也

不得瞰葱蒜

不得剃三處毛鬚大小便  
處及腋下

若以水作淨應齊兩指各一節不得過若內有蟲草  
搜出不犯

不得以胡膠等物作男根

不得共相拍以手若脚及女  
相拍俱犯

若比丘無病食時不得供給水在前立以扇扇

不得乞生穀麥乃至大小豆胡麻俱不聽乞餘從親  
里及出家人乞已爲他乞他爲已乞

不名自得不起  
○一百二十

不得在生草上大小便涕唾若有病  
不犯

若晨且不看牆外不得傾棄大小便當看牆外無人  
方棄凡棄諸物  
先應密欸  
或彈指

不得往觀聽伎樂

不得入村內與男子在屏處共立語

前戒謂與有經  
欲意男子屏處

立語此之三戒是與  
無經意男子共立語

不得與男子共入屏障處

不得入村內巷中遣伴遠去在屏處與男子共立耳

語

若入白衣家內坐不得不語主人便捨去

若入白衣家內不得不語主人便輒坐牀上

餘有常  
坐處若

是親厚家若石上木上  
壇上草敷上若病不犯

若入他家不語主人不得輒自敷坐止宿

不得與男子共入閤室中

三十

不得不審諦受語便向人說

若有小因緣事不得便呪咀言墮三惡道不生佛法

中謂不應咒詛若有惡忍事至當云若我有  
如是事南無佛若汝有如是事亦南無佛

不得共鬪諍不善憶持諍事便椎胸啼哭

若無病不得二人共牀臥

不得共一褥同一被臥

若各別敷臥褥若寒時止有  
一被總各內著懷身衣臥

不得爲憐故而在彼前誦經問義教授

若因活者病不得不瞻視

同活者謂  
共同利養

若安居初聽他在房中安牀後不得瞋恚故驅他出

除彼破戒及應  
滅彼者不犯

不得春夏冬一切時人間遊行

除爲三寶事  
聽受七日法出界去

七日滿  
即當還

若夏安居訖不得不去

兩樓越諸安居供養限至安  
居竟應出行乃至一宿若波

留若病若不眠諸及非受諸處  
安居不去無犯○一百四十

不得邊界有疑恐怖處人間遊行

邊界者遠城邑處  
若被喚請等若先

至被有疑恐  
怖事起不犯

不得於界內有疑恐怖處人間遊行

界內者邊  
城四面

不得親近居士居士兒共住作不隨順行諫而不捨

親近者數數共  
語共笑共調戲

不得往觀王宮文飾畫堂園林浴池

不得露身在河泉池水中浴

若作浴衣應長佛六磔手廣二磔手半不得過

浴衣  
者膝

身洗浴之衣佛一磔手當常人  
三磔手約周尺有一尺八寸

不得縫衣過五日

若無刀針線及衣少不  
足乃至縫事者不犯

不得過五日不看衣

餘一切所須之物亦應五日一  
看無令失去盡爛色壞若變處



嚴守若受寄人  
爲看俱不犯

不得與衆僧衣作留難

謂種種欲施僧衣而勸令施  
食不施衣也亦不應與餘人

及餘物  
作留難

若不問主不得便著他衣

○一百五十  
是親厚者

不得持沙門衣施與外道白衣

白衣著在家人也除  
與父母及負債者

他人來索袈裟片以  
贖災者應使淨人與

若衆僧如法分衣不得遮令不分恐弟子不得故

摩那無諸徒法然亦不  
得爲親厚知職遮也

不得作是意令衆僧今不得出功德衣後當出欲令

五事久得放捨故

僧尼二衆安居竟十六日俱受功  
德衣受此衣已於五月中得五事

利益一得番長衣二得離衣宿三得別衆食四得展轉  
食五得食前食後不觸授入聚落式及摩那雖無功德

衣以隨大尼安居教亦應得其五利功德  
此衣至十二月十五日衆僧共羯磨捨

不得作是意遮比丘尼僧不出功德衣欲令久得五

事故捨故

若餘尼語言爲我滅此諍事即當與作方便令滅

若言他不信用若  
彼破戒等不犯

不得自手持食與白衣及外道食

當使人與若  
置於物上與

不得爲白衣作使

謂料理白衣家業或春磨煮食數  
坐取水掃地等若爲父母及信心

縱使染病或被  
藥閉人不犯

不得自手紡績

若自索線合  
機練不犯

若人白衣舍內不得在小牀大牀上坐臥

若至白衣舍宿明日當辭主人而去

若爾授親厚人  
知若有脫人每

蛇惡獸出去皆不  
犯○一百六十

不得誦習世俗呪術或教人誦習

若知如是人不得度令出家

如是人者姪女也若其  
有大信心厭離惡法應

將至五六由旬付與大尼教授深廣安  
處之式及摩那雖無諸徒法然須學

不得有二歲隨和尚尼

受大成已仍須二歲隨  
師若師破戒去不犯

若比丘尼僧夏安居竟應往比丘僧中說見聞疑二

事自恣不得不往

應預學之按根本部學法女  
亦隨尼衆往大僧處自恣

不得在無比丘處夏安居

疑無可問處  
疑無可問處

若知有比丘僧伽藍富白已然後入

梵語僧伽藍此  
云衆園謂衆僧

所住之處也應  
先白已而入

不得罵比丘

不得罵瞋諍不善憶持諍事後瞋恚不喜便罵尼衆

若身生癰及種種瘡不白紫及餘人不得輒使男子

破或裏欲使男子醫治者應打遣維衆尼衆未在  
病人前以衣裹身惟留可應治處令治之



若先受請足食已後不得更食正食

正食者謂飯菜乾飯等若受非

正食請若不滿足食請若先不被請皆不犯○一百七十

不得於家生嫉妬心謂知識檀越家以物施與餘人而自心不喜便生嫉妬也

不得以香塗摩身

不得以胡麻滓塗摩身胡麻即芝麻

不得使他塗摩身不得使式及尼沙彌尼在家婦女塗摩身亦不得使比丘尼覆摩身

不得著貯貯衣貯衣者即彈頭貯者或以棉若縲而絮也

不得畜婦女莊嚴身具謂手足釧指環環珞等

不得著革屣持蓋行革屣者皮屣也蓋傘蓋也若天雨時聽在寺內持蓋及聽在寺

外著

若無病不得乘乘行

乘者謂象馬車步乘也若若病乘步挽乘及女乘若有疑

乘去

若不著僧祇支不得入村

僧祇支者掩腰衣也不著即露胸乳腰也若無若失

若方欲作不犯

不得向暮至白衣家若為三寶事請病事若禮越喚轉去○一百八十

不得向暮開寺門不囑授餘尼而出

若無事應前安居有事應後安居不得不安居四月十六日是前安居日五月十六日是後安居日若有三寶事若病病事不及前安居聽後安居前安居住至七月十

五日解後安居住至八月十五日解

不得學世俗伎術以自活命

不得以世俗伎術教授白衣謂不得教在家人裏向莫向日月神祀除去黃帶及黃帶不淨水美向日月神祀許開又言今日某屋宿日好宜種作適舍納使與小兒劇戲長髮宜舉財物宜遠行等

若被擄不得不去應隨順下意樂悔求解讀

若欲問比丘經義應先求聽許已而後問若先常聽問若是二

師親厚知厭不求不犯

若知先住後至後至先住不得欲憶彼故在前經行

若立若坐若臥

若知有比丘寺院不得於寺內起塔謂起尼塔也若故窺寺若先起

塔後作寺俱不犯

若見新受戒比丘應起迎逆恭敬禮拜問訊請與坐

若是一坐食若有病當言大德憐憐我有如是因緣不得起迎逆

不得為好故搖身趨行九十

不得作婦女莊嚴香塗摩身

不得使外道女香塗摩身

不得無病乞酥油蜜石蜜乳酪魚肉食

已上一百九十三法屬戒

向下九十九  
法闍威儀

當齊整著裙

當齊整著衣

不得反抄衣入俗舍

不得反抄衣入俗舍坐

不得衣纏頭入俗舍

不得衣纏頭入俗舍坐

不得覆頭入俗舍

二百

不得覆頭入俗舍坐

不得跳行入俗舍

不得跳行入俗舍坐

不得俗舍內蹲坐

不得叉腰行入俗舍

不得手叉腰入俗舍坐

不得搖身行入俗舍

不得搖身行入俗舍坐

不得掉臂行入俗舍

不得掉臂行入俗舍坐

二百  
十

當好覆身入俗舍

當好覆身入俗舍坐

不得左右顧視行入俗舍

不得左右顧視入俗舍坐

當靜默入俗舍

當靜默入俗舍坐

不得戲笑行入俗舍

不得戲笑入俗舍坐

當用意受食

當平鉢受食

二百  
十

當平鉢受食

當羹飯等食

當以次食

不得挑鉢中央而食

無病不得爲已索羹飯

不得以飯覆羹更望得

不得視比座鉢中

當繫鉢想食

不得大搏飯食

不得大張口待飯食二百三十

不得含飯語餘物亦不聽

不得搏飯遙嚙口中

不得遺落飯食

不得頰食食

不得嚼飯作聲食

不得大噏飯食噏同

不得舌舐食

不得振手食謂盡手畫之也若食中有蟲草等振去不犯

不得手把散飯食

不得汚手捉食器二百四十

不得洗鉢水棄俗舍當持出外棄之

不得水中大小便涕唾除病不犯

不得立大小便除病

不得與反抄衣不恭敬人說法除病

不得爲衣纏頸者說法除病

不得爲覆頭者說法除病

不得爲裹頭者說法除病

不得爲叉腰者說法除病

不得爲著革屨者說法除病

不得爲著木屨者說法除病○二百五十

不得爲騎乘者說法除病

不得在佛塔中止宿除爲守護故

不得藏財物置佛塔中除爲堅牢故

不得著革屨入佛塔中

不得手捉革屨入佛塔中

不得著屣繞佛塔行

不得著富羅入佛塔中富羅是短屣繞佛時著雪國著之

不得捉富羅入佛塔中

不得塔下坐食留草及食汚地

不得擔死屍從塔下過二百六十

不得塔下埋死屍

不得在塔下燒死屍

不得向塔下燒死屍

不得佛塔四邊燒死屍使臭氣來入

不得持死人衣及牀從塔下過除浣染香熏已

不得佛塔下大小便

不得向佛塔大小便

不得繞塔四邊大小便使臭氣來入

不得持佛像至大小便處

不得在佛塔下嚼楊枝二百七十

不得向佛塔嚼楊枝

不得佛塔四邊嚼楊枝

不得在佛塔下涕唾

不得向佛塔涕唾

不得塔四邊涕唾

不得向塔舒脚坐

不得安臥塔在下房已在上房住

人坐已立不得爲說法病除

人臥已坐不得爲說

人在座已在非座不得爲說法除病○二

人在高座已在下座不得爲說法除病

人在前行已在後行不得爲說法除病

人在高經行處已在下經行處不應爲說法除病

人在道已在非道不應爲說法除病

不得携手在道行

不得上樹過人高除難

不得絡囊盛鉢質杖頭著肩上行

人持杖不恭敬不應爲說法除病

人持鉢不應爲說法除病

人持鉢不應爲說法除病

人持刀不應爲說法除病

人持蓋不應爲說法除病○二百九十二法竟

僧祇律云式叉摩那在一切大尼下在一切沙彌

尼上至布薩自恣日入僧中胡跪合掌作是言阿

梨耶僧我某甲清淨願僧憶念持三說而去○阿梨耶此言略也

○懷二百九十二行法法

式叉摩那若違行法直犯佛教即須懺悔不壞本所

學六法當於和尚尼此云親前若阿闍梨此云親前

若餘比丘尼前偏袒右肩胡跪合掌作如是言親

教師一心念我某甲式叉摩那故以染汚心受染汚



心男子捉手餘二百九十一法中犯行法今向親教  
師發露懺悔更不敢作願師憶我三說彼自責汝心  
應生厭離自答爾若非二師應大辨或阿執

式叉摩那尼戒本終

音釋

漑音既 耗音腰 臆音上 瞿音有 苦音入 闍音 薩音 展音

經律戒相布薩軌儀

弘演毗尼沙門 如響 纂要

聞夫大覺初成。始結菩薩波羅提木叉。終至雙林入滅。亦教諸比丘。當珍敬尊重波羅提木叉。始終如是。佛在世時。以佛爲師。去聖逾遠。以何爲師。諸聖所說。以戒爲師。奇哉戒。乃登聖之梯。行越苦海之慈舟。緇素等流。凡登戒品。四儀嚴護。三業恒清。習焉勝之。威儀效波離之軌範。動靜禪思。心恒在道。常樂獨閑。居不近白衣。賁土衣食。隨緣多得。供物有二。素一。三衣法器。常知止足。分外無求。晝夜專修淨業。一行三昧。終身無怠。惡業永消。佛境現前。百年報盡。無諸痛苦。端坐而逝。

彌陀接引。生方親蒙授記。得授記已。乘昔願輪。回入塵勞。四恩總報。拔濟三有。佛恩可酬。是真出家。持戒第一。何不慶哉。末法轉變。正季法門。興也奇哉。令正法久住。世間衆生。正信不斷。勸爲後範。作大弘規。爾

頌曰

三衣掛體越塵寰 恒沙諸佛也皆然

迦葉持衣待慈氏 歷代高僧祖祖傳

末法垂秋衣變白 正法不久住人間

孰能如法行將去 未得道果也超凡

經律戒相布薩軌儀羅列于後

受優婆塞優婆夷五戒相

一曰不殺生戒 二曰不偷盜戒

三曰不邪淫戒 四曰不妄語戒

五曰不飲酒食肉戒

和尚或阿闍黎。審在家男女所犯之事。不得細審。中間所犯戒相。略問發盜淫妄。令其懺悔。爾五百問云。優婆塞。八關齋者。所謂防非止惡。曰。闕過午不食。曰。齋。若在家男女。盡形受持。必獲菩提。乃至一晝夜受持。八關齋者。超一生五戒。何故。願超以戒多。故勸持。半日微齋。力報感六十萬年糧。而世人謬行。擇良辰晝夜不飲漿者。訛也。

受優婆塞優婆夷八戒相

一不殺生 二不偷盜 三不邪淫

四不妄語 五不飲酒食肉

六不著華縵瓔珞及香油塗身

七不歌舞作唱妓樂故往觀聽

八不坐高廣大床 九不非時食

沙彌十戒相

一不殺生 二不偷盜 三不破梵行人

四不妄語 五不飲酒食肉

六不著華縵瓔珞香油塗身

七不歌舞作倡伎樂故往觀聽

八不坐高廣大床 九不非時食

十不捉生像金銀錢寶

比丘二百五十戒相

四波羅夷法 十三僧伽婆尸沙法

二不定法 三十尼薩耆波逸提

九十波逸提 四波羅提提舍尼法

一百應當學 七滅諍法

比丘尼三百四十八戒相

八波羅夷法 十七僧伽婆尸沙法

三十尼薩耆波逸提

中下經部

一百七十八波逸提 八波羅提提舍尼

一百應當學法 七滅諍法

諸部俱無二不定法止三百四十八戒此出四部廣

律僧祇律止有二百七十七戒

審比丘尼戒之時亦不得細問中間所犯之事略問

四棄八棄令其懺悔也

審戒儀式凡受戒者請師對三寶前披陳發露知事

人數設座席羅列香花維那領眾請審戒阿闍黎執

香迎至法堂如法舉香讚畢諸佛子等拈香各禮三

拜一心胡跪合掌

衆誦大悲呪一遍竟舉甘露王菩薩三摩摩

和尚差我爲汝等請某甲阿闍黎爲汝等作審戒阿

闍黎今對此師座前胡跪合掌所有言教須當諦聽

從生以來所犯戒相對三寶前一披陳發露懺悔

不得覆藏洗滌淨器方盛甘露

諸佛子等請師之語汝合自陳恐汝未能皆隨我道

大德一心念爲我某甲今請大德爲我衆等作審戒

阿闍黎我依大德故得如實懺悔法慈愍故慈愍故

大慈愍故

諸佛子等。汝既慙懃。伸請我爲汝等作審戒阿闍黎。所有言教。一心諦聽。

攝尺

諸佛子等。從無始已來。至於今日。未識佛時。未聞法時。未遇僧時。未知善惡。造無間業。身三不善。殺盜淫。非口四不善。妄言綺語。惡口兩舌。意三不善。貪瞋邪見。弑父害母。弑阿羅漢。破和合僧。出佛身血。壞僧伽藍。焚燒經像。毀謗正法。作一闍提。一切罪惡。無量無邊。今對十方佛。前發露求哀。願乞消滅。如是名爲總相懺者。善男子。別相懺者。我今逐一問汝。汝等逐一實答。若不實答。得故妄語罪。

善男子等。若在家時。至出家時。過去現前所犯四根本罪。中有應懺悔者。有不應懺悔者。善男子。不應懺悔者。若奪人命。盜三寶財物。姪其所尊父母。姑姊伯叔。污淨行比丘尼。不應懺悔也。大妄語者。未得謂得。承證謂證。天來龍來。鬼來神來。旋風土鬼。皆主我所。願異惑衆。貪他供養。已自活命。若如是犯者。不應懺悔也。善男子。我今問汝。應懺悔者。若殺畜牲者。許懺

中加疑之

悔也。盜他財物。一鍼一綽。不與取者。皆名偷盜。姪其等輩。應其懺悔也。妄言綺語。指有言空。指空言有。及方便妄語。乞應消滅。善男子。我今又問汝等。從生至生。噉飲酒肉。迷真失性。鬪亂兩家。不識尊卑。如斯等罪。一一披陳。發露懺悔。洗滌器皿。甘露方貯。若不如。此並名非法。准律不容。進受各各逐一。

審戒師應令苦禱。禮于佛。消滌愆尤。戒可得受。

往昔所造諸惡業。皆由無始貪瞋癡。

從身語意知所生。一切罪根皆懺悔。

審沙彌戒。同前請詞。若僧尼受沙彌十戒。若久若近。五戒無犯。方受十戒。若有犯者。教令如法懺悔。堪受戒法。倘若會中有沙彌尼。另審毋得同衆。若審不必細問中間所犯之事。略審四棄八棄。發露令他如法懺悔。可受十戒爾。

審沙彌戒儀式

沙彌受比丘戒。亦同前五戒儀式。兼法請詞。同前引請云。

諸沙彌等。聞聲各體三拜。一齊胡跪合掌。稱名。

闍黎撫尺。

重樓四級次第而登。爾能欲登三級之重樓。秉受具。

圓必須從前所受十戒之相一一陳白。若有犯者如實發露懺悔不得覆藏瑕玼隱覆在心可舉向人悔過。若不如斯發露罪乃日增不堪受汝戒法。諸沙彌等。我今如實問汝一一實答。諸沙彌等從受十戒若久若近所犯其戒從實發露令汝如法懺悔淨其器血。諸師坐前白四羯磨。乃受大比丘戒。若不如實懺悔不容進受。並名非法不得戒也。審戒師亦令禮懺雪罪也。兼舉往昔所造諸惡業云

審沙彌戒竟

審比丘戒儀式引前同前

令五戒八戒十戒者出去。方審比丘戒

諸大比丘等。今欲求菩薩戒者。各各一心拈香胡跪合掌

壇上宗師差我等敷設席座請某甲

阿闍黎為汝等作審戒。阿闍黎汝比丘等各各懸懸伸請汝。合自陳恐汝未能皆隨我道

大德一心念我某甲衆等求諸佛菩薩欲受菩薩戒。今請大德為我作審戒。阿闍黎願大德為我作審戒

阿闍黎我依大德放得受三聚十無盡清淨戒。慈愍故慈愍故大慈愍故。闍黎撫尺

諸大比丘等。汝既懸懸伸請我為汝等作審戒。阿闍黎所有言教一心諦聽。今某

壇上宗師差我為汝等作審戒。阿闍黎我今問汝如實而答不得妄議。有所犯則言犯無犯者則言無不得妄答。我今問汝所受具圓若久若近戒相二百五十條所謂

四波羅夷法有所犯否。答有無

十三僧伽婆尸沙法有所犯否。答有無

二不定法有所犯否。答無

三十尼薩耆波逸提法有所犯否。答無

九十波逸提法有所犯否。答無

四波羅提提舍尼法有所犯否。答無

一百應當學法有所犯否。答無

七滅諍法有所犯否。答無

我今問汝等若受三聚十無盡大戒。若犯七遮罪者不應進受。我今重問汝等實答若不實答並不得戒



法華法

謂諸比丘汝等曾出佛身血否。答無。汝等弑父否。答無。汝等弑母否。答無。汝等破羯磨轉法輪僧否。答無。汝等弑聖人否。答無。若無七遮罪者。甚是淨器。引白和尚求諸佛菩薩。賜與菩薩戒。前無重罪。後無七遮。戒可得。受衆和住。昔所造諸惡業云云。

經律云。半月半月布薩誦戒儀式。前戒者布薩之法。有二十六種。所謂阿難布薩。賊布薩。舟中布薩。林間布薩。日暮布薩。晨朝布薩。等世尊俱不聽。或太晚。或太早。諸方比丘來遲會中。諸比丘作布薩已。竟此來比丘。不喜往白世尊。告諸比丘。言晨朝太早。待諸比丘來。半月半月已時。布薩敷設高座。香華供養。聽者下坐。各披五條七條袈裟。各持經律卷。至法師所。一心而聽。和尚法師講演。或不能可爾。直誦十重四十八輕戒。四衆人等俱詣其所。一心攝耳諦聽。故名布薩。比丘和合共住。亦名布薩。等。非是發露罪。相名為布薩者。訛也。或無衆中。乃至一人。亦可度對佛前。自誦一卷。乃名一人布薩也。每於半月半月舊

受菩薩戒者。布薩審戒之日。亦依前儀式。引請闍黎。能作審戒。羯磨之人。亦可在屏處。無得無戒俗人前。審之。若大會中。四衆大戒人。所敷設高座。香華羅列。如法安座。引諸由班

大德一心念。某甲堂上宗師。差我等。伸請大德。爲衆等作審戒。阿闍黎。我依大德。故令得懺悔。法慈愍故。慈愍。故大慈愍。故。撫尺

諸佛子。等汝既慈愍。伸請我爲汝等作審戒。阿闍黎。所有言教。一心諦聽。諸佛子。等半月已過。應作布薩。法梵諸布薩。此云我對說。彼此相向。自陳已過。所犯罪相。不得覆藏。如法懺悔。懺悔則安。樂不懺悔。罪亦深。

先喚五戒八戒出。班發露懺悔。竟令出。

次喚十戒沙彌出。班發露懺悔。竟令出。

再喚比丘戒出。班發露審其二百五十戒。有所犯否。若無默然清淨。放是事。如是持令出。然後方審菩薩戒。十重四十八輕戒。相隨其輕重。毋得重罪作輕。輕罪作重。非制而制。是制便違。若不如斯審戒者。獲其

罪也

審波羅夷罪十條

大德若有犯者一一發露不得覆藏

第一殺戒有所犯否答無

第二盜戒有所犯否答無

第三淫戒有則言有無則言無

第四妄語戒犯否答無

第五酤酒戒已下同前

第六說四衆過戒

第七自讚毀他戒

第八慳惜加毀戒

第九瞋心不受悔戒

第十謗三寶戒

若犯重者令懺悔見好相若無犯者衆清淨故是事如是持

輕垢罪四十八條

諸大德若有犯輕垢罪者對三寶前大眾前一發露彼此相向說罪即得消滅不同十重求見好相也

第一不敬師友戒犯否答無

第二飲酒戒已下同前

第三食肉戒

第四食五辛戒

第五不教悔罪戒

第六不供給請法戒

第七懈怠不聽法戒

第八背大向小戒

第九不看病戒

第十畜殺具戒

第十一國使戒

第十三謗毀戒

第十五僻教戒

第十七恃勢乞求戒

第十九兩舌戒

二十一瞋打報仇戒

二十三憍慢僻說戒

二十五不善知衆戒

二十七受別請戒

二十九邪命自活戒

三十一不行救贖戒

三十三邪業覺觀戒

三十五不發願戒

三十七冒難遊行戒

三十九不修福慧戒

四十一爲利作師戒

四十三無慙受施戒

四十五不化衆生戒

第十二販賣戒

第十四放火焚燒戒

第十六爲利倒說戒

第十八無解作師戒

第二十不行放教戒

二十二憍慢不請法戒

二十四不習學佛戒

二十六獨受利養戒

二十八別請僧戒

三十不敬好時戒

三十二損害衆生戒

三十四暫念小乘戒

三十六不發誓戒

三十八乖尊卑次序戒

四十揀擇受戒戒

四十二爲惡人說戒戒

四十四不供養經典戒

四十六說法不如法戒

四十七非法制限戒 四十八破法戒

諸大德若有犯者。出班發露。無犯者是。中清淨默然。故是事如是持。

佛在世時。常隨衆千二百五十人。居山各修異道。奉持邪見禁戒。若形非究竟法。謂耶舍長者子。朋黨五十人。優樓頻螺迦葉師徒五百人。那提迦葉師徒二百五十人。伽耶迦葉師徒二百五十人。舍利弗師徒一百人。大目犍連師徒一百人。此千二百五十人。並先事外道。勤苦累劫。而無所證。承佛化導。各受具圓。即得證果。於是感佛之恩。遠近遊行。一一法席。常隨佛不捨。故諸經之首。列衆所知。識千二百五十人俱者。此之謂也。

清涼國師緣起

華嚴六祖澄觀字大休。會稽人。姓百侯氏。廣造疏鈔。生於開元戊寅。身長九尺四寸。垂手過膝。口四十齒。目光夜發。晝乃不眴。目顧十行。文供四筆。天寶七年。出家。至肅宗二年。受具足戒。是年奉詔入內。勅譯華嚴。初至德中。即以十事自勵。曰。

體不捐沙門之表 心不違如來之制

坐不背法界之經 性不染情礙之境

足不履尼寺之塵 脇不觸居士之榻

目不視非儀之綵 舌不味過午之餚

手不釋圓明之珠 宿不離衣鉢之側

六祖大師緣起外紀

大師名慧能。父盧氏。諱行瑫。唐武德三年九月。左官新州母李氏。先夢庭前白華競發。白鶴雙飛。異香滿室。覺而懷娠。遂誕。誠齋戒懷妊六年。師乃生。屬唐貞觀十二年戊戌。歲二月八日子時生。產時毫光騰空。香氣芬馥。黎明有二僧造謁。謂祖師父曰。夜來生兒。專爲安名。可上慧下能也。父曰。何名。慧能。僧曰。慧者以法慧濟衆生。能者能作佛事。言畢而出。不知所之。師不飲母乳。遇夜神人灌以甘露。三歲父喪。葬於宅畔。母守制。鞠養。既長。鬻薪供母。年二十有四。聞經有省。往黃梅參禮五祖。器之。付衣法。令嗣祖位。時龍朔元年辛酉歲也。南歸隱遯。至儀鳳元年。以子正月八日。會印宗法師。詰論玄奧。風幡之動。印宗悟契。師旨。

是月十五日。普會四衆爲師。薙髮二月八日。集諸明德。授具足戒。西京智光律師爲授戒師。蘇州慧靜律師爲羯磨師。荊州通應律師爲教授師。中天善多羅律師爲說戒師。西國蜜多三藏爲證戒師。戒壇乃宋明求那跋陀羅三藏。建立碑曰。後當有肉身菩薩。於此受戒。又梁天監元年。智藥三藏自西竺國航海而來。將彼土菩提樹一株。植此壇畔。亦預誌曰。後一百七十年。有肉身菩薩。於此樹下開演上乘度無量衆。眞傳佛心印之法主也。師至是。祝髮受戒。及與四衆開示。單傳之旨。亦如昔識。

梵網經云。佛子。諦聽。若受佛戒者。國王王子百官宰相比丘比丘尼十八梵天六欲天子庶民黃門娼男娼女奴婢八部鬼神金剛神畜生乃至變化人。但解法師語。盡受得戒。皆名第一清淨者。

律至日本國開元十四年。融法師從日本國來。至我大明國。日本國王命融法師持袈裟十領上綴山河至楊州。奉與鑒真律師。數曰。外國君王亦有佛性。融乃請律師。迫舟航海。至日本國。領群臣迎一驛。請

入內庭。築壇。兼受菩薩戒。夫人亦爾。乃至羣臣咸登戒品。況我中國王臣耶。一切諸鬼神。乃至東嶽大帝。受戒于思大禪師中。嶽帝君受戒于元珪禪師。乃至廬山神關將等。亦受尸羅戒。法既受戒。已向更服。應著袈裟。永不墮惡道。佛預授記成就。菩提佛藏經云。寧噉燒石。吞飲羊糞。不以無戒。食人信施。沙彌十戒。手不得捉生像。金銀錢寶。

比丘二百五十戒。亦勿手捉寶及寶莊飾具。出家人法三衣知足。分外無畜。何況生相金銀云。何生像。所謂金花銀花銀釧耳鐙等。金銀錢者。金錢銀錢等。寶者。珠冠環珞玲瓏玉珎等。以上生像寶物等。非等閑人之所有。俱屬王臣富饒之家男女莊飾之具也。如來制戒。不得捉用。非比銀錢其物。非善賤人得之。易犯。何況出家人手捉也。

菩薩戒不擇無根二根黃門等。俱已受戒。四分律云。二根有三種者。人二根。非人二根。畜生二根。黃門者。有三種也。人黃門。非人黃門。畜生黃門。若言內畜者。訛也。

梵網經云不受佛戒者名為畜生生不見三寶如木石無心名為外道妄見人輩犯輕垢罪也

### 五種色衣著



又百緣經云佛在世時波斯匿王夫人生一男兒端正殊妙世所希有身披袈裟生已能語問父王曰如來世尊今者在不德迦棄在不舍利弗大目犍連在不如是徧問悉為在不父王答曰皆悉都在惟願大王為我設供請佛及僧王勅為請佛入宮已見其太子而問之曰汝自憶念迦棄佛時是三藏比丘不答言實是處此胞胎為安隱不蒙佛道恩得存性命得過日耳時王夫人見此太子與佛世尊共相問答喜不自勝而白佛言今此太子宿植何福生便能語乃至與佛咸有問答惟願世尊敷演解說爾時世尊即便為王而說偈言

宿造諸善緣 百劫而不朽 善業因緣故

今獲如是報

### 依律造衣法

大衣僧伽黎衣限五日造過限成者突吉羅罪僧尼同七衣鬱多羅僧限四日成過者犯墮五衣安陀會限二日成過者突吉羅尼觸些那又云泥伐散那舊云涅髮僧訛也此云短裙也無帶連接裙幅束帶條也僧祇支此云覆腋衣用覆左肩右開右合魏王請僧入內宮自恣官人見僧偏袒不以為善遂作此衣施僧因而受稱褊衫右邊今作兩袖須開後縫截領以存元式故也

大迦葉修頭陀行法四種糞掃衣應畜一者塚間衣二者往還衣三者無主衣四者弊垢衣如是四種衣應畜將來洗七次染皂色補作僧伽黎大衣四層著非破衲頭名外道衣准律不聽用迦棄尊者樹下一宿日中一食佛稱阿練兒也五種糞掃衣不應畜一者火焚衣二者牛嚼衣三者鼠咬衣四者嫁女不淨衣五者產衣如是五種不淨衣不應畜 雨浴衣覆



捨衣應畜

世尊聽畜三囊鉢囊藥囊鞋囊應畜若有衆生於我法中爲我出家剃除鬚髮披著袈裟雖不受戒及受毀犯若有護持供養是人得大果報何況供養具持戒者若未來世國王大臣及斷事者於我弟子及著袈裟罵辱打縛或驅使及奪財物資生之具是人則壞三世諸佛真正報身則挑一切天人眼目則墮一切諸佛正法令諸天人墮於地獄

藏義經云袈裟有十種利益一者菩提上首二者衆處人天三者父母反拜四者龍子捨身五者龍披免難六者國王敬信七者衆生禮拜八者羅刹恭敬九者天龍護祐十者得成佛道永明壽禪師戒序儀文云昔蓮華色比丘尼曾爲戲人以披袈裟作戲承此功德無有誠心而受衣法尙能值釋迦牟尼佛所出家證阿羅漢果

比丘每日三時課誦儀

晨朝每用楊枝澡豆三業清淨著七條衣或誦經持呪三時念佛回向西方虔脩香燈奉獻稽首頂禮右

手捻無名指念普供養眞言

唵嚩日囉斛七 若見佛時當願衆生讚云得無礙眼見一切佛

法王無上尊 三界無倫匹 天人之導師

四生之慈父 我今暫歸依 能滅三祇業

稱揚若讚嘆 億劫莫能盡 三讀三禮已

然後持誦切須發願回向西方不生中下品決生上品也

比丘不得通肩著袈裟禮佛死墮鐵甲地獄除坐禪受食通肩不犯

比丘不得披禪衣禮佛及禮尊宿或經行塔殿前人前死變團魚龜蠶之類切須戒之慎之

比丘凡入空門當准律儀若老若少若貴若賤五夏依止稍通戒律入闍黎位十夏依止一切經律盡解入和尚位當與四衆傳衣受戒不依止者獲罪甚重速求懺悔可爾

比丘六事隨身若離衣鉢界外一宿犯捨墮

比丘受食不善法衣犯墮罪除重病無所覺知不犯凡律中一切水俱用澆水囊或細熟絹或細綿布可

爾若熟絹更好生絹小虫直過餘則不堪若無蠶者  
當用一塊木牌寫此四句及呪牌上放入水中或井  
中若汲水之時依法持呪

若見流水 當願衆生 得善意欲 洗滌滅垢

南無歡喜莊嚴王佛 南無寶髻如來

南無無量勝王佛

唵嚩悉波囉摩尼莎婆訶 二十遍

優婆塞戒經云在家菩薩若不儲畜錫杖鉢盂僧伽  
黎供養者犯失意罪

昔羅漢比丘於山巖入定時有獼猴將坐具偏袒右  
肩合掌右邊三匝跪地比丘出定嘆曰畜生尙有佛  
性比丘即與受三歸五戒獼猴歡喜舞跳失足墜岩  
而死即生兜率天宮隋文帝請經法師受菩薩戒而  
仁慈恭儉號稱平治終始如初梁武帝築壇禁中延  
請釋慧約師發弘誓願受菩薩戒暫屏袈裟著福田  
衣當受戒時有一鵲二孔雀立階不昇驅馳不去至  
受戒已畢然後飛騰此帝王得戒之禪祥也  
四分律云昔有在家首羅居士財施已盡佛勸諸比

丘作學家羯磨其家財寶更增三倍于時首羅居士  
偏袒右肩展尼師壇脫革履禮諸比丘足蒙佛與我  
作學家羯磨財寶更勝諸大德與我解學家羯磨仍  
舊至我舍四事供養如是三白云

又大緣經云以一日一夜出家二十劫不墮三惡道  
又出家功德經云爲出家作留礙破壞抑制此人即  
斷佛種故諸病集身猶如大海現得癩病死入黑闇  
地獄無有出期爾時大王太子聞出家功德甚深普  
皆發心出家已弟子問世尊四天下中無一衆生在  
家者俱出家已衣食從何而得佛言不須種植其地  
自然生諸秬米諸樹自然生諸衣服三品口衣袈裟  
鉢具一切諸天人供侍給使若勸一人持律勝造八  
萬四千浮圖寶塔何以故當得阿耨多羅三藐三菩  
提故

齊鄆東大覺寺釋僧範姓李平鄉人也戒德清高守  
禁無虧常宿他寺意欲聞戒至於十五日說戒之夜  
衆議共亭說戒乃爲法集有陸座將欲豎義叙云豎  
論法相深會聖言布薩嘗聞擊椎爲勝忽見一神形

高丈餘貌甚雄俊。涌聲驚人。來到座前。問堅義者。是何日答曰。是布薩日。神即以手搗之。拽下座來。委頓垂死。次問上座。問答同前。拽下座死。陵害二三上座。已神還掉臂而出。當時道俗共觀。非一範師。既見斯異。乃自勦力。兼築大家。至於一生無敢說欲縱有病。重不堪勝。疊請僧就病人所。恭敬說戒。闍境僧尼。承斯徵誠。至布薩亦無虧缺。

普曜經云。若賢人聞是經典。叉手自歸。捨八事懈怠之本。成八功德。明動何謂爲八。一端正。好色。二力勢。強盛。三眷屬滋茂。四辯才無礙。五即得出家之奧妙。六所行清淨。七得三昧。定入得智慧。明無所不照。又阿輸迦王爲小兒。以土施佛。得轉輪王。王闍浮提起八萬塔。最後得道。施物至賤。小兒心薄。但佛田妙。故得大果報。當知大福從良田生。

又福田經云。有比丘名阿難。白世尊曰。我宿命生羅閱祇國。爲庶民子。身生惡病。治之不瘳。有親友道人來語我言。當浴衆僧。取其浴水。以用洗滌。便可得愈。又可得福田。我即歡喜。往到寺中。加敬至心。更作新

井香油塗浴具。洗浴衆僧。以汁洗滌。尋蒙除愈。從此因緣。所生端正。金色晃昱。不受塵垢。九十一劫。常得清淨。福佑廣遠。今復值佛。心垢消滅。速得應真。比丘沐浴。當擇其所忌者。六齋日。斯日諸神下降。衆人善惡。宜修善作好事。所謂六齋日者。初一。初八。十四。十五。二十三。二十九。三十。比丘入浴室。著五條衣。將淨衣掛淨竿上。觸衣掛觸竿上。入池默念。

沐浴偈呪

若洗足時 當願衆生 具神足力 所行無礙  
洗浴身體 當願衆生 身心無垢 內外光潔  
跪跣折囉。憍迦吒莎訶七遍

五百問云。凡本界內。若大若小。所有亡僧衣物等件。屬四方僧。或師亡物。或弟子亡物。小界內五衆已上。應作羯磨。分若師弟子不作羯磨。分五錢已上犯棄罪。若大衆中亡僧物。查批估直已竟。衆中鳴捷。估唱羯磨衣物等件。給散四方僧。或辨食。或分物。雜那作白云。大德僧聽。某甲比丘患病身亡。所有衣物等件。

應作食請四方僧大德忍聽願亡僧早生淨土居不退地也如是三唱是事如是持若不爾食者犯捨墮罪愆之愆之

### 傳授錫杖偈呪儀

梵語棄棄離此云錫杖亦名智杖亦名德杖三世諸佛皆已持錫得阿耨菩提斯杖上用錫中用木下用牛牙角爲鑽不許銅鐵並名非法行人如法受持六道衆生俱離苦得解脫樂經云

執持錫杖 當願衆生 設大施會 示如實道 若爲慈悲覆護一切衆生當於此手

唵那嚩嚩那嚩嚩那嚩吒鉢底那嚩帝那夜鉢憐吒發吒三遍

永嘉云降龍鉢解虎錫兩鉗金環鳴嚩嚩不是標形虛事持如來寶杖親踪跡比丘受食踟躕而坐展巾單於膝上捧鉢念供養左手捧鉢默念

執持應量 當願衆生 成就法器 受天人供 以右手大姆指捻無名指念普供養眞言

唵嚩日囉斛七遍

### 又念淨法界眞言

唵嚩二十一遍 莎訶

結印同前侍者送食時十指相叉畢於頂上默念唵字二十一遍然後捧鉢舉匙三匙有節五觀無違三匙者一匙願斷一切惡二匙願脩一切善三匙誓度一切衆生如是行者承此呪力勝以河沙七寶百味飲食供養十方諸佛河沙菩薩及諸賢聖僧普能週遍也

佛制比丘 食存五觀 散心雜話 信施難消 受供養時 當存五觀

### 受食五觀法

一者計功多少量彼來處一鉢之飯作夫汗流二者忖已德行全缺應供缺則不宜可乃受三者防心離過貪等爲宗離此三過貪瞋癡也四者正事良藥爲藥形枯飢渴病故須食爲藥五者爲成道業故應受食不食成病道業何從若見空鉢 當願衆生 究竟清淨 空無煩惱若見滿鉢 當願衆生 具足盛滿 一切善法

庵部施一氣  
七遍

三德六味 供佛及僧 法界有情 普同供養

若飯食時 當願衆生 禪悅爲食 法喜充滿

三德者一輕軟二淨 六味者一甘二辛三鹹  
四苦五酸六淡

粥有十利 饒益行人 果報無邊 究竟常樂

粥十利者。俗祇律因難陀母施衆僧粥。佛說偈云

持戒清淨人所奉 恭敬隨時以粥施

十利饒益於行者 色力寧樂辭清辯

宿食風除飢渴消 是名良藥佛所說

欲得人天長受樂 應當以粥施衆僧

一色二力三壽四樂五辭清辯開訓 六辯展轉言 七

宿食消入風除九消飢十消渴也

隨衆念鉢中出生偈呪

法力不思議 慈悲無障礙 七粒遍十方

普施周沙界

庵度利益莎訶七遍

午齋出生

大鵬金翅鳥 曠野鬼神衆 羅刹鬼子母

甘露悉充滿

庵摩帝莎訶七遍

侍者送食偈呪

汝等鬼神衆 我今施汝供 此食徧十方

一切鬼神共

庵摩力陵莎訶七遍

執鉢偈呪

執持應量 當願衆生 成就法器 受天人供

庵呌哩呌哩囉日囉昨發吒七結實念摩揭

所謂布施者 必獲其利益 若爲樂故施

後必得安樂

飯食已訖 當願衆生 所作皆辦 具諸佛法

○受齋偈

財法二施 等無差別 檀波羅蜜 具足圓滿

比丘洗鉢或陸地或江潮海中將洗鉢水飯送江湖

淨地齋諸天仙受此法食俱獲證果利益無涯

洗鉢偈呪誦曰

以此洗鉢水 如天甘露味 施與諸鬼神



悉皆獲飽滿

唵摩休囉悉莎訶七遍

展鉢偈呪

如來應量器 我今得敷展 願供一切衆  
等三輪空寂

唵斯麻摩尼莎訶七遍

比丘取楊枝或淨人取者須問主化若無主者則與  
樹神問記而化不得取中枝傍枝可耳嚼楊枝名齒  
木嚼一頭碎用剔刷牙齒中滯食有五利一口不苦  
二口不臭三口除風四除熱五除痰癢嚼楊枝須在屏  
處不得顯露及往還潔淨處或弄齒木先以水洗乃  
警欬或彈指警覺方可弄於屏處若其異者得越法  
罪也

執楊枝偈呪

手執楊枝 當願衆生 皆得妙法 究竟清淨

唵薩吧嚩述答薩哩吧答哩麻薩吧嚩述恒嚩囉囉  
二十 莎訶

嚼楊枝偈呪

嚼楊枝時 當願衆生 其心調淨 嚩諸煩惱

唵阿暮伽彌摩隸爾嚩迦囉僧輪狀彌鉢頭摩俱麼  
囉爾嚩僧輪陀耶陀囉陀囉素彌摩嚩娑訶七遍

漱口連心淨 吻水百花香 三業恒清淨  
同佛往西方

唵瑟囉罕莎訶七遍

剃頭擇日 出藏內寶積經文殊菩薩集

初四 初六 初七 初八 初九

初十 十一 十四 十五 十六

十九 二十二 二十三 二十四 二十五

二十六 二十九

剃頭偈呪

剃除鬚髮 當願衆生 遠離煩惱 究竟寂滅

唵悉般都漫多羅跋陀耶娑婆訶七遍

展單敷具坐禪偈曰

若敷床座 當願衆生 開敷善法 見真實相

正身端坐 當願衆生 坐菩提座 心無所著

唵嚩則囉阿尼鉢囉尼邑多耶莎訶七遍

結加趺坐 當願衆生 善根堅固 得不動地

修行於定 當願衆生 以定伏心 究竟無餘

若修於觀 當願衆生 見如實理 永無乖謬

出捨加趺坐 當願衆生 觀諸行法 悉歸散滅

臨睡眠時 當合掌觀想念佛十聲 卽誦此偈

以息寢時 當願衆生 身得安隱 心無動亂

○阿觀想阿字輪一氣持三十遍 右脇而臥

睡眠覺悟 當願衆生 一切知覺 周顧十方

唵地利日哩莎訶七遍

聞鐘聲 煩惱輕 智慧長 菩提生

出地獄 離火坑 願成佛 度衆生

破地獄眞言曰

唵伽羅帝耶莎訶七遍

聞鐘臥不起 護法善神嘆 現前滅福慧

後世墮蛇身

著衣偈

若著上衣 當願衆生 獲勝善根 至法彼岸

著下裙時 當願衆生 服諸善根 具足慚愧

整衣束帶 當願衆生 檢束善根 不令散失

下足住時 當願衆生 心得解脫 安住不動

從朝寅旦直至暮 一切衆生 自迴護若於足下喪其

形願汝卽時生淨土凡下單時 指三下

唵逸地律尼莎訶七遍

舉足行步不傷虫呪

若舉於足 當願衆生 出生死海 具衆善法

唵地利日利娑婆訶七遍

比丘登廁先彈指三下有二義一者恐有人二者恐

噉穢之鬼令他避之不得吐唾在板上

大小便時 當願衆生 棄貪瞋痴 獨除罪法

唵狠魯陀耶莎訶默念 七遍

藏經云蜀僧智超誦華嚴經三十餘載因洗手不如

法淨坐時偶見一童子風貌清爽手高揖超曰何來

曰五台來超曰何遠至此曰少事欲相道故超曰願

聞吾師誦經三衣齊整固可喜矣當登廁洗淨時觸

水淋其手背而缺灰泥皂角律制七度洗淨今但二

三緣此觸尚存禮佛誦經悉皆得罪言訖不見超慙

●食門經

面啟過文殊化現警於超也。經中入廁洗淨各有神呪。倘不默持此呪者。縱用七恒河水洗之。不清淨。何以故。種子不淨也。

出廁洗淨偈呪

事訖就水 當願衆生 出世法中 速疾而往

庵室利曳婆醯莎訶七遍

左手後二指洗去穢偈呪

洗滌形穢 當願衆生 清淨調柔 畢竟無垢

庵賀蜜栗帝莎訶七遍

洗手偈呪

以水盥掌 當願衆生 得清淨手 受持佛法

庵主迦囉耶莎訶七遍

洗面偈呪

以水洗面 當願衆生 得淨法門 永無垢染

庵囉二十遍 莎訶

食口水等偈呪

佛觀一鉢水 八萬四千蟲 若不誦此呪

如食衆生肉

庵摩悉波羅摩尼莎訶七遍

若見衆會 當願衆生 說甚深法 一切和合

庵阿蜜栗吒發吒七遍

登道場遶塔偈呪

遶塔三匝 當願衆生 勤求佛道 心無懈歇

南無三滿多沒馱喃庵杜波杜波娑婆訶七遍

搭衣展具偈呪 五衣云

若著袈裟 當願衆生 心無所染 具大仙道

善哉解脫服 無相福田衣 欽奉如來命

世世不捨離

庵悉陀耶莎訶三遍 七衣云

善哉解脫服 無相福田衣 我今頂戴受

世世常得披

庵度婆度婆莎訶三遍 大衣云

著僧伽梨 當願衆生 入第一位 得不退法

善哉解脫服 無相福田衣 奉行如來命

廣度諸衆生

庵摩訶迦婆波吒悉帝莎訶三遍



臥具尼師壇 長養心苗性 展開登聖地  
奉持如來行

庵檀波檀波莎訶三遍

上來偈呪過而復始若能加工用行與戒相應則  
法財充足善果可期矣

律部中持戒略意錄明于後

三聚淨戒



三種羯磨 對首法 發心會境口自傳情非爾  
同乘法也四人 已上在於羯磨 不言而辨前事各共面對

十誦律云若比丘別衆食除餘時波逸提除時者病  
時施衣時作衣時行道時許二十里外船行時大會  
時沙門施食時作務時  
佛在舍衛國爾時諸比丘入舍衛城乞食時得有衣

請食請主言受我食者當以衣施諸比丘言佛未聽  
我等爲衣故數數食諸比丘不知云何是事白佛佛  
以是事集比丘僧種種因緣讚戒讚持戒讚持戒已  
語諸比丘從今衣因緣故聽諸比丘數數食從今是  
戒應如是說若比丘數數食波逸提除餘時餘時者  
病時施衣時是名時是中犯者

若比丘有衣請彼有衣食來受請不犯食者亦不犯  
又比丘有衣食請彼無衣食來受請不犯食者波逸  
提

又比丘有衣食請彼有衣食無衣來受請不犯食者  
波逸提

若比丘無衣食請彼無衣食來受請突吉羅食者波  
逸提

又比丘無衣食請彼有衣食來受請突吉羅食者不  
犯

又比丘無衣食請彼有衣食無衣食來受請突吉羅  
食者波逸提

若比丘有衣食無衣食請彼有衣食無衣食來受請

突吉羅食者波逸提

又比丘有衣食無衣食請彼有衣食來受請突吉羅食者不犯

又比丘有衣食無衣食請彼無衣食來受請突吉羅食者波逸提不犯者得多有衣食請一一有衣食來不犯

菩薩三義 大道心衆生大道成衆生覺衆生

菩薩三名 大士大道心衆生開土開衆生信心高

士昇出凡夫小衆

菩薩三大 願行利生

大比丘三義 破惡修戒定慧破見思惑怖魔魔

王懼出三界生怖懼乞士養色身資慧命利檀那

律有三名 毗尼律善制波羅提木叉尸羅戒亦云

減保解脫

持戒三心 厭有爲求趣菩提慈愍有情

持戒三樂 名譽利養死生天明人能護戒能得三

種樂名譽及利養死得生天上

衣制三限 大衣五日七條四日五條二日造衣如

上

法制違者不得衣獲其罪也

錫杖三分 上分錫中分木下分牙角

應器三法 體大要有二謂泥及鐵色黑赤或孔

雀咽色錫色量受三斗小斗半中可知

諸佛菩薩以三輪示現度衆生 三輪者計心說法

神通

三衣斷三毒 五條斷貪身七條斷瞋口大衣斷痴

意

大比丘三義 大天主大人所敬故多徧解內外經

書故勝出九十五種士故

四食時 早起諸天日中三世佛日西畜生日暮鬼

神

四利須食 資身爲道養身中虫生施者福破餓外

道

四分律 初分說比丘戒二分說比丘尼并受戒健

度三分說安居健度四分說房舍健度等

菩薩四心 廣大心所有一切衆生之類勝即第一

心我皆令入無餘涅槃常心實無衆生得度了生



傷如也不顧倒心無我人衆生等者四相

比丘四義 淨乞食破煩惱淨持戒能破魔

比丘四法 晝夜六時說罪懺悔常憶念佛不誑衆

生修六和敬心不悲慢具修六念如救頭然

比丘四法 常念如來立佛形像聞經深義即信奉

行雖不見佛曉了本元知十方佛則一法身

羯磨四法 一法二事三人四界

頭陀四食 乞食不作餘食一坐食搏食一器盛

頭陀四衣 衣衲衣三衣二種食乞食一座等處蘭

若塚間樹下常座此無次第

乞食四意 福利羣生折伏憍慢知身有著除去滯

著

四根本煩惱 貪瞋痴我慢

毗尼四義 一是佛法中平地萬善由之而生二一

初佛子皆依戒住一切衆依戒而有三是趣涅槃

之初門四乃佛法瓔珞能莊嚴佛法故

捨戒四緣 捨所學即捨戒二形生男變女變男斷

善根受惡戒邪見捨衆同分身死

尸羅四義 清涼義離心熱惱故安隱義能爲他世

樂因故安靜義能建立止觀故寂滅義得涅槃因

故

攝心四戒 先斷心姪心有少愛即爲欲本大斷心

殺心瞋爲殺故入神道三斷心偷詐匿邪爲貪而

不捨四斷妄語自言得聖人法名妄

成就威儀四法 不染三有知之爲苦我與彼人苦

樂俱然常行忍辱在上不慢在下不耻

謙下獲四種功德 遠離惡趣不受旁生不被輕毀

常爲人天恭敬惡友怨敵不能陵突

菩薩修行四法 善分別自心現觀外性非性離生

住滅見得自覺聖智善樂

比丘具戒四分義攝 一受具足謂白四羯磨二隨

具足謂從此向後隨二戒常持覆證三護他心具

足謂比丘一分威儀具足名護他心四具足守戒

謂於小罪見畏不犯若有犯當發露

菩薩四輪 欲權八輪 生中國輪摧三途北洲長壽

天難修正願輪摧世智辨聰難植善輪摧盲瞽瘡

女下  
字下  
延脫

癡難近善人輪摧佛前佛後難

乞食四分 一奉同梵行者一與窮乞人一與諸鬼

神一分自食

修行四法 寧失身命不捨菩提心親近善友不捨

忍辱依寂靜處

持戒有四 怖畏戒不造惡名治罰希望戒貪財名

譽等願覺戒求解脫果等清淨戒無漏離惑等

四分優婆塞 無分但受三歸少分或受一戒多分

受二三四滿分具受五戒

威儀 上標 充儀 前三非是沙  
形服 下標 虛誑 比丘 門自言沙門  
名聞 實行 如法 是與沙門也

菩薩四自在法 一戒二神通三智四慧

弟子四心看和尚 一親愛師二敬順師三畏難師

四尊師

戒品四等生處不同 破戒三畜生餓鬼地獄下持

戒一人道中持戒一六欲天又能兼行四禪四空

定生色無色界上持戒三下羅漢中支佛上佛道

四種重恩 父母生身故須報如來大師說法師

四種比丘 畢竟到道比丘阿羅漢又云無學果示

道比丘三果聖人又云初二三果受道比丘初果

向又云通內外凡汚道比丘凡夫破戒又云犯四

重者

佛應四處 降生迦維衛成道摩竭提說法波羅奈

入滅拘尸那

四根本煩惱 貪煩惱瞋煩惱痴煩惱我慢煩惱

五種三皈 翻邪五戒八戒十戒具戒

袈裟五色 赤色青色銅黑色雜木蘭紫色

五種懺悔 不必禮拜應常想念第一義空孝養父

母恭敬師長正法治國不枉人民於六齋日勸諸

境內令行不殺深信因果知佛不滅

五不赴請 晏然而居諸天說法觀察病人守護臥

具戒制學處

五法助戒 信慚愧善知識宗敬戒受世間戒奉佛

戒

五戒生天 不殺生四王天不盜生忉利天不姪生

夜摩天不妄語生兜率天不飲酒肉生化樂他化天

五種關繫 出家師所依得出家羯磨師授戒作羯

磨教授師教以威儀受經師受經四句等依止和尚學戒十夏與人為師

五種水糴 方羅用絹三尺成一尺隨時作大小法

瓶陰陽瓶也軍遲以絹繫口繩懸水中待滿引出酌水羅但取密絹方一搭手或繫瓶口衣角羅或鉢中澆水

鉢中澆水

五不應答 試故問無疑故問不為悔所犯故問不

受故問語難故問

出家五法 發心出家懷佩聖道毀其形好應被法

服委棄身命尊崇法道永割親愛毋適毋莫志求大乘為度眾生

比丘五法 怖魔乞士淨戒淨命破惡

破戒五衰 求財不得設得耗散眾不愛敬惡名流布死入地獄

破戒五過 自害為智所誦惡名流布臨終方悔死

入惡道

踰越五利 最安隱心不散魔王怖畏外道心易止

慈獨五德 體性柔軟喻出家人能折伏身語粗曠

引蔓旁布喻出家人傳法度人連綿不絕馨香遠

聞喻出家人戒德芬馥為應所聞能療疼痛喻出

家人能斷煩惱毒害不背日光喻出家人常同佛

日

睡眠五過 惡夢諸天不護心不入法不思明相喜

出精

楊枝五利 口不臭又口滋味口不苦又除熱能除

風又祛風亦除執又消食除痰癰又明目

不嚼五過 口氣臭不別味癰不消不引食眼不明

旋繞有五事 比丘禮佛已右繞不得左轉如日月星繞須彌山也 低頭視地

不得踏虫不得左右視不得睡地不與人語

旋繞得五福 後世得端正好色得好音聲得生天

上生王侯家得泥洹道

乞食遮五處 唱令家旃陀羅沽酒家官家姪女家

●五不應遊  
中欠一應遊

入俗舍五法 入門小語攝身口意卑躬善護諸根  
威儀庠序令人生善

五不應遊 官家酒肆屠兒家姪女家

五分戒律 一波羅夷法二尼波羅夷法三受戒衣

藥食法等四滅諍法五破僧法雜法等

一夷 四波羅夷較安 〔比丘四條 尼八條〕

燒 十三僧 燒 〔比丘十三條 尼十七條〕

五篇 提 〔三十波羅夷 比丘九十條 尼一百七十八條〕

尼 四提舍尼 〔比丘四條 尼八條〕

古突吉羅 〔比丘一百條 尼一百條〕

比丘二百五十條尼三百四十八條今止四十一

條者更加二不定七滅諍俱至五十條又見七數

中七聚六聚也

懺悔五法 偏袒右肩右膝著地至心合掌頭向禮

足說罪名

持律得五功德 戒品牢固善勝諸怨於衆中決斷

無畏疑悔者能開解善持戒令正法久住

安居須離五過 太遠聚落求須難得大近城布妨

修道業多蚊蠅嚙踐傷彼命無可依人其人具  
五德乃可依之無施主施飲食湯藥

菩薩施具四心 知施實相三輪皆空起慈悲心拔

苦與樂發願得無上果回向回施法界具足方便

偏脩諸行

五戒屬對五陰 不殺對色陰不盜對受陰不淫對

想陰不妄語對行陰不飲酒肉對識陰

犯五戒被五星陵逼 殺戒今被木星陵逼天傷身

命盜戒今被金星陵逼貧窮下賤淫戒今被火星

陵逼王法加刑妄語今被土星陵逼出語不信飲

酒今被水星陵逼愚痴墮塞

袈裟五種功德 入我法中犯重邪見等於一念中

敬心尊重必於三乘受記天龍鬼神若能敬此袈

裟少分即得三乘不退若有鬼神諸人得袈裟乃

至四寸飲食充足若有衆生共相違背念袈裟力

尋生慈心若持此少分恭敬尊重常得勝他乃至

龍披一縷皆免金翅鳥難

五夏依止法 過五歲知五事知犯輕重知羯磨名

闍黎

十夏依止和尚位 不知律儀盡形依止精進戒藏

與人爲師授人戒法若不然者獲罪無量無解作  
師五百問云應求懺悔若不悔者罪日加增受戒  
之人不得戒也

受菩薩戒獲五種利 一者十方佛愍念常守護二  
者命終時正見心歡喜三者生生處處爲諸菩薩友  
四者功德聚戒度悉成就五者今後世性戒福慧  
滿

五篇罪配五刑五行 一波羅夷死士二僧殘流水

三波逸提徒金四提舍尼杖火五突吉羅答木

舊五刑 墨劓剕宮大辟

午後不食得五種利 少姪少睡得一心無下風身

安無病若過午一切有形之類片鹽片醋入口中

者墮焦腸地獄除病時施衣時造衣時遠行時行

紅時大會時施食時作務時八條許食不犯

大比丘五事故經營 報佛恩故律中比丘自營精

舍故長養佛法故滅凡劣衆自貢高故將來弟子

折伏憍豪故發起將來福業故

五戒對攝十善

不殺

不盜

不淫

不妄語

不飲酒

不食鴉片

不食肉

不食糖

不食鹽

不食醋

不食油

不食水

不食火

不食風

不食日

不食月

不食星

不食雲

不食雨

不食雪

不食霜

僧伽六和 戒和同修見和同解身和同住利和同  
均口和無諍意和同悅

沙彌比丘六物乃名梵人

僧伽六和

戒和同修

見和同解

身和同住

利和同

均口和

無諍意

和同悅

沙彌比丘

六物

乃名梵人

僧伽六和

戒和同修



六聚華梵 波羅夷此云棄小乘云不可憊大乘云  
他勝處僧伽婆尸婆此云棄殘如斷人頭氣喉在  
故偷蘭遮此云醜惡波逸提此云墜因治財犯捨



墮未懺故波羅提提舍尼此云可呵突吉羅此云惡作惡說六聚加惡說爲七聚

六度華梵



七衆 比丘清淨活命云乞士又名能破煩惱故又名能怖魔故比丘尼者女也佛以儀法不便故在沙門後姨母求出家不許令行八敬乃許式叉摩那此名學戒尼十八童女應二歲學戒練身知有胎無胎卽三法根本六法行法沙彌此云息慈謂息惡行慈也又翻勤策男沙彌尼此云勤策女優婆塞義翻信士男亦名善宿男又名清淨士又名近事男優婆夷義云信士女亦名善宿女二雖在家能持五戒男女各處

七支戒 殺盜淫身妄語綺語兩舌惡口口身口造

作名業各加不字名戒

持律獲七功德 能持佛內藏能善斷諍持戒外道頂住以律故不咨他於衆說戒無畏故能斷有疑故能令正法久住故

法苑七事受胎 相觸男以身觸女身分卽生貪著而成胎取衣優陀夷共婦出家欲不止精汚衣尼祇衣成胎下精鹿母嗅道士精欲心而飲因而有胎手摩腋菩薩父母俱盲出家爲道不合陰陽手摩故唯視男子而懷胎聞聲白鷺鳥悉離無雄春至聞雷聲有胎嗅香懷母牛但嗅犢氣卽便懷胎

七遮罪 殺父殺母殺和尚殺阿闍黎破羯磨轉法輪增殺十地聖人出佛身血

七滅諍法 應與現前毗尼當與現前毗尼應與憶念毗尼當與憶念毗尼應與不痴毗尼當與不痴毗尼應與自言治當與自言治應與多竟罪相當與多竟罪相應與竟罪相當與竟罪相應與如舛覆地當與如舛覆地諸大德是七滅諍法半月半月說戒經中來若比丘有首事起卽應除滅

優婆塞具八支 信戒施聽法受持解義如說修行  
八大人覺 少欲知足寂靜精進正念正定正慧無  
戲論

菩薩八法 一乃至失命不說他過二化人令皈依  
三寶三安置一切於菩提心四梵行不染五造佛  
像安花座上六能除衆生憂惱七於貧高人常自  
謙下八不惱他人大寶積云菩薩成就八法於諸  
佛前蓮華化生

八法信重袈裟 應起塔想應起寂滅想應起慈想  
應起悲想應起如佛想應起慚想應起愧想應起  
令我來世離三毒具沙門經云袈裟聖人表幟隨  
順寂滅行慈悲心未得沙門行此八法

尼戒八棄 殺波羅夷此云棄若犯此戒永棄佛法  
邊外猶如大海不受死屍盜姪大妄語與男身觸  
與比丘四棄戒同於染心男捉手提衣屏處共立  
共語共行身相倚相期覆他重罪隨舉六僧供給  
衣食

尼行八敬 不得罵謗比丘不得舉比丘過比丘得

十宅羅尼

說尼過失應從僧中受具戒犯僧殘半月在二部  
僧中行摩那羅當於僧中求教授人不應在無比  
丘處結夏安居夏訖詣僧中求自恣百歲尼禮初  
夏比丘尼

九等大衣 下三品九條十一條十三條中三品十  
五條十七條十九條上三品二十一條二十三條  
二十五條

制戒十益 一攝僧故二攝攝僧故三令僧安樂故  
四折伏無耻人故五有慚愧者得住持故六不信  
者令得信故七正信者增益故八於現法中得漏  
盡故九未生諸漏令不生故十正法久住爲諸天  
人開甘露門故


九命于夏劫

乞食十利 一自活命自偶不屬他二施我者命  
住三寶然後當食三長生悲心四隨順佛教五易  
滿易養六破憍慢法七無見頂善根八見我乞食  
餘者效我九不與男女大小有諸事故十次第乞  
生平等心

受戒發十大願

<p>能常念佛觀善知識 能讀誦大乘經典問甚深義 能於無上菩提生信心 若見衆生受苦惱時能救護 能隨力供養三寶 能孝順父母敬事善知識 能捨諸懈怠勤求佛道 於五塵上煩惱生時能制伏心 能捨一切惡知識 乃至失命因緣不犯戒</p>	<p>師問佛子</p>	<p>從今已去</p>	<p>否 否</p>
---	-------------	-------------	--

授戒法十二科



今刊  
三十字  
經

佛陀仙陀樓哆	轉闍耶數多婆
毘毘薩陀多耶	阿羅多賴都耶
波羅那佛疊	
不妄語	
阿提梵者珊耶	因雲羅因雲羅
阿伽風施婆多	佛疊彌摩多哆
多賴叉三密陀	
不飲酒	
阿摩羅斯兜略	那羅門闍兜帝
薩隸尼乾那波	闍隸闍毗舍羅
迦摩毗那闍尼佐	
犯五戒所招過咎具於前章行者勿令有損也	
佛住世八十年頌曰	
十九逾城六苦行	五歲遊歷三十成
說法度生五十年	是則共當八十壽
迦絺那明了論云爲存略故但言迦提此翻功德以	
坐夏有功五利實德也西域記以迦提翻云昂昂	
星直此月故律鈔到明了論翻爲堅實能感實能感	

今食莊具

今食莊具

今食莊具

今食莊具

多衣衣無敗壞故又名難活以貪人取活爲難捨少財入此衣功德勝如以須彌大衣聚施也或云堅固又云陰覆古翻爲賞善罰惡衣賞前安居人後安信也亦翻功德衣以僧衆同受此衣招五利功德律中受此衣故畜長財離衣宿皆請別衆食食前食後至他家四分云安居竟應受功德衣則前安居人七月十六日受至十二月十五日捨四分云若得新衣若檀越施衣若糞掃衣四分云糞掃則非死入衣新物操作淨若已浣浣已納作淨卽日來不經宿不以衰命得應法四周有緣五條作十隔用袈裟色受捨應鳴鍾集僧羯磨具出自念篇

大明會典一欵

太祖洪武永樂高皇三次頒行天下

大乘菩薩戒經永爲定例

聖諭許令僧俗受戒之人抄白牒文隨身執照凡遇關津把隘之處驗寔放行

洪武舊製

聖旨 洪武十年三月十三日禮部尙書張呂本孫



敏李江懽勅監承林英奉

天門奏准欽奉

聖旨 就批本著落禮部知道一切南北僧道不論頭陀人等有道人許令浙江廣東廣西湖南等處俱有行脚僧道白衣人等情願歸依

三寶或受五戒或受十戒持齋戒酒習學經典明心見性理義圓明僧俗善人許令齋持戒牒

大乘菩薩隨身執照不論山林城郭鄉落村中恁他結壇上座拘集百千善男信女僧俗人等日則講經教化一方善人夜則取靜修心在家脩道者孝順父母尊敬長上和睦鄉里早辨稅糧生不遭王法死不墮地獄出家修道者日則他飯充飢夜則念佛看經爲善勝至爲國家保祐長生祝延

聖壽理合自然又於謹身殿奉

洪武二十年四月十一日禮部尚書崔趙郎中御臺

史劉經歷依

聖旨覆奉頒行天下重出曉諭知道於

永樂五年二月初六日文武官等奉天門早朝奏准

聖旨著落禮部知道重新出榜曉諭該行脚僧道持齋受戒大功大行善知識恁住他處結壇說法度人人生死救人苦厄須用香燭茶菓甘甜飲食供養善知識每日喫人間黃金千兩也消得施主的受人禮拜受人供養一日八萬四千餘糧功德無量無邊不可思議但到寺觀廟堂用心供養不可呵罵但上座說法之時若遇關津把隘稅課司巡檢司等衙門公人不得阻當許被害人告官發邊遠充軍或里長老人阻當俱發口外爲民恁他集衆教化善法如

朕親臨教訓圓明無如佛上法寶上祝

皇國永固風調雨順萬民同樂共享太平

吾朱門皇子皇孫永爲定例

善見毗婆沙律卷第十八後半卷出同字函

小乘律中

大德舍利弗問優波離律行出品

舍利弗問優波離偈 幾罪以身得幾罪以口得覆藏得幾罪相觸復有幾優波離以偈答舍利弗以身

得六罪口業復有六覆藏得三罪相觸得五罪答曰  
一者身得二者口得三者身口得四者身心得五者  
心口得六者身口心得身業得六罪者姪怒爲初口  
業得六罪者虛誑妄語爲初覆藏得三罪者一者比  
丘尼覆藏重罪得波羅夷二者比丘尼覆藏他重罪得  
波夜提三者比丘尼自覆藏重罪得突吉羅是名覆藏  
得三罪相觸得五罪者一者比丘尼摩觸波羅夷二  
者比丘尼摩觸僧伽婆尸沙三者比丘尼以身觸女人衣  
得偷蘭遮四者比丘尼以衣觸女人衣得突吉羅五者  
比丘尼指桎他比丘尼波夜提是名五罪

第二問答明相出幾罪三唱復有幾於此幾八事一  
切聚有幾明相出三罪三唱有二種於此一八事一  
切聚有一答曰明相出得三罪者一夜六夜七夜十  
夜過一月明相出尼薩耆波夜提比丘尼獨宿明相  
出僧伽婆尸沙比丘尼自覆罪明相出突吉羅是名明  
相出得三罪三唱二種一者比丘二者比丘尼當說  
戒時三唱有罪不發露得突吉羅是名三唱二罪於  
律中具八事成罪者比丘尼波羅夷是一一聚有一

二二

者戒序中說憶有罪應發露發露者分別戒相輕重  
毗尼有二相者身口是毗尼重有二者波羅夷僧伽  
婆尸沙是也覆藏亦有二者一波羅夷一僧伽婆尸  
沙

第三問答解答如來分別結毗尼有幾相毗尼重有  
幾復有幾覆藏如來分別說毗尼有二相毗尼重有  
二覆藏亦有二

第四問答聚落間幾罪度江復有幾噉肉幾偷蘭噉  
肉幾突吉羅聚落間有四度江亦有四一肉偷蘭遮九  
肉突吉羅聚落間有四者一比丘與比丘尼共期行  
比丘初去時得突吉羅至聚落境界比丘得波夜提  
罪一脚在內一脚在外比丘尼得偷蘭遮一脚盡入  
僧伽婆尸沙是名聚落間四罪渡江有四罪者比丘  
與比丘尼共期船行初去時比丘得突吉羅上船比  
丘得波夜提比丘尼一脚上岸得偷蘭遮二脚俱上  
得僧伽婆尸沙是名渡江四罪一肉偷蘭遮者卽是  
人肉九肉突吉羅象馬狗等肉

第五問答夜語幾得罪晝日復有幾布施得幾罪受

五項二字  
斷行

施復幾罪。夜語有二罪。晝日復有二罪。施得三罪。受施得四罪。答曰。夜語有二罪者。若比丘尼共男子入闔室屏處。耳語得波夜提。若比丘尼共男子一處去二肘外。得突吉羅。是名夜語。二罪。晝日亦有二者。比丘尼共男子屏處。若二肘半內。得波夜提。二肘半外。得突吉羅。是名晝日。二罪。布施得三罪者。比丘有殺心。布施毒藥。殺人。得波羅夷罪。非人得偷蘭遮罪。殺畜生。得波夜提罪。是名布施。三罪。受施四罪者。女人以手施與比丘。捉得僧伽婆尸沙。女人以姪慾施比丘。得波羅夷罪。非親里比丘。尼施衣。得尼薩耆波夜提。若比丘尼染汙心。知染男子受食。得偷蘭遮。是名受施得四罪。五罪。

第六問答。幾罪對首悔。幾罪須羯磨。作已不可悔。如來分別結。五罪可懺悔。第六須羯磨。一罪不可懺。如來分別結。答曰。可懺悔者。偷蘭遮。波夜提。波羅提提。舍尼突吉羅。惡說是名五罪。可懺悔。第六須羯磨者。僧伽婆尸沙。一罪不可懺。波羅夷是也。毗尼有二重者。一波羅夷。二僧伽婆尸沙。身口亦如是者。結戒

亦有疑者

不過身口非時殺

第七問答。毗尼二重。毗尼重有幾。佛說身口業非時。幾殺味幾。白四羯磨。毗尼有二重。身口亦如是。非時殺一味。白四羯磨。答曰。非時殺一味者。蘇毗鹽以穀作得非時服。是名殺一味。白四羯磨者。差教。戒比丘尼。是波羅夷。有二者。一比丘。二比丘尼。是和合地。有二者。一身和合。二法和合。

第八問答。波羅夷二條。和合。波羅夷有幾。幾曰。和合地復有幾。失夜結二指。有幾。波羅夷有二。和合地有二。失夜亦有二。結二指。有二。答曰。失夜亦有二者。一行波梨婆沙。二行摩那埵。是也。結二指。有二。一比丘尼。洒淨。二頭髮長不得過二指。

第九問答。打身有幾種。幾種衆僧。破作初罪。有幾作。白復有幾。打身有二種。因二破衆僧。初作有二罪。作白亦有二。答曰。打身得二罪者。比丘尼打身得突吉羅。啼得波夜提。是因二破衆僧。有一羯磨。二提舍羅。是作初有二罪者。一比丘。九初罪。二比丘尼。九初罪。是作白亦有二者。一白羯磨。二單白。

第十問答殺生有幾罪重語有幾種罵言有幾種行媒有幾種殺生有三罪語重有三罪罵言亦有三行媒事三罪答曰殺生有三罪者人得波羅夷非人偷蘭遮畜生波夜提語重有三罪者教偷教死向人說得聖利法是名語有三重罵言亦有三者若欲心罵女根殺道二僧伽婆尸沙罵除身分得突吉羅是名三罪行媒有三罪者受語時得突吉羅往說偷蘭遮還報得僧伽婆尸沙是名三罪

第十一問答幾人受具戒聚作有幾罪滅擯復有幾一語復有幾三人不得受聚作復有三滅擯亦有三一語亦亦三答曰三人不得受者一遠不聞二身分不具足三根不具足衣鉢不具足身分所攝十三難人是根不具足所攝聚作復有三者一別衆二白不成就三羯磨不成就是名三滅擯亦有三者一比丘尼以身謗人如慈地比丘尼滅法摩二沙彌壞沙彌就他殺道行姪三者行姪欲法不障道者是名滅擯三罪一語亦有三者一羯磨三人一時得戒是名三

●者字屬刪

第十二問答盜戒有幾罪姪戒復有幾正斷復有幾因棄擲有幾盜戒有三罪姪戒有四罪正斷亦有三因棄擲有三答曰盜戒有三罪者五錢波羅夷四錢偷蘭遮三錢乃至一錢突吉羅是名盜三罪姪戒有四罪者一女相波羅夷死女半壞偷蘭遮不觸四邊突吉羅比丘尼以物作根自入內根中得波夜提是名四罪正斷亦有三者一斷人命波羅夷二斷神木波夜提三自截男根偷蘭遮是名三因棄擲有三者有殺心棄擲毒藥若人得死波羅夷非人死偷蘭遮畜生死得波夜提是名三棄擲復有三比丘棄擲僧伽波尸沙棄擲大小便生艸上得波夜提水中淨地得突吉羅者

第十三問答教比丘尼戒幾波逸突吉於中幾有新衣有幾種衣教尼戒品中波夜突吉羅有四信佛說與衣二種罪答曰教誡比丘尼至日沒得波夜提先說法後說八敬法得突吉羅有四信佛說者一房舍二戒三如法作四不如法作是名四與衣二種罪者與非親里具足比丘尼衣得波夜提與不具足戒比

丘尼衣得突吉羅不具足戒者從此丘尼白四羯磨未從大僧白四羯磨是名與衣二

第十四問答佛說尼有幾波羅提有幾食生殺有幾波夜突吉羅佛說比丘尼波羅提有八波夜得突吉因乞生殺故答曰波羅提有八者比丘尼波羅提提舍尼是波夜提突吉羅者比丘尼乞生殺得波夜提食時突吉羅

第十五問答行時有幾罪立時有幾罪坐時有幾罪眠時有幾罪行時有四罪立時有四罪坐時有四罪眠時有四罪答曰行時有四罪者比丘與女人共期初去時得突吉羅至村得波夜提比丘尼獨行去得偷蘭遮至村得僧伽婆尸沙立時有四罪者比丘尼共男子立在屏處得波夜提申手外得突吉羅若比丘尼明相欲出不隨伴去住離申手內偷蘭遮申手外得僧伽婆尸沙坐眠亦如是

第十六問答波夜提有幾一切非一種非前亦非後同一時而得波夜提有五其類非一種非前亦非後一時俱得罪答曰波夜提有五者酥油蜜石蜜脂五

器各受過七日服得五波夜提罪其類非一種者酥蜜等也非前亦非後者取聚置一處并服一時俱得罪

第十七問答有幾波夜提一切非一種非前亦非後同一時而得九波夜提其類非一種非前亦非後一時俱得罪答曰有九波夜提者乞九種美食一乳二酪三酥四熟酥五油六蜜七石蜜八肉九魚是名九種其數非一種各異也非前亦非後者因食時俱得罪一時食也

第十八問答有幾波夜提其類非一種以身口穢穢如來分別說有五波夜提其類非一種以口業穢穢如來分別說答曰有五波夜提者其五波夜提其數非一種以口業穢穢一時穢穢得減

第十九問答有幾波夜提其類非一種幾以口業穢穢如來分別說有九波夜提其類非一種一以口業穢穢如來分別說答曰有九波夜提者乞九種美食得九波夜提罪其類非一種者酥油魚肉相異以口業穢穢者九波夜提罪一語穢穢得減也



第二十問答有幾波夜提其類非一種口語成懺悔如來分別說有五波夜提其類非一種發語名字悔如來分別說答曰有五波夜提者發語名字懺列罪名而懺悔

第二十一問答有幾波夜提其類非一種聚性成懺悔如來分別說有九波夜提其類非一種聚性成懺悔如來分別說答曰有九波夜提者取性成懺悔者列罪名而懺悔

第二十二問答第三罪有幾因食復有幾食時得幾罪因食得幾罪第三得三罪因食有六罪食時得三罪因五食得罪答曰第三得三罪者隨舉比丘尼三諫不捨波羅夷比丘被僧三諫不捨僧伽婆尸沙比丘比丘尼惡見三諫不捨波夜提因食得六罪者云何得六罪一爲飲食故自稱得過人法二爲飲食故行媒三爲飲食故言若人住此寺者得道果不自道名字故得偷蘭遮四爲飲食故無病乞食五爲飲食故比丘尼無病乞食犯波羅提提舍尼六爲飲食故比丘無病乞食得突吉羅罪是名因食得六罪食時

得三罪者比丘食人肉偷蘭遮象馬龍狗等肉突吉羅罪比丘尼食蒜得波夜提罪是名食時三罪因五食得罪者比丘尼知男子染污心從乞得人肉得蒜得美食象馬肉受染污心男子食僧伽婆尸沙噉人肉偷蘭遮噉蒜波夜提乞美食波羅提提舍尼象馬等肉突吉羅是名因五食得罪

第二十三問答一切第三過至處復有幾復問罪有幾諍事復有幾一切第三過罪至有五處善答罪有五諍事亦有五答曰一切第三過者比丘尼隨舉初諫不捨突吉羅一羯磨不捨偷蘭遮二羯磨不捨波羅夷是名三諫三罪罪至有五處者比丘尼隨舉白不捨突吉羅一羯磨不捨偷蘭遮二羯磨不捨波羅夷若欲破僧三諫不捨僧伽婆尸沙惡見三諫不捨波夜提是名五罪善答罪有五者比丘比丘尼式叉摩尼沙彌沙彌尼五衆具有三諫不捨罪諍事亦有五者五衆俱有四諍

第二十四問答論事復有幾以幾法用滅有幾不得罪有幾處成善論事復有五以五法用滅清淨有五

種三處中成善答曰論事復有五者論五衆淨事以五法用滅者五衆滅五衆淨事清淨有五種者五衆犯罪懺悔得清淨三處中成善者僧處衆處白衣三處無淨是名善也

身藏盡說  
一句

第二十五問答身業夜幾罪見時得幾罪乞食得幾罪身業夜二罪身業晝二罪見時得一罪乞食得一罪答曰身業夜二罪者比丘尼與男子共夜入屋申手內波夜提申手外突吉羅身業晝二罪者比丘尼晝日與男子共屏處申手內波夜提申手外突吉羅見時得一罪者比丘故看女根得突吉羅乞食得一罪者比丘無病不得爲身乞食得突吉羅

第二十六問答見恩有幾種依人成懺悔驅出復有幾善行復有幾見恩有八種依人成懺悔驅出說有三善行四十三答曰見恩有八種者於拘絏彌達度已說依人成懺悔者五衆懺悔罪要因依人得悔驅出說有三者一覆藏二未懺悔三惡見善行四十三者攝人行四十三法得入衆不行此法不得入衆第二十七問答妄語有幾種七日復有幾波羅提舍

● 合 夥 合

幾發懺悔有幾妄語有五處七日法有二十二提舍  
尼懺悔復有四答曰妄語有五處者波羅夷僧伽婆  
尸沙偷蘭遮波夜提突吉羅七日法有二者七日棄  
受七日法出界外是名二十二提舍尼者比丘尼入  
波羅提提舍尼比丘四波羅提提舍尼舍十二懺悔  
復有四者提婆達多遣人害佛供養阿菟留陀優婆  
夷離車子衆僧爲作覆鉢羯磨娑婆伽比丘此四種  
人就佛懺悔

第二十八問答。妄語有幾。觀布薩有幾。觀使者有幾。觀外道有幾法。妄語有八。觀布薩復有八。使者亦有八。外道有八法。答曰。妄語有八。觀者發心欲妄發口。成妄語。妄語竟知是妄語。隱藏所知。妄道餘事。前人知解邪心是名觀也。布薩復有八者。八戒也。使者亦有八者。調達以非法欲破僧。僧差具八德人往說。調達所作非佛法。僧是調達所作也。外道有八法者。外道欲出家人行波利婆沙八法者。不往五不應行處。聞讚佛法。僧歎喜。

第二十九問。答。受戒有幾語。復有幾起。敬。幾人應預。

座教誡尼有幾八語受具戒起敬亦有八預座復有八八法教誡尼答曰八語受具戒者比丘尼白四羯磨比丘白四羯磨起敬亦有八者比丘尼八敬法也預座復有八者大眾集時上座八人次第坐餘者隨坐八法教誡尼者比丘有八德堪教誡比丘尼

第三十問答幾人不應禮不爲作叉手有幾突吉羅用衣復有幾十人不應禮比丘尼式叉摩那尼沙彌尼優婆塞優婆夷犯戒人眠人食人大小便嚼楊枝人十人不爲作者如前十種人不得作叉手有十突吉羅者若爲上十種人作禮及叉手得突吉羅罪用衣復十者十種衣聽著

第三十一問答有幾作不善如來分別說於瞻部律中一切不善作十二作不善如來分別說於瞻部律中一切不善作答曰十二作不善者白不善非法別衆非法和合衆法別衆白羯磨中有四非法白二羯磨中有四非法白四羯磨中有四非法三四合十二非法

第三十二總問答隨大德所問我亦隨意答問問中卽答無有一狐疑

善見毗婆沙律卷十八大德舍利弗問優波離律行出品終同字函第八南藏號

解明慈地比丘尼擯法出本函第十三卷中

滅擯比丘尼者滅擯有三一者滅身二者滅不同住三者滅罰是名三滅擯云何滅身答曰滅作者是滅身也云何滅不同住若犯罪不出復不捨邪見名滅不同住云何滅罰汝但作罪自然滅此是滅罰也此慈地比丘尼於三滅中自得滅身也佛語諸比丘汝等滅擯慈地比丘尼法師曰此慈地比丘尼身清淨爲人所教作如此謗教者應滅擯何以世尊教滅擯慈地比丘尼爲以其謗故擯爲以其犯罪故擯若以其有罪擯者查婆摩羅子亦應有罪以其謗故擯者查婆無罪於律本中說若比丘以無根波羅夷法謗比丘得僧伽婆尸沙若比丘以無根波羅夷謗比丘尼突吉羅比丘尼謗比丘亦如是若爾慈地比丘尼得突吉羅妄語故波夜提法師曰以無根波羅夷謗

●戒律部

●戒律部

比丘得僧伽婆尸沙無波夜提罪慈地比丘尼犯突吉羅罪亦無波夜提罪所以擯慈地比丘尼以其自言犯罪故於是世尊從座起入房諸比丘即教慈地比丘尼脫法服覓白衣服與著羅其令出慈地比丘見擯慈地比丘尼語衆僧言我瞋瞋故教比丘尼謗此是我罪莫擯慈地比丘尼瞋者轉善心也不喜者因瞋故失喜心是不喜亦言心垢無根波羅夷法者此無賓波羅夷謗者

法律三昧經云一切賢聖及外道五通仙人俱各修禪云何得道各異頌曰

如來禪三祇 果滿行周圓 菩薩禪衆生  
度盡趣涅槃 緣覺禪棄有 著無病亦然  
仙人禪存想 飛昇憶長年  
又永明壽禪師四料揀云

有禪無淨土 十人九錯路 陰境變現前  
敵爾隨他去 無禪有淨土 萬修萬歸去  
但得見彌陀 何愁不開悟 有禪有淨土  
猶如戴角虎 現世爲人師 過去作佛祖

無禪無淨土 戴床並銅鉢 萬劫與千生  
無個人依估  
或難曰云何兼修

有人來問老僧禪  
行住坐臥皆如此  
苦海之中無把捉  
到家不用關捩子  
即入無餘大涅槃

又曰

學道莫學口頭禪 妄談般若自招愆  
腳踏實地行將去 兼修淨土妙中玄

經律戒相布薩軌儀終

律學沙門如繫指衣鉢之資。餒梓流行。庶即過去  
師僧父母。歷劫親冤。法界有情。咸悟金剛寶戒。共  
造如來定慧之域  
伏願盡此報身。速生安養。面禮

彌陀親授記前

梵網經懺悔行法

明 菩薩戒弟子 藕益智旭 述

經云若有犯十戒者應教懺悔在佛菩薩形像前日夜六時誦十重四十八輕戒苦到禮三世千佛若一七日二三七日乃至一年要見好相便得滅罪此金口明訓也故知法華方等大悲占察等種種行法雖各有滅罪得戒功能而於犯十戒者仍須別依梵網行法方使標心不泛所謂如從地倒還從地起又此經所明千里無師像前自受但云當以七日佛前懺悔得見好相便得戒若不得好相應二七三七乃至一年要得好相而不云苦到禮三世千佛蓋大意與瓔珞地持之自誓受戒同耳故向年已曾述學戒法今則特爲受菩薩戒之後犯十重者別明懺儀俾依三世諸佛出罪既見好相則戒體完復雖於比丘法中不任借用而或爲菩薩沙彌或爲菩薩優婆塞可無慚德且密默進道直證無生亦非分外事矣其或八戒五戒及沙彌戒破根本者依此懺法見好相已既得菩薩

大戒亦仍可許進比丘戒若小乘比丘破根本者依此懺悔見好相已密達無生或仍可附與學之科縱令障深未成感應而永斷相續懇惻求哀必能閉惡趣門植出世種也略爲十意一嚴道場二淨三業三香華供養四讀禮歸依五陳罪悔除六立誓誦戒七苦到禮佛八重修願行九旋遶自歸十坐念實相

一嚴道場

擇取閒靜堂室掃灑清淨中安盧舍那像或釋迦像更安諸菩薩像亦得但須有佛像爲主懸設幢蓋及繒綵旛華種種莊嚴須傾竭已財盡心盡力至誠爲之勿得苟簡亦勿輒化施主必其貧實無措方可隨緣求辦

二淨三業

行者自念緣夙善故今生幸得受戒緣惡障故而復毀犯我既毀犯三世諸佛所設淨戒現今即是地獄中人生大慚愧生大怖畏如處溷廁一心求出如繫牢獄一心求脫不得剎那念世間事沐浴



清淨著新潔衣。秉志虔誠。口無雜語。如捧清油。懼其滴墮。獨自專精。勿求伴侶。設有一二同犯戒者。慚懼專志。決定是一方可同修。必以得見好相爲期。不論一七二七。乃至一年。乃至畢世。心無中懈。

### 三香華供養

行者初至像前。緣想十方一切三寶。性同虛空。無所不在。我罪障故。不見不知。然諸佛菩薩。於我同所作罪。今所修行。悉知悉見。無有遺餘。譬如盲人在大衆中所作所爲。盲不見。衆衆皆見。盲今我亦爾。無明所覆。妄於清淨法界體中。違犯禁戒。造極重罪。早爲諸佛菩薩所見。所知。今日覺悟。慚懼悔過。諸佛菩薩亦必現前。知我見我。先起如是深信。解已於十方三寶。如對目前。數具竦立。口當唱云。

一切恭敬

一心頂禮十方常住三寶

總一禮已。燒香捧華。胡跪唱云。

嚴持香華。如法供養。

願此香華雲。徧滿十方界。供養一切佛。

尊法諸菩薩。無邊聲聞衆。緣覺獨覺仙。無邊佛土中。受用作佛事。普爲諸衆生。皆發菩提心。

以手散華。次復想云。我此香華。徧十方以爲微妙。光明。臺諸天音樂。天寶香。諸天肴饌。天寶衣。不可思議妙法。塵一一塵。出一一切塵。一一塵。出一切法。旋轉無礙。互莊嚴。徧至十方三寶。前十方法界三寶。前皆有我身修供養。一一皆悉徧法界。彼彼無雜無障。礙盡未來際。作佛事。普熏法界諸衆生。蒙衆皆發菩提心。同入無生證。佛智。想已起立。唱云。供養已。一切恭敬。一拜。

### 四讚禮歸依

行者修供養竟。一心緣念三寶。真實功德。哀慕眷愛。誓不捨離。胡跪合掌。口出梵音。作是讚歎。

如來妙色身。世間無與等。無比不思議。

是故今敬禮。

如來色無盡。智慧亦復然。一切法常住。

是故我歸依。

善調心過惡 及與身四種 到不思議地

故我今敬禮

知諸爾餘法 智身無罣礙 於法無忘失

故我今敬禮

稽首過無量 稽首無倫等 稽首法自在

稽首超思惟

哀愍覆護我 令法種增長 逮及最後身

常在如來前

我所修福業 此世及餘生 由斯善根力

願佛恒攝受

偈出大寶積經勝鬘夫人會第四十八

讚已一叩首起立唱云

一心頂禮過去世盡過去際一切諸佛

拜下想云能禮所禮性空寂感應道交難思議我

此道場如常殊一切諸佛影現中我身影現諸佛

前頭面接足歸命禮至禮賢聖即以諸佛二字改

作賢聖二字

一心頂禮未來世盡未來際一切諸佛

一心頂禮現在世盡現在際一切諸佛

一心頂禮過去世盡過去際一切尊法

想云真空法性如虛空常住法寶難思議我身影

現法寶前一心如法歸命禮

一心頂禮未來世盡未來際一切尊法

一心頂禮現在世盡現在際一切尊法

一切頂禮過去世盡過去際一切賢聖

一心頂禮未來世盡未來際一切賢聖

一心頂禮現在世盡現在際一切賢聖

各一禮已胡跪唱云

我弟子某甲從今時盡未來際身歸依佛歸依法歸

依賢聖僧歸依正法戒

三說已一叩首隨俯伏想云我及衆生無始常爲

三業六根重罪所障不見諸佛不知出要但順生

死不知妙理我今雖知猶與衆生同爲一切重罪

所障今對舍那十方佛前普爲衆生歸命懺悔惟

願加護令障消滅

五陳罪悔除

行者歸依及還想竟次應胡跪合掌作是唱云

普為法界一切衆生悉願斷除三障至誠懺悔

唱已五體投地復作是念我與衆生無始來今由

愛見故內計我人一外加惡友二不隨喜他一毫

之善三惟偏三業廣造衆罪四事雖不廣惡心偏

布五晝夜相續無有間斷六覆諱過失不欲人知

七不畏惡道八無慚無愧九撥無因果十放於今

日深信因果一生重慚愧二生大怖畏三發露懺

悔四斷相續心五發菩提心斷惡修善六勤策三

業翻昔重過七隨喜凡聖一毫之善八念十方佛

有大福慧能救拔我及諸衆生從二死海置三德

岸九從無始來不知諸法本性空寂廣造衆惡今

知空寂為求菩提為衆生故廣修諸善斷衆惡

十惟願盧舍那佛一切世尊慈悲攝受聽我懺悔

運此順逆十心已次應胡跪合掌發露犯戒之罪

求於十方現住世間諸佛菩薩以大慈悲為我洗

滌令得還淨涕淚號泣作如是說

我弟子某甲至心懺悔我及衆生自性清淨無明所

覆不自覺知以是因緣長淪生死今者幸逢正法秉

受律儀煩惱亂心復違學處造作如是應隨所犯或

或邪淫或妄或邪淫或妄無羞恥法於佛法海便為永棄應墮阿

毗大地獄中猛火熾然受無量苦乃至備歷惡趣無

解脫期如是罪障因果不虛

諸佛菩薩悉知悉見我今發露不敢覆藏起正直心

離諸曲行奉對

十方一切如來已入大地諸菩薩衆不惜身命悔過

求哀普與衆生洗滌往業從前所作願悉消除自今

以後誓不更造惟願

諸佛諸大菩薩以大慈悲憐愍於我拔我罪根施我

淨戒

應須具足三說竟起立唱云

懺悔已禮三寶一拜

六立願誦戒

行者發露懺悔除已竟應想罪無實性既從緣生還

從緣滅罪惡既滅堪住菩薩三聚淨戒胡跪合掌

作如是白

仰啓十方一切如來已入大地諸菩薩衆我從今日盡於未來誓不退捨大菩提願誓不遠離三聚淨戒惟願十方無邊無際諸世界中諸佛菩薩第一眞聖於我某甲重願受持淨戒律儀咸爲作證

白已至誠展誦十重四十八輕戒法於朗誦時心緣文義勿令散亂若一時不能全誦者分作二時三時乃至六時共誦一周亦可

七苦到禮佛

行者隨誦戒經多少竟叩首起立添香致敬一心緣念三世諸佛如對日前殷重懇切一一頂禮

一心頂禮梵網教主盧舍那佛三禮

一心頂禮本師釋迦牟尼佛

次即頂禮三世三千諸佛一佛一禮或每時百拜或八五十或四三十拜亦可隨力多少但令相續無間禮一部已未獲好相再禮一部乃至十部百部直以得見好相爲期又行人色力若康能於七日中禮三千佛一周如是每七一部相續無間彌善設不能者二七日方得一周亦可如是次

第隨意多少禮竟次復總禮一拜云

一心頂禮盡十方三世一切諸佛

一心頂禮梵網經菩薩心地品微妙尊法三禮

一心頂禮大小乘毗奈耶藏及十方三世一切尊法

一心頂禮玄通華光主菩薩華光王大智明菩薩摩訶薩

訶薩

一心頂禮一生補處彌勒菩薩及十方三世一切菩薩摩訶薩

薩摩訶薩

一心頂禮持律大師優波離尊者及一切聲聞緣覺

賢聖僧

觀想偈如前應知

八重修願行

行者禮三寶竟添香致敬胡跪合掌隨願彌勒菩薩往昔所修微妙勝行奉對三寶如在目前作是唱云

我今歸命禮 十方一切佛 菩薩聲聞衆

大仙天眼者

亦禮菩提心 遠離諸惡道 能得生天上

乃至證涅槃

若我作少罪

懺悔令除滅

我今身口意

當成無上道

十方國土中

我今盡隨喜

有罪悉懺悔

願成無上智

十方大菩薩

願速證菩提

得證菩提已

饒益衆生類

常願住世間

度脫苦衆生

我沒於欲泥

願佛垂觀察

衆生雖垢重

隨心之所生

今對諸佛前

所集諸功德

願作菩提因

供養如來者

及佛無上智

是福皆隨喜

我今禮諸佛

證於十地者

我今稽首禮

摧伏於魔軍

轉清淨法輪

無量俱胝劫

繫於大法鼓

貪纏之所繫

種種多纏縛

願以大慈悲

諸佛不厭捨

願以大慈悲

度脫生死海

現在諸世尊

我今願修學

具足波羅蜜

證於無上道

了知諸法空

不生亦不滅

又如大仙尊

乃至無壽者

於諸布施事

施與無慳悋

願我所施物

具施波羅蜜

持戒無缺減

具戒波羅蜜

忍辱如四大

具忍波羅蜜

願以身心力

過去未來佛

所行菩薩道

成就六神通

度脫諸衆生

無相無自性

無住無表示

善了於無我

無補特伽羅

不執我我所

爲安樂衆生

不假功用生

觀察了知空

得佛淨尸羅

以無所住故

不生分別心

以無瞋恚故

發起大精進

堅固無懈怠



具勤波羅蜜

以如幻如化

及勇猛精進

金剛等三昧

具禪波羅蜜

願證三昧智

入於三脫門

了三世平等

具慧波羅蜜

諸佛妙色身

光明大威德

菩薩精進行

願我皆圓滿

偶出大寶積經諸勤菩薩所問會第四十二云彌勒名稱者勤修如是行具六波羅蜜安住於十地說已起立作如是唱

迴向發願已歸命禮三寶一拜

九旋遶自歸

禮竟起立整理衣服手執香爐立定少頃緣想三寶賢聖愛塞道場各坐法座以次旋身一一徧遙安詳而轉口作梵音唱云

南無十方佛

南無十方法

南無十方僧

南無盧舍那佛

南無釋迦牟尼佛

南無三世三千佛

南無梵網經菩薩心地品

南無彌勒菩薩摩訶薩

如是稱名或三或七旋遶畢還至像前結三自歸

自歸依佛 當願衆生 體解大道 發無上心

自歸依法 當願衆生 深入經藏 智慧如海

自歸依僧 當願衆生 統理大衆 一切無礙

和南聖衆

十坐念實相

行者禮懺竟次應別就坐處端身正坐閉目合口調和氣息如止觀前方便中廣明次即諦觀向所犯罪爲因心故犯爲因境故犯爲亦因心亦因境故犯爲不因心不因境故犯若因心故犯彼境不現前時何以無犯若因境故犯境自犯罪不應我犯又若我因境犯則聖人於境何以不犯若亦因心亦因境故犯者爲是心境各有犯性待合方犯爲是心境各無犯性合乃生犯若心境各有犯性者何須待合又合時便有二犯若心境各無犯性者合何能犯如一砂無油衆砂豈能出油如是因心因境雙因心境尙自不得犯之生處況復不因心不因境而生犯耶當知犯性本自不生我迷倒

故於無心無境無持無犯性妄計有心有境有於違犯如是違犯本性空寂非滅故空作是觀已於心無所得於境無所取不見罪生相不見罪滅相但以虛妄顛倒因緣故非生似生以覺悟虛妄顛倒因緣無性故非滅說滅是名觀罪性空此觀若得相續現前自然煩惱漸薄慧性漸開卽是得戒之先容也又觀此罪爲在內爲在外爲在中間爲在過去爲在現在爲在未來過去已滅現在不住未來未有云何有罪又觀此罪爲身造耶爲心造耶若身造者地大造耶水火風大造耶空大造耶若心造者心復云何青黃赤白耶長短方圓耶內外中間耶過現未來耶心尚無形安能造罪如是觀已不得能造不得所造但以無明熏習虛妄顛倒因緣於無能無所性中幻見能造所造今以正智如實觀察身心既空罪福無主如彼霜露慧日能消如久闇室一燈能破又觀此心雖復本性空寂無能無所無罪相無福相緣無相故無礙無際不可思議橫偏豎窮無法不具無法不造隨其所

造一法仍復卽是全體大用還具一切法還造一切法無有一法而非所造亦無一法而非能造如是觀已卽於罪相深達實相實相卽是本源成佛常住法身三昧此觀若成必發戒體是故經云應當靜觀察諸法眞實相不生亦不滅不常復不斷不一亦不異不來亦不去如是一心中方便勤莊嚴也如上事儀名福德莊嚴如上理觀名智慧莊嚴有事儀而無理觀不能清罪之源有理觀而無事儀不能竭罪之流譬如舊井忽墜穢觸宿水臭濁新泉不來理須汲盡并撒汙泥則泉脉冷然不改漢列也問曰經中制令要見好相坐時何不諦觀諸佛相好乃令推簡入空耶答曰欲觀諸佛相好須是戒根清淨及了達是心作佛是心是佛者方可修習今戒既有缺解未必圓若作意觀相恐招魔事故必以空觀洗滌罪塵也問曰經云觀佛相好滅無量劫生死重罪豈不能緣破戒垢答曰觀相好者實能滅罪然須利智上根方堪修習妙觀而惟箇性空則是大乘初門正治破戒心垢問

曰彼韋提希及五百侍女何必盡是利智上根答曰梵語韋提希此翻思惟修豈非利智生值佛世親感佛臨豈非上根問曰五停心中多障衆生應修念佛觀豈反招魔答曰報障重者令念佛功德以除夙罪亦未必單念相好若現罪未拔輒求好相戒慧俱劣魔必得便問曰若爾則經中不應令得好相答曰夫好相者不可以有心求不可以無心得今但深觀罪性本空罪既拔已自成感應譬如磨鏡垢淨像現方超有心無心二過問曰聞覺經明修三觀者非彼所聞一切境界終不可取今既觀罪性空設復得見好相豈不境觀相違答曰此事理二機祇期滅罪原無著意求相之心惟其空觀既深罪根永拔感應道交好相斯現雖見好相仍了性空故無喜動擾心亦不驚愕亂意如此方是罪滅戒復之相若見好相時不與空觀相應或復喜動擾心不能寂靜或復驚愕亂意不得輕安當知卽是魔事切須諦識勿被境迷爾時仍須深入空觀但念惟心若是魔事必漸隱沒若實好

相倍復增明而能助發空慧令無取著故知推簡法門於滅罪障有大功能初心易入令蕩無始虛妄我法二執頓遠大乘實相正理行者若能如是事理二機增進勤修不惟滅罪亦有三根證相不同下根先獲戒品清淨復有三品一下品者得諸好夢并覺諸根明淨四大輕安道心增長二品者於坐禪中見諸靈瑞光華異香善聲稱讚等得法喜樂三上品者於靜心中自見身相端嚴威儀無缺篇聚戒相次第現前安穩無怖中根證得定品清淨或發世間淨禪或發亦世間亦出世禪或復發出世禪是爲三品上根證得慧品清淨或發觀行或階相似或入分眞具如法華三昧等廣明

梵網經懺悔行法終

戒殺四十八問目錄

釋生物養人之疑五問	釋俗見斷殺之疑六問
釋業重難救之疑五問	釋軍血禱神之疑三問
釋享親祭祖之疑四問	釋宴賓違俗之疑一問
釋古聖教殺之疑二問	釋仁民愛物之疑二問
釋因果差別之疑六問	釋惡業有無之疑四問
釋持齋斷肉之疑七問	釋佛理難信之疑三問

戒殺四十八問并引

崑山 周思仁 述

嗚呼殺劫之來亦慘矣哉其在人道或數十年或百餘年方一見在畜生道則無日不見一遇雞鴨即有無限狠心屠戶執利刃向羣畜奮然捆縛羣畜自知不免大聲蹣跚動地驚天救援不至各各被人面羅刹抽腸拔肺哀聲未斷又投沸湯受大苦惱片刻間億萬生靈身首異處嗚呼彼獨不畏殺手受制於人憤憤而死冤無可伸鬱而為戾氣戾氣一聚而諸天魔王遂出世而了此案矣慈受

釋生物養人之疑五問

禪師偈云世上多殺生遂有刀兵劫負命殺汝身欠財焚汝宅離散汝妻子曾破他巢穴報應各相當洗耳聽佛說由此觀之殺劫之來皆人人殺業之所召也則夫臨殺劫而思所以逃之者惟以戒殺轉之其機最捷其感最神他善敵不過也余故作戒殺問答一卷釋人之疑而堅人之信所願大地衆生於過去殺業念佛超薦未來殺業當下斷除發大慈悲發大堅忍誓不放殺一微細生命如此而猶慮殺劫之不能逃也八部金剛觀我頭去

客曰書云惟天地萬物父母惟人萬物之靈天生異類本為養人禁之不殺何為

答曰既知天地為萬物之父母當知萬物為天地之赤子赤子中有強凌弱貴欺賤者父母亦大不樂矣倘因食其肉遂謂天之所以養我則虎豹豺蛇亦食人類血肉將天之生人又為蚊虻虎豹耶

客曰然則天何以不顯示其報而禁人之殺

答曰天固禁之故累示殺報特愚人不知而蹈之智

者知之而故蹈天無如何也

咸豐某年全椒縣居民某夜臥夢神成曰兵且夕至不成殺爾難逃死陳麗慶率合家大小焚香誓永不斷殺業人皆從之惟一婦曰此夢耳何足信不數日兵至一家逃出此婦以惡家放出稍遲遂被殺余親見之遠西居士附錄

客曰天下物類甚多人人戒殺則生生不已將成禽獸世界奈何

答曰蚯蚓蟲蛇人所不食者也豈見充滿天下乎況世間禽獸之多正因殺禽獸者之多也冤冤相報互爲畜生則成禽獸世界若人人戒殺則物類業報漸消必且人天增盛矣楚不捕蛙而蛙反少蜀不食蟹而蟹自稀非明驗乎

客曰天既惡殺當使血肉之味臭惡難堪則普天之下自然戒殺不亦善乎

答曰禽獸血肉自天視之原係臭惡難堪世人食之見爲美者亦猶廁蟲食糞習而不覺也譬如有人前世爲猶念念捕鼠前世爲鵲念念吞蛇今世爲人不復思此二物可見一種形骸一種嗜好嗜好不同從業緣起業緣不同又從心起人能與天同其心自覺

血肉之味臭惡難堪也

客曰殺生爲業者仰事俯畜咸賴乎此勸之改業絕其生路矣愛物不愛人吾不取也

答曰殺生爲業譬之漏脯救飢雖暫得衣食而累劫受苦未有了期也正爲愛之故勸之改業反謂絕其生路世之不殺生爲業者竟死乎弗思而已釋俗見斷殺之疑六問

客曰牛可耕田犬可守夜固當憐之豬羊一無所能不食何用

答曰戒殺放生不過自全其惻隱耳豈因物之有用無用哉因有用而不食仍然自私之念矣甚矣性蔽於習愛起於貪也

客曰雞犬牛羊皆哀鳴畏死殺之固所不忍微細水族殺之無聲淚者安用戒爲

答曰形有大小性無大小譬如殺人殺老者與嬰兒其罪同也若謂無聲淚者殺之不痛試於啞子就戮時察之

客曰操刀自割固害慈心若自人殺之而我食之



有何不可

答曰此掩耳盜鈴也若謂自人殺之即可嫁禍於人則屈受官刑者但當怨讎人不當怨官長矣噫物類可欺自心可欺耶

客曰放生固屬善舉但所放之物被人捕取奈何  
答曰捕者自捕放者自放耳譬如良醫療病不能保將來之不死譬如凶年設粥不能保後日之不飢世間萬事皆然何獨于放生而疑之且子又安知所放之物盡爲人捕而無一生乎

客曰行善以立心爲主心苟善矣何須戒殺

答曰何哉爾所謂善心者爲口腹之娛使物類受彌天之苦天下凶毒心莫此爲甚矣試問善心更在何處孟子曰人也者仁也仁則不殺殺則不仁天下斷無好殺之仁人也

客曰吾則無可無不可非戒殺非不戒殺置之無心而已

答曰無心戒之未必有功無心殺之何能無罪譬如寇盜劫掠他家飛矢誤中於汝汝能諒其無心乎

釋業重難救之疑五問

客曰物類烹割彼罪難逃我縱不殺必有殺之者殺之何害

答曰物罪固不可逃矣已罪獨不可逃乎因物罪不可逃而殺之與彼同受不可逃之罪矣相噉相殺理有必然人奈何處可逃之地不思早自逃乎

客曰世間物命類多欠債殺之何罪

答曰物命債償豈不誠然但有對受殺果不對受殺果之分耳對受殺果者前世彼曾殺我今冤對相逢理當償我也不對受殺果者前世他人曾殺其殺今業報雖至不當酬我也世人一宴之頃牲肴數品一饗之肉細命百千安得盡取對受者而殺之竊恐取償于前世者手中希得一二而償債於來生者比比然也

客曰不對受者殺之固當有報若對受者一往一來殺報已盡庸何傷乎

答曰子不見市人相毆乎此以杖來彼以杖往兩拳迭下如雨曾見一往一來之後各各歛手平心乎

際于未來因緣洞若觀火。所以遇冤讐而不報也。

客曰：佛言有生之屬，或多宿世父母六親，有何證據而作此說？

答曰：六道衆生無量劫來輪迴不已，卽以一劫論其數，無量安見？目前有生之屬，與已無關。耶余曾見劉道源爲蓬溪令，解官歸宿秦氏家，夢一婦泣曰：「吾乃秦之妻也，因墮殺一婢，冥官處我以死，仍爵爲羊。今現在欄中，明日將殺以享君矣。」劉急白之，已不及救。舉家大慟，嗚呼世之類此者亦多矣。肉眼人見不到耳悲夫。咸豐三年浙江紹興府有黎氏子無惡不作，現生變爲猪，其家送至雲棲下院放生，許處庭司馬親見之，連西居士附錄。

客曰：見人殺生及捕魚鳥者，雖發救度之願而力不從心，奈何？

答曰：見殺生者默持一切神呪，或稱阿彌陀佛名號，代物發懺悔心，則被殺之物自然受益。見捕魚鳥者專注其人不起財念，默念南無多寶如來數十聲，魚鳥皆可逃網矣。此法屢試驗，驗萬勿輕忽。

釋軍血禱神之疑三問

客曰：禱神者或求生子延壽，或求功名財貨，舍性捨無以明敬，奈何？

答曰：天地神明好生惡殺，使物類無子而求子，誠壽以求壽，喪命而求名利，無論天理不容，自心亦大不忍矣。非徒無益而又害之。

客曰：凡持齋者，祭可用素，若出自食肉之家，慢神甚矣。

答曰：易有云：東隣殺牛，不如西隣之禴，祭實受其福。傳有云：湖溪沼沚之毛，蘋蘩藇藻之菜，可薦于鬼神，豈在天之靈而與人爭肉食耶？

客曰：血食之神復墮地獄，信有之乎？

答曰：宿世正直故爲神明，就正直中慈心勝者，不受血食，正直中嗔心勝者，必受血食。慈心勝者，慧勝於福，報滿不至沉淪；嗔心勝者，福勝於慧，報滿難免墮落。可知上天好生，不獨人宜體之也。

釋享親祭祖之疑四問

客曰：爲祀神殺生，固知不可矣，爲養親殺生，不知亦有罪否？

答曰。殆有甚焉。禮有云。善則歸親。過則歸己。人子之道也。已則不殺。獨爲養親而殺。是歸過于親矣。於心忍乎。或不得已。用三淨肉。不見殺不聞殺不爲己殺是爲三淨肉及自死肉。奉之。是或兩全之道也。

客曰。人子報本莫重於祭。父母生不持齋。沒而用素。不順乎親矣。

答曰。倘謂祖先藉祭而飽。則一歲設祭。不過數次。不其餒。而若謂餒不餒不係乎此。則祭亦不過人子之心耳。豈宰割造業。而可謂盡心乎。且孝子養親。猶需仁人之粟。殺物命而登鼎俎。累父母多生業障。何不仁如是。

客曰。子孫設祭。祖宗來享乎。抑不來享乎。

答曰。據中阿含經說。祖宗若生。鬼道子孫能以精誠致之。則來享。若在天道。以受樂。故不肯來。享若在三途。以受苦。故不能來。享若生人道。別有六親。不復來享。爲子孫者。但當誠其意。敬其事。勿恣殺以重亡者之過。勿忘齋以亂臨祭之心。斯可矣。不必問祖宗之來享否也。

客曰。梁武帝以麵爲犧牲。作史者論爲不血食之兆。故知祀先用素。非禮也。

答曰。人之過也。各於其黨。觀過則仁。可知。梁武帝殺六賁。灌壽陽城。是其不仁也。若以麵牲而論。則在神免血食之愆。在物獲全生之幸。正其仁也。至於天下之失。乃國運使然耳。如以麵牲之故。則陳隋諸君。豈不用太牢。何亡之速。耶。蓮大師曰。作俑者。象人以葬。孔子斥爲無後。則象牲以祭。仁人猶不能滿焉。必欲舍似用真。何其忍哉。○按梁武帝即位後。斷酒禁肉。休民息兵。頻書大有。自晉至隋。稱小康者。莫如梁武。享國四十九年。壽八十有六。厥後子孫。仕唐八葉。宰相。唐史臣以其奉佛。沒其所長。任意譏毀。豈善善從長之意乎。

釋燕賓違俗之疑一周

客曰。親朋在座。蔬食不可成歡。勝友相招。嘉肴方足。明禮爲愛物。而廢燕享。非通論也。

答曰。其人而爲善士。則必喜我戒殺。而不嫉我之慢其人。而嫉我之慢。必養口體之小人。慢之亦無不可。

冒重罪以奉他人之口。吾弗爲之矣。昔蘇東坡燕客岐亭。以詩贈陳季常。曰。我哀籃中蛤。開口護殘汁。又哀盤中魚。開口吐微濕。剝腸彼交痛。過分我何得。相逢未寒溫。相勸此最急。不見盧懷慎。蒸壺似蒸鴨。坐客皆忍笑。笑然發其羈。不見王武子。每食刀几赤。琉璃載燕豚。中有人乳白。盧公信寒陋。衰鬢得滿櫛。武子雖蒙舉。未死神先泣。先生萬金璧。護此一蟻缺。一年成一夢。百歲真過客。君無廢此篇。嚴詩編杜集。夫以東坡譙集。尙殷殷戒殺。如此子又何疑於燕賓達俗耶。

釋古聖教殺之疑二問

客曰。伏羲制網罟。以佃以漁。然則伏羲非與。

答曰。洪荒之世。鳥獸繁殖。不爲之防。人受其害。伏羲或教民禦之。而未明言食之也。若謂教民殺生。吾恐漁舟無賴。皆爲伏羲功臣。而解網縱禽。饋魚使畜。諸聖賢反開罪不淺矣。

客曰。孔子戒殺。不過不網不射。宿耳。未嘗廢釣弋也。若并戒之。則仲尼不足法與。

答曰。此蓋極言聖人愛物之仁耳。以記事之書法而論。釣者所以引其不網。弋者所以引其不射。宿非謂聖人真釣弋也。若謂因養與祭而釣弋。豈孔子疏食飲水之風。並非真樂疏食菜羹之祭。盡屬虛言乎。甚矣測聖人者亦淺矣。

釋仁民愛物之疑二問

客曰。君子親親而仁民。仁民而愛物。施之有序。戒殺放生。務其未矣。

答曰。孟子所言。是親疎次第。不是先後次第。若必盡此而後及彼。則幼失父母。而有志仁民。未及事君。而慈心愛物。反得罪於君父矣。孟子豈作此執滯之論乎。

客又問

答曰。正爲仁民之故。勸人愛物。子之愛人也。以口腹仁民之小者也。予之愛人也。以心志。仁民之大者也。

釋因果差別之疑六問

爲不雜心要寂寂。寂寂則善惡念不生。心要惺惺。惺惺則無記念。不生佛外無念。故常寂寂。念中有

佛故常惺惺

不住持名

不住者即是觀也。觀者慧之機也。前一句過去矣。後一句未來也。中一句亦不住。前一句過去矣。後一句未來也。現在一句亦不住了。了分明而不可得。不可得而了了分明。

卽禪卽佛持名

或看一話頭者。謂之參禪。或坐而息念者。謂之坐禪。參也。坐也。總是禪也。禪也。佛也。總是心也。禪卽佛之禪。佛卽禪之佛。念佛法門。何碍於參禪坐禪乎。且參禪者。能將此阿彌陀佛四字。當做一句話。頭念來。念去。反覆不捨。不言參禪。禪在其中矣。坐禪者。要到一念相應。豁然托空。方爲得手。念佛到一心不亂。時非相應乎。念到心空。時非永遠相應乎。於念佛時。不昏不散。止觀定慧。念念圓成。若欲別求禪那。禪當更在何處。

卽戒卽佛持名

持佛戒以治身也。持佛名以治心也。持之久而心

純持之久而心空。念性戒性。非有二也。板板持戒。不得出頭。板板念佛。則臨命終時。打破鬼關。跳出三界矣。若奉戒已有工夫。卽以之回向西方。必生中品。若未能兼顧者。且勸念佛。如救頭燃。

卽教卽佛持名

一大藏經。皆從心起。心若無佛教。亦徒然。然心中亦何人無佛哉。自不念耳。教下未有不看楞嚴者。也。看楞嚴。未有不輕勢。至而重觀音者也。卽此一見。已成生死根本。縱學得種種知能。不過滋潤苦芽。生死關頭。總不得力。願速放下。往生西方。親覲彌陀。若不能放下。卽將此學經演說功德。回向西方。發四宏願。亦不唐捐。若宏揚淨土一門。詳說念佛功德。則舉目勸念。皆是莊嚴西方上品往生。更復何疑。

不持而持

一事纔完。一語纔罷。尙未打點念佛。而四字佛名。滾滾出來。此三昧易成之象也。

持而不持



持名不懈。快足又快足。於念佛時。明明持此四字。念頭不轉。而四字忽然一停。亦非有卽四字之念。亦非有離四字之念。亦非有四字以外之念。此謂暫得勝境。非真心空也。然勤念。念佛此境。現則漸漸心空。若因一念心空。遂遂昏沉。是謂無慧。當知心愈空。則念愈靈。心愈空。則念愈淨。以佛心中之我。念我。心中之佛。空與不空。更在何處。譬如日與月。赫濯乘寶宮。旋繞須彌山。周流照天下。噫。此何如妙覺圓明哉。

### 孤身持名

比丘修道。不求伴侶。念佛之境。孤寂最佳。高低有宜。緩急隨分。打成一片。正在此時。當知身孤而心不孤也。諸佛及彌陀之心。米嘗暫捨乎。我舉意佛。知開口佛。聞何憂孤寂乎。若淨土法門。未了了。須多購淨土書讀之。如彌陀經。觀經。智者大師十疑論。天如則禪師淨土文。淨土晨鐘。西方公據。西方確指。雲栖法華。樂彌陀疏鈔等書。宜勤披閱。此姑舉明白易曉者言之。此外尚美不勝舉也。訪通曉淨土者叩問之。

### 結期持名

### 福薄耳

答曰。食肉是君祿。不食是君福。持齋戒殺。正是積福耳。豈以入口卽名福耶。

客曰。信斯言也。必持齋而後可。吾不知孔子亦持齋否。

答曰。書云。齋必變食。又曰。子之所慎。齋。禮言致齋於內。散齋於外。班班可考。今人事事不能如孔子。而獨藉口於食肉法。孔子豈孔子尙爲肉食者鄰耶。

客曰。持齋固善矣。其如形容枯槁。奈何。

答曰。眞身爲重。假身爲輕。且神明實。調論人之形容。手抑論人之心術。手弗思而已。

客曰。世間五種辛。本地中所生佛經。何爲一並戒之。

答曰。經言爲其辛臭。故能障善。提故諸天厭棄。故熟食助姪生。食發噴。故邪魔餓鬼。嘗嗅其唇。故

客曰。有人謂吾雖不持齋。猶勝于持齋。而破有人謂吾雖持齋。而破猶勝于不持。何如。

答曰。譬如仕宦。其不持齋者。未曾出仕者也。持之而

破者既仕而被黜者也。何優何劣？

客曰：吾亦欲持齋，無如美味當前，便不能自主，奈何？

答曰：上根人發無量慈心，自不忍食。否則作五不淨想，則決定能持齋矣。一者彼種子不淨，二者彼所食不淨，三者彼住處不淨，四者彼腹不淨，五者彼死後不淨。常作此想，何不能持齋之有？

釋佛理離信之疑三問

客曰：諸佛菩薩救苦尋聲，梁武帝奉佛，其後餓死臺城，何故？

答曰：餓死臺城，此迂儒之說也。通鑑載侯景攻陷臺城，見梁武帝神色不變，不敢仰視，退告王僧貴。有天神難犯，不敢再見之語。後王綸上雞子數百枚，武帝口苦索蜜，不得，再曰：荷荷遂殞。夫曰口苦，則非枵腹可知；求蜜，則非癢飢可知。且雞子至數百枚，則他物必稱是矣。焉有餓死之理？噫！天下讀史者，每稱獨具隻眼，獨此一段史文，又不覺以耳代目，甚矣習染之深也。

客曰：後之論者，皆謂武帝捨身並其天下捨之，吾是以不取焉。

答曰：古今聖凡，未有不捨其身者。只如足下今日深

以  
啊哪二字，不知何往矣。善哉！此病中之精進者也。臨終持名。

但記取阿彌陀佛四字，勿忘也。能高念，便高念；能低念，便低念。或高或低，皆不能亦宜。將四字默記於心，不令忘失。左右侍奉之人，亦宜常將此四字，頻頻提醒。當知百劫千生，所有亂走之路，全在此時。一念斷得清楚，何以故？六道輪迴，皆一念為主。若一念專注在佛，則形雖敗壞而神不散亂。即隨一念而往生淨土矣。嗚呼！但記取阿彌陀佛四字，勿忘也。

發願懺悔持名

嗚呼！世之不知念佛者，衆矣。儒中人，橫佛爲異端，而不肯念出家人，以念佛爲故套，而不知所以念。狂慧者，知有佛而不屑念；愚痴者，不知佛而不能

念此大較也。卽間有村愚夫婦。聞說因果。亦知念佛。而又希求來生得受福報。依舊爲輪迴種子。求一爲了生死。而念佛者。百中少有一二也。須知人既念佛。則當心佛慈心。行佛悲行。發廣大願。濟度衆生。一切衆垢。冤纏。普爲懺悔。一切鉅細功德。迴向西方。如此乃爲念佛之正因也。

戒殺四十八問終

## 體仁要術一卷

文星閣重整放生會引

彭紹升

文星閣放生會。肇自我先曾祖南昀府君。迄今數十年矣。乾隆三十九年。始開放生池於南園木杏橋。畜生魚爲獨盛。而閣中別鑄隙地。養羊豕雞鶩之屬。滿則送之雲棲。頃四五年間。歲靡食料錢至六七十。楮而與會者。落落不過數人。罄所入猶不能足。則魚鳥之得蒙其利者少矣。今擬重整前會。糾司月十二人。人持簿一本。歲募人出錢三百六十。十之得三千六百爲一股。積十二股得錢四千。有奇。隨時買放生。物有餘則以充食料。闕則募人爲代。如是漸增倍。歷無算。其有田之家。量捐食料。便可抵錢。歲以二月三日。通名於桂香殿。冬盡則倩僧誦經。迴向西方淨土。俾施者受者。作長壽因。種菩提果。但能盡壽爲期。勤行匪懈。其爲福德。不可思議。第恐諸仁者。偶發善心。旋復退。隨察其根原。不無蔽障。約舉大概。釐爲八條。勿謂迂談。幸垂聽覽。

或謂性有五常。道兼萬善。惟茲濡沫之恩。豈合含宏之量。不知五常之德。惟仁最先。萬善之門。惟愛斯薄。舍一牛信。可保民放一麋。果堪託國。愛我生而及彼生。斯爲絜矩。止我殺以救人。殺是謂推恩。履實終必成。山涓流何難到海。

或謂自親及民。自民及物。等差既別。緩急宜分。不知禍莫慘於危亡。施莫先於穀。練卽今耕鑿之民。久離於湯火。自昔刀兵之劫。孰慘於庖厨。向涸轍而驚心。忍吝一杯之水。過屠門而大嚼。誰聞半夜之聲。

或謂天生飛走。不以養人物。實蠢頑放之何益。不知天惟普覆。人畜齊觀。物盡食生。自它一體。如謂以肉養人。不宜更生。蔬穀將欲貴人。賤畜奈何。自比豺狼。苟仁術之未充。亦兩閒之棄物。不知貴已莫妄窺天。或謂易尙大烹。禮崇特殺。既鈞弋之弗廢。寧魚鳥之堪憐。不知樂奏九成。虞廷有率舞之瑞。網開三面。商書垂成。若之文。惟量擴於靡遺。斯澤流於無外。所以賜生必畜。依然疏水之風。拱雉有心。遯矣山梁之作。倘殺機之未盡。何大德之能充。

或謂一方之內一日之間所殺甚多所放甚少以此準彼曷能相救不知大旱之年一渠之水亦可活數畝之田大寒之日一領之裘亦可甦一人之命始以生而護殺繼轉殺以全生但使願力堅牢決定諸魔退散

或謂居常食肉此日放生一暴十寒於事何補不知右手扶人左手扶人扶者之恩稍可抵夫扶者之毒千日誘佛一日念佛誘者之罪猶或消於念者之誠但生機之勃發即天理之昭彰惟當舍舊以圖新豈可順流而不反

或謂檻籠甫脫而弋伺於林網罟乍離而餌垂於岸直進退之無門雖慈悲其曷濟不知臨決之囚但願緩須臾之死再生之賜亦已游覆載之寬殺者自殺固定業之難逃生者自生庶此心之克盡

或謂惻隱所萌祇由乍見生滅既盡乃契真如何容著相而求豈識無爲之道不知乍見之心本來常住惟常住故不緣對境而昏真如之法不舍有爲惟有爲故不墮偏空之執苟定作無爲之解亦何殊著相

之愚斯邪遁之所歸必破除而毋惑

文星閣建放生會疏

薛起鳳

伏以天地定位大德曰生聖人成能神武不殺三才參立人惟沖氣之和四德兼行元乃資生之本推氣初於形始百族一原驗敦化於川流並育不害浮沉升降網緼化醇凡諸含識莫不懷生屬在有情皆知愛命式觀泰古世實民淳人與物而相忘物與人而共治毳毛孳尾但紀春秋雨走風飛無傷猛狻鳥巢可俯游魚不驚是以麟鳳在郊龜龍馴沼民無天札物不虞劉道光五紀之前春在三皇之世所謂各正性命保合太和不知順帝之則孔子所由嘆息大同考氏所以能知古始者也自人心日鑿太璞漸雕欲念滋騰襍氣周作茹毛飲血而並有爭心肉食簞衣遂緣爲故習網綸增矢彌岡被淵魚脂割烹充庖登俎日用不察同符自然雖以上帝好生不能拯物於刀七之下羣生乞命無以籲天於鼎鑊之中因此殺機遂成劫運水火兵戈之難作旱潦疾疫之患興理非外來端由自致矣聖人順人情而爲之節不



得已而去其者六府土穀惟修九門置宗冊出聞聲見殺仁遠手庖厨元酒太羹味遺於大饗曲施禮教隱寓慈悲泊手教演西迦化行東土流水救涸寶勝稱名普通唱斷肉之文大歷刊放生之石撫煦萬類濟拔三塗他如鑿沼養魚投弓謝鹿放龜救蟻縱鯉活禽載在簡編俱彰福應況乃尙稽往蹟窮測化工厲亦名王鹿能生女白帝之子爲蛇王母之伴爲雀青衣童子留方藥於人間元緒丈夫動風雷於江上斯則化機潛運幽感難窺知微知顯其神其聖類非思議所得而詳情識可得而及者已欽惟元皇帝君殿下長善體元爲民永命盡大性以盡物性道在至誠善救物而善救人功符大造弟子等誓心懺罪發願酬恩幸荷生成叨閱訓誠欲達性天之路先憑功德之門竊見蘇州人物殷昌風俗著泰水居陸產塞谷盈川漁戶屠門連街列市傷殘物命數溢河沙恣養色身空填天塹懼千業報淪歷無窮既不能使大地爲嘉林滄海爲靈囿不得不資依善地迎導生機近推一念之仁由全衆生之命文星閣舊有放生

會今願共捨淨財續修善事各盡願力隨所見聞充惻隱之端由不忍遂之於所忍願清寧之性念吾生不異於他生庶幾善氣熏蒸吉祥來止三災不作八難消陰陽和而風雨時物阜成而民康壽用敢潔齊對越激切敷詞伏望元皇帝君施慈忍力開甘露門憫彼羣迷願其淨信務使人人發同體之悲更冀世世結放生之社自胞暨與均遊浩蕩之天以愛全仁共享安恬之樂固十地之福種實萬善之資糧欲令充周尙希相協不勝戰慄悚惶之至謹奉疏以聞

## 放生會回向文

彭紹升

弟子紹升願度有情同生淨土故於本縣文星閣舉放生會爲現前諸衆生等皈命三尊稱揚佛號願諸衆生仗佛慈悲等蒙攝受從於今日盡未來際斷諸恐怖諸煩惱惱更不相吞相噬相爭相殺進修佛法脫離苦海更爲與會弟子等懺除無始以來殺生食肉種種罪緣願令所殺衆生所食衆生仗佛慈悲等蒙攝受化怨毒心歡喜相向得生善道共沐洪

波惟願弟子等既生安養還入娑婆普化衆生永斷殺因住無盡壽善根回向不退菩提恭望 如來證知我願真實不虛三有四恩同圓種智

南園放生池碑

彭紹升

蘇州古澤國也環州之水其大者爲江爲湖小者爲瀆爲港爲溪至不可悉數凡水居諸衆生若巨若細以蓄以育宜無所不容然而取之者日繁操之者日蹙環而顧焉幾一介之安其居而樂其生也難矣哀哉於是吾黨諸賢發慈悲心依菩薩行既月畢放生會遂因園爲池與之安宅延僧守之取流水長者救魚故事願其所曰流水禪居俾諸衆生永斷殺因克遂生性不離方隅如經大壑沐日浴月騰波躍雲樂我太平長爾孫子洋洋乎聖人之道嗚呼王者之風觀於此者不知手之舞之足之蹈之也知歸學人與是勝緣合掌贊嘆爲之銘曰

天生萬族 既莫厥居 烏有山林 魚有江湖  
各靖封疆 罔相凌轢 保合太和 與天無極  
人爲物靈 胡不自思 弱肉強食 安知是非

靜觀本來 何人何物 在宥天下 清寧合一  
習心所錮 殺業熾然 弋靡餘林 網無遺川  
嗟爾人斯 孰不惡死 棘芒刺身 呼痛曷已  
縱爾口腹 烹肥饜鮮 刀砧所過 黑骨彌天  
勿謂是魚 其形甚細 苟含生性 天地同氣  
爾食是魚 傷天地根 曾不自覺 爾心則昏  
爾有室家 魚有妻子 相啣相濡 至於沒齒  
易刀而殺 遲速惟均 爾不愛魚 胡不愛身  
嗟爾人斯 夢夢三世 智眼觀之 通一無二  
流離太子 昔爲人漁 魚化爲王 殺人如魚  
是業所成 如轉轆轉 易危履霜 由不早辨  
佛言孔言 異口同音 大德曰生 孔心佛心  
救物之生 戒爾之殺 以生止殺 是對治法  
無我無物 當生不生 我生物生 同歸覺城

彭氏放生池碑

彭紹升

乾隆十七年先大人督學浙江過里居命兒子紹謙等規舍後隙地爲園因其窪爲池池廣可半畝植以荷稍畜鯽鯉諸魚其後數年紹升讀書園中又時買

市上魚鱉之玩其泳游以爲樂積二十餘年池中魚  
日充仞而吾家服屬子姓其生長於二十餘年間者  
且不下三十許人承天地之施沐太平之化我生物  
生非彼非此日引月長並育無害紹升於是請於先  
大人立碑池上顏曰收生池爰爲之銘以示我後人  
銘曰

池魚索索 彭氏落落 池魚烝烝 彭氏繩繩

體仁要術終

四分律隨機羯磨疏正源記目次

卷第一

序

釋道宣撰隨機羯磨序

釋道宣撰疏序

卷第二

釋集法緣成篇第一

卷第三

釋集法緣成篇之餘

卷第四

釋諸界結解篇第二

卷第五

釋諸界受法篇第三

卷第六

釋諸界受法篇之餘

卷第七

釋諸界受法篇之餘

卷第八

釋衣藥受淨篇第四

釋諸說戒法篇第五

釋諸衆安居篇第六

釋諸衆自恣法篇第七

釋諸衣分法篇第八

釋懺六衆篇第九

釋雜法住持篇第十

跋

四分律隨機羯磨疏正源記目次終

## 四分律隨機羯磨疏正源記卷第一

天台沙門釋 允堪 述

南山所撰大部凡有三焉。曰刪補鈔戒本疏及茲疏也。其諸述作亦裨助此三而輔翼至化者也。予嘗於講餘探賾群籍纂事鈔等記。一旦諸弟子陞堂稽首曰。南山一宗諸記備矣。獨乎業疏未廣發揮。願一記焉。予遂然之。告曰。夫尸羅者止之妙門也。羯磨者作之清範也。能仁所以立斯二者。猶車之兩輪焉。昔吾祖御之於前。復作疏以廣其道。但後之駕說者鮮矣。惜乎斯文旨淵而理密。文博而義富。苟不引而伸之。則辜吾祖之訓是我罪也。汝曹有起予之興。若孔門之下商矣。弟子設禮循牆而出。於是嗒然隱几。摘毫而述。因思羯磨乃曇諦始傳。派於法正之遠源也。越明年記成。遂以正源爲目。後之鴻筆無誦。鼠伎云時。大宋皇祐三年辛卯正月三日。於錢塘淨住白蓮池上序。

四分律三字當部之通目。刪下八字茲疏別名。又四分百年方有。應在於後律則成道便有。應標於前今

謂非百年之別。無以簡五部之通。故先標四分後言律也。至於梵漢音義如戒疏解。又刪下六字爲四分部內所詮之法。但刪補隨機是南山著述之用。由繁故刪。削闕則裨補。今取要行者引而伸之。非要者但標名而已。故曰隨機羯磨者。明了論疏翻爲業也。所作是業亦翻爲所作。百論云。事也。若約義求翻爲辦事。謂施造遂法必有成濟之功焉。疏者通意之辭。疎也。決也。爲疎通決擇。俟暢於文義也。又文心彫龍云。疏者布置物端。撮題近意也。序者爾雅釋官曰。東西牆謂之序。郭璞註云。所以序別內外也。又序者叙也。叙述此經之宗要及製疏之因由也。爾雅云。舒業順叙緒也。註云。四者又爲端緒。任奉古云。序與緒字義同也。緒則繭之緒也。凡繭之抽絲。先其緒。緒盡方見其絲。猶如經之有序。序終則見其經也。

大唐河唐晉陽是唐虞之舊封也。及神堯入隋。受恭帝禪位。始號唐。國京兆者。卽長安之郡名也。京者大也。兆者數也。十億曰兆。故僞兆之人所居。亦曰京師。師者衆也。天子所都。必以衆大稱之。沙門者。或云沙



門那或云桑門。唐言勤息。謂勤修善品。息滅諸惡。寶積經云。沙門者。寂滅故。調伏故。受教故。戒身淨故。如實義故。得解脫故。離世八法故。堅心不動如地故。護彼我意故。於諸形相無染著如空中。動手無所礙故。成就如是多法。故名沙門。道宣大師名諱字法。遍然詩書不諱。臨文不諱。講者具稱。故無咎也。又西土以稱名爲尊。如諸佛菩薩名。使人稱之而獲福。諸行業具如李喜。撰行狀。嚴厚本。碑及僧傳中叙也。

終南山者。福地記曰。終南太一山。在長安西南五十里。左右四十里內皆福地也。豐德寺案戒疏批文云。終南太一山。豐谷內太平作豐德寺。若然。寺從谷以受稱。而復安有德也。又應知戒案兩疏俱在彼作。又二疏廣略。凡經兩迴。批文云。貞觀四年。遠觀化表。北遊并晉東達魏土。有禪律師。當時峰岫遠依。尋讀始得一月。遂即物故。撫心之痛。何可言之。乃返泌鄆山中。爲擇律師。又出鈔三卷。乃以前本更加潤色。筋脈相通。此說事鈔又出刪補羯磨一卷。疏兩卷。含註戒本一卷。疏三卷。此皆初後往南山有樂戒者請廣其文。又作本也。

出羯磨并疏四卷。永徽初。又出戒本含註并疏四卷。此皆重今所解者。即後修本也。寺者梵云僧伽。監摩修本也。或云僧伽。摩此云衆。園五分律云。餅沙王施伽蘭陀林園。爲始園者。生植之義。佛子居之。能生植道芽果本也。或云毗訶羅。此云遊止處。今言寺者。華言也。釋名曰。寺。嗣也。謂治事者相嗣續於其內也。國家有九寺焉。因漢明帝永平十年丁卯。佛法初至。有摩騰竺法蘭。以白馬馱經像。居于洛陽。勅於鴻臚寺延禮之。至十一年戊辰。勅於雍門外別建寺。以白馬爲名。卽漢土佛寺之始也。又吳主孫權赤烏年間。因康僧會所化。遂於江南立建初寺。爲始也。自此伽藍因彰。寺號撰者。述也。定也。謂訓述文義。以爲楷定也。又禮云。述者曰明。作者曰聖。仲尼曰述而不作是也。觀夫親視也。夫發語之端。亦指事之辭也。聖人者。指釋迦是大聖人也。列子引孔子曰。西方之人有聖者焉。不治而不亂。不言而自信。不化而自行。瀟灑乎民。無能名焉。利見者。周易九五飛龍在天。利見大人。王弼曰。龍德在天。則大人之路亨也。夫位以德興。德以

位叙以至德處盛位萬物之觀不亦宜乎又仲尼曰聖人作而萬物觀今謂大聖出世則爲一切衆生之所利見也妙下以如來出世推其益妙在手澄清三界繫縛之惑業亡滅我人顛倒之執計然後暢以大慈廓於眞智開無方之應揚出世之言是我佛化世之本意也

故者因土生下之辭張開也三學戒以提之爲律所詮之學也定以縛之爲經所詮之學也慧以殺之爲論所詮之學也故成論云戒如捉賊定縛慧殺三行相因斯須攝濟源即源流入正者一正見謂修無漏十六行見四諦分明故二正思惟謂見四諦時無漏心相應思惟動發覺知令增長入涅槃故三正語以無漏智慧除四種邪命攝口業住一切口正業中故四正業以無漏智慧除身一切邪業住清淨正身業中故五正命以無漏智慧除三業中五種邪命住清淨正命中故六正精進以無漏智慧相應勤精進脩涅槃道故七正念以無漏智慧相應正念道及助道法故八正定以無漏智慧相應八定故此八通名

今釋今

正道者正以簡邪爲義今此八法不依偏邪而行皆名爲正能通至涅槃故名爲道四部者即四部衆僧尼士女或天龍人鬼也五衆者比丘比丘尼式叉摩那沙彌沙彌尼也又應知三學八正約能被法四部五衆據所被機又清訓良規亦屬法也橫論諸云深則風包曰以衣涉水爲厲重關鄭玄註禮記云關境上門也謂三界累縛有情堅密故如重關耳令以三學八正之法橫涉五趣之境高步翔翔於極有之地也乃見大聖人揚清訓樹良規不虛設也

多位即上三學八正之法誠戒居先者戒疏云行者務先學戒檢策非違三業清淨正定正慧自然而立豈下謂一切善法皆以戒爲基本也宏大也依下遺教經云依因此戒得生諸禪定及滅苦智慧若無淨戒諸善功德皆不得生

兩途即化行化教即經論是開演化導之教該乎人天七衆故曰道俗今識別邪正生於信解故事鈔別序云化教則通於道俗但汎明因果識達邪正科其行業沉密而難知顯其來報明了而易述又戒疏云

●戒律

●戒律

●戒律  
約義一作

化通道俗名理無乖意在靜倒離著爲先教本化人  
今開懸解本非對過而立斯言行教者策其五業防  
護戒行也別序云行教唯局於內衆定其取捨立其  
綱致顯於持犯決於罪過等又云內心違順託理爲  
宗則準化教外用施爲必護身口便依行教然犯化  
教者但受業道一報違行教者重增聖制之罪是知  
雖分二教收乎三學亦不亂也三輪者即神足說法  
憶念也戒疏云如來化用必約三輪創開道務要先  
神足爲無信也既信是聖人身雖伏從智開無路收  
次說法爲無解故神解乃明煩惑猶結非可口說爲  
得清除義須依行尅證有已故須憶念爲無證也今  
此戒學是後輪收故曰三輪則攝於憶念四藏者三  
藏外加一雜藏合十二部今行教即當四中毗尼之  
一藏也約義下戒疏云行教起必因過隨過制約言  
唯持犯事通止作故教所設非爲靜倒但隨行科戒  
律一宗局斯教矣從文下約能詮之文則歸於法聚  
法聚者梵語健度此翻法聚本律有二十健度等故  
云從文則歸承法聚止作兩善者即止持作持以兩

●戒律

行順體體既非惡故名善也持犯篇云方便正念護  
本所受禁防身口不造諸惡目之曰止策勸三業修  
習戒行有善起護名之爲作名實名者實之實也實  
即是行即機者猶今機也謂止作兩善名行相應於  
今劣機其實暗昧也有作瞞思之受隨者受即據本  
戒體隨即依體起行故大師云受謂壇場戒體隨謂  
受後對境護戒之心方便善成稱本清淨故也願行  
善願對上受行對上隨故釋相篇云受是要期思願  
隨是稱願修行譬如築營宮宅先立院牆周匝即謂  
壇場受體也後便隨處營構盡於一生謂受後隨行  
若但有受無隨直是空願之院不免寒露之弊若但  
有隨無受此行或隨生死又是局狹不周臂周無院  
室宇不免怨賊之穿窬也必須受隨相資方有所至  
而言二戒者俱有遮約外非之義也故大鈔云受隨  
二戒遮約外非方便善成故名戒行時衆目三時出  
家之衆也前修楚辭註云遠賢也後進論語註云後  
聖也謂前賢脫進於其戒律雖成就於受誦綱維於  
住持然而三時更變以至像季時轉澆訛也公順也



◆年歷作序

自法流下案釋老志云釋氏之學聞於前漢武帝元狩年中霍去病獲毘耶王金人帝以爲天神列於甘泉宮燒香禮拜此佛法流傳之始也及開西域遣張騫使大夏還云身毒有浮圖之教哀帝元壽年中景憲往月氏口授傳浮圖經然時未教信道未通行猶大江之初源若巨木之毫末耳今以漢明帝時二沙門齋四十二章經及白氈書釋迦像至爲其始也自後經教漸流廣開事務故曰定繁定爾雅云是也公羊傳云寔來者何是來也而言東夏者對西得名孔安國云大國曰夏戒本下含註戒本序云逮乎曹魏之末戒本創傳終於隋運之初受改者衆若羯磨之始者釋相云曹魏之初僧徒極盛未稟歸戒止以剪落殊俗後有中天竺僧曇摩迦羅此云法時誦諸部毗尼以魏嘉平年至洛陽立羯磨受法中夏戒律之始也準用十僧大行佛法改先妄習出僧祇戒心又有安息國沙門曇諦亦善律學出曇無德羯磨即大僧受法之初也準此則戒本羯磨俱盛流於曹魏又有多家所出故曰年分異轍輒謂淪轍也良下配釋

二持故羯磨序云持戒之心要唯二徹止持則戒本最爲標本作持則羯磨結其大科如別即含註戒本序及戒疏中委辨諸家互出戒本是也註古本者懷素律師云曹魏銳律師即康於許都集題云曇無德雜羯磨以結戒場爲首受日加乞不入羯磨累有增減乖於律文一家依文者即曹魏曇諦於洛陽集題云羯磨一卷出曇無德律以結大界爲首受日增乞賺入羯磨魏都彌師受持此本分爲兩卷并造義釋光師所述者即元魏慧光律師於鄴下集此同曇諦集本但述錄不順正文故曰義用首云即首題云三藏者其本已亡願師即隋法願律師於并州撰題云羯磨卷上下出曇無德律片無增減然詳律本非無增損兼造章疏并汾盛行子註即小註也錄按左傳註云錄對也按檢也考也諸本即上四本紛綸紛衆也亂也論列子云獨爾絲爲論今謂將前四本成用被事紛亂如絲也增下如受日加乞或加不加解戒場法或出不出分亡物法或二或三立緣作法或六或七增則成繁減則成略畢翻即

證律師本由單翻出則於能詮文言所詮旨趣不能委辨但包羅通奉而已至於行用卒難尋檢故事鈔云或單題羯磨成相莫宜依文用之不辨前事依本本或作文即疊諦依本律出者執據依律緣起隨有隨書故云執據至於篇次義類竟不排顯則使覽者易成迷惑也准下即光師出本則多約義用如受日著乞準乞覆藏法故羯磨大途規猷在故依受不失故曰理雖無爽事鈔云大途無失是也藏迹下或暗引律文或出已見故曰也今則不爾憑文據義標顯昭然羯磨序云律藏殘缺義有遺補故統諸部撮略正文必彼此俱無則理通例決並至篇具委便異古藏迹緣據者即願師所集本由廣子註故似其具周然非無增減是止存別見故素師云願師則非無增損等是也並下結非由前各有得失致使後人雖隨有結界受懺等事起尋而誦之至於成敗善惡冥然不知是則斯文但可卷而收之不可以爲後世龜鏡以鏡鑑妍醜示吉凶

綴疏即彌光願等遊詞即浮游詞句也鈔序云多列

游詞而逗機未足至於附記本文摘探義理使文簡而理具濟時而得用者則少過於作者之器也逮及也自願師已降不無繼作後至乎素師亦再出本辭費猶徒費其辭也至於下謂將此文濟機行事未見有可歸者所以按撫事務反壞昔賢增勞想爾勞想謂暗傷也

不揆揆度也庸昧鈔序云余智同螢蠅量實疎庸是也試莊子云嘗試言之郭象云以其不知未敢正言試言之耳纂集也聖言即四分本文也削下古文有繁雜蕪穢者則削而去之遺墜漏略者則引教而增之正量即聖言量傍出行用即引諸部也故下刪補羯磨序云然律藏殘缺義有遺補故統諸部撮略正文必彼此俱無則理通例決並主篇具顯便異古藏迹義舉即下或約義申舉指下指斥古瑕則知通者不宜復用故曰宜改摘下或採摘正理並皆思審揀擇有蹤緒者方立而用之時下如現行結界受戒安恣等法爲時所行之務則下廣爲樹立其儀同下如小房等法於今少行但略題其名耳故下文云爲



法既少在文蓋闕也

本雖行世者本即親歷行世理既未陳遂作疏以廣之故曰相從勸開文義也

七  
上  
疏  
疏

余爾雅云我也以大師再治此疏年當十故曰老矣禮云七十曰老而傳晷日影也妄損下謂虎妄損廢也正功能觀身心境界遠離煩惱是也此乃大師自說作疏通經據流通邊功無邊際故華嚴經云佛法無人說雖慧不能了又云若不傳法度衆生畢竟無能報恩者燈燈相照六萬脩齡者非流通而奚慰若約自利如大集經皆非法行智者亦云吾爲領徒太早於已無證等淨心誠觀云若當逐講論見淨終日喧放本求枝末不能拔斷根有涯者四大成身百年能幾況復七十者稀莊子云吾生也有涯法行者大集經云若有比丘讀誦如來十二部經樂爲四衆敷揚廣說思惟其義是名樂讀誦乃至是名思惟不名法行若有比丘能觀身心乃至境界都息遠離煩惱其心寂寂我則說之名爲法行常一之教者亦大集之言也彼云無邪命者心清白故心清白者常正一

●已下釋義  
廣序

故常正一者性殊勝故乃至其心淨者能斷破戒是則斷破戒者由常一故又常一者是律所須如云常爾一心念除諸蓋等是律所證故餘下言於此而不審諦辨論者而於餘事竟何言也

京兆如上解崇義者伽藍之別號也按西京塔寺記云本是隨朝延壽公于銓宅至唐武德二年高祖賜與桂陽公主駙馬趙慈景爲宅尋趙公薨公主捨宅爲寺以妻爲夫故勅爲崇義餘如前解集撰調聚集律文以申撰述

原夫者著事之前式發語之端由也大雄者目至聖之人也以修行大趣理大證果大所化大雄雄然非吾佛而衆誰本法內傳阿含等經皆云周昭王二十三年七月十五日現白象瑞降摩耶夫人胎明年四月八日於毗嵐園中波羅樹下右脇而誕又周書異記曰昭王二十四年甲寅年四月八日江河泉池忽然泛溢并皆騰沸宮殿震動其夜五色光氣貫于大微徧于四方作青虹色時王問大史蘇由由對曰有大聖人出于西方故現此瑞王曰於國無損乎對曰

●字一作寫

一千年後聲教當被于此。又隋費長房以瑞應及普曜本行等經校讎。舊史定知佛以姬周第十六主莊王他十年。即春秋魯莊公七年四月八日也。普曜云光照三千。即左傳說常星不現。夜明也。既而生下。感九龍吐水沐浴金體。引步十方各行七步。蓮華承足。為降魔梵。一手指天。一手指地。發誠實言。天上天下。唯我獨尊。後雖處東宮。不染欲樂。樂十九躰。城五戰遊。歷六歲。苦行年及三十。以二月八日明星出時。於摩竭提國成無上道。按此成道當周十八主惠王十九年癸亥也。示滅即第二十一主。匡王五年癸丑二月十五日也。時年八十矣。御宇臨御宇宙也。

一人者。如來出世。興慈運悲。極拔含情。離三有苦證。四智身故。云拯拔一人。一人即成佛也。法華經云。如來為一大事。因緣故出現於世。莫不開佛知見。悟佛知見。入佛知見。道故。又云。今此三界。屬于一人。此一人即釋迦自謂也。

大教總彼三藏也。曆期曆猶當也。即如善見當機熱時。如來出世。雖曰法有萬差。而所趣歸一。譬彼衆流。

會歸大海也。故無量義云。法水一也。江河井池分其異爾。

著欲即五欲也。經云。勿令放逸入於五欲。我心即意識也。經云。此五根者。心為其主。是則心生。則法生。心滅。則法滅。已上舉病。

止心下說藥也。又藥之所起。次第要先戒。次定。後慧。今所以先論慧者。蓋推斷欲之功。親在於慧也。又推慧之所起。在乎定也。定之所起。在於戒也。故經云。依因此戒得生。諸禪定及滅苦智慧。是則生起。功推於戒。故曰特須尊重等。

經云。即華嚴偈。言戒是無上善提。本應當具足持淨。戒若能堅持於禁戒。是則如來所讚歎。

二轍轡車迹也。今謂教迹。塗轍大要。不出止作。先論止持者。戒相止行。相作又順。初受故止持為先。受已隨行。故作持居。後南山引古德示云。誦戒本一卷。攝一切止行。盡羯磨一卷。攝一切作持法。盡由道本根本行。別止作。統攝佛法綱要也。後進下結勸也。妙下要妙在於宗承戒本羯磨二法。

耳

慧日西隱者。卽如來化緣將畢。示歸涅槃。故於娑羅林下右脇而臥。寂然無聲。猶日之沉西也。一切衆生。痛乎幽暗。又可知矣。法水東流者。取洗衆生心垢也。佛法從西流。至于東。故曰東流。像正者。佛法有三時。正法一千年。像法一千年。末法一萬年。至南山出世。早當像季。故鈔序云。逮像季時。轉澆訛。又云。予生居像末等淳薄者。淳正浮薄也。

二部文殊問經云。謂上座部及大衆部也。南山云上座大衆。創分結集之場。五部無德部。薩婆多部。彌沙塞部。迦葉遺部。婆蹉富羅部。此如來滅後一百年。分十八。卽二十部中去本存末也。卽年將四百。分出二十部也。廣如十八部執論。五百部智論云。佛滅度後五百異部。聞畢竟空。如刀傷心等。末下末則衆鋒互舉。自此之後。時移機劣。各競分途。莫知其數。故曰互舉也。先驅驅馳也。人或下指上諸師。始自分部。終乎衆鋒互舉。盡各從緣而分異。雖然。皆是助揚正法。使無傾墜耳。故涅槃

★反一作通

說由此異想。朋黨相援。互相諍訟。皆悉悟道。又大集云。五部雖各別。不妨諸佛法界涅槃。鈔云。爰及四依遺風無替是也。

道山下。謂信爲道源功德母也。弘下。以人能弘道。故也。人下。卽鈔序云。爭鋒唇舌之間。鼓論不形之事。是也。古今者。始曹魏終有唐也。

增繁下。如光律師增乞辭。願師廣子註者。考下。謂稽考彼之實錄。但師徒口傳耳聞。爲是也。嚴下。謂研覈其綱宗頭緒。略無正本依據。師心制法。卽增加乞辭等。披下。當時有披而誦持者。尤衆也。侮。無古。慢也。詩云。外禦其侮。刑罰不學。無知罪也。皆下。務事也。異同互望。成異宗之曰同。是昔者執已行者。爲是宗之前聞。曰昔。反隅者。隅卽方隅也。謂遍執一隅之見。若能舉一知三方。曰通解。潛地猶言墜地也。

慈語語亦作告。劉熙釋名云。上勅下曰告。告覺也使覺。悟知已意也。如尙書大誥等。佛語既是覺語。比丘令知佛意。故從稱語。又律藏是大慈門。中流出故言慈也。論云。依大慈門。說於毗尼。妄指言不可妄有所

指增加乞辭等聖意既肯定妄指是難也

關輔關即關內禹貢雍州之域尚書曰黑水西河惟雍州輔即三輔所謂在鴻臚右扶風中京兆立此三輔以輔王幾也具羅下卽三十篇也鈔序云但境事實繁良難科擬今取物類相從者以標名首雜相如諸雜要行諸部別行之類

但下卽上卷攝於衆務承用有儀中卷遵於戒體持犯立機下卷隨機要行托事而起隨卷約相備已酬校非夫積學卒亦難了故今於通辨羯磨一法推爲作持之要恐未能該綜故別標此法集成其文以貽後學也銓應邵註漢書云銓權衡也又常昭曰銓秤銓也如下別立十篇之題各詮量有次使不亂也

出納下謂廢出非三義卽駁除異說也納與是三義卽搜其同見也鈔序云搜較同異並皆窮數長見必錄以輔博知蓋述必窮用成通意是也今不盡論故指鈔也

此下此中但明羯磨一法有須當世盛行者隨法被事今有楷模仍引諸教以證行用則在此羯磨上下

兩卷以明也

殘缺或結集時或分部時或傳譯時抄寫時文有殘缺者約其義理乃必具之故須裨補先則從親至疎如下引僧祇五分等是也次則引諸經衆論是也故曰撮略正文或教藏無文則須以理決通如下義立七非等是也並各至下篇隨事具顯異古藏迹者卽光師准義參混聖言前云藏迹可嫌是也

以下疏文云僧及一人法各分三對首一法但分二品故有八相也一號卽羯磨也七衆如下八齋五戒等法則收在家二衆并出家五衆共成七也豈下示譯周易云謙謙君子學司存也

譯者周禮正義云譯易也謂換易言語使相解也法鏡者戒疏云能照達萬法也又云法正明慧卓朗除邪倒也又言法護能興建正法不墜於時也運下謂分部時運當佛滅百年與斯名教斷如丁亂章者言說有斷截也章刑曷云積句以成章章者明也總義包證所以明情者也又戒疏云四度傳文盡所詮相故云四分此據說之所至非義判也又如八十誦一夏

今已下釋疏



之功也。五分十誦其例衆矣。言律下以律屬能詮教戒。屬所詮行。今言律乃詮行之教也。對下繫即光顯集本略則曹魏出者。上云單翻直誦是也。今所出者對彼之繁故刪對彼之略故稱潛務。即古於見行有不出者。今爲出之。令隨機有用也。天音即天竺之音也。翻爲業者。即業務也。以一百八十四法悉是作持業務也。所破以法爲能。破生善滅惡等事爲所破。因其羈磨無不成濟。大略略即簡略也。言於序中略述大塗未盡聖意。隨至後篇廣開要義。以開學路也。從所題是無德下至廣要如後來此一段文。即懸釋名題也。如藏師解心經亦於序中懸解經題。可爲高例矣。

疏題十字如前懸釋已解卷者可舒可卷。第者居也。此卷居此。故云第一。註集法等者。居十篇之始。此卷釋盡此一篇。故舉頭尾以括之。訖止也。尙書序云。斷自唐虞以下。訖于周篇之名義如下所釋。

決務開決法務也。初下文文具現方成。謂此四法具足現前作法方成。

缺有之機。戒疏云。缺有之士。今謂三寶降世。豈爲惜生大意。在敦崇殘缺。三有之機器也。戒疏又云。大聖降臨。創開化本。將欲拯拔諸有同登彼岸。滅惡止爲滅除結惑也。律言云。何爲學爲。謂三毒令盡。明功下薩婆多云。新受戒人與佛齊德。以此而推出家僧尼。真是功德善法之聚位。尊人天良由於此。又大師云。夫受戒者。超凡鄙之穢。流入聖衆之賢位也。顯下明其戒德上。既爲三乘因種。下則爲六道福田也。大師云。所以爲世良田者。實由戒體故也。

內外分塗。即內凡四外凡三。屬七賢位。凡聖者。小乘從見道已上。入無漏名聖。下皆凡也。若大乘依法華瓔珞明位。有八。一五品第子位。凡外二十信位。凡內三十住位。初四十行五十回向六十地七等覺。因位八妙覺。是聖約賢者。第一義諦。僧稱賢。故薩婆多云。若施僧寶者。塔中供養。第一義諦。僧若施衆僧者。凡聖俱取分今。謂白衣中亦有證果者。如律中見諦學家是也。故曰通於縑素也。就儀約外相也。以外儀雖同持毀有異。持即體相俱備。可應滅惡門事也。毀則體穢。



相淨可應生善門事也

情見相投者六和之二也。以情同即意和也。見同即符一正解也。上善即生善等事。因和而得成。成也。下惡即滅惡等事。因忍故得滅。又和必該忍。忍亦取和。生善滅惡和忍。須備今且偏對耳。聲教即法辨之。教所謂羯磨也。若非此法。何以通成。僧務弘理弘大也。別住梵云四摩。此云別住。即隨逐僧所居住。並使同遵。又凡作一法。須具十緣如下所明。

●降魔作伴

功能而翻者。以此法能辨生善滅惡。故衣食受降者。衣須受持限內。說淨食則通取四藥。俱有手口二受。但七日一藥。開說淨。盡免第八日犯長。故人法人即受戒法。即說戒自恣結解諸界等。後謂下懺夷殘等。罪治罰滅。損四諍四違諫等。皆名滅惡事也。名通善惡者。懺罪名善治。損名惡。俱在除過懺耳。夷平也。同太虛。即善生云。虛空無邊。戒亦無邊。懺重即夷罪。能令下目連問罪報經云。犯波羅夷罪。如他化自在天。壽十六千歲。墮泥梨中。於人間類九百二十一億六千歲。阿鼻具云。阿鼻至此。翻無間。應法師云。無

間有二。一身無間。二苦無間。

業義通者。十善業等。細業同條。故云非局在僧。若存業名。義有相。蓋去華存梵。知非俗行。故言揀異。絕聽猶惑耳也。正翻即上翻業也。舊解即上云。今有翻羯磨爲辦事也。

但廣明非不離七非也。翻其非者。即名如法。

內外內。即有情外。即非情。相續揀一報實色。聲也。今於報色聲上。起方便色聲名。相續又以報屬無記。相續通善惡。故以善色聲爲體。戒業章即出三宗戒體中業即業體。

三聚以三聚之名。出於成論。法相所收律中。全無攝法。隨相明體者。如下云。據法本體義。張三位隨相略分。以爲八品。故云但言等。然則下以羯磨聖法。託彼情非情等事。而與事既不一法。亦彌廣。不可以定出其體。

十誦下。彼對首心念分衣。佛言是名羯磨。又四分三語中。及爲白衣說法中。言羯磨。此皆誠實之文也。常念四儀。行住坐臥。心念自策也。如下云。來往繫心。

衣食起觀止得獨運是也

對首及衆法二種。心念皆爲集界。無人故例開作受淨。卽受衣藥及說淨也。捨墮說恣者。亦爲界不漏。故開對首作

和。白如非時和法論法毗尼白說戒自恣單白等結解。卽結大小界法并解等。受懺卽受戒懺重擯治諸違諫等法是也

小事卽心念事。未假餘人證明成就。如晨朝六念法是也

中。猶通者中非正訓。通義如通也。謂微通大小。故微亦分也。若無下。謂界若無人。則通爲對首心念是微通小也。衆法下。以衆法合須四人已上。今爲不滿開作衆法對首。故微通大也。故此下合結住持如結界等注下受戒等

息邪如與狂癡法等。靜謐如諫擯謗法等。悔除如學悔出罪等

僧得者言僧可得自在。或作德適緣。適從也。上得兼下。卽衆法無人可作對首心念也。下非潛上。心念對

首法不可使衆乘也。故說下示上得兼下之法。雖作下如說戒本是衆作。今對首似乖而表半月一淨是同。又以彼此相對。故曰戒法相攝。自他雙被。餘有下然衆法未必皆通下作如結界受戒等理。須僧衆故曰限當位也

來往繫心者。卽四儀中有犯輕者。開責心悔輕吉及衣食念念作觀說戒座上發露等

假證一人作證也。今無人故名緣闕待形言形有所待也。今若無人理。開心念爲濟形命也

衣服施緣者。如分亡人輕物法。當界無人開心念受等以濟形苦心無別求

告白證成者。如受七日法。白僧殘諸行法。白入棄落法等。持懺卽受持衣藥懺波逸提法。乃至懺重吉羅法等

如懺捨等者。卽捨墮法等。取說戒自恣受僧得施受亡五衆衣物也

不同下此說對首心念也。本是對首緣通界無人開成心念得人對首。卽是本位本對一人外不須集故

金剛經

曰得人別衆衆法心念衆法對首都緣本界無人次第開之有一不集並是別衆故曰大略同此逸提同故

決蘭得名中上三境即大衆小衆一人也

如受戒者受戒有差教授師召入衆對衆闕難并白四成四白三羯磨捨鉢中有行鉢正懺懺主白和受功德衣中有差五德并付分五德白和正受功德衣和法等亡物中有分亡人輕物法差五德分付法實看病人法從下雖法有三四而止成於一事故局稱一緣

古人下大鈔云亦可引用十誦彼則定有百一百三十四者就緣約相都合一百三十四羯磨略言如此更張猶有單白有三十九白二十五十七白四有二十八若通五十別法則有一百八十四法也

僧尼不同者僧有差教授尼法并受戒機殘法尼有差求教授法差自恣人往大德僧中法遣信受戒差使法尼與僧作不禮法等同乘即受戒機殘法也二部即僧尼也

二結

結集諸白者如差往王城結集法問優婆塞法優婆離答法問阿難法阿難答法此皆佛滅後和作故知事如理亦通得

然則下以學不厭博博則通矣瞻富瞻也古云博學爲濟貧此言誠驗資益也大鈔云若全未預法則隨人一部爲依持順文謹用行之可以爲準的通觀觀視也經遠言垂之無疆也以其通覽必有所稽則取信於未來斯爲學之用也大鈔云若四分缺於事法他部自有明文理必準行不乖二是管見謂若執一部之見其猶以管闚天耳南華真經云是直用管闚天用錐指地也不亦小乎

三品單白白二白四也又心念對首衆法皆同當律也求聽即求僧聽許也下云唱事開聽是也亦名中間羯磨也大鈔云受日諸部不同僧祇有二初七日同於四分後事訖便用中間別法蓋皆無異品亦同僧祇三品羯磨如此所明亦不別立中間羯磨唯十下引證以五分不出別法名相衆法別法俱名羯磨若古師云五十名別法是非博瞻之咎也

●會本疏卷  
一之二

所作望僧爲能作也。唐梵者。梵當爲翻字。恰苦洽猶正也。然是也。百論翻云。事也。言事即是所作。業故得符合。解云。卽眞諦所立事。或僧中立條約等事。

問下釋羯磨義。以僧聽忍。又不遮障。卽是所作事名。爲羯磨。此亦名直白。注打木卽今白槌法是。

唱白一分者。如請白法云。大德僧聽。某甲比丘於此處雨安居。若僧時到。僧忍聽無白如是。是一分也。又云。某甲比丘爲僧事塔事出界行還。此處安居。僧忍默然。故是事如是。持此云羯磨一分。

後二卽白二白四前三卽所作單白中間也。準下似問辭。今下是釋改辭者。如三人但改云諸大總理通無失論。卽了論彼云中間直白。此三羯磨三人等通作餘二必四人已上。

九種法卽上三位各有三也。十緣卽稱量前事乃至第十答所成法。豎義者。勸後講解之人。引下文來此明之也。

下文卽辨七非中自解也。

三情事合云。情非情事合。離衣衣屬非情。老病屬情。

造房屬非情也。付鉢卽展轉取取下鉢與之。今持爲非情人爲情也。

是非互有者。不出人事法三。皆附一法而起。有非成失。反此名如想下。如舉受戒事爲宗人無遮難名實。異比輒加名妄破戒者和尙犯提餘。僧得吉是自憐。令彼慮受是憐他。又請日事虛出界招議。妨道皆是。也有智隨時配之。不可盡論。

生善生世善心也。出世之田言爲出世之良田也。果向俗人言俗中有證四果向者。授必在於出家者。須要五衆爲彼授也。

比衆卽比方於衆以譯僧名。加和合言和合衆也。佛法衆衆卽是僧非四不成。大論云。以四樹成林爲喻。不明僧義者。餘經不說羯磨說戒是爲僧和合義也。所以但從衆翻恐謾蓋三二人衆。

單兩但言衆名。單加和合名兩然和合亦以衆爲本故。

然此下若依儒教則以三人爲衆。故漢書功臣表曰。三人爲衆。攬攬方便假色之用也。今四僧爲本攬。

和合爲僧之用也。故曰義相類也。

凡聖凡則取內凡。已下聖則取見道已上。儀寶儀取外。相約住持也。寶據證。眞據理。寶也。功用。即功德力用也。理約達會爲言。事約六和無別爲稱。機教是今用教之機。

水乳無二者戒疏云。如乳合乳。如水合水。不得云乳合水。以相合非體。獨能別。故以下三人言。下三人亦名爲衆。又四人衆。假下三人以成。故還攬四人以成僧體。其猶攬指爲成。舉體也。緣成。即一人二人三人具成四之緣。故下云分衆衆義。

小論。即俱舍婆娑五陰。即色等實法。揀方便假色。即一報色等。別用如一人。俱作心念。則法用也不隱沒。即現見五陰也。無記以一色三心未流入行心。俱屬無記。持犯云。流入行心。方成別。因此則顯以五陰實法爲體。行陰即善行陰所攝。

人假。即實法上起方便假用爲體。以實法屬無記。不通善惡。故曰無用陰。本即實法。以實上起假。假還依實。故如下取例也。身口鼓動是假也。報得色聲是實。

也。報色例陰。本鼓動喻假用也。

今存下。即依成實爲彼與四分宗計同。皆空宗也。然下雖云律與成實同計。則不說假用爲體。但出一人乃至二十衆也。與上不同。故不廣引也。然則前後五科俱無斷割。今以義意評度。約數假用。內外相須。氣味還同。爲今所取之思。

三根見聞疑也。持說。即持衣說藥。若不足。僧數亦不足。別人故等者。等取二十僧也。

法務下。但據法事合用。現集多少而論。也能所俱體者。即能所說聽共爲體也。如四人說戒。一爲能說。三爲所聽。除所爲如受日人等。不屬能兼僧體。

俱非盡辨者。別非辨僧法。僧非辨別法。故大鈔云。僧者。但得御衆法。已外對首。心念法之與事。決定不得衆作。別法例亦不成。當分通辨衆法。別法各有當分。數下正顯。當分通辨三緣。即一人衆多等。僧次引證。一人也。功用極大者。如別衆食。但得一人入。則免別衆。豈非一人以濟衆乎。通界下。謂盡界集僧。若不滿者。作衆法。心念此法。既成。與百千人所作衆法同等。



敷教即敷揚正教一與多同也

有下結前四義然下起後所解法成即具六和方成  
僧義經即華嚴

正戒以戒正則可爲淨慧之宗本也又淨戒爲萬德  
之基址也同受即同一受體同行即同一隨行有缺  
隨缺於緣成者不名僧也見慧即同一正見所發之  
慧非同邪人六十二見之邪慧也同界別法雖同一  
界各自作法不犯互別如調達之黨不入正見之僧  
也淨行即行和同修也當離四邪五邪以活其命也  
利乖由邪命故受利則乖也

上三則戒見命也三業則身口意三和也身和同住  
口和同默意和同忍荷前三體同而後三不和亦乖  
僧義

德用三體爲德三和爲用又於體於和各德用故  
合而言之也

三位即大中小事也三法即心念對首衆法也三相  
即一人衆多人四人已上也異法分人即四人可行  
說戒五人可隻差五德行自恣法邊方五人中國十

人受戒等乃至略五人十人也前二四人五人對後  
得前名法爾言約法止用四五也以說戒能說所聽  
既無所爲故相相用四得成自恣以隻差五德陳名  
入法不入僧數故須至五治罪取懷捨墮也以懷主  
單白和僧不入數故舉證者舉取五德是舉罪人也  
證取衆僧是證明彼所犯者又取懷主證明彼悔罪  
故後二即十人二十人對前得後名逐情者中國制  
十人受戒以僧多故恐所受怠慢人多必生慙重下  
云善心浮雜故又二十人懷罪緣所犯者情重增受  
戒之一倍方可濟彼

中邊即中國用十人受邊方僧少開用五人受隨下  
對上受體故名隨也專精第二者由來不犯名專精  
犯已起悔名第二對專精可四人行說戒對起悔可  
二十人行出罪

非四不名者以大聖知三人已下勢力未勝辦事未  
竟故限至四也

邊受即邊方受戒但下顯用五所以無言表淨五德  
無言方表已淨已上說自恣須五也方下說邊方受

戒別問即差威儀師下壇問難反白上壇召沙彌入衆和白也前受即能受人以五人僧境少故容起彼慢若加至十境勝心猛故可發戒情浮情意浮慢也中受即中國受也三僧五人十人二十人也濃薄後爲濃前爲薄也前境即三僧之境也猶如也三品即七日半月一月此取倍增義可類也

同五邊方受用五人自恣亦五是同也減半減中國之半也據下正難意云邊受既開五邊懺殘應可十人不機侯即渾儀也上符天輪一無差失以候於時也今但取差失教旨之儀謂減惡從急故不例開也除中國律若云除即顯邊方開十今既無除則中邊懺殘皆二十人矣大疏即首疏

朝夕諸念即晨朝六念懺輕吉等諸白告即白入衆落衣藥說淨等諸結解此約白二法如結二同三小等等取作房分衣諸法也不相通者如六念不可對首及僧乘等對首亦然

通下應知上法無人可以通下下法者人不可以通上即前中事是也亦顯開作對首心念也

●僧徒在次

人位即通一人二三四人也分三即本衆法并衆法對首衆法心念既開三位據作之緣應合有異未知何者是邪少多多容四人已上少但三二人通下二位對首心念三別衆法對首心念僧局要作法界也別通通自然作法也唯在結界以不許傳欲故一則地弱不勝二則要知界畔餘法則開俱開無有開欲義也三別律云應來者來應與欲者與欲來現前詞得人不詞是名和合反上三和成別衆也若對衆下即對衆多人於上三則中但無第二一種前後二種俱有若對一人下即作衆法心念對首心念但具一則也文中對字但對望之義

半月即行半月摩那捶一白問難此約對衆時問各行衆法即各於本衆作法差人徧也如請教授是尼差徑僧也具德應教授是僧差往尼也至彼此部那僧尼二部部即部黨部類面對作非正對彼面作法前三即受戒半月出罪也二十衆下引事證也一相約僧被尼說而未顯尼被僧如次科明律云下此說除不通之法也受誦即尼或不解關於僧中受誦已

歸寺當部作之

受戒等等取半月出罪二法也不禮見僧不禮不語不恭敬三法不得對面作但可遙秉被之又下如此

一法亦不對面但遙爲尼作以違反僧捨教授也

有三卽對首衆法心念又衆法有三是也二三此約

小衆機也一人但可憐下品蘭今若中品用一人機

則無教可準

除三法卽受戒自恣出罪也

四僧卽四人五人十人二十人僧也

形法二同者與剃髮乘白形同與出家受十戒白是

法同觸惱中因前綺語作法轉與身綺重惱於僧也

諸制受功德衣難事略自恣等白是也差人如差人

說露罪差人分臥具法等被緣還衣離衣等法是也

處分作房指授等法此皆用白二羯磨也七法卽訶

責擯出依止遮不至白衣家等七羯磨也諫證卽四

違揀等證則憶念不痴罪處所等正證知法等者等

取餘式又學戒法受具法學悔諸法也此皆乘白四

被之故法雖多者卽單白三十九白二十五十七白四

三十八以二攝盡者不出同一說戒同一羯磨二種

僧攝也四下以四人通乘一切法止由事有大小故

加至除五人十人二十人也

初僧卽四人僧也除三法卽五人法十人法二十人

法

倍三人者五人十人二十人皆倍倍增人除三單白

除自恣五德和僧并邊受二白並是五人攝卽和召二白也

二白四中受出罪也通乘三法者言只通乘上三單

白耳餘不通之約事下正顯三單白二白四義三白

差教授一白教授白召一白對衆問難一白白和方

是主五德自白和却入數同僧用也

四人僧取以教授不入數故只四人成也方五人者

以召沙彌入教授在數又羯磨師和僧問難亦入在

數故曰五人僧攝也若據正受四人應成事須別問

故用五人

戒師卽羯磨受戒師也身非下顯不入數義但乘下

須顯入數義以戒師一白和僧爲僧乘也故非別持

請訖卽作白請和及不忍者說俱在僧中故戒師與

餘四人相從成五也

受衣卽受功德衣人不得利卽不得受五利也

始終重作者意謂初始爲能秉僧至終亦名能秉僧  
可名僧攝若前後互入卽須五人以成僧用便是所  
爲觀古人意似四人攝將前科今師意點對可曉白  
和爲他所量必須身外有四人僧也

未必同席以長衣隔宿還故威儀入衆卽教授師也  
全別不同機主和白爲僧所量也此問似順古學悔  
以無人能秉說戒自恣二法開學悔人秉學悔自不  
入數可以爲例

邊受邊方受戒要須五人三十捨懺亦須五人故云  
諸尼薩耆也不同下以結界唱相人及說戒人皆爲  
僧作故不爲他所量也成四卽行言滿四卽可行也  
以自他同遵故

事中須之言須用之也何不列者卽四人僧中但云  
除三法謂自恣邊方受戒出罪何不言除結界也以  
結界中有唱相人故據此應五人攝

有人下此初解也謂律文略舉非謂餘者不除列之

便言不得揀數約之半減五人也專指不犯者第二  
是犯者犯已須懺第二白法方起故文云有二種智  
人一者專精不犯二者犯已懺悔卽第二白法起人  
也結界下結界雖有唱相人功德衣有受衣人並爲  
僧作務皆在五僧所攝但下但非正所爲人皆四人  
攝也四衆卽四人衆也以布薩無正所爲人故一切  
拜人如屬知事戒中引僧祇云屬正拜人指歸云拜  
者全取受命之名也以爲僧故在四人收非屬所爲  
相涉僧別上正唱時相似別唱也已入僧相有涉也  
五百下彼問云一人三四人行道或在白衣家得結  
界否答不得五人已上得結數下是大師推數不取  
五百論也入教卽羯磨

四僧四人僧也三人者一人衆多人四人也三法卽  
心念對首衆法皆收僧盡者以四人能被一切羯磨  
故若爾何須後三五人下是釋八人古師妄出謂懺  
中品蘭旣是小衆上品蘭要倍四人以懺也夷邊方  
便卽是方便蘭也十誦下彼說上品蘭界內集一切  
僧懺中品出界外小衆懺下品一人懺本無八人之

目

四別四人至二十人僧但三單白二白四也初僧即四人僧餘三五人等淳薄即厚薄也心輕罪重要境勝故令彼心強也假多緣故拔彼重罪也情事望僧爲情事問和連詞但言和合說戒情事則決不勞至於二也諸差即差分臥具差受自恣等諸結即結大界戒場小界等治諫治則訶責擯出等諫即四違諫等

問下意云所秉法中約事不論體能秉僧中要說體既許說體何獨四人今五人亦可說爲體耶以爲僧本本即本體

爲事如機主單白爲他所量爲此事故不入僧數三僧即五人十人二十人以前四爲本故其猶枝葉雖茂必藉根本故前得本名當白自體言各當單白白二自爲其體由附事有大小故次第隨增無非是體自是爲事爲受差及和召事此外四人獨名僧體若爾何須差問但下是釋法自是體下重明法體言當白即是自體非待白外重加白亦爲體也以三法各

有根被事各有成故

就從四僧對前衆多一人僧名後減下如減一人白說戒不成等退限俱非者律云如白作白如羯磨作羯磨不可以單白增至白二白二減作單白等未審何意不得增減耶

乖別過起者假其數定容有不集也非情惱者法是非情本無所惱不同別衆不和成惱

聖教即白與羯磨也缺不成務或缺或刺俱不成辦前事也制僧數定四人行說戒五行自恣等是定不可減也越度減之成越法度也過數四本開說戒今若過者蓋益善更無方便易集則須盡界難集理須出作除此二緣更無方便而開別也

若准下彼以法例人唯多益善如單白增作白二白二增作白四彌善減則不成此乃部別不同若四分則法須楷定加減不成

三種教心念對首通於二界白等三法除結界於自然上作外餘專唯作法界也今且通而舉之初是下示通乘之處也緣隨開作者隨六念持衣等



緣皆開於上作之

棄下卽聚落蘭若水界道行開棄結界白二以是草創所依故不得說欲以結界不許傳欲故特限之是所行處以開自然地作故五人以有隻差五德之義故須結界已行之

初從兩對此約取欲時兩人對首未至僧中故因也終下及後傳來是應僧法法既依結界欲豈容自然故成果在僧也

若爾下此難因前大界等中云對首心念緣隨開作本是衆法要五行捨墮故下通別人爲僧不滿故開作衆法對首有人不許非謂約界不合相體卽法相體兒

九品加小衆對首如云二大德一心念是也或只在對首中取則成法八般也二合卽情非情合如老病離衣望人老病爲情望衣重爲非情若具方可加法通號僧者始從一人終乎二十七位之人皆名僧也以一人亦能辨心念故雖四棄落蘭若道水也

在緣卽上四緣九品卽上云廣爲九位是也相有緣相具足曰有可得被事名成反此全闕名無被事不成曰壞則通成壞者如說戒僧闕者開對首心念則成僧滿不結而說名壞說勸說勉勵也

日月卽黑白大小日月及衣鉢有無也二合望某年太歲是非情望受具人是情身下卽無病行道有病當治

捨請如已有兩處食請捨一處與同類免背請提也望作法捨是對首故諸界作法自然通得

通三情非情二合二難爲情者五分云欲安居時先思量有難無難無難應住此約自妨難邊屬有情也約處所邊屬非情也淨藥藥非情患爲情也持說若就人持說亦合情取今約法邊非情之限

獨秉約無人故開作對首心念三大界卽人法二同法食二同法同食別界也不許住以場非攝僧住處故借使王立房者慚愧比丘別壞之安居篇云若依大界安居戒場及餘小界內不成受日以非本要心處故若先無大界依伽藍結者若後結二界隨界受

日並成莫非所要地故今約先已結場說餘法餘對首心念法也如受三衣并捨等於上作之無妨以通作法自然故

約事望說戒事是非情也二合望機淨是情望應法是非情唯是非情約衣邊說自量屬情望衣等非情又成二合今約下文自釋二合義自恣下望自恣法邊屬非情約人應法名二合局一上約一法事上爲言也

通界可行意云通界集人無者可行有則成別若有二人已上當改作衆法對首四人已上改作單白說戒故曰改法也

三小不通無難不可結三小界而作也戒場時有如大界內都無人又大界中別有難者可於戒場上作之此非恒作之地也

二合如七日藥望陳病緣是情望藥鉢邊屬非情白事望比丘爲情望作事通情非情

不得向二以但對首無別衆過故縱有旁人亦不須集邊和四人捨機機主受機須問邊二

●隨處

如後白者白行行法白僧殘諸行法白入衆落法尼白入僧寺法此界於自然作法界但對一人白皆通成也

說恣等者等取受僧得施法受亡五衆衣物法二合望衣罪邊屬非情望能悔人屬情說恣非情者局望戒與罪邊說也若據所被并能恣人即又二合也

久廢言不可用四人和白也以僧祇正斷五人爲捨隨故不可自和自忍五緣一請機主二爲說罪名種相三捨罪四訶責五立誓小衆具六緣加第二受機問邊人五人已上又加初從僧乞也大鈔云三人二人法亦大同既是全別初捨衣云衆多大德一心念然後自陳云捨與衆多大德捨罪中問邊人若對一人人略可知捨財還衣直對而已若論除罪無問邊人但具五法是也故曰隨機不定

前境滿四意謂機主單白爲所量可言不入只如能機之人應可足數所爲未除言能機之人正在所爲中取而未及除之也縱使機事尙屬所爲終非僧攝

●通七者

通七者三大二小并場共成六界四種自然爲一故成七界不開小受者一席作法曾無再用故也因舉便捨卽儼捨墮說戒小界行四人法自恣小界行五人法若將一是所爲止是三四人法今且甬能所爲言也

●白制斷也

儼關約中品也輕者卽下品事是情過者如摩觸女人身上衣破漏磨僧盜三錢已下僧私之物是中品蘭攝界亦可通七種也如上五卽衆法對首中餘語妄作異語憊僧又喚來不來名身觸惱故以單白制斷也形法與剃髮名形同與出家法名法同此皆情事也諸僧卽修道增自恣白諍事增自恣等結集法如差往王舍結集法問優波離法優波離答法等望法邊屬非情也滅下卽滅諍非時和白受功德衣和白望諍與非時德衣邊名非情望比丘邊名情故曰二合

●日舉白

對人剃髮但滿四人差教授須滿五人兩分人少行衆法對首人足行自差也非分者然作三法人多益善今且望單曰三十九法不同受戒儼殘限定十人

●口入

二十作故曰非分

作法以自然地不堪乘故四種卽棄蘭道水七界者三種小界并結大界法結二同法結一同界法七結戒場法故下文云三大三小名多義一戒場自分故須圍遶是也差問三白卽差教授白召白對衆問白唯在受戒小界中乘不遍餘界上作也餘自恣差人白二及五德和白又說戒單白皆上局自恣說戒二種小界上亦不通餘法界也又三種互望亦非通也非無下應先問云說恣小界中舉得罪時爲卽於此小界上儼已說恣爲就別界耶將文通之如下云不無因舉便卽治出事由後生不在現作是也又但發露已後於大界上通行亦可行鉢以場無罰鉢入厨之義故德衣以制前坐比丘實勞場非住處故形法剃髮出家要和白大界僧律文因轍度巧師兒來問僧不知故制白告不爾房房語知故場非乘處差使差說盡罪差教授尼等

諸結卽結大界戒場不失衣界等離衣老病衣重聽作法離房卽指授造房處所并持故房與道俗經營

法也。守差人守藏法也。差人守功德衣法。但望人爲情。衣房等爲非情。

問下謂白二五十七法中有差自恣一法。上既云自恣要五人。今又何云就人唯四不通五人。則成相違。答下如此立難。蓋自已不明爾。今自說四人爲能乘五德爲所差。故曰前境不定人。乃是緣即所差人也。乃是差法中所牒緣也。斯人未可足成僧法。至後自乘白和方得入數。故相從是五餘差下。即差人分亡人輕物法。差分臥具法等皆是。正差時。牒名入法。不入僧數。差已通入。故曰例知非謂下。謂非謂百人。千人不舉行白二法。又只制五人。局行單白。白二專在四人餘五人等在制立之限外也。

若爾下若云所爲不入數者。且如捨墮中還衣有還行緣。即日還者作法。付彼同友。今展轉還。彼得衣已。屏處付之。須作展轉羯磨。其文如亡人輕物法。加云僧今持是衣與某甲比丘。還某甲比丘。若爾豈非受展轉羯磨。人不入僧數。便成五人何言。除所爲人外。只用四人耶。答下猶是四人者。意云受展轉法者。即

是所爲之人。不入僧數。此外須自有四人。以所牒名入法。故何得又疑。

七箇白二。即結三小界大界戒場二。同一同法也。重加結竟。不可於上復作也。如攝衣。謂攝衣就僧界上起。故場非乘處。若行乘者。便成遙結。受日要依本安居處。故場非安居地也。下鉢乞鉢戒中。折伏之法。令展轉收。最下鉢令持有。爵鉢入厨之義。場非廚。故房舍。即指授造房法。場非造處。故此皆不通場上乘也。餘還衣等法。可通場作。

生善滅惡者。如受戒白四是生善也。覆藏等法是滅惡也。餘二即不通非情及二合也。

四人如諫破僧等。四人可爲能乘。五人不通。非謂不通五人。但制五人。舉爲別事也。唯不言五人中。只通自恣和僧一白也。若爾何故。前云三白耶。答此。舊曆古也。廣如下文。十人受戒中。白四十人。作出罪白四二十人作。

說恣小界。以說戒但單白。自恣通單白。白二故無白四也。事由後生。即前云非無舉罪。即有白懺大界通。

作

三緣卽事僧界也。四緣加法之一種也。

有三機輕吉六念說戒座上發露自局不須對人也。七法卽安居說淨受藥受七日受三衣捨三衣持受鉢本是對首無人故開作心念故曰通於對首也。四法說戒自念受僧得施受亡五衆衣物望本是衆法故曰通僧無人開作心念故又通對首在文卽正解文中。

七種卽上安居至受鉢五種卽衆法對首有五謂捨墮說戒自念受僧得施受亡人五衆衣物望本是衆法無人開作對首故曰通僧別也。於中捨墮不通心念故前文云四法通僧別是也。餘下卽餘二十二法但對一人卽得若除小衆則但二十一法也。憍蘭局小衆以但對首有憍蘭遮法此收中品蘭也。然以小品小衆正對亦只一人至如下釋上通僧別義。三白一差教授二白召三戒師對衆問難一白一白四者卽正受時一白三羯磨共成白四辨前多法方發起無作戒體相有謂結界須唱方相。蓋衆要須有

總律中制未滿五夏及滿五夏感駭者今依有德是也不得重加謂結已不可於上重結。就事卽所被事分三卽情事非情事情非情二合也。

口言要口陳詞令耳聞也。爲前證境卽三三人爲他作證明境也。又能作之人意在通已言情告以事緣波須互相領解方被事成。雖下卽衆法對首皆衆不滿故開成也。四下以四人能秉一切羯磨故乃三卽五人十人二十人由事大小故加三位。嚴其本體但在四人故曰宗歸初位故前云四人成體加一爲事故後三僧不名本也。若減卽減四人也。

是弱者謂四處六相是自然地也。弱不勝衆法故唯開結界一法爾相接則成錯涉之過也要須中隔自然方分兩界名多義一者如二同一同等雖有異名不妨同作法界也。戒場不爾雖有中隔自然及外有大界圍繞方可受戒若先結大界後結戒場申公云恐無所獲雖下卽場相并大界內相空下卽中隔自然也。



四分律隨機羯磨疏正源記卷第一

紹興府會稽縣廣孝卿蘇墟里屯頭村前莊西保  
居住消信奉 三寶弟子趙勇副尉顧 宥伏  
念 先妣樓氏五娘傾亡往日思乳哺以恩深純  
賢何方念幼勞而德重少伸報効須伏妙緣特啓  
誠心施淨財七十貫開記一卷永助傳通三寶光  
輝功懣樂報 先妣然願蠲除五障清淨六根萬  
行齊修十身圓滿次冀願有根廣清淨福壽增延  
法界冤親同登妙果

時戊辰紹興正月十一日 謹題

四分律隨機羯磨疏正源記卷第二

天台沙門釋 允堪 述

○集法緣成篇第一

集法者聚集一百八十四法也雖舉其法亦總於事  
事爲所被法爲能被非能無以收所故但舉法以標  
之緣成者凡作衆法必假十緣所謂稱量前事終手

答所成法緣具名成緣闕名壞今雖舉成義亦收壞  
下文云已前略明緣集已後辨緣成壞是也篇者戒  
疏云文義集處則名爲篇篇字從作從篇乃是篇名  
自漢已前本無紙筆削用竹木象之執素而用圖錄  
後漢蔡倫創造於紙用易簡素古書簡冊可有一章  
以事編之號爲篇故宣尼讀易事編三絕是也第者  
小雅云次也又南山僧傳云第者爲居一者爲始此  
既居先故稱第一

造七到至也文即所解羯磨正文也科條也釋解也  
分齊分段齊限也三分序正流通也西土始自親光  
菩薩此方元因道安法師肇開三分之文以判一家  
之典今踵前式亦判爲三法不下以羯磨聖法必不  
孤然發起要在假託如法之緣方能成遂由下生起  
正宗分八下生起流通分也僧私僧收衆法私收心  
念等靜念離緣者下文云初明念法緣身而求敬使  
常爾一心繫想除蓋毗賢即下文云佛言有五種持  
律由行得成立識途邪正曉明持犯進止有儀故吐  
言成律非律不證隨相起行非聖不摸是則正法由

與方復懷遠斯大意也。末棄末卽末末之世及所被機也。下文云。夫欲昭影裔業住持嘉運必依憑行摸方能光遠是也。

文散難尋者。以諸羯磨於二十鍵度中散在諸文也。臨機卽臨對也。受說安恣等機緣起時人滿不通作人少不能別作人不知此屬僧作此屬別作混然一亂也。由是故加法被事成之與不涉漫莫知也。綱網上繩摸法也。遲慮遲滯疑慮也。

齊降降歸也。言歸在成濟也。依位舉數如云單白三十九白二五十七等是隨下如下注云。受懺法行鉢法作房法差分臥具法是也。通塞盛行名通如受懺法等鮮行號塞如王城結集法是。又隨衆法對首心念法中人數應教可行名通反此名塞此義不一。猶綱下有綱綱下有目焉。領下有裘裘下有毛焉。此明下二句結牒上文歸篇題中集法二字三法卽心念對首衆法也。

然下釋註中緣通成壞等立緣卽下稱量前事等十看作何法然後對緣或具或闕任時顯相如上前云。

以三羯磨攝一切故。若隨事者事則無量何止前數是也。

三種收僧法卽單白二白四白五種收別法卽但對首衆法對首但心念對首心念衆法心念縱羅一切事亦不越八種內收也。故曰一切攝盡也。

三位卽大衆衆多人一人

非時卽非時和合法和僧懺悔法因諍卽諍事增自恣法諍滅說戒法觸惱卽身作觸惱喚來不來等論法卽七百中論法白作比丘論法白餘語卽妄作異語觸惱白此皆是稀行之法今集法者卽大師自指謂此中且通列其名向下一一解之及乎行用或有或無以在將來也。故今不一一顯所被事以對彼法以明也。

三十中卽三十戒中有二十七戒對僧捨餘寶寶畜寶二種對俗捨蚤綿作臥具斬壞和泥塗墍亦非對僧捨也。須白告量卽懺主單白告衆衆爲量其可不好者奪留卽罰入僧庫惡者轉換卽展轉取最下鉢與之令持。

餘語律因闍陀犯罪餘比丘問以餘事答以過白佛  
便訶已作餘語白戒疏云口業綺者名作異語即餘  
語也後作下戒疏云未白隨作犯告白制後犯違制  
故提

因前下律因闍陀作餘語白後便憍憍喚來不來等  
以過白佛訶已作觸憍白戒疏云身業綺者名作觸  
憍段前餘語合云改前觸憍恐上寫蓋

下具顯緣剃髮至對衆問如受法篇說戒和至僧發  
露如說戒篇

互求更互推求也具德即知法具德之人爲和滅於  
諍也

說不待期四分翻譯來久不得說戒今暫和合須非  
時說隨何日諍滅即日和說以僧具六和戒見利身  
口意等今不同見戒則無僧義不成和合清淨僧法  
故常和尋常所行和白也

難事即八難餘緣也四分云若賊等急難不可閑緩  
者五德至上座前互跪白言今有難事不得一說當  
作羯磨各三說文云大德僧聽若僧時到僧忍聽僧

今各各共三語自忘白如是便各各相對人別三說  
即說自故曰一時兩對難事轉近若欲再說一說亦  
須單白無非下以此自忘不對五德進不無由故須  
作白今衆同聞若對五德則多少量時得自在故不  
須白也三白廣再一說各有一白故

忍位即加行中四善根人<sub>世第一</sub>忍言忍者從上頂善  
根後有善根生名之爲忍有二義一者印可義印可  
四真諦理時苦諦實苦乃至道諦實道故二者決定  
義謂此善根決定更無退動故待時解脫者解脫是  
果中之號俱舍頌云阿羅漢有六謂退至不動即一  
退法二思法三護法四安住法五堪達法六不動法  
前之五種名鈍根即從前修道位中信解所生名爲  
時解脫所以頌云前五信解生總名時解脫謂此五  
種羅漢必待好時方得解脫依婆娑論有六種待時  
一須好衣服二須好飲食三須好臥具四須好處所  
五須好說法人六須好同學待此六種好時方得解  
脫故故名時解脫第六一種名利根即從修道位中  
見至所生名利根號不時解脫謂不待好時衣服等

●今最下

●白語曰

●加細釋

便得解脫故名不時解脫令多末鈍故在時解脫所收故白末代便多一夏策修不階聖位須至內凡今時澆薄證果者稀雖然後五百年亦有修福持戒何爲自息白停謂今臭白告僧停罷自恣延至八月十五日也會正即證聖果只如天須菩提得好房舍等事一盡夜修行便得聖果今更加功一月豈無所得十八下四分爲外界闢諍比丘來佛令增減自恣若已入界當令入浴界內比丘出界而作若不得者白僧言今不得自恣後十五日當自恣

十九下有過不肯本界自恣恐僧舉過故來此界謂衆不知盆汚清流故聽更增至後十五日也不首伏首也

名實名實即德也由前坐之人有功德故可受實也然既有五利潤濟行人又得五月故曰多也上下此說頭陀少欲不在受利之限也故須一白和僧中下同受

或盡下四分中聽齊冬四月竟應出有二種捨一持功德衣比丘出界宿二衆僧相合出又應明惡心失

捨法文如彼明

增說戒者四分爲外界闢諍比丘來佛令增減說戒若知於十四日來十三日前說戒若十五日來十四日說若已入界當令入浴界內比丘出界而說若不得者白僧言今不得說後十五日當說此一又不去者更增至十五若不去強和合說但明二度至三必須同說亦無三度不說法滅之文廣如大鈔如自恣亦取兩增之義也

多不自量恐執已迷故難爲自斷必假他也息後息後再起諍也

不誦下祇律云受具已應誦二部毗尼不能誦一部又不能者當誦五衆戒即五四三二衆如初句不能誦二衆當誦一衆及偈今不肯誦故作白遣之戒下釋戒與毗尼義謂戒是所詮行毗尼屬能詮教今下謂闕此行教而居處在衆也出言無本是不誦毗尼之過也內行又乖是不誦戒之過也雖下言此人處衆施之無用也以不解律人是不足數故

上二即戒與毗尼也僞下即用假僞之辨以亂正法

也

瑕玼玉病曰疵。臣三蒼云不可也。綺靡美順。見選云後庭。綺靡或作綺靡。歸伏負墮也。律中佛在舍衛比丘共誚經年難。滅以事白。佛聽彼二衆相對共滅。應一衆中上座作白。言我等行來出入多犯諸罪。除遮不至白衣家。此以對俗讎故餘罪共諸長老作草覆地。滅彼一衆中上座亦如上作白。已彼此和合罪誚俱滅。更不相問如草掩地也。與尼受白。即僧受尼懺白。大略是同。

王城集法者。壇經云阿難迦葉在王城廣結集。文殊師利與大菩薩在鐵圍山略結集。並如此土諸經所說。須待資緣者。律云諸比丘皆作是念。我等常於何處結集。論法毗尼多饒飲食。臥具無乏。邪即皆言。唯王城房舍飲食臥具衆多。我等宜可共住。時迦葉即作白也。若智論云結集時有得通者皆來集會。正選千人彼復問曰。是時有如是等無數羅漢。何選千人。答頗婆娑羅王與八萬四千官屬各得道果。王勅官中常飯千僧。迦葉念言。若我等常乞食者。癯闕法事。

王舍城中常供千人。是中可住。是知行道先假外資。故須白告。

本事者。即結集爲本事也。迦葉後作白云。大德僧聽。若僧時到。僧忍聽。僧今集論法毗尼。白如是。若下謂不作一白通告。無以顯示此集之意。

優波離者。此翻近執。即佛爲太子時親近執侍之臣也。律是法命者。即佛法壽命也。住法圖贊云。窟內立三高座。一問法人坐。一答法人坐。一抄上貝葉人坐。律云。大迦葉欲結集時。即作白言。大德僧聽。若僧時到。僧忍聽。僧今問優婆離法毗尼。白如是。

答下波離。即作白言。大德僧聽。若僧時到。僧忍聽。今令上座大迦葉問我。答白如是。大迦葉即問言。第一波羅夷本起何處。誰先犯。乃至一切健度調部毗尼增一。隨問隨答。都集爲毗尼藏也。

阿難者。具云阿難陀。此云慶喜。世尊成道夜生淨居天。來白王太子已成菩提。王聞忻喜。後宮又奏白。飯王夫人誕一太子。顏容端美。舉國忻慶。因而立字出家。之後多開第一。二十五年爲佛侍者。律云阿難是。



●問答

供養佛人常隨佛行親從世尊受所教法故迦葉又乘單白問阿難阿難亦乘單白並同前四句成白迦葉問梵勛經在何處說僧祇陀經大因緣經天帝釋問經在何處說等阿難隨問隨答集成二藏佛法下二句結前律藏通下生今結集

傳之有本者即一切經首唱如是我聞也

七百者即律七百結集法毗尼中云爾時世尊般涅槃後百歲毗舍離跋闍子比丘行十事言是清淨十事者何一足食已不作餘食法得二指抄食食二足食已不作餘法兩村中間得食食三在寺內得別衆羯磨四在界內別衆羯磨已聽可五得常法言大德長老此作是已言是本末所作不檢校法律也六足食已得以酥油蜜酪和一處食七得用共宿鹽著食中食八得飲闍樓羅酒九得畜不截坐具十得受金銀也伽那者律具云那舍伽那比丘聞毗舍離比丘行如是事即往跋闍子所言是非法彼即和合與作言若離婆多伴便可得如法滅初至婆呵河邊乃至三國求之故曰遍國後往人聞求索伴黨合七百

人以斷前十事也因數下律云毗舍離七百阿羅漢集論法毗尼故名七百集法也

蓋委託三量一聖言量二比量三現量

一切去律云毗舍離有長老字一切去是圖浮提中上座故言高座時離婆多欲問此上座即作白言大德僧聽若僧時到僧忍聽僧今問一切去上座毗尼白如是

上座答白者律云時上座一切去即復作白大德僧聽若僧時到僧忍聽僧今令離波多問我答法毗尼白如是離波多問言大德得二指抄食不等云云屏意即傳已定之意

計後下上座一切去答問竟對衆行籌審定和忍方顯衆心律中無此一白大師據理合須先白之大意亦同於前四句成也

小房即無主不處分過量房故得小名多事下律云佛在羅閱祇德諸比丘作私房室曠野比丘便作大房乞求煩多惱亂居士乞既難得遂斫神樹故曰惱亂二趣也大不依量者不依長佛十二磔手內廣七

礙手遂過作也。制乞下。卽戒本當將諸比丘指授處

所是也。

專任自由。大不制量也。但有乞殘并妨難二告耳。節度卽指授處所。律云。爾時衆僧觀此比丘。若可信者。卽德所作。若不可信者。衆僧往看。若僧不去。應遣僧中可信者看。若有妨難。不應處分是也。

分臥具。卽常住物。或因分房。亦暫分用。義亦普周。故作白二和告也。

僧徒下多論云。爲護佛法。故向俗說罪。令於佛法無信。歡心調達。此云天熱以生。時人天心驚熱也。律中除僧羯磨開說。方可如調達始作破僧結三問達等。家家乞食。佛令作白二。差身子告白衣是也。王族教闍王殺父爲新王。自欲害佛爲新佛也。示令人別知也。

二十七卽三十中除二寶。蚤綿三戒也。後文卽懺墮中一衣聽離僧伽梨也。

恒業卽三乘道業也。緣礙律云。有比丘得乾瘠病。糞掃衣重不堪持行。佛言。從僧三乞。便作新者。當白二。

與之也。

乞多下律云。若好者應暫留置。取最下不如法者與之。便作單白。以鉢次第向上。座易之。持上座鉢與次座。若與彼比丘如是展轉。乃至下座。

十德者。一具持戒行。二多聞。三誦二部戒本。通利四決。斷無疑。五善能說法。六族姓出家。七顏貌端正。八堪爲尼說法。勸令歡喜。九非爲佛出家。被三法衣而犯重法。十二夏若過不具斯十。皆不成差。

見諦下律云。佛在羅閱城。居士夫婦俱得見諦。無所愛惜。乃至身內供養。既多衣食。乏盡居士。讓讓比丘。舉過佛令白二。制斷後富當解。

請法卽半月請教誡法。不同以此三法。全是尼有比丘無也。廣如尼鈔所明。

諸見卽六十二見也。恐反成難者。今方破外。若受以反歸。則成破內。便成破內外道也。永障出家。律中以四月試外道也。陶治戰國策云。範士曰。陶治卽鑄治也。莊子曰。大冶鑄金。釋老志曰。陶治。鑄或音遙。六和戒見利等也。六無遺背。故俱稱和生。靈卽初受。

戒者不有後法。卽不通作後法事也。當座便解。恐起迷方故也。

說戒堂。凡有二種。律中因相待疲倦及奔馳頭極時。諸比丘白。佛言。自今已去。隨所住處。人多少共集一處說戒。諸比丘不知當於何處說戒。佛言。聽作說戒堂。白二羯磨。白云。大德僧聽。若僧時到。僧忍聽。在某處作說戒堂。白如是。羯磨準。知既云某處。則未唱方相。但標指之法。令衆委知也。諸方來者。還有疲極。諸比丘白。佛言。自今已去。隨所住處。若村邑境界。處說戒。聽結界。白二羯磨。作如是結。唱界方相。白云。大德僧聽。如所說戒相。若僧時到。僧忍聽。於此住處。一說戒結界。白如是。羯磨例。準須解又結。恐別移堂故。

不失衣界。卽攝衣界也。此齊攝僧界上起爲蓋。狹界寬者開結。

而心不會者。惡比丘爲留難。情見有乖也。下道非顯處也。實彼來不見故。

互缺如東寺有法。無食。西寺有食。無法。開各解本界。

合結爲一界。使兩相濟也。

一則卽一寺也。

全乖僧體者。利非和也。六和既缺。是乖僧體。非是結界。此是唱和法也。不必各解合結。

心亂壞神下。是狂癡貌。據下聖開狂病。故不犯約下。或憶或來。似招世疑也。雖下謂雖在當界。不妨作法。得乞僧須待彼乞法方爲解也。

須法者。須行自恣法也。忍僧分散有罪難懺。故又一夏盟要有瑕可舉。今若不作後會。誠既不下。說結小界。小界自恣法。

分僧物。分四方僧物也。若無法束八現前。後來之僧難約。奔得羯磨聲者。方得分也。

贊瞻病。卽看病有功。具德方賞。分亡人物大同上分僧物法也。

僧物須重。以通四方僧受用。故不可輕也。理須和定。結指一處。商可商度。可不。

相倚不收。互相倚恃。不肯收舉也。故定差一人。以爲主掌。則物有所賴也。若有盜損。望護主結是也。

難活以貧人取活爲難。捨少財入此衣功德勝如須彌大衣聚施也。堅固五利非速朽也。明了論又翻爲堅實能感多衣無敗壞也。古翻爲質善耐惡衣。貧前安居人後安居人不得也。亦名功德衣。以僧同受此衣。便招五利功德也。故曰爲功非少。非德不持者。十誦云。守衣人具不受等五德。謂知得受不得受了。分明又明了論疏云。於初結安居時欲受迦絺那衣。悉須白僧。我欲受衣。僧觀此人不多緣事。不好失衣。不此人從來不食聚財物。有慈悲心。好行惠施者。僧卽許可。若不爾者。不須許之。不出界四分持功德衣。比丘出界宿卽捨。故須五月不出爲僧守之。付衣者初秉差法。已彼從座起。禮僧足。在上座前互跪合掌。當作羯磨持衣與之。緣光云。僧持此衣與比丘某甲。此比丘當持此衣爲僧受作功德衣。於此住處持和擬。謂先差時僧已和合擬付也。解紛下律因質多居士先供養善法比丘。後請身子別辦食味。善法不忍乃譏言。所辦甚好。唯少胡麻滓。以居士父彼聞不樂。居士得宿命通及觀善法昔爲

烏鷄子。乃喻云。昔有商人採寶得雌雄二鷄。歸國雄被狸食。雌者在後。烏來覆之。生子。子作聲時。父說。傷曰。此兒非我。有野父聚落母。野父爲烏聚。共合生兒。子非烏復非鷄。若欲學父聲。復是鷄所生。若欲學母鳴。其父復是烏。學烏作鷄鳴。學鷄作烏聲。烏鷄兩兼。學是二俱不成。善法因斯不往。佛令作此法。遮彼不去。律差阿難具八法。送被治人。至彼求懺。若未受應安眼見不聞。處令遙求懺。使人自向居士求懺。若又未受。應令比丘自求懺。又不受者。應令作覆鉢羯磨。如下自明八德者。一多聞。二能善說。三說已自解。四能解人意。五受人語。六能憶持。七無關失。八解善惡言。

行籌卽多人。滅也。律云。應差比丘行舍。離行有三種。一者顯露。二者覆藏。三者耳語。若上座標首智人和尚。閑黎住如法地。應顯露行。若住非法。應作下二法行。若非法語人多。應作亂起去。故曰三種五種者。律云有五非法。捉籌若不解斷事。若無問意。若無善比。丘非若法。若則衆有五如法受。等反上。

絕貌者此女容貌超絕可傾國寶也。賊人於中塗擬圖謀路而得之。故開遣信受也。本法在尼中受也。造作法。但尼僧造乘法。被之以尼。無治僧之理。耻悔即所破比丘。後時愧耻心悔者。尼方秉法解之。却行敬禮。

治房五百論中。破而不治。犯提律中。若有俗人能治破房者。白二與之。

久故即久故。故即舊。厝置也。停止者。四分營事比丘作房。成莊嚴香熏所。須具足。與房住九十日。十誦云。治壞房者。六年與住。作新房者。十二年住。僧祇先是僧房破壞。更易戶。牆二三年。隨工夫多少。羯磨與住。若空房不住。住治事者。與一時住。若床几枕褥垢膩。破更染浣補治者。亦一時住。

覆鉢律云。白衣有八法。應與作覆鉢。罵謗比丘。作損減。無利益。作無住所。鬪亂比丘。在比丘前毀佛法。僧是爲八也。

告覆鉢家。令彼家知衆僧爲作羯磨。遮被也。老病下釋。開提杖之理也。如備禮八十杖於朝。今我

教年小提者。理容長慢。

多不具文。即羯磨文更有如前云。若隨事者。事則無量。何止前數是也。

邪五法者。提婆告三闍達言。我今有五法。亦是頭陀勝法。少欲知足。樂出離者。所謂盡形乞食。著糞掃衣。露坐。不食酥鹽。不食魚肉。我今持此五法。教諸比丘。足令信樂。此即五邪破四知足。故曰替正四依。

破主即調達。伴即三闍達及五百助破也。戒疏云。衆僧作法。諫主之時。四伴影響助成。破僧尋設諫拒而不受。故曰助破。曉喻合作諫也。

擯者。即汚家。擯謗律云。佛在舍衛阿濕婆等。騎連衆落行。惡行汚象比丘。舉過令舍利弗等往彼擯舉。當作法時。謗僧言有同犯者。不驅而獨驅。我言僧有恐怖癡也。六人者。戒疏云。六人同犯。二人逃走。身不現前。不得治。擯相似有怖。二人逆路改過。伏從。無罪可治。相似有愛。故曰來去兩乖。二人見在非走。非擯。僧爲作擯。相似有恚。故曰二人不悔。令反前意。非僧有怖。有愛。有恚。依法舉治。何癡之有。若不諫。無由



●口誦

自曉是故諫彼表內無瑕故曰無私涉也

中人下反顯中人已下不可以語上也戒疏云夫人之性非生知義無獨善要須善反互相近導方能離過修善有出道之益而令闍陀迷心造罪不肯見過得他如法勸諭理宜從順反乃倚傍聖人恃已陵物便言我是佛法根本正應教諸大德何用大德教我也由是制諫

惡邪法律云佛在舍衛阿梨吒惡見生言我知佛說行姪欲不障道比丘諫諭而猶不捨白佛問自言已令僧白四諫之

諫擯沙彌佛在舍衛跋難陀二沙彌共行不淨自謂從佛聞法行姪欲非障道比丘舉過佛令白四設諫若不捨者應擯理諫正理也如戒本云世尊無數方便說行姪欲是障道法等是也

隨舉比丘尼者尼律云佛在拘騰彌羅師羅園中闍陀比丘僧爲作舉如法如律如佛所教不順從不懺悔僧未與作共住時有比丘尼名慰次往返承事諸尼言闍陀僧爲舉汝莫顧從慰次答言此是我兄

今不供養更待何時少欲尼訶已白佛因制違三者即違三諫不捨者是比丘尼犯波羅夷

九下尼律云佛在舍衛有二比丘尼一名蘇摩二名婆頰夷常相親近住共作惡聲流布共相覆罪諸尼呵已白佛佛聽僧與訶諫白四羯磨令別住也違諫者犯殘

十下尼律云佛在舍衛蘇摩婆頰夷爲僧訶諫已六群尼等教言汝等共我亦見餘比丘尼共住乃至覆罪衆僧悲故教言汝別住作如是言汝等莫別住當共住是比丘尼諫時不捨者犯殘然下淮南子曰墨翟見染絲而悲爲其可以黃可以黑言人性之亦爾也朱紫朱噲善紫噲惡論語云惡紫之奪朱孔曰朱正色紫間色之好者惡其邪好而奪正色今若縱之使善惡一混則令邪正不分也是以須諫

十一下尼律云佛在舍衛六群尼起一小事噉悲不惠便作是語我捨佛法僧不獨有沙門釋子更有餘沙門婆羅門修梵行者我等亦可於彼修梵行乃至白佛因制三諫不捨犯殘

十二下尼律云。佛在拘睺彌有尼名黑。惡聞靜不善憶持。後遂瞋恚。作是言。僧有愛悲怖。疑是比丘尼三諫時。堅持不捨。故犯殘。又律下卑提中。自有發四諍戒。則不因諫而犯。此既言諫。則可通收上戒。

十三下尼律云。佛在舍衛時。有比丘尼親近居士共住。作不隨順行。諸尼設諫。呵責不受。因制居士子者。彼戒經云。若比丘尼親近居士兒共住。等比丘尼三諫不捨犯提。

式叉具云。式叉摩那。此云學法女。不別得戒。先以立志六法。練心爲受緣也。四分十八重女應二歲學戒。又云。少年曾嫁十歲者。與六法薩婆多年十二得受具者。爲夫家所使。任忍衆苦。加賦本事。下誦六法者。練心也。試看大戒受緣二年者。練身也。可知有胎無應立離。聞處著見。處白四受法後。召來與說六法名字。乃至答言能持。如常說十五僧尼受法者。僧即大僧尼。卽尼衆僧無本法尼。有本法古人遂立二部羯磨也。今以文相大同。故不別出。

學悔。僧祇云。若犯罪者。啼哭不欲離袈裟。深樂佛法。

者令與學悔。羯磨永障一生者。言此生不能證聖果也。故大鈔云。斷頭之喻。望不階聖果爲言是也。又母論云。但此一生不得超生。離死然障不入地獄。案下四分云。若比丘及尼犯波羅夷。已都無覆藏。令如法懺悔。諸師廢立互有。是非今括其接誘理無滯結。但使覆與不覆。臨乞時都無覆者。盡形學悔。恕以心度物。曰。恕乞法律中應教言。大德僧聽。我某甲比丘犯姪波羅夷。無覆藏。今從僧乞波羅夷戒。願僧與我波羅夷戒。慈愍故。三乞已。乃與羯磨。佛言。與波羅夷戒已。當行隨順。奉三十五事。略同僧綱中。唯加不得衆中誦律。無能誦者聽。

訶實明了論中。比丘心高不敬。計他輕慢。大衆爲作怖畏。羯磨猶是訶責異名。與法并解法略如大鈔僧綱中。戒下出過多種。今且舉倒說四事。謂破戒者。破前三聚。破見者。謂六十二見。破威儀者。下四聚等。破正命者。謂非法乞求邪利活命。則有五邪四邪也。中表中。卽內表卽外難顯淨穢也。隨從亦奉三十五事。若隨從者。待彼三乞僧方解之。乞詞亦如僧綱其行。

持疑特

法中威儀坐處准僧殘中下行坐也。若有一人三人隨名牒用不得至四。

擯出如隨戒中汚家惡行倒亂佛法汚他俗人善淨之心以非爲是。故須遣出本處折伏治之。使世俗識非達正。無復疑惑。此之過罪人多有之。特須禁斷。若論治法。隨順及以解辭。略同上法。然初擯中牒其過已離此住處爲異律本。委具若隨順乞解不得輒來當在界外遣信來請難革革改也。

依止者。涅槃云。置羯磨謂安置有德之所。義亦同也。沉浮沉即是犯淨。即是持大鈔云。與依止已親近知法律人學知毗尼。明達持犯者當爲解之。

遮不至者。大鈔云。須僧作法遮斷不許使離。遣謝白衣故譏弄。即善法譏實多之言是也。調喜即自己調柔。檀越復喜也。大鈔云。若俗人歡喜即爲解之。已上四種但壞其行。心猶有信。律足僧數。應羯磨法。而是被治不可訶舉等。

等四等取儀命二種。此亦倒說四事也。且下源謂根源母取發生也。若不信善惡二因感苦樂兩果邪見。

增廣

在慶障於學路。或由不達教或知而故犯。僧問何不見犯答云。不見舉棄衆表者。僧即遮舉與作不見舉治之。爲欲折伏從道且棄衆外不同。僧事後若下四分云。三舉人令在有比丘處行之。若無比丘處不得爲解。

來疑未

通疑

罪從下謂罪無定性。從緣而生。既生則能招集將來有漏苦果。理應悔除。應本清淨。今下不揆下器。輒言罪福性空。故不肯懺也。大師云。今學大乘語。人心來涉道行。連大少二乘口說。無罪無懺。疑欲是道身亦行惡。隨已即是違已。爲非並合此治。後下僧祇云。被三舉人。心意調柔。白僧我心調柔。願僧爲我捨法。白已却行而退衆主。比丘當量義可。不然後乞解收歸足數。

仕疑任

惡見者。大鈔云。欲實障道言不障邪心。決微名之爲見。見心道理目之爲惡。亦於戒見四法倒說不信須。僧舉棄永不仕用。隨順無違方乃解之。此三羯磨名爲三舉。信行俱壞棄在衆外。不足僧數。過狀深重。不可攝濟。故制極法律。簡此色同於犯重。乃至死時所。

★足量定

有資產入同舉僧實功能故。涅槃云爲謗法者。作是降伏羯磨。又示諸惡行有果報。故朽壞遺棄。乃同無用之材爾。

次重卽僧殘知而下。謂識知犯相而放藏之。隨下始從一夜乃至百夜等。皆隨覆日長短。以行覆藏法也。半壞者毗尼母云。僧殘者。如人爲他所斫。殘有咽喉。故名爲殘。若然則。簡異初篇斷頭名全壞也。行法卽行覆藏時奪行法也。若行覆滿則奪行亦滿。今未滿而犯。當從初日再行。如行百夜覆藏。今至五十夜已再犯者。則前五十夜已失理。須從初日再行。使滿百夜也。行六夜廢那。雖亦爾。故大鈔云。若一法中重犯者。各壞二法。皆重與本日治之。此法合在摩那。雖後出。今取覆藏本日治二法。俱是有無不足。故在六夜前列。若六夜出罪。其必定行故。鈔云。若覆與前法不覆與後法。俱同出罪是也。意喜亦翻悅。衆意隨順。僧教咸懷歡喜。枝條卽方便并覆藏罪也。二十論云。若二十清淨比丘出僧殘罪。卽我法不滅。滅則不成。清人被謗者。律云。查婆摩羅子爲僧知事。六群中得

惡坊臥具。惡請處起。瞋謗言有愛。悲怖疑。遂以經事。誣謗親於衆中。佛問虛實。彼言我從來乃至夢中不。淫況於覺悟。比丘以事詰問。六群便言。查婆清淨無。如是事。佛言。查婆無著人。不故犯戒。應白四羯磨。與。憶念法也。不癡者。律云。難提比丘得癡狂病。行來出入。不顧威儀。多犯衆罪。比丘詰問。便言癡時造罪。病。差不作。以事白佛。佛言。應白四與。不癡羯磨。證知。病。時造過差。後不爲應。僧清淨得足。僧數點。胡入。慧也。言慧性明白。時不曾犯也。罪處所者。律云。象力釋子。善能論議。得外道切問。前後相違。僧中亦爾。比丘以。事白佛。佛言。僧應與白四羯磨。治取本罪。奪三十五。事。勤劬。勸謂推窮罪也。不無者。合註戒本云。若狀首。本罪者。應白四羯磨。如法爲解。有云。覓罪相。意同。多位下。卽互作別作及通學也。問難。旣爲尼受戒。故。須先問遮難。教授卽差。教授尼。法正作是。僧今望差。被尼。遂爲言。律云。若已差。應教授。捨教授。彼此有緣。也。別住下。此僧爲尼作三法也。次下。本律與十誦尼。爲僧作三法也。謂不禮不共語不敬。長問訊。此三羯

磨不須現前自言結集諸白即差往王城結集等諸  
白諸諫殘即諫習近住勸習近住等法同戒除互無  
外餘姪盜等戒是也事義下雖曰戒於中或輕重不  
同或對境差別如是事義不可分辨令盡也  
三四如自恣滿四只作對首無別可彰者言無餘別  
義可以彰召也三語即彼此三說也

說恣下以通界集人不滿方開對首三人四分減靜  
中小衆者二三人也持說即持衣說淨前人默證便  
成安居如前說問言依誰持律者有疑當往問是也  
諸懺懺主呵責等入聚即非時入聚明了論疏云  
我爲如是緣須至某處白大德知答言聽者是名白  
法又如作餘食法彼云此是我殘汝取食之斯皆對  
證人有言告示也說恣清淨即彼此各陳三說言某  
甲清淨等隱顯隱則默證顯則語證雖然並屬對首  
一位斟酌也

二三而已此亦略舉按本鈔中懺偷蘭提舍尼等皆  
出四分持說即受持三衣并說藥等當部文無故大  
鈔序云當部闕文取外引用仍自注云卽用十誦持

●在案：字  
疑對

衣加藥之類諸部如捨三衣出僧祇受鉢及捨出十  
誦等是

三語歸依佛法僧卽名三語受具後便止之者下疏  
云以成道初用三語法八年制斷今與羯磨  
俗戒卽三歸發五八戒亦名羯磨對俗境卽對彼俗  
人境授五戒旣名羯磨例今對首豈不名羯磨故知  
名義齊矣

有三者一者二人二者衆法對首三者小衆對首合  
衆多人卽合小衆在衆在衆法對首中敗

事局中下如持衣說藥等不下簡去僧秉告下正顯  
但對首捨懺卽四人已下

懺捨墮但問邊人也說恣皆展轉三語不可秉白及  
隻差五德也兩被下彼此得成名兩被互與一人名

單對

時須卽時所要行者文多廣顯指諸部律文也今此  
且總其名

六相以衣有三受捨各對成六當下卽當受之時但  
隨分三衣陳名八法其餘詞句法且無別若下暗斥



一、受上座者

古人若言受捨各分於六相者。今受捨百一衣物。應分說者。必來加害。應作念言。如失火燒舍。但自救身。焉知他事。此則不告亦許。不犯已上。俱出本律。總奪諸務。即奪三十五事。總而行之。別緣。即生善別緣。如應受戒事是也。事止。續行。故曰。還須白行。白入聚落。即非時有緣。當白已入已上。白行出十誦。白諸行出五分。白入聚出祇律。通白僧祇云。尼凡入僧寺。當在門屋下。先白比丘。當籌量。若尼賢善。自又無事。着衣服具者。聽入。反此不聽。比丘入尼寺。亦留尼。請教授四分。白二差一人。已口差二三人爲伴。住僧寺中。至所。囑人所。曲身低頭。合掌云。某寺尼衆和合。禮比丘僧足。求請教授。尼人三說。此之二種。上出僧祇。後出四分。餘食法中。能中有三。一是比丘。二先足食。除不正及不足三身。康和除病。對法亦三。豐時除儉。二所對是比丘。三未足食者。食體亦三。一時食及清淨。多論不淨。食不成。遮二新淨。食非病人。殘三不覆藏。食自作三法。一自言現前。應從淨人受已。共未足比丘互跪云。大德我足食已。知是看是作餘食法。

二授與前人三舒手相及處。彼作三法。多相義。既不爾。例上三衣受捨。但可分兩受。三衣出十誦。捨出僧祇。受捨鉢出十誦。受尼師壇。准見論不合說。淨義加受捨文也。捨長。下根音長。說淨上根。但三衣中根百一萬事。萬或作百以應上。百一故。大鈔云。隨身所者各得畜一。自外一切盡是長財事。鈔即釋離衣中云。三衣五衣得波逸提。餘衣突吉羅。非謂畜長之衣。此乃百一供身服者。佛令受持。違受故結吉。又三衣是制。通上中下。違故得重百一衣助身。關於中品。違受故。輕捨。謂如一日有兩處。請聽捨一。請與他。重戒即與佛言。若有比丘不樂梵行。聽捨戒。還家復欲出家。於佛法中修梵行者。應度出家。故曰。通往反也。請依止初受戒已。依止有德。咨承法訓也。上三出四分。十二三四亦出當律。三藥即非時七日盡形藥也。此是義加受法。七日出十誦。僧欲即說欲法。可謂即四提舍尼。悔法偷闌。此下品。闌也未及長緣。即此處小。明律人行懺及人數不滿等三根見。聞疑也。期必欲犯。不唯隱他。自亦欲作。故彼聞向一比丘說。便上有

危知他性強我若一彼受爲食二口云我止汝取食之。三度與他此三五種並出律文。

盥位卽上標中言二十八及今註解中卽有三十一疏中不解白僧殘諸行法故言三十中二卽尼白入及尼諸教授二法局尼所行不通僧也所以標與列不同。

口和問邊卽機主無白和之義但得口問邊人若單對一人亦無問邊之義三語律云若三人各說言大德一心念今僧十五日說戒我某甲清淨三若二人相向彼此如上三說四人已下當盡界集不得受欲四人相對一人別說云諸大德一心今日衆僧自恣我比丘某甲清淨三不可差人卽隻差五德也受僧施卽非時僧得施道俗以施主通七衆故極量盡一化僧來者皆得分也以俱爲解脫出家故局三若滿四人准母論直作分衣羯磨若三人者彼此相語云二大德憶念此物應屬我等餘二人亦如是三說亡僧衣毗尼母云四人共住一人死三人應展轉文同上。也如下卽分衣法中若據大鈔衆法對首中指云

同前衆法

心念但有四法無捨墮一種彼云四分說戒自恣外部受僧得施及亡人衣十兩有愛施義加猶言約義開加三位也時須時所要行者弄下

言廣張更有也具如前辨

恐下恐云法是心念故不名對首對首故不名心念又一向局定不分三位之別故爲張之使帶本受稱不失自名

但者專獨之稱恒須如晨朝六念日日須作若假他證召之則數數故勞擾故開獨秉令自行成

法本下二句推本爲言然下示開作心念託處卽安居所實收說淨受日卽受七日法濟道俗者如安居策脩是濟道也受日出界爲檀越者如安居受三衣文略受鉢藥卽七日盡形獨住如闍若無比丘對首皆開作心念也而下結歸本法故曰對首又帶初位心念之名故言對首心念

正法卽說戒等財如受僧得施受亡五衆物是也法如說恣是也餘法但心念等法本宗卽衆法大鈔云

◆會本疏卷一之四

本是僧。亦界無人。故開心念。故曰衆法心念。

輕吉實心。一說悔也。房衣下如毗尼母中。鉤根總作一念。利根比丘口口作念。著衣著著作念。入房入入作念。不二食出腹中。念除諸蓋。如云防心。顯過不過三毒。又對施篇云。然衣食房藥四事。供養能施捨慳受。施除。發此則能。所俱淨生。福廣利。若彼此隨情縱。選任性者。則俱墮負處。聖賢同非計。是對首據理於清淨比丘邊。發露今爲護衆說戒。恐成喧亂。故開心念。兩設但心念及對首。

所持以身是有待之形也。若不濟之法。身慧命無以存託。故開如下各如本法明之。

有三心念對首衆法。開成八種所攝一百八十四法。故曰毛目。往分各有部類。若亂論者。便成相擾。自陷陷他。可不慎歟。故律云。若作羯磨。不如白法作。白不如羯磨法作。羯磨如是漸漸令戒毀壞。以滅正法。當隨順文句。勿令增減。違法毗尼。當如是學。具緣下初約成法具緣中辨成敗。次約羯磨如非中辨成敗。

◆僧法僧

又二即衆法人與緣具如上。卽定僧體中云。四人作務通乘衆法。以體成僧。故也。又云。四人成體。加一爲事故。後三僧不名本也。皆約下如前云。但四人僧本是僧體。餘之三僧隨事淳淳。故隨分耳。僧體加一得遂前事。房五人僧事情難發。倍五加十號十人僧心。輕罪重倍十加人號二十人僧。

◆將才難制

上已明之。卽四人成體。但下四人爲本作一切法。只爲事情大小故加之。如隻差五德四作。無由今下對二十人僧以收衆事。攝之既備。故收一切法耳。過彌成勝者。言人過轉勝也。此過下言何但說過二十而不言過四五十人耶。將若上下答通。或是下約頭數少相乖。四儀相乖別也。睡下卽睡眠入定。慣聞亂語。由本無心同乘法。故隔障詞同。覆障而別隔者。不成同相。三根見聞疑也。若分明委練前則失也。大鈔問云。犯邊罪等十八人及尼中四人爲自言故不足爲體。不足答解者多。途今言此等體既非僧。若僧同知故不足。必不知者成足。而性不足。性卽體性。此亦約知故不足。昔人以體不合故不足。卽

將破戒和尚在十人之外此非正解何者若不知犯則不得輒用他部以四分制十人僧若知他犯羯磨則不得驟以實非比丘

且下此之十門且約今師總被一切羯磨廢立古師或具九緣如結界無與欲又如受日差遣無有乞詞等今家並須立之如下云結界無欲立緣顯之受差無乞豈不須告即等八陳情也又如稱量前事諸家則廢今師立之是也

衡斗衡即秤橫木也黍參輕重儀云衡分在初黍參居首量之所起主抄在初孫子算經秤之所起於黍黍者食之黍也十黍爲參願師古云十黍爲參二十

四銖爲一兩又量之所起起於粟爲抄十抄爲撮十撮爲勺十勺爲合十合爲升乃至十斛爲鍾今謂衡

起黍參斗分圭合蓋稱量不失其所今亦然也法通能所者羯磨屬法能被訟恣亦非法非羯磨而不

成卽屬所被如下引證互通者如舉衆犯罪律開通乘單白共作懺悔提罪已降皆滅故曰諸懺單白等法約事下約有本作物非也以諸法名通隨事召法

法名是通又豈可約地處不名法攝如白二加結處

卽名大界戒場等就人約能乘人也如律指律滅靜

中文故自引云三法現前等言三法者律云三種現

前云毗尼人也云何法現前所持法滅靜是云何毗

尼現前所持毗尼滅靜是云何人現前言議往反是

既不言僧則合僧歸人通所也五法卽法毗尼人僧

界也云何僧現前應來者來應與欲者與欲得訶人

不訶者是云何界現前唱羯磨若別人對首心念三

種現前卽得若四人五人已上僧法若作羯磨必須

五法現前以羯磨所起必作法界故則知五法現前

人與僧別通能也

具德如差敬尼須具十德差受自恣人自恣人須具

兩種五德等受曰先觀彼是如法緣者可加之捨衣

觀彼是畜用失方者可捨製造失方者不可捨等須

幾成僧合用多少僧作此法事又須明律藏識達網

緣成敗清淨應法預僧數方可覆下加覆鉢羯磨者

須是彼懷信方可加之五八卽受五戒八戒亦觀其

機器先受不曾破等所謂五戒中破一重受八戒不

得等是

事現在前卽所被一百八十四事或事如可加法及此不可故文云非法則息八種卽但心念乃至白四行藏應教可作名行反此名藏遂下利害

七階卽七聚各有階降也疑卽猶預不決迷卽本不學知律據學教迷心不犯不學之人迷教須結理須分辨不可一槩與法事等晨昏言分辨明暗如晝夜也觀其犯事亦當如此不可無犯加藥有病不治則成持犯相亂也同篇合懺爲多各犯別懺爲少不可委曲罔冒也

人法物人法如上物者如賞看病人六物觀德有無隨事牒實等重輕又如犯長物尺六八寸得提名重減則犯吉名輕又初一日得衣名前次下九日名後衣物散落各捨離多既成束通捨名合同篇合懺異聚別懺方便爲因根本爲果又因不可與果同懺如此諸事未可事至便施當先一一窮者研覈得其實者方可加法則稱量無失具下具則人法事俱起單則別起合則兩具故作法

隨有差別也

穢穢爾雅穢音天徒結郭璞似穢音對布地生穢草也又云穢草似穀也或下隨諸羯磨有義則通反此則塞何止此也

非淨不預律云有犯者不得聞戒亦不得聞犯者說等望此則是約人然下以說戒自恣之法僧別同違也專在者在法收也

但下釋事也非情卽界也人與據理屬人也和僧唱相本屬法也今總斯兩緣皆爲結界故望正爲邊屬事也

前後難準者或事在前法人居後如前結界畢行說戒受戒等或但三分如結界經久後方行受說豈非起之不定故三分也

有下此約一事上自具三種量衣是非者如布爲是又絹離然者乎亦名是也羅綺紗縠等非也并條數長短染色皆屬事也相解互解已言也如中邊人加法不成不一如六念及座上發露衆罪是望境非一也心生口言要須口說令耳聞之方成非但心念而



得成就

本緣如受戒緣非緣界緣若有乖差法不成就何得混三種俱陳即界即事也人病衣重此舉作法離衣羯磨中牒必須具也不具不成故成合也如是語此多人語法如前行舍羅白是也全籌簡破籌語屬人也籌屬事也此亦二合七緣三單三雙一合也異篇別法不可將提與吉懺等同下同或作當即同是一提而種相雖別同皆一懺名合各懺名離於理無妨故曰皆得

感否感善成也否不就也

徒取至法式來釋文據次從即如至成準釋義來且初僧事者即羯磨也難事惡比丘留難也

居宗宗本也此羯磨即結界一法如下引例如上即通局相攝

獎務獎成也務事也言不能獎助法事爾金石二物者鐘磬本此方樂器也金作鍾石作磬禮云折如磬隨鳴者本與銅鐵凡可鳴者皆得作爾唯除添毒樹擊鼓誠兵周禮曰以鼗鼓軍鼓法也有本作世

●釋義

字非也周易云鼓之以雷霆則其所像也禮記曰伊耆氏杵土鼓蓋其始也七相即量影破竹作聲作煙吹唄打鼓打磬維打地若唱諸大德布薩時到今文聲色可攝七種又唱令局收後一

下位即沙彌鈔云使舊住沙彌淨人打是也具道即大比丘二人沙彌淨人

微羯即虛搭十下也軌度圖經云量時約衆粗習先

模執杵定心虛搭十下稀著者從十一下去其聲漸

稀漸著也直至三十七下待此聲絕別打一下名一

通集聲聞衆又攝一下名二通集緣覺衆復擊一下

名第三通集菩薩衆故曰加三搥也圖經云莫不三

通爲節用集三乘至於律制成述三通即三下也故

云結三通義也

有定不定者假人壽修有勝劣即能遷業於後世或

後後世受或不受等必定者業報俱定雖至聖位亦

不免之有緣便止如付法藏傳中闍貳吒王以大驚

害故死入千頭魚中劍輪繞身而轉隨所隨生若聞

鐘聲劍輪在空如是因緣遣信白令長打使我苦息

●含義

●隨應

過善即鐘聲打者發願如智興律師事是又王先於馬鳴處懺悔爲因今聞鐘脫苦是緣此皆因緣相感威儀經即三千威儀漢安世高譯二卷彼第二云維有五事一常會二旦食三晝鉢四收盤五無常復有七法一縣官二火三水四賊五會沙彌六會優婆塞七呼私兒以上合於中打有多少如常會大擊二十下且食八下乃至會沙彌三下會優婆塞二下呼私兒一下彼經下文復有三二十下五下法避煩不引

亂倫倫理也言紊亂常理也盜僧祇即盜衆物也分異不成和同相也

知鐘者言使人鳴鐘時作知是看是也元下凡作知淨語是自不得作故以淨語代之今既通自作教他何須此語故知用者謬矣人畜對者情上論人則如云打比丘者提打下衆者告欲心打女人僧殘畜則如云道人行殺牛羊罪重而戒輕不得杖擬畜牛等非情者如打故衣者提或椎打刀刺傷地者隨故上云其事極多咸有戒文中既有打字亦可改之作知

淨而爲之耶並以二句申知淨之意也別有所爲即有生長者故得用可如令人打草木花果等故須用此亦對外道俗流執有生長義若許自壞生被謗謗故特遮之故下出擊撞撞打義蓋隨此方呼召一相以翻也文似不次念於擊撞鐘鼓下著之將並下二句却於聲發下安之義方實爾巨大也忌畏也言爲事雖是小而爲學者之大畏忌儒云無擇言今若有用者是有擇去之言

喪我之方略者若乖異則各執我人今制同界和集是亡喪我人法道也

餘界即攝食後當廣說即諸界結解中

訶人即惡比丘如後即下結小界中

二處一在界內二在限外作對首心念界內通作諸法但除餘解界結界不得妄乘威有制約等者若作說恣二界亦須通集若作除法則二界各集

無內以衆僧叢坐內無餘地下得言無內可集若身外既有自然地何不問前無場大界有外可集答下謂元制小界正遮惡比丘也雖有不集不妨成法不

同大界非法惡人故說無場

有兩集有場四處集也。如界外作對首加棄界內作受日羯磨中隔對首持衣戒場體中行受戒法四處各集四法各成並不相礙。若作說念必要盡集大界體中說念以是衆同之本故理須四處集來必私逃叛違出亦犯見相便求見有一人等便須求集多有句數本律說戒離度云時有一住處說戒曰客比丘來見舊住比丘在戒場上見而不求便作羯磨諸比丘白佛佛言成羯磨說戒有罪一若見爲便求求已不喚成羯磨說戒有罪二若見已求求已喚成羯磨說戒無罪三聞疑亦如是。同上又有住處說戒曰舊比丘見客比丘在戒場上三句并聞疑三句並同上落漠渺漫貌必太非法必若究本結法不成則令後法不就後緣即受戒懺罪等豈非冒濫使後法不成乎以後法緣從前界起故此言下謂此言甚易解爾恐臨時人情固執卒難改革故使通集以驗成不問下意謂大界中說戒自恣四處集來如向已陳今壇上有四集之理不兩集即說念也亦須四處集來

●爲釋已

◆下段十

兩或作四難開如下云說念云衣此三本制大界難開戒場是也

諸律即僧祇下誦等如列如註諸列者是各解即註中別解四種是也

約僧即人不可分別也約處即處不可分別也僧祇下說處不可分七樹爲量總計七樹之相合得六間七弓一弓五肘一肘尺八計六間即六十三步謂六尺爲步一間得十步半六間即六十三步也相去即東西二衆相去中間有七樹之量則不犯別

錯筭古謂七樹而有七間是錯筭也衣界即離衣界要八樹爲量諸師筭之成七間爾今例七樹止有六間明矣

各有勢分合初樹與第七樹兩頭枝葉勢分各有半間可共成一間是亦成七於義善成斯之下指上諸非豈不是我執情愛致使穿度鑿空以符自見且僧祇律中有人問佛種樹法佛答曰七種一樹波羅釁來問集僧量便以七樹答之是知假以樹相示人何處實有種樹等相

皆半折之。即彼此二衆各面有三十一步半。是隨分自然者。有人者。但令異界自然在我自然界外。無錯涉之過。並成法事。今行事之家。恐有別衆。但爲深防。故於方面各半倍之。實而言之。各半減是。已上餘之自然即道行水界等。半約如有難關。若有五十八步四尺八寸。此亦二衆相望也。若半減之。可例上作令爲深防。故半倍之。

行迹到處。此謂古人准彼律自然外。更加大小便行來處。并糞掃處等。皆是勢分所收。空有空。即闕若有即聚落。此乃自分盜相。且不干集僧之事。何得引彼證此。

今下若可分別。自依離牆等集。只爲不周。故約步限。何得更取行來處。則成遠近通漫。

若無僧坊。即一聚中。先未有便坊及結界處也。今若結者。要齊聚落界盡集也。縱彼即十誦下齊行來處。此制分齊通攝。恐妨界內作法。故若四分聚落界。但取院相。必下大師準。彼意亦有不約勢分內集。以云約離墮集故。

爾若亦云阿練若。即閑靜處。

諸部即僧祇十誦等。皆云僧界盡一拘盧舍。而互說大小之量不定。如僧祇即二千丘弓長五肘十誦。即五百弓弓長四肘。乃名同而量別矣。轉爾推曰。小鼓謂之應募。要曰。應鼓曰轉鼓。亦曰轉鼓。轉鼓亦曰大鼓。鼓風者引也。言鼓。鼓反。大鼓曰鼓。長八尺也。皆是下出大小。所以亦由智論說。由旬三別。大者八十里。中者六十里。下者四十里。皆謂中邊山川不同。致行李不等。斯可例知。雜寶藏此經是元魏吉迦夜共曇曜譯八卷。以彼第二云拘盧舍。注云秦言五里。大鈔云相傳用此爲定。

有難爲惡比丘來作留難也。故開闢若集僧界校異前五里。通計下。即七箇二十八肘。七箇二十成百四十肘。又餘七箇八肘。成五十六肘。每肘長尺八十肘。成丈八尺六尺。爲步十肘。得三百肘三十步。又九十肘。得二十七步。共成五十七步。更除六肘。在成一丈八寸。將六尺爲步。添前成五十八步四尺八寸。彼文即善見各行謂各行法事互不相障也。故下結歸。

有難

薩婆多者此引彼別衆食戒文廣如會正所引部別有由者言有因由也以婆論爲能解之論雖不定量而所解十誦却立其量也故次引十誦顯之六百步計二里也

不妨內法言不妨擲水砂內比丘集作法也此論指善見以上引云水中不得結作法界故今解之今則下今師出可結意也除無船橋反顯有者亦得以來去無障故下云水難不恒卒增障集既無津度結不成也如下指結界中

六相卽上四處中聚落蘭若各分出二故成六也方面所向方隔也彼此各收卽彼之六相在我六相限量之外各集各結各作別法理可通成反此錯涉便成別衆集結不成故須善視時緣不可濫妄委託也

四分律隨機羯磨疏正源記卷第二

紹興府會稽縣廣孝鄉蘇墟里屯頭村前莊西保

居住正信奉

三寶考女弟子陳氏 一娘伏爲

亡考奄終仁壽已捨浮生痛思鞠養情深生成義重欲伸報謝必仗勝緣遂發志誠抽施淨財七千足開此律宗記文一卷助廣流通光榮佛祖所鳩妙祕式瀉去程

先考陳大郎伏願罪山傾倒業海乾枯頓超九界之身速證一乘之果然後河沙品業法界冤親俱藉良因齊登彼岸

時戊辰紹興正月上日 謹題

四分律隨機羯磨疏正源記卷第三

天台沙門釋 允堪 述

義分兩相者卽和合與別衆也又疏中勸勉成業復爲二也或上下如說戒篇云若有一方衆生綱維從衆者每至說時小食上應告僧云今說戒目十方賢聖所共同遵並願衆僧同時集會或上座親自房房按行以時勸勉或有病者告云可得一禮親否脫就



●下  
●二字

後世知復聞乎。三業通僧者身和到衆口和說欲意和同忍此則誦成僧體能成辦所作業務總上兩義但歸和合一種反和便成別衆故下引證成上二義三別四分云應來者不來是身口心俱不集二應與欲者不與欲來是身心不集三現前得訶人訶謂心口不集

尼等四人卽大尼式叉沙彌尼十三難卽遣尼賊破黃五逆非畜二三舉不見不懺惡邪不捨舉二滅已滅擯應滅擯重病簡輕者癡騷收三狂人并癡啞之類此等或本非是僧或中途被罰形差病報緣礙等故不應集也

非欲緣若有犯戒事非緣而與欲者由事非故不合不成堪欲緣律云佛法僧塔者病人六事是緣僧祇等律守房等緣並開令若有緣而不開與欲卽是教意太急復成過分限約今若許送心達僧則教寬濟物僧私兩成欲卽心者欲是希欲之心也

不合訶者卽訶責擯出三舉等人義無證正他事具下卽律云應訶者不訶又云舍利弗見僧如法羯磨

而心不同應作默然是如法也非相指下七非相中明

有人下古不立上三業入爲僧體但是順成僧義然非無此一致今師要以合三和相以四人等僧共成其體相體如法方顯和別之理識相要須識和別等相也合下正破古若不會合三和之相而從四僧體說者則應法之是不應之非終不可以明諫豈下意云豈只是此三和而入四僧體內便成作法苟或別有不足數者可亦得爲僧位所收有此蓋故是不可也一說戒言同一說戒也二和卽約事辦和約法辦和也一位卽和合一位

第四門卽指上弘法人中第四廣顯是非文也前亦指此云如後門中不足數說此則前後互指也

出一卽下釋云未受具者非成滿者一得滿不訶二不滿應訶三不滿不訶四得滿得訶

所下言所以有滿不滿義者數定卽四人五人等非法如以十三舉三舉二減等人足數也

唯二卽初得滿不訶及第四得滿得訶中間兩位既

曰不得滿何須引之莫不下是釋合法猶言應法也。亦可下別解從初即得滿故次以不滿交絡句法互相顯示已方可離隔不滿之人是不應法由四分中訶責等四人應一切羯磨但爲僧治故不得訶即體雖犯法得成足數。

不毀本信者言此人信心未壞也奪德用卽奪三十事中七五奪其證正佗事是也。

欲受大戒者此約利根知法非者又捨戒再來素亦知法故有非者亦開訶也。

三十二人卽註中從此丘尼下至罪人是也并十誦等人如下疏文隨解。

不用他部言不用十誦僧祇等不足人是唯執四分不能取外引用也。

今下言律中但通列其數餘不出者欲使後人準例而知文律無定結人數蓋欲含攝多人不足之相耳。二十八下今師謂此數是出四分律疏家於大律中合集以成始下文云豈唯如舊但二十八且如四分瞞波中但有六人所爲羯磨人神足在空隱沒離見。

•田部由

聞處別住戒場上六人餘者非無此義故捨戒中有顛狂癡中邊死人自語前眠人自語前人不解並不成捨謂不足數故今取他部明文證成不足如何永執不取十誦等文耶若有下反語意云若許狂睡等人得足數者捨戒應成且捨戒還家作惡對捨尙不成反顯今作善法如何令狂癡等人可得足數故須下要廣大觀覽諸部也。

報別男女報別收尼諸不足相游辭耳。

又解下是今師義相有僧用三根未彰四儀無別也。故下引證既云先言卽是自言也反顯不自言是理。開足數律論下如四分云當以肉眼知他持犯又犯戒和尙田不知故得成法事又雖言竟無人知者亦成僧用薩婆多云以有天眼者不說人惡乃至若聽以天眼耳者得淨穢者人誰無過但有大小無往不見若開說者則妨亂事多故不聽言如鈔指足數篇文中下受欲已自言我是十三難等人由自陳故非足僧用與彼卽下誦古謂通生善滅惡皆得足數局二篇悔唯自行懺殘四位時不可足他懺僧殘也。

餘請懺罪理開足數

開餘懺主猶言開作餘懺悔主也不了不言但應生善不應滅惡故預加罰預加秉也差結秉差教授法結界等生善法者皆開足數事鈔云覆藏等不足僧殘等羯磨不妨應餘法事是也清過言不能清他人過也非罪羯磨即受戒等非是懺罪法也始終初八爲始作畢號終皆得在數故曰無妨

互下言上七人互不相足

約遠近者六夜竟是遠將出罪是近但約遠近分此二位壞分者非不也言本日治是全壞也如行覆百夜今行將滿忽再犯者前行多夜全壞也若不再犯於覆藏中隨不自行但失一宿故名分壞由此以分故於覆藏中別開重犯本日治一位也用此例上六夜并將出罪亦有少異故得分耳

又伽論者彼第七卷具云別住人擯比丘成擯唯除受戒羯磨

以是殺彼一生大事故也

餘羯磨盡得作已上今引彼文既許作擯法約此四分言不足者僧殘四位法

耳餘法亦可通成上通即向引有罪人不合解罪則

滅罪羯磨不可預也反此非滅罪法者並開作也

情關心亂曰憤前比丘即所爲人具二憂而復瘧也

以大德僧聽不忍者說既爾二能故不足也

六群以多犯衆過又亂語憤關無心緣法故及下佛

審問前六群言不妄因而立制與罪即不應告或無

知提問聲若聞大詰聲者得成法事

此與下似問辭意云白衣一種與前邊罪等人有何

異故而重流出此一種來流出義也如云戒經中來

是也前下似答語加法參差即正受時秉法有錯脫

等致令前人戒體不起仍存本名號曰白衣故大鈔

云十誦白衣謂本受戒不得者

有下立非今下正破大鈔云亦有受復難緣須著俗

服者亦應同法由本是僧即知作法之時窮問界內

俗人之中頗有曾受具戒不捨者否要答無者方無

別衆五大色青黃赤白黑既聽在數反驗通成

重病由心昏沉不樂無情緣法兩不成捨即互對

不成捨戒也以言語不相傾解故必後知語二通相

足礙鈍人不知言義者

和忍要和□忍可解意卽文下義意卽世猶近世也。涉同河漢莊子曰大而無當任而返吾驚怖其言猶河漢而無極也疏云恢弘而無的當一往而陳梗槩曾無反覆可尋聞之驚怖猶如大上河漢迢遞清高尋其源流略無窮極也今斥惡者不分羯磨成敗是非亦猶此也。

緣入非違如急誦故細緣不分或暫爾起心緣於他境是名非法乖違也能所者且如受戒羯磨中大德僧聽僧今授誰諸長老忍等皆屬能秉僧也沙彌某甲等屬所爲人也彼我猶言彼此也如召沙彌入云彼正受時云此又彼屬所爲能爲也今若不分皆屬迷也或約下二句反前二句由約文謹誦故非不辨文相能所由深練自他故非不識彼我雖然由於羯磨增加減略乖於正務文牒事法恭錯訛謬當時同秉不解訶住此又成迷或文下反上句雖文句乃明事法不謬只由人有背別之緣是之與非通皆默歎又是迷也界境今所作法要結界地而不辨先結是非界分邊近也。

● 釋義

觀下觀卽觀察五迷卽下四法也初一迷總明法事人處四法二下別明可見微少也若能觀察五迷明四法少可弘通羯磨足數所收故曰僅涉僧倫也僅近也隨法若隨所作羯磨法明非非相之多如雲霧之擁結也若非博觀諸部通練是非者故曰餘復何論約下如前觀察五迷四法通心情亦可想爲弘法人也餘下如七非中廣辨也。

堂下如三人說戒以送欲人在數也大鈔云與欲之人心同身乖二下謂同一覆處而別有隔者不成同相三下具云半覆半露等此下準大鈔更有義加露地而隔者今文闕。

一行有三者如以行爲頭歷住坐臥三也乃至以臥爲頭歷行住坐三三四成十二句也今且從四儀單作成四句并前與欲等五成九也行等等住坐臥也說戒下以人多不開故開立說教授師入衆召沙彌入以爲僧所使故立病者坐立不便在衆開臥亦成面向僧是相順之義開制言開中復有制也我往卽六群。

二十八古人但據當律爲言已上結前義必下生後廣如事鈔彼更有不解之人是不足攝又上言不解人等是也

四句卽是別衆非足數等通列卽第三位所列人也。是非持戒名是犯戒號非但下如隱沒人不妨體淨但爲緣差

等二人等取應與欲者不與欲來在等字中收隱沒以在并等同屬陸地故成別又不足數離見聞亦爾。七人卽行覆本日治摩那提將出罪并十誦行覆竟本日竟六夜竟共七人也通局者通於生善不通滅惡故云局也四則卽半覆半露中間隔障等

兩位卽是足非別身則下釋足數口下釋別衆

四人尼至沙彌尼也報別卽尼中三人十三難中黃門非畜是法乖卽賊住二破是行違二滅三舉是治重邊罪汚尼是體下釋非別諸人卽睡等十二人雖在衆中釋非別不成業釋非足靜慮卽禪定二緣由變者不能聽聲者不能說是乘羯磨中聽說二義也兩能卽聽也委界外地卽委墜在地也若不委地

須從根斷故曰內外俱別非二攝非足非別也

體通道如作房受日俗如出家剃髮學家覆鉢等相具四儀同也非具如諸治罰法不可坐也前加法前人作法被已也自作白者戒師儼主和白也皆身在衆中而威儀不同是非別非足若下釋上俗也以無義得收爲足別人也

同上卽同前第三句亦別衆亦足數所謂得訶者訶等是也

初句卽是別衆非足數非不足數也若據別住等體淨故是足數人也今以緣故非二種卽非足非別也斯法謂邊罪法及擯法等報殊男女不同也法隔三舉七行法也心差睡眠等人相轉如此丘上樹儀相轉也必能下反上諸句也皆爲清淨應法是足非別也

反上可知者卽反上離見聞處也

語傍人文有四釋初中語謂得訶人越已已卽所爲人爲僧所量也餘人卽能棄僧制合證正者居所爲外也又下次釋約外來人羅正乘僧故得傍名三中



一之五

即此座望訶得爲傍人第四扶於初義似倒以註中據律云語傍人故召令語默故誰諸長老忍是默不忍者說是語

從初下將經註分對可見如門所列者即初門中制意釋名辨體

形居世累者爲世之累也通允爾雅云允信也制下衆僧作法制身到衆口能訶默今既有緣故開送心大鈔云設若有緣不開心集則機教莫同將何濟拔彼我齊畢者彼則衆法得成我則弘緣又辦鈔云彼此俱辦文意同爾舉亦成辦義也

希須者希謂希望須謂應須以希望僧作已有緣礙應須送已之心以達清衆也如下舉五欲中二種此五爲世人之所欲也今秉聖法爲比丘所欲耳詳集詳而後集也如下似濟渡復得船筏也事違爲事緣於衆法互有違反也致心致送謂也大鈔云欲明僧作法事意決同集俱由緣差不遂情願今送心達僧知無違背

從法者即心法也如離心者彼問曰云何心法等衆

答曰想欲及觸慧念思與解脫憶定及與受此說心等衆彼論曰解云想者於境界取像貌欲者於緣欲受也餘如彼論第二卷心行品中解身色如五分病人不能口說聽現身相與清淨欲聲相如律云若言我說欲若言與我說欲若云爲我說欲是也單僧下即受戒捨機等僧須我和我不必須佛不正制故互須即僧私同須也有罪即別衆作法遠出經出界外亦須結犯

制開立制開說之本也

不成是別者言非緣故縱說亦不成又不免犯別衆也僧事指衆僧作法事也無心下指送欲者無至誠崇尙心也妄語大鈔云無病不淨言淨不欲言欲令他傳此妄語僧而說隨僧多少一一人邊三波逸提所傳之人知而爲告一一三罪惡業不輕何爲自忘有五即中佛事至看病事大鈔準不與欲戒更有塔事成六下文衣緣即六群作衣說欲雖非正制以當時僧受行之故亦開也僧下引證

以欲下辯制也謂自然地弱不可秉衆法竭磨也衆

●苦難自

法既不可作欲法亦不可傳唯除下辨開唯結界一法自然地上開乘然於欲法則不開之如上卽法起託處中云結界一法非作法界由是草創所依開此居宗也又下文云云何界現前作羯磨唱制限者是也若結下謂結界若開欲者終不諍委界畔也卽下望上二門得第三名也

四略指註中前四種一廣指後廣說一種也又略者對重病廣者對輕病疏言廣通輕重者此有輕中之重也故大鈔云前四唯重病後廣說者健病俱用得成大師云律文如此而取欲者須知同別之相方得成就若違心不同而現相者雖取不成終爲別衆前既非法者目說欲比丘也能所者諸能持欲所與欲若俱乖法律者亦須更與餘能受欲者如持欲人受他欲已自言我是十三難人等文云皆不成與欲當更與餘者欲二途初制時集清淨非時集與欲後因非時說戒而得傳欲來妨僧法事佛令合傳大鈔云並須雙牒由文正制不同僧祇猶行變教不正出文者謂說戒健度云若廣說欲成與欲不出

其辭轉欲謂受欲已更忽緣礙欲轉與他毗尼母云得齊七反說辭云大德一心念某甲比丘受某甲比丘欲清淨彼及我身如法僧事與欲清淨今但比丘某甲比丘如法僧事與欲清淨是約義比度也故大鈔云義設是也

心本心收與欲本收清淨由清淨者以戒爲本故人語梁武帝撰出要律儀中牒事也如忘下如傳欲者忘記前人名類者但云我與衆多比丘說欲簡非法事以僧事非故不須與欲也和僧作媒嫁等事是本爲事者隨僧中所作一百三十四事而與欲也及初傳爲此事後爲彼事起不應前欲若復往取則有停礙僧務今但以如法僧事之言可以通應一切羯磨也

時集卽半月說戒制有時限也餘旣不局故曰非時應僧體者卽六和中意和也假用卽前云攬陰成人人假爲體實法無用四人假用爲僧之體而用無別體還以四人陰本爲體今謂陰本無七支之過則成清義

三一之言即三說一說之言也。自明者四分云三說成者。即云第二第三亦如是說。若但一說成者。皆無結略之文。衆多下取例也。如律中我與衆多欲。若受欲人睡入定。若忘若不故作。如是者成例。今一說豈不成乎。必準下經也。言必欲依被部亦住情也。以四下奪也。言四分無之制三說故事。鈔云準白二親磨說淨等法。依文直成。不須云云。取他外部。

姓四姓相謂相親名。即名號類約流類多據衆人少。但一人大鈔引律中若不記姓名。當說相親猶不記者。當言我與衆多比丘說欲等。如斷下既言諸人亦是通混律。乃開成一界四處者。彼云一界內四人一時受具者。得四處展轉與欲不同。下若五分要與欲人少見。集人多取心而已者。言彼衆多既俱有心。今雖不憶。驗知得成。以彼本有送欲心。故必下若待欲人能明記者。不可言衆多人也。如五分云。令至如法僧中。爲我稱名字說及捉籌。若不如是一一皆不成。又僧祇明文。令在上座前稱名字說意。亦可見四分云。應更相檢校。知有來不來者。此言彌顯。

受時約未離病者所也。中道離已未到僧中也。至僧持欲到衆也。

房內即受時二十八。即註中命過至離見聞二十八人也。

而僧猶用前欲者。此約到僧中說也。若房內及至中道命過。可說言非欲到也。若在下再簡上到僧中成。不有下此師約若未說付僧持欲人命過則不成。若說付僧。僧自任持。故言成也。如忘等例。律中持至僧中忘爲說欲。既成例。今已到僧中不說命過亦應成也。以俱是到僧中故。或下斥第二解若然。取初說爲正。非數對彼捨不成也。例今持亦不成。

非本欲者。人抵說欲爲應本界作法。不犯背則之過。今若應外非本欲。意餘房者。普解云。受欲已在寺內。餘房行者失欲。此非解也。一同說戒法及自恣法中。兩處列命過等七緣前後六種俱同。唯有此一有異。說戒中云。餘道行自恣中云。出界外。今師會之是語。別理同。當知餘處行即是出界外。以此證知寺內餘房行者。此解爲謬。

言邊俗自言我捨道還家也。作此言時欲法早失本心。卽再責本所起心也。

釋李李卽此方道士。老子內傳曰太上老君姓李氏名耳。字伯陽。釋老志曰其爲教也。鑄去邪黑。澡雪心。神積行立功。累德增善。乃有白曰昇天。長生世上。此亦與西竺外道髣髴耳。

五法者律云調達軌五法。盡形乞食。著糞掃衣。常受露坐。不食酥鹽及魚肉也。戒疏云乞食糞衣露地。似佛四依。故爲相似。語然本不同。四依開制託緣。此三調達說必盡形。後二妄語調云酥鹽味重。魚肉損生。故立斷二見殊戒等者。謂戒雖同等而見解有殊者。亦不可持欲入彼以六和中見和闕。故各說各說戒各乘法俱成。故壇經云。釋尊一代僧具六和一見不和兩不足數。

疑前下謂出界外故失此戒。場在內往應非失。而不知場有中隔與外無殊。故往亦失。

宿受欲如後夜受欲。磨明相故失欲也。

問下意云此律宿欲不成者。若明相未了。羯磨已竟。

而說戒自恣未竟得經明否。答下言能被所被俱不可以夜分侵明而作。僧下引證滅衆各作卽滅衆界外自恣以此校準。故知宿欲不被所爲事也。

非數言不足數義已顯也。故非持欲之人五分云自說罪人不名持欲。反成卽成十誦取欲清淨人始取時若取竟自言白衣沙彌非比丘。乃至十三難皆非清淨欲不成。不到僧所雖復下謂雖復自言已至作法。略同座之僧先不同聞彼之自言。旣乃不知故復通取爲得成。不佛下似釋旣曰三根無蓋今不知故是三根闕也。亦可得成。故大鈔云此等體旣非僧若僧同知故不足數。必不知者成。又云若雖言竟無人知者亦成。僧用例今亦爾。

三處房內中道僧所也。與者卽有緣比丘望伴如二人同往一人取他欲已。至於中道作不送意望離此同伴見聞名失有下立難。今下正通不問有伴無伴。若無伴者望至中道作不送意離此不送意處見聞亦失。故曰離生念處也。

非弘贍者言上但以見聞對三處辨失不以見聞說

下四種乃非弘嚴博瞻之士也。隱沒如持他欲或在彼房。或至中道等入井。也。倒出。即持欲到僧中已復出也。隔障與僧不同一障。覆坐也。遠坐。露地。申手不相及。覆處太遠。坐不見面。不聞聲也。初受。即在房內具象。四朱。即隱沒至遠坐也。

同坐。即同一席中。又須取此座也。大鈔云。見聞失者。通望此座。展轉離也。如下律中。若衆大聲。小不聞說戒。令作轉輪高座。立上說之。又僧祇八萬人。自恣何得聞羯磨者。聲此則見而不聞也。又如多人說戒。何由並得見作法者。面此則聞而不見也。彼既互離得足數。此亦互離成持。欲三種羯磨。即單白。白二。白四。雖前後并露地等。但使展轉不相離。皆成。

如僧祇下。彼謂同障。覆而別隔者。不成。同相或露地而隔者。亦成。失欲。又是別衆如下。皆證聞而不見也。自別豈成者。謂自是別衆。豈成持欲。

一尋。即八尺。據理亦可聞也。今須約一尋外。闕亂不聞衆中聲者。方應見而不聞白也。空有互與如僧在地。持欲在空是也。

● 雜人持作

● 各處名

不成受具。蓋不足數也。足既不成。持欲豈就文云。下牒。註上。據房中二十八緣。今中道僧中亦爾。亦須德人持欲者。此自持欲人也。若據說付僧。已是僧任持。今若說竟言。我是十三難人。前所傳者。亦不成。就故須在德人與僧共持也。

自言。下謂上須德人不爾。成非者。如自言我是十三難人。則可爾。且如餘道行戒場上。神足在空。隱沒等。人並是戒具之者。豈是體乖德不具也。答。下言此等人。戒雖具足。慧解且昏。既持他欲。只合在界。今或出界。昇空入井。往別部衆等。是不明辨法律。雖復有行而識等。同於夢各解昏人也。故制取餘明法之人也。持欲應僧說戒。羯磨圖具之教。豈下顯上戒具解昏不能濟於神用。要必行解衆具。常倫足別。必約體淨。秉法傳欲。乃揀智能。故曰用人不同也。

形生。即二形生。悉謂上二十八人中。何不盡列耶。有三。上中下也。常憶。即下品常憶來人。此成持欲若中品或憶或來上品。不憶不來。持欲非就。故曰計餘不成。有蓋此二故不出也。



有下此斥上不勞異說有蓋所以但是律中略不出耳如下若云狂者有蓋何以不足數中却出狂人以常憶常來下品是足數中品開以法被上品定不足此亦有蓋何爲出之驗之前說義非律下自申正義謂律中前後出有具略如不足數者瞿波中但出六人至捨戒中出顛狂等但通括前後成不足位今亦可同要須通括取之又復應知狂既不足數持欲豈能成例之可解

相通互相通會也以下若不該明則自他成別衆羯磨又不成周行言周備具引諸部行用方爲優勝耳如不足數者卽覆處隔障半露中間障半覆半露申手不相及若一切露地坐申手不相及據上所列和與欲人成五故言等也若約大鈔中義加露地隔障者亦成五也能所卽能說所受二俱非法審下若僧審知前持說人在界外則僧法自成以二界各別故七下謂受他欲已持出界故成失欲是受者非反令說者欲不到衆有皆別過又僧若不知持出可言法成若知者亦須再取不爾則衆四分文云應更檢校

住界在

知有來不來者義可者也自出界有緣說欲已已身在界方成出則成失後復回來僧法未了豈非入界是別此非僧過故法得成以先欲言以仗先曾與欲故前緣久廢卽前欲緣已廢也久可作已十下此約說付僧了後因難驚起但得一人往卽可任持前欲後再集作法不用重取彼律下釋註中等字或事儀同或世希有故不出也

云隨之

三人卽行覆藏竟本日治竟六夜竟四下以本律覆藏法中亦云行覆藏等不足數豈合持他欲也四人大尼式叉沙彌尼以非同類故狂下此約無心持欲故倒出約無心傳故若有心者雖出亦開專局唯取四分也同苦能與所受及僧所爲並皆不成故云自他同苦翻種苦業本爲生善滅惡今非法別衆故被事不成則使多人反流生死故曰不利反則卽不自言也同他部卽十誦五分不了謂四分不云自言及持欲足數成不云義理非二攝非持欲非足數也不犯如睡定人非心過故若不去放逸須犯告羅別

●異說

住波利婆沙人也得戒沙彌即得十界者以下統斷上二人也二但要比丘對比丘方成

異宗所廢者於彼雖爲所廢於今却爲所興如是至七將一人欲次第付七也大鈔引毗尼母云得齋七反是也

不得籠通要腰彼名也如大鈔云我某甲比丘受某甲比丘欲清淨等又移受字在上除與字又巧也第四門即持欲應緣門後義望初持爲後後顯難相指下註文屬第五難相分別門非第四門分科至文當見

空設雖傳不成是空設也更成愚罪言更得愚癡波逸提罪

我受下釋上兼兩義也

求聽求僧聽許舉罪也

准此下上言誰應說故我某甲清淨文略今據大鈔云大德僧聽我某甲比丘如法僧事與欲清淨四分無文此大師比轉欲出詞也

別緣隨行人所修大小等定名利也迷忘顛狂等病

●無說作元

發舉而起身已到衆非心故違故開成也故大鈔云若睡入定等並謂在僧中若在中道並名不到無入捨受以無作不送意入捨受須得吉羅以睡眠屬無記無記屬三受中捨受也

後法即隨作羯磨事對前索欲名後作所爲即不以欲緣作羯磨中事也故大鈔云不以欲緣爲羯磨事也相成假自他和合行相以成也

小罪即吉羅開中即開緣中

就下且律文病者有輕重病相廣略與欲今何不欲以令僧就彼者何耶病下是釋多種即有輕中之重重中之輕重中之重堪相對暗即重中之輕是重即重中之重故不說有別開就彼也五分下亦是重中之輕恐增動故聽說欲也

若下若是重病律自開別何須舉至僧中就彼耶答下此人雖虛羸微弱不妨神識明爽故有別衆若又神之昧則理自開別

表和彼以和應僧也法濟僧以法濟病也相連下僧與病者相接連不及方開移出界外作

草覆下兩衆皆舒手伏地掩泥牙相懺悔。准此草覆之式。病者在衆仰伏坐臥開成。但背面是。別在於衆內。又是足也。必下四儀堪與僧同也。今故不同。仄就開位並成於別。非心隔有持欲心也。

事邊有命梵等難事遮障也。

若準下例上亦可有命梵等難來計不及。雖在房中彼僧法應成。亦非心隔。故若四分不開。故大鈔云。必界內有難。不往僧所。僧又不知羯磨成。不文云。比丘無想作法不成。若五分母論開成也。若出不來。即出外不來。并難遮不至也。四分無文。即無有難在房法成之文也。有作無想。即界內有比丘作無比丘也。更無下。謂除上與欲疊主。就彼出界作外。更無方便得開別衆也。引此二段文重簡止。若遮不至。俱得清淨之說也。前下指上逢難外來。非心隔是開。不失欲也。此有難在房。雖非心隔。不開別衆兩緣下。不失欲與別衆是兩緣異也。未可同以非心隔。故不犯名一例也。

問下意謂說欲爲三寶事。今事畢。僧作法未散。不往

●下四十  
二行文圖有  
總說

僧所法成。以不治之。但治不往之。吉不言別衆也得。罪得成。自己得罪。衆法得成。如下引例。病止法存。病雖止住。而被法備存。以未棄解法。故若僧作法。其法自成。不犯別也。不同下應先難云。若爾受日何以事。休法。謝將疏釋之。謂受日出界。賺事入羯磨。故所以前事若止。其法則失。理數宜然。若此也。欲本下說。欲辭中不稱事故。事止法存。僧爲又別故也。通意下說。欲不賺事緣。應僧但云。法但知通墮大意。故事休。不往無別僧中作法。又成故。曰兩無違也。義下覆釋。上文言應往不往治之之句也。

互跪即同坐義隔也。

二人即教授師說戒師也。僧使教授師也。僧聞也。彼義若犯重罪人。賊住詐作比丘。本白衣時。破戒人等。若先言有是過。作羯磨不成。若不言者。一切成就。前三句律有四句。一問云。汝知和尚破戒否。二問。汝知不合。從此人受戒否。三問。汝知從此人受戒。不得不。次第皆答不知。佛言得戒。故曰前三句。是第四句。佛問云。汝知和尚破戒。不知不合。從此人受戒。不又知。

受戒不得不答。知佛言不得戒。欲法卽下第七門中。別住下出今義也。大鈔引古曰。昔云同一界不盡集。今謂界外比丘。蓋將八數。非謂眼見在界外。以界分不知冥然在外作法不成。故云不足。此二指上別住并戒場也。言俱是異界。兩列不足有何意。耶。由下出所以謂上別住是外界。今戒場在內。應可足。場外大界僧數。然下申正理。空地卽中隔自然。既分兩界。豈將戒場上僧足大界。僧法事耶。神足言得神足通者。或身處空中。衆僧在地作法。不可將空中人作足數。毗尼母亦云。空中無分齊。故與陸地別也。分限分局限齊也。入地僧在地上作法。比丘地中并窰內也大鈔云。并窰之類。是別非足窰。窰<sub>上音教下音蔭</sub>地窰穴也。非現示上隱沒義。離見聞僧祇中謂同窰處。離見聞也。有多。或云取離說戒師。或云取離羯磨者見聞。今但此座展轉相離。見面聞聲處。卽是不足。如欲法者。下云受欲已不作送意。互離見聞。勢分未越。故未成失例。今亦然。所爲下以正作羯磨爲此人。故爲僧所量。又乃牒名入法。故云安得成數。又下別明受戒和

尙前乞畜衆。正是所爲。牒名八法後。正和受又屬能乘僧和尙。爲得戒根本。故佛專制訶足俱成。除此之外。餘所爲人無訶足之理。故云餘不合語也。根本未拔。卽未與出罪故也。壞衆義。備以初二兩篇有壞衆義。今既未拔根本。故壞衆之義。猶在。故云義備是兩不合。壞衆未拔。是兩不合。入僧數也。四羯磨卽上訶責等。四此與上復何異。前足此不合足耶。小犯如僧納云。破威儀者。下四聚等。又云。然此治罰。不必大罪。但令聖所制學。愚暗自纏。皆得加罰。文云。若不知不見。五犯聚。謂波羅夷。乃至吉羅。與作訶責是也。以此義證。旣通小罪。故前四開足數。次死隣斷頭故也。衆法皆通說戒師也。如前卽五分中皆說戒羯磨坐臥等。是別衆僧祇中行作羯磨坐則別衆。四儀互作十二種人。是也。四分下卽六群往說戒所不坐。佛言非法。不必下律中默坐不呵。亦名和合。故之下卽舍利弗見僧如法羯磨。而心不同。應作默。是如法也。相乖心順者。謂同一界住相中有乖。雖曰心順。是名別衆。七

百下彼云在寺內得別衆羯磨此跋闍婆義離婆多  
言不應爾問言在何處制答言在王舍城布薩健度  
中制疏言後聽可准是跋闍子義又須下是離婆多  
義

兩開一爲僧使二爲僧聞被治下大鈔云僧坐中聽  
有立者除被治人以是所爲作羯磨者不足僧數被  
諫亦爾極三立治但容主三人又治是違情惱處重  
故若至四者四卽成衆容有不和壞衆義也大鈔云  
於治舉所爲不得至四名非法也諫下如一法諫五  
百伊黨是也大鈔云若諫喻和諍得加多少莫不用  
情求和不慮破僧別衆也下情卽乞受乞懺者仰上  
下卽衆僧非具下若不具處跪等儀則成倨傲之相  
理須互跪僧前無容與僧同坐也

兩緣卽僧私兩緣則四謂私各有二也故註文云私  
事亦二是也一違治罰是也二順卽乞受是也衆常  
制卽半月說戒是也四下治道卽治罰比丘治俗覆  
鉢羯磨是也五下制僧卽四分方僧物法結二同界  
等是制別受日法是也六下卽試外道法前文云外

◆ 聖嚴

道我倒未忘忽爾發心歸投大法乃至性既未調恐  
仄成難且爲沙彌四月同住前四卽上云通列則四  
今六種不出前所叙豈多爲是卽上云有分爲六然  
雖有六合亦成四大師意在前解

地既無法者是自然也今欲行僧事要須先結方相  
初緣卽十緣中第一稱量前事如前文云結界攝衣  
淨地庫藏等爲事故作然下若望正唱相是今第八  
正陳本意所攝故註云堅標唱相也則知堅標亦屬  
初緣但相連而言也

無欲言結界既不許欲何須第七欲清淨一緣耶答  
下謂雖不許傳欲亦須知故不爾受欲而結令界不  
成故今結時間云結界不許傳欲盡標盡相僧集不  
初量卽初稱量前事也豎在第三此中十緣據具足  
論若據正行事時豎標正在第三位取以堅標訖方  
說集僧故可例前者由問第七乃至第八  
在第四謂作相集僧後理須行籌故宜居第四劫轉  
第四集僧約界居第五謂行籌數僧後方辨界內有  
集不集等故說戒篇正說儀中有十門第四鳴鐘集





僧第五明供具謂摘花香水髮藥鉢貯等第六明雖那行事唱大沙門入等以彼次第驗之可解

道俗道如訶責擯出等俗如覆鉢法也尼如諫隨舉比丘尼法諫習近住法是也。能所被情非相順故曰違情知法智人即具德舉罪人也。大鈔云謂僧中德人舉告僧是也。

僧法以行籌告集理在僧作。今何言私事耶。折伏如訶責等邪。疑如惡邪不捨等。求解律云。應來僧中從僧乞解等。望此爲私也。

事或有無如受日法無乞辭受戒法有乞也。又此科爲僧差等亦無乞也。然律文順情事多有乞者。一下謂事唯假僧僧不假自故。必須乞二下謂假於已故無乞也。如差分臥具教授尼等。白告如論法毗尼白等。自量如捨墮中機主和白等。此白即是從僧乞故不須更乞也。

若輒下釋不定所以也。謂若自加乞或僧和不和前事成不即是不定所爲。乃僧如差受自恣人和白即是爲僧文中列別。即是賺五德名入法是別賺僧如

說戒白云衆僧說戒大鑑明也

詳集安詳會也。集意今之所集意作何法也。故舉而問之

四法一差教授出問難二教授白召三對衆問難四正受白四既行法別故須重重問也。雖然俱爲成受戒一事又是通也。如下答中四句辨之通一者雖云法別及問但云僧今和合何所作爲於諸羯磨上皆通此一問也。故下云止是一言以言下如問差教授出時且非問教授白召爲待前緣而起。大事不疊生必假對待生故。縱下縱有事含通別及問但是一也。此事即治舉等私事也。二法即說戒自恣是衆所同遵故不敢散

多事如三十捨墮隨事不同律許同篇合懺故一法通捨但一答耳。各懺即前後懺也。一答如云受戒羯磨即一日內不須重問答也。夜分簡明相也。攝衣如秉攝衣時非時僧得施法已便行付分攝食如秉攝食法已更作白和唱法也。如下云四方僧賣局處已定不作僧法理無輒分要須通和方得出界自下如

受日只作一法更不通餘以事類別故一家望不通後師我自爲一家也

卽目卽名目此師意云如差人間難白非召入白各由假前名目以召相因而起何有通耶

今下大師斷上兩解雖各無文所證然亦無妨如但知事端通問通答亦得故大大鈔受戒篇云若總答

云受戒羯磨已後更不須和乃至多人例通問答若要委審別問別答亦得通疑通滯疑阻也如律既云

法緣通別但隨前通答卽作亦是決定無宜攻異以革聖言

理無雙答謂一答不涉二法之義也由下釋所以一答卽不通結檢也

下文指註並先須詳委等文重囑大師所以重重囑累者恐作法不成故也

第下檢前十緣對之可解非不評於人法者以首稱量前事中註云事謂人法也第八門中註云謂僧私

兩緣卽是人也或創立法處卽法也前事卽初稱量前事第二下卽十中第二法起託處也唯局兩界卽

自然界中唯結界一法目餘僧法並作法界中并對首心念二法通二界略則下據略而論止立四種今爲行相微隱故開成十

文盛談處處卽是界也答下謂卽非法界地無以秉法故界爲法之所託也以在前第二法起託處中辨今雖明界正在辨約界集僧得言並擬在僧故闕若界集僧最遠水界集僧最近是也

第七卽說欲清淨無乞卽無乞辭第八卽正陳本意立緣顯之今行事家應問云結界不許傳欲盡標盡相僧集不此卽顯須立之豈不須告如叙意陳述卽是第八情事望差人爲情房名或唱一房或一角隔道兩邊卽是唱義鏡明也

是非是則成非則不成持犯冥會由法成屬持反此名犯條貫終始卽隨舉一事爲綱條貫攝人僧界法然後稱量爲始成法爲終斟量既畢方可引彼事緣以作業務

五大上色謂五方正間色也若將此色加法於義不成卽屬第一稱量前事也兩界作法自然加法俱得



即是第二法起託處。故前註云。若對首心念二法。則通二界也。口召對人。即自口請召一比丘也。即是第三集僧方法。約下謂約二界集人。一比丘者可作對首。無一人者。開心念。即成第四僧集約界前對。即前對首人印證。堪可而不訶者。即是第五應法和合。鈍下若集得人。來是癡鈍人。邊地人等。即非足數。雖對不成。便屬第六簡衆。是非取下。今作對首。本不取欲。若令取者。却成非法。故屬第七說欲清淨。執下。即手執本衣。出言陳受。非其錯謬。即屬第八正陳本意。勅下。即告前審諦。證實不虛。即是第九問事端緒。問下。即此問彼答。互無乖謬。便成第十答所成法。誰下。彰繁所以義在張。所爲令人解也。

心念中比前可領諸律。先和後欲。如十誦作羯磨者。唱僧和集。欲作何事。答云作某羯磨。又唱不來。諸比丘說欲說已。唱白羯磨也。

由下待答作某羯磨。方與欲也。故云由取答緣以應欲務也。四分先欲後和。如戒本序云。不來諸比丘說欲及清淨了。方問僧。今和合何所作。爲功德衣中亦

然既云如法僧事。知何不通過待先如後欲耶。必下會前後無妨。

第三即一稱量前事二法起有無。若是自然順先豎標相。故當第三也。第八即正陳本意。中註云。或創立法處。則豎標唱相。註雖合言。須知豎在第三。唱在第八。

二即法起託處。四謂僧集約界。五是應法和合。六屬簡衆。是非七乃說欲清淨。並須事是現前方成緣辦。二界畢。第二法以示爲法不同。如結界要自然餘在法地對首心念通二界也。餘四即前五中後四緣也。則重既不成。分望監護人。滿五得夷。故曰也。據下如欲和合爲某事。立法今不集者。立法雖成。終是違教。已上證輕故下說重。但下說不犯。謂打後自不集。隨有現集僧望不集者。通皆不犯。故下約打相爲通集法也。律下此說作法。時雖打還須檢校。不爾成別。故曰終須身集。不作相有得成者。即前句云。據立羯磨成而違教和畢。如云僧今和合是。和義何所作。爲是舉義合云。某事羯磨通合和畢。以僧和故。方可舉法。

今若不問於法雖失作法自成

四法卽事法人處可行名是則開反此是非號閉皆須務叶時緣方可施動也。逕述言不可簡逕陳述要在加功勇勩精擇是非。方曰稱量前事也。餘九方陳由稱量後方陳後九緣也。

布薩如籌水有關作法亦成以衆具但是助說戒之軌儀也。其實在於能說所聽行淨方應布薩。縱衆具違教但有不應輕吉耳。若結下卽結界須假立標相也。或少缺者結法不成以下釋所以。

并部卽願師於并州撰德衣卽功德衣法著序卽彼和合下先問和合後問僧集也。至於下彼無法起託處頭緣不足故致行事非也。

●元續作九

相部卽彌律師宗曹魏本。系師云魏彌律師受持此本。銳想箴規雖去尤非未祛諛過分爲兩卷并造義釋是也。六五者如差人無元七中除一又結界不說法起處及以無欲七中除二也。合緣同本上六爲緣條第七是根本。今師凡作羯磨要具十緣彼以第七作法根本合在緣中收故問下斥第六以問在此人。

不可合一又下斥第五。因本卽陳本意中乞詞也。又云下斥第四。古人結界不問欲故。今云下大師十緣中要須法起託處故立第二以明作法界有三自然分四。又雖結界不許傳欲要須問之故立第七。若不審者何以得知無令傳欲故曰無欲也。

佛制下以云律稱量比丘及白衣稱量羯磨等通塞作法界可辨三法是通自然但辨別法是塞。三下非打鍵稚無以顯集時故須也。四下謂作法三種自然四處各有限齊並律誠實文也和相卽茅五應法和合隨人卽第六簡衆是非欲淨卽第七說欲清淨緣緒卽第八正陳本意謂僧私兩緣也。問答分兩卽第九問事第十答成義通相會者然亦有同古師者則相和會而安立也。非敢下此二句其間十緣亦有分同古人立者非敢苟且欲與之同乃於理合自不可異也。前云苟異者乃古人不立今依教立之則於理也自不可與同亦非敢苟欲之也。若然乃見吾祖依法不依人不求其異而異之不求其同而同之。古本曹魏師卽曇諦於洛陽集本光師卽無魏光律師於

●會本疏  
一之六

鄒下集本

初舉名者示巨文也。二依相解示子注也。略示即上約對首歷十緣是也。一二法即注中引持衣說淨等法是。

若對二人反顯是非。但對一人即成如法。小眾問邊大鈔云。必有邊人有須問者。若三十捨墮。須問邊人九十單。墮但對即得。亦有通須問者。謂同覆處露地。尋內故須問之心。在外有障。亦不在通問。若持衣說淨。不論通別。墮下即提至重吉也。僧下此說。懺捨墮蓋懺主不可輒受。故須和白及至懺時。只對一人。人非則有者。如大鈔辨七非中。眾法對首。如自恣等。一者人非。四人秉法第五受欲。如此事類頗多。皆是別眾也。非數即非淨戒等。知而同法者是。若論下謂法非事。非隨所被事緣。而辯各自有異也。四初僧用者。謂四人初得為僧用也。爾時能懺者可對捨衣及至捨罪懺主。作白和僧。為他所量不入僧數。但有三人三非僧數。何由可作白和此義。破斥除癢已盡。如上即法通僧則中云。捨財還衣。僧中作法。正悔本罪。

須問邊三單。白自和如前久癢約數則異。如對三人則言諸大德。聽二人則言二大德。一人但言大德一心念至時隨改。

義下律中眾法對首。但出五法。故大師加此一種中。蘭以上蘭對大眾。下蘭一人。故如上前云。梅蘭限三應歸中品。又十誦云。尊者界內輕者界外。四分下文小眾故也。

下文即指註中並前等下文也。舉位分相。即舉但心念對首。心念眾法。心念各分法事。人界相貌其義可了。

人事者人即獨秉事。如六念等對人下。即對首心念。本對一人作眾法。心念本對僧。作今界無人。故例開心念具分其位者。前云但心念者。不假他成對首心念法。本須證眾法。心念正法。僧中別人非分。但以財法兩慧誠顯六和。若不傍流。何名僧體。故開獨秉何慮。不知以一音普被。故重說善哉。經云善哉。蓋美彼能順法也。重言如是。如經云如是。由即定不虛也。集法雖多。謂五十別法。雖分位是多。而顯示非相粗亦。



明矣。義須下言。但憑數理。仄照舊非。安心何可託矣。  
約人分三。謂四人已上。僧法二三人對首。一人心念  
也。

文義文即指律中七非義。即約今師義立七非。恐人  
下雙示所以。

疏指首疏舉名如下。云一者非法非毗尼等。是得離  
離其非也。此即下言此僧法七非正當前四門中最  
下文也。

通凡聖言小聖猶者事迷也。四心即識想受行。

下文即正解七非文中。若下大師囑後講者。引用下  
六非名文相來。此釋用之亦資談柄。

闕二似者。即闕法相似則衆羯磨法相似和合羯磨  
下自註云。謂先作羯磨後作白名相似。今既約單白。  
故闕此二大疏。即首疏此非下言此二似非對單白。  
體上而起三羯磨約白四爲言。文略白二。餘下離二。  
離二似外餘五非也。皆是約人法事中顯相出非如  
文。即下引律文以解也。

初非即非法非毗尼羯磨中次五下。謂七非中從二

至六皆是人法相對辯非。唯第七是單就如法明非。  
以註文謂如法羯磨須僧同。兼但以詞不止。邊名非  
也。故云末下等就中五內亦同上中間五非除第一  
第七也。非似二則下即第二非法別衆第五法相似  
別衆望非法與相似名法非俱是別衆名人非非似  
二和即第三非法和合第六法相似和合望非法及  
法相似名法非俱是和合名人是法別衆即第四如  
法別衆望如法邊名法是望別衆邊名人非。

恐下儒云天網恢恢疎而不漏。今恐方便漏非。是以  
交絡而明以廣羅也。及下網喻七非之位。魚喻人法  
事非雖備張七位之網。及羅其非者。但在一目耳。苟  
一位入非則法不成。就莊子云。得鳥者羅之一目。  
問下以前云約事明非不離人法及事又事法人界  
四種須具。今但說人法非而不顯事界者。約文即律  
文語下。如云白此事爲彼事。則法非中攝事非也。又  
云應與欲者不與欲來。是約界內別衆則又人非中  
攝事非也。兩界則自然作法如自然地上作法亦屬  
事非。如下釋事非中云界非聖制是也。亦須能秉必

在人也。故事人以收事界也。或下以律七非中全不說界又似略也。

三性善惡無記二論即多難方便身口色聲正屬多論三聚中色聚所攝以作時正屬方便假色故以此為體。若或約當宗則用非色非心聚中名句味為體以名身身乃至無作一十七法在成論非色心聚所取名句味亦曰名句文故俱舍師能詮教以名句文為體是也。

增減白二作白四名增白四作白二名減斯則妄有增減也。善色聲望非惡心邊身為善色語為善聲也不善色聲望彼不來是色惡望阿邊是聲惡也。然作下非法指第三似法指第六二俱法非也。若下謂二俱和合是人如故非惡也。

故下是結文不顯無記今望應來不來應與即第七取若止則何非攝答既應乞不乞增減文句即前六敗也。

如法明體者此師見律云謂如法羯磨須僧同秉召說即訶者如羯磨云誰不忍者說今或有人說者理

須止住今不肯住者便是非體蓋對望如非以辯也。有人下此師意云如初非中非毗尼經不訶者體自成非第七要訶方成非耳如下取第二第三非為例以二三皆言非法是同也。莫下釋非法同貌但下釋成二非所以謂第二是別衆第三是和合約此和別故分二非其實法非本同一耳此亦下合成此中如非義也謂訶止即如不止即非體自明矣。

問下訶不止牒第七非與得訶人訶牒上第二為同耶別耶答下情不同者此師謂心乖故訶訶成別衆故屬前第二非攝是人非也約法下即心同故訶訶成法非屬第七法非中攝也故與前異又下再示第二得訶人訶是訶事故前云謂白此事為彼事作今若訶者是對事也訶法下釋第七是通對人法處三而訶也且約如法羯磨用五人秉今用四人合作單白今作白二合就大界今就欲不與欲前人睡定即是無記。

為集即非法之因屬集諦也能感下屬苦諦也大鈔結界中云自陷陷人脫作受法不成令他一生空過

自身未來還逢此界則因果如影響矣。終是集福雖善惡不同。是有爲俱屬界內。因也。若離非就。如又於如不着者。則成界外道。滅二諦斯爲要也。故受戒篇云。如此發心。尙名邪想。此皆破邪心中語。使離著爲言也。

餘人下指六非也。

三緣卽人法事也。人事非文略法。非前文云初非中三種俱非。僧舉僧等人也。羯磨增減法也。無病有藥事也。故律下顯非法通收人事。則下六可收攝矣。能攝爲總所攝爲別。故上總而下別也。一位以人法共成與位也。非別言是別非總也。

就律本釋七非文。

前六下此師意云。如初非法非毗尼是出名也。註中依律陳人法事。三非相貌是出體也。及至第七云訶不止羯磨。但有其名而律不顯訶不止之貌。是無體也。

應乞不乞如受戒乞今不乞。又合作單白。今作白二。等。今若訶不止卽是第七非體相貌也。何言第七無

體。豈不能出耳。問若訶不止戒場。今若訶者俱屬法非也。

但分爲二。如初約有無三約。如非四約。不訶有訶皆是立二。以收七非。若爾律不應立七非。此未通解。故今斥云未當也。若然則第二師云七體皆具義似長也。違順如受戒是情中順事。治攝是情中違事。又衣鉢具名緣是不具號緣。非又不問心同心乖。但使歸人於七中訶而住者卽非和同之相。故曰住則是別。由住故法不成。非故曰法不可非。不可由訶故是人非不住。故是法非。餘下指解七非文也。

依情能乘人情也。故次云想見紛馳緣數卽下約人法事等以收也。通塞通則爲是塞則成非。並是下謂前已論人法事等。但爲散在諸處。今復明者蓋約義收束。對是非相校以辯使道理通貫耳。

戒同治隔者謂三舉戒雖是同。但爲治法隔故難者指上十三難人行缺一生卽二滅人也。前文云形報未終斯法不絕。舉法少時大鈔云須僧舉示不任用隨順無違方乃解之。故知解竟復入僧用。

緣相少乖者。或入定緣差。或四儀相互別衆收。如應來者不來。或非數攝。如神足在空。等向下四科。歷對三業以辯也。

露在下。謂露地作法。一人在八尺之外。兩不相足。覆下卽覆。處此約比座展轉。離見而聞聲。或覆處有隔障。見而不聞。聞而不見。應來者不來。此皆屬身業乖也。應與欲者不與。欲來是心業乖也。

應訶者。顯非奪三十五事人也。此是應訶人望法邊。是口業乖。不妨心同身到。故曰身心集也。

三下心同。僧秉口不訶法。但身四儀乖耳。背面病雖開。隨意坐臥等。而面背僧者是身業別也。

心無非欲。非不也。言心非不樂欲也。未開言未開通耳。捨性以三受中捨受攝入。無記性也。相務相收。三

業務總羯磨下云。但本應務是也。誠其身以耳根屬身。故斯等指上癡鈍人六和戒見利身口意和也。四準卽四人五人十人二十人。此四僧以爲一化秉御之準的。

而見下壇經云。釋尊一代僧具六和一見不和兩不

足數。而心不集。卽心乖。故訶也。故下引證。心口集者。由傳語表之口希欲之心而至也。戒下并上三種成六和義。

難遮卽十三難舉滅三舉二滅也。法下如式叉等三衆法不具。癡癡具二等是報不具。當下出可足義事。從下謂常塗皆言。因親緣疎也。今約作法時三業相同是親也。往時帶難等是緣疎也。又法對前情非情等事起是因也。今但同秉是緣也。但下謂本應生善業務。今三業之相無乖外。又不知可入僧數得作前法。故下引證。既曰知者不足。反顯上不知是。足受已謂受戒已。方知和尚等破戒。然前法已起。故曰並是天通多論云。不得以天眼觀人善惡。但以肉眼意亦可見。

辭定醉約須漿誤飲人也。若約相如。如入定人與僧同坐。應可足。耶答文可領。

問下一問足數輕重二問別衆輕重。睡定語。語卽開語人前事。如受戒等。則令他一生無

戒。豈非重乎。準與未滿人受大戒和尚得提亦是令

●不字義

他空受例。今亦應犯重提也。遮難體非者。遮難無戒。但有禁道體非之人。有戒可違。故云自他俱重。他即僧也。由下伸自他意也。以知彼犯何得同。求大鈔云。知何不說。若下例如和尚雖破戒。准他部在十人之外。由彼知。故是自得重。既在十外。故三師七證。但犯輕吉也。餘法若欲免者。不應納之。則吉亦非者。不妨自成前法。

好人即清淨者。以犯戒人別亦無過。故大鈔云。別衆一種。唯據清淨一色。今或好者不集。自惱他。故業重也。聖或下竟云。有聖人在界內而不知。不以不知。故在界不集。而不犯別律云。有比丘無想羯磨不成。而犯別具障僧別者。即障僧法及對首心念。別人法皆不成。故體淨重簡上。好人意謂若體應數不集。須犯提若別犯僧殘已上。失法之人。但得吉罪。故曰輕。若然則重輕之義明矣。

如前者指上集法緣成中。彼云。總集三法區分之意。又曰。依人弘法人分三位。即僧位二衆多人三一人。今言三階階即位也。九品者。前云略分爲三。謂心念

對首羯磨廣爲九位。心念分三一。但心念二對首心念三衆法。心念對首分三一。但對首二衆法對首三衆法。小衆對首羯磨分三一。單白二白二三百四。是也。識鏡通塞。識知明照。故取鏡喻衆法。無人開作心念等號。通心念不通衆作名塞。若前了此。可以即事即行。不思。塞滯聖導。

依持謹唱。唱即誦也。文句明了。即前三後五句分明。曉了增減。非相者。若綱骨中增加減略一字者。即便落非。今則無也。一不參涉。謂一百三十四法中。綱骨緣兆略無參涉也。聽忍說默。聽則耳聽。忍即忍。可不忍。即說忍則成默。冷冷然無有異也。緣本屬結者。如受戒單白中衣鉢等是。緣具足戒等是本。又第二句緣中緣本雙陳。第四句緣略緣牒本。乃至最後再騰前事結歸。亦無有蓋者。並由秉法者聲音曲折之相。唱白告令分明。同秉之僧六和相順。約此已來名爲相是也。

乃作二三本作一單白。今作二三單白。羯磨亦爾者。本作白二。今增白三。白四。或本作白四。今減作白二。



卽事鈔云以法例通於無準是也

二似卽第五六法相似非爲先作羯磨後作白

累罪積累其罪而加罰也如合作詞責止可應作詞責今又加擯出羯磨也等者取第三依止四遮不至白衣家五不見罪六不懺七說欲不障道羯磨也覆藏等四謂有覆行三法無覆行二法若再犯者與本日治今不論有無具足行四法也滅諍等七者合與現前毗尼今又加後六毗尼斯皆無病輒加藥耳故成非也

白中下如單白有四句成白五句成白今於四增爲五減五爲四又於文句前後顛倒羯磨亦爾者如緣此中前要緣本雙陳令却單陳根本是減也後要略緣陳本今却緣本雙陳是增也同下先應難云此與前第一增減非者有何別耶將文通之全白重者應作一白乃至二三故

不具者或網中落字或緣中辭意不足前下卽文不相貫也

互合卽情非情合事如離衣杖等如已前辨

此非

不枉猶不虛狂也人下舉作法離衣說並下結成其實下解上實字

形法兩具形須規頂矩袍法須先受五十而不破重受體非是正要蓋受時儀相必須之也多罪下約懺罪以明一悔卽同篇合懺也相下卽折伏之相應教也體下卽上云懺非蓋疑六聚體別故條下上舉受懺情事既然餘非情互合亦可比類而知也

難障卽十三重難障戒不生故下云盡形障故詐下實有狂病者方可加法今詐作乞法不可輒被無相不豎標唱相也或虛指山谷不了分齊或無留難妄結三小也反前卽體是中

諸遮卽十六輕遮也兩是戒非由帶遮故於戒不發故成非也非同前體言不同前體中十三重難永障戒此若改轉理是通得如衣鉢非具年小待滿之類律文下引現前毗尼中文處現前處卽是界以羯磨所起必在作法界故事無容隱生起事現前也五此卽律中非法別衆羯磨等五向下爲引又前增減等五非也

爲四非人法事處爲四非也。二合爲六一合三合爲三。一人法事合二法事處三事處人四俱非也。不可限約言其多也。總合者於人法事是非違順之外別立第五通難一門以攝非相知何不該故云望攝爲盡也。

佛下示註已下各牒隨解故於此不分但總言七羯磨非法。

別人下此解能乘之非以一人不可行羯磨故。

四人下雖能乘滿四是強然不可舉四人故便成僧舉世也大鈔云若有一人三人隨名牒用不得至四亦闕者恐眷屬助破故一羯磨牒一切僧者如行懺法通衆多人以一法懺是也。

如上卽前義說中廣約事辯非是也。又上引律云或法不稱事事不應法或法事俱互皆號非法非毗尼下可知者示註中毗尼母下等文。

白下以攝衣從攝僧界起今於場上時到前用白牒云此住處比丘稱四方小界相於忍聽後却牒結不失衣界是也。若牒下如白二轉牒作白四事是名非

法非毗尼中收刈割也。此立非法制。

三別衆卽應來不來是應與欲不與欲現前得訶者訶。

訶前兩別此師意謂第三自無別位但是訶前應來者不來應與欲者不與欲來二種別衆故此下正行若只立二種不應增三文也。故佛言有三種和合反此別衆當知後之一別正約訶法非謂前二種第三下既曰羯磨又曰強作顯是法也。非是訶前二種不同得訶人不肯同也。遮成亦是約遮障羯磨也。若以此五分十誦二律證之則知昔人之妄解矣。

相翻前云應來者不來等是別衆今翻云應來者來是和合也。又前云白此事爲彼事等名非法今翻云白此事爲此事是如法。

初非所收者卽第一非法非毗尼中也。反上謂反前別衆成今和合卽應來者來等。

律出其人卽出訶人不出訶人不正非體如上卽體有無中訶止如法不止非法是也。人解卽古師能訶下言得訶人訶唯屬於是不屬於非故曰唯是

非非上非訓不通是非者如法羯磨名是反此號非又受戒等法名是媒嫁等法屬非非人非善比丘也屬不得滿不得訶人訶已不住此法自成故曰去即是若住者反上成非如人即善比丘此得滿得訶人也或彼訶而即住者是名為是故曰是是若不住者即名為非故曰去即是非去即秉法不住貌持律行淨者是得訶人也反此不得

不同即不肯同秉也僧不得強作若作者得吉

界外不成即界外訶不成訶也

二難即命梵二難見不欲言聽說見不欲謂不忍見此事心不欲故如是三說則止不得至四鈔引云當語傍人言此非法制止得三人是也若至四人則成一衆衆以和為義今若乖見客致僧破故但至三餘下彼律又云若作非法制者應訶令止不者當說如法欲已起去又毗尼母論云見衆法事獨不須諫應作默然不遮下意云衆中有如法比丘不能遮彼非法又不能不與欲又不說見不欲故犯吉

過別者隨事約過實有別也三十九舉單白數也四

緣即法事人界文中相有并相無對翻可解下文指註白二等文

界非不無若據作法須約四緣今七非中不言界者謂攝在事非中故事非文中註云界非聖制是也離下遮人見之局也

不得聞者以有犯者不得聞戒故能所能即能說所即所聽故律下證所聽非即訶不成凡別衆者豈成訶也以得滿方得訶也威下即四儀不同也僧祇云行作羯磨坐則成別等故曰不應教相

非法和以衆不滿故倒錯倒謂顛倒錯即錯脫在三四分三日說戒即十四十五十六難開

有緣即八難餘緣開略說戒少即一篇多至八中間對望可知緩急者緣緩可廣緣急可略故律有十五略七略一直是也而合作法契合緩急作略法也今並反之無難別緣言無惡比丘作留難而為別緣結小界說戒等即解若起迷方無由再會故不應不解而去

錯互交錯綺互也上三下言四五六三非不可一時

頓現故得交互織成以爲綱目羅非令盡耳

因解下因上說無難別緣結小界又不即解等故此  
況評也須解羯磨者謂前曾加法後須用法解也  
無心領約前無心領受也只如訶責等七種羯磨雖  
面而作以是違情故終不論心領受也以至學家覆  
鉢不禮非情等六例之可解

七治卽訶責擯出依止遮不至白衣家不見舉不懺  
舉惡見不捨舉罪處律因家力與外道論議不如前  
後相違佛言僧應與彼白四羯磨治取本罪奪三十  
五事若便首本罪者應白四爲解頓狂卽中品狂人  
先以法被後狂止當以法解學家卽見誦之家供養  
既多衣食之盡居士讓嫌佛令白二制斷比丘後當  
更別覆鉢彼檀越家不肯受懺僧作法被無任受用  
義同覆鉢後若起信當以法解不禮律因迦留陀夷  
作說語佛令尼作不禮羯磨後若敦慎開以法解擯  
沙彌卽說欲不障三諫不從宜卽擯遣後若從順亦  
當爲解二義分之者謂十三種所以立法解者有二  
種義一者闔爲解後再得有用應應僧數二者治日

無限則盡形不復交接機義故須爲解如下引二事  
爲例

功德下應先難云此六約無情說解者且如出功德  
衣衣亦無情何不在數將文釋之日限從七月十六  
至臘月十五日開受五利此爲限也恐人妄越故須  
法解縱若不解至限自失故不在數也則不同大界  
等六

以非數者謂先受不得故又犯重則財法兩亡故須  
解此約捨戒論也

爲緣違已不能防制開捨戒引後戒若不解者帶戒  
犯重便成邊罪一生永障捨已後開重受

俱作五非律四十三云爾時有住處僧爲比丘作非  
法別衆羯磨時衆多僧共諍或云非法別衆羯磨一

或言非法和合二或言如法別衆三或言法相似別  
衆四或言法相似和合五故曰俱作五非又曰或言

羯磨成就或言不成就此屬兩人并前執五故曰七  
人共諍成不成也今意謂如來在世比丘尙有迷暗

成非況滅後乎理須詳審爲要故戒壇經云佛世執

法猶行五非豈是不學爲知人邪臨機心境逆忘故也

以非下雖隨事有異若以非相之義攝之則通也何

者莫不對首之人要是足數淨者此示據下若以對

首之法施於持衣說藥等事上不妨託相有異如持

衣非說藥等雖然於彼衣藥之緣必須符教故曰如

也此示故須類例通解也持說持衣說藥也

重緣犯夷也三根見聞疑也

答下境既不一戒亦別發今雖犯重於持衣說藥上

先已發戒故豈得不行學悔即學悔沙彌由自他兩

穢復又知聞故乍下言乍可作心念持衣也若下此

約類同故可互對首加法

證語證陳說之語或陳詞有闕者須詞令止不問前

人住與不住皆成人非以得訶人訶故

僧是別位以四人僧自作衆法故下流七衆之末非

同類故

二名者謂不牒已名及衣名也今下以僧祇通夜護

衣四分但護明相若用彼法加受即隨行不應受體

今宜用十誦則理通文順以同護明相故

五色五方正色所謂青黃赤白黑也上染則五方間

色所謂緣紅碧紫驪黃也

交絡者四者人法非不妨事如五者人事非不妨法

如六者事法非不妨人如七具三非並同上

五里此約無難闡若須五里集餘處界即餘四處五

相也

能敗法人由彼訶故其法敗壞所謂心乖故訶訶成

別衆即人非者法由彼訶故敗人非若下或有訶

已前人不正者此法已被訶不論是與不是俱屬法

非聞止故去者言耳聞前人訶止而故意棄去雖去

非法若隨訶而住者是如法也不忍而說謂證對人

內心不忍故說法成之義既非獨建故法敗矣

捨懷等三即註中三事人法和合戒疏云身口意和

所謂人也戒見利和所謂法也僧私如捨財還衣要

在僧中乃至捨罪但對別人故曰私也義既不一故

須分別

小小長尺六廣八寸財過十日限者作提憊不滿尺

六八寸作吉憊故知大小俱在憊限今下行非論有



誠文者多論云不應量財得須說之不說過限則結吉羅既言不應若大若小知何不說同染者大鈔云能染應量所染云何答通應不應如足食竟正不正俱犯足若能染是不應量財而染應量不答大小雖殊捨穢義一律結大提論結小吉故皆一染雖下結行古人雖懺應量不懺不應者其罪不脫通下結歸正義

重物即被褥等律云若他與作被不犯大師解云以是重物不應輕財不合說淨既無違說之過故非捨懺小鉢即非應量者不許受持及說淨也正色即衣作五方正色亦不可加受持離亦無過邪求即五邪四邪求者亦非正教所許皆墮但犯提罪不合捨懺不合受淨言不應受淨法也既問何有捨懺之理非疑盡捨乃謂過分故經中並結無知罪也次下引律議者懺悔疑者發露有覆不治日月者開疑罪不結覆藏也鈔云不憶有疑不識並不成覆

對與非對者輕吉但責心重吉須對首如下謂捨墮中有覆藏之吉對一清淨人悔則當正儀也異篇非

律者謂同篇合懺異聚別今覆藏吉不可與墮罪合懺也又輕重二吉名字雖同亦不可合懺餘二即對首心念及衆法心念有人依本若界有人者須依本作對首衆法例然餘文下指註並須准例隨事曉知之文也

四分律隨機羯磨疏正源記卷第三

紹興府會稽縣雷門卽學平里學部堰西大湖南岸居住敬奉

三寶弟子魯濟妻丁三九娘自念年當成立之餘奇偶和懷而經久未產成家之風常懷貳貳之心欲遂夫妻之願望須憑佛法之良因虔施淨財鑲茲記板贊釋毗尼佛壽流通後末世時善果難量祈求有託然冀佛慈副禱天意冥休妻躬懷福慧之男子位有昌隆之望

昔紹興戊辰三月圓日 魯濟謹願

四分律刪補隨機羯磨疏正源記卷第四

天台沙門 允堪 述

●會太疏卷之二

一家者令自爲一家著撰簡異先師等餘家也已依界而生非羯磨地不可行僧事已行猷猷者道也勿高於戒以戒爲萬行之本故鈔序云戒德難悉冠超衆衆隨相隨依受體而起相違事境而生事中之要衣食爲先故得次受而明之願行願對受行對隨衆別者衆則四人已上則則三人已下諸說戒者即衆法對首心念說戒也又白黑非時廣略不同故言諸也又下引僧祇乃至清信士女九十六種出家之人皆半月三受布薩故彼文云佛說清淨是名布薩居法即諸安居篇畢法即下自念篇明志畢法也諸施法即諸衣分法篇明時非時等施上篇通括上結界等篇也諸機法即下機六聚篇也

光師下謂彼所撰約僧尼兩位自分篇次若據律文不無先僧尼後之法如尼律在僧之後雖然今師意謂至於結界等法僧尼有同者但在本篇隨時分取若更各立徒盈卷軸今但下出今家意於下八篇中

僧尼同作曰通各行曰塞一篇之中隨類自分蓋準隨戒之下有僧尼同犯不同犯及三衆結吉之科律中既有此式故令得隨當篇之通辯也若然則於一篇有被五衆之機也立題之意予以見矣

○釋諸界結解篇第二

人衣食等不同曰諸隨事分限曰界作法如約名結捨舊要期號解篇者章品之異名跋渠別號應法部正言伐伽此云人即攝僧界衣即攝衣界食即攝食部謂部類也界據下以律說戒結界在先衣藥居後蓋當初時約緣起立法以顯今亦約此義次排其次

於此下釋上通僧體義也由有界故方顯六和外衣生下攝衣界內藥生下攝食界形別有須者謂有待之形既別故須衣藥又界關隘狹須結攝衣中下根人故須淨地故次攝僧而起兩緣即衣食

羯磨下由此二法是建立正法住持之本也由下出能弘之人通遵羯磨說戒一化之僧通須遵奉理無限礙隔別此則刻浮之洲境通爲一集也故大鈔云刻浮洲境彌亘既寬每一集僧期要難尅是也但下



生別結之意爲奔馳難集妨道等緣也。界約通蓋言若約剽浮之集則用約束蓋在於通漫也。縱下雖有同和之心而形影趨赴爲難能也。徒損正業由奔赴故損功廢業也。前緣卽機緣隨境隨四處六相之境集僧局結也。一開開結別住也。作業卽羯磨崇和崇尙於和也。先開卽開別結也。後制卽制崇和也。

諸本諸律本也。非正本音顯上四摩是本梵音也。今下出今界意四種聚蘭道水六種卽聚落蘭若開二成六如上緣中卽作法十緣中第四約界明緣中辯也。爲三下卽有戒場大界無戒場大界三小界也。七界就大界又有三種謂人法二同法食二同法同食別并三小界成六兼戒場成七也。相攝卽上四緣相攝中。

初三卽註中大界又有三種是也。大者須制或結大界不可越量以隔明相者大鈔云後夜受欲羯磨在明故告欲也。準此下準上十四日先往之言約可强百里也。

四十里者智論由旬三別大者八十里中者六十里。

下者四十里此謂中邊山川不同致行李不等四分衣法中由旬準有八十里者此據上品爲言通用所歸準律文意應百二十里以下品爲定僧下卽僧祇五分善見並云三由旬爲量合角量取顯方維俱三由旬也。

一拘盧十誦多論計二里十拘盧共二十里也。若下約山寺上下互明寬廣也。但在十拘盧內也不下恐高下大相攝故特顯之。河水以律有合河結界故岸相如從彼岸唱相過則河水結入此界要須有船梁方可恐卒集爲閤故易陵辱由女弱故也。薩婆多云尼結界唯得方一拘盧舍也。必有難緣可用僧祇三由旬內隨意結取缺疾也。

除下若淺水無難準理應得多云卽多論僧祇下彼云河水中有洲應五處作羯磨具如下明爾雅云水中可居者曰洲。攝衣有文卽結攝衣界緣兆云除村村外界反驗攝僧界既無此文故知得合結也。於中布薩旣行布薩必須結界故合村得結。

不能僧中猶言不能同一僧界中求別結一屋也不

持下恐有離衣過故亦除下因而明之由佛僧位別也僧表表外也

四邊開路即中隔自然此中隔不屬兩界屬自然空地也以蘭若翻空處故下文云內外兩相前後別唱所除之外明是空地鐵圍山應法師云梵言柘迦羅此云輪山舊云鐵圍圍即輪義本無鐵名譯人義立耳今圍輪界名取此義也誠文即五百丁論二十出罪即出僧殘罪彙所爲者釋上一人僧住以場非住處故縱使王立有慚則壞餘材草送住寺比丘依坐而結此據不立方相故直取僧集坐處爲界內相也不開身外此冥破古也事鈔云北人行事若結小界受戒多立院限此未通知准如律文爲遮惡比丘故令猶坐外有界終不免遮又下指上大界相戒壇也一時即一席作法也作已即解不爾起則迷方矣後解辯小界中

自然勞倦即統通自然有奔馳之勢也故開隨處局結濟利時機界限下爲界中數有四人事起有妨自行故開結戒場也上二大界戒場非務即惡比丘障

彼事務故開結三小如文向下對文次第自解

二同即人法二同餘二即法食二同及法同食別如位指文分三位中依僧地爲所依僧爲能依也前言初結時羯磨聖言後轍若有乖違則後之說恣等事不能成辦若顛墜而傾覆何有軌轍迹可存乎四門今師斥古太略今以十門舒括則免叢雜交參之過也浮漫浮汎渺漫現行無臨機之用也故下生下立十門意披文獲事言披閱正文隨獲事類以作十門依標識體依標相次識界體也豈直指山言不得直指山過恐不識分齊故四分中東方有山稱山有壘稱壘等大師云準此立法誠所不可據下要於山邊峰畔則立標相故曰指別處所明了彼有十七種別住所謂長圓四角水波山巖半月圓輪等皆有分齊無容渺漫準此下准別安石之文若山上則立標者理可分通別也草竹下次草則不堅竹體空依邊要傍樹穿樹心過方得不可通漫標指樹林極小如針此約大針爲言也以終有合抱之義故窮途言不通餘處乃窮極之道也短下至經三四村者此路必不

●即續作便

廢也。蟻封相蟻子運土封起成相也。好王下謂明王治化雨不愆期。此江不可爲也。若一季不雨。水流不竭者。此可爲相。以□久故。自然池亦取泉源不竭者。若下以不久故。

一時規域猶一席之間。作法規定限域以作羯磨作畢。卽解者用上草蓆等可也。律論卽本律善見明了大鈔云。準論徵律城壘等緣成相。可知文意同也。十七者疏但列十。今爲具引。彼云一長圓則住二四角三水。波四山五殿六半月七自往八圍輪九一門十方土十一四廂十二繩十三比丘十四優婆塞十五離牆十六圓滿十七觀狂別住。

得在下言得之在妙者。要十緣具也。對少也。必在體外以相爲包體之法也。

隨約內外卽內唱卽外唱俱得也。終識尺寸反顯漫指不可也。三相一戒場相二大界內相三大界外相無則一重無戒場者。但立外一重標耳。遠近闊狹也。一肘尺八寸明了。下古人引證。旣云一山一石故知標大者得。又如下此引十誦四十七卷中並結卽相。

●石是不

並結也。佛答下言內外兩相各說起盡周匝又相隔。還古人準此標不可決也。

今下出正義也。二繩蘭若聚落爲二繩以繩引法繩下卽體豈俟一肘已上耶。又若取山石爲例者。縱闕不分此亦不成。當知標雖寬狹若解分兩相之異何往石可由下釋上使舊住意也。

雖下大師約義斷但取解者不定主客義當去平言。容有解者約義可當於舊住之者。

五分下旣言使一比丘彼亦不定舊住又唱下此約先唱大界內相隔除內地也。今下出今行事謂先唱戒場相已次唱大界內相後唱外相則不須先除內地也。所除卽今中隔自然至文指下結解文中又解文中亦指此云卽初義第四門也。

結下是縱忍下是奪安人立望卽未受戒者人八卽比丘也。當先下順著衣法也。非數何損破戒不解律者本不足數縱別有何所損是足可遮者謂持戒明解是足數人若不集者遮障法事。相寬自然界寬於標也。標寬若豎標寬於自然界者。



當盡標集不爾則唱時結時別聚在內自然古謂縱使標寬亦只要依自然界集以下申所以也故僧祇引此類文也

三由旬此遮難寬結百二十里界尚並呼來故知盡標內須集若出界卽三由旬界尼界不妨者以僧尼在望爲自然相足也亦不須喚以自然地弱無集作法界僧來之理反此未結理須通集不可下卽依法不依人依義不依語四依之二也

自然本弱大鈔云作自然界弱僧事不行卽不勝欲等羈磨也不開上應先難云若爾何以開作結界白二耶將文通之未緣因僧作故方許傳欲又結界是諸法之本故不可例也界是下言若結已界地屬強可攝欲法反此未結是弱故不可也

依正兩報依卽界地正卽比丘若開傳欲而結者則不練依報之寬狹也又何以辯護夏別衆護食等制乎

初依自然者卽初是統通及指說堂以隨僧到處身有界起約此而集也混亂猶無標相定指故不定處

法苑珠林

大鈔云每一集僧期要難尅是也立相加結者因上奔馳故故開別結既許別結則有審知說處等四益也弘義弘者大也又弘通也恐同法界前雖誠約猶恐忘者不來同於作法界比於常時而與欲故又約之

初文後義者此點示註中從是中至隨有稱之已來是律文也應須義設下是示後義也初中至行事來重點示文義也此一下迷意言此一法最是衆法之宗本若不先成後法起無所從故曰羣宗也故須下生下義設之意也

疏者下申繁之所以凡作疏大意在疎通次擇文家之藥滯今未通暢故又疏決也未勢下言未勢後人煩其思慮隱括尋討虛喪累世世猶積年也唯在自然次不許重結故約標若標寬須依標集界寬須依界集四人言四人可行結界也簡異五人爲唱相入入數故非數神足在空狂亂睡醉雖四不成引文告令卽先指四標在四維已告示內外唱法等恐蓋爲別恐云牒名入法故蓋在別人所收不入僧

數若爾或有稱名爲得以不亦下是釋言雖稱名不  
是私爲故入僧攝後云下以羯磨緣中云結作大界  
顯是爲僧故名則是緣所以唱相不用稱也相則不  
爾以羯磨緣中牒四方相故如下簡他文

通約山水者此舉爾若唱法如東方有山稱山有靈  
稱靈等是不委分齊也從門直過此約聚落唱法也  
如內外兩唱不解屈曲唱出入等廣下彼云如從院  
外唱云從東南角直至西南角乃至一周正南寺門  
則有別衆之過以界限從牆外直過門限外則成界  
內若寺內作諸羯磨之時牆限外有僧不集豈非別  
衆故知唱相必須屈曲唱出不令後悔亦不可籠通  
云隨屈曲屈曲亦通深淺遠近終成不識分齊若從  
內唱相從門直過則限內是界外也便有別衆破夏  
離衣等過如寺中作法有人說欲訖至門限內還復  
到來豈非出界入界是別衆也若破夏者有人依界  
安居明相出至門明了及反豈非破夏言失衣者依  
界結攝衣界明相未出不持衣往明出界外豈非失  
衣故委示過然後唱已上

鈔云

中一作寺

唱下注釋三唱所次前二卽上座次座後二卽誦律  
及堪能羯磨者

上無人言在上無人卽名上座母論彼云從無夏至  
九夏是下座十夏至十九夏名中座二十夏至四十  
九夏名上座此約夏次名若局就德顯須準下十誦  
以上座說戒正是補如來處也豈非約德解具乎所  
壞卽識智寶昏朽也身子以其母好身形而聰明之  
相在乎眼珠因名珠子亦名身子言是身之子故也  
法輪大將者謂身子智慧第一能持正摧邪故以名  
也智論問曰五千比丘中有千餘上座所謂遍樓頻  
羅迦葉等何以正說此四人答曰舍利弗是右面弟  
子目連是左面弟子須菩提修無諍法空第一摩訶  
迦葉行十二頭陀第一乃至是名知識比丘誦文卽  
三誦律義則第四能作羯磨者若下釋四能作所  
以謂雖不能連句累紙誦文而能曉義者也斯爲上  
矣

餘律卽五分應預者既有能必已曉達成敗應預  
宣秉如未閑習羯磨之法乍許學悔之人亦下大鈔

云若論學悔是不足限必無解法亦開東之別亦無過則中間人也

九等參差者即始乎但心念終至白四九等差別也緣非即前辯十緣并七非聖教即羯磨也能證文言所詮義理但綱者爲通緣非爲塞耳後文指後諸羯磨文也次了此意故後文不須復用申解也不能下如次科廣明未有所用爾學者當省此意也餘漢書應劭云權衡也韋昭曰秤錘也今謂平量敘述也誠耳識者令攝耳動識聽所作法也兩聲別召者戒疏云此聽心用和忍之聽異上初句耳識所得也不解此二聽聽同聲者則言表不通不成羯磨也前聽即在去聲後聽即是平聲恐不解此違損事多自說戒時罪福由可脫臨受戒惱害尤深故須極誠也第二第四指兩句緣兆也但前句緣本雙陳後句略緣牒本結界下言結界是令所爲事二同則非也蓋本因說戒故相因牒八律本多然言諸律皆如是也爲界是本故情事若望結界本屬非情今望比丘僧和同結邊故屬情耳

語默律云忍者默然不忍者說不可久言即說也在事即結界是所爲事今車舉陳此約羯磨也兩告一單白中告二羯磨中告俱已忍默也後語即默然下至持字時牒二即緣本也白四法者一白三羯磨故曰白四及至羯磨說必制三可爲高例也上三今師與二古人也司南即指南車崔豹古今注云大駕指南車起於黃帝帝與蚩尤戰於涿鹿之野蚩尤作大霧皆迷四方於是作指南車以示四方遂擒蚩尤而即帝位後故建爲舊說周公所作今謂各有指示之義

顯晦顯則存第二句晦則略之有下如有緣起等須五句成白無則但四句成其二即緣本也差人如律差人分房舍臥具及差人作功德衣尼差人請教授是如前即前云無則略之無下言不可論四五句也第一即大德僧聽第三即若僧時到僧忍聽第五即白如是第二即緣本雙陳句第四即略緣牒本句一事隨結界受戒等事義通皆是前廣後略通告僧也試下生次科也

●疏證治

布薩說戒華梵雙舉。今云衆僧說戒疏中改布薩字爲衆僧非也。南山依律而書。非謂後人錯誤。何得擅改。是一俱屬緣非也。

結翻非淨者。卽結集翻譯言有重雜。故使文不淨也。故下文云。洛文不淨。故失剪耳。何下言此羯磨緣中亦只牒本括束文也。

文義皆通者。既屬綱骨。則通九十五法也。義通文局者。緣本雙單。陳告和默。是義通也。隨事牒緣。是文局也。

更牒一兩者。謂文局義通之式。下徵起中更牒一兩事。法重明也。舉奴加反。率引也。頭墮踵足也。言以後著

前以前著後也。及言詞迴互。頤□失脫。是此之者。或求爲他和尙。良由不識。是非安謂得成。豈未見此疎理之文也。此詞卽上斥辭相似。比丘以無戒放。但外

兒似比丘也。大集有言。無戒滿洲。此言信矣。

何下前言義通文局可領。何謂義通耶。治文卽治理其文。不淨失剪。截斷尙書序云。剪就浮辭。一准羯磨者。將緣非與綱骨一同。不許增減也。大鈔云。然須知

處所不得電同文義下說綱骨也。

所言無詣者。謂綱中或少一字。則令所置之言無所至。詣文下說緣非通增減也。豈得二別意云。亦可牒二同也。今何不列。盡是略耳。如下彼云。共住共布薩。共得施。如諸界卽四分結戒場。及小界等大界。由大以簡小。象正是業本故。

不可略文通略義通。卽綱骨句文局略義通單複文略名單詞重名複。但使不失其旨。尙書經中也。例今緣兆增減無損。如下引例。彼翻三衣爲臥具。但得衣之相貌全失。袈裟之體尙自用之。如戒本云。作新臥具。應滿六年持等是也。

如諸下言綱骨增減無殊。文局言緣非增減有殊。只如五分結界文。單白尙無第四句。羯磨中又無第二句。尙自得成。以緣通增減。故部別各言耳。不可增減。故並無異詞。故云意可見也。

假用卽上辯能乘僧中云。佛法顯僧其必四人。莫不攬假成用。又定僧體中云。攬陰成人。人假爲體。實法無用四人。假用爲僧之體。今雖同乘六和假用。未顯

成不要在一人已上語默表。和若一人不和。是法不就。故須問別。

稱事不成。但言如法僧事故。餘法不成者。若云同一說戒顯是結界後。只通作說戒餘法不成。耶。前總說事則局者。如云爲說戒事故。與欲則不應分衣請日等事。今但言如法僧事。則隨應僧中一切善羯磨也。別有事起不用停住。別往取欲。今結界不爾。是結後爲別別作事故。所以緣非中結作大界後。方云同一說戒。不似下以欲詞中。牒如法僧事在前。後云與欲。故不相並。故下引證可解。答下因說戒故。方立羯磨。故說戒爲本矣。

命行見具。命正命以離四邪五邪。活命和也行。卽戒和也。見卽見和。上舉三業。次舉三和。下云六和具顯本結也。本結者。以本結界正爲說戒。故羯下此師意。謂羯磨或爲僧作。或爲別作。說戒不爾。通爲僧別。故牒說戒不言羯磨也。

異界詳集。如有戒場大界行說戒時。必須詳悉四處有僧盡集。乃至圍輪中有僧亦集。所以牒說戒唯同。

●會本疏卷二之六

界同者言羯磨唯簡同一作法界者。方同行之。異界不須也。次下申所以反顯說戒諸界僧須假也。

有人下此師意。謂不牒二同結界亦成。今所以牒者。當時爲說戒故。結是以隨牒如下。此說不牒得成大。下若大界不牒不成者。餘小界戒場不牒亦應不成。內有諸界如圍輪別住之類。既有多界後。若結時必須各隨諸界。牒出不可依文。誦云於此內外相內結作大界耶。答下遮繁也。言不要一一牒諸小界。以除空地。亦只言於此四方內外相內結作大界。亦得以此界望彼界。皆在我界外。故以相下。以此相望。彼相但先唱結在裏名。內後唱結在表名。外又如大界內相望。外相亦得名爲相。有內外以體下。卽中間法也。望內外相相必在體外也。

言無謂無法起也。然下申所以與行者心俱行者指所被也。謂能秉所被二俱同心。則有無作無心。則無如受戒師秉資受期。心有法得可得。故今下此師正顯謂結界所爲是地地屬非情。故無法起。如律下引證以律云云何界現前作羯磨唱制限者。是故知無。



有法乃至下義例也。如衣鉢藥加法受淨則免其罪。何有法起大鈔斥古人引證云。此謂加法之所不論法起有無。若然。乃是吾祖取下科也。

以作下善生經云。世間之法有因則有果。如因水鏡則有面像。故知作在前生。無作後起。又成論云。因心生罪福等。故名無作善行。陰以善行心中遷流造作成。故屬善行。陰攝亦爾。惡行心中成也。業力因心業力以感法起也。

水輪以金輪之下有水輪。水輪之下有風輪。大鈔作水際義。同以界是色句絕。

是別非數。由在界故。是別衆十誦樹上比丘。故非足數。若枝下。謂比丘亦在界外。枝上者。開不犯界外下。此約根在界外。枝覆界內。望從根斷。且說開之。十下引證。此亦律文未了。准此下大師義。斷須根枝俱在。外比丘又在枝者。得餘如鈔枝結界法中。引小法滅盡經云。劫火起時。曾作伽藍。所不爲火焚。乃至金剛界爲土壘也。

優婆塞以受五八戒心奉三寶。屬七衆。收故得守界。

卷之六

不失若聚落下。以聚落爲賊所得。諸比丘必於一切界悉皆外之。外卽棄捨之貌也。後若作法當復結之。故次文云。由棄故。一切界外下文云。捨界背相。一切界外意並同上。

不失淨地。以淨地屬能依僧界。是所依。令能依既不失所依。故知在餘下。彼復云。若疑應解已更結。故知界在不淨。卽宿糞等。

僧尼互解。如二衆同行受戒。必須互解互結。彼此不失。今雖明結。必須先解。故可例知。不得相差。言二衆既同秉故。不得界相相差也。故論言得共結者。則二衆共行事。時尼須結界。不得與僧界相差。又恐出僧界外。非成同法。故異見六和中見不和。故兩不足數。淨見下文云。如拘賖彌亦不同。和同界別說。開也。僧破如邪正二部分破。如法僧於上開重結。彼此無妨。已壞言已破壞也。法語卽如法語者。成捨成捨界也。反上卽非法語者。雖解不成也。中邊二方語言不通。故若後通者不開。

反上反上卽九門也。如相是則成。非則不成。等相接。

二界無中隔自然也。錯涉二界相參也。無濟卽無橋。船濟渡也。緣非單覆者。收離七非也。

累言猶囑累而言也。四攝卽下人法處事爲四。臨御臨莅求御也。大猷猷法也。道也。多人一付結已。經六萬延年通未來。僧於上作也。非蹤不合教迹也。彼我者。自結不成。復令他於上作法。被事不成。是同陷也。遮障也。

二同卽同一住處同一說戒。今解不可同也。何下應問云。結時云此住處比丘唱四方相及云此於四方界內等。今解時何不牒云於此四方相內解界者。將結界下文通之。

文下卽在註中引律文也。俱是外故者。約體望之。兩相俱在體外。又以此界望戒場。戒場又在相外。此下皆歸前總科也。以總科名結解。差別門屬第四。今明結解已竟。故收歸所屬爾。

卽道之具言是修道之器具也。機至下謂有此機至教豈不隨機而通乎。還用人法卽還用同一住處同一說戒。今所以言同說戒利養者。隨本緣也。又雖賺

同利豈不同住乎。故知俱合也。

利豐彼此釋本別利也。一住無法釋今欲同法也。以道及因此皆目法也。以正法各明釋別說戒也。利養下釋同利。養僧施簡現前施也。四方常住者。養通衆用。故曰四方物存當界。故曰常住物在如床褥等利。通通衆用也。餘下卽戒疏第二卷中。

僧和作業言僧若和合羯磨作業方得成就。機會卽受懺等機緣會合時。若不開者無由取濟。通收正行者。謂一切善行悉皆所收。正以揀於邪行。對法而言。則除說恣行鉢法外皆可行也。

精進如世舉場精者。揀留難者。擇去異品。品卽品類。勝利殊勝利益也。如國得賢則利國安民。釋之得賢則奉教衆濟。皆於此場而招集。豈非利乎。有本作類以蓋上句。

諸部下善見云。外國戒場多在露地。如祭壇郊祀之所。律中戒名戒壇作法多者。卽除說戒自恣外可作也。今大界亦通多作。應亦名場。以上云莫非聚結異品等住結。卽爲比丘同住也。

不下反顯戒場爲懺罪是專滅惡爲受戒是專生善。今大界既無此專局故不得場名。若爾三小界正爲受懺何故不得場名。將小界下釋。通通法通辨諸法也。

和作下以僧多故和難由難和故作法難也。乖難乖差留難也。又無有乖別難集也。平去二呼俱通受捨德衣即受功德衣捨功德衣並在大界以依本安居處受捨利故衣食界以俱依大界故。

四法者戒疏云。單白受懺本罪二取最下者白二與之三。單白與鉢次第授四白二以下鉢令持。或下別義以攝僧得大界名受懺等得場名互彰其美。

第二門義。即此內外先後門當第二也。叵不可也。若在下若木制在外則無數集煩動之過。故知約大界難集別結在內意亦可見。

善下引證由緣起律中雖制大界緣在前戒場在後及論行事不必依緣起次第爲結界法式。理下彼云應先結戒場後結大界。若先結大界者當捨已更前結之。然後唱相結大界毗尼母善見亦同此說。以此

文證則光師不讀聖教唯信意言依人涅槃云依法不依人。

母論下出彼第一卷中外無大界此證大界在後圍繞若忘下彼第八具云。差人先結淨地次結衆僧房舍後結大界。正文上彼約從內結故爾不同。今時結淨地於僧界上也。備如次科卑公即卑摩羅叉也。即可下釋上僂倖義也。以僂倖者非分過福之言。

今若下大師義約如欲依彼論者當結一小界已復於上結淨地不然則蓋處分法亦在自然地故一體二是作法體一是自然體。

必下謂必若約緣須立諸界者亦隨形勢以安之知。圍輪別住既有衆多亦隨界立相或三四重相等。盡下前約唱結離爾及論初集必盡自然以戒場多小於自然界也。後法對前結得後名由寬故。

集難難故成別斯成妨也。所以不開小界相據大鈔中加云四方小界場相亦好住處。即攝僧界應具二同雖無同說合有同住何以例除耶。答如文。問下意云說戒自恣二法何須盡集戒場上僧來也。

況已結成二界。故答下說。恣二法同收犯淨二位。有犯懺罪。令淨本制。僧私同遵。所以大界戒場。圍輪諸界。有僧並集也。餘法不爾。非制同遵故。

有人下此。成他部行事也。大師不用文。無偏局。但云解界。何不通之初。無二同。救云。戒場結時。不牒二同。及後解時。正是解二同。與結時相稱。故亦可成也。不類者。豈可結無二同。解有二同。是則不類。俱無其相。以齊比丘坐處。結故。外不立相。又是權開一席法耳。作畢。卽解起。必迷方。今場是久固。又立相。故如何用。彼法亦不類也。

比量比度可知也。故大鈔云。今準難事。界但翻結爲解。理通文順。僧住以解文云。僧今集此住處。故上旣已斥。今何又著。

答下前斥不許者。是同一久住之住。此是四儀一時之住。故不同也。故曰多種。若一例不許。言住者。則前結戒場法中云。此住處比丘亦應不可言住。故須善了言義。

通界卽大界下云。通圍大界。答下欲易明之。故後明。

解及至行事。未必結已。卽解任在解律者。行用藏捨耳。

卒增約水有泛溢。故障集約僧來赴是難。故拯溺以僧警爲人天拯拔。沒溺之人。今若機緣不赴。僧義不成。則空彰斯號矣。乘權以難集。故不能應權乘之濟物。是喪其實行也。無津渡。簡有船橋。則可也。五處彼第八云。若河水中。有洲者。應五處作羯磨。一摩頭羅精舍。二水中。三洲上。四水中。五仙人聚落兩邊。下彼又云。比丘受欲來應羯磨。爲水所漂。出界去。殆死。得出。白諸比丘。我向持欲來爲水所漂。殆死。得出。今可廣結界。否。諸比丘言。得汝去。上下水。三由旬。作識。若樹若石等。作羯磨者。應作是言。大德僧聽。從摩頭羅精舍至仙人聚落。精舍河水上下。從分齊以來。羯磨作一布薩。如是白。此盡合水。三下彼又云。陸地道兩邊各二十五肘。此是通結爲界。小也。或避難結三由旬。此是如上說。竟卽前云。若論自然約界。則四種不同。定量分六相差別。故水陸在不攝也。僧下以作通結爲一界。理得無礙。如本律正通合河結界。如上卽所引古義。今師

准了論文既曰二繩豈日在尺八

通唱三重。卽於場上唱相已。遙唱大界內相及外相也。或於下。卽於大界遙唱場相。并加結法也。但唱外相者。中無大界內相。便成兩界相。參若又但唱內相而不唱外相。齊何處是界分齊。又雖唱二相而不屈。匪皆名非法。

又出自然。卽出中隔自然也。依標相。集或標寬當依標集。或自然界寬當依自然界集。律無下以律中無通圍大界結法。但集法者。行事之時。必準誦之。故特出此一法耳。注中云。如初結大界法。無異者。若准大鈔云。唯足內之一字。云。僧今於此四方內外相結作大界。若據律文。亦不加字。但云於此四方相內結大界。於理亦得。隨意所存。大途無妨。

藥病藥對上教。病對上機。以教由機。設藥爲病。施凡夫情見。既有異類聚結。故聖特開如法同儔一處結界。作此三法。

拘賅彌彼因。謂來久二十來年。不同說戒事。見事卽諍事。見謂知見上云。由諍見故。兩無別衆。今則正

見是同。但客遮法。或來而不坐。或坐已故。訶忍成別衆。故開結耳。

未出界。是出彼作法界也。下道。卽無同師善及下道各集一處。結小界說戒等。異處。卽律云。若不得合和者。隨同師親友移。異處結小界。自恣雖下。以當部中。但言界外曠野。不言在自然界也。今準文中。既云移異處及下道。當知卽是自然界也。此實誠文也。道下文。言道路行。卽道行一界也。又云。下道。卽闌若以文中云。無村曠野。當時者。如在道路行。可準十誦六百步集。或在闌若。可準善見七槃陀量集。不須五里也。有人下此師約坐處。集人斯理非也。以律文約結已齊坐處。故非約集云。時若爾則有難。闌若無集僧之量。律下既云。未出界。顯是未入我自然界也。常塗卽五里七槃陀一槃陀二十八肘。計有一百九十六肘。肘各尺八。總有五十八步四尺八寸也。彼下彼云。不同意者。於外得作法事。卽是四分出界。義意同上也。

無有二會無重集也。顯是一席法。故不和。不至非和。



合者不可造至席中故明以下即用比丘坐身為標  
標畔為相相內坐下是體總門第四故特簡云總門  
中第四也解不類結者以結時云此住處比丘唱四  
方大界相又云於四方相內結大界等至解時則無  
此文但標二同以解也又前人豎相結後人背相解  
不類此三當座人結當座人解人處相應人即同座  
處即身內能結之人即為解之餘人非後來比丘  
即第五門義言正屬此門非義也緣難有無大界無  
難故寬立相使久固也小界有難反上不立故知立  
者不徒然也法事相違者以事是難緣今反立相令  
其閑緩則事不稱法故說不成

專續結小界為無緣而專事權開者正違教也如下  
引例如有難持欲出界外來應僧法者開反此無難  
不開儉下調儉時方開內宿內義等八反此非儉亦  
不開也離衣下如離衣為道路隔斷歸會不得方開  
九等上中下根各開三位以成九也雖下結上開緣  
俱是曲被矜自賢曰矜言凡夫不準聖言輒自閑故  
僧祇下證上立說以通四儀故髮下言此為問遮處

●反難反

也

指擬方隅此顯身外別指標為相也誦結即誦入病  
磨結成義下今斥可領疾疾恐惡比丘來故翻下翻  
上四是以成四非

文下律云界外問難不成顯須界內也今身外無相  
如何問難殷鑒殷厚鑒察也與博觀義同冰執情見  
也開間納取納取沙彌也大鈔云十人叢坐前結足  
開一人之分必半身出界亦準十誦善見之文足成  
僧數

初結正結三小時彼若來呵此結不成同自然故古  
謂若未唱結時同是一自然界也惡心觸即惡心觸  
淨食不成觸也今惡心倚我身界不成訶別

今下正結時及結已隨作三法時倚身者俱成結下  
顯無外相故前閉斥古初結不成後開斥古結界已  
雖呵不成以律中無此前閉後開語故如下如向所  
論一開一遮不勞分結已約身初結同自然界但使  
初後俱為防訶人故又初結時身外不立相故則不  
容訶人故文下引律誠證既言善比丘及顯惡比丘

雖倚身界亦不成。訶問若約結時不成。訶者何以律文不同意者。未出界。疾疾結之。答此約集時。深防之意也。及至正結時。縱倚身界。以是惡比丘。故兩不相攝。大鈔云。別衆一種。唯振清淨一色。又正結時。無外相故。

用大界爲猶言用大界何爲也。一教謂隨機關一時之教。非圖重集也。

前緣卽爲難。故開受戒訛恣緣也。場界無難。理須就本結場界也。多人不益者。謂行事不應於教。則令多人不得戒。益戒既不具行。無所從以行。從戒體而有也。四是卽上知無異外等。四是四非。卽此非是開緣等四。

揣度也。謂古出羯磨不解度量。今所合行爲顯不行。可藏晦。一例連寫是不適悅於時。投世機耳。卽今下意。謂今時忘法者多。設有戒場大界。欲行法者。尙須邀命延請。方肯一臨。豈有來作留難者乎。所以徒出無益。若然。則知今家之略意。問脫或有者。如何將必下通之。准誦准律通之。自成。今恐後學未見。故曲爲

引之。律云。大德僧聽。今有爾許比丘。集若僧時到。僧忍聽。結小界。白如是。羯磨可滿

界與藍等。卽作法攝僧界與藍齊等。或結界狹小而藍牆寬大。此二不須結攝衣界也。以下謂自然衣界。依藍院牆起也。但四相周匝外。更有十三步勢分在。若結衣界。反令狹小。兼無勢分。所謂有法故無也。或界下此顯界在勢分內。反令衣界亦小。

全夏失衣者。謂但全得護夏。以依界安居。故而有失衣。以自然衣界。但齊藍。故今出藍外。雖曰在界不免失衣。今若齊攝僧界上。結衣界。則護夏護二俱全矣。故曰衣夏兩會如下。緣說卽頭陀比丘厭世樂關若窟住。佛聽結不失衣界是也。十誦牆壁離柵來者。顯從離外來至界邊際也。五衣約尼說。

有下此師約現有村可牒除村。若無者不須牒除也。如下彼引律證。是無事有法。例如無病有藥而妄加耳。

現除現有村在界內。村內不得護衣。懸不結村去之。後此處更不得護衣。故曰後村移出不合攝衣。無村

下。卽現今無村也。現結謂現法結取衣界也。懸除村若後來當於衣界中不得護衣。村若去後此處復可護衣也。故曰村去還會。

衣界便解。正斥上村來不攝。便成衣界自然解也。衣界不遍此斥上現除懸不結。村若去後不合攝衣。則成標相之內衣界不遍。況復衣界齊僧界上遍標相內起。故但村下正出今義。

不言除村顯是衣界遍。以律先結衣界。村內攝衣後爲緣礙。因此丘寄衣在村往取有礙。因制村中不得著衣。故曰方始除村。此顯除其妨礙。非謂除其村體。後遂下。今用此義也。村在不得此約。除其妨礙也。村去攝衣男女出後不妨護衣。以結時遍標相內起。故同住地齊僧界起。故不同古人除中空城。今言除者。但除界中障礙耳。豈在下意。謂豈在今院內本無村。故不牒結除。若村後來又須秉法。豈非煩重。又下若今不牒除村。後村來入便言村內得護衣也。由斯義故。所以須牒除村如下引例。如月一日結界。便牒二同。豈可便同說戒耶。亦俟於後也。故預牒之。今衣界

亦爾。初結既牒除村後亦同之。

問含二意。並問有結攝衣法。無結法。村來障衣是同。何須結法中有村無村。例著除村之語耶。故二問意。並云何須著除。答中內外字。倒合云院外界內未免失衣者。蓋攝僧界。蓋外攝相弱車樹等界。攝相強結攝衣竟。自然諸界滅名。唯村界不滅。恐疑村界亦滅。故云俱著除。如論卽薩婆多論不定。或有無或多少散亂也。誹謗由寄衣在村取招譏。故開淨因往村故。容有夫婦之諍及無彼覓衣之諍。故梵行卽淨行嫌。疑嫌故不敬。疑恐非法。無情不爲防村男女故。十誦下二句。卽村及勢分也。結空地及住處以十誦許預結也。衣界不生。下雖云預結以村在故。不得攝衣義。同不生卽無遍矣。善見下證勢分也。人卽解指古人也。現除懸結者。古謂現有村現除不可護衣。懸結者卽結取空地及住處也。後村移出更不須結。以懸結故。四分下古人謂四分。但云除村村外無須結。村體及勢分之文。却成懸不結也。故下破此非正解。以本律何嘗不言村去攝衣。卽現結村及勢分矣。

明有所牒。是懸牒除也。以村後去。隨得置衣。但村在時。除其障礙。有本明有所下。關牒字。僧坊外地。即藍外地也。正是藍狹界。寬故開結。取餘下所餘之地。如聚落及聚落界。望有村不護。且言不遍。不同古人衣界不生懸不結。邊名不遍也。

僧下此證。藍狹界。寬須結。開眼林其□可以肆目也。同住。即牒云同一住處。令既有村。村內不得護衣。應非同住。何得牒之。答下。謂衣界從僧界上起。僧界既言同住。故令從本稱之。未必下以村來。暫不許住。故且言未必相。可非爲永。不許住。牒之何各。或下言衣界本遍。攝僧界。故牒同住。村礙暫隔。故牒除村有一。即古約體不遍。今約緣不遍也。

障人以結。竟僧不住中。則犯同宿。故僧祇下。彼約聚蘭二處。通結爲一。攝僧攝衣界也。後下辨廢兩通。聚落蘭若。俱通結。攝衣界也。既下。既牒除村。明知聚落中僧界亦許結。攝衣。既許。故非廢也。

聚落小。即村界也。先雖是小。後男女多。村轉增大也。先所攝衣處。亦不得攝也。爲村所侵。若先大後小。先

所除。寧却得護衣也。準下結成上義。約緣即村也。文乃無橋。言此除。駛水者是無橋耳。又若有橋。義亦通。許例如攝僧界有橋。船者開之下地。即男女安下地是村內也。或可下是內字。田村去後。可以攝衣。以先懸結故。

結住及空者。現有村名住。村勢分名。空古人謂以律。但言除村。且不言村去後。有攝衣界。此下一□。今斥如上。即前云本村。遷出衣界。仍攝非時。下證名同也。以九十中有非時。入聚落戒。鈔列緣中云。向俗人舍。仍自註云。即寺內淨人家院。是證今除村。即是除寺院內男女所居處。同名村也。亦即下不唯村聚是同。抑亦是食家等。單提中食家者。律自釋云。有男女也。豈非是同宿。屏坐露坐。皆是約男女住處。當知亦即是村也。單士女有女無男等。善見下。既云。既不失衣界。僧顯衣界外有僧。不得以言有所屬也。緣相但約有村。緣及施者之言。爲限相。故不約作法。時通僧界所攝。以僧作法。時村中有僧。亦須集故。



餘下十五種自然如戒疏解離衣戒中也。又下證知爲攝衣也。說戒等取知攝衣攝食也。

先解下以衣界爲能依。僧界爲所依。故先解能依。此則有叙也。又順脫衣之法。故假本本卽僧界而非下。大師意在結既次第成解。宜次第失未可各結而合解也。又體既四分而受。反用十誦爲隨。則亂倫獲罪矣。爲除疑者。恐上云本失未亡。則例今亦可言。除本喪故又遣也。

●會本疏卷  
二之三

三品上中下三根也。非一者。上根教行毛食中下教開結淨知量。經云知量知足。分衛正言。僧茶波多。此云團鹽。或云僧茶。夜此云團。團者食團。謂行乞食也。溝壑者所墮處也。中下之器形報微劣。制上行乞食。則成過勞。進道不前。因病致死。故曰終喪溝壑也。又孟子曰。凶年饑歲。君之民老弱轉乎溝壑。三等亦三根也。以上根康則乞食。病則開濟。豈不收乎。穢染曰同宿惡觸等。故喜生貪染味香也。體乖儀節。以上士高節親臨食。廚非大人相。故且儒中君子尙遠庖廚。況出道淨行之人乎。此從緣者。從除宿染緣。

●持驗時

邊得名淨耳。非對未結時地穢得名爲淨。外道下如次科引僧祇十誦。讚言禿居士舍與俗無別是也。多罪卽有同宿內。煮自煮惡觸等過也。集因以貪穢食。是下界業。因招集苦果也。食噉不淨。舉果中云報如墮不淨蟲。永離上妙香潔。豈非惡集以招乎。苟未能行乞而但邊護淨足不履庖屋。手不觸食具。不經殘宿。又不壞生一鉢多羅從淨人受。復在中前而修觀。進噉者。此則末世上行佛子矣。

播汁上淨珠叢云。汰米汁也。乞多食少。翻爲外。乞令僧食少。他物淨作他物想爲淨也。

外資卽外議責也。兩罪卽有宿養二罪。既有如何開他物淨待明。卽明相現也。爲人卽比丘等。大小大卽楞伽涅槃爲了義教。小卽僧祇十誦又是明文。不許涅槃本制有緣亦開。時世饑饉乃至爲住正法皆開緣也。要須以檀越爲淨主。故云必施等四法。卽法四依中依法不依人也。聖行卽乞食是四聖種行。故正願彼經乞食時若得食。持當願衆生爲法供養。志存佛道。若不得食。當願衆生遠離一切諸不。



善法諸律初受下。謂初受戒已。即說四依。元行。即本行。僧常。即僧常食也。

前廢以楞伽後制廢前教也。本制即乞食。令中下不堪。故大下。即楞伽等上達之機。可依行也。分河而飲。以小乘各計。則分河飲水。如序中。即別序第一。專執四分。不引外宗也。若望第六終窮所歸。大乘至極。僧坊無煙。則四分開結者。是小乘持律也。必下若力壯。道充。依楞伽涅槃。僧坊無煙。義復何疑。

無淨厨下。此母論許有。則接下根。□□宿養來叙。古人約僧界成。犯別結。即別結一淨地。便以大界圍繞也。廣如前引母論解也。相順言。且得隨順於中下之機。有所濟也。此得下言。此得在從順開文。失於涅槃制。不許結之意也。

準論準上母論也。雖下古約露地大界中。雖無四周院宇。亦不得同宿養字。有云者。非也。

今下今師約院周生。過不成儲畜。今師約是不周淨也。若約界成正斥上云。大界成。無院宇。隨犯宿養。若爾。則不應四種淨地。文開四種者。何一者。籠牆不周。

• 通釋 •

淨二檀越淨三處分淨四白二結淨。半有下。出不周。相四分云。半有籠障多。無籠都無籠障。謂露地也。非儲積相。故開之。非唯下。不惟自然地上。不周。故開若攝僧界上。不周。亦開。故向云。縱結攝僧無僧坊院不成。儲畜。

無界有院。正難上院。雖周成。不結攝僧界。亦是宿攝文也。方相合者。即四方籠牆。周合是儲畜。義故招議耳。法下。本結攝僧界。意在取和作法。今有僧在界。豈不集耶。不可相類。義自迥異。

文中下律言。未施與僧。則顯是他物。自許。即僧自有者。既下。處既是他物。食□□因執心薄。故曰絕起。俗有檀越寄食在界。

若道下斥上妄判云。並為他物淨文。意云。若言寺是俗造。故屬他物淨者。一切寺院。皆是他物淨。望俗推繩。若盜損者。但望損於檀越事。在無作邊計。五犯重。應無對三寶上結義。又若人施佛法者。亦應無福。以物自屬檀越。不屬佛法。故無在言無定。不結有罪者。古謂不結淨地有罪。結又難為持護。今

檀越淨則其理頗長。由檀越倚傍故。勝得不淨地也。佛下佛所立制。實益智解明白。不爲暗昧魯塞。今明白心中親知。而反致誣罔覆冒。聖之儀軌則增不學無知提吉二罪。此外自得內宿內養根本罪也。若言下牒斥不以難護。故不結五欲色聲香味觸此五能率人五情出家之士。要一一斷之。豈止於食味之一欲。獨爲累縛而涉於言議哉。

寧結減罪者。大師意謂寧可結淨地以減罪。不可言結難護罪。何下推釋。以先未結時通界有罪。今既結竟。故免其過。豈非結能免罪乎。一有益也。善下即持戒之者。本懼其犯。今結竟。食在藍內。雖晝夜食自成淨。惡下即破戒惡心。故觸名淨。謂雖在淨不淨地。觸其食。其亦自成淨。故曰無染。今爲持戒故。結豈非二有益。兩失內宿內養如下。如何言若結難護。則向謂愚暗不學之罪。實是自貽貽之也。春秋云。自貽伊戚。伊是也。

十八離牆垣欄遮五種。各有半有多。無都無三種。共成十五。此是單歷。若將離等五種總爲一。亦有半有

多無等。三自成三種。足前共成十八也。二合至六合者。一離與牆合。二牆與垣合。乃至第六離牆垣欄遮合。或更互參則多。相略出二十句。以離爲頭。自成四句。一離牆。二離牆垣。三離牆垣欄。四離牆垣欄遮。離爲頭。既爾餘牆等四皆然也。

初成屋宇。初成僧未曾經一宿者。可行處。分何說由。瘞滯食結未多。故也。隨人即檀越經營人也。

佛塔下。以中國伽藍門皆東向。故佛塔廟皆向東開。乃至厨廁亦在西南。由彼國東北風多。故神州尙南爲正陽。不必依中土法也。行來之處。即比丘閑時經行來往之處。以避塔廟。故多在西南也。以繩量度。謂爾許比丘住。爾許爲淨屋。過時彼約不得過初夜。四分約明相。彼教又急也。善見下。此約初豎屋持作也。若已成。即已豎屋了。語令知告本施主。隨指一處老宿。此約本主若無者。開召聚落耆老。指之。彼若不解教之亦得。

自然中彼約在自然地上。結準下僧祇要須攝僧界上。作餘下指如前解。大師意謂若要依母論存僧界



●支離先

●少疏作一

●且謂之高  
土觀作新中

外者當先別結界已上結淨地免於自然上作也依處分者謂解已或要行處分淨者須是荒廢來經二年者可行

初一卽檀越淨是約他物也下三卽不周等淨約自物也餘者卽餘三淨俱約處周而無法檀越不周本無法故加法第三口法四是僧法

別人以一人處分亦成故支尼梵志別名也言羯磨下覆釋上未結羯磨之文也少多三二人皆得七衆在家二出家五也通諸界作法自然也如於作法地上新立厨屋亦可行之

二緣一者是病緣二者要邊靜處若觀科末似邊靜自爲二緣在邊非靜在靜非邊俱不可也以下釋所以包者厨屋也且儒之高士尙遠庖厨者一則存大人相二則惡聞殺聲也以君子聞其聲不忍食其肉我教則離穢穢之咎也離穢穢則清修之道成大人之相著何莫由斯也奄蒙說文奄覆也言奄覆蒙閉也

卽是相恐人言淨地不唱四周相便言無相今稱房

名是齊房而起豈非卽是相也四句若僧時到前無緣本雙牒句得在依文以依律文故是得也失於緣唱謂第二句緣非中不牒所唱處是失也欲下大師立理以定緣本某處是緣淨地是本今隨文且依律文也結集非波離時也部主尙云盡所詮相一宗周備豈有缺文當知是後時結集也覺明據翻譯時竺念約筆受時比下比諸結界法中白皆是五句唯此一法四句成之反驗可明

爲僧造以施主通七衆通僧坊作以淨地散多而僧住有限故曰通也將熟下雖曰不長以將熟故須早結淨地如律云就食者離地物一切通犯未離地者未長足者不犯已長足逢霜露等並是宿限又云下卽不得以羯磨結机架爲淨地也取土出妄解也謂淨地土取出不淨地中亦是淨地而況淨法依本地起豈得隨土而有今本土若移出何有淨不淨言俱是不淨故隔道兩邊卽中間是道兩邊結淨地亦通緣淨約不覺緣故成淨也僧祇並謂比丘不覺在不淨地者成淨若知不淨障僧制僧不得入中



●釋義作故

又下言同淨地中結又有何患大抵法要簡處豈可同在地結不得耶故下以結竟反例言已惡觸尚只懷食具不損淨地豈可初結在中不得耶又初結與後解二種俱是約法宿糞穢染是約罪豈以結法而坊患有罪乎況法與罪兩不相干今若同處行結縱使律云賺其處盡是賺相耳

雖有兩解且從初義以律云僧在院外施唱進

故結

如上即前云應唱房名即是相也以食下二句大鈔註云故須遙結在中相雜以僧下二句復註云淨地有僧不免別衆不攝別衆罪也若是衆法彼此同犯若是私法僧有不集之過不同戒場不集無過以各自攝故

今準方土此方說東屬木木能生火是熟食之象也無施不可言皆可也以順方土故吹氣散吹西南食氣散也陽氣東方屬春陽明之氣盛故北辰爾雅釋天云北極謂之北辰郭璞云北極天之中以正四時然則極中也以其居天之中故曰北極以正四時故曰北辰故下結屬陽位故廚在東爾下引證隨方土

所尚不可偏執但不得以晝爲夜爾

何不開宿言何不開在淨地內宿耶答文可領局僧住食入僧住地方犯又僧入淨地住亦犯豈非偏約免通盡之過歟本制以九十中食殘宿食故宿糞停貯過者今結淨地正爲安食故無此過餘二即惡觸自糞是約自造邊成犯或在兩地俱有過也是以不防加法對下造房合云乞法答下說淨爲免長乞法爲作房有此益故開豈有說乞了而復與罪則說乞何爲淨地本爲同界有犯故制別結以防罪故今結竟反入同宿豈能防之況佛是一切智人一開一閉莫不合於法度知了樹機也故鈔序云佛是窮機之人僧唯應藥之器雖非律文以律無解之辭句也雖然以聽解故準說無苦者即準餘翻結爲解也其理善成故曰無苦苦患也

初一須翻者謂本是淨具遇緣染汙故須翻穢令淨儉開荒儉之世律開八事若乞食易得而私願開通之文者不可縱實有儉難過於豐時則不許律云若時世還賤故依開食佛言不得如法治之扶持下謂

釜器傾溢佐助料理。佛開爲緣。此不須翻。後須下說須翻也。

不入者言。膩不全人。也有少膩沾者。當創創之。六衆七中除比丘也。博之。卽於尼寺俗家沙彌淨人處。一石一石更互博之。雖得本物。以入手兩相捨故。

船車下律云。若在船上。載十七種穀。上覆以遮除席。比丘得在上坐。不得名字。若爲風吹。迴波漂在岸上者。一切不淨。必細篙不離水名。淨大車上載諸穀。上覆者。比丘得坐上。不得名字等。今言住四儀。停住之住。

四分下卽比丘惡心觸淨食。令諸比丘得不淨食罪。觸者成觸。不觸自淨。覆蓋僧祇。曬穀時。必天雨。無淨人得自遮。擲淨物。覆蓋捉淨。甄石鎮之。忘覆食器。亦爾。壞生一種大鈔云。如水陸果子不受而食。豈令淨耶。謂必無人爲作火刀等淨。文開內。卽上七事。儉故存命。開充內。不關外。損謂壞生一種也。以大鈔義加故。若開則外生譏謗。豈非損乎。有此益。故八事中不顯壞生。故云。蓋故不顯。文開至不顯。重明壞

生也

如鈔指四藥篇緣會儉難故開也。緣靜儉緣靜時。不許名。開前下釋開意也。前門卽緣不淨門。觸宿是不應而反爲之。是爲不淨。應爲卽儉緣本開之宿糞。而不敢爲。兩乖法網者。前乖佛制意。後乖佛開前後各犯不應之吉。故曰一罪。

販博販賣交博也。治生卽以販賣爲業。治理生命也。道人比丘也。縱得財來作福。設會尙不免罪。何況得福持戒。比丘不得食等。何也以販賣罪重於屠宰者。謂屠者止害一生。販賣一切皆害。不論賢愚持戒破戒。無往不欺。雖下是體不淨。故以下僧若隨順受之。則令彼續作不止也。不許翻卽不許翻穢令淨也。以心絕故者。無再作義也。

以食不淨鉢合云。以已不淨鉢及食與淨人。一心與不作再得心也。大師云。準此器下殘食。令淨人益授。有觸失又下準大鈔具引云。比丘與沙彌。擲食在道中。食時與沙彌。沙彌還與比丘者。若先不共要得食。及此不得。今言以先共要。以先下合有不字。文說明。



下合有日字皆下證決棄無染者得津鹽取微細食分也

以異別人下別人觸淨器有犯者據受膩者爲言又四分諸比丘相嫌故觸他淨食令得不淨佛言不觸者淨觸者不淨吉羅體無下釋器新淨無穢可翻緣去卽船漂在陸牛尾驢車便成觸染

無心謂本無心同宿也未得聞言未得淨地間無文開護謂無教文開二義成護淨義由下申所以不同前文明相卽出蓋時之促也今則反上故曰時長唯下約儉開八事故口法盡形卽口法加盡形藥者是通開也

如前緣淨卽忘悞捉僧家麤食及扶佐等非難非儉世之難也夫聖儀以三來聖賢皆離惡觸故如彼卽五百餘年不見漿水正欲趣則護則鬼神打不得近智論彼云若沙門福田食以不淨手觸或先噉或以不淨物著中後入沸屎地獄中又護淨經中云由有宿捉等衆僧食不淨食後墮臭尿池中互百萬歲受苦惱竟復各五百萬歲墮猪狗中常食不淨後出爲

人生貧窮家衣食不具佛告比丘衆僧住止之處作不淨食不足往食如法持鉢乞白衣食是明淨命惡觸下雖開非時七日盡形不顯自知越限如七日外觸還犯七曰下由不列

開四罪卽是犯也未加法前云事同時藥是也近爾雅云往也可爲心師言不可師心也隱括隱占括度也排斥教網言於我大乘本無時節又云不以小節爲礙如斯之儔不知已身位地輒擬大聖罪流長劫長劫者拂石芥城也

文不了者不顯示三人也故引十誦明之三種人卽比丘及僧學悔沙彌也但使一人與同宿則不可食一具戒下至有一具戒人與食同宿則一切比丘皆不得食故曰皆被染也或下恐人疑云衣不說淨亦是別人過應同內宿累餘比丘亦齊犯邪衣有下是釋疑行違體順者以學悔人雖犯重一行有違而諸戒全體尚淨故同成染

彼文卽十誦也若下卽後制斷淨地通皆不可也故云義通淨地約相下卽約淨地之相從後制斷之文

但有違教之吉不犯內宿罪也故云無宿可知

僧坊內養顯淨地自通自熱通兩地三人互爲俱不可食而後受顯顯有期心若本無心亦開

不共同宿此句同鈔中是殘宿非內宿彼註云今日

受食已安界外不共宿非內宿也若食不受下是第

二種此內宿者又同鈔云宿而非殘亦吉彼註云謂

未受食或共宿吉不宿不犯若□下第三種也此亦

同鈔云殘而非宿吉雖以作已有想故義豈下謂本

律雖曰無又豈在通許之限

餘二處分作法若僧坊下以食在淨地僧坊有人斯

亦何咎有本將有人作無人非有人下二種淨地正

障僧也故云不開於淨地二淨即白二處分也在三

如上解雖然又須知方犯若不知者非心過故還下

即遠持食入界寬淨地未得明現也非罪不犯惡提

罪以體變故不可言宿者若未長足則無內宿若長

足者不可言無內宿也

就處不通者即僧住處也局二作法者處分并白二

結地通於中義二地之外是僧住處不開義也若義

成惡即非淨若檀越不同二淨通義非犯晝夜若晝  
若夜俱犯七衆下至優婆夷在界內養清淨比丘亦  
不得食生熟如阿難溫飯在祇桓門外故知界內熟  
食亦犯

通坊淨即通僧坊淨地皆有自義也三位即上比丘

等三種人也有四加式又問下此問上尼中有四何

閉式又過授即過食授食行儀即乖聖行儀也以式

又學法漸優故通坊淨僧坊淨地惡觸俱犯

有三即比丘等尼中無沙彌式又亦開所除即不開

也膩塵是食餘津通染故令後淨亦成觸也義加義

恐是若字本觸即自觸也

淨人有一者大鈔云若沙彌淨人但有膩觸仍自註

云謂捉比丘鉢已食膩在手不洗而捉僧器是也由

下即比丘先受之食被淨人觸故失受令淨人

捉已食器彼有食膩在手不洗反捉僧器曰觸餘

淨放下結示淨人有此一也若如下即鈔中遇緣失

受彼註云淨人觸失如法莫觸洗手更從受之淨人  
不須洗手文義同也

又下此說大僧又有四種不成惡觸一下如俗器中盛食與比丘仰手受取前食雖僧俗執不成惡觸如下即淨人觸失如法莫觸洗手更從受之故曰更加法也如上緣淨不須翻也

見淨人者應置地淨手更受如文即四分諸比丘相嫌故觸他淨食令得不淨佛言不觸者淨觸者不淨吉羅三下即十誦持戒比丘懈怠故觸名不淨

自種下即下子成菜也子雖成觸菜體變故未可論罪壞相壞上蒼翠等相以正生不已後時色變亦無先惡觸罪也故曰本生故互生如下淨地生菓菜長足者抹令入厨互覆者淨地生菓枝覆不淨地者從根斷如四分安食具在上並從根斷是也有淨則非犯不淨則成犯

若知下即知在不淨地不得食獲罪非威儀也若準五分成惡觸有命外道計春生夏長故自傷物自損也如瘡淨是高勝即淨法多故高勝於彼初人下即使淨人作淨時人果俱在淨地上也不妨餘衆鈔註云餘四衆食以非處即在不淨地故後之

二句指上四句中後二句

十種謂初五種是淨種次五種淨根文中合云五種淨種五種淨根文略且初五者謂火淨刀淨瘡淨鳥啄破淨不中種淨此五種中刀瘡鳥淨去子食不中種火淨都食次五者若皮剝若刺皮若腐若破若瘡爛此應是淨根種火淨聽食四分火淨通五生種故一提慶生種也一越食皮肉吉也如鈔云亦四藥中藜蘆即蘼勒令斷者是若僧祇中採撷蘼勒等不可壞種種即子核也藜草有隔即有草菜所隔也又鈔註云準此藜草之類子果散落無淨法

非謂下是了疏解文也他加行即淨人爲淨也一物成非但約一被淨者成淨餘不淨以同一聚故

四分律隨機羯磨疏正源記卷第四

四分律隨機羯磨疏正源記卷第五

天台沙門釋 九堪 述

○釋諸界受法篇第三

七衆者出家五在家二也。故下釋上四位二衆。即比丘比丘尼。以同受大戒。故沙彌文收式。又雖學六法。同受有願。如下所問。兩部在家。即優婆塞。優婆夷。五支。即五戒也。支分也。下文云。若受一戒。是名一分具持。五戒名爲五分淨行信心。即受八戒者。以前五戒。屬盡形八戒。約一宿。故分兩位。報恩經云。波離白佛。言若七衆外。有波羅提木叉戒。否。答曰。有八齋戒。是以受八齋法。應言一日一夜不殺生。令言語決絕。莫使與終身戒相亂也。問受八戒法。得二日三日乃至十日。否。答曰。一過已。次第更受。如是隨力多少。不計日數。若約成實。隨日長短及重受。並開九支。齋八戒外。加一齋也。亦言八支。八齋。即八戒外。更帶一齋。報恩經云。齋法過中不食。爲體八事。助成齋體。共相支持。名八支齋法。是也由下上四位體各同也。如比丘轉爲女。即在尼位。攝餘六亦爾。報殊女男位別也。儀

異儀相有差也。就緣對彼機緣。授法有異。故得名諸異。持卽六法轉根。驗謂式又轉根爲男時。但在沙彌位。收以僧中無式。又一位故。

有違缺戒者。尼篇云。若學法犯者。更與二年羯磨。若犯根本者。減損犯餘行法。但名缺行。今言缺戒。卽缺行也。又隨犯一法。卽名缺戒。虛羸虛故。稟性不堅。羸故。操心劣弱。更學重與二年。謂下卽戒是禁約。義止制義也。然禁約止制四名異理。同莫不禁防制約。遮止爲義也。有作禁止善者。非也。非無一相。但收止惡一相。且如惡人未必有惡。故抑又但解得善戒。而不通惡戒也。故曰不可偏解。別顯鈔釋相初云。因明正義。戒者性也。性通善惡。故惡律儀類。亦通周。故云不律儀也。若此立名戒當禁也。惡法禁善名之爲律。樂殺前生行。順此法名之爲儀。若於善律儀反解。卽是楷模。所謂楷式軌模。皆訓法也。緣相如受五八十戒。緣相非具戒緣相也。餘可例取。韋下熟皮曰韋。如仲尼讀易。韋編三絕。蔡倫初以魚網。後獨木皮也。王侯之宅。卽第宅也。又各有次第也。僧傳云。第者居也。從

文謂從前諸界結解之文。今次前二故當三也。約義由結界放方可行。羯磨受戒是從義乃當三也。類同空界言空則總包諸有。今立一切法義在通收。豈以戒法不攝下衆故立五八義在通該五體即五戒之體。詮云體相明。諫謂一戒有違受十不得乃至具戒無由造八反上能持則可通八道矣。又五中犯前四則成難犯後一則是遮齋須則而約之。書紳紳大帶也。語云子張書諸紳謂得一善言則書之於紳帶也。選云感贈以書紳。

冥目言合眼誦習不廣覺也。背此背於教也。言不師於教而反師於心。故下生起今意啓開也。

梗舌今唇舌呼召難也。本文正本經律也。若雅篇統卽三蒼三雅等皆此方字書三蒼三卷三篇。李斯造上篇司馬相如楊雄造中篇賈昉作下篇。又埤蒼二卷張揖撰廣蒼二卷樊恭撰等今並未究弁辨指此爲例如弁辨有寫以弁當辨字且弁周冠名也。辨辯別也。甄簡也。獨除也。文理迥別今並不分轉增後學心昏迷翳文言隱翳其正文略指不盡授引也。又

令人不能辯則自非將彼正文對校彼讀方可解了。不然須別作文疏解出方顯如此著撰爲世之病。故下生今意也。謂今師摘去古人之病意在通顯教旨。豈在藏隱沉密令他不解方爲能著撰乎。餘下離上三難外更有文繁共文略共如鈔序所引徑下今但徑直顯示是倫理已故大鈔批文云直筆書通世間法。彼談十善以去十惡但報在三界。

遠出界繫卽三界繫縛也。集生有本者萬行集生以戒爲根本也。唯下卽具戒三歸義鈔引婆沙論云成道八年以前三歸度人八年以後止三歸與羯磨也。爲性性卽體性教無教者卽作無作也以教屬能發業體性無教屬所發業體性無由教示釋上無教義大鈔云不可教示於他也。卽下雖無教示卽假此體能感來報故今下涅槃云戒有二種一者作戒二者無作戒又十住婆沙論云戒有二種作者是色無作非色義例同者多論云教餘經云作作卽教也大鈔云教者作也。

因具因卽心也以三業具則發無作能存於有有三



業不虛也。因即意業謂善五陰。簡惡五陰也。謂色身是一識等四心。是四俱修斷惡。故名爲善。善行斯法。皆自於戒也。後有即後有之身也。

論即多論無如之何。言魔不害也。四念處身受心法也。五欲色聲香味觸法也。加鬼應法師經音中作磨字。後人言磨乃是鬼。故於磨字退石加鬼。此字先不入字書也。

又如下引緣證上歸是救護義云。唯佛全矣。乃至者文略。佛有大慈大悲。舍利弗無大慈大悲。佛三阿僧祇劫修菩薩行。舍利弗六十劫修苦行。以是因緣。歸入舍利弗影。猶有怖畏也。入佛影中而無畏也。

提婆即調達。此云天熱以生時。諸天心熱。知害佛。故三逆打殺。迦華色尼得無學。故并出血破僧。巨訓不可也。以業輕則如來可救。業重則佛力不禁。故致生入阿鼻一劫。

競化與如來共競行化也。遂令衆生疑云。爲王舍城是真佛耶。象頭山是真佛耶。雖下佛有威神之力。業深障重。不契所化。故云息機。譬若日月雖明。不照覆

盆之下。卽解心能改。以謂調達非謂不解爲名利。故因執不迴。望解邊終名救濟。不同闍提人永無信也。如報恩經中。佛令阿難往獄問調達。報言我在此。得三禪樂。爲佛所讚。造逆卽殺父王也。黑繩地獄名也。俱舍疏云。先以黑繩拼量支體。後方斬斷。故以爲名。以獄受苦時。長假先歸信之力。故迴轉獄之長夜。如人中七日也。又下準論問曰。若調達不可救者。經云。若人歸依佛者。不隨三惡道。是義云。何將文通之。論亦多論下同。不名歸者。歸不普。故若下正難也。彼論云。有諸天自說。我是迦葉佛弟子等。別語且各指一佛也。非諸天通語也。以諸天中亦有歸依三世諸佛。故毗沙門北方天王也。

此釋下大師語意。謂下釋歸依三寶名義也。因下正出論文。答語迴轉義。亦云返還義。以先隨邪師學邪法。狎邪侶。今悉返還。迴轉正師正法正侶也。一切下彼論云。歸於法身。謂一切智無學功德五分所成。法身器以法身依色身故。今害色身。卽害法身所依處也。泥銅像。喻色身成法身相。喻法身滅諦涅槃。卽

●四一作問

滅諦無爲之理也。可歸者以自他涅槃理體是一故。

三諦卽苦集道也。由諸下先示道諦因修出世道故。世間集因苦果則傾喪也。滅下結歸道諦。病喻苦集。藥喻道諦。盡諦卽滅。因此滅故。方會真諦。卽因滅會。道滅非真諦。若藥不除。卽存道諦也。如筏喻。編竹渡水。曰筏。方言云。涼謂之筏。今渡水已而執其筏。則其滯也。莊子尙云。得魚忘筌。不但言說意在依教悟解。起行也。既下言說。既是非情未知有何功用。邪上下是釋。三結謂三諦不除。則成結。若能傾者。則轉歸滅諦。無爲也。鸛鷀能言鳥也。雖解學語而不知義人之不解。其猶是乎。鵬對也。

第一義諦卽真諦。僧難煩惱。涅槃云。如雜血乳未得。淳淨。未來有僧卽俗諦。僧以第一義諦。僧常在世間。故豈未來邪。第一義諦。僧所依。由第一義諦。僧依此身得故。又下恐一向歸真諦。僧故所以存立未來俗諦。僧使後尊之。

不成者。以佛出世方說法。故此就化儀邊說。若約悟

●五結答

法成。佛則法在先。今準初義。故曰不成。自不得罪。以無所曉知也。由不知故。得成得罪。不成知而故犯。違教得罪。故判不成。多論授受三歸前後。差互得罪。不成理。既是一何有顛倒耶。答中相有差別。故不可亂也。

無下分差別。相一語。但言歸依佛也。乍得乍兩向辭也。言乍可重受增法。不可制具受而却略也。而言弗者。以音不正。故成受三皈。以弗佛音相近。故客許得。成若俱言弗。則能所全乖。兩不應教。故判不成。僧吳更切。楚人別種也。今謂吳楚音異耳。

答不得者。以斷絕。故隨日或一日或半月皆可謂接機。故損棄之。喻者。案大方便佛報恩經云。譬如樹葉春夏則青。秋時則黃。冬時則白。隨時異故。樹葉則異。而其終始故是一葉。例今師者。終始是一。

五趣六道中。合修難道。報重卽二入之獄。除不解卽揀上五趣也。不解言義及無所知覺者。

不得齋卽不發淨戒。但得善耳。四分下彼受戒法中云。畜生中初受三歸。伊羅鉢龍王爲首。賈人律云。世

尊受四天王鉢已受彼賈人麤蜜勸喻言汝等賈人  
今可歸依佛法即受佛教言大德我今歸依佛法是  
爲優婆塞中最初受二歸依是賈容兄弟二人爲首  
皆下即受翻邪三歸未發戒也餘下此皆說通得者  
如次科簡

知解約解法師語者如上成實等說得戒不解者當  
準多論等不得戒律中下即故斷畜生命戒中能  
變化者殺則犯闕餘不能變化者殺犯提罪例今解  
即得不解不得故曰可以類也

無戒以是翻邪三歸故不同五戒八戒三歸言下發  
戒體依緣即言音相順等爲發戒緣也

無作但三皈無作法起耳能所即能授所受經云涅  
槃第八卷中偈文彼又云歸依於法者則離於殺害  
歸依於聖僧者不求於外道爲除下古用翻邪三歸  
當授五戒今特默示云但依前誦無戒等也晦惑晦  
暗惑亂也

計是能授以文言受則屬優婆塞若對師言理合云  
授故隨列者今亦隨律文列耳經即出家功德經初

門即戒德高勝門

三施者施財施命施法也財有量言財施有限量持  
不殺等施無限量也以行化他自既能持復轉教他  
豈非法施集散財集可行散施能下非清修故是煩  
惑分親疎故有得不得是惱害

以利下即以不淨利施求當來利也惡求非善心也  
應惡衣善毛皮食噉糞穢也清淨行施即以戒法施  
也因此故能生佛果在心持戒清淨心也不在事  
即財也

第二即簡器堪能門性重以問不盜殺故行務務  
事也始終初受爲始盡壽爲終不取下言不取有終  
有始能持不能持便爲受戒致有缺犯不如莫受具  
字目於戒也六月供養令彼六月修供養恭敬之法  
也目驗下非器不可強授二俱能授所受也虎妄善  
惡者不堪強受是虎善後致毀汚是妄惡其蹤迹不  
可追及故囑誠慎之也

能障聖道言此生無聖果分也由此故不許出家世  
間戒即有漏世善準下大師斷也二教即化行二教

●言作述

●生修論

不發具足。反顧機已得受五戒。順違俱罪。者無明不了。故雖順理事而有法執者。亦有罪也。違則可知。是故俱須洗滌。

簡略即甄簡除略。隨分或能持一二戒者。觀機授之。此則誠意無遺。接機不失。生死際約有識神已來。涅槃際約後趣極果。為言中間所有惡業。俱須懺悔。不具要須具受五戒。不可分受一二等。經即善生不言受體。意謂生善經中止是奉持三三之語。不言得五戒之體。如下大師斷文也未融通也。如下反例只如此。丘是具足戒。以法界為量。若不能全持。可亦名少分戒善耶。

五師受一謂五戒。各師受一。皆開若多論不開。薄俱羅此云善容。以彼好容儀。故正言薄矩羅婆羅門種。天竺國人也。昔毗婆尸佛滅後。有一比丘患頭痛。善容作食人持一訶梨。勸施病比丘服訖。病愈。以施藥。故九十一劫天上人中受福快樂。昔持不殺戒得五不死報。無病無夭。五不死者。一其母早亡。遂因後母惡之。就母求餅。投之餅爐上。爰見救援。投火不死。二

又嘗就母求肉。投於釜內。湯不死。三奉母之衣。推於河內。四大魚吞之。五會其父買魚。歸割其魚腹。善容在焉。至年長大。求佛出家。得羅漢道。具諸功德。年一百六十歲。未曾有病。蓋持不殺戒之力也。

若準下薩婆多宗戒。不重受罪。不重犯。依本常定。故下證重受也。末利西域記云。譯為奈由。昔施奈得報。故彼既重受。驗是通開佛制定。言不可受一夜二夜也。必下不可受一月半月也。此則接俗。楷定於時數也。一日以是一宿戒。故乃至略隨日多少。獲善俱獲戒善耳。

歸誓言誓。歸依三寶及持五戒。故如下云。少滿等戒。正是本誓發戒之緣。以五戒體從三歸下發。是屬即囑付戒所歸耳。非關上體緣境。寬狹薩婆多云。五戒於一切衆生。乃至如來。皆得四戒。以無貪三毒善根得十二戒。并一身終始三千界內。一切須上咽咽皆得三戒。以受時永斷。故設酒戒。盡羅漢入般戒。常成就。

自誓自於形像前立誓受也。五衆謂從五衆邊受俱

得如後卽下云約此問答從他受也。迴向迴自心向  
他境。境卽三寶善宿。簡異破戒惡宿也。古錄卽往古  
傳錄。

來成佛龍樹云。來成正覺義亦同也。言三授點註文  
也。前受既輕。恐前受人心容輕法。故至三授利鈍。謂  
一說獲者盡取利根。今舉三說通攝利鈍。

由來卽先來諸師皆言。後說五戒相時。方發體也。護  
行護此五戒淨行。所以在歸後說也。四依卽糞掃衣  
長乞食等多緣。多力要人。僧界法衣鉢具足等制後  
卽制羯磨。後不得用三歸世尊成道八年前亦用三  
歸受具。結以屬人卽優婆塞也。

約此下言。既有此問答。顯是從他受也。此應卽例此  
五戒自誓受亦應可得。觀下無人可準。自誓曰進有  
則反此曰不。

實戒卽性戒。以業道不虛。故四戒卽殺盜淫妄盜殺  
。鷄此一句收二戒也。人間下乃妄也。悉由酒故。四逆  
殺父母羅漢出佛身血。惟下以醉則無人信是佛故。  
無破僧亂報卽狂亂報也。由下言有上多緣故。配四

性戒同列爲五也。三十五失第十三卷云。一者現世  
財物空竭。二衆病之門。三闍諍之本。四保無恥五  
醜名惡聲。六覆沒智慧。七應所得物而不得已得而  
散失。八伏匿之事盡向人說。九種種事業不成。十醉  
爲愁本。十一身力轉少。十二身色壞。十三  
十四不知敬父母。十五不敬沙門。十六不敬婆羅門。  
十七不敬伯叔尊長。十八十九二十不敬佛法僧。二  
十一明黨惡人。二十二疎遠賢善。二十三作破戒人。  
二十四無慚愧。二十五不守六情。二十六縱色放逸。  
二十七人等憎惡。二十八貴親知識所共損棄。二十  
九三十行不善法。棄捨善法。三十一朋人智士所不  
信用。三十二遠離涅槃。三十三種狂癡。因緣三十四  
身命壞終墮三惡道中。三十五若得爲人所生之處  
常狂駭。

餘不斷綺語兩舌惡口也。如鈔卽九十妄語戒中  
亦號齊者。韓康伯云。洗曰。齊世立齊館卽取此義。今  
亦取一分清修義也。

過中下釋上容有別義。此得下今師反片也。緣防假



名時中有時非時故非時乞食多生惱故所以如來制時食而限非時也何關齋體頭齋是齊一其心也約下且約前八日戒後一日齋是一往得義分用以解齋戒之名六日即每月六齋日也即八日十四日十五日等位五戒上以多三戒故處五戒人上坐也故下云約期乃少取行則多先自忤色聲食著六塵難事即種種留難也

緣具即人作人想殺等五緣具故善生下此說受善失惡戒受惡失善戒也

多云即多論經說即善生十六分一智論云如聲聞經中常以十六不及一為喻大乘法中則以乃至第數譬喻所不能及為喻由於下釋大機義也無著即如來戒經云無所著等正覺是也

軟將喻五戒無動喻五戒但離於邪疑健將喻八戒功蓋天下喻八戒相同無漏成實彼云若無人時但心念口言我持八戒是戒有五種清淨一行十善道二勝前後諸善三不為惡心所惱四以憶念守護五迴向涅槃如是八戒四大寶藏天王福報亦所不及

帝釋說偈佛訶止之言若漏盡人應說此偈以偈云則為與我等故偈如疏引既曰與我等故知超天福而與佛福等矣以應泥洹果故

第四即受法差別門四天下立世說曇中佛說偈言是四王大臣八日巡天下四天王太子十四觀世間十五時最勝四王好名聞故自行世間觀察諸善惡奏聞天帝釋行惡帝釋憂行善帝釋喜故令此日奉於齋戒如鈔彼導俗篇引智論云以六齋日是惡鬼奪人命日劫初聖人教一日不食為齋後佛出世語云汝當一日一夜如諸佛持八戒過中不食是功德將人至涅槃

下座即能受人隨後師聲後布薩護即清淨持護食已亦得以先作意故縱食已亦得受之觀他因緣即觀能授師也不起犯戒心彼此無染濁過失也縱引十誦皮革即多論自問曰若不得者如皮革中說僂耳在曠野見諸餓鬼種種受罪或晝則受福夜則受罪或晝則受福晝則受罪所以爾者以本人時晝受齋法則晝則惡行或夜受齋法晝則惡行故曰

半日夜如上說。卽五戒中云。隨力所持。少滿等是。何以下推。與上五戒不同。所以五下正釋。行足。願目。謂行如人之足。願如人之目。目足更實。方有所主。長引釋相篇云。受是要期。思願隨是。稱願修行。多論云。若殷重心。則有作與無作。輕浮心者。不發無作。又如受後具持。可是願行。相應。依論得戒。有受無持。但有空願。無行可副。則不得戒。非徒徒虛也。言不可虛受也。

前相卽戒相。如俱舍指彼解也。義門未當第五顯戒相門也。前四殺盜姪妄也。次一卽飲酒諸學處。卽餘諸戒後三。卽華鬘高牀。非時食。修分是。修奉之分。下二分放逸與修分。由下雙釋。因放逸故。妄著華鬘等。及上四戒。故曰非事念也。離莊嚴釋文中。離華香瓔珞等。非舊不同。未受戒時也。若常顯非。逸溺於人故。高勝卽高大牀。臥合云。坐破戒。不遠則破。餘戒不遠矣。若無下。謂若化第八通中食。則厭離。隨助二心不起也。厭對前四助對後三。以節食故。自然遠離。隨修也。

金瓶梅

有下除非時食外。餘八自爲戒。不同此戒中第八是非時食也。本論卽俱舍以前云。如俱舍分別。故增一以前標八戒下註引增一阿含後復引之。彼既合之。知今有據。疑覺卽覺觀。謂尋伺也。六念卽念三寶及念戒念天施也。

勝境卽諸佛上同。亦謂上同於佛也。制他開自。謂制他妻有犯也。八戒亦爾者。此誤解耳。以八戒自他俱斷。故加辛者。卽於酒下加五辛。正文雖無。義必俱斷。如論卽俱舍彼云。莊嚴者。除非舊莊嚴。不生極醉亂心。去取於中者。古人去中國之禮法。取此土修整巾履之教。然下大師斥古也。然此土。齋臘亦不登王者之殿爲敬。豈得止事裝束爲禮耶。亦須從法得中。靡平淡爲禮之本。語云。禮與其奢也。寧儉。故云人不可依也。

散慢對伎樂。慢對高牀。八指卽如來指。計尺六也。俱有不必高而復廣。卑高亦犯排優。或作憂。謂排遣人之憂愁耳。今優是盛見。八音金石絲竹。匏土草木也。去人加口。此說倡字體也。知何下言。既知何不說示。

倡下是正示若將倡作唱音字義全別若知排憂曰倡義自異也斷食之方法也齋齊以齋訓齊也謂齊一其心天下在天曰神在地曰祇宅其閑室宅居也不擇下言不擇早晚在乎攝靜精肅專處爲得也備云致齋散齋祭如在等

八難者三塗長壽夭北鬱卑越佛前後世智辯聰聖盲瘡滅障聞思即不開正法既不聞故無正思惟他惡即文攝取一切衆生之惡慧人即文功德惠施於人正道即正真之道方便經云無二亦無三除佛方便說一乘經云十方國中唯一乘法此則使一切皆歸大乘極果也三會即慈氏三會度人故經云彌勒疏標慈氏華梵互舉也近下以彌勒位補釋迦故指近佛爲寄心耳鳥翅翅必須有二輪必須具兩若但有一致遠莫由

大士即菩薩都伽彼云居家之穢爲諸魔行出家之德名譽閑聞居家多有瑕垢出家功行難量等又涅槃云在家逼迫猶如牢獄一切煩惱因之而生出家閑曠猶如虚空一切善法因之增長大利機證以心

會本疏卷  
二之九

出家苟身出家而心不出家者名字比丘禿頭師也苟心出家而身不出家者眞淨行也超世之士也淨名者梵云維摩詰此云淨名舊云毗羅詰新翻無垢稱無垢即淨稱即名也彼經云無利無功德是爲出家有爲法者可說有利功德出家者爲無爲法無爲法中無利無功德乃至諸長者子言居士我聞佛言父母不聽不得出家維摩詰言然汝等便發阿耨多羅三藐三菩提心是即出家是即具足爾時三十二長者子皆發阿耨多羅三藐三菩提心

既下第一句雖下第二句如下第三句形沒即在家滯著就下第四句

初雖忻出創發情殷也終下久參事慢破戒論苦也六情對六塵上起情愛也根敗六根磨虛也欲樂下舉禽獸所知方便修道彼所不知既下傷嘆同禽獸也與彼彼即禽獸也龍樹舉造論主也以畜方人放曰極誠封著也四科即財色名見見謂邪見上云見即四邪五邪求利也

金鎖孤山云其猶金鐵二鎖貴賤雖殊縛繫義等引

出鈔中作勸出有益本緣經云一日一夜出家故二十劫中不墮三惡道廣如彼引一道即出家

和忍即柔和忍辱等大願即發菩提心付引文倒應云引付引謂引文付謂付囑四天下即四大洲也欲界繫散心布施爲六天因由未有禪定業故不能生色無色也下地即欲界非靜業非上二界業也

華色彼自引云如優鉢羅華比丘尼本生經云佛在世時此尼得羅漢果後化諸婦女出家彼云我等持戒爲難恐破戒墮地獄尼云墮者從墮久有出期因自說云我昔曾爲戲女因著袈裟至迦葉佛時乃得出家由破戒故墮地獄今值釋迦却得出家解脫以此證知若都不出家寧獲聖果如鈔即沙彌篇

癡說文云癡疾也闇獄即黑闇地獄爲防罪業即十句義中爲斷現在未來有漏是也彼文即贊續也知來實苦謂知來世實苦果報決定者必須現世不造苦因如下畢喻以顯更增甚也

如鈔沙彌篇引涅槃云我涅槃後濁惡世時多有爲飢餓故發心出家名爲禿人見有持戒威儀具足清

●爲勝作

淨比丘護持正法驅逐令出若殺若害若論罪行且列五種所爲貪欲瞋恚愛親求利慳嫉也

爲解脫者爲作也謂下轉釋上解脫義也不下以爲解脫者方得受僧次請又除僧次外餘供亦不可受之無心在道即不修無漏定慧也遠累累縛也戒取結與下見取即五利使中見取戒禁取二種結惑也下業若但持戒而無禪定但生下六欲天望上色無色界名下又望非因繫因非因繫因非道繫道執劣爲勝體非出離名下業也

若修世禪即色界四禪六行事觀也綠色對色界緣心對無色界即識處乃至非非想等鬱頭藍此外道也坐得非非想定後因觸女身而失禪定爲姪女騎頭後再於林下水際所修爲魚鳥所喧發願爲飛狸能飛空入水食噉禽魚因前定力放生非非想天後天壽終墮飛狸中無出則無有出期

多聞如阿難多聞未全道力尙遭邪咒攝入娼席況常常者乎如淨心誠觀廣有所斥我瞽我我所也下趣如下約鬼趣釋是也由下申所以自愛愛已所作

惜他嫉彼所爲行詔內心不正也行誑妄作外施也。離惑福與惑雜則罪福不精也。故受鬼趣相似果報。以因中罪福相離故果時亦苦樂並受。苦故爲鬼樂。故處勝若能去罪惟福者亦是欲有之報。安如修無漏清淨之福乎。非實謂誑誑已勝處即多財鬼也。九想即不淨觀中作青瘀爛壞火燒等想也。大利則若提提樂故曰謂解脫也。

未經言未經歷修習也。皆下推昔過今下勸誠禽下。備禮尙云人而無體不亦禽獸之心乎。今出家之士不修出家之法誠堪爲此。

觀事即小乘修折色明空等觀。謂觀色至一極微觀心至一刹那分別不可得處。名勝義。謂蘊性既空。我人何在。則善惡等性本自空。故小菩薩者即地前加行菩薩。亦可小乘四聖中皆有迴心向大之類。大非全大已得小果。小非全小迴心向大異於前後。故云小菩薩也。修相空觀乃知色相當體即空。不同小乘所破方空。故曰無善惡等相。大菩薩即登地已上觀事是心外塵實無皆是心。故唯識云現前立少物知。

是唯識性以唯識外境識表內心當了萬境唯一心耳。意言下即第六識言即名言謂大菩薩觀此名色境不離內心。但是識心語言分別也。願樂位即加行位究竟即無學位。此加行見修無學四位即大乘凡聖觀中緣於色心事境意識了達外境不離內心。但是意言分別也。

離行離上三行所修外無別也。術也行法即道。惡禪師所撰凡聖行法中惜乎期文今也。

即云三心即上性相唯識通下欲趣三乘正道之門。必先習戒定慧三學身口收七支也。問心以律云無心不犯故執下成戒禁取違下破故墜獄。今但順而修之大抵爲發定慧作萬善根本不可一向執戒偏修爲勝。

名色五蘊也。論云一切諸法中但有名與色。若欲如實觀亦當觀名色。謂若以色爲禪門即修白骨觀等。若以心爲禪門即觀心無常等緣修下以二乘人未究竟體常住但約緣修之慧觀生滅爲理也。佛性下彼第四云此處妄觀唯因有果地則無是故此如或。



成或壞。因中則成果。地則壞。菩薩如者。離於虛妄。約眞性以觀眞。如此如於因果中。二處無異。故唯成不壞。是故二乘如者。逐其定滅去。而不來菩薩如者。因果恒有。去來不異。捨因到果。故稱如去。從果出用。故曰如來。已上本文今謂二乘未有此用也。故曰但見生滅等。

行心下大師正示。故語下示八正道。卽以無漏智慧除四種邪語。攝口業。住一切口正語。中名正語。以無漏智慧除一切身邪業。住清淨正身業。中名正業。以無漏智慧通除三業中五種邪命。住清淨正命中名正命。此三於八道中屬戒也。念下又以無漏智慧相應入定。故故名正定。方便卽正勤也。以無漏智慧相應勤精進。名方便禪靜。言此三屬定也。正下卽正思惟。謂見四諦時。無漏心相應。思惟動發覺知。籌量謂令增長八涅槃。故名正思惟。及見卽正見。若修無漏十六行。見四諦分明。故名正見。此下言二屬慧也。四下釋上思見卽於四威儀中緣念。籌度惟正慧也。道明卽

見諦分明也

斯據法忍言。上所配釋。是得善法忍。初心已去。入見道。得無漏時。說非內外凡也。然下說內凡。分通故。下引證。世上正見卽忍位已去。無退墮。故俱舍云。忍終不斷善。卽相下重釋上論文也。

正欲下是義約也。道戒三卽正語業命也。道定三卽念定勤也。又定共戒亦從有也。本唯下顯正思正見也。發生無作卽慧功德也。道有卽思見二種從道慧故。有亦如上言。故道定三從此有也。

三品卽攝律儀戒。攝善法戒。攝衆生戒。攸緣卽戒緣。惠命地持云。菩薩依戒住戒。修聞思修。惠乃至有疾患者。起悲愍心。瞻視供給。有侵犯者。悉能安忍。是名攝善法戒。準此卽惠彼命也。非無下案大鈔云。大乘戒分三品。律儀一戒不異。聲聞非無二三有異。進彼應加有異字。於遮戒下文。方具也。寶壁開制者。且如珍寶。凡夫貪著。捉故是犯菩薩反此。故開如涅槃。隔壁聞鐘。銅聲分別是男女。相卽犯小乘不爾。依夏坐則無別菩薩僧也。

無別者。菩薩遮性等持也。多少少乞。喻吉多乞。喻夷如常所明。無分別智。謂初地菩薩。得人法。二空證。偏行。真如於諸塵境。性相皆空。無有分別。實唯一識所變。但用善行方便。示作殺生等十事。為利前生自己。又無過失。如涅槃說。佛為仙豫王。見五百婆羅門邪見。擊而殺之等是也。縱下若但能利他。自有過者。亦不許行也。此下準此初地。已上方得用。此無分別智。故地前不合淨名說者。彼云。雖為白衣。奉持沙門清淨律行。雖處居家。不著三界。示有妻子。常修梵行。現有眷屬。常樂遠離。乃至入諸淫舍。示欲之過等。至下據大乘定惠。合更為廣明之。以劣機。故非復所聞。設聞但誦其語。約心起行。但劣。故可悲也。縱欲明之。具如淨心誠觀。又前三種觀門。理可明也。上下即上據出家無緣等七科。並約標題註文。引義判釋。如前也。後人學之。可資心用。分別位。即分僧尼兩位。以列也。飲乳者。四分云。因二歲比丘。將一歲弟子。往佛所。佛訶責云。汝身未斷乳。應受人教授。云何教人耶。行立立即住也。身下攝七

大象鼻垂前一角也。樹葉者。垂前兩角也。藏賊細繭已安緣也。高下律云。下垂過肘。露脇。高過脚踵。捻鉢緣。律令左手一心。擎鉢右手扶緣。今兩手捻緣。故是非法。鎔銅灌咽。以因中食不淨食。故果中獲此報也。其相多者。言不獨灌口之苦耳。假食假托食。故發也。儼若思。鄭氏云。儼務莊貌。人之坐思貌。儼然安定。辭審言語也。易曰。言語者。君子之樞機。微不可長。下上舉曲禮中三種文。略樂不可極。今言欲不可縱。理亦同也。鄭玄註云。四者漫遊之道。桀紂所以自禍。志不可滿。亦出曲禮在心曰志。不可滿也。道俗知非。言此十惡是通制道俗。故俱知非也。初轡都也。既曰知非。言其未可陳過也。然下正申衣食緣也。悠悠遐遠也。言向道遠者。則未能成其相也。因白即白佛而立制也。觀變觀前行壞。故與此白二之教以補之。短右袂。論語云。衰裳長短右袂亦執作之便也。楊音祖衣也。纒私列。繫也。左傳曰。臣負羈紲。社預云。纒馬

襖偏袖衣偏指歸云偏不全也袒肉袒也露一肩之稱然偏衫右邊因先一邊露故今用覆之強立偏衫之名今兩袖衣號偏衫者西土本無蓋元魏宮人見僧袒膊不以爲善遂施此衣綴祇支之上又云偏袖衣小袖者非也指歸云今詳西土無袖蓋右穿頭著者綱大繩也系下計繼也說文云繫也靴釋名云本胡服趙武靈王所服屬反字書云麻曰屨皮曰屨黃帝臣於則所造事別式樣不同也

盡集須大小俱集也儀軌和成今行禮具足是威儀中教法也蓋須和敬方成今法闕師資者言此時不可叙師資之禮也以爲能兼僧勝故也四僧即偏袒脫履右膝著地合掌多種彼引四分至上座前脫履偏袒合掌手執兩足云我和南義云而作禮也出要律儀云和南爲恭敬也聲論云槃那寐此翻爲禮此云下即指注第三位也多少於上或別禮下但總禮故曰任力也

三輪即左右足并右膝頭也至地若輪也距可也反俗作服誠行註想上說身業此可通收口意言

口說誠約之行目註心想無敢暫移也自下斥今人叉手如新歲經云佛從座起自叉手向諸比丘悔過等指掌齊合則束身心不散也今時後生對諸聖前或攘臂張目籠袖戴帽設復合掌又拳十指一生無訓自我長慢是故聖人作禮以教人使以有禮知自別於禽獸儒禮尙然況佛教乎後學誠之

律據從緣今有緣乞故禮也禮有從俗正云禮從宜鄭玄注曰事不可常也書上旬師節優齊開齊侯卒乃還春秋善之使從俗亦事不可之屬則當從俗所出禮器曰天不生僧下言僧無別地不養君子不以爲禮鬼神不養僧則假別以成僧用反依敬者餘時弟子却敬師也世下上引禮經爲況則不足爲疑也

具有兼者律中簡和尙爲具戒亦有兼於十戒和尙剃髮和尙也然二師行德三種一箇年十歲已上二須具智也三三相即單白白二白四也若據俱有白和之義即不須分但下釋分所以大小者受懺事大也作房分具行舍羅等事小也有皆結過僧不和合背叛布薩遠出亦犯故但以一白和告也差使即差教授尼素人守功德衣差分衣等處分作房等受懺大

儀卽受具戒法學悔法也。治損卽舉治損謗等法。網文乃局者。單白白二白四三位不同。名文局各有辨事。表和之理。號義通。但白下此約白與羯磨各主一義。名局單下此又約辨事。表意是同。故曰通也。結集據波羅翻度。波羅等雖然亦當時佛意也。通曰羯磨一百八十四法。俱有辨事之義。同名羯磨。不同古師五十名別法也。如上卽前體相中分成八種是也。答下上約事有大小。乃有八種。故對首但二。今若細分。一中有三。也。下下但心念法是下中對首。心念下上衆法。心念也。上下單白是上中白。二是上上白。四是又一位中約事輕重。自分三位。可以情求。上以下重。揀上倫。蘭分三品。今卽中品也。小衆四人。也。揀上品。倫蘭大衆。依律卽四分下文。又十誦初篇生重。此是近方便。謂身口相加。未得暢達。應一切僧中悔。若初篇生輕。二篇生重。應界外四比丘。少眾悔。若僧殘生輕。應一比丘。前悔其懺法與波羅還提。同。今云問邊人。謂受懺者。問邊人許可。無則不得。亦與懺提不同。卽歸中上。據下引例釋。意謂說恣既不開。

別衆懺蘭亦不可別懺。故曰說恣。應上以說恣亦在衆法對首中。故此別釋中品卽中中以但三人只問邊。故通對一人。捨財還衣及與正悔。通對一人。故在中中悔。蘭必問邊人。故歸中上界內者。一切僧中悔也。界外者。四比丘中悔。也。界亦通收者。此與說恣是同。不得別衆。只由中品蘭須對多人說。恣客對一二。故有差降也。問成對首者。約衆人說。恣客對一二。故有差降也。開成對首者。約衆人不滿。故開也。據理本非蘭中中如何。例中品蘭耶。以中品蘭二三人邊亦通悔。故既通得成應非中上也。悔必衆人卽小衆也。四分減誦中小眾者。三三人也。縱有四人。上是小法。以懺無單白之理。初二篇十誦云。若初篇生輕。二篇生重。應界外四比丘。衆悔。若僧殘生輕。應一比丘。前悔其懺法與波羅三能勤教授弟子。有七種共行法。更相攝養。如和尚法中。慧命增長法。身慧命也。形累形命。思累也。親疎親在於法也。十誦和尚有四種與法不與食。應住與食不與法。不應住法。食俱與應住法。食俱小與不應住。不問若晝若夜。應捨去。又付祇云。若

和尚能除貪等三毒。此名醍醐。最上最勝。不得離之。取勤即取勤教授弟子。具下若具可以統攝於人。由此義須和允於僧。然後與法。二受即受十戒。并具戒德。退德行容有退者。故須別請。

多緣慈戀。緣著父母妻子。故起慈戀。今且令止息。此小慈大哀。哀亦慈戀之稱。異上文耳。於空奉散意在供養羅睺也。為敬其始。故問羅睺久沒。何可供養。將以下答言。報身雖盡。法身在。故三昧無上。誦經等三種滋也。四山成論云。行者見死有大力勢。如大石山。從四方來。無逃避處。

多厭求樂。言多厭苦。好求樂耳。慈許初出家時云。我行慈許。拔一切恐。有後退。故先說苦事等三。等取誦經。勸助衆事。諸蓋即五蓋也。

開二為病。比丘緣故。開食粥也。非常途。開四十二章經云。日中一食。樹下一宿。慎莫再矣。兩頰今時末法。兩頰尚希。嗟乎。淳風既喪。正教陵遲。衣競鮮華。食慎心腹。略無少頃。留心學道。如此之偽。出家何為也。思之。

● 義疏作新

味重禪坐之重也。倚臥即邪倚而臥。欲使不久耳。分下謂分辨星位行度及月次至某處。當起等故。蘭若比丘。開讀星經也。尋起緣念。即經中初夜後夜亦勿有廢常。運誠在勤。修不可中道而罷。使浮溫散亂也。問對無戲。僧既通知。彼來問時。對答不差也。七日觀其所由也。事鈔即沙彌篇通別二知。即通和知。別告知二緣。即通白緣。別告緣成。問答即上問對無虧。僧義僧以和為義。頂髮表除有預一地。惑惑既斷。無漏方可斷之。今假和尚表法為優也。

四邊即下四邊髮。表除下八地。惑此通有漏。故但假鬘髮表法。又次也。今屬和尚。故曰不在羯磨。但為沙彌緣中正。為巧師兒。比丘輒度有不知者。故曰使知。下結僧罪。以尼律下文制僧同犯故。

先與下今時器劣者。先與五十戒者。恐沙彌因有毀犯。能障大戒不生。今但可受翻邪三歸而已。亦適時之變。沙彌戒歸等者。以下三歸文。方云。我今隨佛出家。故經列者。案大鈔。住清信士。度人經授者。傍教今即十戒。鬘髮問遮文略難也。謂亦須問十三。難十六。



輕遮今時不行。或能行者。則令正法久住。自他陷者。沙彌不得十戒。爲他陷和尚。鬪梨各結不學。無知是自陷三境。卽佛法僧也。所重卽我。今隨佛出家。親依某甲爲和尚也。

答可知者。前文對五戒。亦有此問。彼答云。五戒初離邪緣。故以正隔之。今八戒於五戒重增。勝行復何須也。又十戒自對別部邪師。故簡又與上不同也。物養卽五德爲度人。故七支身三口四大。小通結五衆罪。故如下例。如羯磨受後。但樂四重也。四重之外。既有餘戒十戒之餘。豈無別犯。若爾與僧何異。答結罪在第五篇。故與僧別。

問下意云。何故羯磨受具而列少三歸受少而列多耶。下篇卽僧殘等。易有陵犯也。有文卽戒本及廣律文。闕文少文示也。以沙彌學非廣故。

人畜取生類形像爲義。此非解也。如下古自引證。比擬大師謂古人約戲具與藥器俱是遷蕩之物。故取爲比量解之。然下出正義。生色天□性黃色不變也。似色謂銀可塗染亦似金也。唐梵兩舉。若據西域呼

金卽刺拏。又云蘇伐羅。又云捺陀。呼銀爲阿路也。又云惹多。此五印度正音也。及翻梵至諸差胡言音涉。漢遂翻卽刺拏爲生阿路也。爲似及至漢地。故翻金銀。今合而言之。乃曰生像金銀。當知是胡漢兩音耳。故大鈔云。生像金銀。胡漢二形。本梵下謂說銀爲像。同此似像義也。

蒙古蒙昧庸俗。諸有卽二十五有。出要卽出離惡道。帶持之者。如夫子佩象環五寸。天子佩白玉詩云。將翺將翺。佩玉瓊瑤。文云。青青子佩。註曰。佩玉也。皆弄也。於義既非。故指爲誤。

反形易性者。在家則束髮。出家則剃除。又在家恣已所欲。出家捨離愛染。故形性互相反也。所重卽羅綺等所輕。卽糞掃衣也。靡儒云。美色。

兩捨親疎。釋註中適莫問疎本已捨。今何言捨答親。謂六親疎。謂外黨對親得名。非全不識。又親故捨愛。疎故捨憎。故言兩捨死而有已。卽爲法已。斷心亦足也。志大卽志求大乘極教。卽大乘也。於他釋度人也。斯德指上五德。

始終始則發慈心出家終則求大度物非專小學意在通行故曰五德物養猶使物之長養也既有是德則人天以爲師範也受體卽十戒等體形服使護體以應法服也

段食謂麤段食起世經云閻浮提人等飯鈔豈肉等名爲麤段食舊云搏食取義則罕觸食如眼根對色塵是也又如戒本觸食諸男女各以爲食也卵生多思食起世經云若有衆生意思資潤諸根增長如魚鱗蝦蟇等識食識能持身亦通八識也此食最細故說上界又起世云地獄眾生及無邊識處天等皆用識持以爲其食兼者通對餘道說也且如人中思食者昔有一人父時遭飢饉欲造他方自既飢餓二子嬰雅意欲攜去力所不住以囊盛灰掛於壁上慰喻二子希望多時延命有人取囊爲開子見是灰望絕便死識食者成論云中陰地獄無色衆生入滅盡定者雖無現識識得在故亦名識食若瑜伽師云識以了別爲義謂有漏第八識因餘三食勢力所資便能任持諸根大造令不減壞有長益義通第八阿賴耶

識爲體以能任持身命不斷變故若經部中通取前五識并獨頭意識爲體

本非非無也謂無願爲言不用修行也故以施之大鈔中具出破相擬輒賊住者問之餘九卽下九種皆擬賊住故

名色一蘊是色四蘊是名心不可見卽識受想行既無形質可見止可以名召之初始識支俱舍云識正結生蘊謂於中有未位纔沒隨於胎卵濕化受生之時一剎那間有了別義名之爲識卽染謂赤白二精不淨染分以持其識從託胎識支後一七日名揭邏藍此云糝穢狀如凝酥者是歌羅邏與揭藍梵音轉耳合心卽初識三十八轉如阿難問經佛爲難陀廣說胎相在母胎中凡經三十八箇七月初七日如薄酪乃至三十五七日人相具足三十六七日生狀離心不樂三十七七日生穢穢想三十八七日風力所轉頭向產門伸兩臂出每一七日各有一風吹令變易風各有名具如彼經是則三十八七計日成二百六十六日計成九月所以少四以半小故故曰九月

便生問世教及經並云十月何故唯九答九即十也。何者經涉十故如月初一日受胎者則定九月二日已去日數滿時即踰至十月即受異名者言是三受之異名耳。

假事痛癢想三事爲三受之目。梵天因即破梵天爲因外道也。以下申彼所計創下下欲界也。佛法下陳今正意本陰即五陰中識受想三心也。三想想以分別爲義。蓋對親怨中庸境生三想。故因此三想生。故見親起樂受。見冤起苦受。見中庸生捨受。三受既生。則起三行。謂對親起貪行。對冤起瞋行。對中庸起捨行。由行以遷流造作爲義。故持犯云流入行心方成。別因造善作惡自此而起。由此故淪墜生死經歷惡道也。

苦集苦爲有漏果集爲有漏因。故曰世俗因果又滅爲出世果。道爲出世因。無諦者諦以審諦爲義。爲衆生不能審諦觀察故曰無也。諸聖反此故有諦也。涅槃彼云善男子所言善者不名聖諦何以故。若言苦是聖諦者一切牛羊驢馬及地獄衆生應有聖諦。乃

至是名爲苦非苦聖諦廣如彼經第七卷中

爲在色中下是彼所計。或云我大色小色在我中。色大我小。我在色中。乃至云我大識小。識在我中。識大我小。我在識中。計下彼外所計。若云在五蘊中則隨陰成五。我今一一推求五蘊本空。我依何住。如此觀之。便了人空相似。若能如是觀者。此亦相似聖人之類也。

如有下示外執也。一識通行通應六根門也。外計云如人打南窗時。猴即至南等。佛下正破。若是一者於眼中便合聞聲嗅香等。今既不爾。故知非也。

逆順逆觀過去順觀未來。各八萬劫不見有生。死之身。此外觀所不及。便言八萬劫外生死自盡。涅槃自證。不須勤修也。如轉縷凡彼舉喻也。如人以線卷一泥丸。從山擲下。線盡泥止。身亦如是。佛下正破。謂佛法須在精勤方盡生死煩惱。未斷安得無身故。七覺支中有擇法精進等覺支。八禪四空定并下四禪等四等取納衣樹下腐藥等八等取業命見思勤念定也。

三之一

妄計下卽破色無色天計涅槃外道也非想卽無想天在四禪也有頂卽非非想天在無色界頂謂此二天定心想不行見其沈沒謂是窮理盡性涅槃也夫下以涅槃體寂不爲諸相所遷今是三界輪迴之處正是衆生所居何得指爲絕有涅槃之法

諸人卽十一切入亦名十遍處以外道所計空爲至極故緣色青等色以住其心等但是下如觀青遍處時卽取少分青色觀之使遍一切處皆青也乃至觀空亦如是此皆是自心運用周遍或增多或減少本無實境但唯一識何得執空以爲涅槃智下外道修世禪但破欲色二有如渡小海不能破無色有如不能渡大海也由彼不破我心執空爲病故有在令心有所詣也持說下卽持衣說藥受百一及長衣說淨等輕位卽吉由下釋結輕所以廣下大鈔云沙彌行事法用同僧羯磨一法不在數例自餘衆行普制同修說戒自恣既是常行不得別衆約界盡集自然遠近亦同僧法

此方無譯凡譯有二種一者正譯二者義譯今謂無

●疏作等

正譯耳以此方既無大聖出世復不度人出家無以將此方之事以正譯之故但從義也如下指二方之有也中方卽中印也俱句卽以義翻義以名翻名也鳩摩羅錫木西土草名也具四德五義可以比出家之士也令魔怖者魔惡滅其眷屬故所以魔宮震動也本志卽出家之人志在怖於四魔故如上卽翻邪中下界頂住卽波旬也身所聚謂五陰盛魔也以色有但壞心則不停故曰念念壞三毒貪瞋癡也劫掠力向奪也

本言道士晉宋已來召釋子爲道士道人故習鑿齒與謝安書云來此見釋道安故是遠勝非常之道士恨足下不同日而見李張卽道家之姓治頭言能梳髮導氣也鬼卒言能驅策神鬼也皆彼之名耳後下卽朋類衆也蓋上蓋釋之道士名也釋改之爲道人不妨下以五天異道亦稱比丘及沙門也故向云不問邪正修道之士俱稱比丘今且據此方外道不稱則可專其一號知是事佛之者

戒本卽戒疏中以三義譯之又因果有三名在因名

怖魔乞士破煩惱在果名殺賊應供及無生也

尼五卽八敬遣信等如下言明一輪者見思兩惑其猶二輪能運衆生入於惡道難必云須陀洹雖有修道斷不淨業無見道斷不淨業無對事故不墮惡趣具不具故如車二輪具有所運隨一輪壞則無所堪今初果人方斷見惑八十八使全未斷思故曰一輪二十年毗奈耶云如百歲苾芻蓋所出不同八事三衣鉢盂坐具漚囊針線斧子

惑盡見思俱亡也亦名上法受律下迦葉與五百弟子詣如來所世尊爲說布施持戒訶欲不淨迦葉等卽於座上諸塵垢盡得法眼淨佛言未來比丘於我法中快修梵行得盡苦際卽名受具足戒也

三語卽皈佛法僧也義鈔云三語者積德非遠不感大聖託彼小聖故曰羅漢也三年因億耳比丘三年內待十人滿爲初緣後至佛所乞邊方開五事斯一數也

赤縣河圖云崑崙東南方五千里號曰神州亦稱赤縣言赤者一云以帝王南面萬國朝宗南方赤故或

曰取中心之處心府必赤帝既居中取象正與曹魏卽魏世曹氏簡後魏拓跋氏前下事鈔云迄至曹魏之初僧徒極盛未稟歸戒止翦落殊俗設復齋儀事同祠祀嘉平卽齊帝芳時初改元正始後更嘉平凡得五年法時中天竺僧曇摩迦羅此云法時誦諸部毗尼以魏嘉平年至洛陽立羯磨受法中夏戒律之始也準凡十僧大行佛事改先妄集出僧祇戒心又有安息國沙門曇諦亦善律學出曇無德羯磨卽大僧受法之初也僧傳卽梁傳也

僧多信少者此約所受者前云中國僧多善心淨難等操機悟漸乖故限於十破名是通如初果善來亦破見惑故應可名破結

人法如云三語語是法授是人義鈔云有人不立上法得戒何者一無上法人二無上法教若下古人立難自通答下意云卽名具足者是在羯磨前得羅漢果設年不滿二十由證果故可以替得不妨是羯磨言下發戒

全無下言律中但有數胎閏一切十四日布薩且無



羅漢足滿二十之義後成反古人之前成也第一受五分云童子迦葉不滿二十受具足戒後方生疑不知云何以事白佛佛集比丘僧問曰童子迦葉有所得不答言得須陀洹佛言此人乃是第一受具足戒然不名白四羯磨受以此證知初果尚然況復無學乃下即小年中自用胎潤等且無得果開也

以無弘道言女人不能弘於佛道又遠於化益故抑遏而未度又若度者恐減五百年正法故後還舍衛即愛道等所聽處祈聽許也時爲三請即阿難也如來宣八敬之法村與阿難陀難頂受尊教授於愛道愛道聞之遵此八法作奉行之意即於阿難言下發具足戒

僧尼各十先受本法雖在十人後正受戒大僧言下發故至二十人也姿貌下謂端正女人欲往受戒賊專伺候故特開爾返待使尼迴告告前受者方發戒也曾飯公羊傳曰婦人謂嫁曰歸減八年即十二可得戒也

有恐即有恐怖處也若下今斥制僧以戒下亦制僧

● 廣疏作然

故豈僧開而制尼一衆受以此方先未有尼故故師子國尼八人來云至宋地未經有尼何得二衆受戒是也十一衆即十僧并愛道也求那跋摩此云功德鎧一十一尼以先有師子國尼八人又往中國請尼俄而師子國尼鐵索羅等三人至京師足前成十一人據理但十尼即得也便請衆鎧爲師壇上爲尼重受當元嘉十年也善來破結

加持律者問意云中國十人不言持律邊地五人言持律者何四人要滿能秉僧六人但可足但可足數不必精練依緣即人僧界等恐約數成恐言但約數成五便得故持制以持律爲約勒之辭也非謂中國通於持破十人互望無破戒事可以省也

能所俱齊者能教所教業成俱齊結豈待殺竟報方犯罪故曰殺盜不爾思具即思願具足耳

此局法緣等者如善來非三語三語非破結是法局也又善來是初果破結是四是緣局也爲五善來破結三語八敬羯磨各有當體也合六僧即五衆十衆尼即遣信小年義立二十人也



通於僧尼皆列八種也。一名字比丘。乃至第八白四比丘。六七破結善來。二比丘通尼。如來下此引百緣經也。又賢愚經云。蓮華色尼。佛唱善來度。相違與上多論。不許何相違耶。

如下引論意有通局。多下大師和會也。

通於僧尼。亦有上根精進。惑盡證聖者。尼未有心。即未有出家心也。制斷三歸。令與羯磨。故十四年如來成道滿十四年。尼方求乞出家。此時三歸已廢。故尼無此一受。

反通言僧若通敬尼者。則亂大理也。兩報即僧尼單者。僧一衆受。但一白四曰。單尼二衆受。三番白四曰。復良由機有利。純僧有淳。正薄劣故也。

五千千字誤義鈔。作百彼云。佛滅度後五百年中。解脫堅固。可無一人。八羅漢果。三達智喜。見約了達三世法也。二時佛在佛滅時度。仙付法藏說。阿難恒水度五百仙人。唱言善來。願成阿羅漢果。此約阿難臨滅。五百機發故耳。非是常途通例。

南洲即閻浮提。佛降迹故。餘三洲不到。故無此一受。

●須上通脫  
其字

●須上通脫  
其字

三天即東西北洲。三天下也。九億即九億家。三億家見佛聞法。三億見而不聞。三億不見不聞。不妨下有緣。則處處普現。又何但爲三洲乎。今且據此宗報身降生。示迹在南洲耳。諦論法化之身。何利不通。非不如上言。若餘方非見聞者。即不如上具四緣也。

通三不疑者。義鈔云。如來一代三天下。中可無一人。八羅漢果。羯磨因。擯頭往餘二洲。故得有也。未擯謂三語廢後。方擯頭。故不通餘二洲。義鈔云。出耶尼是也。加起僧坊。謂十誦與上文並同。唯更加言起僧房舍。爲異。多下彼云。婆提東洲名也亦因擯頭。盧往大作佛事。乃至有八部衆等。北下以北方是八難之地。化所不及。故五受俱無也。

七種者。五八十具禪定道俱戒也。大戒即大乘戒。望前次第。故曰漸受。又對小乘。故曰大戒。當局自通。謂破結善來等。各別名局。同發無願曰通。

小戒。謝以是盡形受。故局報盡也。與期即本要期。亦名爲願期。願盡形戒。亦須謝引五下。此師似成實體內。增起全成菩薩戒也。故前云勝者受名。

餘四卽善來破結三語八敬漸頓之義如下自明三種卽五十具也

不破威儀卽下諸篇輕戒也若犯上篇盜淫等戒定是邊罪無由進受故不在言但說威儀也如下業雖有青黃等色蓋隨時受稱且本體不失也故言者約人故分三得體但是一以皆是形但無作又同是非色非心爲體故多論下證上三人雖有三品實一無作乃至五戒文略若捨十戒也彼論云若言我是優婆塞非沙彌卽失十戒五戒在若言在家出家一切盡捨我是三歸優婆塞三種戒俱失三歸在文列五戒卽愛道先曾受五戒也後受八敬豈非是漸未下言未必先曾受五戒也

出六如前具引不解此座卽云我若不成正覺者終不破膝起此座色森衆多貌問與上無師復有何別答前約不對他此約自立誓問佛在因時得戒果時得戒答若依僧祇如來果中得戒故律云佛在菩提樹下最後心中豁然大悟自覺好證是名具足若依婆沙論亦果中得戒以自言不起此座而得漏盡之

此座從

時果戒俱得若依五分因中得戒故彼律云二月八日夜半逾城乃至在一須摩那樹剎髮著袈裟卽言我今已獲具足不言受也善見亦因中得戒以寶衣易鹿布僧伽梨已披衣剃髮卽言已獲具足四分無文若以義推瓶沙王見菩薩著袈裟乞食爾時未成道故知因中得戒然此太子王官非實生雙樹非實滅不可定言問戒本防非佛既惡盡何以戒爲答戒是功德法若當無戒乃至惡盡功德不滿是故須爾問佛名自然弟子號上法者答佛因不假師教會自然理得盡智故弟子不爾假師教也拘隣亦名俱輪梵音轉也卽陳如等五比丘準多論得見道也又善見云如來慈悲舉金色手以梵音喚應時得度衣鉢自降皆悉善來二論不同須陀耶彼經須陀品云佛在摩竭國波沙山中清旦位靜室起在外經行是時須陀沙彌在佛後行佛謂沙彌曰我今問義曰有常色及無常色爲一義爲有若干須陀曰佛有常色及無常色者此義非一也所以然者有常色是內無常色是外以義故非有一也佛告須陀如汝所言

快說此義乃至告曰。今即聽汝爲大比丘。廣如彼第二十二卷中。此則與佛對談得戒。義鈔問曰。何故尼中無論義得戒。答性多煩惱難可校語。不得與佛對談。稱可聖心。故七歲見論第七云。佛於富婆羅門寺。經行間須波迦沙彌。降服名或色名。此二法者。爲同爲異。須波迦隨問而答。佛問須波迦。汝年幾。答言我七歲。世尊語須波迦。汝與一切智人並善。能答問正心。我當聽汝受具足戒。是名答問得具足戒。三歸歸作語字爲正。以語即通歸不通也。八重下云。重法即八敬也。五十八即五受十受八敬三人一受亦三人爲二引也。

具文即具歸三寶也。有缺即一語二語同歸言同一體故。所謂佛即是法。法即是僧。戒疏云。唯約心體義分三相。如涅槃說三寶同性等。二受即一語二語受也。如何局此。此一與四分同。何在六局中收耶。答且約見實名異。故分爲局。若據取果證無學。是則名同。故曰宜知在通。

七種彼第二云。見諦得戒唯五人等。佛與陳如等五。人夏安居至八。

川八日得入見。餘更無得者。自誓唯大迦葉一人得。滿成須陀洹。餘更無得者。八法受戒唯愛道一人得。更無得者。善來三語三歸。在世得滅後不得。白四羯磨。戒佛在世得滅後亦得。又優樓頻螺迦葉兄弟門徒一千人。舍利弗目連等門徒二百五十人。合千二百五十人。俱是善來度三語。如疏下科所引。度人數目。白四一度。繼續三寶作無邊利益。七種戒中最勝最妙。

此文指上多論加結。加後三結者。名曰三歸。但言歸依佛法僧者。名三語也。牛呵音轉。即憍梵波提。此曰牛呵亦云牛迹。以過去爲牛。故口有牛呵。足有牛蹄之相。呵說文云。吐而唯才笑切。兄弟七萬句彼云兄弟七萬人。諸諸比丘。諸比丘各盡三語受戒。本無結歸無後三結耳。

無師彼第五云。謂如來自誓摩訶迦葉。見諦謂五比丘。問答須陀洹也。三歸彼云。謂摩訶迦葉及三說也。五衆邊地律師五衆受十衆中國十衆二部僧尼二部受八重。謂摩訶波闍波提等。五分多論只通愛通。上疏云五百女人即敬得。遣信因達摩提那廣如彼。成此及通也。部類不同。

文

一教授者見論第七問曰何謂教授佛告迦葉汝應如是學言我於上中下座發慚愧心應聽一切善法置於心等大德迦葉以教授即得具戒是佛神力得也謂下大師會上即自誓受義也三歸問答如前解重法重則敬重名故會云即入敬也遣使八語者謂尼中本法一白四僧中正受一白四故曰八語即二十衆故曰僧尼俱白四也五下是比丘所行白四建立

母論第一卷中正名上受具足何故名爲上受具佛在世時不受戒直在佛邊聽法得阿羅漢名上受具故會云即破結也今言建立者彼論又云從今已去聽汝等立善根上受具故以得名也初聽彼論云佛聽受具即下彼論云爾時佛在舍衛國比舍徒鹿母園中堂上問蘇陀耶沙彌義沙彌解義如佛所解稱如來意佛即告言汝從今已去若有疑惑恣汝來問亦即無戒故名勸聽受具難心下出彼第三卷中自起謂佛也即上自覺受受

師謂摩訶迦葉即下會名受師教而自誓也起昇離生謂五比丘受也須陀指初受人即上問答今謂因問樂答也

各下列人者彼第十四云毗沙師說有十種得具戒

法一自然謂佛二得入正性離生謂五三佛命善來

謂耶四信受佛語爲大師謂大五善巧問答所問謂

舍等六敬受八尊重法謂大七遣使謂法八持律五人

與陀六敬受八尊重法謂大七遣使謂法八持律五人

謂過九十衆謂中十三說歸佛法僧謂六十衆謂疏

中謂簡通局故與論文列一二等次不同也

有四者一善來二三歸三略羯磨有三一善來二

遣使三略羯磨獨下謂獨覺有最功德至得諸佛世

尊無量功德波羅蜜至得等前七種合有九種圓德

也

先白衣聖人即在俗已證初果者方感此度善下賺

釋如文稍勝稍漸也先誦佛語即依教持誦及習善

來之法止由機劣於前故於羅漢前三歸受也遮法

文略難也乘白但乘一翻單白即發具戒此雖劣前

而復後廣羯磨今所行白四也



無下無三歸及略羯磨。受愛道即知遣便是入敬一。受以阿難爲傳使故依他善來依佛三歸。依羅漢略廣通聖凡此結歸上了論依他兩字言下又驟上論圓德二字以次示之。

最後生即最後身也。性得自性中發故非因他受苦。法忍即見道中苦法智忍等前十五心無漏聖慧時也。盡無生智此一約證無學後也。具而言之有盡智無生智且盡智者有二解。一云從金剛道後與無漏盡得俱故名盡智。二云此盡智足解脫智此解脫道中一切惑染皆已盡故名盡智。言無生智者即從盡智後有智生時一切煩惱更無再生之義故名無生智。又約四諦而說即我已知苦是盡智不復更知是無生智我已斷集是盡智不復更斷是無生智我已修道盡智不復更修是無生智我已證滅是盡智不復更證是無生智三種功德即菩薩戒出家具戒無生智後一切佛法也。又三祇功德亦圓滿也。當部卽了論此局他部各望所出律論爲他部此通他部本應四分也。

有是法彼論正作戒自得者卽自進修破結得戒論云見諦得戒以根本而言以佛說法故得證聖諦名從他得以義而推自以忍智明照眞諦而得具戒則名自得初從下說初意後證下說次意藉緣如羯磨要藉多緣以法須白四人須十僧又多論云若佛在世若佛滅後一切時得故曰通末代也。

●起上經  
不字

三歸反上假緣又少梵網下證從他爲勝蓋無師故開自誓因下反上句勝髮卽波斯匿王末利夫人女開佛授記已恭敬而立受十大願一世尊我從今日乃至菩提自世尊至此於所受戒起犯心二於諸尊實下九句長不起慢心三於諸衆生不起恚心四於他身色及外衆具不起嫉心五於內法不起慳心六不爲自己受畜財物凡有所受悉爲成熟貧苦衆生七不自爲已行四攝法爲一切衆生故以不愛染心無厭足心無礙心攝受衆生八若見孤獨幽繫疾病種種厄難困苦衆生終不暫捨必欲安隱以義饒益令脫衆苦然後乃捨九若見捕養衆惡律儀及諸犯戒終不棄捨我得力時於彼處見此衆生應折伏者而折伏之。

◆四攝門

應攝受者而攝受之何以故以折伏攝受故令法久住法久住故天人充滿惡道減少於如來所轉法輪而得隨轉見是利故救不捨十攝受正法終不忘失何以故忘失法者則忘大乘若忘大乘則忘波羅蜜已上證因強心猛豈在從他及多緣也舍利錯授人法者涅槃二十二云我昔住於波羅奈國時舍利弗教二弟子一觀白骨一令數息經歷多年各不得定以是因緣卽生邪見言無涅槃無漏之法設其有者我應得之何以故我能善持所受戒故我於爾時見是比丘生邪見喚舍利弗而詞責之汝不善教云何乃爲是二弟子顛倒說法汝二弟子其性各異一主澆衣一是金師之子應教數息澆衣之人應教骨觀以汝錯教令是二人生於惡邪我於爾時爲是二人如應說法二人間已得阿羅漢果威儀不淨鬚髮不落無袈裟著身等二人佛及阿難也從佛佛令敬僧也

佛於下彼論問曰佛得稱作和尚阿闍梨不答曰於弟子有和尚阿闍梨義佛不爲人作和尚阿闍梨是

故不得稱也三歸下彼云從諸比丘三語三歸受戒稱和尚阿闍梨不答曰不稱和尚得稱阿闍梨八敬如大愛道八法受戒亦得稱阿難爲闍梨不得作和尚以各但一人秉更無餘人故論自問曰佛何以不爲人作和尚阿闍梨答曰爲平等故一下佛平等心一切令盡事無偏故二下若作和尚則有親疎既有親疎則有鬭諍三下若作和尚外道當言沙門瞿曇自言慈等一切與一作和尚不與一作和尚與凡夫無異四下若佛作和尚則墮僧數如受具戒三師七僧十衆受戒若作和尚則入十衆若入十衆卽墮僧數無有佛寶若無佛寶不成三歸五下若作和尚則無佛不壞信如別三六下若作和尚則無念佛七下若作和尚弟子有病及諸苦難則應管理供給所須滅前人所有功德如昔一時有一比丘應得羅漢而有轉輸王業障不得漏盡佛欲除其障故卽爲比丘正當轉輸王福一時滅盡卽得無著以是因緣故若作和尚有損無益八下若作和尚弟子有病應當看視飲食醫藥種種所須豈是自在法王所應爲耶九

下佛法流布有近有遠。若作和尚諸有弟子。若欲受戒。不問近遠。一切盡來。則令衆生多受苦惱。若不作和尚。則令諸弟子無有如是諸苦難也。十下若作和尚。佛在世時。理則可爾。若佛滅後。誰作和尚。以是種種因緣。佛不爲弟子作和尚。阿闍梨也。我即在者。即云我在僧數也。今何云不在。答下有兩種。僧在應供。而不在羯磨。故下證不在羯磨。僧令三寶位別故。

四分律隨機羯磨疏正源記卷第五

四分律隨機羯磨疏正源記卷第六

天台沙門釋 允堪 述

善來下依四分言。善來一種。唯被聖位不通二凡。凡內外解非圓明。狀心非極道。即道前屬二凡位。極聖即佛所呼也。五下須提那子。既犯初戒。此屬凡也。則部別不同耳。今又約多分爲言。是初果位也。故祇疏云。善來言下果戒俱得。果謂初果。

外凡者。散修事觀。未緣諦理。對於加行稱之爲外。未證聖果。道眼未明。故名爲凡。今既言非外。顯是內凡。漸見諦理。稱之爲內。二受人。即三語八敬。人所得能持。故不羸。誓持無退。故不捨。非受餘報。故不變。根復離邪見。故不斷。善始下二句。結示也多論云。以福德深厚。不退以內。凡位有信根。增世第一。中有信力。增不可傾動。如根不屈。可伏如力。既有根力。則不壞不屈。故曰不退。故義鈔云。內凡已去。得不壞信成就不退。

何下律第三十云。諸比丘。受教人間遊行說法時。有聞法得信。欲受具足時。諸比丘將欲受具戒者。詣如來所。未至中道。失本信意。不得受具。乃至佛令諸比丘。自今已去。聽三語受具。以此文證。何言三歸等不斷善根。始終堅固不退耶。出家信。即事中之信。不壞信。即理中之信義。鈔解信有二。一事中出家信。二理不壞信。彼言失者。謂失事而非理也。失事疲苦。即母論云。於中路有生悔心者。即還歸家。是失事信也。故犯思惑未盡。故無著。即羅漢以見思惑盡。故無實犯。



餘下三果既有故犯。故知二凡有故不疑別苦。即別報望不受三塗總報。爲言成論下。變設有故犯而無總報。

四分下。愛道八敬受得初果。五百女十一人中受。是通內外兩凡也。此絕言議。此謂位唯在聖人也。故義鈔云。無欲迦棄。修道進德。惑盡解滿。會性空。故上法而發具戒也。又下云。三毒皆盡。凡六義。鈔云。善根又薄。故盡白四果。向四果。向也。涅槃下。引文證通果向也。彼三十九云。有梵志名淨梵。出家受戒時。佛勅陳如。將至僧中。爲作羯磨。令得出家。十五日後。諸漏永盡。得羅漢果。驗知初度是初果。不久得無學花尼。即蓮花色。尼若賢愚。經蓮花色。尼佛唱善來度。部別說不同。五分下。彼云。陀驪十四出家。十六道成。羅漢年滿二十。羯磨受戒。

於座下。卽律云。於座上。遠塵離垢。得法眼淨。對人卽佛法金口所呼。令盡苦也。文下四分云。快修梵行。盡苦源也。心境前云。斷一切惡。修一切善。是也。五下。前云。正說正法。作是說已。髮落衣變。便得戒也。

見空卽性空。謂了名色性本空。故形同作比丘相也。無學卽對羅漢也。文下。彼欲往佛所中途而止。佛令諸比丘三語度也。心境自有受心。對羅漢境等。作業三語。竟爲樂如三語。指同上作也。得道爲緣。卽前五緣中第一緣也。

餘破結三語八敬不言者。又後三須形同者。與善來何及。手能轉變。以是初果之機。佛一呼形變。故不預假也。又後三不對佛。故曰不爾。總別卽能受有五所對。有七等如下具解心。

奢奢侈也。言有違謗。故三結前云。歸猶結也。則三結者。屬三歸不結者。屬三語四偏。一白三羯磨也。結一卽一回結。歸四受離破結。外餘四受也。我欲欲是希樂。卽屬求乞。卽下卽是求乞之相也。但下以僧須十人情和稍難。若不遜順。乞請無由。驟名入法。凡地知內凡也。既屬內凡。卽有故犯。

婦心卽內凡。四善根中第一位。煖者能喻得名如人。近火得火之前。相謂見道無漏智起。能燒迷理。惑薪名之爲火。今加行位。雖未近無漏智。已得智火之前。

相故名煖也。退作五逆者。以四位中忍位行人。方無退墮。故俱舍云。忍終不斷。善反顯前煖頂二位。俱有退也。欣下反顯不能欣上也。故致戒有羸弱退道捨戒還家也。二形帶男女。形也。餘四即善來等。既無羸等四過。故曰無災患也。

萬載且指末法之運。若據釋迦一化盡者。當六萬之修齡。七萬獨覺出世。八萬彌勒下生。備如壇經。道宗鈔中。三天除北洲。餘下如善來。唯佛召三語。八年前。與八敬緣在。二人唯南洲佛出世。故有也。破結微通。義鈔云。如來一代。三天下中。可無一人入羅漢果。又以賓頭所化通三。可知末下。說破結少。而羸磨通也。百一十羅漢律第三十云。諸比丘。汝等人間遊行。勿二共行。又律受戒中。世間有百一十羅漢等。謂佛先度令分頭廣化。方有三語息。則八年後。與羸磨十四年多論云。佛遣阿難。故特制前三乞也。不同前四略含乞意。名相罪名。種相也。三受即善來。三語破結人。初二屬內。凡破結唯四果。故曰已上也。八敬雖曰內。凡以正陳名相。故除之。

具縛以凡夫。全未斷惑。故制相如壇下說四重相是也。俗化收上。五八羸磨。犯後者。八年已三語廢。即制羸磨受是也。十戒中列和尚者。下文云三語已。前未論相攝。因過須師方制。和尚故羸磨與者。意存師資。又下云八年羸磨。方有十戒。今十戒中有和尚。驗知在羸磨後也。

因過因人。受後犯過。聞師教授。故方兩攝。即師資互攝也。至三。即今三人同一列受也。餘善來等。不限多少。佛教親呼善來。比丘修清淨行。正說正法。作是說。已方感戒。故

學人即阿難。白佛。佛令傳八敬法。故論教以皆是。如來開制。又同發一無作。故四過即四重。以初果生惡。國道力不作惡。雖不犯性。亦有犯遮。又可四過取下。有羸等四過。亦通後制。以下反顯。制後亦不作也。又善來度時。未制遮戒。比丘後犯。方制下文云善來。寢先以陳如為首。如上所被。即前云三語八敬。非外大愛道。

八敬法受戒。則十四年後。愛道方剃髮。求受八敬。故



三之二

義鈔引婆沙論云。佛成道十四年後。以八敬度女人。自此已後。以羯磨度具女人。阿難有和尙。顯阿難是羯磨度。今八敬是阿難授。故知八敬在羯磨後也。年減以不稱羯磨度。破結方開。

方有下在羯磨後有也。故前云。羯磨犯後。故有十戒。是也。未曾有後。漢失譯。嘗檢彼經。無有此文。恐指名錯。今謂羅毘九歲出家。受十戒。顯是如來成道後得九年。方有十戒也。羯磨既在八年。與則知在先也。就事辨緣。注中五緣是也。言下指下。正授戒體中文也。乃疏中懸判耳。諸有即三。有滅欲五欲也。茲學即戒。餘何指定。慈萬行便感如善來等。從緣要假人僧界法等多緣。方發無作。有無有則緣具足。得戒無則緣缺不得戒也。唱言顯是如來所制也。

或下大師約二義解二種羯磨也。諸受即五人受十人受二十人受。邊方義立十人受。遣信受。小年曾歸受母論。但就緣言者。彼論五緣得成一和尙。如法二二阿闍梨。如法三一僧清淨。四羯磨成就。五衆僧和合。與欲此就外緣解也多釋。即多論彼云。若受者在

家受五戒。八戒出家。受十戒。隨五戒破一重。受八戒不得。乃至不得受具足戒。及作和尙。即十三難人初難攝。此就自因解也。今下大師會二論。總成五緣也。能受人所對境發心。乞戒。心境相應。事成究竟。文云。及具則心境相應也。終即事成究竟。

又五即一是人等以能名。蓋謂能受中有人非人畜生人中。又有黃門二形等。非簡別無以顯。顯在生。或作出指掌如指示掌中之物。言其易見也。

着樂多者。多論云。以五道而言。唯人道得戒。餘四道不得。如天道以着樂深重。不能得戒。如目連。勸釋提桓因。佛世難值。何不數數相近。語受正法。帝釋欲解目連意。故遣使勅一天子。令來反覆三喚。猶故不來。此一天子。唯有一婦。有一伎樂。以染欲情。深難復天。帝命重。不能自割。後不應已。而來帝釋。問曰。何故爾耶。即以實而對。帝釋語目連曰。此天子。唯有一天女。一伎樂。以自娛樂。不能自割。況作天主。種種宮觀。無數天女。天須陀食自然百味。百千伎樂。以自娛樂。雖知佛世難遇。正法難聞。而以深樂種縛。不得自在等。

修羅下多論云。凡受戒法。以勇猛心自誓決斷。然後得戒。今疑惑故。非得限道。下言本在會正理。向涅槃也。今若誚誑。何能得之。報局局猶劣也。又受報不一。名局如下。傷云。地獄中陰身。猶如融鐵。聚熱熾然。若不可爲譬喻。如下。彼云。諸天著樂。心多善。心力弱。何由得戒。餓鬼以飢渴苦惱。身心熾然。地獄無量苦惱。種種楚毒。心意著痛。無緣得戒。畜生中以業障故。無所曉知。無受戒法。雖處處經中說。龍受齋法。以善心故。而八齋一日一夜得善心功德。不得齋也。以業障故。以四天下而唯三天下。單越無有。佛法亦不得戒。悅動物情。如阿說。感於身子出家是也。二十餘猶如眼一種。自有多相。故律云。或青黃赤。或紅白水晶。極深三角。大張斜瞋等眼也。

五分僧祇者。鈔引五分云。諸比丘。度截手脚耳鼻。截男根頭排眼。出極老無威儀。極醜一切毀辱僧者。皆不許度。若已度得戒。或先有相嫌。以小小斥事。作留難。似暗似跛。似短。似小。父母不聽等。作留難者。吉羅。僧祇云。盲者若見手掌中文。若省目。要者高聲得聞。

躡者捉履曳尻行。轉若凸凹。若治與皮不異。得印。癩人破肉。也用銅背等作字。獸形像。備者或上長下短。或下長上短。一切有遮。不應與出家。若已出家。不應出。僧得越罪。

淨舍宅爲貴人之所處。淨身器作妙戒之所依。淨衣。卽新白衣也。雖無戒。犯約白衣也。生報當生報也。相違作業與戒相違也。

下列覆露智論云。佛望弟子住於中道。似着三衣外。道裸身無恥。白衣多貪重着也。今疏中覆卽是白衣。露卽外道一露。一覆。故曰二邊。今三衣不多不少。是合中道也。實相。同本言。堪條等。相同如來本制也。褊褊。今右邊者是也。正背卽今褊衫。縫合背後者。或是褊。膊故二衣篇云。今時着褊袒。褊力。諸諸是也。方裙。卽女人上馬裙。因都皇后施。僧倚不滿也。謂作法者。至時緣赴別衆。非法等如不足數。所明如論卽母論。

通不破戒者。如四分不足數中。所謂羯磨人神足在空。隱沒不見聞等。又捨戒中。顛狂癡聖中邊等人。雖

不破戒約緣故不足無下羅漢尚有誤犯況餘下凡  
願約不破方足今此下謂邊僧若多開本法不得今  
若僧多而不堪預者用五無爽

我倒有我人顛倒故不和不和則有不肯同遵今集  
者爲遣此故也羯磨下謂此大法正是和僧之詞也  
以法在衆成衆通足別傳不難以和諸通決寄此言  
被事得成決者此羯磨法也四緣卽大鈔云一切羯  
磨必須具四法一法二事三人四界上下將一法爲  
頭以人僧界比度括之鈔云若欲通知細尋此門上  
下橫括庶無差忒是也

若借應與價直五分令主捨之亦不明得不今準薩  
婆多論得戒必誦十誦羯磨依彼開成準急無損未  
及言未及法滅也

離合約緣故雖就義可合雖合七成四片局成敗又  
可合四成二也餘違不合指上七緣中前後六種若  
違俱判不成如結界不成是也唯事須論獨第六資  
緣一種

多論彼問曰不除鬚髮得戒不答得戒但非威儀若

無衣鉢得不答言得戒有下斷上文如下取例若無  
衣鉢從彼說得戒者亦可無和尚依彼說得戒耶今  
師取此若借下此一說約有得義雖曰假借以正受  
時有故但獲妄告僧之過也

義下亦古師義準故大鈔云昔人義準四分和尚法  
中若知借衣鉢受戒不得不知者得此乃人判終違  
律文必敬佛言再受依法證教勸依四分也大師之  
意要準急教恐後例闕慢心增盛今時弊風頗多也  
聖師之心事不在垂告今日乎知法有力勸早備之  
倘欲以身期出生死豈以此緣礙發足勉之勉之  
上雖並默卽不稱自己名及和尚陳乞等縱下卽無  
心行乞縱有所乞而同非乞也

界成取上七緣中一與七也僧具取上二三四緣也  
法正取上第五白四教法也緣合取上第六資緣具  
足也雖具此七意不緣念戒者卽是內心不稱所緣  
戒境也心下反上句也自下卽心境俱不相應及能  
受所對等緣但便不順教者俱入非也罪下既心  
不當境等雖受無戒盡師無善誘之心實圖飲奉之

道罪福既不精純。故罪與業而互相投也。

八相即經中始當請師終手正問八法往來片無差失也。五行白虎通曰。謂金木水火土也。言行者天行之氣也。

中人箇生而知之者上矣。蕃胡謂佛法離五即土。未到東夏。先到蕃胡地。故彼傳梵語變失其近語。力生於師。語實遠矣。乖謬論者。與上正梵。鄔波陀耶。聲有少乖。如優與鄔。訶與耶。是終乖轉也。如上所述。即鄔波陀耶。彥琮生隋姓李。趙郡人也。少而聰敏。才藻新清。始師令誦須大經。凡七千言。一日便徹十歲出家。後預翻譯。勅於洛陽上林園立經館。以處之。關輔所獲佛經五百六十四夾。一千三百五十餘部。並崑崙書多梨樹葉。勒琮次翻。分爲七例。所謂經律讀論方字雜書等七相近。與上正梵相近。

學務教以四民之業。五常之行也。慧明訓以三乘聖道出世正行也。如下此方俗律比。技師如世之叔父也。故禮記檀弓云。事親有隱而無犯。左右就養無方。服勤至死。致喪三年。事師無犯無隱。左右就養無方。

◆謂下一有  
連註第三字

◆第一作竟

服勤至死。心喪三年。致喪者。謂戚容稱其服心喪者。戚容如父而無服。故有差降也。彼俗雖爾。若望出家。以道法濟神。神遠有出世之益。則功又過之矣。連枝兄弟。謂又降等以之。須如親兄弟也。故師嫌讓處實如弟是也。此背喻非疎。越教遇敦崇。願遇也。

學後故稱弟言在我後。解生故稱子如父。生子博士禮記曰。君子知至學之難易。而知其美惡。然後能博喻。然後爲師。父後魏書曰。梁越字玄覽。少而好學。博綜經傳。無所不通。性淳和。篤信行無擇。魏初爲禮經博士。束脩論語孔子曰。自行束脩已上。吾未嘗無誨焉。若弟子乖其法。則乃非禮也。邪緣即同邪利活命。也是以古高僧未嘗爲利。故說一句法。今時師訓不以求道爲志。而先圖利養者。不亦悞乎。

出道下言心存出道形雖卑。折師於其資。不可侮慢。亦須敬而授之。又資受道於師。不可不先敬。而後受焉。當日求益。無以空腹而虛往矣。故知師資共相敬重。方能道隆也。

爲束即約束也。無祿離五夏已上行。德成立者可也。

十誦云若恐餓死當於日日見和尚處住恐不得者  
若十五日若二由旬半若至自恣時一一隨緣  
來見和尚行事鈔即師資篇

後必思犯下善見以不請故多造非法諸師訶責反  
云誰請大德為我和尚佛內制之若不請者不得與  
受得罪故知非我輒授因汝請故後若犯時可訶責  
而令思悔傍教今時多立引請人是也

答詞師須有答領之詞也無者不成至於下如受懺  
悔持奉者若是已上應答云爾若是已下答云可故  
曰兼前二也意以下大師在四種俱言以反義聯續  
餘師衆即七證也

擗<sup>率</sup>厄指歸云提也律云下道一擗今取相續握以  
為師資也布訂<sup>如</sup>定猶臨時安布配訂也本意如受  
者欲某人為師今並不論義準者大鈔云七證師義  
須準請以羯磨法非是獨秉必取此人證無錯謬若  
論發戒功與二師齊德何謂不請乎

傳即論傳鈔曰論傳云和尚者外國語等又云相傳  
云和尚為力生闍梨為正行注云解糾正弟子行辭

相近耶夜聲近

通輕重者六種闍梨中前者位輕後者位重一下即  
今為剃頂上髮者出家所依得出家者授經所從授  
經乃至四句偈也教授即教授威儀者羯磨今壇上  
秉法者依止乃至依止一宿也成目即名目也如鈔  
彼云五種闍梨<sup>鈔</sup>要多已五夏方號闍梨餘未滿  
者雖從受誦未露勝名又上四種闍梨不得攝入而  
替依止等外有僧釋註餘師也戒本人發戒從此人  
也加尊曰尊人尊師也

事緣四分云界外問遮難等五分中以赴過故聽安  
戒壇外眼見處等假先問緣須在外也所以爾者恐  
在衆惶怖有無差互屏處怖微安審得實故不如法  
即帶遮難也

何得聞者即壇上問難時先作白和故許聞成後許  
今始聞為成後聞白四也今若不聞何由聞後如下  
且如非足數者不可訶法獨此初受人開訶者為成  
一生戒體故問既未受戒安知成敗答約生而知之  
者也如名字有悞豈不曉也通七反往來豈無知者



故立下大鈔云若多人共受應兩處安置一多人行立令望見僧赴敬重意二將問難者離僧及離沙彌行處於中間緣必在同處亦得恐後問如前心不尊重等及下卽教授師下壇問時不令彼坐問也去取恭慢卽去慢取恭今時互跪在威儀師前問之甚合理也

由界下四分云由界外脫衣看致令受者慚耻稽留受戒事佛言不得露形看返還再歸家也

至受下若律文云不問十三難者則不得戒又約律本但問十三難事及論作法但問諸遮大師義準著問遮之前是也故須合問

就下分文問答釋注中問云誰能與某甲作教授師等通別如通答但云受戒羯磨則通下法別答則云差教授師出衆問難和僧單白羯磨則下須別別和答也

非本意在問難遮且以問衣鉢緣爲陶誘之法非無須同謂遮法無故不問然亦須問也亦如前後要

先問名字衣鉢後問遮難不可倒也十遮十六中合

有五種病爲一也

謂十戒釋上度此人義高勝古人不見業疏解鈔高勝處爲壇上悞也縵衣今時沙彌着五條非也卽加五分於此便加法受也準的或戒師受亦得加者卽加法受持也

體不同法女是下流不得僭大僧之法今既開二衆同秉故不可闕也例今亦然如和尚例要先請而後受今先加而納具事可類也又緣非中衣鉢和尚兩俱闕故

前緣示文應語言善男子諦聽等文定占審定占度虛實也玄果涅槃果也亡言亡無也謂無涉虛受之言也因檢因露衣看檢故制問也稽留稽滯留礙也染是生因者謂穢染之心是生難之因也且據者言難未必止十三爾故大鈔云略述難相如邪見生等是也

具緣具通別二緣也業果身口造業將必感果生報當生之報也反戒一則違反戒律二則反戒還家先既犯重今又再來是不許也若當時清淨捨戒者亦

●人變入

●持戒時

開分在下。由隔在清淨衆外也。大鈔亦云。此人罪重。名佛海邊外之人。也不堪重入淨戒海也。乃至準論。白衣五戒。八戒沙彌十戒。破於重者。同名邊罪。

云云者。指妄開所以終下斷淨具猶淨器也。僧祇云。若斯須二果。及凡夫持戒。被人汚者。初人受樂者。是壞尼淨行中後人犯不名淨行。壞尼難若。那含羅漢初後人俱名難也。故知惟是淨境也。方成難攝。尼中反之。卽問云。汝不犯清淨比丘。不此謂在俗持犯。若受戒已犯者。正名邊罪。所取舉財卽盜。聽僧衆說戒羯磨也。四分云。若至一人二人三人衆僧所共羯磨說戒。皆減擯餘如鈔中。

二道卽內外二道。直取破內者。若但破外者。許度律中令度出家對僧與沙彌戒四月試之。使志性和柔深信明著。方爲受具也。

沙彌下本是外道來投出家受沙彌戒也。復本外道又再來者。未成破內也要須受大戒方成破也。如下云。二破兩難不通。未具也。壞本卽性重也。後四觸八覆隨也。既同名夷罪。何不成難答如文。

刑其勢卽割其勢也。中禁天子內門取中央黃義終無登。趨以黃門志性不定。無大操故。大鈔云。今時或截少分心性。未改兼有大操大志者。準依五分應得男子有五卽生。變妬變半也。女五謂螺。筋。鼓。角。豚也。人非化生。顯是胎生也。道陰。父母遺體也。是色陰攝也。殺羅漢。損三界福也。人僧卽破法。輪僧如調達立五邪法。結三聞達等令三千禪誦不行人起疑心爲象頭山。是真佛耶。王舍城是真佛耶。故曰使應悟失解出血。約惡心出血。若善心者。開四等卽慈悲喜捨。非人謂八部鬼神。變作人形而受戒律中五分天子。阿修羅。健闥婆。子化爲人等。畜生者亦爲變形爲人而來者。律中龍變形而受佛言畜生於我法中無所長益。此上二趣若依本形是人。通識忍變而來。故須問之二形。謂一報具男女二根也。先得下謂若先受戒後變猶尙失戒。況初帶受者爲難可知。

五鈍貪。瞋癡慢疑也。除如文夷。蘭如殺父母犯夷。出血犯蘭。答下屬逆業也。夷等屬罪也。業在已還罪由報得。故約已爲體也。如下彼但成業不結犯故。重者

如殺父母犯夷此罪屬邊又犯逆蘭可下言豈可以  
蘭罪開儀而本業不障戒也故判業爲體  
 不由作事者言不約作殺盜等事爲言但望違如來  
 重制邊是也若論下此正約事說不約教論故引外  
 道爲證所以邊合逆分

三祖卽始祖曾祖高祖也以生已身之遠故打棒打  
 通手足棒通竹木世謂惡逆卽俗律也有六四分云  
 若至一人二人三人四人衆所四共羯磨五  
 說戒六四輕卽上四兩重卽後二衆別上三是別下  
 二是衆不從重分言不約其重自分爲一俱衆法者  
 大鈔義詳共一人作對首衆法皆成障戒又云必聽  
 衆法心念亦成難攝此則收上一二三人

又下意云若逆不分者則濫俗也以俗亦造五逆故  
 今分則顯僧有夷蘭之罪異於俗也  
 邊罪從法者卽從犯法破內法以彰名也隱相隱姪  
 盜殺妄四相也若下如隨說姪不收下三又道則三  
 境浴禁邪姪又下三衆但犯吉羅退道清淨捨戒無  
 過犯已捨者先有重夷今若隨境舉一則不能通攝

但以邊名則取人収犯攝相攝境義在其中矣何得  
 殊名意云既從境是一何以破等殊名耶此下言易  
 知耳謂內外據兩道境界壞尼專尼淨境雖境名是齊  
 而對境結業有異故須名簡又俱是無戒故不同邊  
 罪境雖有異俱是性重故又同是有戒故

延除言不可延於後時使難除去也法緣卽僧界法  
 等雖備亦不感戒也餘下反上二義不具者盡在遮  
 攝年待滿衣待求故曰待求便是也

曾受曾受滿分戒者二破破僧及破內外道未受受  
 白衣未受五八也如下謂黃門先曾受具後變作也  
 此通曾受及未曾受故不得邊名殺及非人畜二形  
 亦爾故曰通受及未受因斯義故不名邊難由通未  
 受故是方便卽出血是殺之方便

後四卽八夷中後四戒也破下言破僧若不通沙彌  
 者亦可將破罪是邊攝不以法還戒卽清淨捨戒尙  
 無重得之理何有重受問邊之義若爾既無領上古  
 人也但下正斥止有十二難耳何以律令問尼十三  
 難耶不問又是違教進退之間何以爲依憑違教法

●會本疏卷  
三之三  
●雜作持

卽前云邊罪從法。旣曰違法。則有尼有違五八十戒。故可問邊成十三難也。後來卽破內已重來初作初去時。例同調達破法。但獲蘭也。着下如比丘着外道衣犯蘭斯亦同也。重違卽於重罪有違也。海外卽佛海邊外。故得名邊。

雖經說齊亦多論。又彼具云。雖處處經說。龍受齋法。已善心故。而受八齋。一日一夜得善心功德。不德齋也。以業障故。難地八難地也。以福報障。因具福報。故有着樂無心。受戒長含云。須彌山北天下有鬱單越國。其土方正縱廣一萬由旬。人面亦方。像彼地形。有大樹王名菴婆羅。圍七由旬。高百由旬。枝葉四布五十由旬。多有諸山。浴地花果豐茂。無數衆鳥和鳴。地生軟草。髮紫右旋。色如孔雀翠。香如婆師。臭若天衣。其地純衆寶成。柔軟以足蹈之。凹下四寸。舉足還復。地平如掌。又彼土四面有阿耨達地。縱廣百由旬。以七寶砌出。四大河廣十由旬。衆鳥和鳴。無有溝坑荆棘。蚊虻毒虫等。陰陽調適。百草常生。無有冬夏。常有自然粳米如白華。聚稻切利。天食復有自然釜鑊摩尼。

珠名焰光。置於釜下。及飯熟時。珠光自滅。有樹名曲躬。葉相次。天雨不漏。男女止宿其下。又香樹高七十里。花果繁茂。果熟自然皮破香出。又生種種衣服。身之具。又生種種食。河中有衆寶。紅人民欲入洗浴。遊戲時。脫衣岸上。乘缸中流。樂訖度水。遇衣便着。先出先着。後出後着。不求本衣。以至香樹。樹爲曲躬手。取樂器妙聲和雅。阿耨龍王數起青雲。遍覆而降甘露。於中後夜海中涼風微吹。人身舉體快樂。人身顏貌同等。不可分別。其貌少壯如闍浮提二十歲人口齒平正。潔白髮紺青色。垂下八指齊眉而止。欲心起時。熟視女人捨之而去。彼女隨逐往詣園林。若先世爲父母親屬者。樹不曲蔭。各自散去。若非親者。樹則曲蔭。隨意娛樂。一日二日。或至七日。遂乃捨去。懷妊七日。便產。隨生男女。置四衢道。有諸行人出指甘乳。充遍兒身。過七日已。其兒長成。與彼人等男向男衆。女向女衆。大小便時。地開。事訖還合。亦無畜積。壽定千歲。死盡生。天命終不相哭泣。莊嚴死屍。置四衢道。有鳥名憂慮禪。伽接彼死屍。置於他方等。故知福報。

多故。卽爲難地也。三天下多論云。闍浮提瞿耶尼弗婆提。及三天中間海洲上人。一切得戒。如瞿尼弗婆提。賓頭盧往彼六作佛事。有四部衆。東方亦有比丘。在彼而作佛事。有四部衆。人有四種者。一男二女三黃門。四二根四種人中。唯男女得戒。故曰唯二具得。越濟卽破內外道者。下云雖不入彼。但着彼衣樂見。亦是越濟。受佛戒須是法器。餘諸難報。蓋不足言也。如下準多論云。若天若龍若神鬼若鬱單越若男二根。種種罪人。盡得受三歸也。

人天聖障文義欲順時應云。障人天聖文。倒不生猶不發也。惡見起邪見也。更有四人。離上十三難。惡見外日更有後二。以第三四人各有身業行殺。故不問出與不出。俱應斷也。永遮後一。亦約永不乞者。方成難攝。

無根卽無男女二根也。一道大小便道共處也。乃有衆者。猶言乃有衆多難也。且下應先難云。若有衆多難者。何故但列十三難耶。將文答通。旣言且列。故知不盡爾。不問不得以不審知。故餘下卽十三之外有

則不得如無根一道等。無下卽無此難而不問者。其戒冥獲。問上云不問不得者。答上是備出十三人合闍不問。故不得也。今在文外。故無者不問自得戒也。戒中卽戒律中。雖下謂雖作法加被。由障得戒者。方名難也。故列十三。自外不列。曰餘此人別難。取如下示別難相也。能變證有心障得戒是難。自下證無心不名難。

問下若約有心乞障成難者。且如小年亦有心乞應名難。耶答如文。若下云小年待滿九歲。和尚亦應待滿。何故一得一不得。耶答下若約不滿理俱是遮止。由和尚是緣疎已年。是因正故。因不可闕也。類下如式。又受六法不滿不得受。例今不滿豈可得也。

八障聞思卽下八難障聞思二慧一住善處。彼云謂中國善人者。生值佛世。正願正見是也。善根者不聲塵等初輪。卽住善處。二下卽依善人摧佛前佛後難。三下卽發正願摧世智辨聰。四下植善根。此下結此八難俱無心故不及難。

取唯五逆以於佛羅漢邊及僧邊無心聞法故障聞



思也。又殺父母。必無聞思。俗戒卽五八戒也。前引成論云。五逆賊住。壞尼等。若爲白衣。不遮施慈等。善有世間戒。何答故云。所簡別也。

業寬邊尼等。取九難故。報中取二根及非畜。故取狹。獨取黃門。故五道人。天三塗也。報寬以五道各有總別。報故煩惱是中。如天及北洲。煩惱少。故業卽十業。天與北洲亦少。論卽難心。彼云。地獄衆生有五不善業。惡口。綺語。貪。恚。耶。見。卑。越。有四不善業。綺語。貪。恚。邪見。餘三洲人畜。餓鬼及欲界天。並具十業。故云。餘卽說十業也。

煩惱下難心云。三障中煩惱障最大。惡次業障。次業障以煩惱障能轉業障。業障轉報障故。若無我以有身見。故報障難轉。如成論說。報有三種。若此身造業。卽此身受名現報。雖此世造業來世受。是名生報。此世造業過次世受。是名後報。雖三時有異。卽畢竟受。故又難心云。報障最大。故因時可轉。果時不可轉。故餘下卽煩惱與業也。若能斷煩惱。餘十業則可轉也。儀法下卽儀六衆中。

局一於十三難中。非畜各但取一十一。除上二難說。業有九者。卽邊尼等九無惡戒。言不犯邊等惡戒也。不說業障。謂非畜不造總報引業也。別業如爲犬馬。則有慳。癡。草等。如下卽業障品中。又人下黃形并上九成人中。具十一難。非下言非畜。雖兼有黃形。以自屬難收。故更不說也。

見耆婆說者。彼論云。大目犍連弟子有病。上忉利天。以問耆婆。正値諸天入歡喜園。爾時目連在路側立。一切諸天無顧視者。耆婆後至。顧見目連向舉一手。乘車直過。目連自念。此本人間是我弟子。而今受天福樂。以耆樂故。都失本心。卽以神力制車。令住。耆婆下車。禮目連足。目連種種因緣。責其不可。耆婆答目連言。以我人中爲大德弟子。是故舉手問訊。願見諸天有爾者。不生天。以耆樂染心。不得自在。是使爾耳目連問耆婆曰。弟子有病。當云何治。耆婆答曰。唯以斷食爲本。餘如前引。除出血破僧。佛不親遊。故無此二子注小注也。無一者無破僧也。若下若云。尼無破僧者。何故尼同僧犯。

殘耶尼但方便戒疏云。雖無破輪。豈得立主伴堅持。五法以調於人。故犯也。無二破約。未曾受戒者。則非邊非破。

十難無二破及邊罪也。受未具戒。卽沙彌戒也。義鈔云。若受沙彌戒。十難如上。及壞尼以受十戒後。縱有犯尼自屬邊罪。若下若但具十。今於非畜理。須倒無。何得爲有容變。作已身受時。容有業報變者。畢竟始終無也。若受具下。謂受具戒已。戒臘未捨前也。以有戒故。犯則成邊。又得開說戒羯磨。故非賊住。縱有汗尼自在邊攝。具有加賊住壞尼成十三也。

形卽二形生也。非下卽非人畜生。今若轉變作者。其戒卽失。若約五種神通暫轉。故非失也。不失戒義。鈔云。五種黃門。若受戒後生者。五非重業。則不失戒。然有損不損別。且就體中自截。須損以厭身故。或爲他健及報生者。皆不須損。非厭身故。然不可以損故。卽失戒也。

知邊名喻。知邊罪是約喻爲言。以佛法海外開教。卽開聽捨戒還家之教。一說成者。尙須解語。況初受假

多力而不解語耶。容豫安緩詳審之貌。累劫一受之後。遠期會聖。今滯於發足。故亦累於未來也。豈下以因望果也。最誠勉也。

晉魏京輔。備如前解。以下卽向所述。懸示一科。顯言卽於女人前說。麤惡姪欲語者。彼若不解。亦應成犯。何故律中解者。方犯。遲下指彼師也。將非解者。卽沙彌不解。言義者。本受亦不了。卽所受師如此。不會莫成一問一答。但不成耶。

故下彼師。又不結通。出言狂簡。故曰周章。然得戒不得戒。初時已定。不由後之妄通。而補前之不得。重受謂疑前不解。不得又疑前受中下品心。故又重增也。轉攝卽轉爲男子。

文中下以四分不辨持破二尼。故注引祇律也。那含以三果欲界思惑盡。故四果三界惑俱亡。故不必受樂也。是以初中後人汗彼者。成難也。由彼二人已斷愛染。故成論云。如一兩鹽投之。恒河不壞味也。前二果者。初斷見惑。欲思未盡。彼事云。須斯二尼。他逼受染。自分未亡。凡夫亦清淨尼也。以初受樂其境已壞。

◆持律時

故初人汗者成難中後非難以當分未能除染故修道者從初果已末直至四果向皆修道攝今謂修道中至三果已後及無學四果來染愛皆斷向云那含羅漢一切成難是也

壞下問意云言壞尼成難經是耶觸是耶答中取經成難非取觸也故云姪是有本有本即有觸生死之本也觸即方便能至根本故云染緣隨重八事即捉手捉衣入屏處共立共語共行身相倚共期三處大小便口道

辟下梵云辟支迦羅此云緣覺乘十二因緣而得果者也亦云獨覺出無佛世獨宿孤峰者也餘果初二兩果有受染故見下即見諦下迷理惑也潤業即業生煩惱也別報不招三塗總報也如成論云具二種結故墮惡道聖人斷一種故不墮惡道條部彼云特有比丘作如是念我強捉男子行姪彼不受樂得無犯即便行姪疑佛言汝波羅夷是隔隔者角也舉一角可知三角也動猶省察也  
如注既云盜聽說戒羯磨知非盜財也二偷和下是

偷法也俱偷形法俱偷也再三初聽不解難開若至三者亦不許也

共一比丘如行對首說戒者是也不共作法雖曰不共以盜聽故亦不得由說下釋共一人及僧所成難也

四月試之此據初制說見說彼六十二見樂欲受業也雖不即為早屬破內故曰越濟人也結髮事火即結髮梵志事火梵志如下引證此即長含癭四月所試之教也

難得自知言此難唯彼自得知也要依十誦審問朽爛即壞爛也墮即墮落也惡賊為怨所截也同十誦可作沙彌依五分者彼云時有比丘為欲火所燒不能堪忍乃至佛所賣言汝愚癡人應截不截不應截而截告諸比丘若都截者滅惱猶留卵者依篇儀之準此以明則未受具也截者終無明教開受

受法即律受戒體度中也一下如眼一緣自有二十餘種同大同一列而亦有次也僧名彼律二十三云若不稱僧名不名受具足心念答不出言也大喚答

佛經釋義  
○

語。雖餘下彼復云不稱和尚名不稱受具足戒人名如上。即胎閨等第滿者得不滿不得。

無正文開即無文開借衣鉢及著俗服等準論大鈔

云必誦十誦羯磨依彼開成。盡養去聲呼下二養

字上聲呼無犯以非親兒故。僧祇親兒彼此不聽自

來兒養兒餘處得受息言不須問也。以父母俱亡故

負債大鈔云諸部但言不應義應理得。此方有尊勝

僧寶也。卑劣下賤人也。如法放大鈔云今有人放奴

出家者若取出家功德經若放奴婢及以男女得福

無量律中不明放者但言自來投法度之本不可尋

言不可推尋舊事家生義重故買得損財抄得損力

故此三彼此不得

他下即他與奴及自來奴據下大師義斷將非賤為

識本即為他所識如上云同是奴聚則放亦不可且

夫紹釋迦之種實金輪之裔安以庸徒輒廁高位今

時不肖但希力用法器全無斯亦自負耳如笑師選

慈恩出家陌上一見眉秀目郎舉錯踈略乃嘆曰將

家之子矣於是乎度之為百本疏主豈不光我佛教

與後學誠之如是語即主家之語以希彼再為奴故  
犯重佛邊有守護主及本施主須結夷無者結蘭餘  
如下鈔云若得佛家牛馬亦不得使使佛牛奴得大  
罪僧祇寺主摩摩帝互用佛法僧物謂言不犯佛言  
波羅夷

九等即九品若國皇許者亦聽度之如佛道論衛中  
騰開化與五獄道士焚教得勝于時五品已上揚  
成侯劉善峻等九十三人出家時帝侍衛九品已上  
鎮遠將軍姜氏等一百七十五人出家此官人出家  
之始有名有祿即六省五監等有名無祿如丁憂等  
有祿無名如致士者無名無祿如除名者小罪多論  
違王制者吉

丈夫案大藏經云丈夫者長也夫者扶也言長扶制萬  
物也古之冠而成人通名丈夫也凡一切男女若具  
四法則名丈夫一近善知識二能聽法三思惟義四  
如說而行事惱即寒熱飢渴等理觀能制心修三種  
觀也事鈔云以建心慕遠清節不群卓然風霜不改  
其操雖然憂患未達其心便為丈夫之貌也

●釋律作供

壯室。禮內則曰男三十壯有室。女二十壯而嫁。當此  
羈於情欲也。出家者少。故曰無任。綱正等七歲。卽上  
問答受也。揮下喻。如有人以手揮空。豈能有礙。彩畫  
作餅。豈能止飢。今喻空願而無隨行也。德瓶智論第  
十三云。持戒之人無事不得破戒之人一切皆失。譬  
如有人常供養天。其人貧窮。一心供養。滿十二歲。求  
索富貴。天愍此人。自現其身。而問之曰。汝求何等。答  
言。求富貴。欲令心之所願。一切皆得天與。一器名曰  
寶瓶。而語之言。所須之物。從此瓶出。其人得已。應意  
所欲。無所不得。得如意已。具作好舍。象馬車乘。七寶  
具足。乃至僑佚。立瓶上。舞瓶。卽破壞。一切衆物。亦一  
時滅。持戒之人亦復如是。種種妙樂。無願不得。若人  
敗戒。僑佚自失。亦如彼人。破瓶失物。明下有人得如  
意寶珠。所願皆遂。損之失利。貧窮匪遙。十事如注所  
引。

四句。今準和尙。知不知中四句。先須明彼方解此意。  
今爲引彼自省此意。彼云爾時。有從不持戒和尙。受  
具足戒。後有疑問。佛言。汝知和尙不持戒否。答言。

不知。佛言。得名受具足戒。一復有從不持戒和尙。受  
具足戒。已有疑問。佛言。汝知和尙不持戒否。報言。  
知。汝知不應從此人受具足戒否。報言。不知。佛言。此  
得受具足戒。二爾時復有從不持戒和尙。受具足戒。  
後有疑問。佛言。汝知和尙不持戒否。答言。知。汝知  
從此人不應受具足戒否。答言。知。佛言。汝知從如此  
人受具足戒。不得具足戒否。報言。不知。佛言。得名受  
具足戒。三爾時有從不持戒和尙。受具足戒。後有疑  
問。佛言。汝知和尙不持戒否。答曰。知。佛言。汝知如  
此人。不應從受具足戒否。答言。知。佛問。言。汝知從如  
此人。受具足戒。不名受具足戒否。答言。知。佛言。不名  
受具足戒。四今但於和尙位上。用小年。借衣字。變而  
讀之。則兩箇四句皆可領也。並是第四句。不得爲齊。  
年前三句。不同衣鉢。何下釋。所以不解。卽上不知句。  
也。雖不知。亦不可也。次佛制小年不得。故計之。卽計  
算之也。本受無疑。又顯前諸句。若有疑者。決定不得。  
前開開得戒也。反顯非是。後計時方開得也。  
育王下。說聖人尙有癡病也。由是下約四果爲言。以



不受後有身故有餘業總集現受也。梗選註云病也。

腫上文武互切直視貌。掉慢邪心動念曰掉。自恃輕

他曰慢。慢心亂也。故下引證。賊住不知不名為難授。

戒聞昧故亦非授。非數不足數中後意即示僧中復

問也。

一尋八尺也。教師即教授師也。餘僧即餘九僧中間

下恐中間闊遠非數上下之人次第亦須相及以露

相顯故也。恐有下大師立法也。恐有人見譏之言上

下相遠今但令繫坐則不相遠矣。斯曲就物情之見

也。

戒師和白即羯磨師對衆問難先須白和言此人豈

可足數耶。亦何須五古謂四人亦可證受也。所制五

者正為差出及戒師白和下入數故準下大師且順

古商略也。若望牒名正差可言不入數及後召入教

授須在數也。戒下望和僧時似不入數也。然是白僧

為彼後下言正受時戒師在數如下彼律是戒師和

召沙彌即非差出故始終在五收也。又為彼受戒人

非是自為故入僧攝故曰俱為情事為捉下即教授

師且為執持也正當其務正當教授之務

何下言何得專輒便希為受須先從僧乞已方乘白

和僧問難然後與受也。白已教乞僧祇約戒師作法

和僧已方教彼三乞廣如彼第二十三卷中行隨師

即受後隨行從師學通故也

結集如一翻單白差優波離結集律藏等是也。互有

無者以戒師不差故和後問教授師已差故不須和

問也。先差後和俱是僧義也。以下顯戒師白和意也

少有差者前則廣示後乃略提責再審耳。占視兆曰

占今衣鉢是得戒之兆故今且將此以定問詞下被

上達者以戒法下為六道福田上則三乘因種也通

徧則諸天乃至如來也

俱非問言不名為問也以不解了故通有無言有罪

耶無罪耶若言罪則不分有無非定意本言也。字非

是定彼本意乃助詞耳。兩音即邪與也。字膝下舉重

幼小時撫育長大非父母而不能令乃加害豈近人

倫天所不容佛亦不度

中音中天梵音也。此方義翻曰生若言阿羅漢則翻

無生以不受後有生故。又翻殺賊應供如常聞也。此下解上無生義。

又難者以僧有兩種故須分也。若破羯磨僧則不成。難破法輪僧方成難也。今即屬後也。邪五法因調達立也。盡形下列五非法。彼但執盡形之制。故屬邪。爾又多論云。調達倒說云。八聖道趣向泥洹。反更通難。修行五法以求解脫。其道甚速。故說為非法也。慧解導前。猶人之識路也。行實隨後。猶人之依道而行也。善登梵天。如善婆善心。為佛治病。針刺出血。受梵天報。惡下即調達如前。即僧祇云。依舊文問。今時微有。但是背如來教。妄言非法。誘諸年少者。亦微有之。真容即佛正身形像。是佛滅後。今亦有敬之。則光現。或損之。容有血流。得不為難乎。有下第二師也。則與無二亦白四諫。故不疑不疑像非佛。故餘下如焚經卷則屬盜論。

俗云。即尸子解也。得同得同宿也。從重則天子修羅子。故有同宿犯重義。何者。如天女有時下降。事是也。故輕不說。即地獄等來之。既希故所不說。不讀觀音。

以觀音經云。人非人也。言下指彼解非人之詞也。即下指斥訛立疑神之像也。

耻聲問云。汝是畜生。不若聲也。大鈔云。脫有高遠俗士來受戒。時語云。汝是畜生。不若聞此言。一何可怪。應方便轉問。應語是出方便言也。所引即上引之謂。此身中具男女根。正乘道器。汝今無不此亦方便巧問也。

良是下如戒本云。共戒同戒。以共戒即受體共也。同戒即隨行同也。受隨既同。故委問無容蓋入四分。亦爾。鈔云。及論作法。但問諸遮。似不問難。故曰。亦爾。雖然若律云。不問十三難者。即不得戒。故須問也。諸結者。諸師準著問遮前也。僧祇有二。彼二十三云。教有二種。若略若廣。云何略。今僧中當問汝有者。言有無者。言無云。何廣。如僧一一說。今疏從一一下。是彼廣中文也。已上彼約教師在空靜處。告沙彌之詞。殘令後悔。據理先悔。已方可重受也。亦部分不同。

二義別。即名與字義別也。名以定體。字以彰德。僧中識者。即有名博識之者。初立已名。後朋友尊之。故以。

字代之如僧傳真觀字聖達疏主法偏等是也。愚下指不學人謂名字一也。並下言問時但改云汝名何等。則愚智齊曉也。轉名如問云汝是大道人。不無正斷。無文斷云不問不得戒。無損如負債者。此方自有還義。豈曰障戒自下。離前隨難解外。曰餘然指略要須善問善答。不爾則非問也。

戒緣是發戒正緣也。師贊名字。卽和尚名。並自己名及已。是丈夫也。此三人不可缺。以師則終壽所依。已則正受之目。丈夫卽有操可受。反此非其可也。增減如伽論云。鬻鬻磨聲者。得受五分。或有先相嫌。以小小斥事。作留難。吉羅。

●會本疏卷三之四

如鈔卽受戒篇中。教發戒緣一門。是也有師未詳何許人也。大鈔亦云。各隨境論。別鈔應有三十餘紙。要而言之。不出情與非情。空有二諦。滅理涅槃。佛說聖教文字。卷軸形像。塔廟地水火風。虛空識等。法界爲量。並是戒體。同下彼云上座一人。補如來也。苟能如是。開道令人得戒。趣解脫者。豈有異哉。

懷大卽上品心也。謂我今發心受戒。爲成三聚戒故。

趣三解脫門。正求泥洹果。及以此法。引道衆生。令至涅槃。令正法久住。如此發心。尙是邪想。況不發者。定無尊尙。故曰定難容納。如善戒經。彼云云何名戒。所謂七衆戒。比丘比丘尼式叉摩那。沙彌沙彌尼。優婆塞優婆夷。菩薩摩訶薩。若欲受持菩薩戒者。先當淨心。受七衆戒。七衆戒者。卽是淨心。趣菩薩戒。如世間人欲請大王。先當淨治所居宅舍等。在後卽納法時。此時下言教授及正受之時。促不能廣張也。要須先教令開心。府故大鈔云。必受前時智者。提授使心心相續。見境明淨。不得臨時方言發心。若約臨時師授法相。尙自虛浮。豈能令受者得上品心耶。但具依文。卽依此註文也。餘道卽解六道衆生。多是戒障使厭惡。三有而出離也。正報自己身心也。

四問白與三羯磨各問各答也。僧祇十誦指註中引文。計下應先問云。何故此白中言。莫餘覺餘思。惟餘諸法事。不如是告者。將文通之。是羯磨竟。卽結歸中。竟字是也。發戒足也。故大鈔云。謂將第三說已。云僧已忍與某甲事。竟此時羯磨竟。依下牒注以釋。卽六

念法中要分時分坐次故須明記之

有人下解智論竟時也。利那約第一利那也。律師下此約至誰不忍者。說是竟也。今下大師理斷二度。即第一第二羯磨也。次第三望前似是竟也。引後即第三羯磨至說字時。可成前事。猶言豈可法成在前耶。故衆下若衆不說則成忍默。可說得成不忍則成訶破理。可通收至後結歸時方爲定義。若然又不違智論羯磨竟與汝受戒竟之文也。上卷即結界中云。故至竟字結前點相此義定矣。

一切卽三性中俱發得也。聞出罪白解上知時犯後睡不覺解上不知時清淨準下彼既聞白已睡。尙得出罪。顯今聞白已睡。應是得戒。今俱不作。謂三羯磨俱不作。亦應感戒也。以白中已知作故。答下前指沙彌也。雖入無記不妨作白。是和僧之本。由大眾同知後作羯磨教意。乃則緣非乖也。若不作不成。

如人下取例也。前事不犯卽不犯殺根本也。殺戒中結罪既爾。則受亦非果緣成假衆緣所成也。前心異作卽前明白心異後作時迷妄心者不成根本故曰。

無有業也。假緣方感自己雖入無記。假他有記之緣。故得發戒也。

不坐所教卽所教人不坐殺盜罪也。以下謂所教人起狂心故。若下如教時是明白心。及所教到彼殺盜。此能教發狂三性之中。能教得殺罪故曰。但使違本意。能教得無作。今下出例以從僧乞。例初時明白心也。僧隨其意。例所教也能乞。雖入無記所受且非故約所受明白心發。他能受無記心中戒也。

若如前例卽所教起狂也。前緣不具如僧數少界相漢落等亦應感戒。但以能受有心故。後半卽但取能教起狂一半不具亦同感戒之文。前半卽所教起狂屬前半之文也。今將所教類僧能受雖曰有心所受。若乃無心則不得戒。前半所教無心能教亦自成重。以受是緣具緣闕則次不發戒殺盜自約損境境損定當得罪故曰不同前半所教也。

乃至起業卽始從發心禮僧合掌乞戒等直至羯磨未竟時忽起不善。假前之善不善心中成就也。教作卽教彼陳乞等。非不善得者。非謂一向在不善心中。

得皆由前有善心發故無記及無心中亦復如是通前共四種心也

答下不結亦成夏如忘成及界得成前坐等又下受是懸對塵沙法上顯遍發故又期限一形所以三羯磨竟便發也安居期日爲滿復有前後坐故須約日滿方成夏也極多以境多故戒相亦多也約心定共通漏無漏心道俱爲無漏心也

從緣卽塵沙萬境也緣境既遍戒亦同等無量等等取大地無邊戒亦無邊草木無量戒亦無量虛空大海戒德高深亦復如是以此文證理通法界今下涅槃云戒有二種一者作戒二者無作戒是準涅槃之義也

及以三者何不更立作及無作別爲一種成三耶相假無作假作生作假無作延一形故一念隨婆多云一念色有身口教等第二念中唯有無教得未曾得謂無始來未曾得此白淨法今念念中悉能得故則短下文闕合云以作防非則短無作防非則長無作起無所從切疑此一句悞文與上同以上云若但無

作不能自生二法作無作也道力所成如破結道俱戒體頓起也

三合卽作無作何不合爲第三耶上是問數此是問合義不同也法體唯二以作戒體是色心無作戒體非色心又作與無作名又差別慈曠五句無第三者律增一云有五句語無第三句時與非時此句無第三實與不實此句無第三損減利益此句無第三顯礦柔和此句無第三顯慈悲心此句無第三是爲五句無第三正上文皆由二體不同故如上卽非通萬境等

如人下極香喻善戒極臭喻惡戒正執時喻作放下有香臭在手喻無作又無慙重心受者如人執不香臭物是也雜心云如手執香華雖復捨之餘氣續生非如執木石等一刹那爾時作戒未落無作又起是名根本善業成道也若第二刹那唯有無作

如下結無三合陶家輪範土之家車上旋物車體喻報色動轉喻方便色故曰身動身方便身動阿毗曇心論云有教者身動餘識四三心性也心論云如受



善戒人不善無記心中彼猶相隨是也。成論下彼問曰。何法名無作。因心下是彼答辭也。彼自引經云。若種樹闢林造井橋梁等。是人所爲。福晝夜增長。兩法作無作也。

善惡即善律儀戒惡律儀戒也。一下卽制斷諸惡法。心論彼第三卷業品中偈云。身業當知二。謂作及無作。口業亦如是。意業當知思。已上彼自釋云。身業二種。作性及無作性。作者身動身方便無作者身動滅已。與餘識俱。彼性隨生。謂善受戒穢汚心。已上無記心。現在前善戒隨生。惡戒人善無記心。現在前惡戒隨生。口業亦如是。口業二種。作無作性。如前說。意業當知思者。意業是思。自性有欲。今意業是無作性。則不然。意非作性。非色。故及三種。故無作亦名不樂。亦名離。亦名捨。亦名不作。已上今言初念無作七種。一名律儀。二名波羅提木叉律儀。三名妙行。四名業道。五名波羅提木叉六名業七名尸羅。五種名者。除第五波羅提木叉及除第四業道。故曰五種也。廣如彼論第十卷所明也。

● 攝持

警也者。警策三業也。古下卽韓康伯云。防患曰戒。體狀卽二戒體性相狀。知受知折旋俯仰處敬之受而未知所受之法體。是何耶。答如文戒論解戒律之論也。行途但明戒行之途道也。業理卽業體之理道也。首題云四分律故。

● 支條作樂

假實假卽成論實卽多宗以成實談空多宗說有以四分一宗分通大乘。故順空門也。根能見者如雜心偈云。自分眼見色。非彼眼識見。彼自解云。是故餘識俱時則不見。以餘識俱空故。並下有心方結。無心不犯。皆是色者。顯不約心也。身口七支皆約色論也。不同此宗犯卽問心。無心不犯善惡業不離身口所造之業。此業卽名也。又於業下推其體者。卽作無作是也。

一者所謂無作是也。異者善惡業不同。略名略善惡業名。詮體但言作無作。故動靜作爲動無作爲靜。又身動滅已。與餘識俱體有肥羸義屬動也。不隨四心三性所變。義屬靜也。如諸塵指所造色塵也。微細難見。非凡所屬。例於無作難陳其相也。如論卽多成二

論

本宗以四分虛通無係成實不滯實有義勢相關故得附彼出體故曰假名宗也。緣構成者假衆緣構造以成正是作義也多解如下所陳

色心約五蘊而論一蘊是色四蘊是心如度跪求乞是身口作色遍緣三世起斷惡修善是心以此共成作戒體也。業具即器具之具皆但是心即心王也。離心無思若離心王則無心所思以心所思從心王起故若有心無其思則不成其業以身口是無記故

十四種色即眼等五根色等五境地等四大也。今身口色是此所收故屬無記非下既屬無記非成作惡造善之性則又不成善惡之業也

色聲色總身業聲收諸業四大動此師取假色爲證是罪福性故口業亦爾不取實報聲也。但取聲上有曲折表彰名口業也

問下此宗即指成實彼問曰若無作是色相有何答答曰色聲香味觸五法非罪福性故不以色性爲無作也。又佛說色是惱壞相無作非惱壞相不可得故

非色性已上  
論文

何下正難答下意云我向所立以色聲爲體者不取實報色聲但取方便假色聲爾一念即初利那時也以但了色聲總相故非罪福性第二念去分別善惡是罪福性故曰相續色聲也。前念落謝唯意識緣知意能成業故云是罪福性故論下指成論不相應行品彼具云有人言名句字是心不相應行此事不然即法名聲性法入所攝聲性爲聲之體性也助成名句者助成音韻曲折也

問下應云思從心起既用心爲體身口業亦從色心起應同以心爲體耶。答下外言思與心同時而起但體別爾故彼言心即是思也。然下今立以心王亦未必便是心所思思下以非心外別有故意謂舉心王未該心所言心所必屬心王故得言離心無思又下立外義謂外道說身口二業不假心成如說欲從對生不從心起故說下破佛言欲從心起等離心無思無身口業

身業相續者前立相續色聲爲體身色相續終始可

見聲名句業斷絕不續非眼可見意無所緣故云應無口作體也青等等取黃赤白黑及餘色也無記即聲當體屬無記是發戒之方便爾遠從要期生約始登壇求乞時說也

又云下約世相論實有斷續據其始終爲成一受今能受人求乞是始衆僧加法是終互假相成故非就一以辨也又下謂口雖落謝身以表語故

四心識受想行也三聚以彼論有四聚一色二心三非色非心四無爲共收八十四法今當第三又第三一聚自有十七法今無作一法當第十七也是不相應行攝彼第二云不相應行者無作業也

塵大謂色等五塵地等四大是無記故今無作體非無記也形相方圓長短等十四如前二十者顯色有十二謂青黃赤白光影明暗煙雲塵霧此局色形有八即長短高下方圓斜正此通三性今無表非此二色也

憍壞成論云是色若壞即生憂惱又云有情有憍非情有壞質礙如牆壁等有質像隔礙故五識心所得即色等五塵爲五識所得如眼識得可見有對色等

無下結歸非色

緣知緣慮即知也慮知即思慮知覺也明暗若意識取色境等則分明若單意識緣落謝五塵則暗昧三性善惡無記故廣略偏緣三世名廣但緣一世名略報法謂肉團心如蓮花界方一寸晝開夜合爲心王所依處是報得法隨其宿業根有利鈍上根人有七數下根略有三二一或全無者

如經即成實無作品中自引經也彼正云精進人隨壽得福多故久受天樂若但善心何能有多福是人不能常有善心故以此證功在無作不因心也又說種樹等福德晝夜常增長又說持戒堅固若無無作云何當說福常增長及堅持戒已上論文

又下亦成論第七卷無作品中文以但制身口七支故意無戒律儀三性下彼云若人在不善無記心若無心亦名持戒故知爾時有無作也已上意云三性之中心何故名持戒良由前有受中無作故以下推所以先立難云何故三性有無作耶況無作從作生今三性之中本無有作云何有無作由此下是釋謂此

無作業體。是非色非心。故今雖行惡等三性。本所作戒。發得無作。不名漏失。當知此之無作。從先作上發起者。又復應知。此無作。若是心者。則隨三性之變。良由非心。故不隨變。故彼亦指成實。

色等等取。豈香味觸五塵也。非罪福性。反顯無作是罪福性。故不可將色等爲無作也。又下亦彼論。自引佛說也。非憊壞。彼正云。無作中憊壞相。不可得。故非色性也。

問下彼論問曰。無作是身口業性。身口業卽是色。答下意云。是無作。但從身口意業生。故說爲身口業性。其實非是身口業性。以身口業性是色。今無作且非色。故又下彼論正云。又或但從意生。無作是無作云。何名色性。以從意生故。如下若云。無作是色者。且如無色界亦有無作。豈是色耶。已上皆疏主略用成實文

故下引涅槃第十八卷中文。結證前非色也。觸對者身根能覺觸。餘根能對礙。盡爲有色。故今無作既無此理。故知非色。雖曰無色。若善修方便。法體自具。問至爲體來。領上義也。

作下正難也。意云。無作是善惡性。故不用色爲體也。今作戒亦是善惡性。應非色爲體耶。作戒依色。卽正報之色。用卽方便假色。今作戒與二色同時而起。故得用色爲體。

實法宗卽多宗也。計下以實宗與四分宗計不同。故不可約彼以出體。今所以明者。然律下是釋。所以五蘊五相者。謂五蘊各有體相。故且如色有遠近內色外色等。亦有與實宗兼涉者。故可重出彼體。又俱是佛教。故但由機見。執計不同耳。五下涅槃經云。如五百比丘問舍利弗。佛說身因何者是。邪舍利弗言。諸大德。汝等各得正解脫。時意謂無明卽是身。因作是言。大德。我未得正解脫。時意謂無明卽是身。因作是觀。時得阿羅漢。復有無明行議。乃至五欲卽是身。因爾時五百比丘各自說已解。已共往佛所。說之。舍利弗白佛如是。諸人誰是正說。誰不正說。佛告舍利弗。善哉。一一比丘無非正說。

三無爲俱舍云。擇滅非擇滅。虛空無爲也。廣如第一卷中四相生住異滅也。雜心論云。一切有爲法。生住

及異滅是也。皆色損益。如以身色殺彼四處。心既得死。此名以色損色也。反此則益名持一支。既爾諸支例然。若下此說不從心結也。其下其實不彼心念結犯何耶。以劣機不制心戒故。故涅下彼自引證。既經云無作色。又心論言假色。審知二戒俱是色也。十一色。即眼等五根色等。五塵法處無表也。五根四塵雖不可見。有耳根可對。故曰不可見有對也。餘香等亦爾。法入即能受者。無作假色。即法處無表。非爲眼所對。非極微成。又非意所緣。知故曰不可見無對也。

三色。即上三色。八色香味觸眼耳鼻舌身。此八非作戒體。無對即用假色。是無作戒體。身作始從登壇已去。直至羯磨竟來。是可見有對色。口作約陳乞時。是不可見有對也。無作一發續現時。是不可見無對色也。

五根五塵。此約實色也。各有分隔。故曰障礙有對。七心。即六識并本意根。如眼識界非耳識界等也。以各有所對。故能緣心如緣落謝五塵是也。今無作既非

三對故屬無對也

本報即報得之色。有好惡報得之聲。有清濁等方便。即於報色聲上起折旋音韻也。方便也。聲不取報得實色聲也。身動身方便。謂報得身處是身之方便色也。故取此爲作戒體。鼓動下辨亦一也。以全體報色作方便色故。

又下說亦異也。任下如今世端正是。酬過去之因。長下屈申或令長短。高下是方便色。隨今所設非酬報。故報下謂報得之身是實色。唯無記故方便假色。通於善等三性。如今跪拜等。豈非是善性。既有通局。是異也。報由下又往業現起約二世論如下。水濕喻報色波動喻方便色。

問下意云。方便若以報色爲體。且報色是無記方便。亦應是無記。何得說言方便通三性而爲記業。耶答。下言色無善惡性。因鼓動以成善惡故。

若爾下責上答辭。色無善惡也。心論下彼業品云。善者淨身心口動如施戒等。不善者不善身心口動如殺生等。無記者無記心口身動。今約善戒故曰清淨。



●異色作果

心動身口色兩現外有善惡二緣生內善惡二色也。由下轉釋上經論之文也。像轉從緣喻所起方便通。善惡也。本面不改喻報色是定唯無記也。唯是方便。此簡非是報法二種。即身口無作非報非報色也是方便是方便色也。

異色因異者目方便色也。因者因報色也。謂下是釋報色之果者。以報色為因。方便為果。望後起是以下結二無作非是報色及方便色也。

除二性即惡無記性非異色因等等取非異色果也。本受不失只由是無作故在此二心不失耳。惟下言此無作從方便色中以辨成就也。作但一念即三羯磨竟時第一刹那由作戒落謝也。今無作既盡一形故非受中之作。若然則此異色果者目無作假色也。因者目於作戒也以作戒發起無作即作是無作假色之因也不作下具云不作異色因異色果者謂隨中作是異色因隨中無作是異色果又非下謂隨中作及無作從方便色心俱也。事止則無並是戒因故。文云以俱短故明知受體無作假方便成就於前緣。

●戒發作非

故稱無表也。穢惡即惡性現在前言受中無作不識也。隨生即運運增長也。

非餘即餘惡無記中如論即離心等者等取惡作也。俱無記者是顯色故高下屬形色也。故通三性收善性由是善戒故。

三聲者離心云聲入者三種謂因受四大聲因不受四大聲因俱聲因受四大者謂咽喉唇舌因緣發聲因不受四大聲者謂風鈴樹等因緣發聲因俱聲者謂擊鼓吹咽因緣聲彼聲一一有二種謂可意不可意今疏簡第二聲也。今下即第二因受聲又是善性收二性善惡也以惡戒亦發無作故無記非業者離心云無記心羸劣故局善且望善能禁惡為言若受惡戒亦禁善也。

始終從謂師已來為始三法竟時號終善而非戒謂但顯其善而非是戒也。答下若約要期受者則名為戒以戒儀局故餘一切善亦名律儀由律儀通行無涯故除汎爾十業無要期者是善非戒。若唯一念意謂若但在三羯磨竟時第一念得名作。

◆又應作不

戒者以前登壇請師來或有非緣亦應感戒令且不爾要俱如法故須始終通收爲作戒體口止下謂彼口之陳乞已了心緣又不可測故非耳聞意雖近緣要通取三業說始終也若爾與論羯磨第一念名作戒莫有相違不答論且就成滿時爲言非爲以前不名作戒又妨下此師意謂口雖落謝身可表故桑榆下解上獨樂之體用桑榆木所成也麤輪比之可解恐新學未知例作云如麤獸是報色殺者取臍是方便色將麤香體米用喻作戒也香體散壞唯有氣在喻無作也若然豈有捨麤獸等而獨取氣乎今作戒亦爾

七種者卽七善律儀也無色此宗執言無作是色也下引證亦同十種戒卽十種善戒謂有莊嚴釋上作色及成已釋上無作色謂無方便卽但有實報作色而無方便虔重色故但有作色無無作色也四大造毗婆沙云造是因義能造屬作戒無作從作生故屬四大造俱舍云四大造卽地水火風也或名四大種所造色也更相障礙者能造既有障礙所造

◆新疏作屬

亦可分之既說可分斯成色性雜心云以作是色故彼亦名色

出三有對卽障礙有對境界有對所緣有對出過此三故曰無對今既曰色卽屬有對何言無對一下卽五根對五塵也通緣非礙以意根通緣諸塵且非局礙又無作之色與餘顯色別也故下云非色者不同可見有對色故曰色非色別

金河西域記云阿氏多伐底河唐言無勝舊云阿利羅跋提河訛也正言呬刺擊伐底河譯曰有金河是產闍浮金處去城西北三四里西峯不遠至毖羅林卽世尊在此河入滅故曰金河已後指南卽指南車今謂各能指示人之迷方耳四部一曇無德二十誦三五四分僧祇故曰此方所傳四部乃斷也殷盛也不倫倫等也自晉卽五王子渡江南立東晉也假名宗卽成實也出有部體依成論出十誦戒體是不得宗耳多雜卽薩婆多及雜心論以此二論俱屬有門論彼文出四分體亦失宗耳碩大也各用開律或依成論或準多宗任人依用以俱是聖論故



本致大師要在約宗以判也。界品具云。心界品出第一。等有作戒字。誤影喻無作。樹喻作也。謂樹動故影亦動。又下彼具云。如世尊說。形質故是色。無作亦非色。以作是色。故彼亦名色。

界品下彼問云。色乃至識有何相答。礙相是色。相乃至分別。是識。相彼過去色。雖不礙。曾礙故。即先曾當來色。雖未礙。當礙故。後必極微。一一雖不礙。衆微集則礙。無作雖不礙。以作色是礙。故彼亦礙。假宗四分也。

實教多難也。神洲戒疏云。此土神洲亦稱赤縣是也。約下以始則誦疊誦所翻四分羯磨及下。即依十誦判持犯及多難出體也。緩急如十誦接俗楷定於時數急也。御法例通於無準緩也。四分反矣。不同彼約色。此約非色。是道理事義全別也。依理言此戒能超三乘正理。故以理爲體。故解云。謂此聖法能爲道務如鈔。即大鈔中戒有大用一科是也。故律云。如是諸佛子。修行禁戒。本終不迴邪流。沒溺生死海。又戒經云。若有自爲身欲求於佛道。當尊重正戒。是則戒有

趣聖道之能也

光師準此。即受五緣以能受中五緣爲體。即局人道乃至得少法是也。此五若具方感於戒。若然則以緣作體。晉師即東晉諸師斯下。如光師下。則約理通漫爲倒齊。末則拋體取緣爲倒。河北則以空附有爲倒。江南則以假宗實爲倒。既倒且蓋。則宗途綱骨非一體矣。理道義味成非僻矣。其間更欲摘掇揣度過溢。則不可勝任斥彈之言耳。

四分律隨機羯磨疏正源記卷第六

四分律隨機羯磨疏正源記卷第七

天台沙門釋 允堪 述

聖法由此戒法能成於聖。雖凡夫中受。亦彰此號。隨具身口爲具。能損損即是破。分成記用。即成善記業。非惡無記也。又此記業能有力用。故曰記用。感下如大鈔問云。今受具戒。招生樂果。爲受爲隨耶。答。受是緣助。未有行功。必須因隨對境。防擬以此隨行。至得

●會本疏卷三之五

聖果不親受。體形俱一受已後。終至盡形。卽八種無作。屬形俱無作也。相從從作戒。故又自能起後隨行。故所以成善記業也。若據多論。通四心得戒。故彼問曰。爲善心中得戒。爲不善心中爲無記心中爲無心中得戒。耶。答曰。一切盡得先以善心。禮僧足。已受衣鉢。求和尙。問清淨。已受戒。互跪合掌。白四羯磨。已相續。善心戒色成。就是謂善心中得戒。若先次第法中。常行善心。起諸教業。白四羯磨時。或起貪欲瞋恚等。諸不善念。於此心中成就戒色。是名不善心得戒也。以本善心善教力。故而得此戒。非不善心力也。先以善心起於教業。白四羯磨時。或睡或眠。或於眠心而得戒色。是名無記心中而得戒也。先以善心起於教業。白四羯磨時。入滅盡定。卽於爾時成就戒色。是名無心中而得戒也。彼論雖通後三心。皆由前有善記業。故通感發也。如律指十誦也。是色屬善色也。諸塵卽上依身口。成不離色等塵也。對說卽不可見無對說也。雖下雖曰多引明證。及所顯二戒。俱是色也。中陰死生二有中。其色微細。故豈約塵對言塵對

則塵顯。故顯此是細色也。諸師橫判如上所出者是也。意言如此。言其戒體色量。意云如中陰色也。別者。意謂何以作戒是色。無作非色者。分通大乘有施生成佛等義。故業下善惡等業。若無心者。不成業也。故下前有門論。但約色爲作戒體。今加於心。故得勝前所執之計也。兼緣是色。顯正是心。異於前緣異前作戒色心緣也。強目以前作戒既說。色心於今無作。須說非色心。然本從心生。今且望前彰異。故強號非色心耳。還熏下。由初因心發得善法。又熏本心成善種子。然後能感當果有大用也。心下謂心不可見。如五蘊之中。但以名收。四心是也。窮下卽窮出無作體性。各以五義求之。且如非色者。以五義來證。一色有形段。方所二色有十四二十種。別三色可憍壞。四色是質礙。五色是五識所得。無作俱無此義。故知非色言非心者。亦有五義。一心是慮知。二心有明暗。三心通三性。四心有廣略。五心是報法。無作亦不具此。既各以五義求之。不得故以第三聚非色非心爲體。不知下前

云強目此曰何因皆強立二非之號耳

問下既有種子何得說有戒謝義耶。種由思生。即四種思。心要約期。就熏成色。心種子要期。雖滅種子何窮。故有開花。愈果之功能。力用故名。無作若非種子。如何將來有結果之義。故遺教經云。戒是正順。解脫之本。能為後習功不唐捐。更能依體起修。功超前體。故曰。隨心無絕。豈同期願而有終焉。

圖教則全約大乘所說。以下由妄覆心。故造業。妄妄體雖空。著者成病。故如來立戒。警妄知非。復本性淨。不隨妄業成。妄流轉。盡苦源者。則不論生死。便妄源盡也。命召即是善來。得度示本。即善來是也。傍緣即三羈磨等。受妄分前境。既曰終依心起。前境悉妄分。別耳。以大乘畢竟推心為主也。

愚人謂異。即不知本者。執心境之異。部分之殊。強說有門。以色為體。空門以非色非心為體。智下以智人了知。能緣心所緣境。不離唯心也。以三界唯心。萬法唯識。故今隨緣轉變。有彼有此。有染有淨也。

欲下。今欲令行人了此妄情。妄業。故使受戒。以熏誠。

●妄字難辨

妄心令息。妄復本結作善種。以為其體。然後使五分。

花開。涅槃果就者。此亦如來示善權之意也。

故力有常。以熏種在。故能率後習。使隨行而生善果。成也。起下生隨行也。還下此受隨兩法。但熏本心為善種子。含在藏識。如是漸漸息。妄使妄波不生。妄源自靜。若下即不能起功用。對治則忘心還熾。妄業還增生。死輪轉。何有出期。即攝律儀。以律者法也。故配法身。

以下推先過。故下彰今德也。以下亦推先過。故下顯今德。即攝善法。成善法。戒也。苟善法成。則總乎萬智。報身成。則闢於萬行。行由智立。故配報身。

以下彰過。憎愛彼故。殺愛已故。存如是作業。生死之尖。今下彰德也。前生則衆生也。化身佛以化。則無機不應。以戒則無生。不護身戒理。齊故配化身。猶下喻化身。普應也。如月在空。有水即現。化身周遍。遇機即投。涉言語。謂古人不識宗旨。妄有所說。今為出之。則無迷宗理有歸矣。

松嚴容。驚也。驚。獨也。言但知驚懼。單獨守護耳。



不下二句。審上意。若下彰。過謂若不爲出生死。則空奉外之威儀。如斯持戒。不免生死。不下如世俗士。雖不受戒。若能順於舊業。令盡不增長。三界集因者。則苦果自息。

百論彼第一云。有漏淨福無常。故尙應捨。何況雜罪。福又云。取福人。天中生。取罪人。三惡道中生。故無相智慧最爲第一。爲天下。彼云。持戒有二種。一者不淨。二者淨。不淨持戒者。名中智人。外曰何等。不淨內曰持戒。求樂報樂報有二。一者生天。二者人中富貴。若持戒求天上。與天女娛樂。若人中受五欲樂。是名不淨持戒。阿難語難陀云。如羝羊相觸。將前而更却。汝爲欲持戒。其事亦如是。身雖能持戒。心爲欲所牽。斯業不清淨。何用是戒。爲外曰何等。名淨戒。內曰行者。作是念。一切善法戒爲根本。持戒之人。則心不悔。心不悔。則慍懣。懣懣則心樂。心樂得一心。則生實智。實智生。則得厭。得厭則離。離欲得解脫。解脫得涅槃。是名淨持戒。如彼卽第一卷云。佛告舍利弗。譬如蝙蝠欲捕鳥時。則入穴爲鼠。欲捕鼠時。則飛空爲鳥。而

實無有鳥鼠之用。其身鼻穢。但樂聞冥破戒比丘。亦復如是。既不入布薩自恣。亦復不入王者使役。不名白衣。不名出家等。

今識下。謂上假實二宗所出之體。未是了義。乃同方便假名字說耳。今考定之。終歸大乘。故曰。域心於處也。故經指妙經也。具云。十方佛土中。唯有一乘法。無二亦無三。除佛方便說。又云。復以假名字引導於衆生等。如命護戒。如已命也。浮囊此喻精持戒品。大小通護也。羅刹之喻者。經云。如人以羅刹女爲妻。生子則先食其子。次噉其夫。破戒之人。亦復如是。現世惡名。死墮惡道。

如上所斥。卽前云。無思反本。妄分前境。愚人謂異等文也。難意云。須識大小宗途。豈令一槩如斯辯論。自語相違。若何融會。若下大小俱心者。上且據機分三種之別。莫不皆從心起。而況志當歸一。良以仁者不見前文。敘述出家七種。大意輒起斯問也。

查下卽查婆摩羅子捨無學身求堅固法。施下卽戒本云。施一切衆生。皆共成佛道。捨下如三十捨財與

僧還復得用不同他部一捨承捨廢下有部約根能見今宗約識能見故不可以四分全同小乘也故光師亦判入大乘律限自作如三師等他人如受戒人也

待緣緣具成受也答下若約自誓則不待衆緣餘受不爾皆須之也雖然追以自心爲本若無心者不成受也

如牛二角喻作無作生則同時也有作無作者是作俱無作也第二念卽三法竟時第二刹那也唯有無作也心論下此師引二論第一刹那無作者皆謂形俱無作也方便與作時俱目作戒耳作戒是心無作非心故曰異也水鏡喻作面像喻無作

後解指前後起也前卽一時生也作俱無作正作時有無作同起也可言如牛二角生則同時不妨形俱無作仍後生也思業思約受者心業卽業體具者釋上具作無作也

今解下雖約同時亦不取第一師義以初師雖說同時不能分作俱與形俱之異今師作俱無作中已萌

形俱之因義非斷絕也由本下因以成果得果不絕邊爲言也至後刹那卽三法竟一刹那時二戒俱滿卽作戒及作俱無作也

非乖俱體言其同也形俱卽形俱無作其因已起但未至果此正顯還與作俱但三法竟第一念未落謝時同上卽與上作非乖俱體不妨形俱因成未現也二是下正釋果時無作也示現卽前形俱之因至果時成現也三下卽第二刹那二形俱謝戒體發時盡一形來無作也分二正受及受後通三卽因時無作等

多論且標一論其中亦有出成實者作休業止作若謝時此無作業亦止也能牽於後以因同爲戒因故能牽後果也不下顯作則由心起此無作不由心起由是無作體故業量以盡一形故墮下卽一發續現經流四心三性任運在故

十大受卽前云勝鬘十受備如前引八分分支也身造口業如人施物言是聖者當起有凡夫起者卽身造口家大妄語結口之無作等者等取口造身業發

身無作如深河誑淺令彼沒溺卽口發身殺無作也。無作品出成論也。論下出成實九藥品命終若大乘則經生不滅邪見以邪禁善令善無作不續也更令者事在之外更增從用。

善惡惡如弓刀例此可知也。問難同時者言此八業或間隔或相雜或同貶或前後且下舉一通收隨心亦名心俱。

入道卽無漏道論云下此遮外難彼云有人云言出定則無今言出入常有雖在事亂無作不失但在定道心中轉增勝耳何下若云出定有者何名定慧心無作常生背支入本者卽背七支入定道本時是背龜入細可說言發無作反上則無若然亦是隨定慧心入有出無也無餘卽化火焚身入無餘依界身智俱亡方可說言無無作業初果下證上隨生死心無作常有以此聖人見惑已除得道俱戒雖有貪非婦不疑若在僧中惑心設起則捨戒還家故有欲飽還來之事故大論云初果生殺羊家寧死而不殺此皆道俱戒力自然無犯。

答中從言至末有行來答受義也。既下至隨戒來答隨義也。受下示通局兼染若兼穢染心則不發戒。通持犯以持則淨犯則穢故曰通也。皆依受故。由有受故則有持犯輪迴如二輪兩迴也。兩種卽持犯也。既言隨者則是隨逐受後而有也。

應非戒者戒本防非今既已犯如何名戒如前相領者前約隨從受後生今謂持戒犯戒亦從受後生若解前例不應致問而況未曉故以四種通之前二屬智佛言有二種智人一者從來不犯二者犯已能悔後二屬愚初雖未犯已屬忘墮不學教人也後則有過不悔爲至愚矣。

乃是後時於後字上合有初字以受中作在初隨中作在後此既不久應在善收如何乃名作戒耶及終行罰以後行罰前受也不名獨善若作戒但名善則局狹不同以不遍於法界上起要期故宜作四句一善而非戒謂十中淺三是也律不制舉心犯二戒而非善卽惡律儀三亦善亦戒十善中前七是也以不要期直爾修行故名善也。今若云善反此策勸故名。

戒也。四俱非者。身口無記。

八緣相始。從請師終。至第八對僧問難。合云。請師等八緣相。文作及筆誤。既通釋上。隨作戒三義。

□□可分

對別彰時。受對場壇。受時隨據正對境時。唯善性不通惡無記也。過境即有過之境。境通色心者。如加法持衣時。緣衣鉢是色境。如發靜中。緣眾僧善觀心邊。是心境。餘戒例然。不下言。必不能盡緣由。境不頓現。故本釋上根末釋上條。可即非現言。豈可即有非現起。故治即作方便對治。由其觀能如對姪修不淨觀等。前非不起者。由觀之能也。

心因者。如以下品心為受戒。因終至無學。亦下品戒中上二心。即中品心得中品戒。上品心得上品戒。終至聖位。亦一定也。優劣如殺戒。對人境則優心濃。能防則心重。非畜境則劣。故心淡能防。故輕。

三品異。即上中下。謂隨中作戒。通多品也。一品者。即本受一品定也。今謂所防多。而能防少者。莫敵禦不。均耶。

今口疑

受起下答。能防一品。所下答防三品。重境如殺盜性重等。戒雖是重。以難犯。故輕心亦可遣也。自下威儀中。細唯吉羅。以易犯。故重心防。遣因下。若如此解。則不可一例。約重心對重境。輕心對輕境也。妙下結成。今意倒。謂功德如云。欲不障道。打三百下。得福之義是也。

數齊不妨。無作因起。在作時果成。當作謝則免一種之過矣。如上。即兩戒前後中。重發如成論。戒有重發。肥滿不定。隨下。隨中。對境有優劣。則心分濃淡。是以無作亦通。薄薄淳重矣。受一多論。戒不重受。亦不重發。罪不重犯。依本常定。故羅漢心中。下品戒也。隨多者。即隨行有增微也。又大鈔難云。何故戒有羸不羸。耶。答此對隨行。不論受體。以下雙釋不通重。故釋上受一止下。釋隨多一念。即總作一念也。

實行異上。虛願也。非願如正修慈悲觀。對殺境時。無暇更修。少欲知足。觀離盜也。以行不順。修次第漸成。故為長。以懸擬一形。故從行善生。簡行惡時不生。此與方便。色心俱事上。則無四心間起。即善惡無記無。

心更互間起。本體不失。又任運三性恒有。故如下。卽比前二種作戒解。根條異中義同也。前云受爲行本。隨後而生。目爲末也。今應云受爲根本。隨依後起。故曰校條。

念念雖謝。卽後念起時。前念謝也。雖曰已謝。不無後念續起於此。不絕邊爲戒生。因故鈔云。現在相續心中緣是。也不爾。非戒以惡。死戒則不周。亦有五同四異也。

斷相續意。先惡業上願悉斷之。強緣三寶及師僧業。援卽戒也。以戒能援護。故名受。無作從願行發起也。僧緣卽人僧界法爲緣也。情本與下志意皆目受者。隨下隨姪盜等境起。防制心名爲隨中作也。作息下。謂對治成已過。非不起功德。續生名隨中無作也。

俱眼卽受隨俱名。無作大師云。受謂壇場戒體。隨謂受後對境護戒之心。方便善成。稱本清淨。故也在。還言任運從作後而起也。七非身三口四也。三宗卽色非色善種子也。

四下受中無作體在對事防與隨中無作一等受體形期盡一形也。隨非防過對境起也。莫非俱護本所受體。卽受中無作能下說。隨中無作相依持者。隨假受生受繫隨護二法相藉。亦猶輪翹。非是非不也。言此無作不是作俱無作。願作謝已無作。常住此約隨中猛盛心修者。若輕浮心亦不發也。

事息方有待作。落謝後無作方生。此下言此無作不與隨中作戒對起防非。但是作戒防故。夫下大師斥古同名。過無作卽是作也。無因過事息方有。故今若善解者。得害死屍。言屍有可害義也。涅槃云。若人斬截死屍。以是業緣應墮地獄。非非下非訓不。

論者卽成論。如人下證過去境。又下證三世境。過未已謝。合云過去已謝。未來未至。文略問下。因上第二義中慈功與行何以異耶。七品怨親各有三品。卽上成并不怨不親爲一品。合成七也。今隨境分慈。故亦有七。故論卽多論增減以惡心故。戒則減反此非惡心是增也。山下顯須遍發。豈可同餘汎汎之善行耶。現在相續簡過未及間斷也。現在無非者以現在利。



那中無非可防。故何言不防。何得言不防。現非耶。

緣在惡對。若約能緣心對所緣境。時未即有非起也。顯下言發願欲除斷。不妨正屬能所緣義也。若下正示不定。說非者以正防之時。非若不起。即屬未非。非若已起。即屬過去。六塵為妙行。對境不犯。即六塵清淨。又豈可只在無學耶。一境有異見者。即迷人為畜。故云異見。今於異見中能防過不起。盡治功力。強也。反此力弱。則其非過去。要行機蕩。是坊過。非現在未起。即屬未起。非緣下說過去。非故下說現在。無非。殄已起。且殄是除。殄防是遮。防義自兩。別何言防過。去非耶。犯已依機盡。遵律法。今防不機。正是其非。故亦名防局。論古說毗尼。但殄過。非不防未來戒。但防未來不防過去。是局也。如四下謂言寬等。靜已起。故屬毗尼已殄也。今或四靜將起。明律之人善解觀察。靜情如法。為斷令靜不起。豈非毗尼亦有殄未。非何得但言殄過去耶。

但防具言受體。但是防之具度也。其性性即體也。止作即止持。持作。持刀喻受體。執持喻隨行。前陣喻過。

非未非起。現在猶言未來。過非因今生起。如現在三支。因為未來二支。果是也。

名種。即罪名。種相以化教不分合。雜而機不識。以不知篇聚所敗。故機若通漫。罪亦不出。當起。即未來法數。過去未來約三世法數。為言依生。即衆生損壞。約六大毀謗。約佛等傳識。傳度。識處。餘下。即非境情也。一切生境。言無一衆生上不發也。此是定義。四分即身三口一。也不相離。以三者互關。則善不具。不從一切得。以上品心。受必無中下二心。故曰三品不俱。故一切分具發七支也。三品意下品心。受五戒。中品心。受十戒。上品心。受具戒。此下總束上文四支。身三口一也。故分不盡。不發七支也。惡意不死於一分衆生。由有殺心。故某衆生。如但不殺四足。於餘並殺等。某分我。但持殺盜。而不持姪妄。

三處。此處持他處。破四時。夏持冬破。或但一月。或但日中。某緣太平。則持戰鬪。不持。但得善顯善狹。而戒寬也。非所能境。即惡心不死。仍有殺心。故也。以下取例。若如此者。何名不害一衆生。而得戒耶。

●●本疏卷  
三之六

若下意云若只所能境上發者則有增減過文言損減字誤謂下如前取例以釋得捨得戒捨戒必假因緣今自然有增減者則得捨不假因緣是有乖也縱下言縱離得捨不假因緣復有何各群行之首即戒爲罪行元首也

未有有時秋冬則未有春夏則有時受戒至冬豈非有減冬時受戒至春豈非有增只於能中自有增減何獨如上致詰

故下前後有人死而識在故得前後論草死性永亡故不可爲例入般則入般涅槃滅身智亦是於衆生永無戒應滅耶心謝約聖人說雖無犯戒心以外境在故戒不失也二下正通上難轉根僧轉爲尼教尼等戒不現行耳恐復轉男豈可更受四下凡心惑在境界不空施下施則施惠慈則慈悲於一衆生亦得律儀者與前普偏生境俱無害心方成慈行豈不相違耶

將此下答通立四即下五八十具可欺約妄也四戒姪盜殺妄三因緣用無貪等三歷成十二并歷酒戒

◆校釋

共成十五一切酒草木米等所成者入般衆生入般約前四戒說不失皆謂境謝心不謝故

後取取爲妻也依禮即昏禮三境大小及口道四處腦咽心腰可下如姪一處餘處不壞今殺豈可同耶以殺一處三處壞故不得立四戒也命業即性戒七分即七支智下應先問云口四之中何故妄語在先將文通之

三單食噉癡也三雙食噉癡癡食一合具食噉癡共成七番過境即五戒罪境爲七開姪支對三境也爲八爲十者因明八戒十戒如高牀等皆約非情上說三十五將七毒歷五戒故成此數遍生盡法界生命上有四戒

非情即酒等五一飲酒二華鬘瓔珞香油塗身三高牀四歌舞倡伎故往觀聽五不遇中食前八名戒後一號齊通成九戒以七毒歷之成六十三戒

得六前五外加不得投生金像銀錢寶一戒以七毒歷之成七十戒故曰准知此律即本部同發身三口四七支也但結罪在第五篇猶有具戒可受故稱有

願也

三種善根亦無貪等餘則例知例餘法界情非情上各得七戒互起卽三毒互起二三等分應爲七門二三男開姪支爲二女開爲三便成女人九處男子八處也六十三戒七九成之五十六七八成之也自下卽於非情戒境上各得七戒以此例餘法界之中得無量戒故喻塵沙金輪卽金剛輪也反罪成福福卽持戒功德也如明了論云四萬二千福河恒流是也如是例餘法界境上功德無量所以位高人天良由於此

打搏打比丘搏比丘等是殺之種類故輕重打提殺夷故二下殺防命斷打防惱他又殺果打因故善惡法卽餘種類戒是也

若下意云十業之外若更有善惡法者何以但出十業戒耶答如文後三貪瞋癡也餘三五八十也今且論十前四殺盜姪妄後六綺語兩舌惡口并意三種屬善非戒也四人卽五八十具也十善俱戒以菩薩持心戒故亦下以菩薩正制心犯聲聞制以業思故

曰同相

羯磨通味以羯磨中不躁戒相故恐下恐犯後進入無緣由一受以難無宜再造十下後說至十三也四下若備論四戒是初篇根本欲廣其義此恐文繁故指如戒疏也誠其身心令審諦恭謹也且舉三號以佛通號有十今且舉三族姓女因上文中日善男子故對尼以示彼則曰族姓女蓋呼召異餘文一同沙門桑門梵音轉耳非爲翻沙門爲桑門之道以沙門良福由故能斷衆生饑乏以修入正道故能斷一切邪道涅槃云沙門名乏那者名道如是道者斷一切乏斷一切道以是義故修入正道爲沙門那今言謙虛者亦乃疏主就門別作此釋言我貧乏於道是以古高僧多稱貧道是也自牧牧養也以謙和自養耳先聖云謙以自牧取其意取息惡行是上之義也非家以家者卽父母等家今入空門是非家也本習卽在家時身口七支等過也八喻卽取海八德以爲喻故佛告阿難大海有八未曾有一大海漸漸深二潮不過限三不宿死屍四百

川來會無復異稱阿含正五萬流悉歸而無增減六

出生衆寶七大身衆生居住八同一鹹味四河增一

云四大河一日恒加二日辛頭三日婆叉四日私陀

波四姓刹帝利婆羅門毗舍首陀四子斃摩王有四

子一名光面二名象食三名路指四名莊嚴四子少

有所犯王擯出國到雪山邊住直樹林中歸者如市

鬱爲強國故父王遙嘆曰我子釋迦因爲姓也僧祐

卽大師之前身也孝音息也

重輕姪則舉重不淨行舉輕故引摩觸等以配示也

以皆是姪種類故齊名不淨行也總舉下卽前輕重

收棄收卽摩觸語輕罪犯殘行穢收歸足數棄重

縱穢還不足數卽學悔也本防正列卽夷罪也解脫

道論彼曰云何頭爲戒義答如人無頭一切諸根不

復取塵是時名死如是比丘以戒爲頭若頭斷已失

諸善法於此佛法中謂之爲死是戒爲頭義

同前卽列相誠約答能也除疑者恐云燒埋壞色不

入已故不犯盜故持斷同也呈示合作懲誡也至時

下彼條部云優波離從座起白佛言若作減損意取

五錢若過五錢自取若教人取自斷壞教人斷壞自

破若教人破若燒若埋若壞色是犯不佛言一切波

羅夷有人下妄指此方二樹與彼同耳

黃細約色與形辯微砂畢小以此不在言在也猶云

文不在茲乎是在也今謂細蟲十六分之一明在於

教耳非可活反顯是死藥符祝下文作周六反取書

畫符印或誦祝詞不證得者言自不證得也無色通

收四定如前羯磨言不可增減也

隨人說相言隨人受已隨人說相事在煩重也至三

如今三人爲一引也前後或違人受戒了便說或前

後總了通爲說示亦無在也縱下如前後俱不說豈

可新受人反致失戒耶但三師七證乖法式耳

他仗仗持也言以他爲依持也如涅槃下彼具云有

人出世具煩惱性而少欲知足乃至正定正慧無戲

論等不妨未斷煩惱爲初依須斯二果爲二依那含

爲三依羅漢爲四依然下以魔亦能化作人四依說

法故又須更立法四依以辯邪正經中涅槃云依義

不依語依智不依識依法不依人依了義經不依不

了義經波旬說證上魔或能作云何下言魔既能說如何取別故以教分者准教不得畜八不淨財及自手作食等今若反是說者知是魔也行四依即糞掃衣等如文所列

四依釋上行字八正即八正道釋上法字四八四依八正也然下說行四依緣須糞掃衣腐藥等爲內外資緣也心下說八正道由本迷故以八正之故下合結衆別如說恣等是衆益穢罪諸受等是別益

立四意者約行四依以辯其意也依法即行四依之法也有待言身有所待衣食處等關則命不可濟道難成立支立支持成立也前三即四依中前三種陳藥即陳腐腐藥乃至略食欲處欲有欲即下云治有惡欲是也

謂下糞衣治好衣欲乞食治好食欲樹下治好處欲寂靜治有欲謂治有無情執之愛也如下科自明轉云愛取轉上四種病曰四愛取故第八問云聖種何等性答無貪善根性若眷屬是五陰性四種愛取對治故說四因衣生愛因食因臥具因有無有生愛仍

自註釋云無有愛者愛斷滅也除上三及此餘愛總名有性已上今恐論意難明故特爲釋之言於有生受者謂有一類有情愚昧而自思云我雖爲人貧窮下賤不如有福傍生願我死後得爲龍馬等於此有上而生愛著佛令修聖道行而求出離得生好處言因無有生愛無有即是無也謂有一類有情困苦所逼便起思惟願我死後永無此身佛令斷除煩惱趣向涅槃化火焚身入無爲依界方免後有

不立藥即不立腐爛爲第四也答下亦雜心論文彼云依乞食攝藥故又下彼正云又不一切時用故藥不別立大師回文取易故變論文言藥不常須故故不別立如薄俱羅一生無病不假於藥未來捨輪王易者以未得故爲易也從答下俱雜心中文即下大師別引涅槃成上義也謂現在得財不起貪名知足未來得財不生貪號少欲故合結云少欲知足四塵色香味觸也八微四塵四微合言八也故心論云色香味觸極微八種如欲界中極微與香合味不相離有香則有味等文以四塵之顯假四微所成故





●先一作先

自達及負其書候尙書沈約於車前獻之約覽而異之遂呼登車定交時人號此書爲劉子今出防慙篇彼具云明者剝情以還累約慙以守貞方接所引二句章甫三體圖云殷冠也一曰是殷之行道之冠章明也甫夫也謂章明丈夫之美德也縫掖經大也掖謂兩袖也其被袖口二尺二寸大於餘衣乃儒之衣也嘉肴賈逵註國語云肴俎也凡非穀而食之曰肴芳音謂金石絲竹之清尙書云醕酒嗜音譖光周易彖曰人道惡盈而好謙謙尊而先卑而不可喻君之終也忍下謂忍人之不忍割人之不割行人之不行是儒之君子也況出家之士而不能行乎約報盡形之報也四下既答言能何可後犯

問下意謂戒體既在白四言下發合在羯磨竟時使問能持今至此方問者何太晚乎不鑽謂研也論語云鑽之彌堅有生卽有識凡生前下先示姪盜等四境成止持後示糞衣等四行是作持此戒與行爲最要故受已先示之也四相卽四依之相知誰不犯不知令誰不犯今既立誓則知令已不犯也不問道俗

以施通七衆故道相以割截壞色方是沙門衣相盜下次者令下位人合得而不得也惡日卽惡鬼神人命日坊亦僧坊也亦須知者知彼此三方各得所尙也隨相隨受計之相雖多大意令淨心也言淨心者無使別他而自墜已等分染謂分有破戒等染不應福田不可計之故下引證熱下示當果也

招提中含阿難受別房令施招提僧准此四方僧房亦爾平頭此方并汾州亦多作此屋上不起棟橫鋪散木以土覆之中間開溝泄水極長十間五間共一戶出入重屋卽樓閣之類中高四層此尺尖相王大殿證中高也叉手兩木交加若叉手也大小便有用治病也如云黃龍湯是也

酥蜜分二卽酥蜜各分二成四也以體有生熟堅突故油體無異故但一爾共成五藥

深防若在後者恐有乘儀故忽犯言莫輕忽有所犯也因果盡然盡由皆也汝今既善出家福不虛業必感善果也故曰果必至也受時二師卽羯磨教授也非下卽非隨行中和尙依止師也具足滿目七證也

不慮妄受言不慮假妄而受也。至下至說相隨機而說。豈獨於此而爲盡也。

如鈔。卽師資篇。師他卽依止也。二師卽和尚并依止。離違因和尚命終。出界等離。便致有違戒律也。五分成立。卽戒定慧解脫解脫知見成立。方可離師。識治能善了彼治過之能也。下四聚提提舍惡作惡說二篇夷殘也。俗年壯室謂二十受戒。今又滿十夏則成。備禮三十壯有室也。累負言連累負墮也。左傳云。無累後人。專獨約不依他也。

天音。西天音也。又戒疏云。天語。天書。唯居大廈人云。此方人言也。皇姨。舅者皇者大也。皆父母之族。故尊之。今餘尼稱母氏亦例。然便應接形於法。或參忍言於形。亦屢許相參也。法還千載。謂能行入敬。則不減五百年正法故也。此由如來深知機根而施教藥也。同上。卽同僧授沙彌法是也。注云。加尼字。卽云沙彌尼也。增位於尼下。衆中增此一位。以僧中無故勸學。卽六法也。離阻上去。道爾雅云。往也。歸嫁也。周易歸妹是也。後喪從道。謂喪亡婦事後乃入道也。

文列卽下引律文說相云。是中盡壽不得犯等。既說淨心。何止二年。故得說盡形也。二歲卽註引律本云。女人過起佛言。與二歲期。磨此則得淨身也。別教六法也。位下在沙彌上也。三衆下三衆也。實同。同沙彌十戒體也。而異不妨加學六法。故更從始學。卽重具二年也。

故有下以兩日當兩年。或下雖二年具行而多犯六法。若犯理須爾與而輕忽不行。或少或多。於六法中增減行也。都盧猶言一時也。謂下是釋謂式又六法。初受本法及具足戒一時成就。曰攝。戒名無所藉。故不足論也。

優長。優弘長遠也。百代無古言。無古今耳。一科皆歸非法也。進戒進受具戒。爾尼一位以尼中立下二衆。今若不行六法。卽闕式又一位何下。首須受六法方可受具。

若下。若沙彌尼須受六法。方得戒者。且如僧沙彌不。受六法。何以亦得具戒。無文下言。無有律文。開尼不受六法。便得具戒。二下顯男沙彌不須六法也。

年初卽年十八正月初一日受六法至年終是一年。又至十九歲滿。又是一年。至二十正朔受具。是正滿兩周年也。此則盡善矣。如是下謂十八歲時正月二日受六法。望前少一日。乃至臘月晦日受法。則欠十一箇月。晦二十八日亦名爲得元日。卽正朔也。最小亦十八歲沙彌尼。但在暮年受六法。故名小耳。不違教相。以一日當一年。故亦是二年。驗下以一年周足。驗胎身以子處胎多則十箇月。日況今一年矣。豈下應先難。云若爾與前年未授學法。正朔進具。有何別耶。將文通之意。謂前以兩日當兩年。不可驗身胎故。不可與彼同日而語也。

僧問滿不卽同行六法。滿不新受者。答滿又云。淨是則無有愧色耳。何遽遽忽也。恐失言。我若不急受。恐失却聖位也。

五儀卽偏袒等五儀。吐股也。俗作腿。言今時人互跪以腰著地。非隨之相俱。銜銜和尚名。故須預請也。以對異僧。異比丘僧也。必還從僧以僧者。衆也得下以尊彼故。彼必授我法。是得敬意也。進相卽威儀行。

相並同前望壇禮時儀軌也。故曰遮折亦得。還雖得法以尼僧遮乘故。

不下若不召入說者。知是戒我何法。故須列相顯示得罪。卽吉輕重如姪是重相觸是輕。有無如一切大尼戒應學是有。除自手取食授尼是無。卽是開人尊釋如來法勝釋說六法不分自別。雖不分一二三等數文相自別。

明戒正體是先十戒之體。非今所學也。但重舉本以生下六法爲誡勸耳。問下謂不淨姪欲沙彌已知何重舉耶。如下引例學宗正是六法也。乃至略盜殺天分者。謂姪盜殺妄此之四戒。但前半是正戒。體後半是正學宗。此則霄壤永別矣。無可對言。後二戒更無重輕可對。但直舉以爲學本。又前四後半正爲護前四重故。是深防也。後二人多惹犯重舉以誡約也。增本位者。由增式又之位於大尼戒。亦須同學學士。謂僧沙彌亦通發七支及對萬境。故應名學法士耶。尊彼沙彌在二衆沙彌上也。如下取例。餘四卽沙彌沙彌尼式又大尼也。

二緣卽自取并授食也。唯開下言唯開式又不從淨人受食已授與大尼此約無淨人處也。不同下卽一人受已通及餘人四衆戒下云尼同下三衆吉是也。理自從人卽自須從淨人邊受已方可進口。

二學法女卽十歲十八也。本服仍舊著五條也。以下要沙彌時著縵衣故一當去下同斯漸言有斯漸變也。爲寒爲寒故聽重著豈爲分上下耶。

緣起制僧者三衣之始。本緣對僧非約下衆必若遇寒隨時助身之服。善用非制也。若下反詰若許沙彌通著者不應受大戒時。方示三衣名相故知非也。鉢下若據鉢亦同三衣沙彌未可用僧器受用以結奉僧故得將常住別器足以資於形有也。縱下縱有依十誦許沙彌持鉢者終是法未具也。大受卽受具戒時須用也。非制故不同者卽受十戒時不問衣鉢有無驗知不須略。

爲四者卽八善破羯磨也。爲七如註如上卽上顯相中。然下以羯磨統通一化三時故委而辨之法預尼言。此一位唯願尼中有也。今下一則無此難緣二則價

少半國設復有者無二衆受故十二歲學六法則二十方得受戒故下引彌沙部師爲證然也。下大師立斷也。或堪持戒宜從十二反此未能宜憑異解二十二。

如常卽二歲學法年滿受具也。宋已前卽宋元嘉十年已前楊都以衆證初至楊州爲尼受戒則僧尼各十故曰還依中國。

異者重解卽下證難解中師傳傳相也。後昭公云成童不就師傳父之罪也。累年加大僧二歲也。二十餘戒具如尼單提提予警註尼戒本三就乞法中乞恐是請字卽曰謂作本法已當日便往僧中彼戒本云經宿方往比丘僧中與受具足戒者提故曰得罪。非解則不失也。若下如有隔日爲復更受本法爲卽用舊法答下以律無文亦任後人取捨雖下大師約理自斷雖曰隔日本法在奈佛制本日往故義有涉。疑今欲免疑者捨故本法重受已卽往僧中乞受於理大善故曰如法如下如結界等若疑應捨已更結正是佛聽界亦不須卽尼往僧中不用更結也。



今量量謂立量也。尼有下將隨例受也。以隨行機僧  
殘既假僧尼八人行摩那。煙四十人出罪。今受中正  
發戒體。豈可但二三尼往耶。僧軌言羯磨是二衆乘  
持之法。又是僧之正軌。所爲在尼。卽正受者。豈同前  
指上謬解。

自然卽自然界重加。但於僧結界上重加唱結。以尼  
望僧界爲自然。故不相叉者。尼結界時。當齊僧界上  
唱結。不得兩界互出入相叉。今作差字。然論中作叉  
恐古通用。

●終律作本

紛然意言。謂行事者紛亂各信意言耳。謹下是今師  
義。今下謂今取五分意。單列各作一行也。既云面各  
相對。則東僧西尼。本法尼在二衆之中也。鈔云長鋪  
兩席。使中央空二三尺許。令申手相及。然下僧尼相  
對。故不無源。也。縱下大師義出。謂或避讓沙尼  
在裏坐。亦好如面。南境僧在東坐。而西尼在北坐。朝  
南於理通得。或若僧在前坐。尼在後坐。則成相背。非  
成和相。  
得聞餘法。爲得聞餘羯磨。不答下初句。縱但下奉加

●第一作者

●用疏作者

結卽加法結界。用僧下言爲許。得人何用僧更爲受  
具。中間人上非大尼下非沙彌尼。

犯罪不應教之吉。以事證之。如八敬度愛道已度餘  
五百女。豈有十尼作本法。當知在大僧言下發戒。大  
須立法言大途。二衆並須立法。答下若尼不結界者。  
但成僧乘中容。非別謂於中容非法。別衆也以無界  
約束。故法用下事。鈔云。然此一法二衆同乘。各有別  
衆。非界無以攝人。非界無以羯磨。若不信須結。但僧  
獨作。應成事則不爾。故知須結。審委無疑。

請師卽請尼師也。何由由因也。何因妄爲師也。是故  
須請。義下言約義合。有但律無請之辭句耳。

罪名男女入罪。曰奴婢義。須轉勢卽轉語勢方便問  
也。非女五言有此五者。非正女也。

長引卽云汝學戒清淨。不答言已學戒清淨。前後或  
問邊在後汚男在前。亦得。但於十三不闕數者皆可。  
今下恐長引問時不曉。亦不得逐語而聲句。謂隨逐  
人語而作聲也。闕喻謂尼說相文中闕斷頭及多羅  
樹心等四喻。故下引五分通示如前。卽賦謂符祝抑

伏禱謂憑託鬼神是也

不得下謂祝詛令彼受惡使不違越也多爲下點字義也。限相如云腋以下膝以上等是犯觸齊限也。越滅違越絕滅也。以犯故非尼及釋種女故一則違如來制二則無有所證。註尼戒本大師親註尋本未見神思下誠輕浮弄精神者

非蘭若以尼居蘭若恐有賊難若伽藍中有樹亦可行之故曰何妨等。隨順卽入敬法事鈔云如此八法應尊重恭敬讚歎盡戒不應違是也。或可通收餘行

●會本疏卷四之一

○釋衣藥受淨篇第四

上明結前義下生後形有謂三界幻有之身也必須假衣被外形藥資內病受納有法故曰行相累患累也。又累縛在生卽一報之身命也。老子曰吾所以有大患者爲吾有身及吾無身吾有何患多。隨妄心恣已取捨也正觀少欲知足及五觀也。乃至略中夜著第二衣如衣法卽依健度云爾時世尊在波羅奈國鹿野苑中時有五比丘往世尊所自言我等當持何等衣佛言聽持糞掃衣等是也

●依經表

仙苑婆沙亦云施鹿林謂梵摩達王樹林施衆鹿故亦號仙人論處謂難勝仙人始於彼轉法故是以如來亦於此處轉四諦法輪度五拘隣也。道務以世尊出世急在於道於彼衣服立法尙疎由非本意後以過起故教生焉

結使九結十使乃至五百結等故四分云懷拘於結使不應披袈裟賢愚彼說有一師子名堅誓身毛金色時獵師欲取之乃剃髮披袈裟內佩矛箭師子遙來相近因睡以箭中之師子尋覺見著袈裟念言此人不久必得解脫便說偈已命終佛言師子者我身是獵師者提婆是廣如第十三卷中

如鈔二衣篇引維含云修四無量者並剃鬚髮服三法衣出家也。准此立名則慈悲者之服華嚴云著袈裟者捨離三毒等但莫專執者意謂莫專執一處說不能廣其生信若然者知何非道言皆道矣但專執不許著者乃妄之本耳

如是下四皆此也。如云一衣不能有慚愧三衣能故乃至一衣威儀不清淨三衣能故各有所在下衣院

內作時著中衣上講入衆著上衣說法入聚落著五百問云無中衣時得著大衣上講禮拜小衣不近身淨潔得入衆無七條者五條亦得入衆食禮拜等事抄即二衣中異傳如四分云臥具懸上菩薩經云五條名中著衣七條名上著衣大衣名衆集時衣等莫下莫不由此方無名體相故致異傳也

總號者增一云如來所著衣名曰袈裟所食者名爲法食大師云此袈裟衣從色得名下文染作袈裟色味有袈裟味俗下此方字書本無袈裟字或從音單加沙至後方添下衣字乃云道服也安大師即彌天也梁僧傳義解科云道安法師外涉群書博物強識長安中衣冠子弟爲詩賦者皆依之致譽時人有言曰學不師安義不中難初開田縣掘得一鼎容二十七斛邊有篆銘無能識者有問於安曰此古篆書云魯襄公所鑄乃書爲頌文以此驗知安師善字書學而言梁者若據安師生在晉今言梁者恐載梁傳故六味即甘苦辛酸鹹淡也既言味豈可是衣也當知在六味中收如戒疏彼云文言作臥具謂如被也但

以三衣總號此土先無不知何物而廣張有相同此被敷故即相翻或云臥具或敷具故僧祇云敷具者三衣名也又云如後坐具此方有之即物體相翻體相明了三衣無故所以有蓋世並迷名都謂敷具如下取例釋名即漢劉熙撰斯服即袈裟也如鈔引經彼引悲華經云如來於寶藏佛所發願成佛時我袈裟有五功德一人我法中或犯重邪見等四衆於一念中敬心尊重必於三乘受記二者天龍人鬼若能恭敬此人袈裟少分即得三乘不退三者若有鬼神諸人得袈裟乃至四寸飲食充足四者若有衆生共相違反念袈裟力尋生悲心五者若在兵陣持此少分恭敬尊重常得勝他若我袈裟無此五力則欺十方諸佛又下即上引偈云雖被袈裟服不能除怨恨則不應此衣是也

哇畔謂注之相若稻田之畦以分界畔也四利慈悲喜捨三善無貪等

引鈔彼引華嚴云著袈裟者捨離三毒等戒本亦通指戒本疏內衣謂三衣中最在內故高勝以是入皇

官說法衣故。又在二衣之上。故僧伽翻衆者。若順上義。梨合在上。僧伽下。以向云伏外衆故。又梵語多倒。例如智論云。梨名爲趣。涅名爲出。又如四分之義也。五下鈔云。律中無五七九名。但名安陀會。乃至僧伽梨人名七九條也。從價鈔云。七條者名中價衣。餘二可准寒暑及輕重者。分別功德論云。爲三時故。制有三衣。冬則著重。夏則著輕。春則著中是也。

第二門。卽此門是犯捨過財。卽曾經犯捨墮未捨懺者。鈔云。興利販易得者。不成律云。不以邪命得。激發得。相得。犯捨墮衣。不得作等。言略事含。謂註中但言邪命是言略也。而舍攝四邪五邪等故。曰事含。

如經下。寶梁經。周那沙彌洗糞掃衣。諸天取汁自洗。身二下。經云。占想吉凶。仰觀星宿。推步盈虛。皆所不應。激發。激動彼心。發彼施也。四下。顯異惑衆也。言下。大釋論云。淨目問舍利弗。乞士者有四種。食合。藥種。植田園。名下口食。仰觀星宿。名仰口食。四方巧語。名方口食。呪術卜筮。名四維口食。

害名律云。蠶家乞。編用成臥具。爲俗所訶。名殺生也。

● 加羅

佛內制戒不服之。縱得已成。斬壞塗壁。此則永捨。極誠今五下章服儀云。大唐寒外三垂海濱。大夏諸蕃。有佛法處。所被道服。皆資毘布。無用絲綿。斯良證也。此土齊魏名僧。周隋高勝。所服大衣。皆資以布。雖未委教。暗與文同。豈非慈側之深。法衣依法也。但下若離殺者。手亦應慈念耳。又化女織絹。非蠶口之物。此則如來所服。事載靈感傳中。順道者。要作青黑木蘭三色也。

錦下。示非法色也。章服儀云。如世朱紫。非榮達則無服之異等例也。不正壞色。唯釋門所懷。別邪正也。九十六種外道。其徒不倫。或裸或衣。或素或染。莫有定者。釋門不爾。俱服染衣。色非純上。絕於奢靡。又鈔云。若細薄生疎。綾羅錦綺。紗縠細絹等。並非法律云。文繡衣。不成受持。

澄公梁傳云。竺佛圖澄。西域人。本姓帛氏。少出家。清直務學。誦經數百萬言。善解文義。以晉懷帝永嘉四年。來適洛陽。志弘大。法善誦神呪。能使鬼物以麻油雜燕脂塗掌中。千里外事皆徹見。掌中如對面焉。

亦能令潔齋者見又聽鈴音以言事無不効驗至建  
平四年四月天靜無風而塔上一鈴獨鳴澄謂衆曰  
鈴音云國有大喪不出今年矣是歲七月石勒死子  
弘襲位少時石虎廢弘自立遷都于鄴稱元建武傾  
心事澄有重於勅乃下書曰和尚國之大寶榮爵不  
加高祿不受何以旌德從今已往宜衣以綾錦乘以  
雕輦朝會之日和尚昇殿常侍以下悉助舉臺太子  
諸公扶翼而上主者唱大和尚衆座皆起以彰其尊  
澄嘗與虎共昇中臺澄忽驚曰變變幽州當火災仍  
取酒灑之久而笑曰救已得矣虎遣驗幽州云爾日  
火從四門起西南有黑雲來驟雨滅之雨亦頗有酒  
氣救氏神異極多備詳本傳不可下南山誠詞也意  
云何苦慕彼著衣不慕彼神異苟有彼之才之美此  
衣亦可著也

如鈔彼引僧祇云青謂銅青黑謂雜泥等木蘭者謂  
諸果漿等又四分云若青若黑若木蘭一色中隨  
意變諸下指袈裟翻染義乃通漫且如諸色非染不  
成何止袈裟是則非尅定也今下彼云善來比丘瓦

鉢其左肩青色袈裟赤色鮮明大師云准似木蘭色  
也謂赤多而黑少非同南方正色故論云若見著五  
大色衣比丘有智慧者當言此是遭賊失衣比丘  
可即體同言豈可即同東方正青色北方正黑色耶  
木蘭鈔云子於蜀部親見木蘭樹皮赤黑色鮮明可  
以爲染微有香氣亦有用作香者又章服儀云木蘭  
一染此方有之赤多而黑少若乾陀色經云見我弟  
子被服赤色謂呼是血論言我著赤衣映珠似肉等  
是也今有梵僧西來者著此色即其證也然赤爲正  
色微有差殊此土具耕僧祇所斷明知不正即袈裟  
色

五分下彼云肘量長短不定佛令隨身分量不必依  
肘鈔云雖爾亦須楷准故十祇中各立三品之量今  
准薩婆多中三衣長五肘廣三肘若極大者長六肘  
廣三肘半若極小者長四肘廣二肘半者並如法若  
過若減成受持以可截續故衣身即衣體也棄相謂  
條葉相也

下一五條七條也章服儀云餘之二衣重單兩許糞



衣五種無論重數若下諸部會通僧伽梨者唯複無  
單例下重數既多增減之量可比下二衣文不可令  
小也以是尊重說法衣故至作時可自比度量料也  
既聽聽單作也是制制多重也大儀謂尊重之儀也  
取受衣之時即冬時也分別功德論中制有三時今  
既在冬時則輕非分也章服儀云但以變在人情不  
惟源本本在遵寒單疎非分名分但云安陀會乃至  
僧伽梨未見言五條七條以相別之

九品者應分三品細分九品則一品中有上中下也  
多論既約條數分例前五條爲下衣七條爲中衣義  
不失

謂四下合數也俱舍頌云四州四惡趣成六欲并梵  
天成四禪四空處成無想五那含成已上共成二十  
五有疏言四有卽四洲淨居卽五那含天以那含果  
人雜修靜慮生五淨居

所下始五條終二十五俱是隻數以奇屬陽偶屬陰  
陽主發生陰主肅殺故取陽數也如鈔彼引雜含云  
修四無量者服三法衣知慈悲之服也

刀謂割截故色謂染壞故體謂十種糞衣故長多喻  
聖增短少喻凡減互乖謂長不依量也受取依教可  
以截續故犯缺以不加法義同無衣爲下爲遠離罪  
故必當受持若不加受與無衣同故言犯缺也著下  
釋註著用得罪義乖慈梵行或條多而成偶非慈育  
也或長少而短多非淨梵也

通別短長謂短通而長別也六事一浣二染三舒張  
四礱治五裁六縫莫不下制裁是本也不足則任聽  
操業以至於纓此則成未也故下云有恩割本等意  
可見也如別僧祇業極廣應四指極狹如積麥是也  
爲了縫文恐有但解了律之縫文便乃執縫爲是以  
四分但云縫僧伽梨故十誦下彼又云却刺者是佛  
所許如法音用直縫不得是世人衣爲異俗故又防  
外道故又云以一尺二尺物補衣皆應却刺若直縫  
者衣主命過應摘此物與僧及與看病人

以下准此左肩上常以衣右角覆故出毗奈耶律章  
服儀云所以西來聖像東土靈儀衣在左肩無垂肘  
膝威儀不壞也今則不爾或有縫帶長垂銀鈎現威

金玉之飾亂舉於蒙心華俗之結觀鑠於道服佛宵  
萬字條條間施在尼師壇坐坐成罪況復綾繡紗縠  
絲縷已是蠶衣文綵輕疎約教彌成俗服斯蓋並乖  
正則作者詳之聞下引儒教證欲使改訛也

以緣周下此准多論意若善見中間破則失受乃多  
營衣由不敬故速破速破故多營故憐施然今又多  
營餘聽衣也故大師云今時夏末一月作衣但計裙  
袴之少多衫襦之厚薄綾細之精最靴絨之新華唯  
彼法衣置而不問是則重三聖之所輕厚九流之所  
薄用斯矯世不亦悲乎當知慣習所熏在心成種輕  
聖所重世世常輕重凡所輕世世常重如何開導靈  
府預善來之命哉律中下彼云若逢奔車逸馬當在  
上風避若有泥棘道進者不得措突門小側身下者  
曲身故曰稠人等必中即六年內也如三十即戒本  
云若減六年不捨故更作新者除僧羯磨律云有比  
丘得乾瘠病糞掃臥具重不堪持行佛言從僧乞  
更作新者當白二與之此則不滿六年也以下三世  
諸佛皆著此衣故

◆口口後

五緣者四分衣法有五緣留僧伽梨一若有恐怖若  
疑怖二若雨若疑當雨三經營僧伽梨四若浣染五  
若深藏舉著紐律云若衣無紐隨入家家得越心悔  
有而不著越毗尼為緣即衣下壞故開餘習食慢心  
也

受後即受戒□方持衣大約言先持大衣也律既無  
文致使隨情妄執已上先出古人之非也

今下顯正義衣鉢既為受戒之大緣宜從五分受前  
為正兩時一教授師出眾問難時二在戒師前為受  
故云任機等大鈔云受後方持者亦隨兩存雖然戒  
壇經云諸部並在問難前今時在受戒後無文可出  
不足行用

前令下出古義儀下今斥或下謂未得本意隨人抄  
出意下正立法餘兩五七條也肩上謂坐見初安肩  
上後令在左臂衣下却為如法有三即衣鉢坐具須  
坐下生受尼師壇法也自餘即餘雜聽衣也

互加如緞衣通三種受不又五七條作大衣受得不  
答如上文即五分加僧伽梨作下二衣下二衣作

伽梨受

隨名如云。縷安陀會。縷鬱多僧等有六七條有二。謂割截縷。葉五條有三。謂割截縷。葉複縷。縷衣有一。共成六也。無正衣如無大衣有二七條。一爲正受。一作從大衣也。通前正衣卽十八品大衣。更加此六種。故成二十四也。餘二卽七條。正有二品。從有二十二。五條。正有二品。從有二十一。各有二十三。通有。故也。并縷衣。故成二十四。通合言之。成七十二種。三衣縷通三處合爲一也。

綺支卽祇支也。亦云僧却。踏梵音異耳。此云掩腋衣。是尼五衣之數。故須加法受已。此與僧不同。故下言此二不通僧中。爲制衣別位。卽式又并沙彌尼。屬尼中。故云別位。四衣五條。縷衣。覆肩衣。綺支也。依論卽多論上下二衣。一當安陀會。二當鬱多羅僧他。緣奪失燒漂等緣。可標將僧尼三衣。普亦須反披之。成縷衣相也。轉名但改比丘爲式。又沙彌某甲等。更下言若更細分。恐成難碎。講者至時分之不出其文。律無受之辭句耳。故使妄說尤多。

無離言不離宿卽是受持。若下正斥。若不曾加法。何以律文云。若疑應捨已更受也。自犯罪卽缺衣壞儀。二吉也。由下以不受則違失律法。故須受之。

有下。有師用僧祇辭句加法。此是文不類也。以彼律一夜通會。四分專局。明相緩急。既別何成一體。言明相者。多論有三種色。若日照闇浮提樹則有黑色。若照樹葉則有青色。若過樹照闇浮提界則有白色。於三色中。白色爲正。離衣至明相出犯捨墮十誦。彼同護明相故。

或先下。謂先受持後有難緣。如四分中。若失想道斷難緣等。失受是也。今難事訖。疑心復生。衣失受不失。受既未決之。故須捨已更受。是如法也。問下。如疑不了。卽屬無知。今何不結罪耶。答下。謂忽從事起。非學能了。故佛開之地。了卽明相。現地色分明曉了也。重結罪卽不學無知也。外緣或難緣財少難得者。亦開如前五分次第下成事可例也。有則單作結犯不疑。若見下證非色不成。受有緣開暫著。非下例證非復不成。受若有緣者。亦開暫著如上。指前辨重單中。

● 圖書

上二大衣七條同加安陀會謂將上十八品等同加  
作五條衣受演示卽須知毼安陀會是今闕故正受  
二十五條是別毼從者條數不可一混何下意云何  
故開毼大衣作五條衣受況衣本別故心又了知如  
何通耶如下是釋借衣如俗中有被尙許借之有懼  
者當時人或有懼此行事成非遂將大衣縫合諸條  
棄明孔唯留五條明孔作割截相表是五條故今下  
正自言□□通上下今正衣通之何咎何須縫合諸  
條二衆僧尼□

○鄭猶此方楚夏鄭衛音異爾如衣體看其條數長短隨時驟入若干若局襟一品則反成局襟故以若干字替之欲通收九品耳

此下今斥言此不名如法語也。若律中止有一戒言下衆結吉。或可戒本中全失一衆結吉之文。可言剩也。況復諸戒皆有剩之有乎。論即多論如注引者是也。

以輕易重者。寧可犯闕衣之輕吉羅罪。不可犯離宿之重隨也。若下如欲免離罪者。除僧羯磨方開以下。

卽以輕衣替重衣也。餘下此外更無開文換易卽獨住比丘三衣中須換易心念捨也。壞相善見中間壞多論緣斷失是也。或下卽捨故受新是緣隔作卽造捨是得罪離衣提也。俱句三亦捨衣亦得罪如以輕易重四非捨衣非得罪專受持者。

三一受三說捨但一說者可耶如下引例捨戒一說  
尙成捨衣一說豈不成乎問下何以結界解界同是  
白二亦是相違故答下結界是僧法故結解俱白二  
餘別卽餘則法不可類結界衆法也

昌言正教明言非謂不重□□以世所共行故不可從。古卽不須□量也。鈔云今則□張衣相不同本法。但云如法作不言肘量。應成知非法。旣言如法自應知非法也。

如文指注無人反顧有人須對首捨坊道僧坊道路也僧祇下引例也雖有非數設界內有比丘非足數者對亦不成如下且如結小界戒場大意亦在防惡比丘及免數集之勞衆法尙開今何苦約又如捨墮本對僧作令若無人亦開對首斯可照也若爾說戒

何故待人將不下答通彼此則僧私同遵也任情安者或可待則待之不可則止未可例今心念於道路求之言中不了以獨作時無彼此問淨主之義是不了也後若有人故須更說

故下疏云心念淨法既是別人捨心難盡且令轉換得延時限終須對說方始究竟如別即鈔中十五種自然界各各別護是也

須離男女近處不得護衣不爾則有離罪斯例如與女同坐等皆為涉讎故除村結攝衣界中除村村外豈非限約兄弟分齊鈔云如父母兄弟兒子若異食異業雖同一處事各不同是名族界外道以不同故樂人歌伎惑人故王來有威勢故如此等處俱不得置衣常須近身取水鈔云別界者若作食處取水處便利處皆失衣即下指離衣戒中梯輪有梯可登出入有鑰可得開戶反此名失

別疏即戒本疏羯磨即作法攝衣如前已解皆下皆在戒本所收也理宜同護故

為身以彼袈裟在上如五分法塔故為衣即三衣臥

◆ 應作述

具僧麈席之類通三世受用故須護之穢惡流洩故

佛在人倍言佛在人中身過量一倍也律呂六律六呂十二管并斗尺秤量皆起於黃鐘管亦依周定也相連則通長五廣四也毗下四分七百結集中跋闍子擅行十事便於國浮僧斷了言十事者一非時得二指抄食彼謂少二二村中間不作餘食法三得食處非三寺中得則眾成法便謂同見亦得四後聽可謂先作羯磨五得常法事為常六得和合食謂是食不和合七共鹽宿得食見盡形藥無同宿八飲未熟酒彼例果九得畜不截坐具十得畜金銀實已在已邊作淨主但下伽論云不接頭者應如法者准初量已截斷施緣若坐時膝在地上者依增量一頭一邊接裨之此是定教正文大師云不依此法一生無法處坐

僧祇下通釋注中僧祇文也注中屈頭者即屈尺頭轉袈裟量即未挑張後量水濕量亦束衣令嚴後乾時長大也至廣長作者至猶極也除下反上句意云



若除上非外依教而作則正法生已身也兩塗即上  
廣作及依教也增下雙遺著也鈔云執則障道是世  
善法違則障道不免三塗宅身宅居也言坐具是居  
身所履之物故僧祇云唯得敷坐無有受者言今時  
無有加法受者

說下以音長者方次開說淨者初受便說者則無教  
為准的也況復善見云坐具須受持不合淨施此明  
文顯不說淨也非道標不同三衣為道標幟也諸下  
謂諸部未見說坐具染作何色故大師約義須作袈  
裟色也

律開減量律不犯中云若減量作今若加法時但云  
如法作亦得替文中應量字方文俗中貴士列飲食  
可方一丈也

種食猶種種食也後式彼律云佛在蘇摩國作鉢坏  
未幾令密師燒成金鉢次成銀鉢皆言王若知者謂  
我能作金銀寶乃令埋之後燒作鐵鉢青如閻浮樹  
佛令用之曰蘇摩鉢從處石鉢唯佛者本起云如來  
念往佛以鉢受食時四天王即往頽那山上自然石

中出四大鉢四王各取以上於佛佛乃總受累左手  
中右手按之四際分明又智論云石有羅細細者不  
受垢膩故世尊自畜所以不聽比丘畜者以其重故  
佛乳哺力勝一萬白香象是故不以爲重又慈愍諸  
比丘故不聽畜問侍者羅陀彌乃至阿難常侍世尊  
執持應器何以不憐愍答曰侍者雖執持佛鉢以佛  
威德力故恭敬尊重佛故不覺爲重又阿難身力亦  
大故復次以細石鉢難得故羅者受垢膩故不聽用  
依律用即作黑赤色僧祇作孔雀咽色餽色者如  
法律文廣有累法須者看之多剝善見鐵鉢五累已  
用土鉢二累已用大師云此方用累二偏入籠猶未  
變色用法不同提油上古鉢切指歸云提者以石磨  
瓦上用土脂楷便燒更不累也油以桐桂子取油油  
物名油鉢相合云體量二種雖應色若不應量亦名  
非

多論彼第五曰律師云論師有種種異說然以一義  
爲正謂一鉢他僧祇鉢他受十五兩飯法寶云十五  
秦秤三十兩餘是西竺粳米飯時人或共計議

謂上鉢受三鉢他飯一鉢他羹餘可食者半三鉢他飯可秦斗計二斗一鉢他羹餘可食物半復是秦斗一斗上鉢受秦斗三斗律師云無餘食物直言上鉢受三鉢他飯一鉢他羹留上空處今指不觸中中下二鉢可以准知

晉法郎同周也故鈔云此律姚秦時譯彼國用姬周之斗是也唐令侍中魏徵等撰二十卷唐律中令式格也斗者三斗爲之謂唐一斗當用之三斗也率之謂俗第六粟爲圭十圭爲抄十抄爲撮十撮爲勺十勺爲合升斗斛例增於十則知圭抄爲本下斤鉢今鉢小也

有下古人執律通文云量腹而食度身而衣趨足而已言通增減何必准上母論等必若下斤古又大師云必准正教世執小鉢者多大者全希豈非狹局貪著多益之相既號非法不合說淨受持

如鈔彼引五百問云若一日都不用鉢食犯墮重病者開不用若出界去經宿不失五分護鉢如護眼睛洗鉢鉢聽去地一尺瓦鉢離地五六寸許等問但畜

●會本疏卷四之二

●增補

一鉢不加受法過限犯捨不答不犯由是制畜事同三衣但犯不受持鉢罪若有長者准衣說淨于闐即高昌于闐西城記云此國重財輕義少禮女尊男卑吉素皂函翠面觀耳斷髮裂衣殺生祭祀于闐月支土蕃風俗頗同

藥下以有待之形假資方立外既衣鉢已受內須四藥濟形故次而明也鈔中彼云時藥謂麤飯乾飯焦肉等非時藥者僧祇一切豆穀麥羹之類不卓破者之汁若酥油蜜石蜜十四種果漿是也七日藥者四分酥油生酥蜜石蜜等是也盡形藥者僧祇胡椒華芡阿梨勒乃至一切鹹苦辛甘等不任爲食者是也五意多云一爲斷盜切因緣二爲作證明三爲止誹謗四爲成少欲知足五爲生他信敬心令外道得益除下彼云手受五義除自同類餘有六衆二趣皆成受也

口法不爾必是同類先手受訖對法六和方得加也三種藥四中除時藥也舉宿具足而論須藥體無八患者得加口法一內宿二內養三自養四惡觸五殘

宿六未嘗手受七受已停過須臾八手受已變動失本

故互齋手受已無口受

因他下即不喜沙門及驚急緣者開置地受如五分

屋簷食加口受彼下食時如僧祇口加三受是也火燒馬

噉中前噉也三受手受口受是請故有別衆是足犯

破威儀不得再食作餘食法者方得開後中前再食

者無妨

諸過即七過人食同住人即比丘也邪利活命所得

也心境相當謂僧俗二心同緣一境相關謂授食入

手已淨人來觸理須再受持食寄寄在比丘處也後

取已再施此比丘者開以先無心故若有心得不得

成者不成受也

輕心觸手淨人輕心授食時觸比丘手不成受廣如

鈔即不受食戒中引了論云除自已及同類餘三類

衆生隨一被教知比丘不得自取食食又知此可食

物知比丘是受施人度與比丘若不解此義雖與不

成受多論爲作證明故

非錯誤律中錯受麻油不成可通例也如善見下彼

◆時處作字

具云若乞食值風塵土落鉢中作念當與沙彌凡得還語沙彌如上因緣已沙彌受已云此是沙彌食今施與大德得食無犯

十句四分受有二五種手與手受手與持物受持物

與手受若持物授持物受若遞過物復有五種身衣

曲肘器還以上四受若有因緣置地與若迎下五分

所云從他淨人邊抄撮而取非法如下引例儉時八

事豐時則閉今亦然也

隨口約食隨著約衣隨人約房一食即初食時但一

念也如是不能合云不能如是文倒若下不行即不

作觀也毗尼母云受人信施不如法用放逸其心癡

修道業入三塗受重苦故若不受苦報者食他信施

食即破腹出衣即離身今未即受者果在地獄也對

施四分云寧以熱鐵爲衣燒爛身盡不著信心男女

衣服寧在鐵牀燒身焦爛不受信心好牀臥具寧受

鐵屋中住燒身不受房舍在中止宿寧吞熱鐵丸燒

爛五臟從下而出不受信心捫摸其身何以故不因

此墮三惡道故經說文云除苗間穢也

刈穫割也持戒第二此人雖曰持戒而食盡不作觀  
故鈔云受施之時必須作念不作時得罪負人信施  
七學三界四向也已物即主用盤石盤大也即大石  
淨處

捨受不苦不樂名捨受醉迷醉也謂食竟身心力強  
不計他也二下謂貪著香味身心安樂縱情取適故  
三下即食畢樂於光悅勝常也四下樂得充滿肥圓  
故

轉載如油膏車漏問油之美惡故經即雜寶藏中有  
王試外道比丘好惡二食以驗知道法比丘乃至說  
偈如疏所引修治為續壽命假此報身報命成法身  
慧命故文中亦指鈔文也

注精神即心神心下示貪急之心也耐忍也須臾下  
當觀入口已復吐出尚自惡見何況出時唯是不淨  
何足為食繼利以已曠故是羅刹因因業既成果報  
須克縱後知者雖悔何追地位苟是大行大解可日  
銷萬金反此則杯水難受也大下此南山苦言也學  
者善思受苦是因言受苦以此為因則所為極是劣

弱矣

如法治其吉罪以別緣不具故以越下明相出口  
法已失故有殘宿等罪也堂棟反指歸云凝下滓也  
義通四藥者水淨之語惟有藥中約義而論四藥並  
當水淨也如屢下要令淨人著行七步一墮壞生也  
一吉不作淨也

非時罪即提也各五舍利弗風病醫教服五種脂餹  
罷豬臠魚也又律云比丘有病因緣聽服五種藥酥  
油蜜生酥石蜜等分具風冷熱也戒疏彼引僧祇五  
藥及脂清淨無食氣一時頓受七日服之了論因病  
故開隨差為量止於七日又云世中蜜煎豈有病開  
服無病食噉與犯法同何況蜜藕諸湯為食所使則  
來報饑腹亦是貪得如是例諸及鈔即四藥篇云加  
法盡形亦開自糞十誦若生食火淨亦開內宿餘三  
不合

如鈔引二衣篇明作淨法六門一制說意二施主差  
別三開說進不四說之法用五辨施主存亡所以六  
明失法不同百一善見云餘衣唯得受持一不得多

多即是長差降減作吉懺也

失其實者。不了染不染物也。四分初日得衣二日不

得。乃至十一日。通皆不犯如是等類。具有八門。者二

中間淨施三遍。與人四失衣五故。通不相染。除無法。六作非衣。七親厚意。八忘去。

緣是犯。今不得其實也。尺下謂彼但知一肘是尺八

一步是六尺上鉢是三斗而不知用何斗量是誦語

也。故大師云。余曾遊晉魏。及以關輔諸方律肆。每必

預筵至論尺斗廢興。並未審述。故即刪補

必下以上根。但畜三衣中根畜百一下根畜長。今下

根既行說淨。隨得即說者。不可准中根人也。母論云

若放逸不說淨者。以惡心故。不滿十日皆犯捨墮等

五等取雨衣。覆瘡衣共成五十。諸七種衣不作淨施

三衣坐具雨衣。覆瘡衣六七及百一供身具是也

遇緣前人寄物路遠未入手之類。施他即為信檀。越

同類不可對比。丘說淨不例。猶言俗人不在此例。故

可請彼作也。遺下多論云。先求知法白衣語云。若不

知者。告令解之。至彼所云。比丘之法。不得畜錢寶金

銀穀米等。今以檀越為淨施主。後得錢寶。盡施檀越

真實淨物。過施主邊也。展轉淨物。不過也。求即請也

論既言求。求即是請之意也。非面謂非對面也。他屬

俱屬淨主也。廣如鈔彼引僧祇云。沙彌邊作淨。此通

若受具。稱無歲比丘。若死得停十日。更須說淨。大師

注云。有人言。真實主亡。則失展轉者。不失此未讀正

律

更陳本緣。即更陳本主淨施緣也。明曾為受之中與

我。我已受之。又陳前命。即文中汝與某甲且還付汝

即文中是衣。某已有汝為某甲善護持也。隨時如衣

言著用藥。言服用鉢。言受用俱淨。由說故。自無畜長

過淨主不知。又無貪畜過也

不如受衣。即三衣也。若無人者。心念開成。後若有人

不須重受。以彼受衣被體。非違著故。隨定一人。貴存

亡可知。故十誦云。不得稱三二人作淨。應與一人得

過。限十一日也。以彼不知。故得後下。即還作已物

想。但得十日也

一是受下。加兩對三衣。無人對首時。亦可如此作法

互捨受兩淨。即他想展轉。并捨放受新二種。故鈔云



◆補入法字

律中捨新十日一易應是不說淨彼注云或可說淨故令展轉此則通二種人說淨也

雖下謂界雖有人而是愚塞不知解者及狂亂不足非數之人皆開用此法也必下如有知解比丘或有他行夜間回者須得作法不得依此心念也非下以非法乞求及販賣所得者不合說淨由物體已犯不應淨法故故曰由早犯也不是意外是本說淨財易淨衣物來非本意外別得財也

理須展轉據理須說淨今所以不說者但由非意外財也必下若賢主亡者理須別請主說一塵即開不說淨塵及默染二吉也

四分律刪補隨機羯磨疏正源記卷第七

四分律刪補隨機羯磨疏正源記卷第八

天台沙門釋 允堪 述

○釋諸說戒法篇第五

緣與因異者蓋緣疎而因親也其猶種物種子爲因

水土爲緣又善惡二業皆有因緣也。論音靜也安也。初下即括示前二篇末下示說戒安恣分懺住持諸篇也。則下結益。

正宗第四除前集法緣成外今說戒當正宗第四也。如鈔即說戒篇餘道即外道以彼多竊用故彼但得外事而不知理本故如來後復制之與古佛同源方本其由爲出界繫耳。

捨惡由戒止持故證善由戒作持故三受布薩即八日十四十五日皆清淨奉齋也淨住謂清淨者可同住也長養由戒淨故功德增長也齊下即南齊司徒蕭子良生封竟陵王薨禮文宣王因夢東方普光世界天王如來令修布薩事遂集淨住子二十卷即諸菩薩戒儀式其間頗有發願立誓讚頌序引也自恣亦爾以同是懺罪清淨義。

引下文有四段初從良下說依教故正法久住次從若至下雖來覆罪非法後或都下說破戒不來非法義如斯下至科末結損益。然下結益損得非來習爲將來之善習緣也。

●補疏作案

就僧義四箇別人等法也。時節卽十四十五十六食前食後等集僧下。卽鳴椎等三下。鈔曰正說儀具有十種始前須處所終說竟法四下辨外來告淨多少重說等。

迷亂容不憶說戒時故須思識罪當懺疑罪發露須知事有言對事有此要須知所以也。前二八日十四日後一十五日受令呼去維那受上座令白告亦得如下引例同界堂鈔云中國布薩有說戒堂至時便起此無別所多在講食兩堂故云界堂卽同界之堂也。理須準承。

上下有儀上座說戒明律乘法少年佐助是合軌儀也。反此則舉置乖矣。舍羅謂西方以舍羅草爲籌故從草以立名不開言不開不說者。

諸惡莫作律令說此一偈增一解云諸惡莫作戒具足清白之行諸善奉行心意清淨自淨其意除邪顛倒是諸佛佛教者去愚惑想戒淨故意淨意淨故無倒無倒故惑想滅。

偈序此長行序也。三語對首三說也。口授當告比近

人示令呼不得大衆同教致增混亂合誦齊誦誦也得補次人補之四下證上得補也。

如下如有位者垂告令時豈執文耶讀文作法此說羯磨也。向云說戒羯磨俱是聖教但止作異耳。

不責雖是有罪之行而互不相責以世所同行故名種謂罪名種相也。差人往懺謂同犯已彼此無由洗懺令差人往彼懺已清淨還反此處餘人可對彼懺次第成淨上起者往前墮在犯罪處故名爲下罪相續故遮隨戒無作不生。今若懺悔約遮相續還得受持清淨對治護故戒法續生稱之爲起第二白法翻前犯罪時下故名爲上是懺悔總名上起也。

法是除緣以法是除罪之緣也。如下引例證成別法夷須白四殘行別住等故不可也。雖然苟具大解深明理觀者不在此簡恐縱實染故又遮防。

必對方除要後識了對方除待淨人須問彼粥出釜時盡成不成字等。方定其犯猶稱清淨戒是引發縱起一毒於一境上犯餘毒餘境上未曾犯故薩婆多云寧可一時發一切戒不可一時犯一切戒或食



心犯女一道。但名污一姪。戒自餘諸姪。戒體光潔。無行可違。稱本受體。

豈下豈以犯一重而便自謂一切不淨耶。故大師云。有人犯一姪。戒初乃惶懼。後復思審。謂言失戒。遂即甯同。隨過皆犯。豈不由愚於教。網自陷。流俗焉知。但犯一姪。諸姪並皆不犯。當歸殺盜常淨。儼然下之五聚。義同初受。

以律下釋上。違教義意。下謂雖有犯其人意。謂不犯由心淨。故開彼聞戒不得下釋。上不得逼懺。義也。一不得聞戒。以疑有罪。故二不得懺悔。以心未決。故不知不脫者。意云。若心不知有犯。何不便使令脫云。何無罪而復言不得聽戒。不得懺悔。若爾顯是有罪。未知進退如何。答下若約自行成立。不以不知故得脫。要須審慎。治令淨也。無違心。以意謂不犯。故兩識有識無也。不可任情言。不可使無罪行懺。有罪不行。

一須具德。言五人中一人須具十德。及二十夏等兩處。卽尼請教。誠自恣時。如鈔云上座勸尼衆云。大衆

上下各並默然。不云見罪者。良由尼等內無缺犯。外得清淨。各精勤行道。謹儼如法。自恣此後。戒卽向下說戒也。以此是說前之法。故

舊淨古約。舊住人本知是淨。故若下如來至第一重三問。不須告已。至則須告。以不及前問。不問主客。舊住後主。豈不須告。故與古不同。

惡覺卽不善尋伺也。此難卽前所立難也。無文制說。謂無律文制。再來者告淨。然大師斷也。謂起去再來中間。有不聞之戒。若憶有犯。卽須顯告。不同在坐避喧。故

開心念發露。僧法卽前用白法。同懺是也。又下不同前對清淨比丘。以前是對別。今是對衆。恐有喧。故擬下若據律文。對首心念。爲界。無人方開。今界內大衆並集。何開心念。今對下是釋。言不可准同對首心念。常條界內無人。開作以此是但心念故。

提縛卽同明了論也。彼云人難者。有人欲執縛比丘也。具鈔指彼說戒中。引諸部文是也。乃至盛夏最多。准前略說。

緩急鈔云說戒師當量事緩急觀時進不緩則爲廣

三十九略其餘者急則爲說序已除隨略之當下

今常塗盛寒酷熱之時容可安緩叙政宜廣前序至

四夷及後衆學減靜等文而略中間十三已下廣戒

又復應知從急至緩合十五略鈔云至序竟問清淨

已應言諸大德是四波羅夷法僧常聞乃至諸大德

是衆學法僧常聞一一各題通結七減靜下如法廣

說至末文也四分文中不了但言餘者僧常問今准

毗尼母論說也難卒排門此合律從緩至急辯七略

一擲也僧祇下牒注解也

戒制下謂戒之正制是約事相若誦則爲切要易明

持犯經據心識以經是治心之要也又約理則憑託

虛玄不定輕重卒難依護不下不可愛經面憎戒便

謂誦經即是說戒故曰一也良由闕誦暫以代之

清淨同見者戒體無違同一正見也前下前食即小

食後食即中食是法別衆如界有三人一人傳欲至

是對首法中別衆也法除若得一清淨比丘提罪已

下皆可懺也上二篇且對發露

八人經作客

主經云

之本義

若無人者准鈔云小罪責心已便說若有重吉羅已

上有疑及識或云發露或云待人無明斷今準通解

云須發露今日衆僧說戒我犯某罪不應說戒布薩

三五下彼云一比丘住處有界主布薩日光向四

方僧懺悔三說已獨坐高誦戒本

○釋諸衆安居篇第六

出俗者謂出離俗有務修三乘聖道局事奔馳散亂

則非修出世之業也邑野通取聚落村野情塵情謂

六情塵謂六塵影取六根也頗什計那儼什也巨壑

喻所陷也三時春夏冬鈔云故律通制三時意存據

道

一下以夏中方尺之地悉並有蟲即正法念經云夏

中除大小便餘則加跌而坐世務如居士讚六群言

躍生草木斷他命根外道尙自安居蟲鳥猶有巢窟

因訶而制形心下通收三業也作法要期又是口業

前三即對首心念忘成園界即僧伽藍園界即攝僧

界也雙足有雙足一足入界所謂一脚踏界起安

居心即名前坐今但約園界并雙隻成四并上三位

成七。將此曆對前中後安居。則三七成二十一。種又作法自然。二界各有二十一。成四十二。種又五衆各有四十二。則成二百一十種安居。

前之二法。即對首心念此之五法。忘成爲一。及界爲四。即國界也。二日前後安居。二日也。中間即中安居。二十九日也。以下合數。謂以對首心念。曆前中後三時。二三成六。又括界國兩處。成十二。又五衆各有十二。成六十。種以下忘成。及界五法。歷前後二日。成十。又對國界成二十。又五衆各有二十。成一百。并前六十。成一百六十種安居也。

一月一日。從四月十六日至五月十六也。涉三十一日。兼閏約四五。月說五法。即忘成等五法。前後兩夏。即前安居并後安居。兩日坐夏也。各十六日。前是四月十六日。後是五月十六日。尼提以遊化義少。故重僧反。故輕三十日。坐從四月十六日至五月十五日。皆得名前坐。以初日有難。故下例成也。

一日受歲。同至七月十六日。自恣後坐。即五月十六日。結人日日。從七月十六日至八月十五日。可隨無

難。日皆得受歲。僧祇下此約前安居日。在道中不可不結。一越即不結。一吉據下意云。若前結日。便成不應制。後更結。但前結者。非是究竟安居處。且顯教至日行法。及乎數日正坐。以後爲定。

行住行則遠至。修安住則久居。此處對念。即對首心念。先有要謂。先要期此界。今從外來。與本心境相應。雖無開成。又下律忘不心念者。若安居故來。便成安居。故知住人不入。開例必下。若舊住人有惡心者。理在通限。又大師云。外來爲事。不爲修安。雖忘不開。以非爲安。故來也。若下意云。若直爾得。何須於前復立加法。一位答下作法。是制忘成。是開約義。俱立不可無也。

如上。即三過是也。鬱蒸爾雅云。鬱盛也。說文云。蒸火氣上行也。待量度前事如法。可往故。鈔云。受日緣務。要是三寶。請喚生善滅惡者。聽往餘如彼。文各下望化物邊。且許不結。必無事不安。亦有小罪。待形謂有待之形。必假資濟也。開捨捨即是聽初日。則四月十六日得成。若有差脫。便不得結。教法太急。



不名智人由如來是一切智人故開制得中不可常行言不可但行制四月而無開也

王作閏月閏起自於王曆西土三時造曆夏初曆未出此丘期心已定故得合閏數滿出界成受不依閏也不成受依閏也昔下指前解今下不依閏名雖是同約義自別前不依閏而數今不依閏是除去閏月猶是依閏之別名正月除閏月外是正座月

前四月戒本「春殘一月在應求雨浴衣半月應用浴既在前四月則合後閏四月成百二十日彼衣是開法尚含閏而受夏是制教理宜通護卽下大師和會二文本知有閏則依閏坐不合受不知有閏可數滿受歲卽開受衣故鈔云既二文兼具至時隨緣夏初要心取閏不得依伽論若反前者通二論兩文本閏正月者凡閏以初月爲正後月爲閏閏餘者蓋是取日行度之餘以積成閏故既受正月不可取餘分在數也故曰何得攝閏等安居是制反顯受日是聽以聽同制義不可也五下應先問云迦提一月五月得含閏二六不將五事下通之

諸妨卽難妨也近促含閏曰違反此名促皆四月住如四月十六日結者至七月十六日解夏是四月也乃至閏四月一日結者虛坐一月至七月末解夏亦是四月住

若閏下如二日結者不滿四月住以少一日故乃至閏月三十日結者但虛坐一日中間多少比之可了故曰漸減等

此第一  
段也

若五下如五月一日結至七月末是三月住乃至五月十六日結至八月十六日出界亦三月住

此第二  
段也

前安居望後五月一日得前名卽初四月二十日結者方得一日明朝入閏越過閏後取五月六七三箇月爲實坐故至七月末去後安居卽五月一日結者至七月末尙少一日要至八月一日明相現出界是降一日也

閏月一日結卽閏四月一日結者以虛坐一月也故與五月一日結人同至八月且出界安居隔一日卽閏四月三十日結者與五月一日結人是隔一日亦至八月且出界但前虛坐一日爲異中間漸降亦可

此知此下即屬前第二段閏四月位也

皆三月住。以未侵後閏。故五月下。此說第二品既少一日。要越閏。過取八月一日以補之。則成四月住。日從五月三日。乃至五月十六日。結者皆虛坐。閏七月一月取八月補之。亦四月住。

隔一日。五月一日望。五月二日是隔一日也。隔一月。以二日結者。侵閏虛坐一月。故望前五月一日坐入。至七月末出。是隔一月也。卽五下示上十四日。謂二日後從三日。數至五月十六日。結人是隔十四日也。上言自恣一月者。亦謂隔閏七月一月名隔月。如五月十六日結者。至初七月末。方得七十五日。明朝入閏。要越過後。取八月十六日出界。亦四月住。解界破夏二科如文可知。

但欲同法合界者。爲欲同法受利者。各捨通結。又十誦疏中亦明。本非爲夏進。不專作法。以自然地上。亦成安故。

若下謂若依古人執文云。安居不竟。解界破夏者。亦可安居。不竟自恣。亦破夏耶。以自恣反難可知者。今通一月。

安居不竟自恣。既不破夏。反例安居不竟。解界亦不破夏。如何。輒言解界破夏。耶。如在下。又如結攝衣界。後有緣須解。應可解。攝衣界。時衣卽名離。今既不爾。解界不失夏。斯亦可。同如何。說言解界破夏。

有下叙。由此師言。初依自然地上安居。夏中忽有半月一月緣。須請法出界。今須結界。方可受日。未知結時破不破。耶。昔下標舉失本。自然以初依自然安居。今既結作法地。故結時破是也。

文下古自引證。守強於本言。勝於自然本地。然下謂凡立心修行。奉持者。判罪宜通攝護。從急遠於自然。卽後結法。寬於本依。自然界也。但下要依本自然限齊內護夏。以是本要心處。故又若有難。可依後寬結護夏。無難。不可。故曰既無難。緣不可後開。若結界狹於自然者。有說依新結界地護夏。有說但依本時寬自然護。何哉。以下釋由下言。本立結界者。意在作羯磨。不爲安居。故今依本寬自然護者。理在通成。既下既不失前護衣例。今依寬結地。亦不失前坐彼文。下出僧祇第八卷中。出界去。謂彼僧出三由旬。

界外可結也。捨後結前者謂捨後住難地結取前無難地也。或死餘去俱約比丘也。既無依故開寬結。顯今有難從後寬結護夏理無妨矣。

悠悠者遠意也。須下顯成今意及會成第二師意也。不下若不次第叙古無以顯今去取意耳。

背前結後者背此處受請安居而往彼處以定成不惱施主先請施主也。亦下以貪往異處故皆須經宿要四月十六日結已經一宿方名前坐後結方成。若有緣往彼再結成者由前已經一宿故為彼植福畢也。顯前即未經一宿往彼續結不名前坐故曰破也。雖下謂雖作背此意而往彼未經宿者亦不名破由再還者理名前坐所下出即日不許往彼再結得成之意。若下若捨前來後安居不得者何以持衣許捨故受新耶。別顯以衣是別顯故又不惱施主後計別處安居則反上二意由依他處故非別顯又違前請故成可惱。

宿結二人曾經一宿曾經結已則有破也。今欲彰顯有過故略不明於成亦深防之義便得罪者方有破。

界一作戒

夏罪也。應成不成者據理於前家應成安居今違心別求故不成安居。故得言破也。後安居此望前得後名故下。故知但只受請未名安居要須在界結已方名安也。此結證上豈可受請即名安居。

初後一日四月十六日并五月十六日就健度即安居健度云前安居者住前三月後安居住後三月緣發即緣起以律云尼不安居故提餘分有缺言餘三衆亦分有所缺如僧有遊化養下三界未圓也。五種者一謂誦戒至三十二至九十三誦比丘戒本四二部戒本夏多緣故須善通塞也。制依第五謂廣誦二部律所以須者五分云有比丘自不知律又不依持律安居夏中生疑又問無處乃至佛言往持律處安居彼文明決指了論也。

疏即真疏第五即了論中在處無五過於此第五中復自有五過故解如疏思擇妨修禪觀也。又須下解第四過中自分五德也。又以下解論第五過正文也。瓠瓜出論語。

爲七即於界分四并上三成七是也多論下彼問云

佛從他安居自安居答曰有言從他安居有云自安居疏取後解四無所畏一切智無所畏二漏盡無所畏三說障道無所畏四說盡智道無所畏此四通名無所畏者於大眾中廣說自他智斷既決定無失則無微致恐懼之相故故稱無所畏不作三語彼論又問曰佛三語安居一語安居答曰佛一念安居不以口言以不忘故

雙述牒某伽藍又牒聚落也世云人所傳西土如此也漢地以佛法當後漢時興故例稱之六月十六反前云五月十五日是有據也三代夏殷周也十月為歲暮則以十一月為歲首乃用周曆耳若然用之六月即夏之四月與今頗同來人即國中三歲春初約三時分則是春分第一日也豈越規猷雖前後不同皆以九十日為限

臨春是春分末日也處冬是多分第一日也諸善根本以不放逸故諸善生長也故制依諸即依第五律師諸詢疑滯除四即前四師律師問何不制依經論二師將二藏下答縱下以經論正理除邪倒也今苦

有此疑者豈不問耶以新學之人分未之及所犯蓋微然於理有疑亦應有犯以非正制故不云依但制依律應新學也

若下意云春冬亦有微細過何獨開依前四耶答下若約懷疑俱須問也但由春冬過少故開依前四種夏則反之故限第五如五分成即五分法身成立也所謂劣者依優賢者依聖乃至成佛亦有所師所謂法也五答增一云毗尼有五事答一序二制三重制四修多羅五隨順修多羅既曰隨順等即是依止法義也隨安無罪但隨安居亦無咎也

準上者準上既有前後安居中安居亦可法上而作多論下彼第二云佛一切時前安居唯毗羅然國後安居以因緣故正文餘人目將來比丘有因緣可學在後無者不可故曰何事常後

但略對境即除大德一心及對證問答等語七事凡有十七事皆開作心念也一坐即一坐夏中不得過三週忘後悔也

伽論下證上圖也我今下一足入界尚成雙足入者

準成可知處界下似難詞。佛下是釋問下意。謂雙足入界成安。今若雙足出界。理名破夏。此則相對可顯。例今一足入界成安居。一足出界。應破夏。利勝利益。行人勝。故以一足入界成安。一足出界。未破乘船道。行約女人衣。夏約界足。論雙足開結不同者。蓋有益行人故也。

後二即忘成及界有人下。既開忘成及界。豈開後而重制中安居不得耶。知何不爲者。既愚法受日出界。知何事而不爲。蓋無知故。

猶下但智有受日法。而不知衆別兩分非癡。是何計互比丘對尼兩不足。數通文通言五衆正作法時。要本衆自相對。

兩界自然作法俱得以是對首法。故餘半月一月。既用羯磨。須在作法界以文下。古執羯磨緣非云。受過七日法。半月一月出界。故未有緣。如來有半月一月緣。何得受一月等出界。耶答爾。何言過七日將文列下通之。言羯磨是過七日之法。非用過之過攝而通用。約受一月復攝十日得通用。不以法強者。以羯

磨法強可攝七日短法也。

一緣同爲一佛事。緣則不可雙受兩法。若緣別者。理通如下引例。衆緣即衆多別緣也。治生即販賣興利。治理生命也。不下不受。但犯破夏小吉。若受後往外種種破戒。則難補大過矣。

阿含此云。法歸不越四舍。所謂長中增雜也。梵動經亦四分。自指彼云。爾時有比丘誦六十種經。如梵動經等。爲求同誦人。故欲人間遊行。乃至佛言。聽去使得一事。趣得一事成者。方應請法。反此獲罪。依事謂彼律隨事長短。前事未竟。其法不失。四分不爾。制限三品。雖事在日滿。法則失也。故曰以法收事。

七夜四分。但言七日。部類不同。返心言能迴彼不信心也。摩醯首羅正云。摩醯濕伐羅。摩醯亦云。大濕伐羅。此云自在於大千世界。得大自在。故形有八臂三目。乘大白牛。或云如藕泥色。手臂各有執持。西域多立此天像。號爲天祠。人有乞願。無不如意。直去不用受日也。

顯緣四分中有同界安居。因我故。關外界。僧尼翻譯。



須我和滅聽直去然和滅之相難知約緣而受不傷  
大理重破下文云當界諸僧由我故便生鬪亂爲重  
此和便出界去十四是擲越卽爲彼受戒懺悔布施  
等

緣如謂緣事如法也或多或少合受俱得如下引例  
彼異種同懺尙得今異緣合受亦通隨依受之者爲  
張受七日後更爲王受半月亦得以緣別故不同古  
人以強攝短

三期過三七日也異七日藥彼以病轉故法失文中  
卽四分證上依日故大鈔問云此請七日得兼夜不  
答不得以文云至第七日當還不同十誦以彼文中  
受七夜故又不得改云七夜以部別不同雖然四分  
日光沒時法謝彼夜分盡時謝據理第七日俱還答  
言下律云不及非謂約路還往返不及蓋約緣事爲  
絆還界不及耳或事緣或情事但是如法皆開一下  
謂傍昔言也

二下卽彷彿未實也三下由事虛限難日數妄置也  
僥倖非分過福也無事證上無實緣也減年難聞受

日往應受戒彼若年未滿者緣亦非也

五百下彼問云結坐受七日法爲坐初受爲臨行時  
受答初坐受者好若坐初不受亦可臨行時受三十  
九日亦爾懺悔彼論又問云夏中不受七日法暫小  
小出界故故得坐不答懺悔得準下若言夏初卽受  
是有懸者又云不受七日暫小小出要須懺悔顯受  
日往以急例緩宜從急矣無佛所聽緣卽不開聽之  
緣而妄託受日往者破夏互用無損者古謂爲僧事  
受七日已用三日更有佛事便通餘用無咎

十下古自引證答下十誦中白餘殘夜用謂同是一  
事未了却還本界今復往外恐疑不得故開白已往  
既云下南山語

開三卽七日半月一月破下既曰破安居去驗知不  
許重受有下若云修道今爲三寶聽法因緣亦是修  
道何得制住初制或可十誦不重受約初立制而未  
顯後開或是一事上不許重非謂異事故鈔云十誦  
聽一七夜不聽二七夜謂一時雙牀二七夜前後用  
望下若再受七日法似重約事未重何也前是佛事



此是法事等如下如請七日為張人受歸戒後又王人請受雖法是重約人未重故曰皆言最初

留連律云比丘受七日出界外為母所留至意欲還而遂不及彼自念言為失歲不失歲乃至佛言不失父母兄弟姊妹本二夜又鬼神難亦爾聞聽越越其日數也何能不去等既官事豈可言曾受七日今不去耶未聽如來事去者諸比丘隨有緣來請者皆作如是言也顯不專輒故俟白佛

十八緣即檀越請為衣鉢坐具針筒為此比丘憊殘比丘尼請出罪沙彌受戒父母等廣如安居健度中或更有收餘不盡也鈔云律列二十餘緣是也如下引例豈有前囑入村後有緣更囑不得耶有疑自有疑也豈下豈可前有疑開受日出問後有疑不開受耶若下若如上解許重受者十誦不許重義如何通釋二位即七夜并三十九夜重加雙牒加法也又以七夜後有三十九夜不可雙牒二七夜受若下若得重者何故十律用二法已後開破夏去耶依下以僧祇事訖須用中間別法還與十誦破安居去同只不可

十誦用祇法也可用事訖以彼亦有法故唯不得於別事上用若互破夏頃受一月日法出界倒是成坐夏耶此皆反斥古人也

約下斷歸今義若慮忘亦可再受日去如此則不慮某緣滿其緣未滿及續行日數之忘也卑摩羅叉普言無垢眼論中既許重受翻十律時豈有不得況同是一人出故明了下二句是彼偈文解云真諦疏也三種緣即下文有事先成七日緣等此三各自為頭曆成三三句也

論下此舉七日緣為頭曆成三句本處即先往界外處是則下結成上名義此下解通互所以為本有法故本處即安居處餘處即界外亦須當時通有緣可也

若下第二有難緣為頭曆成三句望上三句次第當第四句也謂四有事先成有難因緣從更成有難因緣上初五有事先成有難因緣後成七日因緣上第六有事先成有難因緣後成隨意因緣上又將第三隨意緣為頭曆成三句當第七句也即七有事

●會本疏卷  
四之四

先成隨意因緣後更成隨意因緣同初八有事先成隨意因緣後成七日因緣同第二九有事先成隨意因緣後成有難因緣同第三然下上三緣九句但有緣應法不違初受心俱成反此敗矣

無單反顯有重受也情挾賊賄非法爲利故受日也故律云不應專爲飲食故受七日去以法敗緣以律但有七日法故不論緣是一二日也

夏末五日言夏末止有五日在如何亦謂七日法耶答解如文經引十誦彼有二位受法變夏末無三十九夜今有過七夜緣亦須謂三十九夜以法定故今下若古人不許重受如夏末二三日在今又有七夜緣起先已受了今却作一月日法者是名非法破夏以是別緣故此重破古義也

七月九日望十五日正滿七日至十六日自得出界爲成不成耶後開無前開者謂十六日後有開十五日內無開也以七下釋成急施衣彼次第增中十六日自恣雖十五日自恣未得出界以夜分未盡故隨行言十五日隨行界外猶未屬犯以在限內故十六

●要義作通

又自夏滿何故十五須返本界相出即明相出也又問下此還約七月九日受者以問夏成今問何爲破夏答文可知若約下因便明十誦明相下意云若八日明相見身不及第七夜在界即成破也又復應知四分日沒時法謝十誦夜分盡時謝今盡時須在本界故

如七下古人自引例若爾下立彼自難答下申彼答意今下正斥十誦明文彼云若中路闕死反戒入難起不應去又僧祇云中前和了中後即還若停住者雖即破夏又明了論云謂七日出界事說不還破安居得小罪不同下斥上引欲法例以說欲詞中不嫌欲緣爲羯磨事故緣謝法在今謂日課事故事謝法失亦下斥上引加七日藥爲例以病止亦不可用義反同此又下斥引狂法例以狂病雖止奈制乞解云何取例釋之甚矣故曰何因復引通緣上下謂通於緣事有上有下亦開同僧作三法受故鈔云此有蓋同僧法但令緣至三法受日口受顯是七日繫寺爲惡人穿繫僧寺也

通水通路也。月緣本部極有一月緣更無過者。不同他部三十九夜等。執下或自執緣不同者不可改。四分羯磨作三十九夜及事訖受若過月受須乘十誦份祇等法可也。以四分三法有準不可通行如鈔卽定緣是非中故。

重及者謂前已引云十誦律佛制五衆並令安居。今爲不行又連受故重言及也。四本卽序引曹魏等四師出本是也。

初人卽古本曹魏所翻者前雖有乞以羯磨中不牒乞辭恐增加羯磨故第二人卽光師所述者兩遍牒事彼乞覆藏法中若僧時到前云今從僧乞百外覆藏羯磨於忍聽後略緣牒事也。光師亦倣之前添乞辭忍聽後但牒其事緣也。第三人卽師師後述本六夜彼準摩那誑法亦牒乞也。

文局義通者謂初本白羯磨不牒乞後二本各牒乞是文各有所局然俱存告衆是義通也。有人復有人斷上加乞是不應律文如白作白之制故成破夏增乞謂光師憑律乞覆藏法故說乞謂疊誦過本羯磨。

故雖然羯磨綱骨不失大塗

準律直誦但四句成白時到前不牒乞辭也。杖囊若病開執杖須乞法今須羯磨中加乞是如法也。以前單白中含故律羯磨中無者但譯者漏文耳。三律僧祇十誦五分。

問下意云杖囊准白中含乞故加乞受日本律既無不可準者一往領辭也。若爾羯磨前僧和諸法唯出功德中餘法皆無不應餘諸羯磨皆准著耶。解下此蓋以理而推度也。謂下言羯磨前和僧不同此前和用入羯磨乞則不爾若入法中卽是增也。

受者多人好受利長遠不知節故所以須牒和令捨餘和法中無此義故不須牒也。漏略或結集翻傳時漏略耳。難也。如自念難遍一白後三語自恣是也。五德卽不愛等五。

當此下準上僧私之機轉變義勢亦無妨也。問下受半月云受過七日法十五日出界外今受一月法何不言受過半月一月出界外而亦言過七日者答如文答下既牒十五日故須數滿若一月既不牒日數

但齊一月不問大小也

準下準白中緣非但餘過之一字十誦下事鈔云十誦令五衆受日五衆邊受準此當衆相共作之今若比丘對沙彌則文非可用口告謂心念已口告云今受七日往某處汝當知之本二在家時妻也

因中彰果使將來不得淨果故說爲難明了下彼云夏月安居有八難因緣令棄捨安居而不犯罪一王難二賊難三人難四非人難五賣行難六火難七水難八梵行難亦不得歲古人準此何用更論有夏無夏接界通收即捨此結前也四律中四分僧祇義舍得夏中間通漫尋文可知博易梵行難也

又下此師謂安居與夏兩義自殊若破安居夏法不失爲夏以修定爲務今若出界修道不輟名破安居不破夏反前即不覓安居處也前後即成前後安居也夷平也

爲重此和即敬重此和也以僧和故衆法可舉不爾疾滅正法故開自去至意即父母等至意留也道斷水陸道斷也

高齊下即北齊高氏置十員僧統加法上用統僧尼洪建等時錄昭玄寺謂之昭玄十統昭玄即昭玄司僧尼本係鴻臚寺至北齊係昭玄寺至唐延載元年方歸祠部司也今謂十統斷言得夏釋自慈法篇第七

心性義開謂一夏修營不獨七支清淨抑亦心性開明陶治戰國策曰範土曰陶治謂鑄也尸子云蚩尤造九冶百靈即精神糾治即糾彈治罰也

攝衆僧彼此舉懺令淨即成相攝也善惡相化善爲能化惡爲所化不孤獨犯已在衆外名孤今若悔已可入清衆故不孤獨苦言謂舉治勸罰之言也無病無破戒病懺懺悔則安樂也喜悅先時有罪故憂今悔已無瑕故喜

何事乖越謂不順教也生知謂生而知之者上矣今既少故必須良友之琢磨也豈聖人乎言豈非聖人乎苟涉理稽道則語之有益豈以杜默爲善乎白羊謂啞遭殺至死無聲空自損辱今比丘不可爾也故下佛立法制異上外道令夏竟互相檢校有罪無罪



也

中下中間若舍抱非法者非三乘之道標望也抱過生年懷抱過微以度一生也

少事不語者語多故過失則多今以方便誠止故亦須至布薩時共相問訊。願即隨時同向發願。偈讚等折伏。如行梵壇法等。亦非經久無犯。無違僧制罪也。

大同說戒。即集僧布設等。各有所為。律云。僧十四日自恣。尼十五日自恣。此謂相依問罪。故制異日及論作法。三日通用。克定一期。十六日定。

今下斥非安居。已顯十六日明相出。方滿九十日。古下經欲依古。十四日解夏。須不得侵十五日明相。又須坐守日滿。未得即出。十六明且出界。方無破夏。反此名非緣。以不及夏竟故。

柔軟不以麤獷者。類上亦合有二句解之。又慈心上亦合標云。慈心不以瞋恚者。七字方接慈心。慰拔句必傳寫之脫也。威儀經即三千威儀也。五人要隻差五德。但前後義法差。貴互入僧數故。

既犯清淨。謂既有犯。先儻令清淨。方可受尼。露罪前解。即尼請教誡中。如鈔彼云。僧各在地上敷席而坐。以是互相舉過。處牀慢相不絕。不度者。謂惡業苦海無不度也。

大德經鈔中大德下加一心念字。下應上法。下屬自。已上屬衆僧。一途釋其大小。以上且言小者。長老舍利弗。得長老顯是尊。故大論舍利弗目連爲佛左右。二面弟子。又法輪大將。故知尊也。阿難居後。故稱賢者。小已言五德小於已也。爲可對稱。爲大德。不如鈔彼註云。此僧祇文是也。

二略即二說并一說。爲二若三說者。不名爲略。所以須白者。四分云。若賊等急難。不可閑緩者。五德至上座前互隨白言。今有難事。不得一說。當作羯磨。各各三說。文云。大德僧聽。若僧時到。僧忍聽。僧今各各共三語。自恣白如是。二說一說。皆須單白。以此自恣。不對五德進。不無由。故須羯磨。令衆同聞。

不受第五人欲者。以四人無隻差。五德義既不秉法。無以受欲。以欲正應。表法表心。無二故。說已。心行通。

包三業云清淨故。卽法言卽此自恣之法。通該一化。故曰十方同遵也。鈔問云。對僧自恣云是罪懺悔對首心念。皆云清淨者。何答。僧中通有治舉之義。加法容得具足。別人雖有治舉。攝治未能得盡。故但言清淨舉心應僧。

約夏量德。須滿二十夏。及具十德也。近下指妄行。今又絕聞矣。

○釋諸衣分法篇第八

齊緣以迦提一月五月正爲受利助外資之緣也。福下令彼施者。福不生於良田。翻成汗澤。故曰非地通局。如二種僧得曰通二種現前曰局。

五利畜長衣等五。除下離一月五月外。爲施塔因施塔故。有物施僧也。留過安居意欲在時內受準。下旣云作非時現前僧分。此但隨施者心。若爲夏勞。須在夏末受。若不爲夏勞。一年之內俱得受。如文如下。六科自解。時現前夏竟施此界僧也。

二下不爲夏僧。但隨本界僧施也。二部俱合施此處僧尼。爲異與前略同。不須下旣施人有限。不須作法。

●時隨作受

限約也。當時卽現受時。隨家隨界言家者。此約召僧至本家坐夏時。竟施界則通僧界中。墮籌以好惡相參。令不見者。擲籌而分。

二種僧得卽時僧得非時僧得。隨一月五月內皆得受也。隨處此界彼界也。隨人要普集僧也。但及得羯磨聲者。皆得其分。展轉者。先差一五德。以秉付分。以緣中牒云。僧今持是衣物與某甲。當還與僧。故餘下四人作對。首分一人作心念分。等半分者。將衣物相參。大分二分。彼此得已。各作法分也。

四定古謂一者時定。唯局夏末二者處定。在此界分三者人定。坐夏僧方得。四者法定。直爾攝故。若留至非時分者。須作法也。

若下古自立難。若云定者。何以律令相待。謂有緣出界令相待。分不隔應。驅人取分。耶答下。以出界比丘元。此界安居。故合同受施。故兼有夏勞。故後來卽別界來者。旣非此界安居。又無夏勞。則不得分。故云缺他二義。

何下反是時現前。故下此約界中無人開心念受執。

衣加受。竟外來無分爲已作法。故以此證知要須作法。一人尙爾。何況僧耶。受持淨施者。俱顯有法隔故。又屬已故。不爾後僧得。

初位即將檀越施亡僧物立爲初位也。就前卽檀越施時及非時。卽時現前非時現前各有一部二部僧。下又於僧得施中亦二時僧得非時僧得常住處。卽現布常住飲食處。約界齊此界分隨僧外來亦沾分也。此下二門卽約界得并隨僧得亦各有一部二部僧。一人一心念法受二三四人對首受五人作展轉法受。就二下卽第二部僧得中對面對二部僧面行施也。二互施者。施僧無僧尼得。施尼無尼僧得也。第二卽上初位分二中當第二也。

三衆尼及式叉沙彌尼也。今既無故僧全取分二衆僧及沙彌也。既無尼全取分所下釋注中僧多尼少分作二分意也。僧義不異者。同是衆義又生福等故。恐失福緣者。令彼施生失生福之處。故大鈔云。莫非俱是福田。故二衆互取釋僧下點注中所以名僧得者。文也。尋之可了。

●會本疏卷四之五

西梵下如末利夫人施僧布薩錢。大師云。準義付他。以此丘正制捉寶故。非是衣相卽未成可着衣也。治經望未犯重故。奪行卽奪三十五事中五五奪其供給也。若亦憊殘中亦奪行何以開之。將殘下答通沙下釋注中沙彌等與文也。僧因相假以大僧之因假沙彌以成故。行缺未滿無願毗尼故。異部卽五分所以下若據鈔中大師義斷云。準此諸部二種現前等與二種僧得隨僧和合與。

守下大鈔云。沙彌淨人四律並云。若僧和合等與乃至四中與一淨人五中與一安居釋上時義各取分釋上現前非時簡夏安居也。

隨人亦是釋上現前義。夏旁釋上時義作法釋上僧得義。

如鈔卽二衣篇輕重儀爲大鈔義。譬故別卷流用欲斷輕重當究彼文中十科義。講者隨科口消可也。

○釋懷六衆篇第九

五濁劫見煩惱衆生命濁也。瑕疵玉病曰瑕。人病曰疵。是何位人或淨心地已上方便具造諸惡者可也。

不然自胎伊戚也。知何不經謂三途遍歷也。執難言  
自己甚易遭苦也。同舟周易略例云。同舟而濟。胡越  
何患乎異心。

非下以諸法本空而不了故執之爲有。隨下隨執有  
故便計我。我所彼此之境。然後起種種業也。心變三  
界唯心。萬法唯識也。則知一切境界皆是心變。今若  
見境即見自心。由不了故妄謂外物是自心度。自心  
返成纏縛。既了因從妄起。感後妄果。當須息妄。使復  
于本在次科明。

種類善惡種族流類也。相續無間也。苦世法謂是世  
界不安之法。非出世淨法也。慚愧涅槃云。有二白法  
能救衆生。一慚二愧。慚者自不作惡。愧者不教他作  
慚者內自羞耻。愧者發露向人悔。往悔已往之業也。  
與下卑敬同。但卑耻折伏爲義。懺字後立以此方字  
書本無乃後人立耳。不造新由悔往故不更復作新  
業也。已起無緣者謂知是妄起。故此推往業也。當下  
推新業。雙下緣對往過續對新業。由今懺故。使雙礙  
不相續也。

業定彼十地經論說有黑業白業不可轉。彼說有現  
報生報後報相故。既說有報則業不可轉也。罪則非  
有上智達妄故也。下句反之則報定不亡也。三時初  
中後也。遇緣即遇善知識教令懺悔則可轉。有從無  
轉重從輕等行。除以善行除業故也。若時報俱定第  
二俱句。闍王即阿闍世王以殺逆故轉地獄長歲重  
業作人中七日受等是也。若時不定報定第三句及  
時報下第四俱句。

問下意謂所作惡業已謝。體同於無。何言懺悔可滅  
耶。悔有即罪因種子已成。就故乃行懺耳。非悔往昔  
已謝之事。斷伏斷是永斷。伏是暫伏。未知何耶。  
經下經即涅槃論指佛地等易奪下。但暫轉易抑遏  
耳。方伏不起。此伏是正斷之伏。非暫伏之伏。隨至治  
際者。要修三種理觀。始得治滅性罪之邊際也。故大  
鈔云。篇樂依教自滅業道。任自靜思是也。依法即律  
修事懺也。

解惑修理觀融蕩也。與事修大小事懺也有行有爲  
行也。對下理懺是空行。若上。要須上品業起上品極

重心機也

下解斷上惑。以下下品智斷上上品惑。用上上品智斷下下品惑。由上上品惑。應淺易斷。故但用下下品智斷之。下下品惑。微細難斷。故用上上品智斷也。如諸見。即身邊等見。五利便也。無始世來。名為重惑。凡夫迷倒。不知為非。故云誰謂是非。作意下。謂見道人。以無漏智推窮。尋究。斷三界見惑。一見永見。如析大石。一開永開。不可重合。七學人。即三果四句也。方便勝智。要入見道。發真無漏也。藕絲。即細微難斷。故二相對不同者。即以事理。乘惑相對。明強劣也。業下能招未來苦果。故云生因中強也。謂一業引一生多業。能圓滿也。惑下以見思二惑。正障解脫。若修理觀。惑障方除此。乃集因中勝耳。

機業。但有修事機。身口業是俱有也。有二相除。即事理兩機。以除業也。有下謂六聚各隨篇機。是輕重不同也。能下謂能修理智體無礙。故是空所斷業。隨現行故。是有霜炤不俱。霜是冷。炤是熱。性喻理機。時惡業不俱也。經云。業罪如霜。炤日能消除是也。

隨膝下修事機也。斷下理機也。四住。思開三界見合為一。故成四住。又三界無明。通為一住。即成五住。今若斷者。先斷見思。方斷無明。如下舉例。如醒一隅。則餘三隅亦可知矣。故曰類遣。機下。即律修事機。謂同篇合機。異聚別機。如下鋸木。則片片自殊。斫樹則斧斧隨異。若下如防未起。非例同斷惑。初篇易防。如應惑不待勝心。小吉難防。如細惑要須勤守。

妄下。謂真如隨緣妄染。成垢垢染。體不離自心。故云知垢是心也。意言下外塵本無。第六識中意言分別為境。今若息者。塵境自遣。如女。即下別示行法中第五如教明證一科是也。

萬五千佛。據佛名經中各誦一偈。或一體等阿彌陀。此云無量壽等。以有願力。接念佛眾生。故大師勸修。羅刹如人娶羅刹女為妻。後食其子。將及於夫。喻不善心修行。但存得利為利。所害亦如是也。

強緣。即聖境。目前以佛身。徧一切處。故又淨心誠觀。云佛毛孔中。豈容屏過。但下言行人。但不能至心故。



所被無驗。若下懲勸。心口心緣口誦功則大矣。如下彼約懺時。當自說已名及彼造惡耳。

福始從今起懺也。罪終願期永斷也。結心結契不堅固也。或下或於夢中見魔境。或於覺時見等。豈非妄心所變耶。若是下簡非魔境。而元是妄由汝未出魔境。故顯是妄起。今又妄著。故曰重起倒耶。本即非本者。若不知本所起外妄。元是本心者。何能靜於妄。因又識了此復還。能了之心。亦不可得。若復執著斯又成妄。若不爾者。逐妄欣慶。還復是病。故勸早須明鍊。俗下此仲尼之言也。周易繫辭云。大衍之數五十。其用四十有九。王弼曰。四十九數之極也。人終於此得不覺乎。

對下加四謂計下座應偏袒脫革屣互跪合掌。若上座應加禮足。如前指第二卷具儀中。

同衆一和合衆。同戒受隨同也。見者同一正見也。命難忍帶罪而終。開與同犯者。懷四篇除夷以是斷頭。故雖開懺終爲學悔沙彌相及露地須申手相及具足。或對首。或羯磨等言。教隨罪大小要須具也。

三三

及呵責下第二句多身修業。顯非一生能修大乘。懺也。遠通說者。無生唯識理。顯可言滅也。況地前三賢。猶有分段生死。故業不云也。

增上忍者。卽上忍位也。相似以入道方發真無漏。不墮惡道。亦不受女報。故俱舍云。忍不墮惡趣是也。成實下引證不受總報也。世上正見卽相似無漏。故故下如增一云。大目連乞食爲梵志。所園瓦石打骨爛盡等。又舊掘摩羅已證無學。尙有獄火焚身。是以業能隨逐。至聖不免。但斷總報。惡業別報不亡。

作善三界福善也。金丸此雖貴重。有燒手之患。人天之福亦復如是。無記不善不惡也。慢習無敬相也。作何物在者。謂於六道未知何處受報。故下云終盡百年恐同禽獸也。

不樂爲罪者。專精不犯人也。叔世罕遇。故云何由可逢。但下卽犯已能悔人也。或懷犯而思懺。亦末世所幸也。事犯相互者。卽犯事與犯法不相應也。又明白心有犯迷忘心。無犯今並不達也。蓋喪過分下。憂者聚斂之稱也。謂輕重之罪同云一切所犯者。悉懺悔。

●大疑大

也或對下說受憊人非也。癡教愚於教也。與奪議罪受憊名與反此名奪非數自有重過不入僧數安坐受憊又不分足別之相通名能所俱非

今下先既妄造今亦妄滅覆下先覆今露並由心也。營營與紛紜皆是妄業不安之相斯下言上是語言要須心行了達斯實非易故曰難矣非下言已雖非聖當學聖人之所修語云見賢思齊焉兩憊大小事理也

伏業此伏是暫屈伏之伏也如石鎮草伏故不起不同前理懺永滅之伏也家大越去還來也力勝互起善心勝則惡不起惡業勝則善不生故須常遠常照惡業方不得便也故下即俱舍論中引經種種解脫分善人聞說涅槃有德生死有過□淚流毛豎也焦業如種子焦枯終不生長也

故論下俱舍云聲聞修行利根三生第一修聲聞資類順解脫分善作五停心觀別相念觀總相念觀第二修聲聞加行順決擇分作四諦十六心拋緣滅行等第三生起智斷惑入於見道六十劫者初二十劫

●位疑住

修實根次二十劫修加行後二十劫入見道正理論舉喻釋云初位如下種次位如苗成後位如實結無潤不潤行人於三界受生也自下此約大乘說三賢謂位行向也分段即有分段生死身在故曰未亡煖頂四善根中前二位也以此二位所修善根皆有退動如調達於暖位人後造逆故至後忍位方無退動心

●母疑作無次問

須依理者常修習大乘三種觀也逐事即六時行道護持戒行此皆事也事理雙運卒盡一形鞭策其心十方下舉五悔也文少發願

重逆即四重五逆也母固母我謂出論語彼具云子絕四母意以道為度母必用之則行捨之無不可母我唯道是從儒教尚乃抑制我心而從於道實無我執也況出家者乎不可虛言無我而無實行也識業非有蓋目有病空則有花花□實非也分下謂分見真理分際妄業也如磨鏡者不了實業非實迷於理機如世磨鏡不及顯明也不識宜畔畔田界也言不識理機之限齊耳若樂下

●觀字疑制

如律修事懺。但除違制罪。業道不除。又修大乘事懺。業種未除。果在有漏。若修理懺。是出世無漏之福也。二觀。卽人空法空二觀也。對我下二句。釋人空。謂以推析能觀之智。破色明空。但見虛妄。構立我性。何在觀至極微分別。不可得處。留一隙。故云唯見是塵。至此名爲勝義也。對陰下二句。釋法空。謂觀五蘊之法。本亦空寂。一一推求。法亦有故。云但唯名色求人下結。示既能析色見人法二空。乃小乘性空行。事生滅觀也。

空識爲本者。卽相空唯識二觀也。觀境心外語。卽空猶應隱淺了境。唯識乃深也。謂大菩薩了境非境。體唯是識。是知三界唯心。萬法唯識。如別指凡聖行法中。

結正卽夷殘等當聚別類。卽六聚中各有種類。如摩觸是姪種類。等深褒褒聚也。謂將別篇聚而同懺也。此除疑者。恐言不學不知。故不犯所謂不以無知故得脫也。以下若常懷持奉不憶而犯。此方開耳。遠願初受時。願心也不下。由不學故迷。非心迷也。心

不緣境。謂不緣著正境。如人作杌木想等。鄉下如緣初識。謂非人境是不學。故不識。非曰迷心。源下雖是不學之人。本迷故。境想亦開。持犯云但迷非學了。故佛一切開。又豈止學人耶。故云斯亦免也。

止免六聚。只免違制罪也。終須慧觀。卽業道任自靜思也。如上卽前云增上忍中。相似無漏。惡道女報。方得不受也。

道猶尙可言。此生不得證於聖道。猶且庶幾尙可當來之報甚畏。故云奈生報何。阿鼻脂亦云何。鼻至梵音轉也。

都無覆。今師約正懺時。無一念覆者。卽開不同古人。從犯後無一念覆。方開。覆緣不成。如有迷忘等。是有下出古義。若下今斥。未必如緣。如須提那子。因本二犯改制。豈可後犯亦約本二。故曰何問新舊。

對下二篇言。此須盡露下。得將一乞餘未盡懺者。亦開若生如人之再生也。戒身卽戒體離合。或各別行覆。或將覆衣長者。總行俱得。蹊術蹊小徑。術亦道也。隨夜謂隨逐夜結。隨隱日或一日一夜。乃至百夜。

或從清淨已來一二年等行補昔日之覆也。伏折伏也。屈誠也。以見下釋僧意。言犯罪甚易也。根本若望前覆藏等行。此殘正是根本正障。障於清修也。

與行加奪卽三十五事奪行法也。抄下若抄出排列。則增繁卷軸。故且略也。名如戒疏。彼云偷蘭名大遮。言障善道等是也。委付指文如大鈔詳委是也。

必對下顯捨墮須五人已上也。貪慢如長衣是貪犯。離衣是慢犯。又三十是畜用失。方九十是造作乖方。對證卽但對一人單提之罪卽滅也。

與人布施與人也。捨淨要來僧中捨已方可布施。捨遺捨財遺物也。非染調非法染汚之財不可作三衣。數下卽著著結罪。欲使行人離罪緣也。五種卽注遺與人乃至說淨等。

三境卽注中僧若衆多若一人也。問下上云若欲洗。機非別能除制。僧爲境對之生愧。能絕後犯。今對別人何名殷重羞愧耶。界還僧法者。界內有僧還須對僧作法。無人方開唯制下。若唯制對僧不開別懺者。

能懺之人極多。所懺之僧難得。思懺成淨無由也。故隨下卽隨方所有僧對僧懺。無僧對別如現下釋同犯。義各有所集。隨自然法界集也。

如上卽前辨僧體中對別盡集者。雖許捨財對別亦復盡果集人懺罪別。衆者謂制捨財必在僧懺罪。但對一人也。

有人下此師要捨財悔罪俱須在僧。以因財而生其罪。捨懺當須符合。豈可捨財在僧。捨罪在別耶。彼人卽初師因捨卽懺。謂因捨財在僧。卽席懺罪。既在衆中懺主不敢輒受。故秉白和僧不妨其罪。獨對懺主一人。故云故罪別除。若財事用盡者。今財體既用已盡。但懺本墮何須更集僧耶。

前人指次師謂聖制於戒本中前列者。只爲此罪。乃因財事貪畜及慢情過固重罪。亦須僧懺也。如下舉例斥非若云衣財用盡不可對僧。且如綿衣斬壞。寶對俗人並捨非僧。何故悔罪亦對僧耶。

若爾下云蚤綿二寶須對僧懺。何故律中不別出答。下以前衣事對僧而捨。遂說對僧悔罪。今此蚤寶捨。

不對僧放律略其對僧捨罪之文也。豈可文略便不對僧懺罪耶。本律既略故引十誦多論之文並制僧中明矣。

若爾下捨墮之罪制必在僧未審畢墮亦通合懺否。答下謂九十設因財事或犯與此三十貪慢之心有異約心則輕重兩分約罪則同是一墮故許合懺也。問下約罪既同何分輕重答下三十貪慢之心作業既重故制捨財捨罪捨心。心若不捨二捨不就故對勝境僧中悔也。約罪約報豈有其異並用三說對悔也。

二定受衣順下解文合在第三列文倒也。二離即聚落一宿離。蘭若六夜離。六年作新臥具未滿六年持不據坐具俱下。凡是受持者則不須說淨及捨也。隱囊謂合綵彩作囊內軟物於中以隱韋也。輕重儀云隱囊如意正作隱囊。上音脚即草履也。下音末即肚鞋也。尼衣等取販賣餘衣也。皆爲有過不應淨法。

主無即所寄物人命過也。邊表謂邊方無人可對聽入手十日後方有犯長也。亦得共分去謂三三人共呼。

有一段之物既未分破不知何者屬我耶。

本不淨財以不淨故設受不成既不成受離亦無過故不須捨爲界下出四礙也。上定三位卽定長財定餘捨定受衣也。隨處各捨以彼此皆是僧故又有重還義故不須集也。

捨心淨由作決捨心斯成淨也。還衣未說謂衆僧還衣竟未及說淨還見遺忘長衣通皆被染也。皆依後捨但將後忘者入捨不染已捨財也。

兩犯初見忘財便謂我物卽是貪染一犯也。輒指施人不將入捨二犯也。問下實有遺忘之財而意謂無律開成捨界中有僧謂無應同成法答下衣財非情不礙成捨界內有僧心自謂無失於檢教故不可一例也。須宿淨心者要經宿還也得罪犯缺衣壞儀之吉也。量時或僧難集當席還之鈔中指懺六聚中故論指多論如注所引三相衣捨悔罪心斷遠行謂懺罪比丘忽有遠行之緣亦聽卽席還也。非望送者謂心非所望彼忽自送也。

文成捨意若無捨心者僧不還彼應須犯重由彼捨



故僧但犯吉故下云捨財用非重是也乃本律分通大乘五義之一也

請主即請懺悔主立誓要期要即期也用盡或壞或盡也雖無衣財可捨懺罪亦從僧乞是同故曰本罪亦隨隱入初謂衣財用盡心藏本罪則同九十更不須集僧乞懺此文照之欠僧之義為正矣上殘釋上有殘段不捨之義也

多下雖牛嚼等衣或有尺寸須捨上引十誦五分火機等衣不須令者必是碎壞不入尺寸也受用犯衣謂受用犯捨隨諸衣而吉羅今將吉羅與墮罪同懺此僧祇異聚許合懺有人依誦僧祇故云不成以下正出四分異聚不許合懺

多列指注中委引律文為今世人多言所對但不同犯亦聞受懺此古義也同犯不同犯雖殊非淨之境是不合向彼懺獨必兼命難方始開耳此今義也以經下明閑緩從容之時不得向有犯者懺悔當須知識清淨之者能生我之勝心乃可耳

豈唯前境者言豈獨前境是淨抑又行人對之便發其勝心耳且如僧殘尚須多人為勝境方發行人勝

●疑疑元

心也必欲下欲往彼懺卒乃橫屍雖未及懺許成清淨此乃托彼勝境因心又督也準此下謂內關於外境勝心殷則其罪可滅也及此徒行懺法罪無由淨故不可不選

具兼偷闌者以懺偷闌亦謂懺主故非有謂有者此說能懺之漫也覆說二過覆即覆藏說即說戒默妄等罪犯者無知非說不曉誰具生知之理也三品為本即上列根本覆藏說戒默妄及着用犯也九品謂於上三品上各有初夜覆藏一品并隨夜展轉二品也先懺方便即六品吉也二覆一根本覆藏二默妄覆藏并善用共三品也如鈔即懺篇若檢下凡受人懺罪先須檢問覆藏等罪有先懺無則但懺本墮故大師云勿誦常語令他繁憤也答云善立誓也名實實即體謂依文謹誦即失所犯之名及罪體也惡數破戒之惡恐及非數今不懼罪責非數之過故說無耻故曰覆墮下世無幾

如文者自責是第六答言爾是第七立誓別過私過也明即明日也輕他即呂僧也別業各自有緣也

●有疏作是

四句一多而易集二多而難集三少而易集四少而難集。知識彼之親友也。如論即多論。蓄心斷當日得財是也。無累礙即捨心斷也。兩指即注中兩指同上是也。

雖有財事即九十中亦有因財事犯者。但非制捨耳。○釋雜法住持篇第十

流通者流行通行正法於萬二千載使不墜于地也。凡有五種流通具如戒疏。裔衣末也。葉枝葉也。通目末世比丘耳。佳運釋迦一化之時末分三分中此當末也。

念法如念日月是知布薩遠近緣身而求即收食處。乃至康羸等五次下釋種種俱名念義。除蓋蓋則通收五蓋等前後前即食前後即非時表非法相表去非就如也。

道素素謂清素或可作表後緣即聽捨去別擇師也。友成假朋友琢磨以成其器末有不須友以成者也。寫行去寫法律正行也。又使比丘依言起行也。還禮云八十日還康成云還憶忘也。

●舞入焉

泌部即泌州部謂部屬綿上縣名。鸞巢村名前輕後重謂前但兩卷後增二倍前重後輕以前義門廣曰前重而後多略是後輕據理下此大師之譏也。言前後雖曰重出據理義則未之有。聞若論附詞則始終炳煥也。無嫌下莫後之覽者無嫌不至隱悉也。法事已備矣。

始宋皇祐三年辛卯終癸巳正月十三日於淨住清思堂解畢時年四十九。記已成惟願將此善緣莊嚴淨國壽終此土蓮華化生見佛證真廣度群品後之覽者知我志焉。


四分律隨機羯磨疏正源記卷第八終

正源之興其來久矣。巨宋皇祐間真悟智圓律師草創製造釋羯磨疏也。妙通宣和年遊學錢塘無相真教律師講疏多不用記師云正源無板寫多錯謬所以不用尋以兵火懼衣恨水西崑因律師以記主傳授之記敷演記主付玩其記頗詳嘆乎


●平一作平


茲文流傳經久未嘗刊板。三豕渡河。四狙從欲。加以後昆談闊。其短不美。其長伊何。徒哉心行。若是負先德之訓導者也。況平記主心慧難測。身證莫知。蘊出倫之見彰。獨斷之才草創。戒業二記及諸記行世中。與南山一宗何異。荆谿光大佛壠之教。歟。妙通忝則來裔。擬廣南山之道。刊板行世。俾大部三記悉備。晚進免之異求。開記功成。聊紀歲月。聖宋紹興十八年戊辰後安居日。蕭山煥錫。妙通於會稽資聖講堂題。

























二初下 文解釋二	初 牒緣別釋十	二初 就緣通簡○	初 稱量前事二	二 法起託處○	三 集僧方法○	四 僧集約界○	五 應法和合○	六 簡衆是非○	七 說欲清淨○	八 正陳本意○	九 問發事端○	十 答所成法○	初 課名	二 先下釋注二	○二 法起託處二	○三 集僧方法三	○四 僧集約界二	初 標示	二 文下釋二
二注下 釋注三	初 分文	二初 下課釋二	初 先引文證二	二初 下後隨義開三	初 分文	二初 下隨釋二	初 釋三釋三	二或下 釋作法差別三	初 具單二	二 履合	三 結勸	初 文據義證	二言下 顯相通局	初 標示	二所 下課釋七	三 今下斥濫	初 通示	二小 下別釋三	初 小界
初 比丘	二 白衣	三 犯	四 事	五 事	初 人	二 法	三 事	初 示	二 有下 要釋二	初 引古 解	二 明今 解	初 數	二 初	三 如打 人	四 實打 法	五 阿長 打	六 威下 杵	七 論下 互	初 正明


初分示	二初下隱釋二	初作法界二	二就下白然界三	初釋德標	二聚下釋別相四	三文下釋後結	初聚若二	二蘭若二	三道行	四永界	五隱法和合三	初標示立意	二文下疎法解釋二	三有下破古不立	六箇衆是非二	初標指	二律下疎釋二	初標文顯意三	二悉下舉相列名二
二若下無場大界二	三若下在場大界二	初正明	二問答二	初問大界二	二問成場	初釋標	二初下釋相二	初不可分別二	二可分別	初示相	二普下斥非二	初總標	二若下別釋二	初三和三	二反下三別	初叙略示廣	二所下明廣所以	三而下顯餘不滿	初前二十八人二
二初	二初	二初	二初	二初	二初	二初	二初	二初	二初	二初	二初	二初	二初	二初	二初	二初	二初	二初	二初
釋妨	問答二	今解	古解	斥錯筭	二有下斥妄執	三中下結示分齊	初錯筭步限二	二彼下妄用他文二	初指古妄引	二今下顯今不同	初無難	二有難	初身和	二心和	三口和	初尼等四人	二十三難人	三三難人	

<p>初 總 標</p> <p>二 初下別釋四</p>	<p>初得滿不得訶</p> <p>二不得滿得訶</p> <p>三不得滿不得訶二</p>	<p>初 標 分</p> <p>二 四下隨釋二</p>	<p>初略示大數二</p> <p>初正示</p> <p>二今下就執二</p>	<p>初引彼所執</p> <p>二今下立理以破</p> <p>二文下依文隨解二</p>	<p>初不足諸相三</p> <p>初本宗三十二人二</p> <p>二餘下他部二十八人二</p>	<p>初 標</p> <p>二十下牒釋四</p> <p>初十誦十五人二</p> <p>二卽論三人二</p>
<p>初 列 釋二</p> <p>二通下結數</p>	<p>初二十二人體不足二</p> <p>二十下別住等六人緣不足六</p> <p>十九別住人</p>	<p>二十戒場上人</p> <p>二十一神足人</p> <p>二十二應沒人</p> <p>二十三離見聞人</p> <p>二十四所爲人</p>	<p>二律下後四人二</p> <p>初牒文釋</p> <p>二若下伸問難二</p>	<p>初 標 數</p> <p>二一下下列釋二</p> <p>初明前十人二</p> <p>二又下解後五人二</p>	<p>初通列五相</p> <p>二此下別示白衣二</p> <p>初對</p>	
<p>四二 攝 人</p> <p>初正明四</p> <p>二問答二</p>	<p>初叙問</p> <p>二引釋二</p>	<p>初引古師取當體</p> <p>二又下次師約須自言</p> <p>初問</p>	<p>二 答 通</p> <p>初答通</p> <p>二有下斥古二</p>	<p>初引彼所計</p> <p>二若下斥非顯理</p> <p>初正明二</p> <p>二凡下結示</p>	<p>初前三人三</p> <p>二四下後七人</p> <p>初列示</p> <p>二若下徵釋</p> <p>三又下簡蓋</p>	






初 陳 文 正 釋	二 引 下 明 成 不 相 三	二 今 下 正 取 諸 文 四	二 約 略 無 釋	初 約 相 蓋 釋	二 引 釋 二	初 叙 問	初 叙 問 生 起 二	二 問 下 他 部 二	二 自 下 問 答	初 正 釋	二 既 下 重 與 二	初 失 相 三	初 本 宗 二	初 諸 部 人 數 二	初 受 已 是 非 二	二 初 下 隨 釋 二	初 標 分	〇 二 欲 二	二 初 下 陳 釋 三
三 見 下 合 數	二 僧 下 陳 釋 三	初 叙 由	二 若 下 答 偶 互 三	初 答 約 人	二 別 答 二	初 雙 問	二 問 答 辨 相 二	初 約 處 明 失 二	三 離 上 二 人 相 爭 失 二	二 目 下 十 八 人 自 言 失	初 七 人 緣 隔 失 七	二 文 下 正 釋 諸 相 三	初 指 處 明 失	二 文 下 二 處 指 略	初 房 內 失 相 二	二 初 下 陳 文 隨 釋 二	初 標 示 失 處	三 一 下 釋 注 文 二	二 文 下 解 詞 句 二
三 五 分 八 人	二 十 誦 三 人	初 僧 處 十 人	三 上 下 通 結	二 一 下 別 列 四 文 如	初 總 攝	二 有 下 引 四 體 分 對	初 約 三 處 示 相	二 問 答	初 正 釋	七 明 相 出 二	六 戒 場 上	五 別 部 衆	四 外 道 衆	三 離 道	二 出 界	初 命 運	二 文 下 憶 忘	初 一 說	三 欲 濟 淨




○二就下別相二	○九問發事端二	○十答所成法二	○二此下就緣通前二	○二初下隨章別釋五	○二初相無二	○二初有無二	○二初先後二	○二初諸下隨釋二	○二初成難二	○二初廢立二	○二初諸下正釋二	○二衆多人法二							
二順情許請二	二事下叙通問	二文下釋簡辨三	二約四緣說隨	二問第四所難	二有下正釋二	二今下申今二	二法先後	二事先後	二第下正釋四	二初引諸本得失二	二上下明今家所立	初標分略示							
初事有先後	二云下法緣通別二	三下下誡勸	初明受戒二	二結下釋結拾	初引異計	二今下示通解	初對明衆法	二覺下例通別法二	初叙意	二但下別舉二	初對首	二心念	初五緣闕遺	二第下三緣闕成	三初下第一必具	四八下第八隨事	初總釋	二和下別列二	初井部師











釋四分律刪補隨機羯磨疏科卷一














初依文相解二	二就下重列諸門二	初標分	二初下隨釋五	初有無二	二通塞二	初標示	二如下隨釋二	三增減二	初標章	二有下正釋二	四成敗二	五釋疑二	初標章	二正釋四	八法有無二	初牒章	二有下正釋二	初初師定無法	二初師定有法二
初標章	二白下正釋二	初白文二	二初通示網緣	二俱下別明緣本四	初標示	二比下斥訛	三何下配釋二	四換下結語	初標章	二如下正釋二	初問法中召別	二問稱事成局	三問列二同所以二	四問多相不改	初立義	二如下引證三	初指前文	二又下舉現事	
初總舉	二如下別釋二	三種下結語	初第二緣本雙陳	二至下第四單牒根本	初義通	二約下文局二	初白二當法	二受下白四受戒	初引古不通增減	二今下明今有得不得	初明綱	二途下次示緣二	初約唐梵以明	二故下舉他部例三	初問答	二雖不牒羯磨二	初問	二答四知	初引相顯明不失








二後下隸緣加事二	初隸章科判	二初下依科別釋二	初標緣顯示	二就下依法結解二	初結二	二就下解二	初標章分示	二初下隸釋標文	○三攝食界二	初結淨二	二複淨○	初分門	二初下隨釋六	初制意辨名二	初制意立名二	二今下對明開制二	初標舉	二僧下正釋二	二列數定證三
二今解約緣明不偏四	五文下除結前後二	初點注	二五下引證	初釋結法二	二文下釋勝示	初正釋除結	二故下別示餘義三	初隸章分科	二就下隨文別釋二	初制意	二辨名	初引教明	二問答顯開二	初問	二答三	初約義答	二五下引文示二	三有下斥異解二	初樓越淨三
二十下引彼誤解	初通十誦	二僧下引文證	三問下伸問答二	四若下會異宗	初問次界二同須不	二問淨地不釋之意	初明村相	二善下通論文	三餘下指自然	初引二律	二有下斥異解二	初引古所立	二示今廣破二	初顯彼執略破	二今下準諸教度斥	初引他物文	二引開結文	初古解	二今解二






二初下隨科別釋五	初翻樂法二	初標列	二初下隨釋四	初明舊食器	二如下新器物三	二守誑法二	三罪通局二	初牒章分位	二前下隨位別釋二	初藥二	初標示	二據下列釋二	二	初標分	二初下隨釋二	初緣二	二後下法二	初際章總舉	二先下分位別釋四
二新下結顯	三前下對簡	三號不淨	四體淨二	初通列	二今下引示三	三有下斥非	初標章	二初下正釋三	初時藥	二餘下餘三藥二	初通明不加法	二若下別示加法二	初正示二	二此下結斥	初標示	二如下引明二	初引十誦通明四緣二	二多下引論別簡宿過	初正明
二僧祇	初僧祇	二僧祇	三四十分	初引文	二今下指蓋	三如下重判	初內糞自糞	二內糞自糞	三惡觸	初明非時七日三	初惡觸	二古下宿糞	三自下自糞	二四下引虛形反證	初明內宿二	初約人顯相	二故下引文示犯	二十下辨後三	初成觸二


初 內 宿	二 內 煮	三 白 羹	四 惡 膾	四 相 覆	五 淨 生	初 膝 分 文	二 初 下 隨 文 別 釋	初 制 意	二 處 人	三 淨 法	初 標 示	二 四 下 正 釋	○二 諸 戒 受 法 篇 第 三	初 篇 日	二 本 文	初 分 文	二 初 下 釋	初 標 題	二 就 下 列 法
二 同 答	初 標 處 時	二 就 下 約 人	三 上 下 就 食	初 正 明	二 同 答	初 問	二 答	初 列 多 種 法	二 僧 下 明 離 合 法	初 僧 祇	二 明 下 了 論	初 分 示	二 戒 下 隨 釋	初 釋 標	二 所 下 釋 注	初 膝 釋	二 不 下 願 意	初 分 位	二 就 下 隨 釋
初 具 戒 者 三	二 淨 人 唯 一	二 又 下 不 成 觸	初 正 示 四 緣	二 重 下 歷 句 料 簡	初 釋 通	二 律 下 引 證	初 四 分	二 僧 祇	三 五 分	四 母 論	初 引 論 四 句	二 疏 下 引 疏 別 釋	初 釋 諸	初 正 明	二 問 答	初 問 不 列 式 又	二 約 增 法 轉 難	二 釋 戒	三 釋 法








初分文 二初下標釋三 二告下發戒時節二	初標文標指 二多下引論正釋二	初正示時節 二凡下因明具戒	三三下相二 ○三受八戒法二	初標分 二初下隨釋二	初前三約義辨三 初釋名簡法二	二要期立志二 三功益之美二	二就下後二對文釋二 初分文	二初下標釋三 初標緣二	二正下受法二
初指緣境 二文下釋詞句二 三言下釋三授	初總示 二我下列釋五	初標指分文 二初下標文解釋三	初就相告令二 二餘下指略餘文	初顯正解 二有下斥異說	二多下簡法 二多下	二多下 二多下	二多下 二多下	二多下 二多下	二多下 二多下
四多 五三號三	初總示 二問答 三言下標釋	初正釋戒條 二初下料簡諸相三	初例通自誓 二多下辨遮性 三五下明七支	初明緣 二善下明兩惡	初多 二善生經	三智 四成論	初受齋日 二多下授法人	三飢下受儀 四又下月限	



初 標 分	初 乞 度 人 法 二	三 就 下 隨 章 牒 釋 二	二 此 下 示 通 兩 位	初 牒 章 分 文	○ 二 隨 相 辨 之 二	二 若 下 大 乘 三 學 二	初 小 乘 三 學 三	二 若 下 別 釋 二	初 總 示	二 三 下 釋 二	初 標	七 大 小 乘 相 決 同 異 二	二 但 下 釋 二	初 標	六 行 聖 道 行 二	二 凡 下 釋 三	初 標	五 行 凡 福 行 二	四 行 凡 罪 行 二
二 膝 釋 五	初 總 釋 五	二 二 下 釋 制 畜	初 釋 緣 起 二	二 應 下 隨 釋 二	二 分 文	二 至 下 定 意	初 戒 二	二 然 下 就 人 簡 同 異	初 約 法 明 同 異	三 今 下 釋 三	二 定 下 定 成	初 成	二 然 下 列 示 行 相 三	初 叙 難 勤 修	三 如 下 引 二 論 通 釋	二 今 下 明 凡 福 行 相 四	初 出 家 之 本	二 據 下 釋 二	初 標
五 受 鉢	四 乞 食	三 著 次	二 威 儀	初 懺 疑	二 問 答	初 正 釋 六	三 據 下 辨 三 學	二 斯 下 示 通 凡	初 明 修 證	三 離 下 結 指	二 一 下 列 所	初 標	四 若 下 營 事	三 若 下 多 聞	二 若 下 修 禪	初 明 持 戒 成	三 涅 槃 經	二 四 分 律	初 十 誦 律



[illegible]




釋四分律刪補隨機磨疏科卷三


○二授具戒法二  
 初課章分文  
 二初下隨文別釋二  
 初標舉衆名二  
 二就下隨緣正解○  
 初標分  
 二言下隨釋二  
 初釋標舉二  
 二二下釋列緣三  
 初標列章門  
 二初下隨章正釋五  
 三具下指廣如後  
 初列數顯相二  
 二通局不同二  
 三乘法差別○  
 四教被凡聖○  
 五舊緣多少○  
 初課章分科


餘杭郡沙門釋元照錄

初正釋三  
 二餘下指廣  
 初正明二  
 初總示  
 二初下列釋二  
 初體中五受二  
 初正明五  
 二有下斥異二  
 初引異解二  
 二明令斥  
 二就下尼中五受二  
 初正明五受二  
 初標舉  
 二初下別釋五  
 二以下總通七受  
 初例僧裁立二  
 二若下明神州元始  
 初邊方不成開  
 初叙顯傳  
 二中下釋名義  
 三如下明存梵  
 初善來  
 二破結  
 三破結  
 四邊方五人  
 五中國十人  
 初立理  
 二釋妨  
 初八敬  
 二二十衆  
 三遺信  
 四小年曾據  
 五邊方十人二  
 初正明今立  
 二有下斥古妄廢




初 膝 名	四 顯 法 前 後 二	三 約 受 優 劣 二	二 對 辨 同 異 二	初 約 緣 明 受 二	二 初 下 隨 位 別 釋 四	初 膝 率 分 位	○ 五 藉 緣 多 多 二	○ 四 教 被 凡 聖 二	三 如 下 引 論 通 示 二	二 八 下 重 簡 八 教	初 正 伸 問 答	二 問 佛 乘 善 來 三	初 問 兩 受 勝 劣	三 問 答 二	二 多 下 正 明	初 標 舉	○ 三 乘 法 差 別 三	三 上 下 括 諸 部 通 局	二 如 下 引 論 正 明 七
二 初 下 正 釋 三	初 標 舉	二 初 下 列 釋 五 文 知	初 標 舉	二 初 標 舉	初 正 明 四	二 初 下 略 釋 釋 歷	初 列 示 四 受 二	二 善 下 正 釋 四	初 標 舉	二 問 答	初 正 明	二 尼 下 尼 中 三 釋	初 僧 中 四 釋 四	二 此 下 通 釋	初 列 示 二	七 了 論 九 釋 三	六 俱 舍 十 釋	五 雜 心 十 釋	四 母 論 七 釋
初 就 緣	四 八 教	三 三 語 結	二 破 結 來	初 善 來	四 若 下 釋 歷	三 破 結	三 八 下 重 簡 八 教	二 別 問 三 語	初 通 明 二 受	二 三 語 八 教 三	初 善 來	四 廣 釋 歷	三 略 釋 歷	二 三 釋 來	初 善 來	二 獨 下 釋 自 證 二 受	初 釋 依 他 七 受 二	三 於 下 結 通 局	二 一 下 別 明 二







○四出衆商法二									
初標分	二初下正釋二	初定其思審	二將下依教列問二	初先以義引二	二正消文相○	初分文	二初下總釋五	初制簡淨意	二正釋名體二
初標章列數	二初下正釋名體二	初釋名八	二初下定體二	初標分	二初下隨釋二	三得名版立二	初標舉	二先下正釋二	
三級下定其言詞									
初邊釋二	二壞尼	三賊住	四破內外道二	五黃門	六至十五遮四	十一非人畜生	十三二形	初正明答	二初問
初依名定體二	二初下辨離合二	二初問下釋二	初問邊逆離合	二引諸師義解三	初非下釋二	初			
二初問	二初正	二初自下	二初正	二初問	二初轉	二初殺父母	二初殺阿羅漢	三破和合僧	四出佛身血
初約遠教有無釋	二約離合繁嚴釋二	三約簡俗不具釋	初正	二若下轉離	初約四義釋	二又下約三義釋	初問答	二轉離	二初







五 父 母 聽 四	六 負 三 債	七 奴 僕 二	八 官 人 二	初 簡 位 明 制	二 僧 下 引 教 誨 相	九 丈 夫 三	十 諸 病 二	○五 白 召 入 衆 二	初 標 分	二 初 下 隨 釋 三	○六 明 乞 戒 二	初 標 分	二 初 下 隨 釋 二	○七 戒 師 和 問 法 二	初 標 法	二 問 答 二	○八 正 問 法 二	初 標 分	二 注 下 隨 釋 二
三 今 下 明 須 不	四 有 下 顯 摩 合	初 標 釋	二 僧 下 引 示 二	初 明 人 奴	二 五 下 排 佛 僧 奴	初 總 示	二 善 下 別 釋 二	初 釋 立 處	二 文 下 明 立 意	二 法 三	三 債	初 債	二 初 下 隨 釋 二	二 初 下 隨 釋 二	二 初 下 隨 釋 二	二 初 下 隨 釋 二	二 初 下 隨 釋 二	二 初 下 隨 釋 二	二 初 下 隨 釋 二
二 何 下 顯 意	三 律 下 點 示	二 問 答 二	初 問 例 借 衣 四 句	二 問 開 胎 問 前 後	初 癩 癰	二 五 下 顯 狂 病 二	初 引 示	二 今 下 斥 非	初 今 下 斥 非	二 有 下 他 解	三 如 下 示 異	初 正 示 異	二 僧 下 示 異	初 問 答 釋 通	二 若 下 引 事 例 難	初 膝 釋	二 文 下 結 語	初 膝 釋	二 此 下 通 前 三


初釋緣	二列下釋問二	初釋重難三	初指前重誠	二就下通示問詞	三就下正釋難相二	初釋名顯相七	二然下諸部同異二	二大下釋經述二	○二大下釋法二	初釋標分	二就下隨釋三	初戒緣二	二次下正加法二	三僧下總結二	初正釋結詞	二廣伸問答四	初問戒發時節二	二問法覺通三性二	三問安居不同戒
十惡心出血二	十一非人三	十二畜生	十三二形	初示名	二約下顯相	三曾下斥非	初標示	二汝下釋經二	初標指	二引下釋經三	初標舉	二單下正釋二	初問答二	二初引他解	二今下明今解	初問答二	初引論立義二		
初明有無	二有下引他解二	三故下結示	初約現相釋	二有下據毀壞釋	初明差問唯同	二制下明列相同異	初示名字	二奴下釋餘相	初明引論之意	二文下釋起惡心	三此下釋正發戒法	初白中問答	二後下釋應竟處	初正解	二若下釋妨	初引彼所執	二解下示今攝破二	初約義正破二	二故下引文証成







<p>二陳體狀二 三列異執○ 四顯正義○</p>	<p>初 二盡下釋三</p>	<p>初克定名體 二多下指體通標 三先下依宗別釋二</p>	<p>初假名宗二 二實法宗○</p>	<p>初正示體相二 二引諸文證成三 三離作成立色</p>	<p>初引成論二 二故下引涅槃經 三下十住發沙論</p>	<p>○二實法宗二 初標章叙起 二初下依位別釋二</p>	<p>初別分六位六</p>
<p>初標宗 二言下依釋二</p>	<p>初作戒體二 初舉名標示 二或下諸師定體二</p>	<p>初約色心為體二 二約方便色聲為體二</p>	<p>初約論正立 二問答遮難四</p>	<p>二無作體三 初通示名體 二言下別釋二非二</p>	<p>初釋非色 二釋非心 初證非心二</p>	<p>二故下證非色二 初 二二下釋二</p>	<p>二此下釋三</p>
<p>三今下顯正 初約論示體 二若下立理遮妨</p>	<p>初五應非犯難 二違前心助難 三違前心證難</p>	<p>四聲非相續難二 初正問 二伸答三</p>	<p>初約要期釋 二約斷續釋 三約互證釋</p>	<p>初引初殘 二又下引後殘 初引前問答 二引後問答</p>	<p>初約義以釋 二故下引教以證 初總束三色 二今下正配二成</p>		






























釋四分律刪補隨機羯磨疏科卷三

二說下釋四依三

初偈第三不同

二如下引僧祇通示

二就下釋後四重

初總指同前

二就下別釋後成三

三言下釋虎吼三

初釋義

二多下點字

釋四分律刪補隨機羯磨疏科卷四

釋四分律刪補隨機羯磨疏科卷四

○三次棄受淨篇第四分二

初篇目

二本文二

初叙來意

二就下就文釋二

初約文總判

二初下隨位別蒙二

初制門二

二聽門〇

初受衣二

二受鉢〇

初五衆受衣法二

二受坐具法〇

初分文

二就下隨釋二

初明衣緣本制二

初標分

二初下隨釋十

初制諸三次意二

初制意三

二上下釋名二

初標指

二如下略釋二

初叙本無翻二

二今下隨義別顯二

初惡例示意

二如下引教以釋二

初釋通名六

二至下示別名二

初指廣

二故下略釋

二文下求財法二

初明乞求清淨二

二雖下明財證如法

初釋捨墮物

二及下釋邪命二

初本律二

初示本義

二始下明重制

二文下僧祇二

初引釋

二餘下指廣

三如下多論

初釋多譯之意

二如下引現圖以示

初大衆經

二賢經

三四分律

四其師雜記


五法華經

六世傳


初惡相以釋


二如下引文以示二

初引經明淨心









































二 本 文 二	初 叙 意	二 初 下 隨 釋 二	初 經 分	二 初 下 隨 釋 二	初 以 義 分 二	二 就 下 就 文 解 六	初 二 部 僧 得 三	二 二 部 現 前 五	三 時 現 前	四 非 時 現 前	五 時 僧 得	六 非 時 僧 得 二	初 總 分 文 指	二 其 下 別 示 亡 物	○八 儀 六 棄 法 篇 第 九 分 二	初 篇 目	二 本 文 二	初 叙 意 生 起 三	二 將 下 分 章 釋 二
二 初 下 隨 釋 四	初 定 時 非 時 體	二 分 諸 相 不 同	三 作 法 有 無 二	四 位 例 差 別 二	初 經 示	二 初 下 正 分 三	初 約 部 分 意	二 二 下 互 無 互 受	三 釋 下 僧 得 名 相	初 通 示 施 法	二 與 下 與 尼 非 次	三 行 下 與 治 罰 人	四 沙 下 與 下 衆	五 守 下 與 守 寺 人	初 叙 有 犯 須 僧	二 今 下 斥 無 知 自 矜	三 故 下 引 聖 言 勸 勉	初 標	二 凡 下 釋 三
二 有 下 隨 釋 三	初 三 種 現 前	二 三 種 僧 得 二	初 正 明	二 有 下 辨 異 二	初 引 他 計 二	二 今 下 明 今 解	初 立 義	二 釋 妨	初 總 分	二 就 下 別 分 二	初 檀 越 施	二 第 下 亡 僧 物	初 生 罪 因 緣	二 既 下 嚴 逼 立 僧	三 據 下 釋 名 示 意	初 引 二 文	二 故 下 引 他 解	初 叙 問 二 開	二 答 釋 二





二就下九十單提	初 標 分	二就下隨釋三	初五人已上僧法二	二四人已下對首法	三一人對首法	初 分 位	二前下隨釋四	初 拾 財二	初 分 文	二就下隨釋二	初約義辨定二	二文下隨釋三拾	初約物辨須不三	二二下對忘明成不三	初 明 成 不	二有下斥異執	三問下通疑妨	二 拾 心二	三 拾 罪二
三言下通僧別	四界下分一界	二二下捨僧所爲二	初用僧便齊二	初正示人數	二有下辨定須不四	二就下正釋捨財二	初 標 分	二初下隨釋二	初辨須不二	二就下釋捨僧	初 標 列	二就下隨釋三	三上下結示	初 定 長 財二	二已下定餘捨	三受下定受衣	初 標 示	二就下隨釋二	初釋句教二
初初師立義	二有下次師難破	三彼下初師難破	四前下次師再破二	初 正 破	二 釋 難三	初難難實不列	二難九十通合儀	三難合儀無輕重	初 難 儀	二一下列釋五	初 難 受 持	二 難 重 物	三 難 供 具	四 難 犯 別 通	五 難 淨 有 緣	初 難 釋	二初下別釋二	初合釋初一句二	二別釋第三句

釋四分律刪補隨機羯磨疏科卷四終

初 列 緣	二 就 下 緣 釋 二	初 離 明 前 五 五	二 六 下 略 示 後 二	四 還 次 二	初 標 分	二 初 下 隨 釋 二	初 即 座 轉 付 二	二 後 下 即 座 直 付	初 前 緣	二 就 下 作 法 三	五 微 提 舍 吉 羅	○第三雜住持篇爲流通分二	初 篇 目	二 本 文 二	初 標 示	二 夫 下 膝 釋 二	○三 曾 下 批 記
二 下 下 釋 諸 部	初 乞 儀 三	初 略 釋 乞 法	二 若 下 無 財 膝 儀	三 若 下 異 部 不 同	二 諸 主 三	三 白 和	四 說 罪 二	五 捨 罪 二	初 僧 多	二 疑 集 行	三 違 行	初 叙 意 分 文	二 就 下 隨 文 別 釋 二	初 行 護 流 通 二	二 後 下 違 教 流 通	初 總 舉	二 初 下 別 釋 五
初 正 釋	二 問 答 釋	初 膝 釋 引 類	二 登 下 引 類	三 準 下 準 決	初 隨 有 說 示	二 如 下 善 問 說 約	初 釋 緣	二 正 下 示 法 二	初 總 舉	二 初 下 正 釋 入 文 如	○三 上 下 總 結 正 宗	初 六 念 法	二 兩 覆 白 法	三 作 餘 食 法	四 師 資 相 攝 法	五 有 障 止 作 兩 犯 法	